



BIBLIOTECA NAZ.
Vittorio Emanuele III

XXIV

D

16

NAPOLI



THE UNIVERSITY OF CHICAGO

HISTORIÆ PHILOSOPHIÆ SYNOPSIS.

S I V E

De Origine, & Progressu Philosophiæ:
De Vitis, Sectis, & Syſtematis
omnium Philosophorum

L I B R I _ I V.

JOHANNI V.

LUSITANIÆ REGI, &c.

D I C A T I

AB JOH. BAPTISTA CAPASSO

Phil. & Med. Doct. Neapolitano.



NEAPOLI,
Typis Felicis Muscæ, An. MDCCXXVIII.

SUPERIORUM CONCESSU.

Bibliotheca Domus professor. neap. for Jura

*Quidquid de re bona dilucide dicitur, mibi præ-
clare dici videtur: istiusmodi autem res
dicere ornate velle, puerile est: plane au-
tem, & perspicue expedire posse, docti,
& intelligentis viri.*

Cic. 3. de Fin.



... ..

the Mathematical Monographs,

a 2

grat.



Imperium Furoris terminat Oros

JOHANNI V.

SERENISSIMO, POTENTISSIMOQUE

LUSITANIÆ REGI, &c.

CHRISTIANÆ FIDEI PROPAGATORI AUGUSTO

SCIENTIIS, ET VIRTUTIBUS INCLYTO

BONARUM ARTIUM, LITERARUMQUE OMNIUM

IN ALMO LUSITANIÆ REGNO

REDUCTORI, ET REFORMATORI

LITERATORUM PATRONO GENEROSISSIMO

MECOENATI SUO OPTIME MERITO

JOH. BAPTISTA CAPASSUS

HISTORIAM PHILOSOPHIÆ

PERPETUUM GRATI ANIMI TESTEM

D. D. D.



U I D Tibi, Rex Augu-
stissime, pro immortalibus
tuis. in me, fratremque meum
P. Dominicum Capassum Soc. J.

tui Mathematici honore insignitum, beneficiis,

a 2

grati

grati animi, atque observantiæ testem offerrem, diu, multumque mecum cogitavi. Cum ecce mihi in mentem venit, omnemque incerti animi sollicitudinem abstulit, Platonis, præstantissimi Philosophorum effatum illud, Optimam esse Remp. in qua Philosophi regnent, vel Reges philosophentur. Quapropter pergratum quid me Tibi facturum duxi, si pro tot, tantisque tuis in nos promeritis SERENISSIMUM BRASILIENSIMUM PRINCEPEM, Filium natu maximum, in Philosophicis instituerem; ut ad Regnorum regimen (quod serius contingat) omnibus, quæ perfectissimum Regem deceant, virtutibus instructus valeat pervenire. Philosophiæ tamen præcepta non ex unius Philosophi, sive ex veteribus, sive ex recentioribus, fonte Sibi haurienda existimavi, sed ex omnibus, ut quidquid boni, & rationi, Religionique consonum in ipsorum singulis perpenderit, seligens, ex omnibus Philosophiæ Systematis unum, optimumque Sibi propositum habeat. Verum cum duo ad optimum quemque Principem constituendum necessaria sint, Philosophia, quæ præceptis suis mores componat, ac sapientem efficiat; Reges enim, & Principes non sunt ii, qui sceptrum tenent, sed qui imperare sciunt: & Historia, quæ virtute præstantium actiones imi-

imitandas proponens, Prudentiam, quæ omni Principi, ut anima corpori, necessaria est, doceat; Historia enim si adsit, ex pueris facit senes; sin absit, ex senibus pueros; operæ precium me facturum esse existimavi, si uno hoc Libro utrumque Optimo Principi, qui Tibi præ Regnis omnibus & naturæ lege, & præclaris suis moribus, carissimus est, præstarem. Hanc igitur Universalem Philosophiæ, & Philosophorum Historiam compendiariam, à me plurium annorum spatio, & labore non parvo ea tantum mente concinnatam, ut SERENISSIMO PRINCIPI, ceterisque Regiis Filiis, quantum mihi pro viribus licuit, erudiendis prodessem, oro, REX MAXIME, ut benignus accipias, ac futurum confido, ut sicut Lucius Lucullus, alios plurimos ut omittam, præstantissimus Imperator Historiarum lectione, & Philosophiæ præceptis factus est; ita præclarus tuus iste Princeps, tua cura, & sollicitudine in optimis quibusque liberalibus artibus eruditus, per hanc Philosophiæ Historiam, quæ in tuo Nomine, à me semper plurimumque honorando, lucem videt, Tibique pro grata beneficiorum memoria sistitur, ac dicatur, in eum Regem evadat, quem omnes admirari possint, & imitari. Neque inficias ibo, Regium tuum optimumque Filium domesticum exemplum habere ad imitandum:

dum : in Te enim uno Numæ Pompilii , **secundi**
Romanorum Regis , Pietatem , & Religionem ,
ac penitus aversum ab omni bello animum , pacis ,
tranquillitatisque amicissimum posset ediscere .
Enim vero eximium tuum , ac singularem ad no-
stram veram , Sanctam , Catholicamque Reli-
gionem propagandam amorem , quo præ ceteris
præclaris dotibus animus tuus , in hoc verè Re-
gius , decoratur , sæpius ostendisti . Testes sunt
magnifica Tempia , à Te summis sumtibus erecta ,
& splendidissime ornata ; quorum unum , vel
alterum memorem : quod scil. Divo Antonio ,
Thaumaturgo Lusitano , vulgo Patavino dicto ,
ingenti mole , mirabilique architectura erexisti ,
selectissimo marmore ornatum preciosis donis cū-
mulaisti , ac pro suscepta Prole dicasti , quod nulli
ex præcipuis in Europa secundum uno ore fatentur
omnes : & Patriarchale in Regia tua Ulyssiponensi
Aula extructum , amplissimo censu ditatum ,
plurima , preciosaque sacra supellectili ornatum ,
maximis , ac singularibus Pontificiis Privilegiis
insignitum , & undique tam mirum , ut non ultra
pia , Regalisque munificentia ascendere posse vi-
deatur . Sacri etiam Ritus , ac Cæremoniæ , quo-
rum Tu amantissimus , ut recte isthic administra-
rentur , ne dum à Summo nunc Regnante Ponti-
fice , tunc vero Beneventi Archiepiscopo Cardi-
nali

andi
em,
cis,
re.
no-
li-
is
-
nali Ursino, expetisti, ut quales illic, ubi optime quam alibi, fierent, exscriptos ad Te mittendos curaret; verum etiam vel primum de illis magistrum, qui Romæ degeret, accitum Ulyssiponem adduxisti, & amplissimo stipendio donatum isthic detines. Atqui non ultima eximiæ Pietatis, Religionisque tuæ hæc laus est; omnium enim maximam eam duco, quod ad Christianam Fidem longe lateque ad extremum usque Sinarum Imperium propagandam, nec curis, nec laboribus, nec maximis etiam sumtibus pepercisti. Quare, ut præclara tua alia ad id facta præteream, non ita pridem nobilem virum tuo Nomine Legatum ad magnum Sinarum Imperatorem misisti, ac insigne donum, quale & danti, & accipienti par esset, Arma scilicet, Argentea Vasa, splendidissimas Vestes, odorum Magmata, Telas Aureas, & ut verbo rem absolvam, omnigena preciosa: quibus, & Legato duæ cohortes nitido amictu, novemque Divini verbi Præcones, ac nostræ in ea Regna Fidei reductores, ex inclyta Soc. J. doctissimi, comites accesserunt. Hæc autem omnia eo tantum consilio pie illacrymans mittere dixisti, ut his donis, ac legatione, Sancta Christi Fides in ea Regna, unde extorris jam fuerat, gloriosa rediret, radicesque in eis figeret validiores. Quam singularem in Christiana
nam

nam Religionem Pietatem à JOH. III. progenitore
Tuo, immortalis memoria digno, una cum san-
guine in Te traductam fateor, cujus nomen, do-
ctrinam, & sanctimoniam sortitus es. Hic enim
anno 1540. Pauli III. Pont. Max. concessu Divum
Franciscum Xaverium cum Socio ad novas Indo-
rum gentes mittendum curavit, ut Christi Fide
imbuerentur. Altera etiam Numæ Regis præcla-
ra animi dos in Te, REX OPTIME, refulget;
quod scilicet ille belli osor acerrimus, Romanam
gentem pugnacissimam, bellicque cupidissimam
ad pacem reflecteret, acceptumque Imperium
Religione, atque justitia gubernaret. Tuus enim
animus, quia liberalium artium studiis deditissi-
mus, quàm pacis cupidus sit, vel tui dicant po-
puli, qui jure merito hoc semper de Te prædi-
cant:

Ducere Tu nobis das lata per ocia vitam.

Quod si quandoque bellum, Te Regnante, tuis
armis susceptum vidimus, hoc nonnisi ad imma-
nem Turcarum gentem debellandam, ac Christi
Religionem fartam, tectamque servandam indi-
ctum fuit. Qua perfida hostium gente, tua potis-
simum classe, debellata, sumtu vero infinito,
Italiæ quies per Te parta est. In Te etiam uno,
nec ignoro, M. Antonini Philosophi, Lycurgi,
Solonis, M. Catonis majoris, Ciceronis, & his
simi-

similium, doctrinam, justitiam, integritatemque mirari posse SERENTISSIMUM PRINCIPEM; aliosque secum fratres, in hoc plurimum fortunatos, quod tanto sint Genitore prognati. Ex Te ediscere poterunt Regiam Academiam Historiarum fovere: cujus primam institutionem, quæ in Regnis aliis ad hujus instar conditæ sunt, Tibi referunt acceptam. Ex Te denique eos, ut paucis me expediam, liberales artes, Mathesin præcipue, quam Tu summopere colis, tueri, & ad tuæ gentis utilitatem in tuis Regnis promovere; nam

Te Regnante tuis redierunt Palladis artes:
literatos viros complecti; & tandem omnes omnium Philosophorum, optimorumque Regum virtutes habere posse, ultro quidem verum fateor cum reliquis. Sed ut optima quæque remedia continuo usu recepta, segnius insuetis in corpus agere novimus; ita pari ratione domesticum quodque exemplum, nostris oculis jugiter objectum, minorem quandoque vim habere ad animum commovendum, quam quod rarum ex aliis, non semel adnotavimus. Si vero domesticis, atque continuis, aliena, & insueta accedant exempla, fortiori stimulo animus ad virtutem concitatur. Hinc perutile Tuis, REX INGLYTE, me facturum existimavi, si scientias, virtutesque omnes, quas Ipsi in Te uno junctas

contemplantur, eas & in aliis, sparsim tamen,
ac divisim, in hoc Libro legant extitisse. Sparsim
extitisse dixi; nam

- - - - - *quæ sparguntur in omnes,
In Te mista fluunt; & quæ divisa beatos
Efficiunt, collecta tenes* - - - - - Claud.

Verum id unum præ aliis in Te omnes admira-
mur, quod cum Imperium tuum in quatuor Or-
bis plagas tam late pateat; Sol enim

Exoritur Regnis, occidit atque tuis;
Tibi tamen, tot, ac tanta negotia sustinenti,
Astronomicis observationibus, aliisque Mathe-
seos studiis vacandi ocium sit, ut totus in Regno-
rum regimine, & totus in Palladis artibus esse vi-
dearis. Jure igitur merito inclytum, & immorta-
le Nomen tuum

Imperium, Famam terminat Oceano.

Atqui ne tempus, Tibi vel in gravioribus nego-
ciis, vel in severioribus studiis infumendum, in
prolixa harum literarum lectione frustra teras,
finem faciam iisdem plane verbis, quibus Stilico-
nis laudes exorsus est Claudianus:

*Continuent Superi pleno sic vestra favore
Gaudia, successusq; novis successibus addant.*
Sic Deus Opt. Max. Filiorum tuorum Connubia,
felici omine inchoata, plurima Virili Prole red-
dat feliciora: *Dies super dies Regis adjiciat, &
annos*

annos ejus usque in diem generationis, & generationis. Tandem Te, REX GENEROSISSIME, oro, obtestorque, ut pro gratiis, quas Tibi pares nec referre, nec agere ego, fraterque meus possumus, hoc Historiæ Philosophiæ munus, specie quidem tenuissimum, sed grati animi, nostræque in Te observantiæ omni ævo testem futurum locupletissimum, Regia, qua soles; humanitate accipias; ac nos, nostrosque in potentissimum patrocinium tuum peramanter adsciscas.

Neapoli Parthenopes 3. Kal. Aprilis 1728.

JOHANNI V. LUSITANIÆ REGI

Potenti, Magnanimo, Pio, Felici.

Qua tibi non olim licuit tentare Vetustas;
Quo flaret nomen tempus in omne tuum!
Molibus impositas, ageris, juvet addere moles,
Quas mirata atas cernat, & obstupeat.
Nec Rhodii parcant operique auroque, Colossus
Immanis nomen consecret ut patriæ.
Mausolo exurgat post ultima fata sepulcrum,
Vlla dies avo ne memori eximeret.
Attollas non ante unquam conspecta theatra
Unius impensa, Scaure superbe, tua.
Quo tandem tanto miracula reddita sumtu?
Aggestave adeo quid potuistis opes?
Ultra non equidem quam fœtilis una lucerna
Aut Stoici, aut Cynici pallia Diogenis.
Hem qui non oboli unius domini, tibi Mida
Insultantque opibus, Cræse beate, tuis.
At Tu, quem colit & Tellus, atque inclita ab ortu
Solis ad Hesperium fama cubile canit;
Miratusque tuis longe stupet Indus uterque
Pavere insanam classibus Oceanum:
Et quibus in terris populos nox atra tegebat
Tartareo pressos tristia colla jugo;
Æthereum affulsisse jubar letantur, & Orco
Erepti jajam triste onus excutiant.
Hinc Tibi lata fides merito gratulatur, & optat
Terras imperio quaque patere tuo.
Tu quoque posthabitis opibus, Regnoque potenti;
Quis satis, atque super, Rex generose, nites;
Indulget sœpiæ studiis, & moribus aquis,
Parta quibus sceptro gloria magna tuo est.
Cur tua miremur posthac florentia Regna,
Quæ complexa sinu Pallas amica fovet?
Et quos Sancta Thémis stabili cum pace revincit,
Cur non quisque tuis invidet populis?
Ut rediisse Orbis jam sentiat Antoninos,
Nec priscos nobis decesse patres patriæ:
In Te igitur nostri stat maxima gloria Seculi,
Quodque futura canant, quodque imitentur, habent.

LECTORI PHILOSOPHO.



Aucis quidem, Benevole Lector, Philosophicae Historiae historiam enarrabo, ne longa; inutilique Praefatione, te ad Libri lectionem properantem in ipso limine intempestivus videar remorari. Cum viginti ab hinc annis Philosophicas Institutiones hic Neapoli studiosos juvenes docerem; aequum mihi visum fuit, Prooemii loco quaedam de Origine, & Progressu Philosophiae, clarioribusque Philosophis, Institutionum initio praefigere. Quapropter quotquot in celebrioribus nostra urbis Bibliothecis, maxima praecipue Valtettiana exstabant, libros de Philosophiae Historiae tractantes legi, sperans, me in ipsorum aliquo perfectam, omnibusque numeris absolutam Historiam inventurum; eam scilicet, quae ab Origine initium sumens, per varias Mundi gentes, aetates, & sectas, Philosophiae progressum, & Philosopharum ad nostra usque tempora Systemata demonstraret. Sed cum omnes spem fallerent; quidam enim de Origine pauca delibabant, alii de Barbarica Philosophia, vel de ejus parte aliqua, tractabant, plurimi denique de Graecanicis prolixius agebant; cumque, neque ex Magnis Lexicis Historicis, neque ex familiaribus eruditum colloquiis aliquem noverim, qui secundum hanc ideam Historiam Philosophiae confecerit; Tractatum ipse continuavi, in quo secundum praedictum ordinem, omnibus adhuc intentatum, Philosophicae Historiae veluti embryonem tradidi discipulis. Hunc autem imperfectum (non enim ultra Gratos erat) relinquere coegit tum mea infirma corporis valetudo, tum doctissimi Thomae Stanley edita, Anglica tamen lingua, Historia Philosophiae; verebar enim, ne secundum eandem ideam ipse suam Historiam contexuisset. Sed ut ipsam latine jam ab eruditissimo Job. Clerico versam statim habere curavi, Stanleyum (sicut & alios, qui speciosum hunc Historiae Philosophiae titulum libris suis praefigunt) non Universalem, sed Particularem Philosophiae Historiam, de Graecis scilicet tantum, prolixè tamen, & erudite nimis tractantem vidi, additis in calce quibusdam de Chaldaeorum, Persarum, & Sabaorum Philosophia, & Philosophis; quibus speciosissime Job. Clerici Notae, & Index Philologicus accesserunt. Quare imperfectum Opus statim perficere decrevi. Hoc igitur meum quaecumque Opus antea mancum, nunc vero quinque annorum spatio, & non

cur.

curta librorum suppellectili expletum, & tuo usui, ut potui, elaboratum, benignius accipe, Amice Lector. Si autem non satis, quod volui, sin affecutus; voluntas interea egregiam laudem meretur. Enim vero ut mihi summa essent omnia, ut Ciceronis phrasi utar, temporis tamen vix satis habui ad Opus tam grande innumeriorum pene librorum, longi, quietique temporis, sanae mentis, firmaque corporis valetudinis indigum, absolutissime, ut par erat, perficiendum. Sed

Ut desint vires, tamen est laudanda voluntas.

Ovid. 3. de Pont. Eleg. 4.

Si quis igitur feliciori, ὥς λόγος ἐστὶ, ovo natus omnia simul haec à Caelo dona nactus sit, quod incompletum meum est, compleat: mea enim mens ea tantum in bujus Historiae elaboratione fuit, ut doctioribus ideam tantum perfecti Operis, quod adhuc in literaria Republica non exstat, indicare. Atque hac quidem de causa Synopsis, sive Compendii verbum inscriptioni addidi, ut quidquid ad absolutissimam bujus Historiae perfectionem desit, supplere quis valeat. Atqui si ad me haec omnia praefatum, proptereaque benignius respiciendum, Zoile quisquis es, non commoveris; sed conviciari ulterius, & proscindere, pergis, scias, te & facillimam Provinciam suscepisse,

Nam facilis cuivis rigidi censura cachinni, atque illud porro agere, quod voluptati est pluribus. Qua in re, quod ad me attinet, nihil est quod tibi opportunius reponam, quam ut te cum pluribus relinquam.

EMINENTISS. SIGNORE

IL Dottor Fisco Giambattista Capassi supplicando espone à V. E. come desidera dare alle stampe una sua Opera intitolata *Historia Philosophia Synopsis*. Intanto priega V.E. degnarsi di commetterne la revisione à chi meglio le parerà, e l'averà dall'E.V. à gratia ut Deus.

R. D. Joseph Buonocore Praelector Philosophiae in Seminario Archiepiscopali videat, & in scriptis referat. Neap. 3. Januarii 1728.

D. ANTONIUS CAN. CASTELLI VIC. GEN.

D. Petrus Marcus Giptius Can. Dep.

EMINENTISS. ET REVERENDISS. DOMINE

IN legenda hac jussu E. T. *Historiae Philosophiae Synopsis* quantopere delectatus sim, nemo ignorare potest, quicumque scit, non modo quam sit jucundissimum Originem nosse ejus praeter ceteris eximia disciplinae, a quibus videlicet primum exulta, quibusque profecta initiis ad nostra usque tempora paulatim creverit, sed facta etiam distaque memoranda omnium, qui à mundi primordiis hactenus in ea floruerunt, Sapientum, quorum certe caetibus atque Academicis veluti interesse videbar, audire Sermonem, Virtutes intueri, tanta nempe solertia diligentiaque collecta, tantaque elegantia, nitore & gratia ab auctore eruditissimo & sapientissimo conscripta est. Nihil autem in ea offendi, quod vel Catholicæ Religioni, vel bonis moribus esset adversum; quin potius multa tum Veterum, tum Recentiorum egregia facta, sententias, responsa, digna profecto quæ & memoria teneant omnes, atque imitentur. Cum igitur non mediocrem ex hujus dignissimi Operis lectione utilitatem capere possint, e re publica futurum censeo, si typis edatur, ubi tamen ita quoque E. T. visum fuerit. Neapoli ex ædibus Seminarii xv. Kalendas Majas. MDCCXXVIII.

*Additiss. atque Obsequentiss. Servus
Joseph Buonocore.*

Attenta supradicta relatione Imprimatur. Neap. 20. Aprilis 1728.

D. ANTONIUS CAN. CASTELLI VIC. GEN.

D. Petrus Marcus Giptius Can. Dep.
EMI-

E M I N E N T I S S. S I G N O R E

IL Dottor Fisico Giambattista Capassi supplicando espone à V. E. come desidera dare alle stampe una sua Opera intitolata *Historia Philosophiæ Synopsis*. Intanto priega V. E. degnarsi di commetterne la revisione à chi meglio le parerà, e l'averà dall'E.V. à gratia ut Deus.

*Dom. Nicolaus Cyrillus Primarius Medicinæ Professor Regius videat,
& in scriptis referat.*

MAZZACCARA REG. PISACANE REG. VENTURA REG.

Provisum per S. Em. Neap. 9. Aprilis 1728.

Mastellonus.

E M I N E N T I S S. D O M I N E

E Minentia: Tuæ imperio obtemperaturus, intentissimè legi *Historia Philosophiæ Synopsis* à Cl. V. Jo: Baptista Capasio conscriptam, atque in eâ tantum abest ut quid occurrerit, quod Regiæ Jurisdictioni adversaretur, ut potius quæ ex quamplurimorum tum veterum tum recentiorum Autorum monumentis diligentissimè excerptis, atque in breve veluti Encheiridion contraxit, talia reputem, ut tot tantorumque Philosophorum exemplis propositis, omnium animi ad eam scientiam comparandam totidem igniculis accendi facillè possint, quod, nî fallax Platonis sententia, ad Reipublicæ beatitudinem quammaximè facturum confido. Librum igitur, ad publicam commoditatem & sapientiam comparatum, publicâ luce publicoque encomio dignissimum cenfeo, si tamen ad meum judicium Tua gravissima accesserit autoritas. Neapoli. Nonis Aprilis, MDCCXXVIII.

*Additiss. & Obsequentiss. Famulus
Nicolaus Cyrillus Professor Regius.*

Visa supradicta relatione Imprimatur, & in publicatione servetur Regia Pragmatica.

MAZZACCARA REG. PISACANE REG. VENTURA REG.

Provisum per S. Em. Neap. 5. Aprilis 1728.

Mastellonus.
HISTO-



HISTORIÆ PHILOSOPHIÆ SYNOPSIS.

S I V E

*De Origine, & Progressu Philosophiæ: De Vitis, Sectis,
& Systematis omnium Philosophorum.*

P R O Æ M I U M.

Philosophia, ejus bono, ut Plato in Tim. ait, nullum optabilius, nullum præstantius, neque datum est mortalium generi Deorum concessu, atque munere, neque dabitur; quamque Macrobius post Aristotelem Artem Artium, & Scientiam Scientiarum, & alibi idem Aristoteles Scientiam virtutis, & Cie. Virtutum Principem, appellavit; ut ab origine ad nostra usque tempora pervenerit, Historica Synopsi pertractare, ne dum omnibus perutile, sed & necessarium semper esse existimavi.

Fateor quidem, Philosophiæ Historiam complures scripsisse; sed qui de ipsa, opus omnibus numeris absolutum consecerit, inveni profecto neminem. Plures quidem de Philosophiæ Origine, & Inventoribus agunt: complures Philosophorum Vitas, & Systemata exponunt: quamplurimi denique Philosophorum Sectas considerant; sed nemo profecto (quantum mihi id curiosius indaganti innotescere potuit) adhuc est, qui à Philosophiæ Origine initium sumens, ejus Progressum per varias Philosophorum Sectas; & denique quicquid ad nos usque de ea actum, vel dictum sit, methodicè demonstraverit. Magnum igitur operæ pretium me facturum esse existimavi, si quicquid hac de re à quamplurimis Historicis sparsim dictum inveni, uno hoc brevi quidem, sed perquam utili Tractatu cunctis ob oculos ponerem. Quem Historicum Philosophiæ Tractatum in quatuor libros dividere placuit, in quorum primo Philosophiæ Definitionem, & Divisionem; Philosophiæ, ejusque Nominis Originem, & Finem, & ea, quæ ad ipsum conducunt; & qui primi Sapientes habiti sint, explicabimus. In secundo de Philosophia Barbarorum, ejusque Sectis agemus. In tertio Græcicam Philosophiam, Græcorumque Philosophorum Vitas, & Sectas considerabimus. In quarto denique Recentiorum omnium Philosophorum Systemata, & novam philosophandi rationem ostendemus.

A

L I.

LIBER I.

De Ortu Philosophiæ, & de Primis Sapientibus.

ANtequam Historicum hunc Philosophiæ Tractatum aggrediamur, sciendum vel in ipso limine est, quid illud sit, quod pertractandum suscipimus; quot ejus partes; quis finis, & similia. Quamobrem de his primum nobis agendum est.

CAPUT I.

De Philosophia Definitione, & Divisione.

Philosophia multifariam à Philosophis definita est. Pythag. eam ab universali subiecto vocavit Γνωσιν τῶν ὄντων, ἢ ὅσα ἴσθι, *Cognitionem entium, quæ entia sunt.* Et alibi: Γνωσιν θείων, καὶ ἀνθρώπων πραγμάτων, καὶ τῶν ἐν ταῖς αἰτιάς, *Cognitionem Divinarum, humanarumque rerum, & causarum, quæ in ipsis sunt.* Quam definitionem sequitur etiam Cic. 2. de Offic. Aliàs etiam ab ultimo fine à Pythagora, quem Socrates, & Plato secutus est, definitur: Οὐμίωσις τὸ θεῷ, κατὰ τὴν ὁμοίαν ἀνθρώπων, *Affimilatio Deo, quatenus homini possibile est.* Hinc Seneca Ep. 48. ait: Hoc est, quod mihi Philosophia promittit, ut parem Deo faciat. Sed hic Philosophiæ finis potius, quam definitio est.

Platonī definitur, quod sit ὁμαρτία τῆς θείας νοῦς Appetitus Divina Sapientia. In Phæd. tamen ait pag. 378. Philosophiam esse Μέλιν τὴν θανάτου, *Meditationem mortis*: Ejus verba sunt: *Quicumque Philosophiam recte tractant, videntur latuisse ceteros homines, quod nihil aliud se commentarentur, quam mori. Nonne maxime apparet, Philosophum præter ceteros homines animum, quammaxime potest, à commercio corporis separare? Hanc verò definitionem ex Pythagora Platonem hausisse præter Porphyrium in vita Pythagoræ Divus Hieron. quoque contra Rufin. testatur his verbis: Primus Pythagoras dixit, Philosophiam Meditationem esse mortis, quotidie de carcere corporis educere nitentem animæ libertatem.* Hoc quoque eleganter expressit Apulejus lib. de Philosophia inquiring: *Philosophum oportet nihil se agere, quam ut semper fudeat animam à corporis consortio separare: & ideo existimandum, Philosophiam esse corporis affectionem, consuetudinemque moriendi.* Et Cic. 1.1. Tuscul. Disput. hoc idem confirmat his verbis: *Tota enim Philosophorum vita commentatio mortis est.* Et paulo post: *Quare hoc commentemur, mihi crede, disjungamusque nos à corporibus, hoc est, consueamus mori.*

Per mortem autem non naturalem intellige, sed voluntariam, seu, ut Psel. Ius ait: θάνατον ἢ τὴν πύμνην τῶν παθῶν ἐλευθέρου, *mortem autem mortificationem afflictum accipiendam.* Pei peram igitur Platonem intellexit Cleombrotus Ambraciota, qui læcto ipsius de Anima tractatu, se de alto muro præcipitem dedit; de quo Callimachus jucundè nimis lusit hoc Epigrammate, quod legitur apud Euripid.

Εἰπας ἦλ' αὖ Χαιρὲ, Κλειόμβροτος Ἀμβρακίωτης
ἦλ' αὖτ' αἶψ' ὑψαλὺ τάχος εἰς Ἀΐδου.
Ἄβυσσος ἴδεν ἴδων θανάτου κακὸν, αἶψα Πλάτωνος
Ἐν, τὸ πρὸ ψυχῆς, γράμμι' ἀνὰ λείαν.

*Disilum ubi, Phæbe valeto, Cleombrotus Ambraciota
Ad Ditem ex alto pariete defiliit.*

*Non in morte malum cernens quid, sed quia læta
Una ipsi de Anima charta Platonis erat.*

Clem. Alex. Pædag. l. 1. Philosophiam ipsam definiunt: *Studium rectæ rationis*. Et Strom. 1. *Est Philosophia quidem exercitatio; Sapientia autem Scientia divinarum, & humanarum rerum, ipsarumque causarum*. Et paullo post Philosophiam exponit per inquisitionem veritatis, & naturæ eorum omnium, quæ sunt. Et 2. Strom. ita: *Philosophia est ejus, quod vere est, appetitio, & earum, quæ ad id tendunt, disciplinarum*. S. Justinus adv. Judæos p. 3. Philosophiam definit. *Philosophia ejus, quod est, scientia, & veri cognitio est*. Ex quibus deducunt aliqui, Philosophiam esse desiderium, & appetitum sapientiæ; ut Sophia sit habitus mentis, Philosophia voluntatis. Sed hæ voces promiscue usurpantur.

Nos verò cum Cic. Senec. Clem. aliisque Philosophiam definimus, esse *Cognitionem omnium rerum per causas, quatenus homo eas naturæ lumine consequi potest*. Et quidem rectius; veri namque Philosophi illud est, ut eorum omnium, quæ fiunt, vel facta sunt, causas, philosophicamque rationem redere satis sit.

Philosophiæ partes Homerus omnium primus duas agnovit, *Physicam* scilicet, seu eam, quæ Deum, & quæ à Deo fiunt, considerat; & *Ethicam*, seu illam, quæ tractat de his, quæ ab hominibus non efficiuntur, sed aguntur, hoc est, res homini contingentes. Idque vel ex hoc Homeri loco illud: 3. vers. 127. veteres Critici arguunt, in quo Pallas, seu Sapientia Diomedem omnem caliginem, quæ mortales hebetat visus, ita abstergit, ut Deos, & homines noscat, dicens:

Ἀλλὰ δ' αὖ τοι ἄτ' ἐφθάλμῳ ἴλον, ἢ πρὸς ὀπίσσω,

Ὅτε' ὡ γινώσκας ἢ μὲν Θείον, ἔδῃ καὶ ἄνθρωπον.

Caliginem verò tibi ab oculis abstulit, quæ prius inerat,

Ut bene dignoscas tum Deum, tum etiam homines.

Et Marius Victorinus l. 1. Rhet. Cic. idem sentire videtur, dum ait: *Plena Philosophia est, quæ constat ex duobus, Physica, & Ethica. Physica est, quæ de divinis, Ethica, quæ de humanis agit, in quarum prima Metaphysica, in secunda Politica etiam continetur.*

Apulejus Philosophiam dividit in Intellectualem, Naturalem, Rationalem, & Moralem, sive in Metaphysicam, Physicam, Logicam, & Ethicam; in quibus omnibus Platonem excelluisse dicit; sic enim lib. de Dogmate Platonis: *Naturalem ab Heraclitico, Intellectualem à Pythagorico, Rationalem, atque Moralem ab ipso Socratis fonte, &c.*

Macrobi. l. 2. in Somnium Scip. sic ait: *Cum sint totius Philosophiæ tres partes, Moralit, Rationalis, & Naturalis*. Ubi videtur nomine Naturalis Physicam simul, & Metaphysicam intellexisse; nam mox subdit: *Naturalis, quæ de Divinis corporibus disputat*. Idem cum Seneca Stoici omnes sentire videntur. Neque mirum, quod Macrobius Naturalem Philosophiam de Divinis corporibus disputare dixerit; nam non solum Aristoteles 10. Met. 6. & alibi, Metaphysicam Θεολογικὴν Ἐπιστήμην, *Theologicam Scientiam* appellavit; sed Physicam quoque appellatam fuisse Theologiam testatur Divus Aug. 8. de Civ. Dei c. 1. Veteres enim putabant, Naturam nihil aliud esse, quàm Deum; qui alio etiam nomine Mundus, & Πᾶν appellatus est. Et Basil. res naturales elegantem vocat Παιδείαν τῆς Θεολογίας, καὶ ψυχῶν λογικῶν διδασκαλίαν, *Scholam cognitionis Dei, & animarum rationalium Cathedram*. Et Clem. Alex. in suo Protreptico:

Philosophia autem, ut dicunt veteres, est dituturnum Sapientiæ consilium, quod æternum ambit amorem.

Salomon tandem, qui à Divino Spiritu Sapientiam accepit, tres tantum Philosophiæ partes agnovit, Moralem, Naturalem, & Contemplativam; quarum primam per proverbialia, secundam per Ecclesiasten, tertiam per Canticum Canticorum tractavit.

Sunt & hæ partes in plures adhuc divisæ, ut in Physicam Speculativam, sub qua Mathesis, & Medicina continentur; & in Præcticam, quæ Agricul- turam, Chirurgiam, &c. complectitur. Sed nos de his parum solliciti, utpotè de iis, quæ non sunt hujus loci; communem Philosophiæ divisionem retinentes, illam in Physicam, quæ Naturalia, in Metaphysicam, quæ Transnaturalia, vel Naturalia in abstracto considerat, & Ethicam, quæ hominum mores com- ponit, dividimus, sub qua Politicam contentam consideramus.

C A P U T II.

De Philosophiæ Etymo, Origine, & Fine.

Cuncti jam norunt, Philosophiam ἀντὶ τοῦ φιλοσοφῆσαι dictam esse: unde idem sonat, ac Amor, Studium, & Appetitus Sapientiæ. Hinc Cic. r. de Leg. ait: *Philosophia dicta est ab amore, quo cuncti eam prosequuntur.* Ex Laërt. aliisque habemus, primum Pythagoram Sapientiam Philosophiam ap- pellasse, quam nos deinde Sapientiæ Amorem diximus; seque, ut aliorum, fastum, arrogantiamque confunderet, qui Sophi, & Sophistæ, hoc est, Sapien- tes dici affectabant, Philosophum, seu Sapientiæ studiosum dixisse, cujus occa- sionem hanc refert Cic. 5. Tuscul. inquit: *Pythagoram Philumtem venisse se- runt, eumque cum Leonte Principe Philosopherum doctæ, & copiosè differuisse que- dam; cujus ingenium, & eloquentiam cum admiratus esses Leon, quævisse ex eo, qua maxime arte confideret: at illum, artem se quidem scire nullam, sed esse Philosophum; hoc est, Sapientiæ Amatorem, vel, ut Laërt. interpretatur, quæsitorem; quod Sapientis nomen soli Deo conveniret. Idem confirmat eit. Laërt. qui addit, Philosophiam ante Pythagoram Σοφισμῶν, hoc est, Sapientiam dictam esse.*

Hoc etiam confirmatur ex eo, quod Laërt. præ cæteris narrat de aureo il- lo Tripode, quod cum Oraculum jussisset, Sapientum præcipuo tradendum, Thales oblatum sibi remisit ad alium, & ille rursus ad alium, donec in se- reversus Thales consecravit Didymæo Apollini, Sapientis nomen soli Deo tri- buens.

Philosophia, qua, ut Cic. 2. de Leg. inquit, nihil à Diis immortalibus ube- rius, nihil florentius, nihil præstabilius hominum vitæ datum est, omnium scientiarum antiquissimam, omnes testati sunt. Ipsam tamen ex Admiratione ortam Plato, & Aristoteles dixerunt. Et primus quidem in Theæteto ait. *Μαλὸν φιλοσοφία τῷ τοῦ πάθος τῷ παρμαζῶν. Οὐ γὰρ ἄλλα ἢ ἀρχὴ φιλοσοφίας, ἡ αἴτιν.* Valde Philosophi illa affectio est admirari. Non enim alia Origo est Philosophiæ, quam ista. Secundus vero 11. Metaphysices 2. inquit. *Διὰ τὸ θαυμάζειν οἱ ἀνθρώποι τὰ πῦν, καὶ τὸ πρῶτον ἤξεοντο φιλοσοφῆσαι.* Propter Admirationem homines & nunc, & olim phi- losophari ceperunt. Ex quibus appositè nimis Cic. 1. de Nat. Deor. inquit. *Magno argumento esse debet, causam, idest principium Philosophiæ esse In- scientiam.* Galenus in Hist. Philos. ait. *Xenocrates idè repertam Philosophiam asserit,*

offerit, quia cum turbulenta sit activa vita, se ad contemplationis studium praeferentes homines contulerunt.

Enim verò cum Deus rerum omnium causas jam sciat, muta verò animantia nec sciant, nec scire possint; homo medius inter Deum, & bestias constitutus & nescit, & scire cupit. Quod autem homo naturaliter scire appetat, clarissime nobis ostendit Cic. 2. de Fin. ubi ait: *Sic ad intelligendum natus est homo, quasi mortalis Deus, &c.* Et Quintil. 1. Instit. Orat. 1. *Sicut aves ad volandum, equi ad cursum, ad severitatem feræ gignuntur; ita nobis propria est mentis agitatio, atque solertia, unde origo animi caelestis creditur.* Aristoteles 1. Rhet. c. de Jucundit. ait: *Discendo venit ad eum statum, qui animo nostro est naturalis.* Hoc autem clarius ex Lactantio Firm. de Falsa Sapientia l. 3. c. 6. habetur, ubi: *Alii putaverunt sciri posse omnia: hi sapientes uique non fuerunt. Alii nihil: ne hi quidem sapientes fuerunt; illi, quia plus homini dederunt, hi quia minus: utrisque in utramque partem modus defuit. Ubi ergo Sapientia est? Ut neque te omnia scire putes, quod Dei est; neque omnia nescire, quod pecudis. Est enim aliquid medium, quod sit hominis, id est scientia cum ignorantia conjuncta, & temperata. Scientia in nobis ex anima est, quæ oritur à Cælo; ignorantia à corpore, quod est à terra. Unde nobis cum Deo, & animalibus est aliqua communitas.*

Ex Admiratione igitur, quæ nihil aliud est, quàm *Animi in rem propostam intuitio cum cupiditate cognoscendi causam*, homines in mirabilium naturæ effectuum causis inveniendis animum defixerunt; & prima quidem in facillioribus, deinde verò paulatim ad difficiliora contenderunt. Quare multi præsentis vitæ felicitatem in causis cognitione ponentes, solos felices dixerunt, qui eò non admirantur, quòd rerum omnium causas jam didicerint. Sic Horat.

Nil admirari prope res est una Numici,

Solaque, quæ possit facere, & servare beatum.

Et Virg.

Felix, qui potuit rerum cognoscere causas.

Hinc Plutarchus l. πει το Ἀχαιο de Audit. refert, Pythagoram finem Philosophiæ Ἀθανασίας statuisse. Sic enim de ipso ibi loquitur: *Εὐαὶος μὲν γὰρ ἐκ Φιλοσοφίας ἐκινεῖται πειρηθῆναι τὸ μὲν δὲ δαμασῆν. Ο' γὰρ φιλοσοφῶν λόγος, τὸ μὲν εἰς ἀπορίας καὶ ὀνόμας δαίμων ἔχειν, γνῶντα, καὶ ἐκείνη τῆς πειρῆς ἵναζεν αἰτίας; Ἰς enim id se lucris à Philosophia reculisse dixit, ut nihil admiraretur. Nam Philosophica ratio admirationem, atque stuporem ab hæsitazione, atque ignorance profectum eximit, singularum rerum cognitione, atque enarratione per causas suas exhibita. Atque hæc Origo Philosophiæ, sive Originis causa fuit.*

Ut autem Athanasiam hanc facilius adsequamur, primo opus est non mensibus, sed annis, iisque compluribus. Quod enim à Præceptoribus traditur Philosophiæ compendium; non integer Philosophiæ cursus est, sed potius Elementa, quibus ad Philosophiæ studia facilius quis possit accedere. Et jure quidem Chio Platonis auditor urgentibus suis, ne nimium vellet in Philosophia ad discenda occupari, respondit, minimum sibi decennio opus esse, priusquam absolvat. Aristoteles Platonem 20. annos audivit; Theophrastus, Eudemus, atque alii Peripatetici Aristotelem annis minimum 12. audire; Zeno Stoicæ sectæ conditor, & Epicurus annis 18. Philosophiæ operam dedere; Amelius Plotinum audivit annis 24. ut Porphyrius ait in vita Plotini; adeò operosum Philosophiæ studium est.

Secundò opus est, ut ad Philosophiæ institutionem bonus dux obtingat, qui scilicet spinosis, & inutilibus quæstionibus auditorem non remoretur. Solemnis & hodiè, & olim tricus istis peccandi mos. Cujus notæ Philosophos Lucianus

in

in Hermotimo irridet, inquires: Πάτερ, ως ἔγος εἶμι, καὶ ἐν ταύτῃ μαθήματα οἱ ἀποσπάρτες, omnes, ut dici solet, de umbra afini contendunt Philosophi.

Tertiò, ut auditor Philosophiæ Aristotelem, Platonem, aliosque Philosophos intelligat, græcè sciat opus est propter multa in his non tam conversâ, quàm perversâ: cum enim in latino sermone sæpè nulla sit vox, quæ appositè græcam exprimat, ad græcum fontem recurrendum est. Quod & S. Thomas Aquinas monet in 1. de Cælo lect. 11.

Quartò, quò optimis disciplinis instructiores, & veritatis amore flagrantēs magis erimus, eò citiùs, & facilius Philosophiæ cursum peragemus. Hinc iurare quidem optimo Laërtius 1.3. c.25. ait: *Multis artibus opus est, ut ad Philosophiam possit accedi.*

Non autem putetis velim, Philosophiam nonnisi ab altioris mentis viris addisci posse; nam omnibus vel infimæ notæ philosophandum. Hinc optimè Clem. Alex. 4. Strom. *Est ergo philosophandum omnibus, mulieribus æque, ac viris.* Et paulò post: *Philosophatur servus, & mulier.* Quin etiam Epicurus scribens ad Menæceum, referente eodem Alexandrino ibidem, pulchre nimis ait, omne tempus, & ætatem ad philosophandum esse accommodata. Ejus verba sunt: *Nec si sit aliquis juvenis differat philosophari, neque si sit senex defatigetur philosophando; nam nec est aliquis immaturus, neque nimis provectus, & exhaustus ætatis ad adipiscendam animi sanitatem.* Qui autem dicit, non dum esse, vel præterisse tempus philosophandi, similis est ei, qui dicit, ad beatitudinem vel non dum adesse tempus, vel præterisse. Quare juniore philosophandum est, & seni: huic quidem, ut senescens juvenescat bonis per gratiam eorum, quæ facta fuerint; illi autem, ut sit simul juvenis, & senex per futurorum metus vacillatē.

Philosophiæ verò Finem Pythagoras, Socrates, Plato, Seneca, aliique dixerunt, esse *ὁμοιωσιν τῷ θεῷ*, Assimilationem Deo; & alibi dem Plato, & Cic. Meditationem mortis, seu Segregationem à corpore, affectumque mortificationem, ut supra dictum est; vel, ut idem Cic. 1. de Leg. *Ut homo per Philosophiam cultum Deorum, & veram religionem susciperet.* S. Justinus adv. Judæos p. 3. Philosophiæ Finem Vitæ Beatitudinem posuit, dum ait de ipsa loquens. *Beata autem vita hujus scientiæ, ac sapientiæ est præmium.*

C A P U T III.

De Philosophiæ Inventoribus, seu de Primis Sapientibus.

Ingenue quidem fateor, nihil apud Historicis controversum magis esse, quàm Philosophiæ Inventores. Quæque enim gens suos jactat, quibus inventionis gloriam tribuat, primoque Sapientes appellet. Et Babylonii quidem, & Assyrii Chaldæos: Persæ Magos, quorum primum Zoroastren fuisse memorant: Indi Gymnosophistas: Celtæ, seu Galli Druidas: Phœnices Oechum: Thraces Zamolxin, & Orpheum: Libyci Atlantem: Ægyptii Vulcanum Nili filium, Philosophiæ faciunt Inventores. Et

Hoc certant alii, sed adhuc sub iudice lis est.

In hoc tamen omnes ferè Historici conveniunt, Philosophiam à Barbaris initium sumxisse, etsi inter ipsos non constet, quis eorum primus fuerit. Sed de his suis infra.

Laërtius verò non Barbaros, sed Græcos Philosophiæ Inventores facit, dum inquit: *Itaque Philosophia non à Barbaris, sed à Græcis initium sumfit, ejus*

ejus & ipsum nomen barbaram omnino abbrevret appellationem . Et quidem Musæum Atheniensem Eumolpi filium Deorum Generationem omnium primo tradidisse, sphæram invenisse, atque ex uno fieri, & in unum resolveri omnia dixisse, asserunt : Linum verò Thebanum Mundi Generationem primum scripsisse, ferunt; cui tale initium fecit:

Ἦνεντι τῷ χρόνῳ ἕως, ἐν ᾧ αὖτις αἰὲρ ἀνέσθη .

Tempus erat, quo cuncta simul sunt condita quondam .

Nemo quidem est, qui ignoret, Græcos omnium primos dictos esse Sapientes, inter quos præcipuè septem illi fuere, Thales, Solon, Periander, Cleobulus, Chilon, Bias, & Pittacus; quibus plerique adnumerant Anacharsim Scytham, Mylonem Cheneum, Pherecydem Syrum, Epimenidem Cretensem, & Pisistratum Tyrannum . De quibus sic Cic. 3. Tuscul. *Itaque & illos septem, qui à Græcis σοφοί, Sapientes à nostris & habebantur, & nominabantur; & multis ante sæculis Lycurgum, cujus temporibus Homerus quoque fuisse ante hanc Urbem Conditam, traditur; etiam hercleis ætatis Ulyssem, & Nestorem accepimus, & fuisse, & habitos esse Sapientes.*

Nobis verò, qui ex Fide vivimus, id certo certius constat, Adam sicut & primum Parentem, ita & primum Sapientem extitisse . Hinc Suidas ex quodam antiquo inquit : *Adam jure optimo primus σοφός, sive Sapiens dici potest, &c.* Et paullo post : *Hic enim est, quæ invenit singula, & omnibus canones, & regulas, finesque, ultra quos non transirent, adaptavit . Hujus sunt Artes, & Literæ, hujus Scientiæ rationales, & non Rationales . Ipsi enim Deus, Sapientiæ Fons, & Origo, in ipsa sui creatione Sapientiam indidit, quam ipse deinde filios suos docuit . Idque vel ex hoc manifestum esse potest, quod nomina rebus imposuerit, quod, ut Plato ait, proprium Sapientis est . Idem quoque innuit Pythagoras, dum ait : *Μὴ μόνον λογισμάτων, ἀλλὰ καὶ πραγμάτων ἐξήδου τῶν σοφῶν τὸ διδόναι τὰ ὀνόματα τῶν πραγμάτων.* Non solum discretissimum, sed antiquissimum sapientum putari eum, qui posuit nomina rebus; Ex Clem. Alex. in Epitome τῶν Θεολόγων . Non enim casu, & ad placitum, ut ajunt, sed per se significantia nomina rebus imposuit : sic enim tantum Sapientem decebat, qui Deum ipsum & Creatorem habuerat, & Præceptorem : Imo Bochartus; aliique clare demonstrant, Hebraica animalium nomina (qua lingua Adamum locutum fuisse, omnes Sacræ Scripturæ Interpretes cum August. testantur) eorum naturam, & proprietates exprimere . Adam igitur primus Sapiens, deinde verò ejus filii, Hebræi scilicet illi Veteris Testamenti Patriarchæ, & Prophetæ, & Doctores ante omnes nationes verè Sapientes & habendi, & dicendi sunt . Sed quis Philosophiæ ab Adam ortæ, per Adami filios usque ad Abraham Progressus fuerit, videamus.*

C A P U T IV.

De Philosophiæ ab Adam usque ad Abraham Progressu.

QUAMVIS Adam per peccatum Dei Gratiam, & Caritatem amisisset; non tamen scientias, quas à Deo acceperat : peccatum enim ex sui natura plus voluntati, quam intellectui officit, ut patet in omnibus, qui per peccatum Gratiam quidem, & Caritatem, scientias verò, quas notas habent, non amittunt . Adam igitur post peccatum plura de siderum scientia, aliisque rebus filios suos docuit; quæ ut facilius ad posteros suos transirent, ejus Nepotes in duabus columnis, lapidea una, lateritia altera inscripserunt; quarum lapideam suis

suis adhuc temporibus in Syria supersuiffe, Josephus de Nepotibus Seth & Antiqui. 5. scribit, dicens: *Sideralem scientiam, ac Cœlestium rerum cognitionem excogitaverunt. Ne autem inventa sua ex hominum notitia dilaberentur, & prius perirent, quàm prænoscerentur, scientes, Adamum universalem rerum interitum præcecinisse, unum incendio, diluvio alterum, excitationis duabus columnis, utrique sua inventa inscripserunt, &c.*

Inter hos Adami Nepotes primum sibi vendicat locum Enoch, ab Adamo per lineam Seth septimus, Noë verò proavus, qui libros composuit, in quibus, ut cit. Joseph tradit, quicquid de Astronomia à majoribus acceperat, vel ipse invenerat, scripsit, quæ præter Tertullianum Origenes quoque Homil. 28. in Num. memorat, dicens: *De quibus quidem nominibus (stellarum) plurima in libellis, qui appellantur Enoch, secreta, & arcana continentur; sed libelli isti non videntur apud Hebræos in autoritate haberi.* Apostolus etiam Judas in Epist. Canonica verba quædam citat Prophetiæ Enoch de die judicii universalis, quæ sunt: *Prophetavit etiam & de his septimus ab Adam Enoch, dicens: Ecce venit Dominus in sanctis millibus suis facere judicium contra omnes.* De Enoch ita Sulp. Sever. Hist. Sacr. l. 1. *Jared Enoch genuit, qui ob justitiam translatus à Deo traditur.* Et Samaritanus: *Acceptum eum Angelus ævus.* Onkelos: *Non occidit eum Dominus; idest, non passus est mori.* Jonathan: *Sublatus fuit, & ascendit in Cælum ex mandato coram Domino.* Arabs ad Hebræos. *Translatus est in Paradisum.* Josephus denique: *Ἀναλυσας τοῖς νόοις τοῦ Οὐδοῦ.* De hujus libris quæstio est inter autores. Augustinus de C. D. l. 2. c. 21. ait, ex duobus Enochii libris, olim circumlatis, unum apocryphum plane, & fabulosum; alterum eum fuisse, quem Judas Apost. citat, & quem Judæi approbantes olim legebant. Hunc fabulæ Græcorum Ἀνακρίων, Amacum indigitarunt.

Fuere quoque nonnulli ex descendentibus ex Cain, qui Philosophi, plures mernere; quorum multi quidem in pascendis ovibus, & colendis agris, plures verò in Mechanicis artibus inveniendis operam navabant, quæ Practica Physices pars est. Nam Cain, ut Moses in Gen. ait, *edificavit Civitatem; Jabel fuit pater habitantium in tentoriis, atque pastorum; Jubal fuit pater canentium in cithara, & organo; Tubalcain fuit malleator in cuncta opera æris, & ferri.*

Deinde anno Mundi 1656. perduto jam per Diluvium, quod annum nūm & dies decem duravit, omni hominum, & animalium genere, Noë Dei jussu ex Arca, quam spatio centum annorum extruxerat, una cum inclusis filiis, & animalibus exiens, Terram inhabitavit, quæ iterum per ipsum hominibus, & animalibus omnibus repleta est. Noë igitur novi orbis veluti pater extitit: quare oportebat, ut Deus eandem illi Sapientiam impertiretur, quam olim Adæ in prima Mundi Creatione tradiderat. Vixit Noë post Diluvium annos 350. ut Scientias, & Artes, quas secum in Arca servaverat, posteros suos docere potuisset.

Hinc Noë à quamplurimis Paganorum habitus est pro Saturno, hoc est pro Deorum primo, & Sapientissimo, & à profanis; novi Mundi Genesim, ignorantibus, Cælum, Janus, & Deorum Pater appellatus est. Hic est Poëtarum Deucalion, & Ogyges; & Persarum *Adam Assani, secundum Adam.* Et Janus fortasse dictus est, quòd primus Vinum, quod Hebraice Jain dicitur, invenerit: Sunt tamen, qui asserunt, Noë non esse vini repertorem, quod jam ante diluvium vini usus, & viticultura, quæ agricultura pars est, extiterit. Hic plantas terræ restituit ex seminibus, vel tenellis plantis, quas in Arca servaverat. Primus terram cum animalibus aravit. Mechanicas artes à Cain inventas, & Mathematicas disciplinas ab Adamo, Seth, ejusque successoribus

exco-

excogitatas, filios suos docuit. Navigationis usum, & instrumentum, præceptore Deo, hominibus monstravit: unde ejus posteris, duce Japhet Noë filio, facile deinde mari se commiserunt, occidentalesque insulas repleverunt. Leges filiis suis tradidit, quibus nascens Mundus multiplicari potuisset; præsertim, verò legem Conjugii renovavit: legem dixit contra occisores: carnium, & piscium esum antea intentatum concessit, exceptis tamen animalium sanguinem, & carnes suffocati, vel morticini, à quibus sanguis effusus non erat: quam deinde legem Moses quoque confirmavit.

Tandem ex Arca exiens, in Assyria, Arabia, & tota Ægypto Gymnasia celeberrima instituit, quibus & ipse, & filii ejus Scientias, & Artes omnes posteris suis propagarunt, ac per Mundum disseminarunt. Annos demum natus 940. missis sortibus, filiis suis Orbem distribuit, cujus divisioni supervixit annos decem, & mortuus est.

Noë successerunt tres ejus filii Japhet, Sem, & Cham, quorum ultimus, quia Patrem ebrium, & denudatum simul cum Chanaan ejus filio irriterat, & ut Doctores Hebræi scribunt, referente Levi in Gen. c. 9. testiculos Patri excusserat, à Patre maledictionibus oneratus una cum posteris suis, & fratrum dominio subjectus, Babyloniam, & Ægyptum habitavit. Itaque Cham (cujus etiam profani sub nomine Camelis meminere) quia paterna benedictione destitutus, non parvam plagam posteritati suæ attulit: nam ex ipso descendentes Ægyptii nigri, & deformes, Mauri nigri, & simi nati sunt. Certissimum enim est, originem nigredinis non à regione, ut hæcenus creditum est, ob solis ardorem, sed à stirpe, & sanguine Chus, procedentis à Chanaan, oriri. Nota hic ex Gen. c. 9. tantum constare, à Noë maledictione affectum fuisse Chanaan ejus Nepotem, non Cham ejus filium; unde ajunt, reliquos tres filios Cham, Chus, Mesraim, & Phuth, ejusque posteros servitutis pœnam non incurrisse, sed tantum Chananæos, qui soli ab Israëlitis vel penitus extincti, vel in alienas terras ejecti.

Japhet primus Noë filius, ab Hesiodo, aliisque Poëtis Japetus appellatus, exemplo Arce à Patre constructæ, naves primus formavit, & audacter se mari commisit, unde *Audax Japeti genus* dictum est. Hic Græciam, Mediterraneasque Provincias à Patre obtinuit, quas ipse cum filiis suis sequentibus sæculis Gymnasii illustravit, ex quibus Sapientia in Europam omnem, Septentrionemque derivavit. Hinc non immerito Europæorum, & Septentrionalium Pater appellatur. Et si autem filii Japhet initio pauciores fuerint reliquis gentibus; deinde tamen vi paternæ benedictionis, *Dilaret Dominus Japhet*, hoc est, ejus sobolem, numero omnes superarunt; unde ex Septentrione in Asiam, Africam, & omnes Orbis partes effusi sunt, & sic etiam filiis Sem, secundum quod Pater prædixerat, commissi.

Sem cognomento, ut omnes fere Hebræi volunt, Melchisedech, tertius Noë filius, dignitate autem primus, quia ex eo pii homines geniti sunt, qui in Dei cognitione permanserunt; ex fratribus verò suis si sumi procreati, qui se ad falsa numina converterunt. Sem, & Japhet pallium humeris imponentes, & retrorsum incedentes, Patris nuditatem, & virilia, quibus Cham, & Chanaan illudebant, operuerunt. Hinc Noë à vino evigilans, cum didicisset, quæ fecerat ei filius suus minor, & quoddam filii sui Sem, & Japhet averlis faciebus incedentes, ne ejus verenda viderent, ipsum operuissent, benedixit utrique dicens: *Benedictus Dominus Deus Sem, sit Chanaan servus ejus: Dilaret Deus Japhet, & habitet in tabernaculis Sem, sitque Chanaan servus ejus.* Filii Sem habitaverunt Asiam.

Dum verò anno Diluvii 131. Mundi verò 1788. erat terra, ut Moses Gen.

c. 11. ait, *labii unius, & sermonum eorundem*, Noë Nepotes Civitatem, & Turrim Babel ædificarunt, invicem dicentes: *Venite faciamus nobis Civitatem, & Turrim, cujus culmen pertingat ad Cælum, & celebremus nomen nostrum, antequam dividamus in universas terras; sive, ut Genebrardus interpretatur, quæ non posset posthac ullo Diluvio perire.* Deus verò cum vidisset hoc, dixit: *Confundamus ibi linguam eorum, ut non audiat unusquisque linguam proximi sui.* Civitas igitur, & Turris simul nomen acceperunt à confusione linguarum. Babel enim, quasi Balbel, idest *οὐκ ἔχων*, confusio, redditur. Atque ita divisit eos Dominus in universas terras, atque cessaverunt ædificare Turrim. Ex una igitur lingua Hebræa omnium matre, & Mundo cœva, 70. linguæ, ut Hebræis placeat, factæ sunt.

C A P U T V.

De Abraham, ejusque Philosophia, aliisque usque ad Moysen.

Abraham, à quo tertis Mundi ætas incipit, ex Thare, quem statuatiom fuisse tradunt Rabbini, per lineam Sem nascitur in Ur Chaldæorum anno Mundi 1950. Ur autem Urbs, seu Regio juxta 70. dicitur ab ignis cultu. Chaldæi enim, Assyrii, & Persæ ignem colebant, ut notat præ cæteris Seldenus de Dis Syris; atque hinc Zoroastres, Zarates, Zaradust dictus est, ut notat Salmasius. Nomen loco huc Ur mansit usque ad Ammiani ævum, quem vide l. 25. Sed Judæi Ur Chaldæorum pro Igne accipiunt, & de vivicomburio Harganis mira narrant, ut notat Hornius. Tarich Regum Persæ tradit, Chaldæos Abrahamum in Ur, sive Orsa comburere voluisse, quod Deum suum adoraret. Idem prolixius Rambem ex monumentis, & Annalibus Zabæorum in More Nebuchim 3. Ab Eusebio Ur Chaldæorum Camarina dicitur à Chaldæorum Philosophorum nomine. Hic, qui Pater Credentium, & Fidei nostræ initium audit, quia ex ipso oriunda erat benedicta Progenies multiplicanda tanquam arena maris, ob quam appellatus est Abraham, hoc est, Pater multorum populorum, ante enim dicebatur Abram, ut habemus Gen. 17. hic, inquam, vixit tempore confusions linguarum; ipse tamen cum tota sua familia in lingua Heber permansit. Huet. tamen Demonstr. Evangel. t. 2. p. 244. & 245. Hebraicam linguam non ab Heber, sed ab Abrahamo nomen accepisse putat, quem nonnullis hujus linguæ inventorem creditum refert; quia scilicet linguam hanc primus posteris suis tradidit, cum aliam à majoribus accepisset: Abraham enim Chaldæus cum esset, Chaldæa lingua primum usus, Hebraicam à Chananaïs didicit, posterisque tradidit, ut notant Scaliger, Vossius, Grotius, & Seldenus.

Joseph 3. Antiqu. c. 8. de Abrahami tempore, & virtutibus hæc Berosi verba citat: *Post Diluvium verò decima ætate erat quidam iustitie cultor, Vir Sapiens, & fidei scientia peritus.* Et Divus Ambrosius l. 1. de Abraham. c. 2. & 2. ait, Sacram Scripturam in unius Abrahami persona melius, quam Plato Princeps Græcorum Sapientum, qualis optima Respublica esse debeat, non qualis unquam extiterit; & Xenophon in ficta Cyri vita, non qualis hic Princeps fuerit, sed qualis sapientissimus, & undique perfectus Princeps esse debeat, demonstraverit; in uno, inquam, Abraham non fictum, sed verum optimi, sapientissimique Philosophi exemplar ostendere.

Et de

Et de ipso quidem per divinum magisterium edocto hæc subdit: *Magnus plane vir, & multarum virtutum clarus insignibus, quem vocis suis Philosophia non potuit æquare. Denique minus est, quod illa finxit, quam quod ille gessit, &c.* Cujus rei hanc subdit rationem: *Hoc autem, quod pro magno inter septem Sapientum dicta celebratur, Deo dicitur, Deum sequi, perfecti Abraham, sacroque Sapientum dicta prævenit, & secutus Deum exivit de Terra sua.* Et quidem, nonne veri Philosophi character est, quod Abraham primo Dei jussu Bona, Parentes, & Patriam relinquens, Ægyptum petierit? Quod solus, & perpetuus Dei cultor una cum tota sua familia semper extiterit, aras Deo erigens, & sacra offerens in terra aliena? Quod nihil bonorum possidens in sola spe divinæ promissionis semper vixerit? Quod eò obedientiæ devenerit, ut Filium suum Deo immolare non dubitaverit?

Sed, ne longum faciam, à summo moralium virtutum hujus sapientissimi Justorum Patris, ipsiusque Messie Progenitoris, ad Physicas, & Mathematicas ejus disciplinas gradum facio. Et quidem *Astrologiam, & Chaldaicam*, ut Eusebius apud Eupoleum ait, *invenisse fertur.* Rudis enim ante Abraham Astrorum scientia apud Chaldaeos, & Babylonios erat. Hanc tamen scientiam, quam soli Abraham accepit Babylonii referre debent, quadringenta septuaginta millia annorum à majoribus traditam possedisse Babylonii jaquant; quos ideo stultitiae, vanitatis, aut imprudentiæ Cic. l. 1. & 2. de Divin. condemnant. Verum tamen est, ut ex Cic. ibidem educitur, Chaldaeos primos Astrologiae fuisse inventores, ut Ægyptii Geometriæ autores habiti sunt, & Phœnices Arithmeticæ, cujus etiam lineas ab eodem Patriarcha in Palæstinam profecto acceperant. Philon etiam lib. de Nobilit. affirmat, quod *Primus Pater Judæorum Chaldaeus erat natione, patre prognatus federali scientiæ dedito, uno ex eis, qui circa Mathesim versarentur.* Imo & primus Matheseos apud Chaldaeos præceptor quibusdam habitus est. Quod Josephus etiam confirmat, qui ex Beroso ostendit, Abrahamum Ægyptiis Numerorum, & Siderum scientiam tradidisse. Instituit enim Sacerdotes Heliopolitanos, referente Alexandro Polyhistor apud Euseb. 9. *cap. c. 4. & 10. 2.* Et per hanc quidem scientiam pervenisse Abrahamum ad investigationem Dei, scribit Philo Judæus. Nam ex cœlis, atque elementis, & ex sempiternis motibus, ex ordine invariabili, ex stata ratione annorum, ac temporum affecutus est profecto, esse sapientiam aliquam, à qua ista omnia tam certa, & constantia regerentur. Ergo illam ipsam quæsit, & coluit, abjectis, spretisque Deorum insaniis, quos ipse sibi homo erat fabricatus, ut opus suum adoraret ipse autor.

Illud præterea certo certius ex Josephi testimonio 1. Antiquit. c. 8. constat, quod Abraham à Palæstina in Ægyptum veniens, Mathematicas disciplinas Ægyptiis docuerit; cujus verba sunt: *Numerorum scientiam, Siderumque benignè illi communicavit. Nam ante Abrahami ad se adventum Ægyptii ignorabant has disciplinas. A Chaldaeis enim profectæ ad Ægyptios, inde ad Græcos deveniunt.* Hinc Ægyptii illum Diis adscriperunt, & grati animi testimonium præbentes, quod omnium fere scientiarum semina ipsi attulerit, sub Saturni nomine coluerunt. Alia porro memoratu digna, sub Saturni nomine, ex Sanchoniathone Berytio, qui antiquissimus Phœnicarum rerum scriptor, Trojanæ tempore antiquior, & Mose uno, alterove sæculo recentior extitit, ex Sanchoniathone, inquam, refert Philo Byblius, qui ejus opus è lingua Phœnicum, vel, ut Genebr. mavult, Syriaca, Græcè reddidit. Talia sunt: Quod Cœlo Patri unigenam filium totum flammis absumtum sacrificaverit; quod ex eo deductum est, quod Abraham filium suum unigenitum Isaac super accenso igne Deo sacrificare paraverit. Sic etiam Saturnum sibi vitilia circumcidisse,

B 2

& com-

& commilitones omnes, idem ut facerent, adegisse, fabulantur ex eo, quod Abraham se, & suæ familiæ mares, ut habetur Gen. 17. circumciderit; & his similia. Videatur susus Divus Ambrosius de Abraham. Abrahami quoque vitam descripsit Hecateus Abderita, qui erat in comitatu Alex. Magni, Philo Byblius, Artapanus, Eupolemus, Demetrius apud Eusebium, & Berosus apud Iosephum.

Abrahamo non solum in hæreditate, sed in Sapientia quoque, & Pietate successit Isaac ejus filius, in quo benedictionem acceperunt omnes gentes Terræ, ex quo omnes Prophetæ, & Viri iusti, & ipse tandem Messias, cujus figura ipse fuerat, geniti sunt; & cujus familia continua Pietatis, & Sapientiæ Schola fuit. Isaac successit Jacob ejus filius, cui Deus ipse Sapientiam, & arcana sua per somnium communicavit.

Jacobi Sapientiam, & Pietatem veluti in hæreditatem obtinuit Ioseph ejus filius, qui speciali Dei dono ex avium volatu, & voce, ex astrorum cursu, & aspectu futura prædicere, & somnia interpretari jam noverat. Et quidem postquam biennium in carceribus innocens Iosephus exegerat, Pharaon ex pincernæ sui consilio, cui Ioseph ex somnio futuram felicitatem prædixerat, & carceribus eum educi iussit, ut ipsi somnium septem vaccarum pinguium, totidemque grandium spicarum, & contra aliarum siccicarum septem, ac totidem exilium interpretaretur. Ita Ioseph solvitur, regiique somnium interpretatus est, septem annis proximis maximam frugum ubertatem futuram, consequentibus septem inopiam. Videns igitur Pharaon divinum in Ioseph spiritum, ipsum Magnum Ægypti Edilem, & *ἑταίρον*, hoc est, rei annonariæ Præfectum fecit, aequato secum Imperio, si solum, & primatum excipias. Tum Ioseph, abundantibus per totam Ægyptum frumentis, magnam copiam congestis, multiplicatisque horreis, adversus futuram famem consuluit. Atque hinc colligunt Rufinus, Julius Firmicus, Pierius, & Baronius, Iosephum sub nomine Serapidis, & Osiridis ab Ægyptiis cultum fuisse; idque tum ex nominibus, tum ex Hieronymicis, quibus Osiridem designabant, deducunt: quibus subscribitur Clem. Alex. Augustin. A Lapide, & Bonfrerius. Jam omnes norunt, fertilitatem, & sterilitatem Ægypti ex Nilo pendere; sed quæ fluminis altitudo ad fertilitatem requiratur, hic adnotandum. Plin. 9. 9. *Duodecim cubitis si Nilus exundet, famem sentit Ægyptus; si tredecim, etiamnum esurit. Quatuordecim cubiti hilaritatem afferunt: quindecim securitatem: sexdecim delicias: maximum incrementum ad hoc ævi fuit cubitorum octodecim.* Hinc Rex Pharaon, ex cujus somniis, quæ Ægypto futura erant, prædixerat, eum spiritu Dei plenum, & omnium sapientissimum dixit, ut habetur Gen. 1. 41. his verbis. *Num invenire poterimus talem virum, qui spiritu Dei plenus sit? Quia ostendit tibi Deus omnia, quæ locutus es, & senes ejus prudentiam doceret.* Inde tunc temporis ejus, sicut semetipsum, & senes ejus prudentiam doceret. Inde tunc temporis Ægypti Regnum verè Philosophicum à Ioseph, omnium eo tempore sapientissimo, in sapientia sua gubernatum, & edoctum dici potuit. Ex Artapano quoque arguit Euseb. in Præp. Evangel. quod Ioseph Ægyptum ingressus senes Pharaonis, hoc est, Ægyptios Sacerdotes artes, & scientias docuerit; atque hinc factum est, ut ejus familia in Ægypto permanens Hermiuthi, hoc est, Hermetis nomen obtinuerit; eo quod Iosepho; quem Mercurium quoque *Ἑρμῆν* Termaximum appellabant, scientias, artesque omnes Ægyptii acceptas referebant. Ioseph tandem, qui Ægyptum venerat, venundatus an. æt. 17. & regnare cœperat an. 30. mortuus est an. 110.

Job quoque Princeps Idumæus de Terra Hus, de stirpe Esau, quamvis in Populo Dei nec natus, nec edoctus, inter primos tamen Mundi Sapientes connumerari meretur; Is enim fuit, qui non solum in Ethica, in qua omnium maxime & verbo, & exemplo excelluit; sed & in Physicis quoque, & Theologicis summe eruditus Præceptor extitit. In suis enim libris, sive de Deo, sive de Angelis, & Anima, sive de Naturalibus rebus sermonem instituit, miram, quam doctæ, & eruditæ omnium naturas, causas, & effectus investigat. Hic omnium moralium virtutum, Patientiæ in primis non solum magister fuit, sed etiam exemplar. Jobi historiam ita breviter, & eleganter descripsit Sulp. Sever. Hist. Sacr. l. 1. n. 23. *Hoc traditū temporum Job fuit, legem naturæ, & agnitionem Dei, & omnem justitiarum complexus, prædixit opibus: atque eò illustrior; quod his neque integris corruptus, neque amissis depravatus est. Nam cum per diabolum exutus bonis, filius etiam esset orbatus, ad extremum diris ulceribus affectus, non potuit vinci, ut præ doloris impatientia aliqua in parte peccare. Mercedem denique divini testimonii consecutus, sanitati redditus, omnia, quæ amiserat, in duplum recepit.*

Et talis quidem fuit Job, ut Deus ipse eum proprio ore laudaverit, cum dixerit ad Satan: *Numquid considerasti servum meum Job, quod non sit ei similis in Terra, homo simplex, ac rectus, & timens Deum, & recedens à malo?* Præterquam quod ejus eruditissimus liber (quicquid dicant, qui librum hunc Mosis tribuunt, ac Jobum hunc nunquam extitisse contendunt, sed librum Jobo adscriptum sub ficta Jobi persona à Mose confectum volunt ad tolerantiam in Israëlitis excitandam, quæ suæ peregrinationis labores in Arabia desertis perferre potuissent. Hæc enim sententia ab Ecclesia Catholica damnata jure est, ac Jobi liber Canonice adnumeratus) ejus, inquam, liber Moralis, Naturalis, & Theologicæ scientiæ refertissimus est. Sic enim ipse de Metallis, & Lapidibus c. 18. disputat: *Habet argentum venarum suarum principia, & auro locus est, ubi conflatur. Ferrum de terra tollitur, &c. Locus Sapphiri lapides ejus. Et mox de Sapientia disputans ait, eam nec in Abyssu, nec in mari, nec apud homines, nec apud Cælorum aves inveniri, sed in solo Deo ipsam esse, eamque solum ipsum intelligere. Unde Deum hominibus dixisse subdit: Ecce Timor Domini ipsa est Sapientia, & recedere à malo intelligentia. Philosophandi modus brevis, & elegans; sicut Hebræorum, & antiquorum omnium fuisse, notat Clem. Alex. 1. Strom. his verbis: Modus priscais philosophandi velut Hebræus, & ænigmaticus; nam breviloquentiam amplectebantur, quæ admonitioni apta est, & est utilissima.*

Porro Daniel Huet. Demonstr. Evang. Propos. 4. pag. 312. & sequentibus putat, Jobi Principis Arabis casus toleratus à Mose adhuc juvenē, inter Arabes degente apud Socerum suum Jethro, ad populares suos scriptos esse, ut eos ad tolerandas diuturnæ servitutis miseras, & mellora à Deo petenda, & speranda, proposito Jobi exemplo, institueret. Jobum verò ipsum revera extitisse, cumque diro, ac tetra ulcere erosum in acerbissimas calamitates incidisse, atque ad eum uxorem, & amicos convenisse, jam satis ex multorum testimoniis probat cit. Auctor ibidem. Vera igitur Jobi historia est, sed à Mose poetice digesta ad solatium Israëlitarum, ex cit. Huet. sententia.

Fuit Jobus Mose vetustior: Salomonem sexcentum circiter annos præcessit. Natus est sæculo ab O. C. 23. in Terra Hus, quam Aristæus inter Arabiam, & Idumæam collocat; secundum quam sententiam & Arabs cum Huet. & Idumæus cum Thomasio, aliisque dici poterit. Multi ejus historiam non à Mose, sed ab ipso Jobo, vel ejus amicis, ut alii putant, scriptam, à Mose ex Arabico, ut Hebræi volunt, vel à Syro, ut Origenes contendit, tantum

con-

conversam existimarunt. Philo, Jobum Jacobi tempore vixisse putat, & Dinam uxorem accepisse: Hieronymus, Moïsis: Gregorius, Judicum: Alii, Davidis: alii denique ipsum ex sapientibus Babylonis fuisse, autumant, teste Rambam. Communis opinio est, vixisse tempore servitutis Israëlitarum in Ægypto. Denique mortuus est an. æt. 211. vel, secundum alios, 217. cujus opinionis differentia ex eo orta est, quod quidam volunt, Jobi calamitates annum unum, alii annos septem durasse. An autem idem fuerit cum Jobab Rege Edom, de quo Gen. 36. v. 33. an alter, questio est apud autores, atque ipsos etiam Catholicæ Ecclesiæ Patres. Vide, præter Sacra Biblia, Huet. Bellarm. aliosque. Extat etiam Historia Jobi Frid. Spanhemii. Tradunt Hebræi, Jobum eo tempore, quo Israëlitz promissæ terræ exploratores venerant, mortuum in Chanaan esse; ejusque, dum viveret, precibus Deum Chananæis pepercisse. Domus, & Sepulcrum ejus fuit in Trachonitide. Hieronymus, Abulensis, Vossius.

CAPUT VI.

De Moïse, Salomone, eorumque Philosophia.

Moïses filius Amram de Tribu Levi, cui ab eventu, ut scribit Josephus, nomen impositum fuit, quod scilicet à filia Pharaonis è flumine sit servatus; *Moy* enim aquam vocant Ægyptii: itaut *Moy*ses vocetur, qui ex aqua emerit respiraverit, hoc sibi nómine à filia Pharaonis aptissime impositum, ut notat Philo in Vita Moïsis, & Clem. Alex. 1. Strom. in quo fusiús ostendit, quæ ejus vita, quæ facta, quæ Philosophia, omnigenaque doctrina, à qua, tanquam ex fonte, omnis ad Græcos doctrina promanavit. Eandem Etymologiam nominis Moïsis suis carminibus expressit Ezechielus in Judaic. Tragœd. Actu, qui inscribitur *Εξομολογία*, Eductio, hæc:

Όταν δὲ Μωϋσῆς ἀνέβηκε τὸ ὄρος

Τῷ τοῦ αἵματος ποταμὸς αὐτὸν ῥέον.

Nomenque Moïses indidit, quod scilicet

Ripa repertum sustulit me fluminis.

In Circumcisione autem Joachim, & post assumptionem Melchi, sive Melchil nominatum *Mystæ* volunt. Moïses Arithmeticam, & Geometriam, Rhythmicam, & Harmonicam, Medicinam, & Musicam, Philosophiam, quæ symbolis traditur, & Hieroglyphicis, omnemque scientiam à Chaldæis, & Ægyptiis, sicuti Regium Puerum decebat, edoctus est. Natus est an. 37. post obitum Levi, hoc est, anno Mundi conditi 1368. ut scribit R. Abraham filius Hija. Hispanus. Septimus fuit à Patriarcha Abrahamo. Quod significat Salmaticensis in libro Johasin per hæc verba: *Moïses doctor noster (super eum pax) fuit septimus Sanctorum Patrum, itidem ut Sabbathum*. Basilius Magnus tradit, Moïsen à cognitione Ægyptiarum disciplinarum ita mentem exercuisse, ut pervenerit ad contemplationem *τῶ θεοῦ*.

Hic *καὶ ὁ Θεὸς* Vir Dei Deuteron. 33. appellatur. Ejus Vitam, Virtutes, & illustria facta, quia ex sacris libris omnibus nota, opus non est, ut hic repetam. Tantùm addam, quod scribit Eupolemus l. de Jud. Reg. *Mosen primum fuisse Sapientem, & Grammaticam primum tradidisse Judæis, & Pbanices accepisse à Judæis, Græcos autem à Pbanicibus.*

Moïses à Clem. loc. cit. & alibi, Propheta, Legislator, ordinandæ, Instruendæque aciei gnarus, exercitus ducendi artem tenens, Politicus, & Philosophus

sophus dicitur. Et ipsum quidem sapientissimum Philosophum ostendant illi Veteris Testamenti libri, quos Moses germanos, & genuinos esse, innumeriorum penes scriptorum tūm sacrorum, tūm profanorum testimonis probat Daniel Huet. Demonstr. Evang. Prop. 4. c. 1. & 2. præcipue verò Sanchoniathonis, Homeri, Hesiodi, Thaletis, Solonis, Pythagoræ, Anaxagoræ, Socratis, Platonis, Ægyptiacarum Mercurii Columnarum, Taciti, Plinii, Apulei, aliorumque; imo ex folisejus libris Homerum, Hesiodum, Solonem, Pythagoram, omnesque Græcos, quicquid in eorum libris vel fabulosa hystoria, vel Philosophicæ scientiæ, vel legalis disciplinæ est, hausisse ostendit. Idem sentire videtur Porphyrius, qui Mosē de Judæis verissima scripsisse agnoscit. At Mosalem quidem Philosophia, subdit Clem. Alex. 2. Strom. quadripartitè dividitur, & in partem Historicam; & eam, quæ propriè vocatur Legitima, quæ quidem esset Moralis officii propria; tertiam autem eam, quæ pertinet ad Sacrificia, quod quidem est natura contemplationis; & postremò quartam speciem Theologicam, quæ est suprema contemplatio, quam, dicit Plato, esse verè magnorum Moseritum. Et 2. Strom. Clarum est ergo, omnes alias virtutes, quæ scriptæ sunt apud Mosē, Græcis principium totius Moralis præbuisse: magni, inquam, animi virtutem, & temperantiam, & prudentiam, &c.

Et à Mercurio quidem (secundi tamen, quem eundem cum Mosē esse infra dicemus) Columnis Philosophiam suam hauserunt Eudoxus Cnidius, Conophidius Ægyptii discipulus, Plato, & Pythagoras; quorum ultimus, ut scribit Jamblicus in ejus vita, Sidone cum Mochi successoribus congressus fuit: qui Mochus Laërtio, & Suidæ Ochus appellatur. Sed quia is, quem Jamblicus commemorat, de rerum natura differuit; faciliè nos inde deducimus, Jamblici Mochum, seu Laërtii Ochum eundem esse cum illo, quem Strabo Moschum Sidonijum appellat, quemque Physica tractasse ait, & Trojano exitio fuisse antiquiorem. Quare hic emendandus videtur Jamblicus, & loco Mochi, Moschi legendum est. Meminit ejusdem Sext. Emp. qui à Moscho doctrinam suam Democritum summisit statuit, Posidonio id testante.

Faciliè autem probatur est, Mosē cum Moscho eundem esse, tum ex nominis affinitate, tum quod uterque & Trojano bello antiquior, & Physicæ tractasse sentit, unde & Physiologi dicti sunt. Sidonius autem credi potuit ab iis, qui patriam suam ignorabant; vel quod potissimum Sidone doctrina sua propagata fuerit, vel propter Judææ viciniam: nonnunquam enim Judæos cum Phœnicibus confundi certum est.

Aristobolus Judæus apertè offendit, Peripateticam Philosophiam ex Mosē manasse. Notandum tamen hic est primò, Columnas Mercurii, unde Plato, Pythagoras, omniumque fere nationum sapientes edocti sunt, non confundendas esse cum Columnis illis, quas filii Seth fecerunt, ut perperam egisse videtur Eusebius. Secundò, Mercurium hunc (quem secundum vocat, & Mosē esse evincit Huetius) autorem Columnarum, non confundendum esse cum Primo Mercurio, seu Trismegisto illo, quem Josephum, Jacobi filium, esse, supra ostendimus.

Validissimis quoque veterum scriptorum testimoniis eruditissimus Huet. ibidem c. 3. & 4. probat, Mosē non solum eundem esse cum Moscho, & Mercurio Secundo, sive Theuth, & Taauto, quem Ægyptiis utpote literarum, multarumque scientiarum inventorem inter Deos reulerunt; sed eundem quoque cum Osiri, sive Baccho, Api, Mnevi, Serapide, Oro, Anubi, Vulcani, Typhone, omniumque fere nationum Diis. Et Osiris quidem idem est apud Ægyptios, ac Sol, seu Apollo, quem Orph. in Hymnis Bacchium appellat, imo cum Baccho à plerisque confunditur; & sicuti Bacchus, ita & Mosēs

Bismater. Qui autem Ægyptiaca lingua dicitur Aps, Græca verò *Μίερα*, Vitulus scilicet, Osiris est, quem sub Vituli forma Ægyptii adorabant, ex quo Bos in Osiridis tumulo apparuit; quem Apim Tibullus l. i. Bovem Memphitem vocat:

*Te canit, atque suum pubes miratur Osirim
Barbara, Memphitem plangere docta Bovem.*

Vossius verò l. Idoi. 29. de Apide Ægypti disserens ait: *Facile adducor, ut credam, Aps nomen fuisse illud, quo Josephus in sacris nuncupatus. Nempe ut exprimat Hebræum Ab, Pater. Jam verò quæ appellatio Josepho accommodatior, quam Ab, sive Patris? quippe qui nutricius totius fuerit Ægypti; quales *αὐτὰ μεταπολιτῶν* patres dicti: ut nutrix Plauto altera mater. Ipse etiam Joseph Gen. 45. v. 8. fratribus suis ait, se constitutum esse in *Patrem Pharaonis*. Imo fortasse eodem pertinet, quod Pharaonis jussu acclamatum sit ante eum *Abrech*, quod significat *Pater Rex*, &c. Mnevis Bos erat alter Osiridi sacer, sive ipsemet Osiris, qui sub forma bovis Heliopoli colebatur; unde Bos Heliopolitanus dictus est. Philo Byblius, & Macrobius Serapim eundem cum Osiride, seu Api faciunt. Orus, quem multi Osiridis filium faciunt, à Macrobio, & Eusebio idem cum Osiride censetur. Anubis tandem Ægyptiaca lingua dicitur Canis, sub cujus forma colebatur Mercurius, ut ait Servius in 8. Æn. vel filius ipsius Osiridis, qui, ut scribit Diodorus, ex eo quod canem gestabat, Ægyptii Canem venerantur, & Anubim Deum canino capite effingunt.*

Neque verò hoc mirum videri debet; clarè enim Huet. ib. c. 10. offendit, Fabulares omnes Deos unum, eundemque esse, Mosen scilicet, ac Fabulares omnes Deas unam, eandemque esse, nempe Sephoram Mosis Uxorem; quarum Dearum pleraque Mariam Mosis Sororem referunt. Et quidem non immerito, nam universa propemodum, ut cit. Autor offendit, Ethnicorum Theologia ex Mose, Mosisque actis, vel scriptis manavit; veluti Theologia est Phœnicum, Græcorum, &c.

Non solum autem Fabulares omnes Dii Græcanici ex ipsa Mosis persona servata, & adscriptio habitu contexta provenerunt; sed & magna Græcorum, Mythologiæ, seu Fabularis Historiæ pars ex Mosis descriptionibus, verbis, doctrina, & institutis provenit. Postquam enim à vero deflexerunt homines, & in multiplices errorum anfractus delapsi, fabulas fabulis congescerunt; plurimum illis placuit, uni eidemque fiktivæ personæ plures adungere significationes, & alias quidem physicas, alias verò historicas. Unde variæ à Græcis Deorum, & Heroum personæ Mosis impostæ fuerunt; Mosaicamque doctrinam innumeris fabulis obduxerunt. Sic ex. gr. pro ædificatione Turris Babel, cujus cuiusmodi Cælum pertingeret, fabulam de Gigantibus, bellum Jovi inferre volentibus, commentum sunt. Mosis è Nili undis à Pharaonis filia eductus locum dedit Ægyptiorum fabulæ, quod Mercurius Nili filius sit; & similia. Quod, quia à Josepho, Iuliano, Clem. Alex. Euseb. Huet. aliisque satis superque probatum est, non est, ut hic repetant.

Mosen Heliopolitanum fuisse volunt Ægyptii. Hic plura scripsit stylo ut plurimum historico, simplici, & humili, qualis scilicet rudem populum sibi subditum decebat; præsertim verò Pentateuchum, sive volumen quinque librorum, quod Moses Israëlitis scripsit in deserto, ut per beneficiorum memoriam, & legum cognitionem, solitudinis, & peregrinationis incommoda facilius sustinerent. Quæ sententia est Theodoret, Bedæ, Tostati, & Eusebii. Verum Genesim in Ægypto scriptam ad consolationem Hebræorum, dum ibi opprimebantur, Peter. affirmat. Præclara, & ex sacris Codicibus jam nota Mosis miracula magicis artibus Ægyptii, & Græci tribuere. Hinc Mosen inter præcipuos

elpos Magos collocant Plin. l. 30. c. 1. Justin. 36. Apul. Apol. & Strabo 16. Tandem annum agens 120. jubente Domino, mortuus est in Terra Moab; cujus cadaver integrum semper mansit, Israëlitis tamen incognitum semper, ne Moen, ut Deum adorarent. Refert Trabellius Pollio, Moen morientem questum esse, quod juvenis moretetur. Et de Mose hæc breviter.

Mos in sanctitate, & sapientia septuaginta illi de senibus Israël successerunt, quos Moses ipse jussu Domini sibi discipulos congregaverat, & quibus Deus dedit de Spiritu Moysi, ut haberet Num. 11. ut sustentarent secum onus populi, ne solus gravaretur. Horum præcipui fuerunt Josue, & Samuel; quorum primus in Israëlitarum gubernatione succedens librum confecit, ipsius nomine inscriptum. Samuel quoque librum composuit, quem quorundam Græcorum rituum, & fabularum fontem omnes faciunt.

Cæteris tamen Hebræis sapientibus prætermis, ad Salomonem, omnium, qui præcesserant, & qui futuri erant, sapientissimum Davidis filium, accedamus. Postquam Rex Salomon solemne sacrificium Deo obtulerat, ex 3. Reg. 3. apparuit ei Dominus per somnium nocte dicens: *Postula quodvis, ut dem tibi.* Cui respondens Salomon ait: *Dabis ergo sermo tuo cor docile, ut populum tuum judicare possis, & discernere inter bonum, & malum.* Cui Dominus: *Eccce feci tibi secundum sermones tuos, & dedi tibi cor sapiens, & intelligens, in tantum, ut nullus ante te similis tui fueris, nec post te surrecturus sit.* Sapientiam igitur, quam diutius optaverat, ab ipso Domino accepit Salomon; quod de se pluries ipse testatur, ut Sap. c. 7. *Optavi, & datus est mihi sensus; & invocavi, & venit in me spiritus Sapientie.* Et mox omnium rerum scientiam se à Deo accepisse asserit his verbis: *Dedit mihi Deus eorum, quæ sunt, scientiam veram, ut sciam dispositionem Orbis terrarum, & virtutes Elementorum, &c. & quæcumque sunt abscondita, & improvisa: omnium enim artifex docuit me Sapientia.* Et ib. c. 9. Sapientiam petit à Domino dicens: *Da mihi sedium tuarum assidricem Sapientiam.* Tandem ex 3. Reg. 4. & 5. Præcedebat igitur Sapientia Salomonis Sapientiam omnium Orientalium, & Ægyptiorum; & erat Sapientior cunctis hominibus. Sulp. Sever. Hist. Sacr. l. 1. n. 70. de Salomonis Sapientia hæc habet: *Ita in admirationem ingenti, prudentiæque ejus reges vicinarum gentium amittunt ab eo, sedusque petere, parati imperata facere.*

Quæ hucusque de Salomonis Sapientia verba attulimus, confirmantur ex ejus scriptis, in quibus universam Philosophiam contineri volunt Hebræi: ex communi enim omnium S. Scripturæ Interpretum, etiam Rabbinarum, sententia, Salomon Moralem per Proverbia, ut supra quoque dictum, Naturalem per Ecclesiasten, & Contemplativam, sive Theologicam per Cantica Canticorum, tractavit. Atque hinc factum puto, ut plerique Græcorum, & Ægyptiorum Sapientum, qui Salomonis inventa sibi vendicarunt, tres quoque Philosophiæ partes agnovissent, quas per tres colligatos circulos, qui à majori Theologicæ circulo complecterentur, sub Encyclopædiæ nomine exhibebant; ut docet Joh. Pier. Valestian. Hieroglyph. l. 38. c. 8. Logicam quoque in his libris à Salomone traditam fuisse Origenes demonstravit.

Scriptis præterea Salomon tria millia Parabolarum; Carminum quinque millia; Psalmorum numerum auxit; Physiologiam, sive Naturalium rerum scientiam tractavit, scribens à cedro, quæ est in Libano, usque ad hyssopum, quod prode de pariete; & discessit de jumentis, & volucribus, & reptilibus, & piscibus. Et veniebant ad eum de cunctis populis ad audiendam Sapientiam Salomonis, ut ex cit. 3. Reg. 4. & 5. Ejus tamen libri plurimi intercederunt: nam, tria millia Parabolarum, quinque millia Canticorum, Physiologiam, libros Legis, aliosque Sacros Salomonis libros, ut narrat Genebr. in sua Chronograph. com.

combussit Nabuzardan Princeps militiæ Nabucdonozoris Regis Babyloniorum. Conscriptis volumina de abstrusissimis naturæ secretis. Quæ omnia Dei providentia interierunt. Abul, Glossa censet, combusta fuisse à Chaldæis; Eusebius vero, & ex eo Glycas, ab Ezechia Rege. In monte Sion ipse docuit, constituta ibi celeberrima Academia. Prov. 9. 1. Ab eoque doctrinam suam hausserunt Pythagoras, Socrates, Plato, & Aristoteles, teste Eusebio, Ambrosio, Clem. Alex. & aliis.

Qui post Salomonem fuere in populo Dei Sapientes, ut plurimum Sanctitate, vitæ asperitate, continentia, & miraculis clari celebrantur. Tales fuere Elias, Eliseus, Daniel cum tribus suis amicis Chaldæis, Zorobabel, Esdras, & omnes denique Hebræorum Prophetæ, quos Græci deinde in vitæ moribus Philosophi quidam imitati sunt. Sed eorum vitam, dogmata, & facta, quia minoris momenti, & jam ex Sacris Bibliis cunctis obvia, prætermitto. Atque hæc de Philosophiæ Natura, Fine, & Origine, & de primis Sapientibus breviter dixisse sit satis.





LIBER II.

De Philosophia Barbarica, ejusque Sectis.



Actenus egimus de Philosophiæ, ipsiusque Sapientiæ Origine, & Progressu sub primis illis Dei populi Sapienibus; observantes ut ab Adamo, primo omnium parente sapientissimo, per Seth, & Enoch ad Noë; à Noë verò, ejusque filiis ad Abraham; ab Abrahamo denique, ejusque nepotibus Josepho, Jobo, Mose, & Salomone ad Chaldaeos primum, & Hebræos omnes; ac tandem, postquam Abraham Dei jussu Ægyptum petiit; ad Ægyptos pervenerit, quos scientias ferè omnes ipse docuit. Videndum nunc est, qualis, quantusque per varias Philosophorum sectas Philosophiæ Progressus fuerit. Et primo quidem de Barbarorum sectis agemus, quum id Græcorum etiam ple-rique, ut Laërtius, Sotion, Herimodorus Platonicus, alique fateantur, Philosophiam apud Barbaros primum floruisse, deinde verò apud Græcos. Imò non solum Philosophiæ, sed etiam omnium ferè artium Barbari fuerint inventores, ex Clem. Alex. 1. Stromat.

Barbaros autem eos omnes voco, qui extra Græciam, & Italiam ortum habuere, ut Africani, & Asiatici omnes, & ex Europæis Thraces, Galli, &c. Græcos verò, qui in aliqua ex vetustissimis Græciæ Provinciis nati sunt: Omnis igitur Philosophia dividitur in eam, quæ extra Græciam, & Italiam floruit, quam Barbaricam, & in eam, quæ in Græciâ, quam Græcicam appellabo. Inter Barbaros verò Hebræos primo loco placuit numerare, quorum originem, omnium novimus vetustissimam. Et rationi quidem consonum videtur, ut, postquam superiori libro Hebræos primos Sapientiæ inventores, & excoltores vidimus, in hoc secundo Hebræorum sectas omnium primo enumeremus, quorum Philosophiam Græciæ longè antiquiorem Cassianus etiam Exegeticum primo, multis evincit; & Clem. Alex. 1. Strom. generationibus multis etiam ait fuisse antiquiorem. his verbis: *Δι' αὐτῶν δὲ τῶν ἑβραίων ἀνισχυόντων τὸν νοῦν, εὐρίπαις ἀπὸ τῶν ἡρώων τῶν παλαιῶν φιλοσοφία: Quibus ostenditur citra ullam controversiam, Hebræorum Philosophiam esse quavis Philosophiæ longè antiquiorem. Imò idem loc. cit. Platonem ipsum, ἡ ἑβραίων φιλοσοφία vocat.*

CAPUT I.

De Hebræis, eorumque Sectis.

Populi, qui sub veri Dei cultu vivebant, varlo sæpè nomine appellabantur. Et quidem Hebræi ab Heber secundæ ætatis Patriarcha, & Sem pronepote, à quo originem suam ducebant, & cujus lingua utebantur, dicti sunt: vel,

ut alii malunt, sic dicti quasi advenæ à verbo Hebræo *Havar*, *Transiit*, eo quod Abraham à Deo vocatus à terra Chaldæorum transiit flumen Euphratem, & venit in terram Chanaan. Unde Rabbiorum multi cum R. Seb. Gen. 10. putant, Abraham omnium primò Hebræum dictum, & ex eo deinde ejus posteros Hebræos appellatos fuisse.

Iidem Israëlitz etiam dicti sunt à Jacob tertiz ætatis Patriarcha, qui post Angelicam luctam Israël vocatus est, quod nomen *Prævalentem Deo* significat. Hoc deinde nomine filii Jacob distincti sunt à filiis Esau, qui Idumæi, hoc est, Ruffi à patre, qui rufus erat, vocabantur.

Tandem Judæi nominati sunt à Tribu Juda tres ob causas. Et primo quia oppidum maximè florens, & integra hæc erat, ita ut cæteris sub captivitate, Babylonica quasi evanescentibus, hæc sola, Duce Zorobabele, ex omni Hebræa gente redierit, solique ex Hebræa natione Judæi superfuerint. Secundo quia Reges ex ea fuerunt. Tertio quia ex ea Messias nasci debebat. Sed his de Hebræis breviter adnotatis, eorum sectas inquiremus.

SCRIBÆ, RABBINI.

Ubi in Israël Prophetæ esse desierunt, hoc est sub posteriori Templo, post exilium Babylonienſe, quum divina Numinis vis, assilatuſque eos non ageret, penes quos tantum recta Legis, divinæque voluntatis sententia servabatur, vivendique norma; Doctores esse cœperunt, qui ante Christum natum nullis utebantur titulis speciosis; nam dudum ante tempora Christi omnes Doctores, Prophetæ, Interpretes, Legis Expositores, & in genere omnes Literati dicebantur *Sopherim* à verbo *Sopbar*, sive *Sapbar*, ut placet Lamy, *numerare, narrare*, quæ vox Græcis vertitur *ὑπομνησται*, *Notæ*, *Notæ id docendas*. Hinc & Latini eos à Græca voce *ὑπομνησται*, quæ est τὸ ὑπομνῆσαι *Scribere* est, *Scribas* dixerunt, licet potius *Narratores*, & *Expositores* Legis verendi essent. Atque hinc forsan factum putamus, ut Græci Hebræicæ voci alludentes, suæ gentis Sapientes *ἑρμῆς* dixerint.

Scribæ ergo dicebantur, qui Scripturas exponebant, & à corruptelis vindicabant: Legem populo in Templo, & Synagogis prælegebant, in qua omnes erudiebant: dubia, & obscura quæque interpretabantur. Tribuum, Regiæque stirpis Genealogias asservabant; atque alia id genus sacra munia exercebant; ut præter alios notat eruditiss. Lamy in Appar. Bibl. pag. 192. Itaque, ut Prophetæ voluntatem Dei pronuntiabant, ita Scribæ Legem ejus interpretabantur. Quorum utrumque munus omnium optimè obivit Moses, qui voluntatem Dei, Prophetarum more, populo aperiebat, & Scribam agens Dei Legem sæpius exponebat. Hinc utriusque muneris primordia ab ipso Mose videntur deducenda.

Sunt inter autores, qui volunt, Scribas ortos esse circa captivitatem Babylo-nicam, circa tempus scilicet, quo Prophetiæ donum in Malachia exspiravit, & Sacerdotes plus negotiis, & regimini, quàm plebis institutioni vacare videbantur: quæ ministerii pars cerro hominum generi, qui Sopherim, hoc est Scribæ, sive potius Legis expositores dicebantur, reservata est. Et Eſdras quidem, Zachariæ, Aggeø, & Malachiæ cœtaneus, sæpe vocatur Sopbar, Scriba; & in 3. lib. apocrypho, qui Eſdræ nomine insignitur, *Ἀρχιερεὺς τῶ Νόμου*, Doctor Legis ordinariè vocatur. Hinc educit Lamy Appar. Bibl. l. i. c. 9. Scribarum nomen antiquissimum esse.

Deinde verò circa Christi tempora Doctores, & Principes Legis doctrina excellentes, Rabbani, & Rabbi dicti sunt à radice *Rabbab*, *multiplicatus fuit*,

ut illi dicerentur Rabbi, qui multiplices doctrinae praeclari erant: nisi malis sic dictos à voce *Rab*, quae *Magnum* significat; soli enim Rabbini supra omnes Judaeorum ordines Magni aestimabantur; itaut Regi ipsi essent praefereendi. Qui autem Hebraeorum lingua Rabbini, & Sopheri dicebantur, Latini Scribae dicti sunt.

Hi singulis sabbatis in Scholis, seu Synagogis docebant. Vide Joseph. 2. adversus Apionem, & Philon. l. 3. de Vita Moysi. Distincti ipsi Cathedralis sedebant, primas semper affectantes; quod & exprobrat eis Dominus Jesus Matth. 23. 6. dicens: *Super Cathedram Moysi sederunt Scribae, & Pharisei*. Nam quia Scribarum secta erat Orthodoxa, una cum Phariseis super Cathedram Moysi sedisse dicuntur, ut qui eam vacuum invasissent, dum Sacerdotes divitiis abutentes Ecclesiasticis suum munus desererent. Sed neque ipsi, neque Pharisei erant necessarij de genere Sacerdotum, quorum proprium super Cathedram illam federe erat: Scribae enim ferè de paupere Simeonis Tribu erant; Pharisei verò, quibus hodie Rabbini successerunt, de quolibet Cozri, & Cab. Historica.

Summae auctoritatis erant, siquæ ab Ezra Instituti. Scribarum munus erat, ut de Lege consulti ex sacris libris responderent, itaut divinarum Scripturarum essent interpretes; unde & Scribarum nomen sortiti sunt. Epiphanius l. 1. Panarii Phariseos Theologos nostris, Scribas Canonistis assimilat, quod illi Scripturarum Mysteria penitus scrutabantur, hi Leges Civiles, & Mosaias secundum Legis corticem curabant; itaut non sicut apud Romanos in rebus dubiis ex Sibyllarum voluminibus Aruspices, apud Hebraeos ex scriptis legibus Scribae consulerent; unde in Evangelio Legisperiti etiam vocati sunt.

Notat Lamy in Appar. Bibl. l. 1. c. 9. Doctores Judaeorum occupari solitos circa haec tria, nempe circa *Mischna*, hoc est circa Traditiones; circa *Midras*, hoc est circa studium Scripturarum, ut eas vel mysticè, vel allegoricè explicarent; & circa *Miera*, hoc est circa textum Bibliorum. Qui verò legem scriptam profundius interpretabantur, *Agadici* dicebantur à verbo *Nagaf*, *narrare*.

Praeter hanc literariam Judaeorum Doctorum occupationem, manibus quoque elaborationem ipsis tribuit Lamy ibid. ubi celebre illud Gamalielis essatum refert, quod est in lib. Pirae Avot, *Pulcrum est studium Legis una cum opificio aliquo: haec enim duo juncta peccati oblivionem inducunt; at studium Legis absque opere manuario & cessare solet, & esse causa peccatorum*. Atque hinc factum, quod Divus Paulus, qui Gamalielae praeceptore usus paternam legem diligenter didicerat, Scenofactoriam artem exercebat.

Quoad Scribarum Scholas, refert Divus Hieronymus in c. 8. Eusebii, duas fuisse nobiles familias, seu Collegia, Scammai, & Hillel, ex quibus orti sunt, vel potius incrementa sumserunt Scribae, & Pharisei, quorum scholam suscepit Rabbi Axiab; post Axiabam Meli, cui successit Johanan filius Zacchei, cui Eliezer, cui Delphon, cui Joseph Galilaeus, cui tandem usque ad captivitatem Jerusalem, Josue. Oper. n. 3. ait, in monte Sion septem fuisse Collegia, seu Scholas Judaeorum, in quibus divinae literae praecipue legebantur. Sed etsi multae Judaeorum Scholae, omnes tamen ex discipulis Hillelis, & Scammai ortu traduntur. Prima Schola, cujus caput Hillel, non multo ante Christum floruit. Hunc se opposuit Scammai doctrinam pariter celebris, contrarias plane Hilleli opiniones sequens, qui & multos sibi affectas doctrinae fama comparavit. Divus Hieron. l. cit. nomen *Hillel Dissipator*, *Scammai* verò *Profanus* interpretatur, eo quod per Traditiones, & *disputationes* suas, Legis praecepta dissipaverint, & profanaverint. Utriusque tamen Scholae non multo prius, quam

Christi.

Christus nasceretur, in Judæa ortas idem tradit, earumque opiniones apud Talmudicos perpetuo reperiendi. Petrus Cunæus de Rep. Hebr. l. 1. c. 12. *Is autem (Hillel) magni Concilii princeps erat, & alterum sub se præsidem habuit Sameam, hominem truculentum, ambitiosumque, cujus sectatores, cum paulo post contra discipulos Hilleli insurrexissent, tantis studiis animos hominum conciliare, pene uti totus populus pertractus in partes sit. Et l. 2. c. 17. Talmudicorum illud est, odoceim res est, de quibus contentio fuit inter familiam Hilleli, & Savaei, quas nec Elias quidem expedire possit. Prefectum hoc est ad desperationem despicere. Adeo enim nodosa, & intricata robimenti sunt duo illi dissensionum sectarum ducēs, ut nec vates quidem, aut cælesse oraculum ferre opem possuisse autement.* Idem Cunæus l. 6. asserens, omnes Sectas, & Hæreses ortas post exilium Babylonense fuisse, addit: Scio equidem, ante Babylonense exilium fuisse quosdam, qui Nazirai, Kenaitque, & Rechabites dicebantur: sed si certa quadam vitæ disciplinâ, non opinionibus, sententiisque, diversi à reliquo populo erant.

Johanan Ben Zaechai etsi inter discipulos Hilleli eruditione minimis fuisse dicatur; ipsum tamen universum Cabbalæ, ac Scripturarum corpus, cunctas etiam Philosophiæ partes exactissime tenuisse, ac Scholæ Scribarum, & Phariseorum magna cum laude præfuisse, asseverat in Chronol. Genebr. p. 205.

Inter 80. Hilleli Doctoris insignis discipulos clariore memorantur Jonathan filius Uziel, cujus paraphrasis Chaldaica in vet. Testam. magna ex parte exstat; & Simeon Justus filius Hilleli, pater autem Gamalieli, & avus Simeonis junioris. Hic Simeon Justus Christum unis excepit, & in ipso spiritum Synagogæ magnæ (qui erat Prophetico minor, communi major) desecisse, auctores sunt Talmudici in Tract. Pirke Avot. Idem sentit Rabbi Moses Aegyptius, qui non tantum Hilleli discipulum Simeonem hunc Justum fecit, sed etiam filium, & Gamalieli patrem, & præceptorem. Genebr. p. 200. De Judæorum Doctorum Scholis vide Lamy pag. 194. Hieron. & Genebr. locis cit. atque alios.

Verum, ut post Præceptorum doctrinam de Judæorum discipulis etiam verba faciamus; sciendum; quod postquam quis eorum profectuum suorum specimen aliquod dedisset, & gradu aliquo dignus inventus esset, fiebat confors, sive socius alienjus Rabbi, per manuum impositionem, sicut & Moses olim socium sibi sumpsit Josuam, sicut habemus Num. c. 27. v. 18. Quando verò Rabbi suo Talmid (sic enim discipulus hebraicè dicitur) manus imponebat, hæc loquebatur: *Ego tibi impono manum, & manus tibi imposita esto.* Idem verò Talmid ubi alijs docendis aptus erat, Rabbi vocabatur, & in Cathedra sedebat: nam usque dum Talmid erat, in scamno, sive depressiori subselio ad pedes sui Rabbi confidebat.

R E C H A B I T Æ.

POSTquam Josaphat Rex Juda Israelitarum Regi Achab fœdere junctus est, congregati sunt cum Rechab, & filio ejus Jonadab Judæi quidam Prophetæ contra Sacerdotes Baal; quæ Rechabitarum Secta ab institutore Rechab dicta est; duravitque usque ad tempus Jeremiæ, ad obsidionem scilicet Jerusalem, quo se contulerunt post destructionem eorum solitudinis factam à Chaldeis.

Rechabitas natione facit Madianitas eruditissimus Witsius in dissertat. de Rechabitis, quos ex distributione terræ Chanaan olim Chananzos vocatos ait; eosque Moysi in deserto se junxisse, & in Tribu Juda adnumeratos esse refert:

Hos

Hos Sanedrin assessores Rabbīnorum plerique crediderunt: sed eos testellit cit. Witfius, nec putat, hoc magnum Judaeorum Consilium in captivitate durasse.

Rechabitarum vitam austeritatem narrot, & celebrat Petrus Martyr, & Jeremias c. 35. qui eos jussu Domini in domum Dei introducens, eis vinum ad bibendum tradidit; qui responderunt: *Non bibemus vinum, quia Jonadab filius Rechab pater noster praecepit nobis dicens: Non bibetis vinum vos, & filii vestri usque in sempiternum; & domum non edificabitis, & sementem non facietis, & vineam non plantabitis, nec habebitis; sed in tabernaculis habitabitis, cunctis diebus vestris, ut vivatis diebus multis super terram, in qua vos peregrinamini. Obedivimus ergo, &c.* Quam resistentiam, & à vino abstinentiam à Deo remuneratam refert Witfius. Petrus Martyr refert, eos in Mundi peregrinatione illas semper regiones quaesivisse, ubi pax, & abundantia vigeant, pastoremque vitam, quam à patribus suis acceperant; retinuisse.

Hujus Sectae, præter alios, fuisse Daniel traditur, qui leguminibus, & aqua etiam in Chaldaeorum Regis palatio vescabatur. Unde placuit hic Dario, qui cum fecit unum ex tribus Principibus, quos super 120. Satrapas Regni constituerat. Vide Joseph. 2. de Bell. Jud. 7. aliosque. Diffi sunt Scribae, seu Doctores 1. Paralip. 2. versu ult. & in Chronicis passim.

ESSÆI, SIVE ESSENI.

Celebres quoque fuisse inter populi Dei philosophos Essæi, quos Plinius l. 5. c. 17. Essenos vocat, eorumque vitam sic nobis describit. *Gens sola, & in toto Orbe præter ceteras mira, sine ulla famina, omni ventre abdicata, sine pecunia, secta palmarum.* Et mox subdit: *Ita per seculorum millia, incredibile dictu, gens aeterna est, in qua nemo nascitur. Tam fecunda illis aliorum vite penitentia est.* Porphyrius fusiis eorum mores, & instituta persequitur occasione *Anty. Abstinentiae eorum insignis: sed ex Josepho omnia nuntiatur.* Vide etiam Euseb. in Præpar. Evangel. & Phil. Jud. De his ita Petr. Cum de Rep. Hebr. l. 2. c. 17. *Ex quibus debinc Essæi tertium genus orti; religionum sanctimoniam omnem paulo magis scrupulatim ad anxias quasdam superstitiones excegerunt.*

Essæos Rechabitarum successores quidam faciunt, eo quod eis in moribus, & doctrinis similes erant. Eorum autem originem quidam docendam censent ab iis, qui, ut Legem facilius adimplerent, sub Juda Machabæo in desertis locis se abdidere. Lamy verò in suo Appar. Bibl. putat, Essæos, sive Essenos sic dictos quasi Hassideos, quæ vox idem Hebraicè sonat, ac Pius, Sanctus. Et in Scriptura Hassidei quidem appellantur, qui Judæ Machabæo adhæserunt. Notandum tamen hic est, Essæorum sectam à Josepho inter hæreticas, & schismaticas ideo adnumerari, quod causantes, se sanctioribus ceremoniis uti; in Templo Jerosolymitano sacrificare, insistent; hinc à reliquis schismaticis, & superstitionibus quibusdam tenebantur, etsi eorum sectam orthodoxam multi crederent. Saducæis, Samaritanis, & Bæthosæis (quæ tres sectæ in unam jam coalescerant) adversabantur, quod hæc sectæ cupiditatibus, & impietatibus vacabant. Fato multa tribuebant, & Astrologiæ operam dabant, ex Epiphanio. Sapienter à multis vocabantur.

Philo in lib. Omnes probos esse liberos, sic præclare Essæos describit: *In Syria, & Palæstina, quæ partes sunt Judæorum haud modice, dicuntur quidam nomine Essæi numero ultra quatuor milia, à voce græca idem, Sancti sic appellati, quia summa religione Deo serviunt, non maculando vestimenta,* sed

suaque

suasmetipsorum mentes componendo ad sanctimoniam. Hi vicatim habitant, urbes fugiunt propter familiaria civibus earum vitia. Alii Agriculture student, alii artes exercent, quæ pactis sociæ sunt. Neque aurum, neque argentum sibi conant, neque agros latos parant cupiditate reddituum, sed necessitate victus. Nemo bellicorum armorum apud eos est opifex, sed neque in pace ullum mercaturæ genus attingunt. Servos non habent, sed liberi omnes sunt, mutua ministeria sibi exhibentes. Rationalem, & Naturalem Philosophiam respuunt; Divinam amplectuntur. Morali maxime student, patriarum legum auxilio asi, quas præcipue septima die docent. Imbuuntur autem Sanctitate, Justitia, ceterisque virtutibus tres regulas addibentes, Dei, Virtutis, Hominumque amorem. Deum illos diligere, illud est indicio, quod perpetuam castitatem servant, iurjurandum, & mendacium non deant, & quod bonorum omnium, nullus verò mali autorem esse Deum arbitrentur. Virtutis studiosos esse ex eo perspicitur potest, quod pecuniam, & gloriam negligant, voluptates respuant. Hominum verò caritate flagrare indicat amor, & societas inter eos. Una est enim omnibus domus, una vestis, unum ætium, unus sumus, communis victus, & vita. Quin etiam questus in commune conferunt, ægrotautes communiter curant, & seniores loco parentum habent.

Sed Essæorum vitam, & instituta fufius hic ex Josepho 18. Antiquit. 2. & 2. de Bello Jüd. 7. tradere animus est. eorum namque secta probitate, fama, & religione Phariseorum, & Saduceorum sectas superabat. Erant igitur Essæi summe continentes, divitias, luxum, & voluptates contentui habentes; omnia in communi possidebant: juvenes, & pueros, qui se illis committebant, non nisi post longas preces, & post annum probationis, suo cæui adnumerabant. Ubi verò ipsis adnumerati erant, omnia eorum bona communi cæui adscribebant. Cùm verò juvenes post annum probationis in suos recipiebant, eos hæc solemniter voveri faciebant: Deum scilicet supremo cultu adorare: Principes, & Magistratus venerari: nulli nocere: Justitiam facere; & omnibus æquè prodesse. Si verò quis eorum eo quod malè viveret, ab eorum cæui abscindebatur, vel ultra discedebat, non nisi post longam, & asperissimam penitentiam, & preces, in integrum restituebatur. Ab hominum commercio, & civitatum tumultu remoti, & simplici victu contenti vivebant. Diem inchoantem silentio, & precibus suscipiebant. Deinde quisque eorum proprio muneri exercendo, vel libris tum sacris, tum profanis, hoc est qui de herbarum, lapidum, & metallorum natura, & viribus tractabant, evolvendis, vacabat. Omnes una congregati mensæ assidebant, quæ à precibus inchoabat, summo silentio perficiebatur, & gratiarum actione definebat. Horis quoque pomeridianis ad cœlestes contemperationes, & librorum lectionem incumbabant. Eorum doctrinæ à doctrinis Phariseorum in hoc solum discrepabant, quod Pharisei multa fato tribuebant. Essæorum vita propter singularem animi tranquillitatem, & frugalitatem ultra centum annos erat. Eorum mores, & vivendi consuetudo Prophets, & Rehebiels in omnibus similes erant; adeo ut à quibusdam Ecclesiæ Patribus pro Christianis habiti sint, quos Philo Therapeutarum nomine nobis descripsit; & Joseph 1. 10. c. 13. Pythagoreis affines, & 2. de Bell. c. 12. Religiosis nostris similes fecit, eorumque sectam Orthodoxam dixit. Quæ credebant, non solum tormentorum tolerantia, sed morte etiam confirmabant. Animam, quam immortalē credebant, è Cælo in corpus per tractionem quamdam descendisse affirmabant; quæ deinde anima è corpore tanquam è carcere læta egrederetur, ut ad Paradisum voluptatis, quem ultra Oceanum pro animabus iustis locabant, reverteretur; contra verò antra obscura ad æternam impiorum poenam agnoscebant. Vid. Joseph loc. cit.

P H A R I S Æ I.

ERat quoque Phariseorum secta (qui ab Hebræo *Pharise*, quod est *dividere*, dicti sunt; erant namque moribus, dignitate, & habitu à reliquis divisi) quæ etiam Orthodoxa Josepho dicitur. Rigidi legum observatores erant: hominem liberum ponebant, & animam immortalem credebant, quæ post mortem in alia corpora transiret, si bene viveret, vel æterno supplicio sepulta foret, si male se gereret. Omnia Deo, & Pato tribuebant. Phariseorum secta propter excellentem doctrinam, & morum (apparentem tamen) probitatem populo venerationi habebatur. In medio populorum habitabant, omnes fere ambitiosi, & lucro summè dediti. Decimas vel minimarum etiam rerum persolvebant, Matth. 23. 23. Ad seipsos, vasa, & omnia mobilia lavanda, & purificanda nimis intenti, Marc. 7. 4. Admodum quoque supersticiosè sabbata observabant, Johan. 9. 16. & Matth. 23. 2. Sæpius jejunabant; plures adhuc bis in hebdomada, die scilicet Lunæ, & Jovis, Luc. 18. 12. Phylacteria, & simbras ampliores, quàm vulgò, gestabant, Matth. 23. 6.

Erant autem Phylacteria Scripturæ quædam, quibus aliqua legis dicta asservabantur, *ante se custodire*, *custodire*; quæ Phylacteria fronti, & tævo brachio alligata portabant ad significandum, se quotidie legem ante oculos, & præ manibus habere, juxta præceptum Deuteron. 6. 8. Rimbræ, verò erant flocci varii coloris, quos palliorum angulis alligabant, ut sensibile, & continuum legis monumentum ipsis esset, ex Num. 15. 38. Quæ externa legis insignia Judæi etiam nunc Synagogam ingredientibus portant. Vid. Buxtorf. Synag.

Eleemosynam Pharisei palam dabant; & faciem suam flavo colore tingebant, ut viderentur frequenter jejunantes, Matth. 6. 2. & 5. 16. Magnam ab eo injuriæ sibi fieri putabant, qui impurus existens ipsos tangere ausus esset: impuros autem ipsi habebant non solum gentiles, & publicos peccantes, sed omnes etiam sibi odiosa exercentes. Tandem eorum sanctitas non erat nisi superbia, ambitio, & lucri cupiditas: Dulcibus suis discursibus populum, & præcipue feminas seducebant, ut se propriis divitiis privantes, eas ipsis darent sub prætextu, quod ipsi populus Dei essent, & Legis Depositarii, Matth. 23. 24. Phariseorum sectam Act. c. 26. v. 5. accuratissimam Apostolus vocat, eo quod cæteris sectis auctoritate, & doctrina præstaret.

Phariseorum ordo natus est sub Alexandro, & Demetrio Syriæ Regibus, an. scilicet Mundi 3944. Urbis cond. 385. Jonathan an. 18. ex Josepho l. 13. Antiquit. c. 9. 18. & l. 18. c. 2. & 2. de Bell. c. 7. Ben Gorion Hist. Judaic. l. 4. c. 25. refert, illorum sectas septem fuisse; & contra Saducæos docuisse, Traditiones religiose servandas. Apud plebem, quæ ipsis maxime adhærebat, plurimum poterant; & à multis *Sapient*, Sapientes dicebantur.

SADUCÆI, BAJETHUSÆI, ET KARRÆI.

SADUCÆORUM sectam principem sectam appellat Petrus Cunæus de Rep. Hebr. l. 2. c. 17. inquit: *Diximus, principes sectas tres fuisse. Phariseorum, Saducæorum, Essæorumque.* De nomine Autorum Sadoc, & Bajethos sic dicti sunt. Hi namque Antigoni Sochæi boni præceptoris mali discipuli, Saducæorum, & Bajethusæorum sectas condiderunt: quas duas sectas in unam deinde coaluisse, & suo etiam tempore Constantinopoli, alibique perseverasse, refert Genebr. Chronol. l. 2. Sunt inter Judæos, qui scribunt, hunc Antigonum Sochæum claruisse an. Mundi 3460. ex Lamy Appar. Bibl. l. 1. c. 9. Hæ sectæ negabant

D

omnem.

omnem legem ore traditam, nec ulli rei fidem habebant, quæ quinque Moisaicis libris non contineretur: unde Karaim, Biblici, & Legittæ dicti sunt. Hanc autem Saducæorum sectæ opinionem ortam dicunt ex quodam Antigoni dicto aliter accepto, quam ipse intellexerat. Dicebat enim Antigonus: *Ne fies sicut servi, qui Domino servant pro pretio, & mercede, sed sicut servi, qui servant gratis citra spem ullius mercedis; sequi timor calis super vos: Quam Antigoni sententiam sic perperam ejus discipuli interpretati sunt, quasi inde sequeretur, à Deo nihil præmii esse expectandum.*

Hæc deinde Saducæorum secta Samaritam sub Alex. Magni à quodam Manasse excitatam sibi addixit, multosque ob naturalis sensus libertatem habuit sectatores ad Romanam usque captivitatem; quo tempore ita debilitata est, ut nonnisi 700. post annos efferre se cœperit, autore quodam Anan; & Saule ejus filio, qui eam in Judæorum populo, quantumvis exilibi afflicto, renovasse dicuntur, eò quod Anan Talmudici doctoratus insignia, hoc est, esse Gaon non potuerit consequi. Unde docuit in suis libris, fabulam esse quicquid Talmudici dicerent, vel quicquid per Traditiones, & ritus à sanctis viris per ordinem deduxerint. Hæc eadem secta, quam Joh. Leo suis etiam temporibus in Africa extare dixit, magistratibus non obtemperandum docebat.

Alexandra, & Aristobulus sivebant Saducæis, Hircanus Pharissæis: unde & civilia bella, & Romanum denique jugum, Pompejo ambas partes militante. Genebr. Chronol. l. 2. ex Josippo, & aliis. Saducæorum quoque, secta ex Josepho lib. 13. Antiquitatum c. 9. 18. & lib. 18. c. 2. & lib. 2. de Bell. c. 7. orta dicitur sub Demetrio, & Alexandro Syriæ Regibus an. Mundi 3944. Urbis cond. 385. Jonathan an. 18. Sed Lamy in Appar. Bibl. tempus, quo Saducæi cœperint, ignorari facit.

Saducæi interpretantur *Justi*, non quod tales fuerint, sed speciosum hoc justitiæ nomen sibi vendicabant. Hæc secta divitibus, & magnatibus ut plurimum componebatur, quibusdam etiam Sacerdotibus, quibus ob sensus libertatem ardebat. Sacrum Codicem secundum literam tantum recipiebant Saducæi; unde nec Prædestinationem, nec Resurrectionem, nec Animæ immortalitatem, nec Angelos, nec Spiritum Sanctum credebant. Prophetas, Hagiographos, Masoræth, & omne Perus, hoc est, Traditiones Patrum, & omnem Legis expositionem rejiciebant. Et id serè in Judæa Saducæi erant, quod Samaritani in Samaria. Tanti denique inter Pharissæos, sive Catholicos, & Saducæos tumultus in gubernatione exorti sunt, ut Judæam tandem perdidissent. Voluptatibus dediti nonnisi ob temporalem bonorum retributionem Deo serviebant. Vide Fleury de Morib. Israël. c. 6. & Genebr. Chronol. l. 2. Sacrificabant in Templo, & inter Judices Synedrîi sedebant, ut ex Act. Apost.

Karræos, quia cum Saducæis in omnibus conveniebant, ita ut eosdem cum illis quidam fecerint, meritò hic ponimus. Hi numero in oriente non pauci. Karræi per contemptum vocabantur à Judæis Manseim, hoc est, Spiriti, & pro pessimis hæreticis habebantur. Contra verò hi odio habebant Judæos, eosque appellabant Rabbanitas, quod Rabbiorum traditionibus uterentur. De Karræis, quos Karraitas vocat, ita Petr. Cunæus de Rep. Hebr. l. 3. c. 8. *Est factio eorum quedam cordatior. Ii sunt Karraitæ, qui spreto hominum placitis Talmudica præcepta pro nugamentis habent, & nihil admittunt, nisi Sacri Codicis contextum. Sed id hominum genus cæteris Judæis invissimum est. Idque cum sint oppido pauci; sed ad unum omnes ditissimi, filias suas cum dote summa vix dare nuptum queunt.*

SAMARITANI.

Inter sectas Judæorum Schismaticas primo loco ponenda Samaritanorum secta est, quæ originem habuit à Jeroboam filio Nabath, qui prætextu jugi, quod Roboam Rex populo volebat imponere, decem sibi Tribus allexit, & in Tribum Ephraim, ex qua erat, se recepit, ibique novum Regnum instituit, quod dictum est Israël, quia major pars Tribuum Jeroboam adhæserat. Judæis res in contemptum Ephraimitæ à Tribu Ephraim appellati sunt. Samaritani autem dicti sunt à monte, & Urbe Samariæ; nam, stante primo Templo, quod erat nomen Urbis, deinde fuit nomen Regionis, cujus Metropolis erat Sichem, quæ & Neapolis dicta est.

Hi cum Gentilibus, hoc est cum Chæcis sub Salmanasar, decem Tribus captivas abducente, commixti sunt, ritusque pariter Religionis permixti. Sed Ethnicisnum dediscere ceperunt Samaritani post extructum Templum in Monte Garizim; cujus constitutus fuit Pontifex Manasse filius Jaddi Judæorum Pontificis. Cæteris Scripturæ libris rejectis hi solum Pentateuchum retinuerunt, in Schismate permanentes, eo quod crederent, se non teneri ire Jerusalem ad Deum adorandum, quod Dei cultus prius viguisset in Ephraim, quam Jerusalem; Arca enim Domini diu fuerat in Silo juxta Ephraim.

Notandum hic est, odium illud, quod Samaritanos inter, & Judæos exarserat, eod evenisse, ut Judæis non liceret cum Samaritanis edere, nec bibere. Unde notatur etiam in Johan. c. 4. v. 9. Samaritanam illam mulierem miratam nimis esse, quod Jesus, qui Judæus erat, aquam ab ipsa peteret. Dispar autem Religio, & vicinia tantæ causæ odii fuerat. Samaritani etsi in quatuor sectas contra legem Moysi discissi; in hoc tamen cum Saducæis præcipue conveniebant, quod Prophetas minime recipere.

ZELOTÆ, SEU GAULONITÆ.

Josephus Antiqu. l. 18. c. 1. aliam Judæorum sectam recenset, eorum scilicet, qui sectati sunt Judam Gaulonitem ex Urbe Gamala, quos doctiss. Lamy in Appar. Bibl. l. 1. c. 9. eisdem putat cum his, qui in Hist. Judaica Zelotæ appellantur. Hujus autem Judæ doctrinam, & novæ sectæ condendæ occasionem talem Josephus refert: Pulsò Archelao in exilium, Judæa redacta est in Provinciam, & à Romanis censa, ut vectigalibus subjaceret. Tum Judas Gaulonites ex Urbe Gamala sollicita vit populos ad defectionem, censum nihil aliud esse dictitans, quam manifestam servitutis professionem. Multi præbuere aures sermonibus ejus, & quasi alteri, quam Deo servire illicitum fuisse, jugum Romanorum excussere. Sic de ipsis Petrus Cunæus de Rep. Hebr. l. 2. c. 17. Utique Gaulonitæ pernicatissima pietatis homines, ut Casarem de cervicibus suis depellerent, solum Deum tenere terrarum regna iactabant. Et omnes quidem Judæi in genere putabant, indignam sane rem esse, se peregrino populo vectigalia pendere; Deus enim Deuteron. c. 17. prohibuerat, ne Rex alienigena, sed unus de fratribus eligeretur. Hinc Judæi pro extigalibus fere hominibus habebant Publicanos, quia scilicet publica vectigalia ipsis à Rom. Pop. Imposita erant.

Ita factum est, ut cum omnes Judæi Romanos odio haberent, aliqui tamen zelo magis exarserint, ut secta peculiaris eorum, qui Judam sectabantur,

instituta sit. Hi se justos dicebant, credentes, solum Deum Dominum habendum, ac principem, seque facilius exquisitissima poenarum genera cum cognatis, ac carissimis suis laturos jurabant, quam mortalem aliquem appellaturos Dominum.

HERODIANI.

Judæorum sectis adjungit Epiphanius Herodianos, quorum etiam mentio fit in Evangelio, sic dictos, vel quia crederent, Herodem Ascalonitam esse verum Messiam, ut vulgaris fert opinio; vel quod Herodis domestici essent, ut aliis placet. Erant enim inter Judæos, qui Herodi, tanquam Regni usurpatori, fortiter resistebant: unde qui pro eo erant, & ipsi palam suffragabantur, Herodiani dicti sunt.

NAZARÆI.

Idem Epiphanius reliquis Judæorum sectis adnumerat Nazaræos. Sic autem à Judæis Christianos appellatos novimus etiam ex Divo Hieronymo, qui citat Evangelium Nazaræorum Hebræico idiomate scriptum. Et quidem Christi sectatores Antiochiæ primùm Christiani appellari cœperunt; à Judæis vero in Judæa per despectum dicti sunt Nazaræi, eo quod crederent, Dominum Jesum in Nazareth oppidulo natum: hinc sub hoc nomine ter de dñe Christianis in Synagogis maledicebant.

HELLENISTÆ.

Sic dicti quasi Græciscantes, eo quod Græca Sacrorum Bibliorum versione, non Hebræa in Synagogis uterentur. Hinc Hebræis, quia Schismatici, odio habiti, etsi nulla doctrinarum *fractura* ab ipsis divideretur. Odii etiam causa erat, quod Hebræi Græcorum studia ita abominabantur, ut Rabbini illi maledicerent, qui porcos aleret, & Græcorum studia filios suos edoceret.

Hujus autem sectæ occasio fuit, quod postquam Hebræa lingua vernacula esse desit, Sacra Biblia græcè primùm reddita sunt Alexandriæ; unde Hellenistarum origo à Græcis Alexandrinis ducenda videtur. Notat doctiss. Lamy Appar. Bibl. l. i. c. 9. Græcos (quos inter, & Hebræos etiam Christianam Religionem amplexatos dissidia viguisse in Act. Apost. legimus) non Græcos idololatrias reputandos, sed Hellenistas, cum Græci idololatriæ eo temporis nondum albo Christianorum adscripti fuissent, uti erant jam Hellenistæ. Hi Pythagoram in doctrina sectati sunt.

ALEXANDRINI.

Schismatica quoque hæc secta Alexandrinorum erat, ut notat Philo; hi enim, contra expressum Dei præceptum, Templum, quod Onias in Ægypto extruxerat, adeuntes, ibi, & non in Jerusalem, sacrificabant. Schismate autem tantum à Judæis Hierosolymitanis divulsi erant, doctrina in omnibus consentientes, & Jerusalem Judæicæ gentis caput agnoscetes.

Sunt & aliæ sectæ minoris notæ, ut EFNEI, qui dicunt ipsum esse Christum, qui docuit eos omnem abstinentiam. MORBONEI, qui ipsum etiam Christum esse, qui docuit eos in omni re sabbatizare. MERISTER, qui Scripturis ex parte credunt. GENISTEI, qui de genere Abraham se esse gloriabantur.

Et tan-

Et tandem HEMEROBAPTISTÆ sic dicti; eo quod quotidie vestimenta, & corpora sua lavarent.

Verbum hic addam de secta RANATITARUM, Judæorum scilicet ranas venerantium, quam memorat Philastrius in Biblioth. Patr. Sup. Verùm licet Judæi venerationem aliquam pro ranis omnes habuerint, quod Deus per ipsas Ægyptios assuxerit; nullibi tamen invenitur, fuisse apud Judæos gentem, quæ peculiari cultu ranas veneraretur. Plura de Hebræorum sectis qui cupit, adeat Isidor. 8. Orig. 4. Josephum, Philonem; Fleury de Mor. Israël. Lamy App. Bibl. atque alios.

CAPUT II.

De Chaldeis, eorumque sectis.

Chaldæi, qui, ut testis est Aristoteles in Magico, si Aristotelis hoc opus est, & Sotion de Successione, referente Laërtio, Babylonios; & Assyrios Philosophiam docuere, antiquissimum Doctorum genus sunt, ut ait Cic. l. 1. de Divinat. Sed Chaldæorum nomen gentis, an artis fuerit, dubium est apud autores. Herodotus, Cicero, & alij, hoc gentis, non artis nomen esse, opinantur. Chaldæi enim, ut ait Diodorus, disciplinas non more Græcorum propagabant; qui omnes auditores eas promiscue docebant; sed per genera, & familiæ traditionem eas in natione conservabant. Imò & inter ipsos familiæ quædam peculiaria erant studia addicta, quæ propria sibi sede concessa, immunit publicorum onerum, & vestigalium vitam ducebant. Hinc Cic. l. cit. ait, quod *non ex arvis, sed ex gentis vocabulo nominati sunt*.

Doctis. Stanlejus habet, Chaldææ regionis accolæ dictos esse Chaldim quasi Chusdim à Chuso Chami filio. Et Hesychius *Χαλδαίους* interpretatur *Μαγιστράδων γινωσκόντων*, genus Magorum, qui omnia noscunt. Sed Dicæarchus, in Vita Græciæ, citatus à Stephano in voce *Χαλδαίων*, ait à Nino doctum quatuor Regem, qui appellabatur Chaldæus, Babylonem celeberrimam Urbem ad Euphratem suum adificasse, omnibus in eundem locum collectis, qui Chaldæi dicuntur, & dicit regionem Chaldæam. Sic & eruditiss. Joh. Cleric. à Rege ejusdem nominis potius Chaldæam dictam putat. Ex Marcellin. etiam habemus, dictos fuisse Chaldæos non ab Arphachsad, ut Josephus vult; nec à Chafed filio Nachor, sed sectæ nomen fuisse, quæ postea in gentem excrevit.

ZOROASTREM Chaldaicæ Philosophiæ, omniumque artium inventorem fuisse, omnibus in confesso est. Sed etiam multi numerentur Zoroastres fuisse, de quibus susè laudatus Stanlejus; nulli tamen dubium est, quin primus Zoroastres, Chaldæus scilicet, sive Assyrius, artium, & scientiarum apud Chaldæos inventor extiterit. Quo autem tempore vixerit, magna inter autores dissentio est.

Scriptis hic, ut refert Plin. l. 30. c. 7. viciis centena millia versum, quos Hermippus indicibus, & commentariis illustravit. Oracula, quæ forte antequam versum partem aliquam faciant, & in quæ Syriacus duodecim libros interpretationum scripsit; summo labore ex pluribus collegit, & typis edidit Franciscus Patricius auct. ad 326. versus; quos, ex Patricio, in sua Philosophiæ Hist. græcæ, & lat. habet cit. Stanlejus, cum notis ad ipsos & viro Johannis Clerici, de literaria Rep. viri optimè meriti. Zoroastri etiam tribuitur liber de Magia, quem laudant Arabes. Autorem etiam ipsum quidam faciunt libri de Agricultura, & Mechanicis, Revelationum, de Somniis, eorumque interpretationibus: sed hæc alius Zoroastri recentioris, vel apocrypha censent eruditi.

BELUS secundum Inter Chaldaeos Philosophos locum sibi vendicat, cui Astronomiæ inventionem quidam tribuunt. Huic Semiramis filia Templum præcellæ altitudinis media Babylone erexit, ex quo Chaldaei astra contemplabantur. De Belo historiam lege apud Ælianum Var. Hist. l. 13. c. 3. Sed aliis minoris notæ Chaldaee gentis Philosophis prætermisiss, ad Berosum veniamus.

BEROSUS, Græcis Βήρουσ, circa Ptolemæi Philadelphi tempora vixit Chaldaeorum Philosophiam, & Astronomiam tribus libris à se scriptam Græciæ intulit; hinc, ut autor est Plin. l. 7. c. 32. *Ob divinas prædictiones et ab Atheniensibus publicè in Gymnasio statua, inaurata lingua, posita est.* Horum librorum meminere præter alios Tertullianus, Athenæus, & Clem. Alexandr. Hujus operis præclara nobis fragmenta conservavit Josephus l. 1. contra Apion. & l. 5. Antiqu. Jud. Vitruvius l. 9. c. 6. 7. testatur, hunc Berosum in insula, & Civitate Coo confedisce, ibique aperuisse disciplinam.

Berosi filiz meminit Justinus Martyr in Paræ. quam Babylonicam Sibyllam vocat, eamque Cumis vaticinatam cum cæteris Cumanis Sibyllis volute. Atque hæc de Beroso, & Chaldaeis Philosophis.

Chaldaeorum Sectæ, vel à sedibus, quas in sua regione tenebant, vel à disciplinis, quas profitebantur, nomen sortitæ sunt. Et à locis quidem alii Orchoeni ab Orchoë Chaldaee; alii Borsippeni à Borsippe Babyloniæ; alii aliis nominibus insigniti, & distincti erant à locis, ubi degebant: atque hi, ut in sectis fieri solet, aliter atque aliter de rebus statuebant. Quæ de re præter alios vide Strabon. lib. 16. ex quo id præcipue habemus, quod quædam fuit Babyloniorum Philosophorum secta, quæ ex naturalibus hominum iis eventura se prædicere profitebatur. Sed hæc à cæteris non probabatur.

Potissimum autem Chaldaeorum Philosophorum Sectæ nomen à disciplinis, quibus se addixerant, sortiebantur. Harum vero Sectarum præcipuas quatuor fuisse multi ex Daniele Propheta colligunt, qui accersitos à Nabuchodonosor omnes Doctos ad sul somnii interpretationem in quatuor classes distinguit, Hæartumim scilicet, Aschaphim, Mechaschephim, & Chaschdim.

Hæartumim, secundum Abarbanclem, dicebantur Magi rerum natræalium periti; sive, secundum Jachiadem, Magi, qui Theoreticam scientiam colebant. Et quidem hi cognoscendæ rerum naturæ operam dabant: quæ contemplatio Theologiam, & Physicam, seu cognitionem Dei, rerumque naturalium complectitur.

Aschaphim à cit. Jachiade dicuntur Magi, qui scientiam activam colebant; & quamvis vulgo exponantur Astrologi, potius tamen convenire videntur cum Magis Perlarum, qui Sacerdotes, & rituum, quos magicos appellabant, erant Magistri.

Mechaschephim dicebantur Revelatores rerum absconditarum; unde Moses Machmanides, Abarbanel, aliique putant, eos diabolicis artibus usos, non secus ac ii nunc, quos Sortiarios vocamus.

Chaschdim, quos Strabo Chaldaeos Astronomicos vocat, quamvis omnibus Chaldaeis eruditioni additis peculiariter attributum nomen fuerit; inter eos tamen potissimum sic vocabantur, qui Astrologiæ, quæ præ cæteris nationibus excellebant, operam dabant. Ab his Pythagoram astrorum scientiam hausisse testatur Porphyrius in Vit. Pythag. Et Gell. 14. 1. ait, primos Chaldaeos in patentibus campis stellas observasse: quare Eudoxus, referente Petron. & eodem Gell. 17. 21. in excelssissimi montis cacumine consensuisse creditur, ut astrorum, Cœlique motus observaret. Chaldaeos etiam, & Babylonios magistros habuit Democritus; ut refert Ælian. Var. Hist. l. 4. c. 20. sub quibus multum profecit; unde & librum scripsisse meminit Laërt. *De Sacris in Babylone literæ*.

literis, & Oratorem de Chaldeis. Imò de Aristoteles, magnus ille naturæ indagator, Callistheni confobrio suo, & discipulo cum Alexandro in Asiam eunti in mandatis dedit, ut earum rerum, quas Chaldæi in Cælestibus observassent, commentarios ad se mitteret; cui Callisthenes bis mille circiter annorum observationes misit, ut est apud Simplicium in Aristotelem l. 1. de Cælo.

Ex modò dictis colligitur, omnem Chaldaicam doctrinam in quatuor partes fuisse distributam, in contemplationem scilicet Divinarum, humanarumque naturarum, hoc est, in Theologiam, & Physicam, quam partem utramque exercebant Hhartzumim; in Ritus Religionis, quam secundam partem Aschaphim tenebant; in Divinationem ope Astrologiæ, quæ tertia pars propria erat Chaschdim; & in Divinationem ope aliarum artium, quam ultimam Mechaschephim faciebant. Ex quibus duas posteriores Diodorus Astrologorum nomine, duas vero priores sub Physicorum, & Sacerdotum nomine collecti vltus est, dum ait, Chaldæos imitari Sacerdotes Ægyptios, adhuc autem Physicos, & Astrologos.

Et ut ad Chaldæorum doctrinam propius considerandam accedamus, sciendum primò est, Zoroastrem omnem naturam divisisse in Æternam, quæ principio, & fine caret; in eam, quæ principium habuit, sed non habet finem; & in eam, quæ finem æque habet, & principium; sive in Deum, Spiritus, & Corpora.

De Deo quàm optime senserint Chaldæi, testis est præter alios Eusebius Præp. l. 9. c. 10. & sequens Oraculum à Porphyrio laudatum:

Miles Chaldæus orator ad hæc, ad deum Borsam.

Κυριότῳ δὲ ἀναγὰς ἐστὶν ἡδὺν ὅτι ἐστὶν.

Chaldæis solis sapientia cæsis, Hebræisque.

Æternum casto venerati Numen bonæ.

Deum enim rerum omnium Principium unicum, cunctorum parentem, ac regem agnoscebant, ac rebus omnibus præsidere dicebant. Et Zoroastres passim in oraculis ipsum vocat *Nûr*, Ignis, *Φῶς*, Lux, *Ἄστὴρ*, Radii, & *φῶς*, Splendor.

Ex hoc igne, sive Lumine diffunduntur radii ad infinitum lucidum spatium, *Τριανδρον* quæ Supramundanum Lumen, sedem scilicet Beatorum; & ex hoc illuminatur mundus corporeus, seu Cælum Empyreum; ex quo æthereus illustratur; & ab hoc demum lumen ad sublunarem mundum procedit.

Quod secundam naturam, eam scilicet, quæ Æterna à scholis vulgò dicitur, quia principium habet, sed non finem, Chaldæi sub hac ponebant Deum genus, quod sub Deo patre, & rege collocatum restatur Eusebius, Mentes hominum, & intelligibiles, & intellectuales omnes naturas, seu *Nouras*, & *Nouras*, Dæmones bonos, & malos; quorum primos Lucem, secundos Tenebras vocabant.

Non solum autem Veri, Æterni, Summi, omnium Principii, & Finis, & in sua essentia Unius Dei scientiam, & cultum Chaldæi habebant, sed ejusdem Triadis mysterium agnovisse, ne dum ex Psello colligitur, qui ait: *Venerantur etiam fontanum Triadem fides, veritatis, & amoris*; sed ex ipsis Zoroastris Oraculis v. g. clarum fit, ubi ait:

Πατρὶ γὰρ ἐν κείνῳ λαίρῳ Τριάς, ἡς Μῶυς ἀρεῖ.

Toto animo in Mundo lucet Trinitas, ejus Unitas initium est.

Quam Trinitatis scientiam Chaldæi, ut & cæteras Divinas, humanasque scientias, nonnisi ab Hebræis per Traditionem edocti sunt.

Tertia natura eorum est, quæ principium, & finem habent. Sub hoc genere primò ponit mundos corporeos Zoroastres quos septem numerat, Empyreum scilicet.

scilicet; tres Æthereos, sphaeram nempe Fixarum, & Sphaeram Erraticarum, & Ætherem inter Empyreum, & Sphaeram Fixarum; & denique tres Mundos materiales dictos, Aërem scilicet, Terram, & Aquam; sic enim in Oraculo. *Terram in medio posuit, Aquam vero in sinu Terræ, & Aërem supra hoc.*

Dæmonum genera sex ponebant, Igneum scilicet, quod per aërem, qui supra nos est, sed infra Lunam, volitat; Aëreum, quod per aërem nos ambientem vagatur; Terrestre; Aqueum; Subterraneum, & Lucifugum. Omnia tamen hæc Dæmonum genera Dei odio flagrare, atque hominibus adversari docebant; esse tamen alia aliis pejora. Atque hæc breviter de doctrina Hæreticorum.

Secunda Chaldaicæ doctrinæ pars in divinandi artibus sita, præcipue in Astrologia versabatur, cujus Chaldaei inventores, vel saltem instauratores habitusunt. Astrologiæ partes duas excolebant, Meteorologicam scilicet unam; quæ stellarum motus considerabat, Apotelesmaticen alteram, quæ ad Divinationem propriè pertinebat: harum primam deinde Græci Astronomiam, secundam Astrologiam dixerunt.

Astronomia docebat, omnium vitas, & actiones pendere à stellis fixis, & erraticis, earumque multiplici cursu humanum genus gubernari; ex ipsis autem septem stellas, seu planetas habere rationem causarum agentium in unumquodque eorum, quæ in vita accidunt; partes verò Zodiaci adjuvare. Deos etiam, auctore Diodoro, duodecim statuebant, quos Principes appellabant, eorumque singulis mensem unum, & Zodiaci signum unum tribuebant. Ex Planetis autem alios Beneficos, Jovem scilicet, & Venerem; alios maleficos, Martem scilicet, & Saturnum; communem autem Mercurium statuebant, eoque cum Beneficis sit beneficus, cum Maleficis maleficus.

Planetarum vim non semper eandem, Zodiaci signa, & Stellæ, earumque numerum, quomodo singulas humani corporis partes singulis Zodiaci signis per mutuam sympathiam tribuerint; Planetarum domos, adpectus; exaltationes stellarum, & depressiones; & ut uno verbo rem absolvam, quæ de Astrologiæ Theoria, & Praxi Chaldaica scripta sunt, si quis scire cupiat, adeat Stanlejum, qui ex Sext. Empir. Psello, Patricio, aliisque cuncta descripsit.

Ne dum autem Astrologiam in Divinatione usurpabant Chaldaei, sed alias præter hanc divinandi artes invenerunt, ut ex Diodor. l. i. Maimon. & Deuteron. i. habemus. Et quidem per Auspicia, per Somniorum interpretationem (quam Philo Judæus Abrahamo inventam refert, & ex Chaldaeorum ad Nabuchodonosorem responso Daniel. 2. habemus maximo apud eos usum fuisse) per interpretationem Prodigiorum, per Extispicium, ut apparet ex Ezechiel. 21. & tandem per Necromantiam.

Chaldaicæ doctrinæ pars tertia, quam Aschaphim exercebant, Magice dictur; eamque à Zoroastre Chaldaeo inventam ait Plin. l. 10. c. 1. Hujus duo sunt genera, Naturale scilicet, & Theurgicum. Naturalis Magice omnium rerum naturalium tam coelestium, quam sublunarium virtutes, sympathias, & effectus considerat. Per hanc Aschaphim mirabilia in rerum natura tum in hominibus singulis, tum in Provinciis integris se facere posse, dicebant; ut animalia omnia noxia à plantis, vineis, & civitatibus fugare; grandinem cohibere; plantarum folia perennare &c. Quæ omnia per plantas, metalla, animalia, verborum pronuntiationem, humanos gestus, fumum, & similia fieri putabant, sicutumque ad id primariò concurrente. Quæ superstitiosa Naturalis Magice ad nos usque pervenit. Unde Clem. Alex. in Protrept. ait: *Magi autem suæ impietatis gloriantur, se se ministros habere Dæmonum; aut qui eos in suorum famulorum numerum adscripserint, & necessitate ad alios servos fecerint suis criminibus &c.*

Imagines etiam quasdam, sive Figuras, & Signa, Græcis *Εἰκόνες* dictæ, sive ad averruncandum, sive ad prædicendum, sub certis consiliatationibus confecta, usurpabant, eaque instar Amuletorum erant.

Altera Naturalis Magiæ pars Theurgica, & ut Græcis dicitur Telestica, ex qua, ut Psellus ait in Orac. mens perficitur, quantum potest, per potentiam materialium, quæ hæc sunt. Hæc etiam dicitur Disciplina rituum, & opus pietatis: *Θεουργία* enim *ἐστὶν ἔργον*, Dei opus, hoc est opus ad Dei cultum spectans, sonat. Atque ad hanc Magiæ partem peculiariter allusisse videtur Plato in Alcibiad. 1. cum ait, Magiam Zoroastri fuisse cultum Deorum.

Theurgiciis his ritibus putabant Chaldæi, Dæmonas in hominum colloquium venire; & bonos quidem elici, malos autem averruncari. Hi autem ritus in Sacrificio potissimum consistebant.

Tandem notandum est, Chaldæos Theurgico ritu coluisse quidem Deum Verum, quem omnium parentem, & regem, unum, bonum, rerum omnium Principium, & Finem &c. dicebant, ritu tamen, ex multorum sententia, idololatrico; ipsi namque nomen, & imaginem Beli (qui idem est cum Bahal Phœnicum, qua voce Hebræi Dominum vocant) tribuebant. Hinc est, quod Deus Osæ 2. 16. Hebræo populo dixit: *Non vocabis me, amplius Bahal*. Huic Summo Numini magnificum, & mirabile templum dicatum à se observatum describit Herodotus. Secundo loco Spiritus, quos Deos, Angelos, Dæmonas, & Animos appellabant. Animos enim partem divinæ naturæ dicebant, & immortales credebant; unde Pausan. Messeniæcor. 4. p. 377. ait: *Ego Chaldæos, & Indorum Magos primos scio dixisse, immortalem esse hominum mentem*. Illis autem assenserunt tum alii Græci, tum potissimum Plato Aristonis filius. Tertio tandem loco Cælestia Corpora, & Elementa.

Pro Cornide addam, quod Græci Chaldæorum dogmatum plurima, præcipue Aristoteles, & Plato, susceperunt; & Plotinus, Porphyrius, Iamblicus, & Proclus ea ferè omnia sunt secuti, atque ipsa tanquam divinas voces amplexati sunt. Plura de Chaldæorum doctrina qui cupit, adeat Michaëlem Psellum, qui præter Oracula Chaldaica, scripsit etiam brevem dogmatum Chaldæorum declarationem; quæ omnia Græcè & Latine edidit Franciscus Patricius in nova edit. de Philosophia &c. & Th. Stanleium, qui ex ipsis, aliisque sua mutuavit in Tract. de Philosophia Chaldæorum.

CAPUT III.

De Persarum Philosophia, & Sectis; & de Sabæis.

Maximum Asiæ Regnum Persis suos etiam habuit Sapientes, quos Magos appellabant Persæ æquè, ac Arabes, qui vicinis Chaldæis, sicut & hi Hebræis omnem suam eruditionem acceptam ferebant. Persarum Magi sic nominati dicuntur Herodoto l. 2. c. 107. quasi somniorum conjectores; quam vocem à Medis mutuam refert, qui ante conditam Persicam Monarchiam sic etiam suos *Οἰμωπιδῆς* vocabant. Alii putant, hoc nomen Meagim Hebraicum esse, & Meditabundos significare. Doctiss. tamen Joh. Cler. putat, Magos dictos potius fuisse Mahgim, Mummuratores, quod sacra facerent, murmurando preces nescio quas. Notat cit. Cler. ex Ægid. Menagio in Præfat. Diog. Laërt. Magos oportuisse ex matris cum filio concubitu progenitos esse, si Græcorum, & Latinorum quamplurimis scriptoribus credimus. Scriptorum loca videbis apud cit. Ægid. Porphyrius quoque de Magis hæc habet: *Apud Persas sanè divinarum*

verum Sapientes, & Numinis magistri Magi appellantur. Id enim significat Magus, lingua Persica. Tam augustum vero apud Persas, & venerandum habetur hoc hominum genus, ut Darius &c. Notandum hic ex Lucian. de Longævis, non solum Persas, sed etiam Parthos; Medos, Sacas, aliasque vicinas nationes suos Magos habuisse; unde Plinius Arabum Sapientes Magos appellat. cap. 30. 1. Subtilissimus Joh. Clericus in Indice ad Hist. Philosoph. Orient. verbo Magus, notat, Stanlejum male confundere Magos, qui proprie Persarum erant, cum Chaldæis; atque eos discrete distinctos fuisse à Curtio l. 3. c. 1. ubi describit eos, qui obviam processere Alexandro in Persidem eunti: Magi deinde suo more patrium carmen canentes. Post hos Chaldæi &c. Et distinctos etiam à Celfo h. ubi reprehendit Antagonistam, qui pro Magis Chaldæos dixerat. Putat igitur nunquam satis laudatus Clericus, Chaldæos primis saltem temporibus Astrologos tantum putatos fuisse, Magos vero Sacrorum Adversitates, seu Rituum Præfides. Apul. Apologia 1. Nam si, quod ego apud plurimos lego, Persarum lingua Magus est, qui nostra Sacerdos &c. Suidas: Μαγος, παρὰ Πέρσων, ἀπὸ μαγείας, ἢ μάγους; Magi, apud Persas, vocantur Philosophi, & Philotesi. Hesych. Magum appellat τῶν θυσιῶν, ἡ θεολογία, ἢ ἱερία, Dei cultorem, Theologum, & Sacerdotem. Et Divus Hieron. in c. 11. Danielis: Magos Philosophos fuisse Chaldæorum, & ad artis eorum scientiam Reges, & Principes ejusdem gentis omnia facere.

Zaradem, Zaraduisit, sive Zoroastrem Persicæ Philosophiæ primum institutorem omnes faciunt; quem Laërtius Persam, Clem. Alex. Medum, Suidas Medo-Persam voluit. Zoroastrem Persica lingua ἀρσπνθρῶ significare, Laërt. in Proemio notat. Clem. Alex. l. 4. Recognitionum ait, Persas genus suum ducere ab uno ex filiis Cham, qui Mesraim appellabatur, quem post obitum Zoroastrem hoc est, vivum sidus nominavere. Eum autem igne à Dæmone immisso crematum tradit: cineres lectos, & ad Persas delatos, ut ab illis tanquam à cælo in terram delapsus ignis perpetuis servaretur excubilis, & pro Deo coleretur. Notant tamen hic quidam, hoc Zoroastris nomen eximie eruditionis viris apud Barbaros commune fuisse. De tempore, quo vixit, nil certi ex autoribus. Hic, ex Justino, cui omnes ferè veteres consentiunt; primus magicas artes invenisse, & Mundi principia, siderumque motus diligenter observasse, dicitur. Elmanicus tamen Arabs historicus contendit, Magicam Philosophiam à Zoroastre non institutam, sed adauctam, vel relictam. Scripsit hic, ex Suida, De Natura libris quatuor, de Gemmis unum, Astroscopia Apotelesmata quinque; &, ex Eusebio, Persicorum sacram collectionem, cujus fragmenta laudata ab eodem, & recensita sunt.

Hystaspes ex Achæmenia Persidis regione, teste Herodoto, oriundus, Arfamenis, sive Arfacis filius, qui tempore Cyri vixit, Magorum eruditionem multum adauxit. Prudentissimus fuit, verba sunt Ammiani Marcellini l. 33. c. 6. qui, cum superioris India secreta fidentius penetraret, ad nemorosam quandam venerat solitudinem, ejus tranquillis sententiis præcelsa Brachmanorum ingenia potiuntur; eorumque monitu rationes mundant motus, & siderum, ducesque sacrorum ritus, quantum colligere potuit, eruditus, ex his quæ didicit, aliqua Magorum sensibus insudit.

Osthanes, qui Persarum eruditionem in Græciam invenit, Magus quoque fuit insignis, de quo sic Plin. l. 30. c. 1. Hic maxime Osthanes ad rabiem, non aviditatem modo scientiæ ejus Græcorum populos egit. Et Minucius Felix in Octavio ait: Magorum eloquio, & negotio primum, verum Deum merito maiestate profecutum, & Angelos veri Dei assistere novisse, &c. Persarum etiam Philosophus Ochs dicitur à Suida in α' 20; à Laërtio vero Phœnix memoratur in Π' 24.

Magorum summa erat apud Persas existimatio, itaut Cic. de Divinat. l. i. c. 42. neget, Persarum Regem quempiam potuisse esse, qui non ante Magorum disciplinam, scientiamque percepisset. Quomodo autem puer futurus Rex à Magis institueretur, docet Plato in Alcibiad. 2. Dion Chrysostomus ait, Magos in Regis consilia admissos, etque in jure dicendo assessores fuisse, quippe qui naturæ rerum essent periti, & noscent quæ ratione Dii essent colendi. Et Dion testatur, Cambysem, expeditione Ægyptiaca suscepta, Regni expeditionem Magis commisisse. Clearchus Solensis apud Laërt. Gymnosophistis ipsos facit antiquiores. Magi Chaldaeorum Astrologiæ, & quæ ex ipsa manabat, futurorum prædictioni non credebant.

Divus Hieron. l. 2. contr. Jovin. ait, quodd Eubulus narrat apud Persas tria genera Magorum, quorum primos, qui sint doctissimi, & eloquentissimi, excepta farina, & olere, nihil amplius in cibo sumere. Dinon, & Auctor v. Max. id docent, Magos sibi exteriorem cultum, & astri usum interdixisse; habuisse vestem candidam, lectum humum, escam olus, caseum, & panem: arundine pro baculo usos, quæ summa præfixum caseum ori applicantes comedis. Et Sozomenus Hist. Eccl. l. 2. c. 13. ait, Magos Societatis suæ Præfectum habuisse, quem *Magos Aegyptiorum*, Magnum Archimagum ipse vocat. Et Clem. Alex. 3. Strom. Certe Magis cura est à vino, animalis, & rebus veneris abstinere. Strabo l. 15. eos quod *magos* sive *magos*, venerabilis cujusdam vitæ Emulatores appellat: Hæc autem à veneris perpetua abstinencia etiam mulieribus, quæ in Sacerdotium Solis, ut ait Justinus l. 10. sive Dianæ, ut Plutarchus in Artaxerxe scribit, legebantur, imperabatur. Ob quam certe sobrietatem, & castitatem, vitam in longos annos Magos produxisse, affirmat Lucianus in Macrobis. Tantum in Perside ortos Magi in sua doctrina instituebant; alios vero nonnisi jubente Rege, ut notat Philostr. in Protàgora; Non solent Persarum Magi instituere eos, qui Persæ non sunt, nisi Rex jusserit.

Quod ad Magorum occupationem, notat Laërt. in Proxæ. primum cultum erga Deos habuisse, quibus sacrificia, quasi soli ab ipsis audirentur, offerebant. De iustitia item verba faciebant, iniquumque arbitrabantur, atque impium igni sepelire: iustum mari, & filia committere, ut in l. 23. docebat à Diogene laudatus Sotion. Moribus autem à reliquis hominibus, & præcipue à Sacerdotibus Ægyptiis, (quibus antiquiores omnes faciunt, sicut & Gymnosophistis) discrepasse, asserit Herodotus l. 1. c. 140. Hi namque nullius animantis occisione se polluebant, exceptis iis; quæ Diis mactabant; Magi verò suis manibus, excepto homine, & cane, omne animal occidebant; imò inter se certabant, quis eorum plures formicas, serpentes, reptilia, & volucra plura occiderit. Notari hic dignum est, quod habet Plutarch. l. de superbia, & Odio; propria cujus verba hæc sunt: Persarum Magi Mures occiderunt, quos & odio habebant, dicebantque esse Dei indignantis animal: similiter omnes Arabes, & Ethiopes eos execrantur. Et Cic. Tuscul. Quæst. l. 1. c. 45. Persarum in sepeliendo morem describens ait: Persæ eorum circumlitores condunt, ut quammaxime permanent diuturna corpora. Magorum mos est non burnare corpora suorum, nisi à feris sint antea laniata.

Magorum Doctrina circa hæc omnis erat: primò Theologiam, & Physicam considerabat: Secundò, Divinationem: Tertiò, Cultum Deorum, & Sacros ritus, potissimum vero Magicos. Et Suidas quidem ipsos Theologiæ, & Physices peritos vocat: Laërt. eos de Essentia, & Generatione Deorum verba fecisse: & tandem Dion Chrysostom. eos naturarum peritos dixit.

Zoroastres Magus in sacro Persicorum rituum Commentario sic de Deo locutus est: Hic est primus incorruptibilis, æternus, ingenuus, sine partibus,

omnibus altis diffinissimus, moderator omniū boni, deus non capiendus, bonorum optimus, prudens, prudensissimus, legum, æquitatis, & iustitiæ parens, ipse sui doctor, physicus, & perfectus & sapiens, & sacri Physicæ unicus inventor. Idem Zoroastres, quem secutus est Plato, omnia in tria genera divisit, ut Pietho ex Plutarcho colligit, in Æterna scilicet, Æviætæna, & Corruptibilia, sive in Deum, Spiritus, & Corpora. Duos autem Deos ex Zoroastre Magos cognovisse, notat idem Plutarchus; unum bonorum opificem, quem verè Deum Horomazem vocabant; alterum vero malorum autorem, quem Dæmonem, & Arimanum appellabant: & illum quidem luci, hunc autem tenebris, & ignorantie similem dicebant; medium vero inter eos Mithram, quem velut mediatorem credebant, cui votivas, & eucharisticas victimas immolabant, & sivi quidem tauros integros, Mithræ vero, sive Soli, equos.

Divinandi, prædicendique ars, quæ Magos omnibus claros fecit, notatur præ cæteris à Laert. ubi ait, eos *ἡρώων ἐξαδάκτυλοι*, circa prædictionem occupari. Et Strabo l. 1. 6. ait, magno in pretio habitos esse apud Indos *Gymnosophis*, apud Persas *Magos*, & qui *Necytmantici*, *Lecanomantici*, & *Hydromantici* dicuntur. *Ælianus Var. Hist.* l. 2. c. 17. *Perficorum Magorum sapientiam alia complexam esse, quæ ipsi scire fas esset, tum etiam vaticinandi scientiam*, testatur. Et *Lucianus* in *Macrobiis* Magos vocat *Γινωσκῶντας* & *Θεῶν δυνάμεις*, *Genus Fatidicum*, & *Diis consecratum*. Eos autem ex noctis corporis vaticinasse, notat *Velleius Paterculus* l. 3. 17. & ex potentis etiam, ut de *Xerxe* narrat *Valer. Max.* l. 1. c. 6. Et *Suidas* : *Μαγική τέχνη ἐκέρπει Μήδους, καὶ Περσῶν, καὶ διὰ τὴν τοῦ Ζωροάστρου τὴν γνῶσιν, καὶ ἐκ τῶν ἀνθρώπων ὁρῶν, καὶ ἐκ τῶν ἀστέρων, ἡντικύνηται τὴν ἀρίστην ἐν τῇ ἐκείνῃ ἀντιλήψει, καὶ ἐκ τῶν ἀστέρων, ἡντικύνηται τὴν ἀρίστην ἐν τῇ ἐκείνῃ ἀντιλήψει, καὶ ἐκ τῶν ἀστέρων, ἡντικύνηται τὴν ἀρίστην ἐν τῇ ἐκείνῃ ἀντιλήψει*. Et *Perse* : *differt autem à Goëtia, & Pharmacia ipsa*. *Goëtia* est species Magiæ, quæ sit per invocationem dæmonum maleficorum juxta sepulcra factam : *Pharmacia* verò per assumtum medicamentum.

Tertia Magorum disciplina pars, quæ circa sacros magicos ritus versabatur, unde à Platone *Magia* *ἡ ἐν ἑσπερίῃ*, Deorum Cultus vocabatur, conflatur, ex Herodoto l. 2. c. 31. & Strab. l. 15. qui Magos, neque Templâ, neque Ara, neque Statuas habuisse, testantur. Verum cùm ex iisdem variis in locis constet, hæc omnia Magos habuisse, dicendum, Persas initio his omnibus caruisse; posteriores verò Persas hæc à Græcis, quibus commercio juncti erant, accepisse. Cujus sententiæ videtur Clem. Alex. in Admonit. ad Gentes, ubi de Magis ait; *Hos sub diti sacra facere*, ait Dion., *sola Deorum simulacra ignem, & aquam putantes*. Et mox: *Non existimant, ligna, & lapides Statuas esse Deorum, ut Græci &c. sed ignem, & aquam*, ut Philopoli; atamen per multos annorum circuitus, humane formæ simulacra ab illis colendi Berofus in 3. Chaldaeorum, cum hoc introduxisset, Artaxerxes Darius filius, Ocibi nepos, qui primus Veneris Tanaidis simulacrum Babilone statuit. Thomas Hyde contrâ negat, Persas Igni diuinitum cultum tribuisse; ut videre est in sua Hist. Perfarum. Theodoretus vero Hist. Eccl. l. 5. c. 39. dicit, Magos à Persis vncari τοὺς ἑταίρους διδοῦντας, Elementis διπλοῦνταιν τριβuentes. Hie tamen Elementorum nōmine Theodoretum Stellas intellexisse, notat Valesius ad cit. locum.

Subdit idem Herodotus, quod Persæ sacra facienti non licebat sibi privatum precari bona, sed communiter universis Persis bene precari, imprimis autem Regi. Sacrificanti Magus addans (nullum enim Persis sine Mago legitimum erat sacrificium; publica enim, privataque sacra omnia Magi obibant; Hinc cit. Herodot. l. i. *ἅντα γὰρ διὰ τὸ Μᾶγον ὁ πρῶτος ἵερὸν ἀνέστηναι; ἀβύχῃ Μᾶγοι τὰ περὶ τοὺς θεοὺς ποιεῖν*) Theogoniam, quam incantationem etiam dicunt, accinebat. Hæc vox *Carmina* Carmen significat, in quo Deorum Genealogia continebatur. Apud Chaldaeos tale, vel simile fuit Carmen in usu

Peraito

Peractis sacrificiis, ac carnibus adstantibus distributis, omenti partem flammis ad liquandum dabant in Deorum honorem, carmen interea accinentes. Quem Persicum in sacrificando ritum confirmat Catullus Epigrammate de Magis:

Gnatus ut accepto veneretur carmine Divos,

Omentum in flammis pingue liquifacens.

Aliquando vero cælas hostias totas igne absumebant; quod sacrificii genus *Holocaustum*, hoc est, *totum igne absumptum* Hebræis etiam in usu fuit. Varios Persarum sacrificandi ritus vide apud Herodotum, Xenophontem, Suidam, Apulejum, & ex his Brissonium de Regno Pers. l. 2. In locis editis sacrificia fiebant; quibus absolutis, nullas Diis victimæ carnes relinquebant; dicebant enim, Deum nihil velle præter hostiæ animam. Plura de Sacrif. Pers. vide apud cit. Herodotum, Brissonium de Regn. Pers. l. 2. & alibi; & Ammian. Marcell. l. 23.

Persarum Deos hos faciunt Herodotus, & Strabo, Jovem scilicet, per quem, iisdem testibus, omnem Cæli circuitum intelligebant; quem etiam Jovem sub nomine Belli, ut à Chaldæis acceperant, coluerunt; Solem, Lunam, Venerem, Ignem, Terram, Ventos, & Aquam; Laër. vero Ignem, Terram, & Aquam tantum refert eos habuisse. Soli, testibus iisdem Herodot. & Strab. sacra faciebant, quem etiam Mithram ab ipsis Persis dictum fatetur idem Strabo, & Deorum maximum, ut ait etiam Cyrus apud Xenophontem, ubi per eum jurat; & Hesychius addit, sanctissimum apud Persas Reges fuisse iurjurandum *per Solem*. Quod confirmat Claudianus l. 1. de Laud. Stilic. ubi & vinum in sacrificiis Diis oblatum à Regibus Persarum, eorumque per Mithrem iurjurandum memorat his versibus:

Rex ipse micantem

Inclinat dextra Pateram, secretaque bellis,

Et vaga testatur volventem sidera Mithrem.

Quam Pateram patria lingua Condæ vocatam scribit Athenæus l. 11. Quæ autem, & qualia fuerint reliquorum Deorum Sacrificia, vide apud cit. auctores, Suidam, aliosque. Persæ suos etiam Reges ut Deos habebant, & venerabantur, Xenoph. Strab. 10. atque alii. Mos autem adorandi talis erat; Genu flexo, proni procumbentes in terram, fronte humum feriebant, ac terram osculabantur. Curt. 5. & 8. Val. Max. 7. 3. Joseph. 20. 3. Martial. 10. Epigr. 72.

Notandum denique, Persidem ad Magorum disciplinam addiscendam præter alios Græcorum adavisse Pythagoram, Democritum, Pyrrhum. Scepticorum parentem, & Apollonium Thyanaeum, qui à Magis quæ pertinent ad Deorum cultum, Animæ immortalitatem, & *metempsychosin*, per quam homines reviviscerent, cæcæque studia, quæ vitam respiciunt, didicerunt. Addam, quod habet P. Jovius l. 3. Hist. Reges Persarum hodiecos *Sopas*, Sapientes vocari, Deorumque interpretes.

Aliæ pater Arabia, quam etiam Sabæam dicunt à Saba filio Chusi, & Chami nepore, suos habuit populos ab antiquis temporibus eruditos, quos Cic. 1. de Divin. c. 41. & 42. auguriorum, & auspiciorum peritissimos vocat, & causam hanc addit: *Arabes autem, & Phryges, & Cilices, quod passu pecudum maxime utuntur, campos, & montes hyemæ, & æstate peragrantes, propterea facillias eantis avium, & volatus notaverunt.*

Quis verò Sabæorum religionis, & disciplinæ autor fuerit, non bene constat apud auctores. Multi cum Laëtant. putant, Sabæorum religionem, sive potius superstitionem, originem duxisse à Chamo Noachi filio, qui maledictus à patre, & expulsus, in Arabia confedit: Laëtantii verba sunt de Sabæa gente: *Hæc prima fuit gens, quæ Deum ignoravit; quoniam princeps ejus, & conditor cultum Dei à patre non accepit, maledictus ab eo.*

In hoc, quod rationi consonum est, fere omnes conveniunt, Theologiam, cum reliquis disciplinis, à Chaldæis, penes quos utpote ab Hebræis accepta sanctorum erat, ad Persas, & ex his ad Sabæos populos sibi finitimos, corruptam tamen, promanasse. Hinc mirum non est, si Plinius in Arabia Magos memorat, & Ptolemæus in Arabia Magorum sedem collocat. Porphyrius quoque in Vit. Pythag. ipsum præter alias regiones, quas discendi causa lustravit, in Arabiam quoque ivisse, & cum Rege vixisse testatur.

De Sabæorum *Θυγγίς* pauca quidem, & forsitan à scriptoribus corrupta haberi possunt. Narrat Maimonides; eos Stellas pro Diis habuisse, Solemque Deorum principem summum Dominum, & Dominum Boni appellasse; Deosque duplici ritu, diurno scilicet, & menstruo coluisse. Atque hinc factum est, ut primum diem Soli, secundum Lunæ, tertium Marti, quartum Mercurio, quintum Jovi, sextum Veneri, & septimum Saturno dicaverint. Verùm Joh. Seladenus testatur, primos Chaldæos tempus in dierum hebdomadas pro Planetarum numero divisisse. Quis autem cultus mensium Diis dicatorum, & qualis fuerit, lege apud Rabbinos, qui de his scripserunt; potissimum verò doctis. Joh. Spencerum, qui de Sabæis fusè, ac docte nuper egit l. 2. de Legib. Mosais.

C A P U T IV.

De Sædis Indorum.

Omnia Chaldæorum, Persarum, & Assyriorum sapientia, quam à Noë, ejusque filiis, orientalem terræ plagam peragrantibus, profectam probavimus, hinc inde per universos terræ populos propagata, Indos quidem ad Orientem, Ægyptios verò, Phœnices, aliasque nationes ad Occidentem erudit. Unde ex una hac Chaldæorum doctrina variæ apud diversas nationes Philosophantium sectæ ortæ sunt.

Et primo Indos Philosophiam docuerunt GYMNOSOPHISTÆ, ut tradit autor Magici, Sotion apud Laërt. Strabo, Clemens Alex. Apulejus, Solinus, August. aliique. *Gymnosophistæ* autem dicti sunt quasi *Nudi Sapientes*. Horum duplex genus præter alios, Strabo l. 15. & Clem. Alex. 1. Strom. faciunt, BRACHMANES scilicet, & GERMANES, five, ut Alex. ait, Sarmanas, inter quos HYLOBI etiam sic dicti quasi Sylvicolæ, quod in Sylvis viverent, numerantur.

BRACHMANES apud Indos maximo honore habiti, quia eorum doctrina, meliori ordine tradebatur. Hi infantibus in cunis; imò antequam nascerentur, eorum matribus, Præceptores dabant, ut optime erudirentur. In Sylvis prope urbem habitabant, ubi nimia frugalitate, summa continentia, continua mortis meditatione, seria semper, & de virtutibus meditates, & colloquantes vivebant; quare eorum vita continua mortis meditatio, & ad ipsam præparatio erat. Eorum doctrina parum, aut nihil à Græcorum doctrina discrepabat; hi namque ab illis multa mutuati sunt. Mundum non ab æterno fuisse, sed in tempore, qui tamen aliquando finem habiturus esset, eumque figuræ rotundæ, putabant. Deum Mundi Creatorem, & Gubernatorem sua Majestate Universum replere credebant. Animas immortales, easque vel æternum felices, vel æternum infelices ponebant. Aquam rerum omnium principium esse dicebant; & præter quatuor illa communia Mundi Elementa, quintum corpus esse quoddam, ex quo Cælum, & Astra formata sint. Notat Phil. 7. vit. Apoll. quod *Brachmanes ad Philosophiam suam neminem admittebant, qui non antea se novisset.*

Cele-

Celebris inter Brachmanes fuit Buddes, quo Præceptore usus est Manes Persæ, suæ sectæ conditor, ut autor est Suid. Clem. Alex. alique. Hujus præsertim meminit Divus Hieronymus l. 1. adversus Jovinianum, ubi ait, eum uti Deum honoratum; *Quem de latere suo Virgo dicebatur generasse*. Quæ fabula orta videtur ex historia de Adamo, ex cujus latere nata Virgo Eva.

Præter alia Brachmanarum, aliorumque Indiarum populorum dogmata, maximum illud erat *Placitum* Regeneratio, seu animarum in muta animalia, boves præcipue, transitus; unde apud eam gentem bobus, referente Sacchino l. 3. Hist. Societ. Jesu, & Massejo lib. 1. Rer. Indic. non minus quam auro pretium erat; imo Deum ipsum, sive Dæmonem sub Bovis figura, sicut Aegypti Apin, adorabant.

Clem. Alex. Strom. l. 3. sic nobis Brachmanes describit: *Brachmanes quidem neque animatum comedunt, neque vinum bibunt; sed aliqui quidem eum uti quotidie, sicut nos, cibum capiunt, nonnulli autem in ipsa tertio quoque die, ut habet Alexander Polyhistor in lib. de Reb. Indic. mortem autem contemnunt, & vivere nihil faciunt: credunt enim esse Placitum, Regenerationem: aliqui autem colunt Herculem, & Panem: Qui autem ex India vocantur Eumoi, hoc est, Honesti, & Venerandi, nudi totam vitam transigunt: ut veritatem excutiant, & futura prædicant, & colunt quandam Pyramidem, sub qua existimant alicujus Dei Vasa reposita. Neque verò Gymnosophistæ, & qui dicuntur Eumoi Venerandi, utuntur mulieribus: hoc enim præter naturam, & iniquum esse existimant: qua de causa seipsos castos conservant. Virgines etiam sunt, quæ dicuntur Eumoi, hoc est Venerandæ. Videntur autem observare ecclesia, & per eorum significationem quadam futura prædicare. Hæc Clemens.*

Inter alios, qui Indos Sapientiæ amore adiverunt, sunt Democritus, ut refert Aelian. Pyrrho-Eleus, Scepticorum pater, & Anaxarchus, quibus Alexander Polyhistor Pythagoram adnumerat lib. de Symbol. Pythagoric. ipsum enim fuisse discipulum Nazaratæ Assyrii, & audivisse præter Gallos etiam Brachmanas testatur. Quod etiam confirmat Apul. l. 2. Florid. *Brachmanes sapientes viri sunt, &c. & mox: Brachmanæ Pythagoræ contulerunt pleraque Philosophiæ ejus; quæ mentium documenta, & corporum exercitamenta, quot pariter animi, quot vices vitæ, quæ Divi manibus pro merito suo cuique tormenta, vel præmia.*

GERMANES VERO HYLOBI, seu Sylvecolæ, qui Indis maximo etiam in honore erant, arborum frondibus, & fructibus vescabantur, earundemque corticibus pudenda tantum tegebant (cætera namque nudi), unde & Gymnosophistis commune nomen factum est) omni Venere, vinoque abdicato, in id summæ incumbebant, ut optima Moralis dogmata addiscentes, populo, & Regibus consilia traderent, omnibusque prodesse. Inter Germanes Medici potissimum honorati, qui summa frugalitate viventes, morbos omnes potius victis ratione, quam remediis fugabant.

Cæterum hi Philosophi summæ suæ austeritatis, & patientiæ specimen Alexandro Magnò Indos subjungenti dederunt, dolores, & ærummas sustinentes. Eorum enim quidam ad terram prostratus, & solis ardore, & pluvias foriter sustulit: quidam verò per totam diem uni tamen pedi innixus, altero triangulare ligni fragmentum sustentabat. Eidem etiam imperterriti dicere solebant: *Tradducis quidem corpora de loco; animas autem nostras non cogis facere, quæ volumus. Igne est hominibus maximus cruciatus, eum nos contemnimus.* Hinc Cie. 5. Tusc. de Indis hæc tradidit: *In ea tamen gente primum illi, qui Sapientes habentur, nudi atque agunt, & Caucasum nives, Hyememque vim perferunt sine*

sine dolore; cumque ad flammam se applicuerint, sine gemitu aduruntur. Ex Plin. l. 7. c. 2. Philosophos eorum, quos Gymnosophistas vocant, ab exerto ad occasum persilare contuentes solem immobilibus oculis: ferventibus arenis toto die alternis pedibus insillere. Et l. 6. c. 19. Quintum genus celebrat: illic, & prope in religionem versæ Sapientiæ deditum, voluntaria semper morte vitam accenso prius rogo finit. Vide Clēm. Alex. Plinium, Platonem, Eusebium, aliosque.

Tandem illud addam, quod Hylobiorum quidam Alexandro dicere solebat, homines olim in abundantia omnium voluptatum, & deliciarum, & ab omni dolore immunes vixisse; sed cum hac felicitate abusi fuissent, Jovem eos doloribus, ærumnis, & laboribus damnasse. Quod ex Historia primi hominis, ante peccatum in Paradiso voluptatis feliciter viventis, post culpam verò laboribus damnati, ortum habuisse videtur.

Sectam hic addam Persarum inter Indos habitantium, qui præter summum unicum Numen, septem primarios ministros, seu Imperatores statuunt: Primum horum dicunt Hamalda, homines ad vitæ honestatem impellentes: Secundum Bhamam, qui brutis, & aquatilibus omnibus præest: Tertium Ardibeli, qui curam ignis habet, ne exstinguatur: Quartum Sarywaër, qui in metalla potestatem habet, & mineralia; unde peccatum putant, mineralia sordibus commissa relinquere: Quintum Espander, qui de agrorum, tellurisque conservatione curam habet: Sextum Aawerdath, maris, & aquarum omnium munditiæ conservandæ intentum: Septimum denique Ammadadëh, arborum, fructuum, & herbarum calamitatem avertentem. Hos autem omnes nullam vitæ, & necis in animalia potestatem habere, ajunt, sed tantum summo Deo propriæ administrationis rationem reddere. His autem inferiores statuunt ministros 25. quorum singulis peculiaris cura demandata est. Videatur Varenius de Japonens. p. 301.

Hæc eadem secta animas hominum immortales statuit; easque à corpore separatas per ministrum Dei Saroch ducti ad judices Mearesum, & Saros, ut actiones vitæ ad libram examinentur, sique bonæ malis præponderent, Deo associari, cumque eo lætas esse ajunt; sin contra, à Diabolis, qui libras adstant, abripi ad infernum ad ignis cruciatus, per mille annos duraturos: deinde verò post Mundi Παλιγγενεσίας in ipsum redituras credunt. Eiusdem quoque opinionis sunt Japonenses Sini vicini, qui ipsam à Xaca, & Amida exceperunt: quique Mundi Παλιγγενεσίας, & animatum ab inferis exitum post singulos mille annos credunt.

Sectam aliam fuisse, Aristoteles refert, quæ CALLANORUM dicebatur; de qua sic Cuneus de Rep. Hebr. l. 1. c. 4. Portentosum est, & cum summa sanctitatis conjunctum, quod Aristoteles apud Clearchum autumavit, Judæos esse ab Indiæ Sapientibus propagatos, sed nomen mutavisse, quippe Philosophos illos, qui apud Indos CALLANI appellantur, in cava Syria Judæos dici. Pudet me anilitatis, adeo hoc nibili est. Verùm hæc Callanorum secta dici forsitan potuit à Calano, celeberrimo Gymnosophistarum philosopho, cujus meminit Plutarchus in Alexandro, ubi refert, Onesicritum Cynicum ab Alexandro missum, ut Calanum ad se venire rogaret. Plutarchi verba l. c. sunt: Ajunt, Calanum quàm superbe, & asperere jussisse ei, ut posita veste audiret se nudus: alioqui non congressurum cum eo se, ne si à Jove missus esset quidem: Dandamini egisse placidius, ac de Socrate, &c. Et paulò post: Calanum autem, ut ad Alexandrum proficisceretur, Taxiles induxit. Spbines vocabatur; sed quia sermone Indico Cale pro Salve salutans obvius compellaret, Calanus est à Græcis nominatus. Et paulò post: Eadem tempestate Calanus, cum aliquandiu alvi fluore laborasset, rogum postulavit sibi strui; ad quem postquam est equo delatus, Deos precatus, libamina sibi ipse infudit, capillisque suis rem divinam fecit. Indo ro-

gum

gum conscendens, assistentes Macedonas complexus est, rogavitque latum ut diem illum transgerent, & cum Rege perpotarent. Illum ipsum brevi ait Babilone se reversurum. Ita satius decubuit, &c.

Idem Plutarchus lococitato Alexandrum narrat cum Gymnosophistis disputasse, acrisque ad resolvendum quæstiones eis præbuisse; cujus verba sunt: Ex Gymnosophistis, qui præcipuè Sabbam ad defectionem impulerant, & plurimum fatigaverant Macedones, decem acres ad respondendum, & contrarios habitos, cepit. His quæstiones obscuras posuit, necem denunciatis primo, qui parum rectè responderet, inde ordinè reliquit. Unum natu maximum dedit judicem; primus interrogatus, vivos ne plures esse, an mortuos censeret? vivos ait; neque enim jam esse eos, qui mortui sunt. Secundus, terram, an pelagus grandiores gigneret beluas? terram, quippe hujus, inquit, pelagus portio est. Tertius, quod animal callidissimum esset? quod bacænus, inquit, homo non cognovit. Quartus requisitus, quomobrem Sabbam ad rebellionem concitasset? responsum dedit, quo honeste viveret, aut malè periret. Quintus rogatus, diem, an noctem putaret fuisse priorem? Diem; ait, uno die. Adiecit autem, cum id Rex admiraretur, implicatarum interrogationum necesse esse, ut essent implicatae responsores. Ita progrediens sextum percunctatus est, quemadmodum quis maximum se efficiat? Si potentissimus, inquit ille, nec formidabilis esset. Ex reliquis alius rogatus, quemadmodum ex mortali quis Deus evadat? si quid fecerit, inquit, quod facere donegatum sit homini. Alius de vita, & morte, utra valentior? respondit, vitam, tam multa tolerantem mala. Postremus, quatenus hominem vivere deceat? eatenus, dum mori, quam vivere non censeat præferre. Ita tandem versus ad judicem, pronunciare iussit sententiam. Qui quum alium alio dixisset segnius respondisse: ergo tu, inquit, primus mori, qui ita decernis. Minime vero, Rex, inquit ille, nisi tu mentiaris: qui primum dixisti, interfeciturum te illum, qui pessimo responderet. Hos igitur numeribus honoratos dimisit.

CAPUT V.

De Sinensium Sectis, & primo de Confutio, & Xaca.

IN ulteriori Asiæ parte Orientali situm est vastissimum & antiquissimum Sinarum Imperium, quod vulgò China appellatur, Tartaris, Japonibus, aliisque nationibus terminum: cujus primus Imperator à Chinenlibus Historicis Fohi traditur, quem ante Christum natum 2952. in Thronum ascendisse volunt. Quod ut Sacrorum Biblîorum historiis concordet, Vallemontius in tom. 2. Element. Hist. l. 5. supponit, Sinensium Fohi fuisse nostrum Noë.

In hoc igitur vastissimo, & antiquissimo Imperio, & proprie in Oppido Leuyæ prope Civitatem Ki seu in Provincia Xanton natus est anno ab O. C. 3233. & ante Christum natum 771. ut vult cit. Vallemont. sive 551. ex computatione Tribaldi, omnium Philosopherum Sinensium Princeps CONFUTIUS, quem Sinensium Socratem vocat, & probat. Franc. Mothæus Vayerius in Tract. de virtutibus Paganorum; & primo quidem quòd Confutius circa id temporis mortuus sit, quòd Græcus Socrates natus est, ita ut eodem seculo & Sinæ Confutius, & Græcia Socratem viderit. Deinde verò quòd Confutius, non secus ac Socrates, reliquis scientiis contentis, Moralem tantum & exercuerit, & auxerit; ita ut de ipso illud Ciceronis in Socratem jure dici posset, quod Moralem Philosophiam è Cælo devocaverit.

F

Enim.

Enimverò licet Ipse propter suam Philosophiam, & morum probitatem maximo apud Sineses in honore haberetur; itaut Mandarinorum unus (sic Sineses Regni Magnates, penes quos Reip. regimen est, vocare solent) esset, omne tamen Reip. regimen deponens, propterea quod ipsam ex vóto gubernare propter Imperatoris potentiam non posset, ad Philosophiam publice docendam se contulit; cuius omnia fere dogmata ad familiarum quietem, & publicam tranquillitatem stabilendam tendebant; potissimum verò ad optimam puerorum educationem, & maximam patribus in filios auctoritatem inducendam, ex qua deinde filii Regiæ dominationis jugum portare ediscerent. Hic omnium Philosophorum, qui ipsam præcesserant, morales sententias collegit, & in 4. volumina redegit, quibus ipse quintum suarum addidit. Sineses ejus Philosophiam tanti faciebant, ut nec minimum ipsius dogma vel Imperatores immutare possent. Nemo etiam Sinenfium Doctoratus lauream consequi potest, nisi in Confutii Philosophia prius approbatus. Confutius maximos honores à Sinis tribui, omnes fatentur: sed an statum quoque crexerint, dubium: Affirmat Trigautius l. 1. Exped. Sin. c. 10. Martinus verò l. 4. Hist. Sin. p. 132. ait: *Statuam illi non efformant, sed solum nomen literis aureis exaratum Academia frontis superimponunt, cui honores habentur, qui vults magistris solent.*

Fuit præterea ex Regno Siam insignis Philosophus, in Metaphysicis præcipue magnus, nomine XACA; cujus Philosophiam, ut refert P. Borry, Orientales omnes & amplexati, & admirati sunt. Hic Mundum ex nihilo creatum, & in nihilum reditum putavit. Unum reale rerum omnium Principium, sive unum Cæli, & Terræ Creatorem credidit; qui bonos gloriæ suæ præmio, malos verò Inferni poenis afficeret. Quoad Moralia verò, humanam felicitatem non in aliquo bono positivo, sed tantum in bono negativo, hoc est in nuda privatione omnium malorum, sive in pura negatione omnium incommodorum, posuit.

Sinarum libri tres Orbis Terrarum sectas numerant. (sic enim vocant Regnum suum una cum adjacentibus Provinciis; alias enim non norunt) quarum primam Literarum, alteram Scelera, tertiam Lantzu vocant, seu, ut P. Martinus, Philosophicam, Idololatricam, & Epicuream. Ex his tribus aliqua Sinæ omnes, & reliqui populi contermiunt, qui Sinenfium Characteres habent, proficuntur; quales sunt Japonenses, Choriani, Tonchini, & Coebinchinenses.

Literarum secta, seu Philosophica, Sinenfium propria, & omnium antiquissima, inter reliquas & re, & auctoritate eminet; penes hanc enim est Regni regimen, quæ & pluribus etiam libris abundat: soli namque Philosophi ad Remp. administrandam admittuntur. Hæc sui Institutorem Confutium jactat, qui Sinenfium quoque Mercurius dicitur. Et quidem sicut Egyptii Sapientes ex institutione sol Thoyt, seu Mercurii, unum Deum, quem Hemephth vocant, colunt; ita hi Sineses Philosophi unum Numen adorant. Notandum tamen hæc est, quod habet cit. Martinus, hos Philosophos. fateri, se Supremi hujus Numinis Essentiam, & Naturam, & modum, quo colendus sit, ignorare; unde melius putant omnem cultum omittete, quam in illo errare: quare nullas illi preces, nullos ritus, aut cæremonias exhibent; nullam ipsius imaginem habent, eo quod sub humano sensu Deus cadere nequeat.

De hoc autem Supremo Numine sic P. Trigautius in Expeditione Christiana ad Sinas: *Hinc offerunt, Regi Cælorum sacrificandi, eumque colendi munus ad solum Regem spectare: Ad hunc finem Rex duo habet Tempia sane magnifica in utraque Regia; Nanquinenf, & Pequinenf; Cælo dicatur esse unum, Terræ alterum: in his olim ipse per se litabat, nunc in ejus locum Magistratus gravissimos, quos Magistratus Rituum vocant, succedere; Cæloque, & Terræ, non secus*

ac Egyptii Osiridi, & Isidi, boves, & oves magno numero masant, aliosque multos ritus exhibent. Porro proprium Literatorum Fanum est ipsius Confusii, Sinesium Philosophorum Principis; id ei per leges in qualibet Orbe constituitur eo in loco, qui est supra Ludum literarum: id magno sumtu consurgit, & contiguum habet Palatium ejus Magistratus, qui primum literarum gradum consecutus praeest. Et paullo post: In hoc Fanum novilunio, & plenilunio qualibet conveniunt Magistratus omnes Urbani cum renunciatis Baccalareis, Magistrum solitis genuflectionibus, & inclinationibus, ceteris etiam, & suffitu venerantur.

Hujus itaque sectae Affectus nihil spectant magis, quam iustum, & perfectum Reip. regimen, virtutumque Moralium exercitationem. Tractat haec de Caelo, Terra, & Homine, tamquam de iis, in quibus omnium rerum cardo versatur. De Caelo, & Terra scientia merè naturalis est, ubi de rerum principii, de generatione, & corruptione, de motibus Caelorum, siderum, & de Astrologia utraque, de agris demum, agrorumque mensura, &c.

De Homine verò scientia tota est, quae ad mores spectat; quatenus scilicet homo est sociale animal rationis, & regiminis capax. In eo principaliter ordinatur, seu tituli quinque: Primus Patris & Filii, in quo de Obedientia miranda magis, quam imitanda proponuntur. Secundus Uxoris, & Mariti, ubi de ipsorum differentia, de connubiis, &c. Tertius est Regis, & Subditorum, ubi de Fidelitate, & paterno Regis erga suos amore. Quartus est Amicorum, ubi de Amicitia. Quintus de Fratribus, ubi de majoris amore, & minoris obsequio.

Deinde docet ter mille viros ritus, seu praecepta, ad urbanitatem, & bonos mores externos, modestiam, circumspectionem, & similia spectantia. Prudentiam, Pietatem, Fortitudinem, qua nos ipsos vincimus, multis, ac egregie laudat; iustitiam, ac virtutem illam, qua alios metimur ex nobis, seu nobiscum conferimus, illud scilicet, *Quod tibi non vis, alteri ne feceris*, extollit, ac commendat, in eaque summam perfectionis consistere, docet.

De futuris haec secta minime sollicita est, nec de iis disputat, ea potissimum persuasiva ratione, quod nec ea, quae ante oculos sunt, & coram videt, recte ordinare, aut intelligere possit. Virtutes omnes tum internas, tum externas sedulo colendas docet, idque faciendum propter ipsum virtutis bonum, seu propter se, nullo alio spectato fine: *Fac*, inquit, *virtutem absque eo quod aliud exspectes praeium: ipsa sibi nimis sufficit: nil hac in orbe pulerius*. Aliaque praecleariora in horum Philosophorum libris sunt, quibus nec antiqui illi nostri Philosophi unquam cogitarunt vel paria, vel meliora. Hanc sectam etiam vicini populi sequuntur, ut Choriani, Cochinchinenses, & alii. Confusii Philosophiae Compendium vide in Hist. Sin. l. 4. p. 129.

Secunda Sinarum Secta, seu Idololatrica, responderi Philosophis Aegyptiorum, & Sciequa, Omyto, Xexiao, Foëxiao, vulgo Amida, & apud Japonenses Siacqa, Xaca, & Amidabu vocatur, cujus autem Xaca facit Martinus. Hanc autem si diligenter discutiamus, ab iis Gymnosophistis, Brachmanibus, Persis, Baetrianis, qui Indostanis interapedine continebantur, profectam, in Chinam deinde Colonias misisse, ex dogmatis eorum facile patebit.

Multitudinem Mundorum haec credit: Metempsychosin, seu animarum, in bruta post mortem transitum, omnem denique Pythagorae Philosophiam proficitur. De hac Secta ita P. Martinus Martinus in Atlantis China: Xekiao Secta est; quam nostri putant, primo post Christum natum in China introducam. Metempsychosin admittit; duplex est; interna una, externa altera: haec idola colit: Animarum Transmigrationem post mortem in peccatorum poenam docet; ab omni, quod vixit, perpetuo abstinere; ridicula lex, & ab ipsis sequacibus sacrificiis passim explosa; necessaria tamen ab ipsis iudicata ad

rudiorum à vitiiis abstractionem, & virtutum incitamentum. Interea Metempsychosin præclaræ putant Philosophiæ moralis partem pulcherrimam, dum spectat passionum, pravarumque affectionum omnimodam vacuitatem, atque virtutem; hæc dum obstat, in animalia, prout illorum affectibus fuerunt homines obnoxii, migrare perhibet. Nihil præmii, nihil pœne post mortem agnoscit, nisi vacuum: nihil in hac vita veri esse vult, nisi prout à nobis apprehenditur, idemque bonum, & malum esse respectu diversorum.

Barbam, & cæcariem continuò radunt: in montibus, & speluncis contemplationi vacant: eorum templa plena sunt immanibus idolorum monstis æreis, marmoreis, ligneis, luteis; itaut adyta Perfarum diceret. Hujus sectæ Philosophi 4. Elementa admittunt, scilicet ac Sinæ reliqui, ex quibus Elementarem Orbem compositum volunt. Hæc eadem Secta, ex Trigautio l. 1. Epedit. Sin. c. 10. certum Triladis modum inducit, quo tres Deos in unum Numen coalescere fabulantur.

Tertia Sinensium Secta, quam ipsi Lanza appellant, orta est à Philosopho quodam Confutii cœvo, quem 80. annis in matris utero, priusquam naceretur, gestatum dicunt, unde eum Lanza, hoc est, Philosophum Senem, appellant. Hæc Paradisum pollicetur; imo in suis Templis quorundam effigies exponunt, quos ad Cœlos volasse credunt. Ad hanc rem consequendam, exercitationes quasdam præscribunt, positas in vario sedendi ritu, certique præcationibus; imo etiam pharmacis, quibus spondent, una cum Divorum suorum favore, vitam in mortali corpore longiorem. Hujus Sectæ assecrarum speciale munus est Dæmonas impiis præcationibus, & certis ritibus exorcizatos, domibus pellere. Imbres quoque se daturus, & propulsurus, pro necessitate, promittunt.

Verùm P. Martinus hanc Sectam Epicuream vocat, utpote ea, quæ post mortem nihil esse asserens, in voluptate felicitatem ponit; longam vitam, imo & immortalem per medicinam promittit, multasque ad comparandis, augendasque voluptates artes invenit. Ex hæc Magi quidam sunt, & Astrologi, qui omnium maxime Christianæ Religionis infestissimi sunt. Videantur, præter alios, PP. Jesuïtæ Martinus, Kirkerius, Trigautius, & Borry, ex quibus hæc de Sinarum Sectis adnotavimus.

Aliter tamen P. Carolus Gobien ejusdem Societatis in Præfat. suæ Hist. de Sinensium Imperatoria Edicto pro Religione Christiana, sentire videtur, dum ait, quatuor esse Sinensium Philosophorum Sectas; quarum primam eorum facit, qui potius cultu Majorum, quàm causâ pietatis, unum Supremum Spiritum Omnipotentem, & Eternum in Mundo agnoscunt, qualem fortasse à primis Monarchiæ seculis eorum Majores sub nomine Sciam-ti Domini Cœlorum adoraverunt. Alterum numerus minor est, quamvis Imperator hujus melioris, & prudentioris Sectæ caput sit; sapius enim ipse in Templis sacra offerens testatus est, se tantum huic Summo Numini litare, non idolis, & fabulis illis spiritibus, quos populus sibi finxit.

Secunda, quæ & Prædominans dici posset, est Recentiorum Philosophorum, qui in natura nihil præter ipsam naturam agnoscunt, quam altissimum Mundialis Aedificii culmen appellant: hanc autem naturam definiunt: *Principium Motus, & Quietis*. Universam Mundi Machinam à Suprema Ratione, quam Li vocant, gubernari, inquirunt, eamque causam esse omnium mutationum, quæ in ipsa accidunt.

Hujus Sectæ Institutor fuit Philosophus quidam nomine Tselò lien-chie, qui mortuus est anno Christi 1084. Hic sua dogmata æquivocis semper verbis exponebat: in quorum expositione etiamnum Sinenses interpretes laborant.

Du-

Duplicem hi in rerum omnium compositione materiam agnoscunt, Perfectam unam, tenuem, & subtilem, hoc est, quæ semper in motu sit; Imperfectam, alteram, immobilem, & crassam; ambas tamen æternas, & increatas, infinitæ extensionis, & quodammodo infinitæ potestatis capaces faciunt, quævis cognitionis, & potestatis privatæ sint. Ex ambarum mixtura quinque Elementa oriri ajunt, quæ prout varie miscentur, varia corpora producant. Ex ipsis quoque partium Mundi varietas; stellarum motus, terræ quies, agrorum fertilitas, vel ubertas accidere creduntur.

Quamvis autem ipsi putent, omnia quæ in Mundo accidunt, necessariò sic accidere; credunt tamen, Mundum principium habuisse, & finem habiturum, post quem iterum esse incipiet, & sic fore, ut continuo, Phœnicis instar, Mundus reviviscat. Imo, quidam ipsorum certam, & determinatam Mundi vitæ periodum statuit 129000. & 600. annorum; quem mysteriosum annorum numerum in 12. conjugationes, ad Mundi perfectiones imprimis necessarias divisit.

Hominem quoque formatum dicunt ex concursu utriusque materiæ, subtilis scilicet, & crassæ: eodem fere modo, quo Plantæ in insulis nondum notis, in quas nemo unquam semina portavit, nascuntur. Animam vero partem hominis puriorem ajunt, sed quamvis cum corpore intereat, donec cum eodem corpore casu uniat, & reviviscat.

In moralibus vero rectius sentire videntur; Publicum enim bonum Sapientis scopum ponunt. Ut autem Mundi regimen assumant, hominesque felices reddant, oportet, ut ipsi prius sanctitatem adepti sint, quæ nonnisi per mortificationem passionum acquiri potest. Hanc vero Sanctitatem in eis consistere ajunt, ut actiones, verba, & cogitationes rationi conformentur. Id tamen non eo dicunt, quod animæ passiones ex sui naturæ malæ sint, si his bene utamur; sed quia ut plurimum animi tranquillitatem turbant: quare ipsas ita domare oportet, ut non effraenis libidinis impetus, sed recta naturæ dogmata vincantur.

Tertia Secta est Brachmanum, Bramenum, Braminum, Bramans (multifariam enim vocari solent) ab Indis eo advecta; gens enim est ex variis regionibus collecta, quod vel ipsam horum Sacerdotum nomen *Hosian* testatur. Brachmani Sacerdotes tria potissimum summæ cultu prosequuntur; Deum Fœd, Legem, & Libros, qui particulares regiminis canones continent.

Physica eorum dogmata eadem fere cum dogmatis secundæ Sectæ sunt, nisi quod singulas mundi destructiones, & regenerationes post longiorem periodum absolvi arbitrentur. Moralis vero eorum Philosophiæ pars ad summum usque, & ultra Stoicorum sensus progreditur: nam eoque *Amoribus*, Impassibilitatem, & Indifferentiam perducunt, ut nonnisi marmoreus homo eam adsequi posse videatur. Sapiens enim secundum ipsos, non solum passiones, sed nec etiam desideria nutrire debet; eoque solum omni studio contendere, ut nil vestit, nil cogitet, nil sentiat, quod animi tranquillitati contrarium sit. Atque hic est, ipsi ajunt, profundus animi somnus, omniumque suarum potentiarum quies: hæc continua sensuum suspensio: hæc tota hominis felicitas; sic enim ipse sapiens, & felix est, & ut verbo rem absolvam, Deus est Deo Fœ simillimus. Verum reliquarum Sectarum Philosophi hoc tanquam impossibile considerantes, Brachmanes stultos reputant, quos etiam continuo persequuntur.

Quarta Secta est Religio Bonziorum, quæ ex ipsa China originem habuit. Hujus Sectæ Sacerdotes Sinica lingua vulgò *Taoisti*, hoc est, Legis Doctores nuncupantur.

Eorum Moralis ab Epicurea non distat. Spiritum tamen in nimia illa, & fe.

de fere impossibili Brachmanum *avada* non immergunt, sed sufficit, si ab ardentibus desideriis, & passionibus se abstineant: Sapientis scopum Animi Tranquillitatem faciunt, quam solam adipisci posse dicunt, si non aliis, sed nobis ipsis viventes; vitam ab omni cura, dolore, & sollicitudine alienam ducamus; & neque præsentia, neque nimis futura, quæ animi quietem plerumque turbare solent, sed tantum præsentia intueamur, illisque fruamur. Imo in ipsa animi felicitate inquirenda nos nimis sollicitos esse non debere, iniqui, ne per violentum desiderium eorum, quibus ad bene vivendum indigemus, animus perturbetur. Omnis autem voluptas nulla debet cum sollicitudine permisceri.

Si quis autem eos interroget, cur uxorem ducant, quæ animi tranquillitatem fere semper turbare solet, respondent, quod hac re attentius pensitata, ipsis visa sit uxor theoricæ quidem domi pessima res, præticæ vero eorum tranquillitati, & quieti haud contraria.

Sed ne præsentis vitæ felicitas mortis cogitatione amarescat, totos se Chymicæ Medicinæ dedere, per quam homines immortales se reddituros promittunt: unde medicis quibusdam remedium formulis, & victus ratione singulis ætatibus accommodata, hominis vitam regunt. Sed quantum ex hac sollicita vivendi cupiditate animus perturbetur naturaliter, nemo est, qui non videat.

In Physicis à præcedentibus non discrepant, nisi in paucis quibusdam nominis potius, quam rei questionibus: hinc quidam eam cum præcedentibus confundunt. Sed altiarum Sectarum Sinensium, & gentium ipsis finitimarum opiniones quasdam hic apponam.

Secta est alia Indica, Samāradh dicta, quæ Sinicæ superstitionis vestigia sequitur. Hujus præcipuum dogma est, quod unus sit Deus, qui omnia condidit, & conservat, quem vernacula lingua vocant Parmiser. Præter illum verò ipsa minoris dignitatis Numina statuunt, quibus divinum cultum, & certamina adscribunt. Et primo quidem, quem Brama vocant, à Supremo Domino hoc munus assignatum putant, ut animas in hæc, vel illa corpora humana, vel bruta compellat. Secundo verò, cui nomen Bussiuna, demandatum censent, ut homines voluntatem Dei edoceat, atque ad ejus præcepta (quæ 4. libris descripta consignantur) hortetur; præterea ut agris fertilitatem indat, atque hominibus omnia ad vitam sustentandam suppeditet. Tertius denique vocatur Mals, qui tant hominum, quàm brutorum interficiendorum potestatem habet. Vid. Joh. à Trivis. in Ind. Belgicæ descripta.

Alia secta Mundum ex aqua, non secus ac Thales, initio conditum putat; quæ aqua vehementius agitata Cælo quidem ex ampullis, & spumis, Terræ verò ex crassioribus particulis materiem præbuit. Si autem hujus sectæ fautores interrogentur, quissam initio aquam exagitaverit, respondent, ut refert Jarsieps t. 2. p. 664. sponte elendi vim ipsi inditam fuisse. Si autem rursus interrogent, quissam ipsi ciendi vim dederit, subrident, quasi plane non ultra quærendum sit.

Ex Idololatrarum secta originem traxit alia, quæ Mundum, & Mundi Conditoem, cum Cælo, Terra, Hominibus, Brutis, Arboribus, & Plantis unicum, & continuum corpus consistere putat: cujus magni corporis singulæ res singula membra constituent. Cum his Sinis Cochinchinenses etiam, referente Christophoro Burro Ep. de iisdem, Idem sentiunt: ajunt enim, Mundum nihil aliud esse, quàm magnum quemdam hominem, seu Gigantem, cujus caput Cælum est, oculi altra, pili arbores, plantæ, herbæ omnes, ossa metalla: Ath. Kirker. t. 1. Oed. Egypt. Synt. f. c. 3.

Quod

Quod ad opiniones verò præcipuas, notandum, Sinarum quosdam quinque Elementa stabilire, Aquam, Ignem, Lignum, Metallum, & Terram; ex quibus etiam quinque sapes provenire, ajunt; ex Aqua scilicet salum; ex Igne amarum; ex Ligno acidum; ex Metallo acre; ex Terra denique dulce. Quæ Elementa quinque Planetis, quos in inferiora agere Sinæ animadvertebant, applicarunt; Saturno scilicet Terram, Jovi Lignum, Marti Ignem, Aquam Mercurio, & Veneri Metallum.

Sinæ, Chaos in rerum productione in duas qualitates divisum fuisse, docent, Yin, & Yang, Occultum scilicet, quod etiam Imperfectum; & Patens, quod Perfectum quoque vocant. Quomodo autem ex his duobus rerum Principiis cuncta nata, & perfecta sint; Signa etiam, seu Imagines, quas quatuor statuunt; Formas, quas octo; & Symbola, quæ sexaginta quatuor, vide apud Martinium Hist. Sin. l. r. p. 5. & sequentibus.

Chaos autem hoc vocant Sinæ Ovum; cujus cortex in Cælum, albumen in Aërem, & vitellum in Terram abiit; idque media nocte sub eo tempore, quo astra Cælum exornantia solstitiali, brumaliq; revolutione vertuntur; eo autem ordine, ut primo Cælum, deinde Terra, tum spiritus, postremo tandem homines existerent. Eiusdem quoque sententia sunt Cochinchinenses. Idem quoque alæ nationes dixerunt; Phœnices enim pro Mundi Symbolo Ovum posuerunt in Orgiis, Libero Patri ab Orpheo institutis, teste Plutarcho in Symp. l. 3. quæst. 3. & Macrobi. Saturn. l. 7. c. 16. Ovalent quoque figuram Mundo tribuit Santhodithon antiquissimus rerum Phœnicarum scriptor. Thebaidos quoque incolæ Deum mundi opificem repræsentare volentes, ore Ovum effundente m. pinxerunt, pro Ovum illud Mundum interpretantes. Ita etiam Egyptii Kneph, hoc æt, Creatorem Cæli; & Terræ pingebant, Zonam cum sceptro tenentem, & Ovum ex ore producentem. Idem significare videtur illud Orphei Ovum fabulosum, adnotante Plutarcho, quod in duas partes dissiluisse ajunt, quarum altera sursum elata Cælum, altera verò deorsum Terram constituit. Unde notat Vergilius, Ova religioni inserta, & à multis gentibus in honore habita.

Circa hominis productionem quamvis varia sit Sinarum opinio, in hoc tamen omnes fere consentiunt, Puercum primum hominem fuisse: ipsum tamen alii è deserto prodeuntem, & ignorantiam suorum natalium consistentem faciunt; alii à Chao tanquam ex Ovo natum perhibent. Aristoteles etiam de Generat. Animal. 3. c. 2. hominum, quadrupedumque primam generationem ex Ovo, vel verme fuisse fatetur. Primum itaque hominem Sinæ dictum fabulantur Ovum, quod ex Ovo prodierit; cujus filium Oên appellant, Asronomix, & Literatura inventorem.

Præter Deum omnis boni Principium, Sineses Dæmonem quoque sub varia animalium figura colunt, quem omnis mali autorem putant. Hinc ad mala omnia depellenda templa ipsi, & adorationes statuunt; non secus ac Romani Febri templa erexerunt, ne obesset. Dæmonis figura, dextera pugionem, sinistra solem tenentis, morientibus sistitur, ne noceat. Modus autem; quo adorari solet; talis à rerum Sinarum scriptoribus traditur. Ante Idolum flexis genibus in faciem provolvuntur, & capite terram aliquoties ferientes, quicquid frugum, aliorumque eduliorum allatum ab ipsis est, supra aram Idolo offerunt, ejusque pedibus subjiciunt. Idem f. de quadam Japonensium secta tradit Vieiba p. 47.

Japonit, & Tâpsani idem quoque cum his Sinesibus sentire videntur, quæ Numen duplex agnoscunt, Bonum unum, quod quia sponte benefacit, & neminem lædit, non adoratur; Malum verò alterum, quod ex eo quia iracundum, & cultum sibi præstare negligentes male perdat, adosatur, & invocatur. Eiusdem quo-

quoque sententiæ perhibentur Brasilienses à Lerio Hist. Navigat. in Brasil. c. 16. Ritus verò; & caeremonias in hoc Diaboli cultu ab Indis observatas lege apud Lud. Barthema l. 2. *dell' Indie* c. 2. & Kirch. Oed. *Ægypti* t. 1. Synt. 3. c. 4. Quæ autem sit Idololatraz sectæ de rerum gubernatione sententia, lege apud Mendoza l. 2. c. 2.

Yeking, teste Martinio Hist. Sin. p. 6. nil nisi Philosophiam Mysticam, Pythagoricæque persimilem continet: originem autem potissimum à Mercurio Trismegisto traxisse volunt; quem Theologiæ suæ mysteria per allegorias exposuisse, easque Surmpbolum, & Thuronem in lucem protraxisse, ex Sanchoniath. autor est Euseb. l. 1. *Περὶ* c. 7. Philo Bibliensis Græcus, Sanchoniathonis interpres.

Symbolicæ hujus Sinarum Philosophiæ vestigia quædam in dicto Yeking reperiuntur. Tale est Symbolum illud, quo Confutius Incarnationis Dei mysterium præcognoscens, exposuit. Anno Imperii Kingi 39. forte Lu Regis venatores extra Occidentalem urbem portam animal rarum Kilin (quod Sinico idiomate Agnum Dei denotat) occiderant. Id cum relatum esset Confutio, ingenti suspensio pectus concutens ingemnavit: *Quis Te advenire, Kilin, dixit? Quis Te advenire, Kilin, dixit? Jam jam doctrina mea extremum spectat, jam finem habet; cum Te advenire, &c.* Vid. Marrin. Hist. Sin. pag. 131.

Quia tamen Moralis Sinarum Philosophia verè mirabilis est, præter ea, quæ supra de illa memoravi, pauca hic etiam subnectere animus est. Sinæ igitur omnia bene vivendi præcepta ad sex capita reducunt. I. Parentibus omnes obediunt. II. Superioribus honorem, & observantiam deferunt. III. Inter proximis, & vicinis pacem, & concordiam conciliant. IV. Liberos, ac Nepotes literis, & disciplinis beneficiis instruunt. V. Pares, & officia sua quilibet debite exsequatur. VI. Nemini ulla injuria irrogetur sine corporis læsione, sine adulterio, sine furto. Quas leges singulis noviluniis, & pleniluniis præcones publici oppidatim per universum Sinarum Regnum paulo ante solis ortum magna voce recitare debent; imò eadem ab omnibus etiam pueris addiscuntur.

Prima igitur inter Morales virtutes Cardinales dictas ex Sinarum mente, Pietas est, seu obedientia erga Parentes; quæ Pietas ab ipsis definitur: *Ratio, seu modus bene amandi*. Imò tanta Sinarum erga Parentes observantia est, ut eorum thorem amicu lugubri ad triennium usque deplorent; quo tempore nec conjugia ineunt, nec gradus, vel officia suscipiunt: locum quoque cibum, sumpsectilem cum vilioribus permutant; nec nisi in humili scamno sedent: officia etiam splendidissima deferunt; atque domum ad iusta perferenda se conferunt. Plutarchi illud imitati *Ἡμετέριον τριπλὸν πᾶσι θεοῖς τιμῶμεν, καὶ πατέρι*. Parentibus honorem post Deos primum, & maximum deferendum. Vid. Longobard. Ep. p. 29.

Secunda est Fortitudo, quæ à Confutio, & Mentio in Internam, & Externam dividitur. Prima est, qua vit. nihil formidet; secunda, qua nil injustum, nil rationi absonum admittit: utrumque enim animi debilitatem indicat. Hinc veram Fortitudinem in moderatione affectuum Sinæ cum reliquis ferè gentibus reponunt.

Tertia est Justitia, quæ ab ipsis definitur: *Lex, seu convenientia rectè agendi*.

Ultima Cardinalium virtutum Prudentia est, quam Confutius per exactam rituum, & exemplorum cognitionem definiuit. Sunt autem & alie quinque virtutes his ancillantes; & velut ex his ortæ; Veritas scilicet, Urbanitas, Beneficiorum grata memoria, Benevolentia erga bonos, & malos, amicos, & inimicos; & Modestia.

Tandem pauca addam de Sinarum Characteribus, scribendi modis, Doctratu, & similibus. In Characterum numero determinando non omnes conveniunt. Petrus Jarricus Thef. rer. Indic. t. 2. c. 17. quadraginta millia numerari posse ait. Mercator Atl. Maj. quinque millia. Athan. Kirker. Oed. Ægypt. t. 3. Theat. Hierogl. c. 2. p. 10. octoginta millia esse scribit, quibus instructus esse debet, qui ad summus Literatorum honores aspirare velit; ex quibus tamen tantum decem millia ad idiomata perdiscendum sufficiant. M. Martinus Præf. Hist. Sin. sexagies mille, omnes figura, & significatione diversos asserit. Alii denique usque ad 120000. extendunt.

Scribendi autem modi quatuor numerantur. Primus est à dextra sinistrorsum, qualis Hebræorum, Chaldæorum, Syrorum, Arabum, & Ægyptiorum, teste Herodot. in Euterpe. Alter à sinistra dextrorsum, quem Græci, & Latini observant; & inter Orientales Armeni, Georgiani, & Æthiopes. Tertium *συνεχόμενους* nuncupant, quo scilicet ad modum bovum sulcos ducentium scribitur, incipiendo secundum, ubi prima linea desinebat. Qui mos antiquissimis Græcorum patuit; ut pater ex Pansania Eliacor. priori; qua etiam scriptura exarata erant leges Solonis. Quartus denique, & ultimus modus, quo à summo ad imum devenitur. Hoc usi sunt incolæ Taprobanæ, quæ est in Australi Oceano, teste Diod. Sicul. in fine l. 2. ubi ait: *Γράφουσιν δὲ τοὺς γράμματα ἀπὸ τοῦ ὑψηλοῦ ἐκείθεν ἀπὸ τοῦ ὀπίσθου πρὸς τὸ κατώτερον καὶ ἀπὸ τοῦ ὀπίσθου πρὸς τὸ ὑψηλόν*. Scribunt versus non eos in transversum extendentes, uti nos, sed à summo eos in imum rectà dicendo. Quod scribendi genus non apud Sinas tantum, sed apud plerosque Indos in usu est.

Præcipuum Sinarum studium circa Eloquentiam est, sed in scribendo potius, quàm eloquendo. Id Sineses ipsi continentur, sicut confessus est Doctor ille Sinenfis, qui cupidus scire studia Europæorum, Matthæo Riccio ipsa exponenti (Mathesim namque, Aristotelicamque Philosophiam commentario, Sinica lingua exarato, & ætius ab ipsis recuso, Sinas docebat) respondit: *Videō, vos incipere, ubi nos terminamus*; Eloquentiæ scilicet studium notans, quod eos à puerili ætate ad senectutem usque occupatos tenet. Trigaut. l. 4.

Tres autem literarum gradus à Sinis conferuntur, quos cum Baccalaureis, Licentiatis, & Doctoribus nostris convenire ajunt Jarricus t. 2. Thef. rerum Indic. pag. 636. & N. Trigautius l. 1. Expedit. Sin. c. 5. quos gradus insignis quidam. Literatus, Cancellarii quasi munere à Rege ornatus, confert, instituto prius examine satis rigorofo; quod præcipue in Thematis alicujus de Regno, & Rep. elaboratione consistit; tam arctis tamen includitur limitibus, ut vix vigesimus voti compos reddatur. Doctores verò creati insignes immunitates, privilegia, & honores accipiunt, proprio habitu, pileo, & aliis Magistratuum insignibus gaudent, & ad Reip. administrationem evehuntur.

Imperator Chingus, sive Xius, ut omnium Imperatorum, qui ipsum præcesserunt, famam exstingueret, publico edicto omnes Sinicos libros exuri jussit. Sed tamen M. Martinus Hist. Sin. l. 6. p. 210. subdit, eum insigni dedecus, & infamiam apud posteros invenisse, unde famam præclaram quæsierat.

Coronidis loco hic notandum, quod Martinus asserit, se scilicet in Provincia Fokien imagines quasdam Christianæ Fidel, ibi ab Apostolo Thoma, ejusque discipulis olim prædicatæ vestigia vidisse, Cruces scilicet perverustas (qualis est ea, quam P. Alvarus Semedo Relat. Magn. Chin. Monarch. Part. 1. c. 31. refert, anno Christi 1625. in Civit. Siganfū, Metropoli Provinciæ Xensi in marmore spichamas novem oblongo, lato quatuor, & unam profundo lasculptam, effosam fuisse, circa quam Christianæ Fidel dogmata Sinicis, & Syriacis characteribus inscripta erant; quæ fufius apud ipsum, qui Crucem in

Sinis vidit, & dogmata interpretatus fuit, videre est) Idolum triceps, quod seipsum considerat; tabulas duas, quarum una refert duodecim venerabiles senes, altera Feminam, quæ in ulnis infantem gestat, cum inscriptione quadam, quæ ipsam post partum Virginem asserit. Quas imagines Martinus ipse, ac plerique alii Sanctis Trinitati, Sanctis Apostolis, & Beatis Virgini simul & Matri applicant. Atque hæc de Sinis. Japon. Sectas vid. apud Xaver. in Ep. Ind. p. 68.

C A P U T VI.

De Phœnicum Philosophia.

Phœnicum Philosophia sacris libris conformis magis visa est, quis Phœnices ab Assyriis descendentes, Hebræis, penes quos omnis Sapientia erat, proximi habitabant. Phœnices itaque Syriæ populi, qui & Græcarum literarum inventores vulgò creduntur, Judæis contermini à Chanaan ortum ducentes, principaliorum Occidentalium Philosophiæ sectarum autores habentur. Pythagoras enim Italiciæ sectæ pater, Pherecydis Syrii, hoc est, in Syria Asiæ parte, ejus Regio Phœnice est, discipulus fuit. Ipse autem Pherecydes cujus auditor fuerit, non constat; unde à Suida *ἀπορροβός* creditus est, dum ait: *Fama est, eum esse præceptorem Pythagoræ, sed à nemine institutum: evertisse autem seipsum, cum comparasset sibi reconditor Phœnicum librorum.*

Thales quoque Joniciæ sectæ pater ex illustri Phœnicum familia, referente Laërtio, aliiisque, ortus est: sed de hoc fusiùs in 3. libro agemus. Sic & Stoicorum secta à Zenone Citieate, hoc est in Citio Cypri oppido nato, ut refertur Laërt. Suid. & Cic. quod Phœnices, qui & Pœni dicti sunt, tenuere: unde Cic. 4. de Fin. Pœnulum, & Suidas Phœnicem ipsum appellant.

Phœnices Historiæ, ut tradit Joseph. l. i. contra Apionem, à Phœnicum Sacerdotibus conscribi consueverunt; quæ verò ad Theologiam pertinebant, à solo Sanchoniathone Berytio (cujus elogium habet Porphyrius, & ex Porphyrio Euseb. Præparat. Evangel. l. 10. c. 9. & de quo supra nos quædam attulimus) scripta sunt; quæ tamen ipse ab Hierombal Sacerdote Dei Jevo, hoc est, Deo Hebræorum, quem ipsi Jeova appellabant, didicerat. Probabile tamen est, Phœnices aliam Theologiam, & Philosophiam antiquitus habuisse, quàm quæ à Sanchoniathone in sua historia tradita est; licet hic Trojanis temporibus antiquior credatur.

Denique notandum hic ex Eusebio, Phœnices, & Ægyptios primos fuisse, qui Soli, Lunæ, & Stellis divinitatem tribuerunt; quorum cultum omnibus suis Colonis præscripserunt.

C A P U T VII.

De Ægyptiorum Philosophia.

Omnis Africana Philosophia, ex Josepho Antiqu. Jud. l. i. c. 16. in Ægyptiacam, Æthiopicam, & Lybicam dividitur. De quibus singillatim agemus. Et primo de Ægyptiaca.

Quamvis Aristoteles l. i. de Philosophia, referente Laërt. in Proem. Magos Ægyptiis antiquiores faciat; Ægyptiacam tamen Philosophiam antiquissimam fuisse,

fuisse, vel ex eo evincitur, quod Ægyptii Abraham, & deinde Josephum agnovissent præceptores; & Moises ipse adhuc juvenis in omni Ægyptiorum Sapientia eruditus fuerit, ut habetur Act. Ap. c. 7. Quamvis Ægyptii Vulcanum Nilii filium Philosophiæ principia sibi aperuisse dicant.

Ægyptii Sapientes: (seu Sacerdotes; hi namque omnem scientiam profitebantur, quosque Patriarcha Josephus, ut ad scientias, & præcipue Mathematicas, ex necessitate dimittendi, limitibusque signandi agros, quotannis ab inundante Nilo confusos, incumbere possent, vacare permisit) variis apud auctores nominibus insigniti sunt. Clem. Alex. 1. Strom. eos Prophetas appellat, quem multi quoque secuti sunt. Democritus Arpedonaptas; & idem Clem. & Euseb. eos Ægyptiaca voce Arpedonaptas nominant. Suidas verò, cum eos *Γυμνoφιστας* dixit, Gymnosophistas appellasse visus est.

Ægyptios Sacerdotes, referente Laërt. & Plutarch. Græci Philosophi petiere; in primis verò Thales, qui Nullo præceptore usus est, nisi quod in Ægyptum profectus, ibi cum Sacerdotibus familiariter est versatus, ut ait Laërt. Pythagoras quoque, Plato, & Democritus, ut testatur Cic. 5. de Fin. iniquissime Cur Plato Ægyptum peragravit, ut à Sacerdotibus Barbaris numeros, & Cælestia acciperet? cur ipse Pythagoras & Ægyptum iussit, & Persarum Magos adiit? cur hæc eadem Democritus? Ad antiquitatem etiam Ægyptiæ Sapientiæ, respectu tamen Græcorum, probandam conducit, quod habet Plato in Tim. ubi de Solonis in Ægyptum itinere verba facit; quemdam scilicet ex Sacerdotibus Ægyptiis grandem natu Soloni dixisse: O Solon, Solon, Græci pueri semper estis, nec quisquam è Græcia senex. Quia juvenis semper vobis est animus, in quo nulla est ex vetustatis commemoratione prisca opinio, nulla sana scientia. Idem Ægyptii Sacerdotes Euripidem ad ipsos profectum, & ægotantem, referente Laërt. in vita Platonis, marina aqua ablutum sanitati restituerunt; quare possea dixit:

Οὐλομαι ἄλγος ἄνθρωπος ἀνδρῶν ἀνὰ

Mare proluit universa hominum mala.

Quin & dixisse ferunt juxta Homerum, Ægyptios omnes Medicos esse. Magnum liquidem antiquis temporibus Ægyptiorum Sacerdotum nomen fuit, Strabonis verò ætate, ut idem refert, prope nullum: Hi enim Philosophiam, & Astronomiam exercebant, & cum Regibus conversabantur, teste Porphy. l. 17. de Abstin.

Præter hæc sunt & alia veterum scriptorum testimonia, quibus aperte probatur, Græcos Ægyptum petiisse, ut ex Ægyptiis Sacerdotibus scientias fere omnes, quibus carebant, edicerent: Sic enim de Pythagora in Ægyptum proficiscente Val. Max. l. 8. c. 7. Ægyptum petit, ubi literis ejus gentis assuetus, præteritis ævi Sacerdotum commentarios scrutatus, innumerabilem seculorum observationes cognovit. Et Divus August. de Ægyptiaca antiquitate in l. 18. Civ. c. 39. & 40. loquens, hæc habet: Longe quidem ante Sapientes, vel Philosophos Græcos: sed tamen post Abraham, post Isaac, & Jacob, & Joseph, nimirum post ipsum Moysen. Ubi Ægyptios etiam irridet, quod suarum scientiarum antiquitatem per centum mille annos jactant. Clem. quoque Alex. 1. Strom. Græcos Ægyptiis multum debere, fatetur; quod eos scientias edocuerunt, & quod Democritus Morales libros scripsit Babylonicos. Dicitur enim Actuari columnam interpretatus esse, & suis scriptis inseruisse. Et Jamblic. de Myst. sect. 1. c. 2. Si quod Philosophicum dubium proponas, illud etiam determinabimus tibi juxta antiquas Mercurii columnas, quas Plato, & Pythagoras olim læstantes, Philosophiam inde constituerunt. Et Euseb. Præp. Evang. l. 10. pag. 480. Edit. Marcellian. id etiam evincit ex testim. Diod. Sicul. in Biblioth. Hist. l. 1. ubi hæc

Diodorus habet: *His autem à nobis bene disjunctis, dicendum, quod quoque apud Græcos glorificati fuerunt propter intelligentiam, & eruditionem, in Ægyptum antiquis temporibus advenērunt, ut legalium disciplinarum, & eruditionis, quæ ibi erant, participes fierent. Sacerdotes enim Ægypti, &c.*

Inter præcipua Ægyptiorum dogmata hæc ab Hecateo, & Aristagora, ut ex Laert. habemus, referuntur: Mundum scilicet esse genitum, mortalem, & sphericum: Materiam fuisse rerum principium: ex ea deinceps quatuor Elementa discreta, & plura animalia effecta: Deos esse Solem, & Lunam, illum Osirim, hanc Isin vocatos: Stellas esse ignem, quarum temperata commixtione cuncta super terram nascantur: Lunam deficere, cum inter terræ umbram incidit: Animum perdurare, & transmigra: Pluvias ex aëris conversionibus fieri, & quæ sunt hujusmodi. Hæc eadem allegoricè etiam tradere solebant, rerum omnium principium Osiridi, Isidi, & Typhoni, hoc est, Soli, sive principio activo, Lunæ, sive principio passivo, & Mundo tribuentes; quæ Plato etiam, & Hesiodus imitati videntur. Videatur Cœlius Calpurnius l. 12. Epist. 1. de Oro Apolline, Plutarchus, alique. Nugatorie etiam dicere solebant, stellas jam quater cursus suos vertisse, & Solem bis jam decidisse, unde nunc oritur, ut ait Mela l. 9. Plutarchus lib. de Iside, & Osiride ait, Ægyptios duo rerum mundanarum principia agnoscere, omnis boni, & generationis unum, alterum omnis mali, & corruptionis. Ægyptii Philosophiam suam referre solent ad Isim, Osirim, Vulcanum, Mercurium, & Herculem, ut testatur Diod. Sicil.

Prima autem, & propria Ægyptiorum disciplina circa triplicem versabatur scripturam; Vulgarem scilicet, sive communem *Ἐπιχρηστικὴν*, qua in Epistolis scribendis utebantur: Sacram, seu Sacerdotalem, *Ἱερατικήν*, qua scilicet *ἱεροποιούτων*, Scribæ Sacrorum in sacris scribendis utebantur; & *ἱερολογικὴν*, sive Sacram rerum Sculpturam, quæ & ipsa variabat, ut pluribus ostendit Clem. Alex. 5. Strom. Quorum quoque meminit Porphyrius in vit. Pythag. Lucianus in Hermotimo, Cyrillus l. 9. adversus Julianum, Plutarchus de Iside, & Osiride, Jamblicus, alique. Videatur præter hos Joh. Pier. Valer. qui speciale, & eruditum de Hieroglyphicis Ægyptiis Volumen confecit.

Et quidem Ægyptiaca Philosophia magna ex parte allegoriis occultari consuevit, quæ philosophandi ratio Ægyptiis propriam Philosophiam constituēbat. Quem etiam docendi morem Christus Dominus servasse visus est, qui in Evangeliiis ait: *Aperiam in Parabolis os meum, & in enigmate antiqua loquar*: & alibi in eisdem Evangeliiis de Christo sic dicitur: *Jesus in Parabolis loquebatur ad turbas*. Videantur Ægyptiorum Mysteria à Jamblico scripta, qui Porphyrii discipulus fuit, & de Ægyptiorum Sacerdotum Religione, & rebus divinis scripsit.

Clem. Alex. Strabo, Herodotus, alique plures, artes Ægyptios invenisse, scribunt, tum liberales, tum mechanicas. Sic enim Clem. 1. Strom. *Primitæque Ægyptii Astrologiam ad homines deduxere . . . Ægyptii rursus primi lucernas accendere docuerunt, & annos in menses duodecim diviserunt, & in templis cum mulieribus coire prohibuerunt, neque ad sacra ab uxore illotis adeundum esse, lege sanxerunt. Et rursus inventores fuere Geometrie. Sed cum supra satis probatum sit, scientias non minus, quàm mechanicas artes ab Hebræis inventas fuisse; dicendum potius est, Ægyptios aut aliquas invenisse, aut ab Hebræis inventas exercitatione auxisse.*

Idem Clem. 6. Strom. ait, ex sacris Ægyptiorum ceremoniis apparere, Ægyptiis propriam quandam fuisse Philosophiam; sed cujus partes non omnes in omnibus exigenter. Aliud enim sibi vindicat Musicus *ὁ ὠδὴ*, sive Cantor, qui primus procedebat, symbolum aliquod musicum gestans, ac duos illos.

Mer-

Mercurii libros, quorum unus Hymnos Deorum, alter rationem vitæ Regiæ continebat.

Aliud Horoscopi, sive Astrologi munus, & scientia; Ipse enim Cantorem consequens, horologium, & palmam in manu gestabat, Astrologiæ symbola; in ore autem quatuor Hermæ libros Astrologicos, quorum unus de quinque planetis, alter de Sole, & Luna, tertius, & quartus de ortu siderum.

Tertius sequebatur *Ἱερογλυμματικός*, sive Sacrorum Scriba, pennas in capite gestans, habens in manibus librum, & regulam, in qua atramentum scriptorium, & calamus ad scribendum. Hunc scire oportebat Hieroglyphica, Cosmographiam, Geographiam, Astronomiam, Ægypti Chorographiam, Nil, omniumque locorum sacrorum descriptionem, & dimensionem, & quicquid in sacris utile erat.

Quartus ordine succedebat *Στολός*, sive Ornator, qui iustitiæ cubitum, & calicem ad libandum habebat. Hic *Παυδάριος*, sive quæ ad eruditionem, & liberales disciplinas pertinent, & *Μακροχρηστία*, hoc est, doctrinam de Sacrificiis Vitolorum, & circa hæc ceremoniis, noverat.

Ultimus erat Propheta, hydriam in sinu gestans, & pond ipsum, qui panes emissitios portabant. Erat hic *τὸν ἱερῶν, καὶ τὸν προοιδῶν ἐπιστάτης*, Sacrorum, & vespigalium Præfectus, qui *ἱεροδικὰ βιβλία*, Sacerdotales libros edidicerat, in quibus de legibus, Diis, ac universa Sacerdotum disciplina. Omnes autem Sacerdotales libri à Mercurio Ægyptio conscripti erant 43. quorum 36. omnem Philosophiam Ægyptiorum continentes, ab iis ediscebantur, quos modo diximus, reliquos vero sex de Medicina tractantes *Παγοφοί*, seu pallium gestantes ediscebant.

Quod vero ad Moralem Philosophiæ partem attinet, notandum hic Strabonis illud l. 17. *Id de maxime laudatis eorum moribus est, quod omnem prolem educant.* Et quidem eorum Mercurius non solum literas, & scientias, sed & leges ipsis tradiderat, ut præter Laërtium refert Cic. 3. de Nat. Deor. ubi ait: *Mercurius dicitur in Ægyptum præfuisse, atque Ægyptiis leges, & literas tradidisse.*

In Theologicis denique optime sentisse visi sunt, qui, ut Jamblicus refert, docebat, quod *Deus est Principium, Unitas, supereminenter Ens, ipsum Unum super ens, super Intelligibile totum.* Nam *opifex Intellectus, qui & Veritatis Dominus est, atque Sapientia* &c. Et Plutarchus l. de Iside affirmat, quod in Templo Minervæ in Ægypto hæc legebatur inscriptio: *Ego sum, quod exiit, est, & erit, meumque populum nemo mortalium unquam defexit.* Quod Sacræ Scripturæ sensui conforme videtur, in qua Deus de se ait: *Ego sum qui sum.* Imo idem Plutarch. ibidem nobis ostendit, Ægyptios Divini Verbi cognitionem ab Hebræis habuisse, inquit: *Quod Mens, & Verbum Dei, cum esset per se in invisibili, & in abditio, processit motu ad creationem.* Quare factum est, ut ex ipsis Ægyptiis suam illam de Verbo doctrinam Plato à Præceptoribus suo Sechnuphide Ægyptio hauserit, ut fusius infra in Vita Platonis.

Ægyptii suam etiam Theologiam Hieroglyphicis occultare, & involuere solebant; qui de Heroibus, Transmigratione, & Dæmonibus, seu Spiritibus ea sentiebant, quæ Græci deinde ex ipsis habuerunt. Tandem ex Clem. Alex. quinto Strom. notandum hic est; quod Ægyptii non omnibus ea, quæ apud ipsos erant, committebant Mystera; neque rerum Divinarum cognitionem deferrebant ad profanos, sed ad eos solum, qui erant ad Regnum perventuri, & ex Sacerdotibus iis, qui erant iudicati probatissimi, & educatione, & doctrina, & genere. Illi vero, qui ad Regnum, & ad Prophetiam erant electi, Hebræorum more ungebantur.

De Philosophia Ætiopica, & Libyca.

Æthiopum Sapientes Divus Hieron. l. 4. in Ezech. c. 13. Gymnosophistas appellavit, dum ait: *Indorum Brachmanes, & Æthiopum Gymnosophistas*. Forſan quia Æthiopes nomen ſimul, & Philoſophiam ex Indis retulere; ut videro eſt apud Philoſtratum in Vita Apollon. l. 6. c. 4. & Lucianum, qui Æthiopum Philoſophos Indorum propaginem facit. Gymnophiſtas in Ægypto etiam fuiſſe, eoſque Nilī longitudinem habitaſſe, cit. Philoſtratus teſtatur eſt in Vita Apollonii, quem ad hos Ægyptios Gymnophiſtas proſectum ait. De his in Fugitiv. loquens ſubdit: *Sapientia vero magis ab Indis ſuperantur, quam ipſi ceteros Ægyptios ſuperent eādem*: Laërtio quoque, & Heſychio Democritus ad Gymnophiſtas, Æthiopum Doctores Philoſophiæ cauſa proſectus crediſur. Reſert Clem. Alex. 7. Strom., quod Æthiopes ſibi ſimiles fingunt Deos, nigros ſcilicet, & ſimos; Thracæ vero ſulvos, & cæruleos.

Libyca Philoſophia, præſertim vero Aſtologia ab Atlante originem daxiſſe, omnibus ſerè traditur; unde & Atlas ob ſummam Aſtologiæ peritiā, Cælum humeris ſuſtinere creditus, altiſſimo Monti ex ſui nomine nomen ſecit. Atque hinc etiam factum eſt, ut Libycam Philoſophiam proſequentes & Libyci, & Atlantici à Diod. Sicul. Divo Auguſt. aliſſque dicti ſint.

Fuit autem Atlas, quem Laërt. in Præfat. Libycum facit, & inter antiquos Philoſophos commemorat, Libyæ filius, ſicut Plinio l. 7. c. 36. placet, & Saturni frater, ut vult cit. Diod. Sicul. qui de eo hæc habet l. 3. *Aſtologia exaltam cognitionem habuiſſe perhibent, qui & Sphæræ rationem primus manifeſtavit. Ex quo Mundum univerſum humeris ejus incumbere, opinio nata eſt*. Et Euſeb. in ſua Chronica Atlantem, quem Promethei fratrem fuiſſe putat, ſex annis poſt mortem Patriarchæ Joſeph, & alibi ſex annis poſt natum Moſem locavit; de quo ſubdit: *Atlas frater Promethei præcipuus Aſtologus fuit, qui ob eruditionem diſciplinæ Cælum etiam ſuſtinere dictus eſt*. Et Virg. 2. Æneid.

- - - - Citibara erintus Jopas

Personat aurata; docuit, quæ maximus Atlas,

Et canit errantem Lunam, Soliſque labores.

Cic. autem. 5. Tuſcul. loquens de Secta ab Atlante inſtituta, quæ de Atlante fabuloſe traduntur, ea ad hitoriā retuliſſe viſus eſt, dum ait: *Nec vero Atlas ſuſtinere Cælum, nec Prometheus affixus Caucaſo, nec Bellatus Cepeus cum uxore, genero, ſilia traderetur, niſi Cæleſtium divina cognitio nomen eorum ad errorem fabula traduxiſſet, à quibus ducti deinceps omnes, qui in rerum contemplatione ſtudia ponebant, Sapientes & habebantur, & nomina-bantur*.

Phryges etiam ſuam Philoſophiam habuerunt, quæ magis cognita eſſet, ſi extaret Democriti Λόγος Φρύγιος, Sermo Phrygius, ſive de Philoſophia, & rebus Phrygiis, quem Laërt. memorat l. 9. De eorum Theologia vide Diodorum Siculum, & Euſebium.

CAPUT IX.

De Philosophia Scytharum, Thracum, & Gallorum.

NON equidem nego, fuisse Scythas gentes indomitas, agros habitantes, indolis sævæ, & brutalis potius, quam humanæ, nec ad literarum studia pronæ; nulla tamen ex antiquissimis nationibus gens fuit, quæ suos Sapientes, & Philosophos non habuerit, ut notat Clem. Alex. 1. Strom. unde & Scytharum genti suos Doctores fuisse dicendum est: quorum unum Anacharsim, Scytham memorasse sufficiat, quem Laërtius inter antiquos Sapientes ex multorum opinione retulit, quique scribitur, Græcorum multis antecelluisse Philosophis, apud quos etiam in admiratione fuit. Hic dicere solebat: Mihi indumentum est tæna, cæna lac, & caseus. Et hæc est Barbara Philosophia, sed vera, quæ facta, non verba proficitur. Sed de hoc fusius in 3. libro, ubi de Græcæ Sapientibus, inter quos Anacharsis numeratus est, agemus. Justin. l. 2. c. 1. Scythas Egyptiis ipsis antiquiores facit; ait enim: *Hic igitur argumentis superatis, Egyptiis antiquiores semper Scythæ videntur.* Clem. Alex. loc. cit. inter Scythas, & propriè inter Bactrios fuisse Samaritanos Philosophos, refert.

Inter antiquos Europæ Sapientes maxime semper celebrati sunt Thracæ. Quæstio tamen inter scriptores est, num Thracæ Græcis fuerint antiquiores. Cum enim, ut Laërt. alique referunt, Thracæ à Zamolxi Philosophiam hauserint, qui Zamolxis Pythagoræ servus creditur; dicendum esset, Thracæ Philosophiam Græcis debuisse. Verùm qui rem attentius pensitarunt, Zamolxim, à quo Thracæ Philosophiam habuere, multis ante Pythagoram annis existisse, ex Chronicis eduxerunt, ut Herodotus, quem Laërtius sibi arrogat, alique. Hinc (si quis unquam fuerit Pythagoræ servus nomine Zamolxis) duos Zamolxes distinguunt, quorum unum quidem Pythagora antiquiorem, Thracum Magistrum; alterum verò Pythagoræ servum faciunt: imò ipsummet Pythagoram à Thracibus multa hausisse, multi cum Hermippo con- tendunt.

Verùm quicquid de hac temporis antiquitate sit, illud certum est, Zamolxim, & Pythagoram in multis convenisse, præcipue vero in Metempsychosi, quam Thracæ à Zamolxide edocti fuere, ut refert Julianus in Cæsari- bus. Neque parvi momenti illud est, quod habet præ cæteris Suidas, Græcos scilicet à Thracibus Religionis Mysteria accepisse, quod à nomine *Opœdas* probare videtur; quod nomen à Thracibus devenisse autumat.

Qualis autem fuerit Thracum Philosophia ex parte cognosci poterit ex doctrina Orphei, qui Thrax fuit; de quo plura inferius, ubi de Philosophia Mythica. Quædam autem hic ex Herodoto excerpta de Thracum Theologia tradam. Animam Thracæ immortalem ponebant, quæ ex hoc Mundo egressa in Zamolxidis sinu (quem proprium Legislatorem tanquam Dæmonem, seu felicem Genium honorabant) quiesceret. Eorum mos erat super recens natos nimum ingemiscere, quod plures miseras, & ærumnas pati deberent; contra vero super mortuos omnia lætitiæ signa dabant, quod ex his mundi miseris egressi fuerint. Polygami cum essent, si quis plurius uxorum vir moriebatur, singulæ ejus uxores summe contendebant, ut se supra reliquas à defuncto amatam demonstraret: quod si quæ probasset, id ei in præmium dabatur, ut una cum marito sepeliretur.

Dacos quoque, sive Danos Thraciæ populis quidam adnumerant (Daciam enim alii Scythiæ Europæ regionem, alii vero Thraciæ partem, vel ei con-
ter.

terminam faciunt) quorum Doctores Josephus Antiqu. Jud. l. 18. c. 2. Πλάττω, Plistos appellat; quos summe laudans Essæis æquiparat, de quibus ibi loquens ait: *In summa eandem fere vivendi rationem sequuntur, quam hi, qui apud Dacos Plisti nominantur.*

Gallos, sive Celtas Philosophiam Druidæ docuere, & qui Semnothei, seu (ut quidam, à suppositio illo Beroso Annii Viterbiensis decepti, volunt) Samothei à Deorum cultu, & religione vocabantur, ut testatur Laërt. ex Autore Magici, & Sotione in 13. Succession. lib. Cur autem Druidæ dicti sint, non bene constat apud Etymologos. Quidam volunt, Druidas esse à Δρυς, *Quercus*, cujus summe admiratores, & amatores erant; ejus enim frondibus caput coronabant, & omnia sacrificia ornabant; nemora, in quibus quercus frequentissimæ, habitabant, & venerabantur; de quibus sic Plin. l. 16. c. 44. *Nihil habent Druidæ visco, & arbore, in qua gignatur, si modò sit robur, sacratius. Jam per se roborum eligunt lucus, nec ulla sacra sine illa fronde conficiunt; ut inde appellati quoque interpretatione Græca possint Druidæ videri.*

Sed potius audiendus videtur Strabo, qui ait, in vocibus barbaris non querenda esse Etyma Græca. Quare, inquit Vossius l. 1. Orig. progr. Idololat. c. 35. verosimilius videri, Druidarum nomen potius à lingua Celtica peti debere, & proprie à voce Deru, qua quercus significatur. Illud tamen hic non præteream, fuisse inter autores, qui putarunt, Druidarum etymon esse, à verbo *Derussim*, sive *Doresim*, quod Hebraicè *Inquirentes* significat, eoque naturæ operum contemplationi operam dantes, eorum causas seriò Inquirerent. Alii denique Druidas dictos esse à quarto Gallorum Rege, putant, cui nomen Drilus, qui præcipuus Druidarum institutor fuit.

Tanti autem viscum, quem plerumque producant quercus, Druidas æstimasse, & venerasse, dicitur, ut ipsum nonnisi Druidarum Sacerdotum unus, alba veste indutus, & aurea falcè in Religiosi eorum anni initio colligeret; & eum super aureum pannum decidentem exciperet. Deinde Druidæ duos tauros iunges, & albos sacrificabant, ac festos celebres dies statuebant; putantes, nullum donum ipso præstabilius à Diis hominibus concessum esse. Hinc viscum, potu haustum cuncta animalia secundiora reddere, alexipharmacam vim, atque singulares alias virtutes habere, credebant. Serpentem etiam ovis utebantur ad Procerum gratiam captandam, & propria munia felicitate perficienda; eoque remedio nullum validius arbitrabantur ad sua vota implenda, ut ex Plinio habemus.

Quamvis Cæsar lib. 6. & Cic. 1. de Divinat. omnes Galliæ Sapientes, sub uno Druidarum nomine comprehenderint; Strabo tamen l. 4. eos triplicis generis esse dixit; cujus verba, pleniorè de his notitiâ tradentia, sunt: *Apud universos serò tria sunt hominum genera, quæ in singulari habentur honore, Bardæ, Vates, & Druidæ. Horum Bardæ Hymnos canunt, Poëtæque sunt. Vates sacrificant, & naturam rerum contemplantur. Druides præter hanc Philosophiam etiam de moribus disputant. De eorum iustitia summa omnium est opinio. Itaque & publica itæ, & privata judicia committuntur; & aliquando causis bellicorum disceptandis jam acie congressuros composuerunt. Maxime judicia de cæde itis commissæ sunt.*

Et Ammianus Marcellinus non aliter de Gallorum Sapientibus sentisse videtur, eodem ait lib. 15. *Per hæc loca hominibus paulum exculis viguere studia laudabilium doctrinarum, inchoata per Bardos, & Eubages, & Druidas. Et Bardæ quidem sortis illustrium virorum facta heroicis composita versibus; cum dulcibus lyre modulis cantitarunt: Eubages vero scrutantes seria, & sublimitas natura pandere conabantur. Inter hos Druidæ ingenitis celsiores, ut auctoritas*

Pythagoræ decrevit, sodalitatibus adstricti consortiis, quæstionibus occultarum rerum, altavunque erecti sunt, & despectantes humana, pronuntiaverunt animas immortales. Lucanus quoque de Bardis sic cecinit lib. 4.

*Vos quoque, qui sortes animas, belloque prementis,
Laudibus in longum patris demittimus Evum,
Plurima securi fudistis carmina, Bardæ.*

Ex quibus allatis scriptorum testimoniis eruitur, Gallorum Sapientes omnes Philosophiæ partes, Metaphysicam scilicet, Physicam, & Ethicam; Historicam præterea, & Poësim, tanquam Philosophiæ ornamenta, Deorum cultum, & Sacrificiorum ritus exercuisse.

Druidæ, ut Cæsar cit. l. 6. refert, dicebant: *Non interire animas, sed ab aliis post mortem transire ad alios.* Et Laërt. in Præfat. addit, Druidas obscuræ, ac per sententias philosophari; eosque docere, colendos Deos, nihil mali faciendum, & exercendam fortitudinem. Unde Galli in præliis animosi: Sic Lucan. l. 1.

*Vobis autoribus Umbra
Non tacitas Erebi sedes, disisque profundi
Pallida regna petunt: regit idem spiritus artus
Orbe alio, longa canitis si cognita vita.*

Et Cic. de Divination. l. cit. Siquidem & in Gallia Druides sunt, a quibus ipse Divitiacum Heduum, hospitem tuum, laudatoremque cognovi, qui & naturæ rationem, quam Græci Physiologiam appellant, notam esse sibi profitebatur; & partim auguriis, partim conjectura, quæ essent futura, dicebat: Druidæ itaque non spernenda Philosophiæ dogmata de Astris, Mundo, Natura, & Elementis, Deorumque immortalium potentia tradiderunt. Quod si Metempsychosim tantopere propugnabant, id propterea faciebant, ut mortis timorem, ab hominum animis excutientes, eos redderent fortiores. Unde sic Lucan.

*Maximus, haud urget leti metus. Inde ruendi
In ferrum mens prona viris; animæque capaces
Mortis, & ignavum reditura parcere vita.*

Ex eodem Cæsare, qui diu universæ Galliæ dominatus est, l. 6. de Bello Gall. exactissima Druidarum instituti, & doctrinæ descriptio habetur. Ait enim, eos cuncta, quæ ad Religionem, & Sacrificia spectabant, administrasse: eotam juventutem in disciplinis, propriisque institutis addiscendis consumfisse: lites omnes sive de bonis, & hæreditatibus, sive de reis vel morte multandis, vel absolvendis, ipsos definivisse; pœnas, & præmia eos cunctis tribuere solitos. Quod si quis eorum sententiæ acquiescere noluisse, excommunicatus rebus sacris, hominumque consortio, & tanquam impius, & scelestus omni prorsus honore privabatur. Unum Druidis supremum Caput, & Præses erat, quo defuncto succedebat dignior meritis, vel majori suffragiorum numero electus; unde quandoque ad arma quoque ventum est. Semel in anno in sacro quodam loco congregabantur ad lites, & judicia omnia definienda. Ab omni tributo, & vestigali, & ab omni prælio immunes erant. Cæsaris verba loc. cit. sunt: *Illi rebus divinis interfuni; sacrificia publica, & privata procurant; religiones interpretantur.* Ad hos magnus adolescentum numerus disciplinæ causâ concurrat; magnoque illos sunt apud eos honore; nam fere de omnibus controversiis publicis, privatisque constituunt; & si quod est admissum facinus, si cædes facta, si de hæreditatibus, de finibus controversia est, iidem decernunt: præmia, pœnasque constituunt; si quis autem privatus, aut publicus eorum decreto non flectit, sacrificiis interdicitur &c.

Notandum præcipue hic est, quod habet idem Cæsar ib. Druidas ad

H

Deo-

Deorum iram sedandam, iis vivos homines immolasse: *Pro victimis*, inquit, *immolant homines, aut se immolantur*. verent, administrisque ad ea sacrificia Druidibus utuntur: quod pro vita hominis nisi vita hominis reddatur, non posse Deorum immortalium numen placari, arbitrantur. Hinc Romani hanc Druidarum Sectam sævissimam, ejusque Sacrificia impia reputantes, eam funditus evertere conati sunt. Et jam tandem, si Plinio, & Suetonio l. 30. c. 1. in Claud. erendum est, Druidarum Religio temporibus Tiberii, & Claudii Imperatorum protus sublata est. Hinc Lucan. l. 1. de ipsis ait:

*Et vos barbaricos ritus, moremque finistram
Sacrorum, Dryidæ, positis repetistis ab antris.
Solis nosse Deos, & Cæli numina Vobis,
Aut solis nescire datur: nemora alta remotis
Incolitis lucis*

Refert idem Cæsar ibid. Druidarum Philosophiam à Britannia in Galliam translata fuisse: ait enim: *Disciplina in Britannia reperta, atque inde in Galliam translata esse existimatur. Et nunc qui diligentius eam rem cognoscere volunt, plerumque illud discendi causa profisciscuntur*. Joh. Lud. Viv. de Caussis corrupt. Art. l. 1. p. 5. postquam de Pythagora asseruit, quod nihil scripserit; addit: *Eadem propemodum fuit Druidarum Galliæ Sacerdotum mens*. Et post pauca: *Druidarum nihil est reliqui*. Et quidem libros non habebant, sed omnis eorum scientia quidam memoriz conatus erat; ita ut quandoque versus ad viginti millia memoriter collectos recitarent, quibus veluti historia laudum heroum continebatur, ipsamque posteris per traditionem relinquebant. Astrologiæ etiam, Geometriæ, Geographiæ, ac præ cæteris Politices periti erant; unde, publicarum, privatarumque rerum arbitri erant. Quare non immerito eos Laertius Chaldaeorum, Græcorum, Persarum, & Indorum Sapientibus æquiparat: & Diodor. Sicul. eos Theologos fuisse, addit. Dignum tamen, quod hic notetur, est, fuisse inter autores, qui putarunt, Druidas, sive Saronidas Carnutum, sive Autricum Carnutum, Galliæ Chartres antiquissimam, ac celeberrimam Galliæ Urbem, ædificasse, & Christi Jesu ex Virgine Matre nativitatem prædixisse. Quare Priscus, Carnuti pro Romanis Gubernator, Templum huic tam fortunatæ Virgini erexit, cui hæc inscripsit: *Virgini Parisura*. Vide Sebast. Rovillard Hist. de l'Eglise de Chart. atque alios.

Denique notandum, Diodorum Siculum Græca voce *Σαρωνιδας* Saronidas appellasse, eo quod *Σαρωνιδας*, hoc est, quercuum amatores essent.

Divus Augustin. l. 8. Civit. c. 9. Barbaris Philosophis Hispanos quoque adnumerat; sed quoniam nec quæ eorum doctrina, nec quod nomen eis fuerit, nobis adhuc compertum est; illos consulto prætermittimus.

Illud tamen non præteribo, fuisse in Italia Philosophos à loco Tyrrenos appellatos, quibuscum Pythagoras, ex Porphyrio in ejus vita, aliisque, convertatus dicitur. Eorum disciplinam Cicero, aliique describunt sub Eruseorum nomine. Et Strabo refert Musicam, Divinationem, & alia, quæ Romani sunt ex illis mutuati. Sed ab Europæa Barbarica Philosophia ad alteram Europææ Philosophiæ partem, quæ in vastissimis Græciæ provinciis floruit, ad Græcanicam scilicet, quæ huic tertio Historiæ Philosophiæ libro materiam præbet, accedamus.





LIBER III.

De Philosophia Græcica.



Uamvis ex superius probatis satis superque nobis constet, Sapientiam, ipsamque Philosophiam omnium primò apud Hebræos floruisse, à quibus deinde ad omnes Mundi gentes derivavit; si tamen verum fateri velimus, nos Græcis Philosophiam, sicut & scientias omnes acceptas ferre debemus. Enimvero etiam si verum sit, *Philosophorum Græcorum plurimos*, ut inquit Clem. Alex. 1. Strom. aut genere Barbaros, aut à Barbaris traditos fuisse; &, ut idem Alex. loc. cit. ait, *Philosophia, res varie utilis, olim quidem apud Barbaros floruit, à gente ad gentem emans, donec ad Græcos traducta est*; rudis tamen ille Philosophiæ embryo, qui apud Barbaros, Ægyptios potissimum erat, à Græcis adeo illustratus, & auctus est, ut ad id Philosophiæ perfectionis eorum studio, & labore ventum sit, quo eam nunc esse conspicimus: Non equidem nego, Homerum, & Hesiodum, quos deinde Thales, Pythagoras, Plato, alique secuti sunt, omnium primò anno ab Orbe condito 3000. in Ægyptum navigantes, Philosophiæ, scientiarumque omnium semina inde ad suos deportasse; verùm ea deinde ipsi adeo excoluerunt, illustrarunt, auxerunt, ut non immerito Philosophiæ, scientiarumque omnium inventores & dicti, & habiti sint. Accedit, quod Hebræorum, & Barbarorum omnium Philosophia tota fere circa Deorum cultum, vel mores componendos versabatur; Græcica vero præter has Theologicam, & Ethicam Philosophiæ partes, Physiologiam potissimum exercuit. Sed antequam ad Philosophiam, quæ à Græcis Philosophis clare, & per præcepta tradebatur, accedamus; de Mythica, seu Fabulosa, quæ à Poëtis fictis fabulis tradita, pauca attingere placuit.

CAPUT I.

De Philosophia Mythica.

Mythica Philosophia est, quam Poëtæ tractarunt, qui fictis plerumque personis, & gestis, non solum Moralem, sed Naturalem etiam Philosophiam

sophiam sedit *Mythica*, Fabulis involutam homines docuerunt; unde *Mythica*, & *Pœtica* Philosophia audit. Et profecto quedam in Pœtarum scriptis sunt, quæ ad utramque Philosophiam, Moralem scilicet, & Naturalem pertinent.

Hujusmodi Philosophiæ Antesignanus Doctor extitit Homerus, magnus ille Sapientiæ antistes, quem divinam sortitum naturam Democritus dixit, variorum carminum ornatum fabricatum fuisse; cum non inest ulli ea vis, ut sine divina, & geniali natura tam sapientes, & elegantes faciat versus. Et ab ipso quidem multa Philosophi didicerunt, à quibus magno semper in pretio habitus est: unde Zeno Citreates, Spicorum Dux, Homeriarum Quæstionum libros quinque composuit. Et Magnus ille Alexander Homeri libros non solum in pretio habuit, ita ut oblatam sibi de Darii supellectile arculam, & precio, & opere incomparabilem, illorum custodiæ destinaret; sed etiam in deliciis; nam dormiens eos sub pulvinari una cum pugione reponebat. Et Divus Basiliius, *Omnis Pœsis Homeri, inquit, est laudatio virtutis, omniæque ad hoc refert, &c.* Et Plutarchus in Vita Alcibiadis notat de ipso hoc celebre factum: *Ubi ex pueris excessit, adit ludimagistrum, postulavitque volumen Homeri. Qui cum nihil se diceret Homeri habere, in fisco colapso, reliquit eum.* Cum alius se habere diceret Homerum, quem ipse emendasset: Et tu, inquit, *litteras doces, qui vales emendare Homerum? Quin juvenes instruis?* Adeo verum est, veteres omnes magni semper Homerum æstimasse. Idem Plutarchus in Lycurgo hoc de Homeri Pœsi judicium profert, cum de Lycurgo loquens, in Asiam profecto, ait: *Ibi cum legisset primum, ut arbitror, versus Homeri, qui apud Cleophilis posteros asservabantur, ubi animadvertit in iis dispersam non minorem oblectamento illecebrarum, & crapula, quam civilem prudentiam, eruditionemque; descripsit, consarcinavitque eos ad deferendum domum studiose. Jam enim obscurum quoddam apud Græcos illius poematis erat nomen, & rari fragmenta habebant, quæ sparsim, & incondite circumferebantur. Primus autem omnium divulgavit ea Lycurgus.* Et Johannes Ludovicus Vives de tradendis Disciplinis lib. 3. pag. 528. & 529. hoc de Homero judicium profert: *Primum quæ scripsit, non dicere videtur, sed ante oculos sistere; ea est quasi depingendi vis, & efficacia: qua virtute posteros omnes adhuc sine controversia superat: nec corpora expressit modo, sed animorum reconditor illos motus, qui sub sensu non veniunt; ut nihil esse aliud ejus poema videatur, quam imago vitæ humana, &c.* Plura vide apud ipsum loco citato.

Ab Homeri, & Hesiodi scriptis omnis Theogonia, quam ipsi ab Ægyptiis acceperant, ad Græcos derivavit. Verum quæ Pœtæ de Coccyto, Phlegetonte, Tartaro, & similibus commenti sunt, per quæ animi perturbationes intelligebant, Sapientes non sic credebant, ut narrabantur, sicuti vulgus faciebat. Unde Cic. 1. Tusc. Quæst. inquit: *An tu hæc portentosa Inferorum esse credis?* Et id genus alia, quæ ipse retulit in libris de Nat. Deorum. Hæc enim, & similia ad Moralem Philosophiam spectantia, non secundum literam accipienda sunt.

Atque hinc facile educitur, non esse cujusvis fructus Sapientiæ, & Prudentiæ ex Homero capere, sed ejus tantummodo, qui aliquantum in rerum natura, ac virtute profecit: quin moribus etiam periculum erit à fœdis illis, quæ Pœta de Diis narrat, tanquam de suis. Idcirco Plato in Alcibiade putat, *Non debere eos, qui Sapientiæ nec dum sunt initiati, incidere in Homerica Poëmata, ne Heros illum arbitrentur scribere fabellas.* Imo quandoque tam obsecutus Pœtæ sensus est; ut nec satis fabulas capiant ipsi Philosophi; unde alius hoc, alius illud significari conjecit, nec tam fabulas sententiæ ipsius Pœtæ adaperet,

pter, quàm suam fabulis, ut perperam aliquos fecisse notat Stobæus in Eclôgis Physic. l. a. c. r.

Orpheus quoque insignis ille Poëta Thracius, qui magnus profanz antiquitatis Theologus habitus est, cujus versus piissimis de Diis sententiis pleni sunt, Metaphysicam Philosophiæ partem optimè per fabulas poëtice docuit. B. Justinus quoddam Orphei versus citat, in quibus ille de Abraham, & Tabulis Decalogi Moïsi mentionem facit. Multi vero plurima, quæ Orpheo tribuuntur, opera, non Orphei, sed a liis recentioris putant.

Notari dignum hic est, quod habet Proclus in Theologia Platônica, de Orphica quadam secta, quæ per Symbola docere consueverat; ejus verba sunt *Orphici per Symbola, Pythagorici per Iconas divina tradere statuerunt*. Potuit itaque ut à Pythagora Pythagorica, sic ab Orpheo Orphica secta derivare. Mythicam etiam Philosophiam soluta oratione per fabulas ad mores bene componendos multi Græcorum docuere; quod ex Græcis Fabulis non est, qui ignoret. Horum primum, & maximum commemorasse sufficiat, *Æsopum* Philosophum, genere Phrygem, conditione servum, qui tempore Cræsi, ultimi Lydorum, Regis vixit, Olymp. scil. 56. an. U. C. 200. Mundi 3500. & ante Christum natum circiter 598. Corpore fuit deformis, visu turpissimum, mente tamen sublimis. Quare Divus Hieron. eum in nativitate, in vita, & in morte infelicem appellat; quia nasci deformis, vivere servus, mori à Delphis peremptus debuit. Ultimus *Æsopi* dominus Xanthus exstitit, Philosophus Samius; qui cum in agrum, quod se oblectaret, ivisset, interrogatus ab agri colono fuit, cur terra herbas, quas sua sponte produxerat, sine cultu melius aleret, quàm ab ipso satas, & bene cultas? Xanthus respondit, sic divina Providentia factum. *Æsopus* verò agricolæ dixit, terram similem esse mulieri, quæ majori cura proprios filios, quàm filios sui viri enutrit, cum illorum mater, horum verò noverca sit. Sic terra snarum quidem herbarnm mater est; earum tamen, quas agricola ipsi alendas tradidit, noverca. Deinde cum ipse Samiis consilium dedisset, ut Cræso, eorum libertati insidias tendenti, se opponerent; hoc consilio à Cræso cognito, ipsum accersiri jussit; quem loquentem admiratus, & magni semper fecit, & in deliciis habuit. Tunc *Æsopus* suas Fabulas conscripsit, quibus Moralem Philosophiam, melius quàm cæteri, docere homines studuit, ac Cræso dicavit. Has deinde Fabulas Socrates in metrum eleganter redegit, quarum Plato, Plutarchus, & Laërtius meminere. Plato etiam in sua Rep. Fabulis *Æsopi* locum dedit. Quæ autem nunc sub *Æsopi* nomine circumferuntur Fabulæ, à Planude conscriptæ dicuntur, à quo etiam Vita, sed fabulosa magis, quàm vera, scripta est: Historia tamen, & operis inventa, *Æsopi* sunt; ut notatur in Morery Supp. Plutarchus refert, *Æsopum* à Cræso missum ad Periandrum, Corinthi tyrannum; ac Solonem in Cræsi aula agnovisse; ac tandem à Delphis necatum, sive quia eos in Fabulis ludibrio habuit; vel quoniam pecuniam, quam Cræsus Oraculo exhibendam ei dederat, Cræso remiserat. Sed cum gravi peste ad *Æsopi* necis ultionem Delphi affligerentur, consulto Oraculo, quomodo à peste liberarentur, & responso accepto, ut *Æsopi* manibus litarent, ei Pyramidem erexerunt; quod Athenienses etiam fecerunt. Vide Maziriacum in ejus Vita, rectius, quàm alia unquam, concinnata.

De iis, qui Sapientes dicebantur :

Pervulgatum nimis jam illud est, quod Laërt. lib. 5. & Val. Max. 4. 1. habent de Tripode (sive Phiala, sive aurea Mensa ex altorum sententia fuerit, ut cit. Laërt. ib. refert) illo, quem Ionici ex Apollinis Delphici oraculo Græcorum Sapientissimo donabant. Qui Thaleti (Theophrastus tamen Bianti primum datum fuisse refert) concessus, ab eo Bianti missus, & ab hoc rursus ad alium, & sic per singulos Græciæ Sapientes factum est, donec Thaleti rursus traditus est; qui Tripodem ad se reversum Apollini Didymæo misit cum hac inscriptione: *Thales, Exami filius, Milesius Apollini Delphico Græcorum hoc præmium bis nactus dicat*. Hæc communior, & vulgata magis de Tripode fama est, quam præter cit. Laërt. & Val. confirmat etiam Plutarchus in Vita Solonis, etiam si aliis alia de hoc Sapientum præmio, & de ipsius traditione sententia sit.

Qui Sapientis nomen primum apud Græcos obtinuerunt, & Tripodis honore digni habiti sunt, septem à Laërtio numerantur; Primus Thales Milesius, secundus Pittacus Mitylenæus, tertius Bias Prienensis, quartus Solon Atheniensis, quintus Cleobulus Lindus, sextus Myson Chæneus, septimus Chilon Lacedæmonius. De his tamen in hac non Mythicæ Græcorum Philosophiæ Historia verba facturus, Thaletem consulto præmitto; de ipso enim, qui Ionicæ sectæ caput est, paullo infra, ubi de Ionica secta agam, sermo erit. Hunc sequitur

P I T T A C U S.

Patriam Mitylenem, Lesbî Metropolim, Patrem Cæcum, vel potius, ut Suidas habet, Cyrradium, Matrem Lesbiam nomine sortitus est Olympiade 32. vel, ex Laërtio, 42. Melanchrum Lesbî; & Mitylene Tyrannum interemit: quo facinore illustris magis redditus, à Mitylenæis Imperator factus, Atheniensibus, de Agri Achillitidis possessione cum Mitylenæis decertantibus, cum classe bellum intulit. Variam in hoc bello fortunam expertus, tandem Phrynonem Atheniensium Ducem, corporis mole, & robore præstantem, ad singulare certamen provocatum piscatorio rete, quod clypeo tenebat, involutum, tridente, & hasta interemit, & agrum diu controversum civibus suis servavit. Ex hoc Pittaci stratagemate Romani Gladiatores exemplum sumere, qui Retarii appellabantur, quosque Lipsius Saturnal. II. 8. describit, ut observant Festus verbo Retarii, & Polyanus Stratagem. l. 25. Huius verò belli finem lege apud Strab. & Laërt. Agro demum Achillitide à Mitylenæis recuperato, ipsum cives Pittaco obtulerunt, ut de agro sibi, quantum vellet, acciperet. At ille, conjecta hasta, tantumdem accepit, quantum illa esset emetita, quod Apollini dicavit, ætate Plutarchi, & Laërtii Pittacium adhuc appellatum.

Mitylenæis decem annos præfuit, quando scilicet, ut notat Val. Max. bellum de agro Achillitide cum Atheniensibus duravit: ubi enim pax per victoriam parva, à Mitylenæis imperium deponere coactus est, ne civium dominus, ultra quam necessitas exegerat, permaneret. Alios decem annos privatam vitam egit. Reipublicæ dum præfesset, varias fecit leges, quarum unam Cic. 2. de Leg. c. 26. memorat, qua vetavit, *Quemquam accedere ad funus aliorum*: alia ab

Ari-

Aristotele, & Laërtio refertur: *Ebrius duplici poena, dum peccat, afficiendus, non ebrius una*; eo quod Mitylenes Insula vino abundabat. Corpus saepe exercitabat molendo triticum, hanc cantilenam *ἐπιμύθεον* dictam canens: *Mole à mola mole, nam Pittacus, qui Mitylenaeis imperat, molit*. Senex, ut belli dux esset, coactus, respondit: *Quam molestum est, virum probum esse*. Cræsum, bellum Insulanis suis civibus parantem, eloquentia sua è sententia dimovit. Herod. tamen lib. 1. p. 4. id Bianti tribuit factum. Uxor, quia generis nobilitate ipsum excellere, superbam nitens se ei præbebat; quæ cum novisset, Pittacum hospites convivio suscepisse, irata superveniens mensam subvertit; tunc Pittacus Convivis ex facto perturbatis ait: *Unicuique vestrum est mali aliquid, felicissimus is, cui hoc tantum*. Cræso ad se pecuniam mittente, accipere noluit, duplo plura quam vellet, se habere testatus. Vixit annos plus septuaginta, ex Suida octoginta, & mortuus est an. 3. Olymp. 52. Ejus sepulcro sequens Epitaphium inscriptum Laërtius notat:

Condidit hoc tumulo lacrymis te, Pittace, Lesbos

Sacra suis, obitu languida facta tuo.

Selectiora Pittaci Apophthegmata ex Laërtio: *Necessitati ne Deos quidem resistari. Principatum virum declarare. Optimum id est, quod in presentia occurrit bene agere. Quid maxime gratum? Tempus. Prudentium virorum esse, priusquam adversa contingant, providere ne eveniant: sortium verò, cum illa contigerint, æquo animo ferre*. Adolescenti ipsum de ducenda uxore consulenti respondit, *Tu tibi sume patrem*. De quo extat Epigramma apud Callimachum l. r. Ep. p. 180. & Æschyli versus ad idem alludentes v. 886.

Moralia Pittaci præcepta hæc à Demetrio Phalereo traduntur: *Nosce tempus opportunum. Quod faciurus es, ne prædixeris; frustratus enim spe irrideberis. Amici utere. Quæ ægre fers in proximo, ea ipse ne feceris. Infortunato ne quid exproberis; his enim Deorum incumbit Nemesis. Deposita redde. Sustine parvas, quas proximi intulerint, molestias. Ama proximum: Si parum tibi decedat, non statim amico conviceris, neque inimico bene preceris, hoc enim rationi adversatur. Difficile est prospicere futura. Quod præteritis, certum est, futurum vero obscurum. Fida est Terra, insidum Mare, inexplebile lucrum. Honestatem acquirere. Obsequium quære. Amato disciplinam, temperantiam, prudentiam, veritatem, fidem, experientiam, dexteritatem, societatem, diligentiam, æconomiam, artem, pietatem*. Ausonius in Sent. 7. Sap. alia ipsi tribuit, quorum primum est: *Loqui ignorabis, qui tacere nescies*, & reliqua, quæ apud cit. Autorem.

Pittaci scripta hæc à Laërtio c. 78. numerantur: *Adiurum*; Elegi ad sexcentos versus, & soluta oratione; de Legibus ad Cives; Epistolas, quarum una ad Cræsum servata est.

B I A S.

PRIENE natus est ex patre Tutami. Pauper, an dives vixerit, dubium apud multos. Duplici stratagemate Alyattem delusit, dum Pirenem obsideret; & primo quidem duos mulos ex arte saginatos è civitate in castra expellendor; secundo nunciis Alyattes ad pacem inveniendam in civitatem missis offendendo magnos arenæ acerros, frumentis coopertos; ex quibus admiratione affecti nuntii ut id Alyatti retulerunt, hic pacis magis cupidus Biantem ad se venire mandavit, qui respondit: *Equidem Alyatten cepas edere (hoc est flere) jubeo*. Interrogatus, cur omnibus suis concivibus, Pirenem, hostibus obsecram, fugientibus, pretiosaque omnia secum portantibus, ipse solus nil boni reducens fu-

fugeret, respondit: *Ego vero bona mea mecum porto*; Sapiëntiam notans. Refert Plut. Symp. 9. Sap. p. 146. Amasin Ægyptiorum Regem, quicum Biantis amicitia erat, victimam ei misisse, ex qua exentam partem pessimam simul & optimam ad se mitteret: cui Bias linguam misit; quod factum illi apud Regem magnam peperit gloriam. Idem Amasis, referente cit. Plut. 16. p. 151. epistolam ei misit, qua eum rogabat, ut propositum sibi ab Æthiopum Rege questum solveret, quod est: *Ut mare ebiberet*, cujus solutionis merces urbes, & oppida multa proposita, si mare totum ebibere posset, cui Bias: *Jubeat Amasis, Æthiopum Regem fluviolos in mare decurrentes detinere, donec illud, quod nunc est, biberit Amasis, nam id tantum, quod nunc est mare, ut ebibat piscetur, non id, quod postea erit*.

Ex Apophtegmatis à Laërtio relatis selectiora sunt: *Quid difficile? ferre mutationem rerum in deterius: Quid dulce hominibus? Spes. Malle, dicebat, se inter inimicos, quam amicos judicare; quippe ex amicis alterum futurum inimicum, ex inimicis autem alterum amicum. Ita vivendum esse, quasi & diu, & parum visuri simus. Ita amandum, quasi odio simus habituri, caute amicitiam colendo, ut quæ in inimicitiam verti possit. Refert Gell. 3. 11. eum à quodam interrogatum, deberetne uxorem ducere? aut pulcram, respondisse, habetis, aut deformem: si pulcram ducas, habebis nuntio, communem; si deformem, habebis curam, penam.*

Auson. Sap. Sent. p. 110. alias quoque ipsi sententias tribuit, quarum præcipuæ sunt:

Quanam summa boni? mens quæ sibi conscia recti.

Quis dives? qui nil cupiat. Quis pauper? avarus.

Quod prudentis opus? cum possit, nolle nocere.

Quid sulti proprium? non posse, & velle nocere.

Ex moralibus Biantis præceptis, quæ ex Demetr. Phal. Stob. serm. 3. p. 46. refert, præcipua sunt: *Si pulcher tibi videaris, pulcra facito, si deformis, naturæ defectum morum pulcritudine pensato. Celeritas in loquendo odio habenda. Audi multa, loquere tempestiva. Suadendo, non cogendo, impera &c.*

Summus Orator erat; hinc Hipponax: *Biante Priennensi causas egit præstantius*. Mortuus provecta Senectute hoc modo traditur à Laërt. 1. 84. Postquam diu perorasset, caput in sinu nepotis ex filia sessus reclinavit; finita adversarii concione, ubi eum excitassent, mortuum in nepotis sinu invenerunt; quem civitas magnifice sepelivit, tumuloque hæc inscripsit:

Petra Prienæum tegit hæc bene culta Biantem,

Ornamentum ingens qui fuit Ioniis.

Ad duo millia versuum de Ionia scripsit, quomodo felix esse possit.

S O L O N.

Salamine, ex Laërtio 1. 46. nobili genere natus est ex Patre, ut Philocles à Didymo allegatus vult, Euphorione, vel, ex reliquis scriptoribus omnibus, Excecidide; hinc morti proximus Salamina corpus suum deportandum cupiit: ex parentibus tamen, & domicilii loco Atheniensis dictus est. Ex patris liberalitate pauperie afflictus, mercaturæ, ut quidam volunt, operam dedit, sive potius, ut ex aliis, ad acquirendam sapientiam peregre profectus est. Et quidem 47. Olympiade postquam aliquamdiu secum Anacharsidem domi detinisset, & secum multa philosophatus esset, legibus Athenis præscriptis, & venia ab Atheniensibus impetrata, ut sibi abesse decennio liceret, primò Ægyptum petiit, ubi cum Psenophe Sacerdotum tunc temporis literatissimo philo-

pha-

phabatur. Sacerdotum antiquissimus Soloni de antiquitatibus percontanti respondere solebat: *O Solon, Solon, semper pueri Græci, Senex Græcorum est nullus.* Milesum quoque ad Thaletem se contulit, qui, ut habet Plut. Sol. p. 81. lepide eum decepti, ficto nuncio de Solonis filio Athenis mortuo, quem cum illacrymaretur Solon, quidam ei dicebant, ut referunt Laërt. 1. 83. & Stob. ferm. 1. 21. *At nihil proficis.* Quibus ipse: *At propter hoc ipsum illacrymor, quia nihil proficis.* Reliquos Sapientes Delphis convenit, ex Laërt. 1. 40. & Plut. Sol. p. 80. Lydiam, Ciliciam, Cretam quoque Epimenidis amore lustravit; imò ab omnibus Sapientibus in suam cuiusque domum, & à Croeso ipso invitatus est, & à Pisistrato Athenarum Tyranno per epistolam ad ipsum missam rogatus, ut Athenas rediret, quod facere renuit.

Solonis viventi, & mortui summa gloria extitit, cui supremi honores non fuerunt denegati, quod fortitudinis sue monumentum Megarense trophæum, sapientie vero, Salamini recuperationem statuisset. Demosth. Orat. de Fals. leg. p. 233. Solonis enim consiliis Salamini, aliæque Urbes in Atheniensium potestatem pervenerunt. Ipsi enim ab Atheniensibus indicto bello, & Solone belli Imperatore constituto, de Salamini, aliisque victoria reportata est. Inde sedatis in Patria seditionibus anno 3. Olymp. 46. Archontis dignitatem obtinuit. Archon dum esset, ex Laërt. 1. 43. & Plut. Sol. p. 86. primum *Ennarchum* introduxit, corporum scilicet, possessionumque redemptionem; sive Legem, ut Hesychi. definit, *qua publice, privatimque contradium res remittebatur;* quæ ita appellata est ab excusa usurarum iniquitate; eo enim tempore super corporibus etiam tenerantur; multique per inopiam mercede fervebant.

Deinde Reip. conditor, & Legislator, omni, absolutaque autoritate ipsi tradita, populum in Classes divisit: magistratos, & judicia instituit. Republica sic constituta, curisque ordinatis, leges condidit æquissimas omnibus, & adeo mirabiles, ut Romani legatos Athenas miserint, teste Liv. l. 3. c. 31. *Sp. Postumium Album, A. Manlium, P. Sulpitium Camerinum, iusserintque inclitas Solonis leges describere.* Has ex Solonis libris translatas 12. tabulis Decemviri exposuere. Hinc optime Ammian. Marcell. l. 22. 16. ait: *Solon sententiæ adjunctus Aegypti Sacerdotum, latis iusto moderamine legibus, Romano quoque juri maximum addidit firmamentum.* Ejus leces fusc nimis apud Laërt. Plut. Meursi. aliosque legere est, quibus æternam sibi famam Solon comparavit.

Tandem anno primo Olympiadis 36. ex Plut. Laërt. Suld. aliisque, in Cypri insula mortuus est annos natus 80. ut ex Laërt. vel 100. ut ex Luciano, suis mandans, ut ossa sua Salamina transferrent; & in pulverem redacta, per totam Provinciâ diffeminarent. Ipsi jam mortuo Athenienses statum æneam erexere in porticu, quam Variam vocant; aliam in Salamini, cui inscriptum, teste Laërtio, fuit:

Quæ dudum insanas Medorum propulsi trās,

Legiferum Salamis pulcra Solona parit.

Philosophus, Poëta, & Orator insignis fuit: imò Cicero Brut. c. 7. docet, neminem ante ipsum eloquentia celebratum fuisse: & de Orat. 1. 13. Lycurgum, & Solonem in numero eloquentium posuit. Et Aristides Or. Plat. a. t. 3. p. 461. *Oratoria utebatur dicendi forma, in omnibus itis egregie demonstrans, & Oratoris, & Philosophi existimationem sese mereri, utramque istam facultatem, utrumque titulum assecutus.* Plutarchus tamen hæc habet in Solone: *Ex Philosophia Ethica, præcipue Politica, sicut plerique sapientum, est sectatus. In Physicis mirè est simplex, & antiquarius.* Scripsit Leges, quas, teste Plut. Sol. p. 80. aliqui eum in versu redegisse dicunt: Elegias, & alia Poëmata: Episto-

las quoque, quæ omnia apud citatos Laërt. Plut. Meursi. aliosque videre est.

Solon, teste Laërt. 1. 22. inter septem Sapientes Olymp. 49. numeratus est propter insignem vitæ virtutem, & moralia bene vivendi præcepta. Inter Solonis Apophthegmata, quæ à Laërtio, Plutarcho, aliisque traduntur, hæc sunt præcipua: *Sermo imago est operis: Lege aranearum telis similima; illis quippe si quid leve, & imbecillum incideris, involvus ab eis, atque contegi; si quid majus, atque gravius, pensus, ac perire: Rempublicam duabus rebus contineri, premio, & pœna.* Inter pocula tacitus existens interrogatus à Perianthro, an propter verborum inopiam, an ob stultitiam taceret, respondit: *Atqui stultus nemo inter pocula tacere potest.* Moralia ejus præcepta præcipua sunt: *Ne quid nimis. Ne iudex sedens; sin autem, damnato inimicus fies. Voluptatem fuge, parit enim tristitiam. Serpa morum probitatem, vel jurcjuvando digniorem. Sermonem quidem silentio obsequa; silentium tempore opportuno. Amicos non citò comparabis, quas vero comparaveris, non statim rejicies. Cum regi didiceris, regere scies. Quod videris, ne dixeris. Sciens taceto. Ignota ex natis confice &c.* Ejus Symbolum juxta Laërtium, & Didymum: *Ne quid nimis.* Juxta Aufonium: *Nosce teipsum.*

CLEOBULUS.

Lindi, quod est Rhodi Oppidum, natus est ex patre Evagora. Duris tamen, ipsum ex Caria fuisse, testatur. Genus ab Hercule ducens, forma, corporis viribus, & Sapientia cævos omnes superabat, teste Suida, in Cleobulo. Tyrannus Lindiorum fuit, ex Plut. Templumque Minervæ, à Danao olim fundatum, restauravit.

De Eumetidis Cleobuli filiz virtutibus, quæ de Patris nomine vulgo Cleobulina appellabatur, mira memorantur à Laërtio 1. 89. & Plut. in Conv. 7. Sap. p. 148. Hæc enim ob Sapientiam suam, & acumen Ænigmatum, Hexametros, & Ænigmata componebat, ad Ægyptum usque profecta. Ingenium ipsi civili prudentia præditum, animusque sublimis erat, & humanus. Ejus etiam Grætinus meminit in Comædia, quæ Cleobulus inscribitur.

Senex obiit anno 70. ex Laërt. 1. 93. ejus tumulo inscriptum:

Extinctum luget Cleobulum patria Lindus,

Patria, quæ medio est undique cincta mari.

Scriptit Carmina, & griphos ad 3000. versuum, in quibus hoc Ænigma de anno:

Est genitor, proles cui sis bissema, sed horum

Cuius sunt natæ triginta, ast dispar forma.

Hæc niveis penitus, fuscis sed vultibus illac.

Atque immortales cum sint, moriuntur ad unum,

Extat & ejus Epistola ad Solonem. Vid. Laërt. in Cleob.

Ex Cleobuli sententiis, & præceptis ad mores spectantibus, hæc ex Laërt. 1. 91. Plut. Symp. 7. Sap. p. 153. & Stob. Sermon. 3. potiora sunt: *Inanis, & ingratum ne sis. Filias nuptui, locari oportet ætate virgines, sed prudentia, & sensu mulieres. Amicum beneficiis cole, ut amior sis, inimicum, ut amicum facias; cavenda enim sunt reprehensiones amicorum, & inimicorum insidiæ sugienda.* Antequam domo quis exeat, quid acturus sit, apud se pertractet, rursus, cum redierit, quid egerit, recogitet. Beatus princeps, qui familiarium nemini fides. Modus optimus (quod Symbolum habuit). *Audiendi magis, quam loquendi studiosum esse oportet. Lingua ut benedicat assuescenda. Linguaque fræna. Per vim nihil oge. Liberos institue. Inimicitias solve. Uxori neque ira-*

trascere, neque blandire, presentibus aliis, hoc enim fuit, illud insani est. Famulos ebrios ne castiges, ne & ipse ebrius videaris. Aequalem ducas uxorem, ne meliorem ducens, Dominos tibi compares pro affinis. Dives superbus, Pauper abiectus esse noli. Felix criminibus nullus erit diu. Ignoscas aliis multa, nihil tibi &c.

M Y S O N.

S Trymonis filius fuit, teste Hermippo, patria Cheneus ex Vico Oetæo, si-
ve Laconico. Fertur Anacharsis, oraculum ubi consulisset, quis se sapien-
tior esset, responsum tulisse; Mysonem Oetæum sapientiores ipso esse. Un-
de Anacharsis ad ipsum visendum se contulit, quem Ætate siquam aratro
apertum invenit, cui dixit: *Atqui; o Myson, nondum aratro vacandi nunc
tempus est.* Cui Myson: *Tempus tamen, ut ad illud nos componamus.* Myso-
nis meminit etiam Hipponax dicens: *Et Myso, quem virorum sapientissimum
Apollo predicavit.* Hominum osor ut refert Aristoxenus, non secus ac Timon,
& Apemantus, cum esset, Lacedæmone in loca deserta se subduxit: Eum-
inter 7. Sapientes multi cum Laërtio ponunt, inter quos Plato, qui Periandri
locum ipsi tribuit. Morales Mysonis sententias multi Pisistrato adscribunt. Præ-
cipua Mysonis sententia traditur hæc: *Non ex verbis res, sed ex rebus verba
esse inquirenda.* Defunctus traditur anno ætatis suæ nonagesimo septimo.

C H I L O.

C Hilonem Lacedæmonium ex Patre Damageto (qui corrupte à Stobæo Pa-
ges appellatur) natum, circa Olymp. 52. floruisse testatur Laërt. 1. 72.
quo tempore Æsopus Fabularum scriptor vixit. Ephorus, qui Latinis Inspector
diceretur, fuit Olymp. 56. ex eodem Laërt. 1. 68. Ephorici Magistratus erat
apud Lacedæmonios correspondens Trib. Pleb. Romanorum. Iustitiam in om-
nibus sic excoluit, ut jam senex morti proximus, teste Laërt. 1. 71. & A. Gell.
N. A. 1. 3. dixerit, sibi conscium haud esse, quod in tota vita præter rationem
egerit quicquam; una tamen re aliquantum moveri, quod amicum, contra le-
gem, capite non damnaverit, sed aliquo modo fecisse, ut legem, & amicum
servaret.

Sententiæ, & Præcepta Moralia præcipua sunt: *Difficile est arcana retice-
re, otium recte dispensare, & injurias tolerare posse: Optimum esse Rempubli-
cam, in qua maxime leges, minime oratores audiantur: Nosce teipsum: Inter
pocula non multum loquere; delinques enim: Ad amicorum convivia tardus ac-
cedas, cito ad calamitates: Rerum ad se nihil pertinentium curiosum odio ha-
bero: Jactura turpi lucro præferenda, nam id semel tantum dolori est, hoc
semper: Fac, ne lingua tibi mentem præcurrat: Comitem alieni oris, utque
litis esse miseriam: Lydius lapis probat aurum, aurum vero mentis præstan-
tiam: Æsopum interroganti Chiloni quid faceret Jupiter, ille respondit: Ex-
celsum humiliat, humilem extollit.* Hæc ex Laërt. Plur. Stob. Plin. Hist. N.
& Gellio excerpta.

Mortuus est, teste Laërtio 1. 72. Pisæ, dum filium amplexaretur ex Olymp.
ludis victorem in cæstum certamine factum; ibique honorificentissime sepul-
tus, ejusque imagini hæc addita inscriptio est:

Hic Sapiens forti natus Lacedæmone Chilon,

E numero septem maximus unus erat.

In loquendo brevis. Scripsit Elegiam ad versus circiter ducentos, & Epistolam.

Sed antequam de Græcorum Philosophorum Sectis agamus, de aliis, qui præter hos septem à Græcis & dicti, & habiti sunt Sapientes, Sermo instituendus est.

P E R I A N D E R.

Cypselo, Corinthi Tyranno, natus est, matre Cratea. Periander in Tyrannide Patri successit; atque in ipso familiæ suæ regnum desit: Natus est, teste Laërt. 1. 95. postremo anno Olymp. 29. Regnare cepit anno quarto Olymp. 37. regnavitque annis 44. ex Arist. Polit. 5. 12. Quomodo autem Cypselus ortus sit, & regno potitus, lege apud Herod. 1. 5. p. 202.

Sapientibus additus non tam propter sapientiam, quæ illi non magna fuit, quam propter potentiam, & amicitiam, quam cum Sapientibus colebat. Sapiens enim semel ad se accessit in Conclavi amplissimo, convivisque solentibus dicato, humanissime excepit, ac quibusdam moralibus sententiis prolatis, Sapiens videri potius voluit, quam esse. Quæ ab aliis reliquorum sententiis quia non differunt, meritis prætermittuntur. Præter has sententias scripsit, ex Laërtio 1. 97. Admonitiones ad duomillia versuum.

Barbarum, & scelestum se gessit in subditos, in uxorem etiam Lyfidem nomine, atque ab ipso Melissam appellatam, quam prægnantem interemit; & in filium, quem propriis lacibus ejectum, & exulem patria in Corcyra peremptum testatur Herod. 1. 3. p. 124. & seq. & Laërt. 1. 95. Tandem mortuus est anno ultimo Olymp. 48. ætatis vero suæ anno 80. à suis, ipso sic mandante, necatus. Laërt. ib.

E P I M E N I D E S.

Cretensem, & proprie Gnosium eum facit Laërt. 1. 109. Præsumunt natalem ejus urbem fuisse credit Strabo 1. 10. p. 479. De parentum nomine, quæstio est apud autores. Laërt. 1. c. narrat, eum adhuc juvenem ex perditæ ovis investigatione sessum in spelunca obdormisse annos, juxta Theopompum 57. juxta Varronem vero, Plutarchum, & Tertullianum, 50. juxta Pausaniam 40. experrectumque ovem perditam iterum quævisse, suorum multis jam defunctis, multis vero senibus inventis. Sunt tamen, ex eodem Laërt. 1. 112. qui eum in spelunca non dormivisse, sed tot annos in plantarum radicibus effodiendis in solitudine impendisse.

Primus fertur domos, & agros carmine expiasse. Quamobrem Athenienses Olymp. 46. peste afflicti, & ab Oraculo edocti, ut urbem lustrarent, Epimenidem à Creta advocarunt, qui pestem hac expiatione confescuit: Summis ovibus albo, ac nigro vallere, & in Areopagum actis, illas libere quò vellent ire permisit, viris, qui illas libere sic errantes sequebantur, mandans, ut ubi eumque accubuisse, ibi eas illius loci Deo mactarent; quo facto lues quievit. Unde & Laërtii etiam tempore Aræ per Atheniensium pagos sine nomine inspiciebantur in ejus, quæ tunc facta est, expiationis memoriam.

Ex hoc beneficio Atheniensibus præstito, magno semper in honore apud ipsos fuit, qui, præter alia dona, talentum, & navim, quæ domum rediret, ei decrevere; ipse vero donis omnibus repudiatis, tantum sacræ oleæ furculam, ex arce sumtum accepit, quem manu tenens, sedere inter Athenienses, & Cretenses Gnosios consiliato, domum rediit, ac paulo post mortuus est annum agens 157. ex Laërtio, vel 150. ex Apollonio. Cretenses eum annos 299. vixisse jactant. Xenophanes eum se audivisse ait annos natum 154.

Tem-

Templa condidisse primus creditur. Prædictionibus, quas Cretensibus, Atheniensibus, & Lacedæmonis fecit; clarus, ac celebris ita fuit, ut Cretenses illi sacrificia tanquam Deo obtulerint, ex Plut. in Sol. & Græci eum Divinum, Deoque carissimum existimaverint, & in Sapientum suorum numerum retulerint, ex Laërtio l. c. & Plat. de Leg. 2. p. 642. Imo cum Paulus etiam Apostolus Cretensem Prophetam appellavit in Ep. ad Tit. 2. c. 2. dum inquit: *Dixit quidam ex ipsis proprius Prophetæ: Cretenses semper mendaces; mala bestiae; ventres pigri.* Vid. Hieron. in Ep. Pauli.

Multa scriplit prosa oratione, & metrica, Mytheria scilicet, Lustrationes, & Ænigmatica, Cusretum, & Corybantum generationem, Theogoniam, Argus fabricam, & Jasonis in Colchos expeditionem, de Sacrificiis, de Rep. Cretensium, de Minoë, & Rhadamantho, & de Oraculis, & Responsis. Extat quoque ejus una, vel altera Epistola ad Solonem, qui ad leges conscribendas ejus doctrina usus est, teste Plut.

P H E R E C Y D E S.

IN Syro, vel ut alii malunt, Scyro insula Olymp. 46. ex Suida, vel 59. ut ait de Pherecyde loquens: *Antiquus sane: fuit enim meo regnante gentili.* Multum cum *avrodidauror*, & de ipso edoctrum faciunt; comparatis scilicet arcanis Phœnicum libris; teste Suida; alii Pittaci discipulum tradunt. Hic, non tamen ex divina virtute, sed ex naturalium rerum scientia, multa prædixisse fertur, quæ maximam illi gloriam compararunt, ut Cic. 1. de Div. ait. Præcipua autem hæc ex Laërtio l. c. habemus: Aquam à discipulorum quodam petiit; quam ut è puteo hausitam bibit: terræ motum post diem tertium futurum prædixit; quod sic evenit: Sanum ad Junonis templum profectus, navem plenam velis portum subeuntem videns, adstantibus dixit, ipsam intra portum non perventuram; ipso autem adhuc loquente, tempestas subito orta navem perdidit. Perilao hospiti suo suavit, ut cum tota familia domo migraret; quo consilio à Perilao neglecto, paullo post capta ab hostibus sua patria Messana fuit.

Hic omnium primus animorum immortalitatem statuit, ex Cic. in Tusc. l. c. his verbis: *Sed, quod literis extet, Pherecydes Syrus primum dixit animos hominum esse sempiternos.* Clem. Alex. 6. Strom. notat, quod quæcumque Pherecydes allegorice in sua Theologia dixit, è Chami Prophetia desumpta fuerint. Pythagoræ præceptor fuit. Aquam cum Thalete rerum omnium principium dixit. Primus etiam soluta oratione scripsisse traditur ab Apul. in Flor. Philosophus, & poeta Tragicus dictus à Strab. l. 10. Mortuus est *αδυσία*, hoc est, pediculari morbo confectus, ut ait Ælian. Var. Hist. 4. 28. Plin. l. 7. & communiter fere omnes. Quod sic optime his verbis Q. Sciren. expressit:

Sed quis non paveat Pherecydis fata rigore,

Qui nimio sudore suens, animalia tetra

Eduxit, turpi miserum, quæ morte tulerunt.

Septem Sapientum ætate floruit, quibus à multis adnumeratus est. Plura qui cupit, adeat Laërtium l. c. Suidam in Pherecyde, aliosque.

De Secta Ionica.

Quæ in vastissimo Græciæ Imperio florere Philosophorum Sectæ, duæ à Laërtio in Proœmio numerantur, Ionica scilicet, & Italica; quam deinde sententiam omnes historici secuti sunt. Verùm quamvis certum sit, eas initio duas fuisse, postea tamen in plures adhuc divisæ sunt; itaut Vossius eas usque ad duodeviginti Sectas numeret; Ionicam scilicet, Italicam, Eleaticam, Epicuream, Cyrenaicam, Eliacam, Megricam, Academiam Veterem, Academiam Secundam, Academiam Tertiam, Peripateticam, Academiam Quartam, Platonicos Juniores, Academiam Quintam, Cynicam, Stoicam, Pyrrhoniæ, & Potamoniam.

Nos igitur hac in re communem ordinem sequentes, de Singularum Græcanicæ Philosophiæ Sectarum Institutotibus, eorumque successoribus agemus, ac brevissimis verbis optima quæque, & potiora, quæ de eorum vita, moribus, & doctrina ab antiquis, & recentioribus Selectissimis Philosophiæ Historiæ scriptoribus sparsim notata invenimus, in Epitomen sædacta trademus.

Ionicam Sectam à Thalete, qui ex Ionia erat, ortum duxisse, omnes fere confessi sunt. Ex hac autem omnes deinde Græcorum Sectæ originem habuere. Jure igitur Philosophiæ, Scientiarumque omnium apud Græcos, ex quibus ad nos, autor extitisse fertur.

T H A L E S.

De ejus patria quæstio est apud autores. Laërtius 1. 12. hæc habet: *Thales, ut Herodotus, Thuria, ac Democritus ajunt, patre Examo, matre Cleobulina natus est ex Thelidarum familia, qui, Phœnicum nobilissimi, à Cadmo, & Agenore originem ducunt, Platone quoque teste. Et paullò post: Sed, ut pluribus visum, indigena Milesius, & claro genere natus est. Et Clem. Al. 1. Str. p. 300. Quinetiam Thales, ut referunt Leander, & Herodotus, erat Phœnix: ut autem nonnulli existimaverunt, Milesius. Natus dicitur, Apollodorò in Chron. teste, anno 2. Olymp. 35. Milesium tamen cum Plutarcho omnes fere fatentur; quod confirmat Hermippus apud Laërt. 1. 33. qui refert, Thaletem gratias fortunæ egisse, quod Græcus natus esset, non Barbarus.*

Thaletem multi *A'orididæon* faciunt. Verùm, ut ex ipsius Thaletis epistolis colligitur, ipse ad Philosophiam, & Mathematicas potissimum disciplinas addiscendas, Cretam, Phœniciam, & Ægyptum peragravit; ubi à Sacerdotibus Memphis, ut testatur Jambl. in Vit. Pythag. eruditus, Philosophiam, & Geometriam, Laërtio, & Plutarcho testibus, didicit.

Mileti privatam vitam agens, & in cœlibatu vivens, urgenti matri, ut nuptias iniret, respondit, non dum tempestivum esse. In senectutem vero ætate inclinante, matri acrius in id insistenti respondit, jam intempestivum esse. Quomodo autem Thales Solonem, Mileti apud se degentem, & mirantem, quod ipse connubium negligeret, sicto nuncio de Solonis filii morte, deluderet, lege apud Plut. in Vit. Solon. p. 81. Sapientis titulum non ob solas morales sententias, & vitæ integritatem, sicut & cæteri Sapientes, obtinuit, sed ob magnos in scientiis, quas Contemplativas vocant, profectus, uti observant Plut. in Vit. Solon. p. 80. & Divus August. de Civ. D. 8. 2.

Hæc de Thaletis Philosophiæ præstantia Scriptorum testimonia habemus. Laërt.

Laërt. 1. 24. de Thalete ait: *Primus de Natura differuit, secundum nonnullos.* Cic. de Nat. Deor. 10. Thaletem primum de talibus rebus quævisse dixit; Strabo l. 14. p. 633. *Ante alios Græcos omnes causas rerum naturalium, & Mathematica eum rimatum esse.* Plutarchus eum Philosophiæ Inventorem appellat; Justinus Martyr Philosophorum antiquissimum; Tercullianus Principem Physicorum; Lactantius demum primum, qui de causis naturalibus quævisit. Et Galen. Hist. Philos. hæc habet: *Constat igitur inter quamplurimos, Thaletem Milesium primum Philosophiam apud Jone invenisse: unde & ejus ætatis sapientiam omnes Jonicam appellarunt.*

Thales igitur rerum materialium Principium, Ἀρχή, ex quo existant primo, & in quod resolvantur, Aquam statuit. Quam sententiam his potissimum probat argumentis, à Plut. de Plac. Phil. 3. & Stob. Ecl. Phys. 13. relatis. Semen animantium humidum est. Alimentum, plantarum præcipue, humiditate plenum est. Ipse solis, & stellarum ignis exhalationibus aqueis alitur, atque adeo ipse Mundus, &c. Imo & aquas Terræ motuum causam esse dicebat, ex Laërtio; quibus aquis Orbis sustinetur, & tanquam grande navigium, ut ait Sen. Nat. Quæst. 6. 6. portatur. Fortasse autem Aquam rerum Principium esse Thales dixerat ab Ægyptiis, atque hi à Judæis. Moses enim in Gen. ait. *Spiritus Domini ferebatur super Aquam.* Et: *Producat Aquæ reptile.* Hujus etiam sententiæ, præter Pindarum, qui cecinit: *Ἄνεμ' οὐκ ἔστιν, Ὀπτιμα γὰρ ἀπὸ τοῦ ὕδατος.* Homerus fuit, qui dixit:

Ὀκεανὸς δ' ὅντιν' αἰὶν' ἀνέμους κίετ' ἔχοντα.

Oceanus cunctis factus primordia rebus.

Mundum Dæmonem esse plenum dicebat, ut habet Stob. J. c. Aristot. de Anim. 1. 8. Cic. de Leg. 2. 11. Laërt. æque alii. Quam sententiam Pythagoras quoque, & Plato, affirmante Plut. secuti sunt: sed omnes fortasse ab Ægyptiis acceperunt. Mundum etiam unicum dixit, pulcherrimum, ut qui à Deo factus sit. Animatum quoque Mundum asseribat, ipsiusque animam esse Deum per omnes ejus partes diffusum: in Mundo vacuum non dari: Stellas esse terrestris substantiæ, sed ignitas: Animam immortalem, atque *διόνυσον*, hoc est, naturam seipsam moventem docuit.

Quoad Geometriam, Apul. in Florid. 4. Thaletem Geometriæ penes Græcos primum dixit inventorem. Et Proclus in Euclid. *Thales autem in Ægyptum delatus, primus inde hæc scientiam ad Græcos derivavit.* Hanc autem Geometriam ab Ægyptiis acceptam varis inventis, & propositionibus, Proclo, & Laërtio testantibus, auxit. Pyramidis altitudinem per ipsius umbram metiri primum instituit.

Sicut Geometriam ab Ægyptiis, ita & Astronomiam à Phœnicibus edoctus, in Græciam primus inexit, & auxit. Sphæram Cœlestem Thales primus, deinde Pythagoras, & Successores, in quinque circulos, sive Zonas, ut Stob. refert ex Plut. de Plac. Philos. 2. 11. divisit. Duos libros, ex Laërtio 1. 23. composuit de Conversionibus, & Equinoctio, annique tempestates partitus est. Primus Ursæ minoris sidus invenit, eique Ἄρκτος nomen, ex Hygino Poët. Astron. c. 11. tribuit. Laërt. J. c. ex Eudemo in Hist. Astrol. refert, Thaletem, primum Eclipses prædixisse, quarum præcipua fuit, quæ accidit Lydis, & Medis bellum gerentibus. *Quam diu immutationem,* verba sunt Herod. l. 1. p. 19. *Thales Milesius Jonibus prædixerat, anno quoque, quo eventura ea esset, indicato.* Quod accidit circa Olymp. 90. Annuum periodum, Ægyptiis primum inventam, & 12. mensibus distinctam, Græcos docuit. Sideribus observandis nocte intentus in purem cecidit, unde exire cupiens, querulus Thresiam ancillam suam compellabat; cui illa respondit: *an putas, & Thales; cœlestia te posse asse-*

assequi, qui vel ea, quæ ante pedes sunt tuos, ignoras? Similiter & amici ei improperabant, quod hæc sterilia studia opibus anteponeret. Unde ille, ut refert Arist. Polit. 1. 11. Astrologiæ beneficio prænosceus, dum adhuc hyems esset, uberrimam fore olearum messem, dato pignore, omnia Miletii, & Chli oliveta parvo pretio emit; ex quibus dato tempore multum lucri capiens, ostendit, quàm facile Philosophis sitopes parare, si velint.

Celebriora Thaletis Apophthegmata sunt: *Quid Antiquissimum? Deus; initium enim non habet. Quid Maximum? Locus, sive Spatium; omnia enim Mundus, Mundum Spatium continet. Quid Pulcherrimum? Mundus; quicquid enim concinne ordinatum, pars ejus est. Quid Sapientissimum? Tempus; omnia enim bucasque inventa detexit, detegitque inventiunda. Quid Communissimum? Spes; nam & illi etiam relinquuntur, quibus pereunt omnia. Quid Utilissimum? Virtus; nam ipsa, ut reliqua utilia sint, efficit. Quid Noxium? Vitium; omnia namque bona corrumpit. Quid Potentissimum? Necessitas; sola namque hæc vincit nequit. Quid Facillimum? Quod libenter quis facit, sive, quod natura est consentaneum. Hæc Amasi, Ægyptinorum Regi, cum Æthiopum Rege de Sapientia certanti scripsit. Plura addit Laërtius, Plutarchus, & Stobæus, ex quo antedicta retulimus. Potiora sunt: *Velocissimum mens est, nam per omnia discurrit. Nox die prior una. Difficile seipsum noscere. Felix qui corpore sanus, fortuna locuples, animo non ignarus. Reliqua vid. apud cit. Autores.**

Moralia præcepta plurima à Stob. ex Dem. Phal. recensentur; potissima vero: *Sponsor si fias, noxa præsto est. Ne sis dives improbe. Qualia tu contuleris in parentes, talia à tuis liberis, cum senex fueris, expecta. Ociosus ne fueris, ne si locuples quidem fias. Domestica mala cœla. Ne scias, quæ in altis reprehendis.* Aufonius p. 112. hæc Thaletis nomine metro exposuit:

Turpe quid ausurus, te, sine teste, time.

Vita perit, mortis gloria non moritur.

Quod faciurus eris, dicere susculeris.

Crux est, si metuas, vincere quod nequeas.

Quum vere objurgas, sic inimice juvas.

Quum falso laudas, tunc & amice noces.

Nil nimium satis est, ne sit & hoc nimium.

Ejus Symbolum apud Laërt. τὸ ἀπὸ τοῦ οὐρανοῦ, Nosce teipsum: juxta Didymum, & Hyginum ex Clem. Alex. 1. Strom. *Sponsor fias, noxa præsto est.* Fortunæ, ex Hermippo in Laërtio, gratias agebat ob hæc tria; *Quod Homo, non brutum; Quod vir, non mulier; Quod Græcus, non Barbarus natus sit.* Inter Thaletis *adipsum* hoc præcipuum: *Non multa verba prudentis animi indicium sunt.* Vid. Laërt.

Muli putant, Thaletem nihil scripsisse, inter quos est Themistius Orat. 26. qui nec ipsum, nec ejus ætatis quempiam scripsisse affirmat, τῶν πρὸς αὐτὸν ἀποφθιγμένων. Sed Divus August. de C. D. 1. 11. ait, Thaletem, rerum naturas scrutatum, de Naturali Philosophia disterauisse, suasque disputationes, ut successores propagaret, litteris mandavisse. Laërtius quoque ipsum de Astrologia nautica, de punctis Tropics, & Equinoctialibus tractatus concinnasse refert. Suidas metricum opus de Meteoris ipsi adscribit. Et Plutarchus in Lycurgo de Thalete hæc notat: *Habebatur hic poeta lyricus, atque hujus specie artis utebatur, revera præstantissimorum legislatorum implebat munus.* Galenus de Humor. allegat Thaletis librum 1. τῆς ἀρχῆς τοῦ χρόνου. suorum Historiam scripsit, si fides Joh. Antiocheno præstanda. Duæ tandem ejus extant Epistolæ apud Laërt. 1. 43. Quas tamen Epistolæ, sicut & cæteras passim à Laërtio vel Thaleti, vel Soloni, vel Democrito adscri-

adscriptas, falsitatis suspectas dicunt Huet. Dem. Evang. p. 77. & Jos. Scal. Epist. 306. atque alii.

Senex tandem mortuus est anno æt. suæ 90. ex Sosier. dum Olympicos ludos spectaret Olymp. 58. De cuius morte sic Laërt.

Gymnicon adspiceret cum rursus agona, Thaletem

Eleus traxit Jupiter è stadiis.

Hunc laude, cælo propius quod duxerit, ultra

E terra astra senex cernere non poterat.

Sepultus est in tenui Mileti agello, qualem ipse præscripserat, tu muloque inscriptum:

Exiguus valde hic tumulus, verum astra Thaletis;

Principis Astronomi, gloria summa tenet.

Statua quoque ei erecta est, ex Laërt. 1. 39. cum hac inscriptione:

Hunc, quæ nutritis, Milesia terra, Thaletem,

Astronemum primi nominis ipsa tulit.

ANAXIMANDER.

ANaximander Thaletis sodalis, & discipulus, patria Milesius, & in doctrina propaganda successor, Praxiadæ, vel ut alii legunt, Praxidami filius, natus est anno tertio Olymp. 42. ex Clem. Strom. 1. Hic in rerum omnium Principio assignando à Præceptore secessit; Thales enim Aquam, ipse vero *Infinittum* rerum omnium statuit Principium. Hinc Cic. Acad. Qu. 4. 37. *Thales, qui omnia ex Aqua subsistere agebat, Anaximandro hoc, populari, & sodali suo, non persuasit. Is enim Infinittatem naturæ dixit esse, à qua omnia gignerentur.* Ex hac igitur cuncta oriri, & in eam omnia desinere dicebat, ejusque partes moveri, & mutari, totum verò immutabile esse: infinitos generari mundos, qui tamen corrupti in Infinitum redeant. Hos verò infinitos mundos esse Deos nativos, longis intervallis orientes, & occidentes, asserbat, ex Cic. de Nat. D. 1. 10. Plut. tamen de Plac. Phil. 1. 7. & Stob. Ecl. Phys. 1. 1. ea de Cælo, & Stellis dicta intelligunt. Infinitum igitur laudavit, & Infinitati Mentem præfecit.

Cælum statuit calido, & frigido mistum; stellas vero centones aëris globosos, ignis plenos, & flammæ quadam ex parte expirantes, & à circulis, & sphaëris, quibus insisterent, agitari: Solem supremo locò collocavit, deinde Lunam, tum deinde fixas, & errantes posuit. Solis magnitudinem terræ æqualem putabat, sed ejus orbitam terræ vicies octies, vel, ut Theodoretus ait, vicies sexies majorem; Lunæ tamen orbitam terræ novendecuplo majorem dicebat, Solisque, & Lunæ Eclipsin ex obstructione meatuum, per quos lumen ad nos mittebant, procedere. Terram figura rotundam hic primus in universi centro locavit; terræ, marisque circuitum descripsit, sive tabulam Geographicam invenit; nec non Zodiaci Obliquitatis, Gnomonis, Solstitiorum, Æquinoctiorum, aliorumque inventor dicitur. Cic. 1. de Div. 50. & Plin. Hist. N. 2. c. 79. referunt, Anaximandrum Lacedæmonis fuisse, ut, urbe, & tectis relictis, agros incoherent, quod terræ motus insisteret: quod ita, ut prædixerat, evenit.

Ventum aëris fluxionem dixit, motis, vel collisquatis in eo partibus diffusissimis, & tenuissimis; reliqua vero Meteora à vento in densa nube comprehensio gigni. Vid. Seneca Nat. Qu. 2. 18. De hominis verò generatione ita sentisse habemus ex Plut. Symp. 1. 8. qu. 8. in piscium scilicet ventribus primum genitos fuisse homines, ibique nutritos, donec vires acquirerent majores, idoneique fierent, qui suis prospicere necessitatibus possent; tum exclusos fuisse, at terra

potitos. Prima denique animalia in humore nata esse, dicebat, corticibus contenta spinosis, adultiora autem facta in siccitatem descivisse, ruptoque cortice non multum temporis supervixisse. Vid. Plut. de Plac. Phil. 3. 19. Suid. in Anaximandro, Stob. alique. Nonagenarius tandem anno 2. Olymp. 38. mortuus est.

ANAXIMENES

Mileus fuit, Eurytati filius, Anaximandri vero sodalis, discipulus, & successor. Floruit, juxta Suidam, Olymp. 55. juxta Eusebium Olymp. 56. Perperam autem Apollodorus natum putavit Olymp. 63. Parmenidis etiam discipulus à nonnullis creditus est; & Ionica, simplicique locutione usus. Duas scripsit Epistolas ad Pythagoræ quæ apud Laërtium.

Universale rerum Principium Aërem statuit; nostramque animam aërem esse, quæ nos temperet; totumque mundum aërem, & Spiritum continere; Spiritus vero, & aër idem sunt ex sui sententia. Aërem Deum esse, eumque gigni, immensum, & infinitum, & semper in motu existere. Hinc de ipso Divus Augustus l. 8. de C. D. c. 2. *Iste omnes rerum causas infinito aëri dedit, nec Deos negavit, aut tacuit; non tamen ab ipso aërem factum, sed ipsos ex aëre ortos credidit.*

Exteriorem Coeli superficiem terrestrem statuit; Solem, Lunam, & Stellas igneæ substantiæ, cui admixta sint terrestria corpora; moveri autem circa terram, & à condensato aëre impelli; Solem vero, & Lunam eclipsin pati, obturato foramine, per quod ignem mittunt.

De Meteoris ita sentire visus est. Nubes ex aëre maxime condensato generantur; pluvia ex iisdem magis compressis; nix fit, quando aqua delabens congelatur; grando vero, si humido vento comprehendatur. Iridem, aut, fieri sole illuminante nubem densam, crassam, & nigram, in qua cogantur solis radii, eum non possint ultra progredi. Terræ concussionis causam dicebat ejusdem siccitatem nimiam ab æstu profectam, vel ejusdem nimiam raritatem à frequentâ pluvia productam, ex utraque enim causa, ut notat Aristot. in Met. terra rumpi solet, & ex concidentibus fragmentis ingentibus concuti. Frigus materiæ condensationem, & contractionem docuit; calorem verò ejusdem laxationem, & raritatem. Atque sic rationem dedit, cur ex hominis ore bálitus labiis compressus, & densatus, frigidus emittebatur, aperto tamen ore calidus. Vid. Plut. Suid. Stob. Laërt. alique. Inter alios ejus discipulos Diogenes fuit Apolloniæ, vir physicus, eloquentia, & sapientia clârus, qui iisdem Præceptoris principiis philosophatus est; &

ANAXAGORAS

Clazomenius, Hegesibuli, seu Eubuli filius, natus est, juxta Apollodorum, anno 1. Olymp. 70. Genere clarus, & opibus, clarior tamen ex earundem generoso contemptu fuit; iis namque relictis, *Divina delectationi*, ut Cic. Tuscul. 5. 39. ait, *totose animo ut dederet*, Platonis irrationem ob patrimonium ita neglectum incurrit. Vigesimo ætatis anno Athenas Philosophiæ studio profectus est, ubi eum 30. annos commoratum tradunt. Vide Laërt. 2. 7.

Ipsè primus duo rerum Principia statuit, Materiam, & Mentem, quorum primum ut Principium Passivum, secundum vero ut Activum agnoscebat. Sic enim in operis sui initio scribit: *Omnia simul erant, deinde accessit Mens, eaque composuit.* Unde & Næ; Mens ab Atheniensibus dictus est, quod primus fuerit,

rit, qui hoc cum Materia principium junxerit; uti est apud Lactantium 2. 6. De quo sic Timon:

*Nunc ubi Anaxagoras, Mens, est fortissimus Heros,
Qui Mentem subito, nam mens non defuit illi,
Composuisse putat, fuerant quæ incondita quondam.*

Hanc autem Mentem infinitam Deum esse, dicebat, quæ Mens per se moveatur, & corpori non inelosa, omnium rerum sit autrix, ex infinita materia cuncta componens. Vid. Lactant. 1. 3. Cic. de N. Deor. 1. 11, & Aug. de C. D. 8. 20. Unde Clem. Alex. in Admon. ad Gentes: *Anaxagoras Clazomenius, & Atheniensis Archelaus: atque hi quidem Mentem præfecerunt infinitati.*

Passivum vero, seu materiale rerum principium dixit unum simul, & multiplex, hoc est *Quoniam*, sive partium similitudinem. Cuncta namque ex partibus sibi ipsis similibus constare, docebat; sic ex. gr. ossa ex partibus ossis, aurum ex auri partibus similibus, constare, asserbat. Homogenea igitur materiarum corpuscula omnium rerum principium sunt. Quam sententiam sic optime Lucret. l. 1. v. 830. & seq. expressit:

*Nunc & Anaxagora scrutemur Homæomertam,
Quam Græci memorant, nec nostra dicere lingua
Concedit nobis parvi sermonis egestas.
Sed tamen ipsam rem facile est exponere verbis,
Principium rerum, quam dicit Homæomertam.
Ossa videlicet è paucillis, atque minutis
Ossibus: sic & de paucillis, atque minutis
Visceribus viscus gigni, sanguineque creati
Sanguinis inter se multis coeuntibus guttis:
Ex aurique putat micis consistere posse
Aurum, &c.*

Idem credidit, superas mundi partes igne plenas esse, & vim, quæ sibi est, æthera vocavit, teste Aristot. Meteor. 1. 3. Ætherem autem circumfusum igneæ esse naturæ, & circumvolutionis vehementia lapides è terra abrupuisse, qui, ignis ejus vehementia candelentes, in stellas conversi fuerint; omnesque ab Orta in Occasum ferri, ex Plut. Plac. Ph. 2. Solem candentem, & penitus ignitam, massam esse, & Peloponneso majorem. Lunam esse corpus opacum, ignicum, à sole illustratum, habitabile, vallibus, montibus, atque aquis distinctum. Viam Lacteam esse terræ umbram in parte cœli, cum sol infra terram delatus totum non illuminat. Vid. Plut. l. c. sive, ut Lact. ait, viam lacteam esse reflexum solaris luminis non intermicantibus astris.

De Meteoris docuit, cometas esse errantium stellarum concursum, flammam ex se emittentium; Stellas cadentes veluti scintillas, ab aëre vibrari, atque propterea statim extingui. Ventos fieri, cum aër à Sole attenuatur. Tonitrua nubium collisionem; Coruscationes, verò earundem confricationem. Iridem visam ex refractione lucis solaris in nube densa, è regione aëstri speculi insitar posita, qua etiam ratione Parhelios explicabat in Ponto conspectos. Terræ motuum causam dixit esse *involucrum*, successionem aëris in terram; sive, ut Aristot. Met. 2. 7. Plut. Plac. Phil. 3. 15. & Senec. Nat. Qu. 6. 9. interpretantur, cum aër, vel æther in terræ cavernis inclusus, & difficilem inde exitum inveniens, terram agitat, & succutit.

Mentem omnis motus causam esse asseruit, ex quo motu factum sit, ut levia corpora in suprema mundi regione sita sint, ut ignis; quæ media mediam, ut aër, & aqua, quæ vero gravia, infimam regionem petiisse, ut terra, dixit; Animalia primum ex humore, calore, & terra mansisse, deinde vero per genera-

nerationem, & mates quidem à dextris, feminas vero à sinistris: omnia animalia habere mentem agentem: sel esse acutorum morborum causam: fieri echo, cum sonus repercutitur, & similia, quæ fusiis apud Laërt. Plutarch. & Aristot. Anaxagoræ Prædictiones lege sis apud Suidam, Laërtium, Plinium H. Nat. atque alios. Lampſacum tandem exilio ab Atheniensibus damnatus venit, ibique mortuus est; cui defuncto Lampſaceni iusta honorifice perſolverunt, addito epitaphio, cujus sensus:

Hic situs ille, cui rerum patuere recessus,

Atque arcana Poli, magnus Anaxagoras.

Ipsi quoque duas aras dicatas memorat Ælian. H. V. 8. 19. alteram Menti, alteram Veritati inscriptam. Ex Æliano etiam habemus, Anaxagoram risisse, vel subrisisse nunquam. Anaxagoras primus de Naturali Philosophia librum à se scriptum edidit, ex Laërtio, & Cl. Alex. cujus verba i. Strom. sunt: *Alii autem Anaxagoram Hegesibuli filium Clazomentum primum librum scriptum edidisse, referunt.* Vitæ finem posuit Contemplationem, & quæ ex ea procedit, Libertatem, ex cit. Alex. Str. 2. Traditur etiam à Plutarcho, eum de Circuli quadratura librum in carcere scripsisse.

Inter discipulos ejus traduntur fuisse Pericles, qui ipsum accusatum defendit, Euripides, qui deinde ad Tragicam Poësim animum appulit, Socrates, & quædam volunt, Democritus, atque

ARCHELAUS.

Atheniensis, sive Mileſius, Anaxagoræ discipulus, & successor fuisse traditur, & Physicus appellatus, quod primus ex Jonia Physicam Philosophiam Athenas tranſtulit. Vossius tamen in Tract. de Sect. Philof. & Musantius in Fac. Chronolog. tab. 1. Anaxagoram primum fuisse ferunt, qui ex Asia Athenas Icholam inexit: quod etiam sentire videtur Clem. Alex. 1. Strom.

Erat autem hæc Archelai sententia de rebus Physicis, ut ex Laërt. Stob. & Plut. duo esse rerum Principia, Corporeum scilicet, infinitum, & dissimulare, Aërem nempe, ejusque raritatem, & condensationem, quarum hæc terram, illa ignem absolvat; & Incorporeum, seu Meptem. Unde Divus August. 8. Civ. 2. *Anaxagora successit auditor ejus Archelaus: etiam ipse de particulis inter se dissimilibus, quibus singula quæque fierent, ita omnia constare putavit, ut inesse etiam Mentem diceret, quæ corpora dissimila, idest, illas particulas conjungendo, & separando, ugeret omnia.*

Universum esse infinitum, dicebat, & infinitos esse mundos: duas esse generationis causas, calidum, & frigidum: homines, & animalia omnia ex limo nata: Ventos terræ cavis inclusos, & ipsam, ut exitum sibi inventient, agitantem, terræ motuum causam assignabat: Stellæ torreas ignitas laminas esse: Solem stellarum maximam: Vocem esse aëris percussionem: justum, & turpe non natura, sed lege fieri. Vixisse traditur nonnullis circa seculum ab O.C. 37. & ab U.C. 44. 338.

SOCRATES

Athenis, & prople in Alopece, quod unum erat ex oppidis per Atticam sparsis, natus est anno 4. Olymp. 77. ex Apollodoro, Suida, & Laërtio; patremque habuit Sophroniscum Atheniensem lapidarium; matrem verò Phæ-naretam obſtetricem, generosam tamen, & imperterritam indolis. Primam ætatem statuariæ, quam pater exercebat, arti ex viâ necessitate impendit.

Deinde

Deinde vero Critonis divitis Philosophi ope, qui ipsi filios instituendos tradidit, Philosophiam didicit, atqueque liberales artes, Eloquentiam præcipue, in qua promptus, & acer adeo erat, ut Idomeneus refert, ut Aristophanes in Comædia, quæ Nebulæ inscribitur, eum agitet, quod deteriore causam oratorie loquendo meliorem efficeret. Sed cum triginta Tyranni, qui Athenis regnabant, eum dicendi artem, ut ait Xenophon, exercere prohibuissent, ipse ad Philosophiæ studia se convertit.

Ejus in Philosophia præceptor primus Anaxagoras dicitur; ubi verò Athenis excessisset Anaxagoras, ad Archelaum se contulit, teste Aristoxeno, cui & in deliciis fuit, & in Schola successit, quicum Samum eurus profectus est. Damonis etiam suavissimi Muficæ præceptoris discipulus fuit: Prodicum Sophistam, patria Chium, se audivisse fatetur idem Socrates, Diotimam, atque Alkiam, singularis eruditionis feminas: Poëfin edoctus est ab Evemo, Æconomiam ab Ichomacho, Geometriam à Theodoro, & tandem Senex à Conno, qui nobilissimus fidicen à Cicerone appellatur, hanc artem didicit.

Socrates mitis temper, & humilis in docendo fuit, ac clara methodo usus; omnes enim physicorum sententias refellebat, suam nunquam pro certa statuens; dicebat enim: *Solum scio, me nihil scire.* Confusus Philosophorum, qui ipsum præcefferunt, ideas certa methodo composuit; unde Cic. l. 2. de Fin. inquit: *Socrates, qui Philosophia parens iure dici potest, &c.* Xenophon vero in Ep. ad Alcibi. negat, Socratem unquam de cælis, causisque naturalibus discessisse, neque de aliis disciplinis, quæ *μυστικαὶ* nomine Græcis veniunt, atque eos, qui de talibus disciplinis eum discessisse affirmant, impudentissime mentiri, Platonem significans, ut observat Gellius, in cuius libris Socrates de rebus naturalibus, musicis, & geometricis disputans repræsentatur. Sed Physicæ scientiæ Laërtius, & Cicero ei tribuunt, quicquid cum Porphyrio ceteri Socratis detractores affirmant.

Animadvertens tamen, Naturalis Philosophiæ contemplationem nihil ad vitam recte instituendam conferre, Ethicam Philosophiam inexit, de qua & in officinis, & in publico semper philosophans, ea potius inquirenda hortabatur, quæ mores instruerent, & quorum usus domi esset necessarius. A Physica ad Ethicam transiens dicere solebat: *Quæ supra nos, nihil ad nos.* Hinc Cic. Acad. Qu. 1. 5. ait: *Primumque à rebus occultis, & ab ipsa natura involutis, in quibus omnes ante eum Philosophi occupati fuerunt, avocavit Philosophiam, & ad vitam communem adduxit: ut de virtutibus, & vitiis, omninoque de bonis, & malis rebus quæreretur.* Et 3. Tull. A Socrate omnis, quæ est de vita, & moribus, Philosophia manavit.

Omnis igitur Socratis Philosophia vel ad Deum, Animæque contemplationem, vel ad hominis cum hominibus conversationem, præcepta tradebat. Ipsam vero Philosophiam veram ad felicitatem viam esse dicebat. Triâ rerum omnium principia statuit, *Deum, Materiam, Ideas*. Deus est intellectus universalis, Mens mundi, τὸ δυνάμει, αὐτὸ τοῦ καλῶς; αὐτὸ τοῦ γούσι αἰσθάνεσθαι, in se ipso perfectus, omnibus creaturis & ut sint, & ut bene sit, largitus, docebat Deum, non Causam mundi autorem esse, ejusque Providentiâ cuncta gubernari; actalem postremo Deum esse, ut unico actu omnia videat, omnia audiat, omnia gubernet, ubique existat. Materiam dixit esse id, quod generationes subit, & corruptiones; Ideam vero substantiam esse corporis expertem, in mente, & conceptu Dei. Animam dixit divinam esse, & immortalem, quæ a corpore dissoluta in cælum, unde venerat, redibit, vel ad fruendum beatitudine cum Deo in loco jucundissimo, vel ad pœnas luendas. Hanc autem Animam ante corpus existere, æternarum idearum cognitionem imbutam; quam cognitionem dum-

corpori jungitur, amittit, quasi stupefacta, donec ex stupore suo excitetur per ratiocinationem, à rebus sensibilibus initium ducentem. Hinc educit, quicquid Anima inde discit, esse potius reminiscendam, atque amissæ scientiæ recuperationem. Vid. Plat. in Phædon. atque alibi passim, Xenoph. Cic. Læl. c. 4. atque alios. Et de Socratis Metaphysicis satis.

Ad Ethicam vero quod spectat, quæ omnem fere Socraticam Philosophiam absolvere videtur; in hac ipse de Virtute, & Vitio, de Amore, Invidia, & Tristitia, de Fortitudine, & Imbecillitate, de Temperantia, Continentia, & Animo sua sortè contento, de Liberalitate, Prodigalitate, & Avaritia, de Magnanimitate, & Superbia, de Patientia, Veracitate, & Aduatione, de Urbanitate, & Comitatu, de Justitia, & Amicitia, aliisque virtutibus tractat; verùm de his particulatim agere, tum quia Synopsis limites hæc Historia transgrediret; tum potissimum quia hæc fusiùs à Xenophonte in Mem. Socr. Plutarcho, Platone, Stobæo, Clemente Alex. Laërtio, aliisque, & ex his omnium novissime à doctissimo Stanlejo memorantur, consulto prætermitto, pauca tantum adnotasse contentus, ex quibus quæ, & qualia sint ejus de Ethica Philosophia vere aurea dicta, & præcepta, cognosci possint.

Docebat igitur, eundem esse virum justum, & beatum, & non esse utile, nisi quod justum est, veramque felicitatem non in bonis, fortunæ obnoxiiis, sed in virtutis possessione sitam esse. Hortabatur juvenes, ut jugiter se in speculo intuerentur, ut si formosi essent, digri ea specie herent, sin deformes; eruditione deformitatem tegerent; virtus namque animæ pulcritudo est. Ut ignis vestimento, sic sedum facinus tempore occultari non potest. Illi beate, & tranquille vivant, qui nullius sibi conscii criminis sunt. Nobilitas non est aliud, nisi animi; & corporis bona temperies.

Malo consilio spem superstruere est infirmæ anchoræ navim committere. Invidia ulcus est animæ. Eorum querenda familiaritas, quorum candor sit conspicuus. Unicum bonum scientia, malum unicum inscitia est. Quid Prudentia? Animi concinnitas. Qui Prudentes? qui non facile oberant. In bello quidem ferrum auro præstat ad sese defendendum, in vita vero Sapientia divitiis. Maximum est vitium, ingratum se præbere beneficiis. Id solum nos precari oportet, ut Dii bona largiantur; quæ autem bona nobis sint, optime nosse ipsos Deos, Religiosius, & rectius Deos colere non possumus, quam faciendo, quæ jubent. Patri aspero, sicut legi-duriori parendum; patris autem increpatio suave remedium est, plus enim utilitatis, quam mordacitatis habet. Vir fortis est, cui, quod necessitas imponit, non invito, sed lubenti accidere videtur. Corinthiorum portas valide clausas videns, cum dixit; mulieres hic habitant? Præstat honeste mori, quam turpiter vivere.

Cum nimium formosis conversari est incontinentiæ occasionem querere. Corporis sanitas diligenter tuenda, ex ea enim animæ quoque salus pendet (unde etiam vulgatum illud: *Animi mores corporis temperiem sequuntur.*) Bene convivari, si neque animum lædunt, neque corpus, neque inventu difficilia sint, quæ comeduntur. Ditissimus, qui in minimis contentus, nam contentum esse, naturæ continet divitias. Homines, dicebat, vivere, ut ederent, se verò edere, ut viveret. Mulier rimenda magis quam te amat, quam eam conviciatur. Qui diviti largitur, aquam in mare profundit. Viam ad gloriam meliorem nullam esse, quam ut quis bonus sit, videri nolit. Fideles sunt mortui, qui dicta, & facta tua laudant omnia, sed qui peccata reprehendunt. Bonos viros tibi oportet moribus esse, ut major sit tuis, quam juramento, fides. Ignem quidem vento, amorem vero conversatione accendi. Qui, fratribus præteritis,

tis, alios sibi amicos acquirunt, his esse similes, qui, suo agro relicto, colunt alienum: Medicos ægrotis; amicos infortunatis consulere oportere.

Æconomica Socratis Philosophiæ pars, ab Ischomacho accepta, optime narratur à Xenophonte in speciali de hac re tractatu. Addat tantum, quod interrogatus utrum melius esset, uxorem ducere, an non, respondit: *Utrumque egeris, penitentia duceris*. Viros, dicebat, oportere civitatis legibus obedire, uxores vero maritorum ingeniis.

Politicam Socratis, quæ eadem cum Platonis, vide apud Hesychium. Illustrum. Addam ex Xenophonte, quod, Reges, & Principes non eos esse, diceret, qui scepra tenent, sed qui imperare sciunt: Reges item esse, qui volentibus imperet; Tyrannum vero, qui invitis non ex lege, sed ex arbitrio præsit. Boni civis officium esse, opulentiorum reddere Rempi tempore pacis, victicem tempore belli, hostes et conciliare in legationibus, in seditionibus plebem concionibus cœcere. Interrogatus, quæ munitissima esset civitas? respondit, quæ viros bonos habet: quæ rectissima constituta? In qua, magistratus conjuncti sint animis: quæ optima? In qua plurima virtuti proposita præmia sint: in qua optimum sit habitare? ubi secundum leges vivatur, & iniusti puniantur. Vid. Stob. Serm. 41. p. 24.

Maximam semper animi æqualitatem in omni vita servavit tum in prosperis, tum in adversis rebus. Hinc Plin. l. 7. *Periit, Socratem clarum sapientia eodem semper visum vultu, nec aut hilari magis, aut turbato*. Duas habuit eodem tempore uxores, Xanthippem, & Myrtonem, quæ cum sæpe de ipso inter se altercarentur, ipse deridebat, quod propter se fœdissimum hominem, simis naribus, recalva fronte, pilosis humeris, repandis cruribus disceptarent; sed tandem impotens in ipsum vertentes & male mulctarunt, & in fugam versum diu persecutæ sunt. Socratem aliquando cum amicis domo exeuntem Xanthippe, ut sæpissime solebat, irata, post aspera verbera in eum affatim congesta, ex conclavi superiore aquis sordidis perfudit: quo facto, ipse ad amicos conversus ait: *Nonne dicebam, Xanthippem tonantem mox pluituram?* Interrogatus ab Alcibiade, cur mulierem tam acerbam domo non exigeret? respondit: *Quantum dum talem domi perceptor, exerceor, quod foris petulantius injuriam facilius feram*. Dicenti iterum Alcibiadi, intolerabilem esse Xanthippes maledicentiam, respondet: *Tu nonne toleras anseres clamore obstreperantes?* ipsi vero respondent: *Non mirum, nam mibi ova, & pullos pariunt*; subdit: *Et mihi Xanthippe filios gignit*. Socratis erga Alcibiadem amorem, Alcibiadis vitam, & facta, vide apud Platonem in Alcibiade primo, & Plutarchum in vita Alcibiadis.

Ne dum ipse Socrates Genium, sive Dæmonem se habere dicebat, qui sibi de ipso, & amicis futura prædiceret; sed plane hoc ipsum ore fateatur Platonem, Xenophontem, & Antisthenes, Socrati cœvi, quorum testimonia firmant. Laërtius, Plutarchus, Maximus Tyrus, Dio Chrysostomus, Cicero, Apulejus; & ex Patribus Tertullianus, Clemens Alexandrinus, Origenes, & alii. Hujus vero rei argumenta, Cicerone de Divin. r. 34. referente, ab Antipatro collecta siue. De qua re passim etiam alii; novissime verò in Academia Lipsiensis Gottfr. Olearius anno 1702: nobilem de Genio Socratis Dissertationem habuit, quam eruditissimus Joh. Cler. Stanlei operibus inseruit.

Temperantiam, Prudentiam, Frugalitatem, Patientiam, Justitiam, reliquasque animi virtutes, quas ipse unice amandas, & sectandas docebat, tales in eo, ex communi scriptorum consensu, fuisse constare, ut impij quidquam, ac nefandi nec patrantem ipsum viderit quisquam, nec dicentem audierit. Munera, & honores æque ac injurias, & verbera contemnebat; Munera enim, magna

gna præcipue, non accipiebat, & illatas sibi sive verbis, sive manibus injurias hilariter vultu tolerabat: Cuidam enim sibi dicenti, quod alter male de ipso absente loqueretur, respondit: *Absentem vel verberet.* Et alteri nuncianti, quemdam eum maledictis incensere, respondit: *Bene loqui non didicisti.* Colapho percussus hoc tantum dixit: *Quàm permolestum est, nos homines ignorare, ubi galentis in publicum sit prodeundum.* Summa tandem Socratis sapientiæ, & virtutis laus est, quam ipsi Apollo Delphicus dedit, dum à Chærephonte Socratis sodale interrogatus, quis hominum esset Sapientissimus? respondit Oraculum: *Adipso dicitur Eurgetus cognoscitur, Omnium hominum Socrates sapientissimus.*

Tandem ex invidia apud Senatum ab inimicis accusatus est, quod Athenarum Deos contemneret, novosque Deos introduceret. Cujus accusationis libellus talis à Lærtio 2. 40. traditur: *Melitus, Meliti filius, Pittbenis Socratem, Sophronisci filium, Alopeccensem defecit. Socrates, præter jus, & æquum, Deos, quos Civitas esse censet, ipse non censet, novaque Deorum numina introducit; præter jus, & æquum item juventutem corrumpit: pœna illi, mors.* Cum autem Hermogenes, Lyfias, aliique Oratores difertissimi, omnesque sodales, qui ditissimi erant, verbis, & opibus defendere, & liberare eum vellent, nullo modo hoc fieri voluit, dicens: *His defensionem ad iudices meditari volenti numen adversatum est mihi.* Plato etiam, aliique discipuli, & Amici pecuniam Socrati jam damnato obtulerunt, qua vitam redimeret; ipse verò hoc facere, nec voluit. Unde Cicutam ex iudicum decreto hilariter vultu, fortique animo bibens, & philosophica cum amicis disputans mortuus est anno 2. Olymp. 93. ætatis vero suæ 70.

Cicero, Plutarchus, Dio Chrysostomus, Aristides, Origenes, & alii Socratem nihil scriptum mandasse testantur. Sed ipsos de Philosophicis scriptis intellexisse, certum est: ignorare enim non poterant, Socratem præter Epistolas, à Leone Allatio editas, & ab Arriano, & Athenæo memoratas, Æsopi Fabulas eleganter in metrum redegisse, quarum Plato, Plutarchus, & Lærtius meminere; ut supra quoque in vita Æsopi dictum, Hymnum in Apolligis, & Dianæ honorem scripsisse; & Dialogos composuisse, quos Æschini dedit jam nimis pauperi, ut ex ipsis quantum faceret. Socratis autem dicta, facta, & doctrinam ejus discipuli Xenophon, Plato, aliique scriptis tradidere. De scriptis Socratis vide Dissertationem Gottfridi Olearii contra Leonem Allatium, ab eruditissimo Joh. Clerico Stanleji Historiæ additam.

SOCRATIS DISCIPULI.

Quamvis omnes, qui à Socratis Schola prodire, Socratici dici vellent, & ambirent; non omnes tamen ejusdem conditionis exitire. Cum enim, ut Cic. Orat. 3. 16. ait, ex illius varis, diversis, & in omnem partem diffusis disputationibus alium aliud apprehenderet, profeminatæ sunt quasi familiæ dissidentes inter se, & multum disjunctæ, ac dispares; de quibus infra. Alii contra vel nullius, vel parum memorabilis Socratis auctores extiterunt, sed ejus doctrinam vel integram, vel parum immutatam secuti sunt; de quibus in præfenti capite. Nullius Socratis auctores

XENOPHON.

A Theientis, Grylli filius natus, ut ex Luciano de Longæv. a. 1. Olymp. 32. mortuus vero nopagenarius Corinthi a. 1. Olymp. 105. Hac autem

occasione cum Socraticis adnumeratum fuisse, narrat Laërt. 2. 48. Cum Xenophon in angiporstu quodam Socratem obvium habuisset, potrecto baculo transire prohibuit, eumque interrogavit, *Ubi venirent, quæ humanis usus sunt necessaria?* Cui Socrates serium dedit responsum, ac vicissim interrogavit; *Ubinam boni, & probi homines fierent?* Quo audito cum hæreret Xenophon, dixit Socrates: *sequere ergo, & discere.* Atque ex eo tempore Socratis discipulus factus est.

Xenophontis corporis, & animi descriptionem ex Laërt. Athen. & aliis, hanc habemus: Verecundus erat, corna promissa, & ut Laërtius ait, ultra quam dici possit formosus. Præstans in omnibus, præcipue tamen equorum, venationis, & exercitus instruendi peritus. Religiosus, & sacrificiis intentus, quorum interpretes erat egregius. Socratis imitator, sive contemplationem, spectes, & sapientiæ studia, sive quæ ad rem gerendam, consummata virtutis. Solus enim, ut Euanapius in Procemio ait, in Philosophis fuit, qui actionibus non minus, quam verbis Philosophiam illustraret. Neque Alexander Magnus celebraretur, nisi Xenophon dixisset: *Tralatitias quoque fortium virorum actiones memorie mandandas esse.* Ipse primus Socratis magistri sui scripta, notis excepta, in publicum edidit, nullis adfatis de suo laciniis. Ne Plato fecit, ab eo propterea, Gellio 14. 3. observante, reprehensus. Platoni inimicus semper extitit, ut ex Laërt. Athen. Gell. & Voss. habemus, quem criminis hujus damnat, quod Socratis doctrina non contentus, Pythagoreis, & Aegyptiis Sacerdotibus se adjunxerit. Aristippo quoque contrarius fuit, ut ex ejus scriptis. Laërtii duo in ipsum Epigrammata sunt:

Non tantum ad Persas Cyrus Xenophonta vocavit,

Sed virtus etiam limina ad alta Jovis.

Dumque ejus virtute stetit res Hellados, ipse,

Quam sapient clare Socrates, ecce docet.

Quod Epigramma ejus cum Cyro expeditionem in Asiam spectat. Alterum vero, quod spectat exilium, sic habet:

Sis quamquam ingratis Xenophon ejectus Athenis,

Ob gratiam gratus Cyri minus tuis.

Te tamen excepit fugitivum grata Corinthus,

In qua bespes urbe nosti latus vivere.

Plura scripsit, in quibus verbis, & sententiis Herodorum imitatus est, ut notat Dionys. Halicarnass. de Vot. script. cens. p. 125. & Epist. ad Pomp. p. 210. Oratione usus est ieniore, & melle dulcore, & à forensi strepitu remotissima, ut observat Cic. Orat. 19. Unde Attica Musa, & Apis Attica dictus est, ejusque voce Musæ quasi locutæ. De ejus dictione, & eloquentia videatur Aristides Adrianensis in peculiar. Tractatu, qui Hermogeni adscribitur: Xenophontis libri 40. à Laërtio recensentur, quos omnes Cic. ad Quintum studiosè legendos suadet, & Scipio Africanus assidue in manibus habuisse dicitur. Sunt autem: *Kύρη ναύτις*, *Cyropædia*, in qua Cyri vitam, & disciplinam non ad historię fidem, sed ad effugiem justı imperii, ut Cic. ait, libris 8. scripsit. *Kύρη ἀνδραγύγης*, *Cyri adfensus*, scilicet in Asiam, lib. 7. *Εὐνοιά*, *Historia Græca*, lib. 7. descripta, & ubi Thucydides texere desierat, prosecuta, & annorum 48. res gestas proponens. *Αγεσίλας*, in quo Regis hujus laudes prosequitur. *De Rep. Lacedæmoniorum*, & *Atheniensium*. Socratis *Apologia*, & *memorabilia ejus*, quæ forte est Philosophorum Historia à Suida commendata. *Oeconomicus*, qui ultimum Socratis memorabilem librum absolvit; quem librum Cic. latine vertit, & in deliciis habuit. *Symposium*. *Hiero*, sive liber de Regno: *De Administratione Domestica*: *De Equis*: *De Re Equestri*. *De Venatione*: *Epistole* denique 10. quas vide apud Allat. alioque.

L

ÆSCHIL.

Charini, lucanicarum factoris, sive, secundum alios, Lysaniæ Atheniensis filius, à pueris *quidam*, laborum patiens fuit. Hic Socratem sequi constituens, ut notat Senec. de Benef. 1. 2. dixit: *Pauper sum, neque munus, quod tibi offeram, habeo, meipsum tamen trado totum*. Cui Socrates: *Nonne verò animadvertis quantum tibi munus obtuleris?* A Socratis latere nunquam discessit; unde Socrates dixit: *Solus nos novit honorare & vi diuorruu, factoris lucanicarum filius*. Pauperimus cum esset, Socrates ei Dialogorum suorum, quosdam dedit, ut ex ipsis lucrum faceret. Pauperie item adactus in Siciliam ad Dionysium tyrannum concessit tempore, quo Plato, & Aristippus ibi degabant; à quorum ultimo commendatus Dionysio fuit, ut ex Laërtio, & Epi. stolis Socraticorum habemus, cum quo Dialogos quosdam ipse communicavit, quos liberaliter ille remuneratus est; vixitque cum eo, donec illi, tyrannide pulso, Dion successit. Quo facto Athenas reversus, cum Philosophiam publice docere non auderet, quod maxima ibi Platonis, & Aristippi fama esset, privatim mercede accepta docebat. Deinde causis in foro dicendis se addixit, in quo munere obeundo, ut Timon testatur, summa ipsi facultas fuit ita, ut Lysias ex invidia Oratiopem adversus eum contumellis plenam scripserit, cui titulus *Itel. Euriparvus, de Sycophantia*, sive de calumniatoria accusatione.

Scripti Dialogos 7. ex Laërtio, in quibus Socraticum expræsit ingenium, & quibus magnam temperantiæ, humanitatis, & integritatis laudem consecutus est; Orationes, summa dicendi facultate insignes, in quibus Leontinum, Gorgiam imitatus est; Et Epistolas, quarum unam ad Dionysium tyrannum Laërtius memorat; altera in Epist. Socraticorum habetur.

C R I T O

Atheniensis Præceptorem suum Socratem adeo dilexit, ut ipsum necessariis egere nunquam passus sit. Is quoddam pacato esset ingenio, animique quietem diligeret, consilium à Socrate quæsit, quomodo contentiosos homines, qui litibus ipsum continuo affligebant, eludere posset: cui Socrates, *scilicet, similitis cum adversariis ingenti hominem tibi adjuveris, quos adversariorum injurias depellat*. Hinc ipse Archidamum juris peritissimum, sed pauperem elegit, qui donis ejus, & liberalitate devinctus, acerrime omnes insectabatur.

Scripti Dialogos 17. quos sic Laërtius recenset: *Non ex disciplinis constare probitatem. Quid sit abundare. Quid idoneum, seu Civilis. De Honesto. De Maleficio. De Felicitate. De Lege. De Divino. De Artibus. De re Venerea. De Sapientia. Protagoras, seu Civilis. De Literis, De Poëtica. De Bono. De Disciplina. De Scientia, seu quid sit scire*. Est præterea Apologia pro Socrate. Quatuor ejus filii Critobulus, Hermogenes, Epigenes, & Cællippus, Socratis discipuli fuere.

S I M O N

Atheniensis, coriarius, Socratem ad suam officinam ventitantem attente audiens, & quæ differeret, adnotans, ejus discipulus factus est; unde & ejus Dialogi, quos Laërtius ad 33. editos refert, *Exornat*, Coriacei dicti sunt. Fertur primus discipulorum Socratis Sermones recitasse. Pericli ipsum ad se invitanti, & victum omnem promittenti, respondit, *Se libertatem in dicendo vendere nolle*. Est inter Socraticorum Epist. ejus una, qua Aristippo respondet.

GLAU-

GLAUCO Atheniensis, qui 9. Dialogos scripsit; SIMMIAS Thebanus, qui 13. & CEBES etiam Thebanus, qui Dialogos tres, Historiam Inferorum, atque alia scripsit, omnes veri Socratis discipuli fuere, qui Scholam in Sectas non distraxerunt. Sequuntur nunc Socratici, qui Sectarum autores fuere; sed quibus brevissimi temporis ætas concessa fuit, siue quod ratione solida nulla niterentur, reliquorum vi, & disputationibus fracta, & extincta, ut Cic. de Or. 3. 17. ait; siue quod non in totius Græciæ florentissima Athenarum urbe, sed in obscurioribus orbis partibus sedem habuerint. Et primo

ARISTIPPUS CYRENAICÆ SECTÆ AUTOR

Socratis quidem discipulus, sed non imitator, Cyrene, quæ Africæ est, natus, inde Athenas ad Socratem, cujus fama invitabatur, perrexit. Hic, quem illæ magis voluptariæ Socratis disputationes delectabant, ut Cic. de Orat. 3. 17. ait, Voluptatem ultimum esse hominis finem, quo omnis contineatur felicitas, docuit. Et sane huic doctrinæ vita, & mores ejus respondebant; & quidem luxui, utque, vestibus pretiosis, vino, & mulierculis indulgebat, ut notat præ cæteris Athen. Dign. 12. Quamvis opibus afflueret, & tria prædia possideret, primus tamen Socraticorum mercedem docendo exegit, & questu philosophatus est. Hinc Socrates ipsi ait: Quid est, quod tam magna possideas? Cui Aristippus: Quid est, quod tam exigua tibi suppetant? Cum 20. minas ipse ad Socratem misisset, hic statim remisit, inquit, Dæmonem prohibere; quominus recipiat. Ut autem continuas Socratis reprehensiones vitaret, & genio in venerem indulgeret magis, Socrati valedicens Æginam profectus est, ubi usque ad Socratis obitum vitam luxu disfluente duxit, Laidis, famosissimi Corinthiorum scorti familiaritate fruens, quæ Æginam quotannis, Neptuni festo, ventitabat; in ejus etiam gratiam Corinthum Aristippus ire non dubitavit.

Tandem Cyrenem in patriam reversus, Philosophiam docuit, quæ à loco Cyrenaica, & à fine, quem sibi proponebat, *ἡδονα*, Hedonica, siue Voluptaria dicta est. Cyrenaici Physicam respuebant, quod nulla ad ejus cognitionem via pateret; Logicam tantum excolentes: quamvis Meleager, & Ciltomachus, ipsam pariter neglexisse, affirmant, quod nullus esset usus.

Veritatis Criterium penes Sensum Interiorem ponebant, per quem animi quidem *πάθος*, Affectiones percipi possint, non autem ea, à quibus procedunt. Sic me dolorem, voluptatem &c. sentire verum est; sed an existant, vel talia sint objecta, à quibus hæ affectiones producuntur, affirmari non posse, dicebant. Nam fieri potest, ut alibi non alio, dulces à non dulci &c. efficiamur; sicut qui oculum compresserit, gemina videt objecta; qui regio morbo laborat, flava; cibus uni dulcis, alteri amarus dicitur, & his similia; ex quibus educabant, Sensum Interiorem recte de Passionibus illis; prout percipiuntur, judicare; non tamen veritatem ullam de externis rebus affirmare, vel saltem cognoscere posse.

Finem, seu Summum Bonum, ut diximus, Voluptatem statuebat, hoc ductus argumento, quod à pueris hanc appetere, natura docuit: Dolorem contrā Summum malum esse, quod omnes ipsum ab ortu timeamus. Hinc duas tantum passionem esse dicebat, Voluptatem, & Dolorem; & Voluptatem quidem definiebat, esse motum lenem, Dolorem verò motum asperum; & illam animantia cuncta expetere, hunc formidare, dicebat; nec Voluptatem voluptate majorem; nec aliud alio volupe magis esse. Per Voluptatem autem non eandem cum Epicuro sentiebat, quæ in corporis indolentia, & animi tranquillitate consistit, & quam ipse *ῥαυτην* appellabat, sed corporis Voluptatem, eamque

que præsentem; cum omnis Voluptas *μωδὸς* sit; præterita enim Voluptas jam modo non est, & futura an advenerit, incertum est. Voluptatem insuper bonam esse, etiam si turpissimis rebus proveniat, quod Voluptas in se spectata semper bona sit, ut notat Hippobolus in libro de Sectis: Præstantiores esse corporis, quàm animi Voluptates, deteriores vero dolores corporis, quàm animi. Finem denique Vitæ à Beata Vita differre, quod Vitæ Finis sit Voluptas particularis, Vita vero Beata particularium Voluptatum collectio sit; & particularem quidem Voluptatem per se expetendam, Beatam vero Vitam non nisi propter particulares voluptates.

Virtus laudanda, si voluptatem efficiat. Natura nihil honestum, aut turpe, nihil justum, vel injustum, sed lege, & consuetudine. Amicum necessitatis causa amplectendum; nam corporis partes, quandiu adsunt, amantur. Vide. Laërt. Athen. 12. Cic. Acad. qu. 4. 7. & de Off. 3. 33. Sext. Emp. adu. Matham. p. 173. & seq. Alian. Var. Histor. 19. 20. atque alios.

A Dionysii Siciliæ tyranni profusa liberalitate invitatus, ipsum adivit; à quo interrogatus, *Cujus rei gratia venisset?* respondit: *Us que habeo impetrari, Et qua non habeo, accipiam.* Vel, ut ex aliis: *Quando Sapientia egebam, Socratem adivi, nunc pecunia opus habens, ad te venit.* Aristippus, cui Ingenium facile, ut se loco, tempori, & hominibus aptare nosset, Dionysii animum capta vit, nam

Omnia Aristippum decuit color, Et Status, Et res. Hor. 1. Ep. 17. Cum à Dionysio, quod pro amicis suis petebat, impetrare non posset, id tandem ad pedes provolutus impetravit: quod cum ei exprobraretur, respondit: *Non ego cupendus ergo, sed Dionysius, qui aures in pedibus habebat.* Dionysio ipsum percontanti, *cur divitum limina Philosophi frequentarent, non vero contrà divites limina Philosophorum?* respondit: *Quia norunt illi, quibus opus habeant, at isti ignorant.* Vide Laërt. 1. 2.

Ejus Apophthegmatum, quæ plura à Laërtio, Plutarcho, Stobæo, aliisque recensentur, pauca hic adnotabo. Interrogatus, quid à Philosophia homines consequantur? respondit: *Quod si omnes leges intersant, æqualiter tamen sint vitæuri.* Querenti, quid docti ab indoctis differant? ait: *Quod equi domiti ab indomitis.* Conviciis laecessus subito abiit; convicianti autem, carabiret? dicenti, ait: *Quia tu maledicendi, ego non audiendi potestatem habemus.* Rogatus, quid emolumenti ab eruditione filius suus expectaret? dixit: *Si non aliud, hoc saltem, ne in theatro lapis lapidi insideat.* Simus, Dionysii Quæstor, genere Phryx, homo pessimus, eum in domum suam, ex marmore magnifice ornatam duxit, in cujus faciem Aristippus conspuens ait: *Locum magis appetitum video nullum.* Meretrici dicent, uterum ex eo gestare, ait: *Non hoc magis nobis, quam per spinas densissimas quis ambulans dicere potest, ista me sauciavit.* Cum prædium amisisset egregium, condolenti ob jacturam dixit: *Unicum habes agellum, mihi tres adhuc relinquuntur.* Annon igitur tibi potius condendum? Mulierem statura parva, sed forma emendatissima videns, ait: *Parvum malum, sed magnum bonum; pulcritudinem intelligens.*

Socrates, atque alii affirmant, eum nihil scriptum reliquisse. Alii contra ajunt, scripsisse Historiam Lybicam, tribus libris contentam, & Dionysio inscriptam. Dialogos 27. partim Atticæ, partim Doricæ Dialecto; quorum titulos habet Laërt. 1. 2. Præterea Exercitationum libros tres; de Voluptate librum unum, à Laërtio in Vita Epic. memoratum. De Physiologia. De Veterum Luxu lib. 4. Et Epistolas 4. quas in Collectione Epist. Socraticorum, ab Allatio publici juris facta, legere est.

Postremo cum in patriam ad Aretem filiam redeundi potestatem à Dionysio

ſo accepiffet, in itinere morbo correptus Lyparæ ſtetit, ubi & diem obiit. Adhuc tamen infirmus inde epistolam ad Aretem ſcripfit, quæ extat in cit. Epist. Socr. Collect. Præter hanc filiam, quam magna cura in Philoſophicis inſtituit, filium habuit, quem ob ingenii ſuporem exheredavit, & familia expulſit. Uxor autem arguenti, quod hic filius ab ipſo eſſet, reſpondit: *Pituita quoque, & pediculi à nobis ſunt, quæ tamen velut inutilia à nobis longiſſime proſicimus.*

Discipulos præter dictam filiam Aretem, quæ ei in Schola ſucceſſit, plures habuit, inter quos præcipui fuerunt Ptolemæus Æthiops, Ptolemaide ortus, & Antipater Cyrenenſis. Arete Philoſophiam à parente acceptam filio ſuo, ex avi nomine, Ariſtippo communicavit, qui ideo *Marepitiſtauræ* dictus, quod à matre inſtitutus eſſet. Hic Theodori Athei magiſter extitit. Antipater Epitimidem docuit; hic Paræbatam; hic Hegesiam, & Anniceridem. De quibus ſingillatim.

H E G E S I A S

Paræbatæ diſcipulus, *Παράβατος* dictus, quod *mortem ſuaderet*, non ſolum non timendam, ſed optandam, quod nos multis malis ſubducatur, quod Cic. Tusc. l. 34. & Val. Max. 8. 9. affirmant, eum per enumerata humanæ vitæ incommoda ſeliciter probaſſe; atque eo eloquentiæ apparatu fuiſſe vitæ miſerias inſecutum, ut earum miſeranda imagine audientium peſtoribus inſerta, multi voluntariæ mortis amatores facti ſint: unde à Rege Ptolemæo ulterius hac de re diſſerendi facultas non permiſſa ei fuit.

Ejus diſcipuli à Præceptoris nomine Hegesiæci dicti ſunt; qui idem cum Cyrenaicis de Summo Bono, ac reliquis ſentiebant; ſtatuentes inſuper, neminem beatam vitam perfectè conſequi poſſe propter corporis, animique aſſiſtentiones, quibus quiſque tenetur; natum jucundum, & injucundum nihil: divitias, & paupertatem, ſervitutem, & libertatem, & reliqua cuncta nihil inter ſe diſſerre; atque alia hiſ ſimilia riſu digna, quæ ſunt apud Lærtium.

A N N I C E R I S

Cyrenæus, Paræbatæ & ipſe diſcipulus, quem Suidas Epicureum fuiſſe, & Alexandri ætate vixiſſe affirmat, æquis, curribuſque regendis maxime excelluit. Hic Platonem, Æginæ inter mancipia Dionyſii juſſu venditum, 20. vel ut alii ſcribunt, 30. minis redemit, & Athenis amicis ſuis reddidit, à quibus pecuniam reddere volentibus accipere noluit, dicens: *Non ſolor ipſos eſſe, qui Platonis curiam ſuſceperunt.*

Ejus diſcipuli, Annicerii ab autore dicti, cum Hegesiæcis ſentiebant, omne bonum in Voluptate ponentes; amicitiam tamen colendam, & pro amicis, patria, & parentibus labores omnes etiam ſuſcipiendos, dicebant: & quamvis ultimus finis in voluptate conſiſtat, hac tamen pro amicis privari, bonum eſſe. Sapiens enim omni voluptate privatus, & in laboribus conſtitutus, beatus etiam eſſe poterit.

T H E O D O R U S

Anniceridis, Dionyſii Diaſectici, Zenonis Clitici, & Pyrrhonis Epheſici diſcipulus, Atheus dictus, quod Deos negaret, rationeſque, quibus alii Deorum exiſtentiam probant, in ſcriptis ſuis reſutaret, ut reſert Suidas; ex quibus plura ab Epicuro deſumpta ſunt; inde vero per abuſum *Θεός*, Deus dictus eſt; cujus nominis occaſionem lege apud Lært.

Cy-

Cyrenæis ipsum relegantibus iudens dicebat : *Male facitis Cyrenæi ex Lybia in Græciam me expellentes*. Inde Athenas delatus, Areopagi iudicio obnoxius, ad mortem damnatus esset, nisi Demetrii Phaleræi auxilio evasisset. Athenis ejectus ad Ptolemæum se contulit, à quo ad Lysimachum legati munere missus est; Lysimacho autem ob impia quædam prolata ipsi crucis mortem sæpe minante, postremo Cyrenem rediit, ibique magna cum Mario auctoritate vixit. Amphicrates tamen ait, ipsum lege damnatum ob Atheismum, hausto veneno, periisse. Multa ad suam Philosophiam pertinentia, & alia non pauca scripsit.

Sectæ autor fuit, quæ ab ipso Autoris nomine Theodoria dicta est: omnis tamen eruditionis generis, ut Suidas *Tempor.* ait, suos instituit, docens *Indifferentiam*; hoc est, omnes res nihil invicem differre, ac turpe naturam nihil ita tulisse, modo vulgaris de his opinio tollatur, stultorum continendorum gratia concinnata. Hinc sapiens, si res postulat, publice operam Veneri dare sine pudore, furto, sacrilegio, adulterio uti, & quæ vellet, patrare poterit, omnia cum sint indifferentia: Finem statuit Gaudium, & Mœrorem. Bona esse Prudentiam, & Iustitiam: mala vero contrarios habitus: media Voluptatem, & Dolorem. Amicitiam neque in Sapientes, neque in insipientes cadere posse, dicebat; hi enim amicitia uti nesciunt, illi non indigent, cum sibi ipsis sufficiant: sapientem etiam nec pro patria mortem subire debere, cum fas non sit, sapientiam perire, ut stultis bene sit: Commune patriam mundum esse. In quibus omnibus probandis, non rationibus, sed argutiis utebatur.

B I O N

B Orysthenita, Cratetis Academici primum auditor, deinde Cynismo additus, ex quo constantiam omnis perturbationis expertem hausit; postea Theodori Athei, ex quo Theodorus dictus est, & Theophrasti Peripatetici discipulus fuit. Antigono petenti ab ipso:

Ede tuum nomen, patriam, genus, atque parentes.

respondit, patrem suum fuisse libertum, cubito se reagentem (hoc est Salsamentarium) matrem, Olympiam dictam, meretricem Lacedæmonem. Fuit pater meus ob crimen in Remp. commissum cum universa familia venundatus. Ego ab oratore emtus, ejusque post fata hæres factus, ejus libris crematis, & dispersis, Athenas concessi, ibique Philosophiæ studiis dedi operam.

Hujus me esse patris, generis me glorior hujus.

Tu vero nescium lutuere; nam cum tibi, ô Rex, sagittarios comparas, non de eorum genere quæris, sed proposito scopo ipsos experiris; sic de amicis non unde, sed quales sint, videndum erat. Fuit igitur Sophista callidus.

Mortuus est Chalcide, omnibus ægroto necessarius destitutus, donec ab Antigono cum servis ad ipsum veniente adjutus est. Antequam diem obiret, superstitiosas ligaturas sibi applicari passus est, siquæ impietatis in Deos poenitentiam egit.

Inter ejus Apophthegmata hæc præcipua: *Quis hominum maxime inquietus? Qui se felicem maxime cupit esse, & beatum. Ad senectutem tanquam ad portum mala cuncta confugiant. Magnum malum ferre non-possesse malum. Facilis ad inferos via, nam clausis ad ipsos oculis pervenitur. Alcibias, adolescens cum esset, viros ab uxoribus, mature ætatis existens, uxores à viris abstrabebat. Roganti cuidam loquaculo, ut opem sibi in negotio ferret, dixit: Factam quod petis, si per intermuncios tecum agere, nunquam ipse venire volueris. Dives avarus, dicebat, non nummos habet, sed ab ipsis habetur. Prudentia tantum cæteras virtutes, quantum reliquos sensus visus superas. Invidio-subtilis dixit: Vel*

Fel tibi aliquod malum, vel alteri bonum, evenerit. Amicos, qualescunque sint, servare oportet, ne videamur aut malis usi, aut contempsisse bonos. Qui adulatores desolantur, similes sunt amphoris, quæ auribus prebensa facile circumducuntur. Avaritia omnis mali metropolis est.

EUCLIDES MEGARICÆ SECTÆ AUTOR

Megaris, urbe ad Isthmum sita, ortus est, licet alii ipsum Gelæ ortum, quæ Siciliæ urbs est, dicant. Hic Parmenidis librorum studio initio delectatus est; deinde Athenas ad Socratis Scholam venit. Sed cum ex Atheniensium decreto, ut notat Gell. 6. 10. & Thucyd. l. 1. Megarensibus, ne vel pedem Athenis imponent, sub capitis pona sanctum fuerit; Euclides sub noctem muliebri veste indutus Megaris Athenas ad Socratem audiendum ventitabat, rursusque sub lucem domum eadem veste tectus redibat, millis passuum amplius viginti quavis ferme nocte iter faciens. Mortuo Socrate, Platonem cum reliquis Philosophis Megara, tyrannorum metu, ad ipsum venientem humanissime excepit.

Sectam instituit, quæ à loco Megarica primum dicta est, deinde Eristica, Contentiosa, quod litigiosis disputationibus ex propria indole Euclides addictus fuerit; hinc Socratea eum reprehendens dixit, ipsum cum Sophistis potius contendere, quàm cum hominibus disputare posse: unde Diogenes non Exalæ Scholam, sed *καλὴν* merum Fel, Megaricam esse dicebat. Et Timon:

Hos ego nugarum nolim curare patronas.

Seu Phædona mihi narres, seu litibus aptum.

Euclidem, Megaram vabidis qui litibus implet.

Tandem Dionysius Carthagenensis ipsam primum Dialecticam vocavit, quod interrogationibus, & responsionibus in discursu uteretur. Plut. refert, ipsam in Scholis celeberrimum fuisse. Fratri in ira dicenti: *Peream, nisi vindictam exposcam*, respondit: *Et ego peream, nisi hanc tibi iram verborum lenitate extorsero, ac me periurum antea ames effecero.* Dialogos, atque alia scripsisse fertur.

EUBULIDES

Mellesius, Euclidis successor, Demosthenis oratoris præceptor fuit, juxta quosdam, qui cum literæ & prononciationem assiduo exercitio docuit. Aristotelis inimicus, & obrectator semper extitit. Dialecticas argumentationes plures invenit, quales sunt Sophismatum species, quas Aristoteles, Syllogismos Eristicos, sive Contentiosos vocavit, & ex hac Schola in suam Stoici derivarunt, *ψεῦδος* scilicet, Mentiens, *ἀντιπαρῶν*, Occultus, *ἡλεκτρο*, Electra, *ἑγχευαλισμὸς*, Velatus, *Συγρῆς*, Acervalis Ciceroni de Divin. l. 2. c. 4. dictus, *Καρπῖον*, Cornutus, & *Φαλαγῆς*, Calvus.

ALEXINUS

Eliensis, Eubulidis discipulus, ejusque Eristicæ Sapientiæ æmulator, Zenonis, Menedemi, & Ephori Historici adversarius, & in scribendo maledicus fuisse traditur. Hermippus refert, ipsum Olympiam ad Sectam condendam, quam à loco Olympicam appellant, ivisse; sed discipulis omnibus ipsum ob ætatis intemperiem relinquendis, ibi solus cum esset, in Alphæi aquis natando se exercens, arundinis acumine læsus diem obijt.

EU.

HISTORIÆ PHILOSOPHIÆ EUPHANTUS

Olynthus, Alexini discipulus, Demetrii pater, & Antigoni Regis præceptor fuit. Suorum temporum Historiam, Tragedias multas plausu acceptas, & librum de Regno ad Antigonom scriptit. Grandævus mortuus est.

A POLLONIUS CRONUS

Eubulidis discipulus, Cyrenæus, & proprie ex Apollonia, urbe Cyrenatica, unde Strabo ipsum Cronum Apollonium vocat.

D I O D O R U S

AMinæ filius, Jaso ortus, quæ Carliæ civitas est, Eubulidis discipulus, ex Laërtio, Croni Apollonii disciplina usus est, ex Strab. l. 17. unde & Croni cognomen habuit. Cum Ptolemæo Sotere vixit, quo præsentæ à Stilponæ interrogatus de rebus, quibus ex tempore explicandis cum satis non esset, discedens è convivio, & oratione de eo argumento scripta, mœrore confectus obiit. Dialecticus, & Sophisticus fuit insignis, ut refert Laërtius, & Strabo. Sophistici argumenti exemplum habemus apud Sext. Emp. quo Diodorus probabat, nihil moveri, & ex consequenti, nihil nasci, vel interire posse; quod sic habet: *Si quid movetur, aut in eo, in quo est, loco movetur, aut in eo, in quo non est. At neque in quo est movetur, manet enim in eo, si in eo est. Nec vero in quo non est, ubi enim aliquid non est, ibi neque agere quidquam, neque pati potest. Non ergo movetur quidquam.* Rerum Principia, ut refert cit. Emp. esse dicebat corpora minima, & infecabilia, quantitate finita, numero vero infinita.

Inter Euclidis successores numerantur etiam à Laërt. ICHTHYAS, Metalli filius, cui Diogenes Cynicus Dialogum dedicavit; atque CLYOMACHUS Thurinus, qui primus de Axiomatibus, Categorematicis, & similibus scripsit. Præter hos

S T I L P O.

Megaris Hellados oppido natus, Ptolemæi prioris ætate vixit, habuitque præceptores Trasymachum Corinthium, Diogenem Cynicum, Pasiclem Thebanum, & Dioclidem Megarensem. A Cici de Fato c. 7. auctus homo, & probatus, à Sen. ep. 9. vir fortis, & strenuus appellatur; additque Cic. l. c. ejus familiares non ad vituperationem, sed ad laudem de eo scripsisse, fuisse vinolentum, & mulierosum, vitiosamque naturam doctrina domuisse. Et quidem præter uxorem, Nicarete etiam pellice urebatur. Plutarchus quoque ipsum laudat. Civiliū rerum studio addictissimus fuit. Filium habuit, quam Sycomias Syracusanus ex conjunctissimis ejus duxerat, pessimæ famæ feminam. Quam infamiam cum Metrocles, alique Stilponi exprobrassent, respondit, *Non esse eam majori sibi dedecori, quam ipse sit decori et.* Et aliàs; *Hoc non meum est peccatum, sed filie.* Ejus cum Metrocle, & Crateo Cynico contentiones legere est apud Plur. Laërt. & Hesych. in vit. Stilp. Magna ejus apud Ptolemæum Soterem & Demetrium, Antigoni filium, gratia fuit, à quibus, Megaris expugnatis, & restitutæ res fuere, & opes traditæ. Plutarchus in Demetrio: *Ita, præsidio ejecto, reddidit Demetrius illi civitati (Megaræ) libertatem. Dum hæc agit, Philosophi in mentem venit Stilponi, qui existimabatur vitam sectari*

et tranquillam. Hunc acutum rogavit, nunquid rerum ipsius quisquam cepisset? Cui Stilpon; Nemo, inquit. Neminem enim vidi, seientiam qui eriperet. Ingenium ei simplex fuit, neque ulla simulatione fucatum. Athenis hominum animos ita ad se vertit, ut ad eum videndum ex officinis confluere. Cumque dixisset quidam, Te, à Stilpo velut belluam admirantur, respondit: Minime, sed velut verum hominem.

In Philosophicis Summum Bonum Mentem esse, dicebat, nullis passionibus obnoxiam. Universalia plane tollebat, dicens, eum, qui hominem e. g. dicat; neminem dicere, quod non hunc, vel illum vox significet. Unum de alio prædicari posse negabat; nec etiam per accidens, nisi prædicata cum subiectis idem sint. Eristico igitur dicendi genere, doctrinæque, & disputationum subtilitate potentissimus cum esset, Megaricæ Scholæ princeps fuit, ubique, & patriæ magnum decus conciliavit.

Discipulos habuit frequentissimos, quos ex aliis quoque Sectis, imo & ex tota Græcia sibi addixit; eloquentia enim, & inventionem longe alios antecessit: unde Oratores etiam celeberrimi, & ex aliis Scholis Philosophi ad ipsum audiendum confluxerunt. Et Heraclides ipsum etiam Zenonem Stoicæ Sectæ autorem ejus discipulum fuisse, refert. Senex tandem mortuus est, ut ait Hermippus; scripsitque Dialogos 9, ut ex Laërtio, 20, ex Suida. Filium Philosophum post se reliquit, quem Laërtius Drylonem; Suidas Brylonem vocat.

PHÆDO ELIACÆ SECTÆ AUTOR

Elienensis, nobili genere ortus, à piratis capteus lenoni venundatus est. Quem ad fornicis limen sedentem Socrates transiens cum vidisset; ejusque ingenuam faciem notasset, Alcibiadi, & Platoni, referente Laërtio, vel, ut Geil. 2. 18. habet, Cebeti persuasit, ut emeret eum. Ex illo igitur tempore assiduus Socratis auditor fuit, Platonique ita dilectus, ut Dialogorum suorum excellentissimum de Animæ Immortalitate ipsius nomine inscripserit. Sectam Philosophus jam factus instituit, quæ à loco Eliacæ dicta est. Dialogos scripsit, quos Laërtius numerat.

P L I S T A N U S

Elienensis, Phædonis in Eliacæ Schola regenda successor extitit. Huic vero successit

MENEDEMUS ERETRICÆ SECTÆ CAPUT

Eretrienſis hic fuit, Clisibenis, nobilis quidem, sed ex paupertate Architectonicæ operam dantis, filius, in qua arte ipse etiam à patre institutus est. Ab Eretrienſibus Megaras missus, ut præsidio ibi eſet, inde Athenas ad Platonem audiendum profectus est. Postea ab Asclepiade Philiſio familiari ſuo Megaras ductus est, ubi Stilponem simul audire. Tandem in Elidem profecti Archiphyllum, & Moſchum, Phædonis discipulos; præceptores habuerunt.

Philosophiam edoctus in patriam reversus est, quam etiam, Schola adaperita, docuit; sicque Eliacæ secta, à Menedemo Eretriam translata, deinceps Eretrica dicta est. Menedemi eloquentia contentiosa maxime, teste Antisthene in Success. nam & ingenium ei versatile erat, ac tanta in orationis compositione vis, ut ipsi occurrere difficile foret. Propositiones Negantes tollens, Affirmantibus

tibus tantum locum dabat; & ex his Simplices solum admittebat, rejectis illis, quas Coniunctas, & Complexas vocabat; itaque licet Platonis discipulus, Dialectices tamen contemptor ab Heraclide dicitur. In disputando adeo vehemens fuit, ut livida sæpe facie visus fuerit. Nihil scripsit, teste Antigono Carysio, neque certum quidquam deſcripſit.

Asclepiadis, ætate majoris; semper in vita, & post mortem etiam amicissimus fuit; itaut quidam Asclepiadis catamitus post ejus mortem Menedemi domum comessabundus ingressus, & à servis foras expulſus, ab ipſo introductus fuerit, dicente, se Asclepiadem etiam mortuum admittere. Ambo pueri cum eſſent, ab Arcopagitis primum; deinde ab Archepoli, Hipponito, & Agrotore pecuniam magna liberalitate ſuſceperunt; & præterea ab Hipponito Menedemus duo milia drachmarum in dotem filiarum, quas tres ab Oropia uxore ſuſceperat, teſte Heraclide, accepit.

In patria initio pauper cum eſſet, ad contemptum *Contis*, & *ſultus* appellabatur; Deinde magna omnium admiratione Reip. adminiſtravit ducentorum in annum ſtipendio. Legatione etiam ab Eretrienſibus magno cum honore apud Ptolemæum, Lyſimachum, & Demetrium, Macedoniæ Reges, deſunctus eſt; quorum Antigonum ſe ejus etiam diſcipulum proſequebatur.

Ejus corporis, & animi hæc deſcriptio. Staturæ erat medioeris, hæud parum obefus, aduſta facie; corporis robore, etiam in ſenectute, planè athletico, ut ex ejus ſtatua aſſabre concinnata, & nudæ corporis proportionem reſeſcente, ab Eretrienſibus in veteri ſtadio poſita, conſtare, Læſtius affirmat. Magno animo fuit, & ingenuè indolis, ſemper gravis, & in obſurgando amarus; & vehemens; moribus cætera placidiſſimus; amicitias vero pie, ac ſancte coluit. De Bione, poëtaſ inſeſtante, dicebat: *Ille mortuus jugulari*. Dicentis, maximum eſſe bonum potiri deſideratis, reſpondit: *Multo major eſt ea ſolus, qui deceat, deſiderare*. Tandem mortuus eſt apud Antigonum ſame ſeptem dierum præ morte, teſte Antigono Caryſio, quod à Rege perfectam patriæ libertatem impetrare non poſſet. Vixit an. 84.

His breviter de Socratis diſcipulis, qui ejus doctrinam vel integram ſervaverunt, vel parum mutantes ſectarum quidem, ſed parvi momenti, autores ſuere, adnotatis; de illis, qui ſectas magni nominis condidere, agendum eſt.

C A P U T IV.

De Academia Veteri.

E Socratis Schola tres illæ prodire celeberrimæ Philoſophorum Familiz, Academicorum ſcilicet, Stoicorum, & Peripateticorum. Academica autem Familia, ſive ſecta ſic dicta eſt à loco, quodam ſuburbano, nemoroſo, mille paſſus ab Athenis diſtante; qui ab Heroe Ecademi Academia dicta eſt; deinde vero, litera mutata, Academus appellatus; & locus Academia, & ſectatores doctrinæ, quæ in hoc loco tradebatur, Academicæ vocati. Plutarchus in Theſeo, ex Hermanni Craſeri conſeſſione, ait, Heroem illum vocatum fuiſſe Echedemum, & nomen ab illo quæſiſſe Echedemiam, quæ nunc appellatur Academia; additque, Academum à Theſeo manifeſtatum Caſtori, & Polluci; ipſum ad Helenæ ſororis raptum ulciſcendum querentibus. Hinc Lacedæmones, beneficii ab Academo accepti memores; dum Atticam incoſſarent, Academia abſtinent. Non peperit tamen Sylla, qui ipſam devaſtavit. Norat Læſtius, Platonem in Academia limine inſcripſiſſe: & *ἐν τῇ ἀκαδημῇ* adus;

arctis : Geometria ignarus nemo intrat. Quod tamen alii Pythagoræ tribuunt. Hæc tamen Academia secta à Platone instituta secundum varias temporis successiones distincta est in Veterem, Mediam, sive Secundam, Novam, sive Tertiam, Quartam, & Quintam. Sed à Veteri initium sit, cujus Princeps

P L A T O.

Magnus hic Philosophus Athenis nobili genere natus est Olymp. 88. ex Laërtio, ex patre Aristone, & matre Perictione, sive, ut alii dicunt, Potona, quæ à Solone ducebat originem. Fabula fuit vulgata nimis apud Athenienses, ut Suidas, alijque referunt, Platonem Apollinis filium fuisse, ex Perictione conceptum. Hinc de Platone Tyndarus:

*Non est mortalis gentis, mihi crede, parente,
Sed genitore Deo Satus prodidit in aulam.*

Ælianus V. H. 10. 21. Olympiodorus in Vita Plat. & Val. Max. 1. 16. narrant, apes in Platonis adhuc infantis labellis in Hymetto monte mel fabricasse, dum pater, & mater ibi Musis, & Nymphis sacra facerent, eximia futuræ infantis sapientiæ præfagium. Prima literarum rudimenta à Dionysio Grammatico didicit. Aristocles ex avi nomine primum vocatus, deinde, sive ob humeros latius patentes, sive ob frontis latitudinem, sive ob eloqui amplitudinem à patre Plato vocatus est. Picturæ etiam, & Poëseos instructus fuit; plurima namque, & varia Poëmata concinnavit.

Vigesimo ætatis anno Socratem audivit, cujus dignus discipulus, & successor extitit, postquam octo annorum spatio Philosophiam ab ipso edoctus est; quo tempore, sicut & reliqui Socratis discipuli fecerunt, quicquid à Præceptore audiverat, scriptis tradidit. Verum tamen est, Platonem multa, quæ Socrati nunquam dicta, de suo addidisse, itaut lecto Lyfide, Platonis Dialogo, coram Socrate, hic exclamaverit: *Quam multa, d' Hercules, de me mentitur adolescens.* Apulejus, Laërtius, & Suidas narrant, Socratem nocte præcedente diem, qua Plato ipsi à patre suo Aristone commendatus est, per somnum vidisse Cycni-pullum ex altari, Cupidini in Academia consecrato, provolantem, & in gremio suo residentem, inde Cælum petentem, & cantu hominum, Deorumque aures mulcentem. Socrate autem sequenti die amicis somnium narrante, oblatu est ei Plato adolescens ab Aristone, & in discipulum traditus; cujus corporis naturam, & animi indolem contemplatus Socrates dixit: *Hic Cycnus est, amici, Cupidinis in Academia.*

Socrate tamen defuncto, *Parum putans*, ut August. 3. de C. D. 4. ait, *perseveranda Philosophia sufficere seipsum, & Socraticam disciplinam, quam longe lateque potuit, peregrinatus est, quaquaversum eum alienius nobilitate scientie percipiendæ fama rapiebat.* Hinc in Heracliti, & Pythagoræ doctrina institutus, Cyrenas etiam ad Theodorum se contulit ad Geometriam addiscendam, & Megaram ad Euclidem à primis Socratis discipulis unum. Inde Egyptum petiit, ut à Sacerdotibus Astrologiam, Numeros, Deorum doctrinam, & Prophetarum ritus acciperet. Ibi Præceptorem habuit Secrhuphimem Heliopolitanum, ut ait Clem. Alex. vel, ut ex Piutarcho, Cheruphim Memphis. Mansit in Heliopoli annos 13. Mosén legendo, ex quo de Deo doctrinam didicit, unde à Divini nomen sortitus est. Quod probatur ex convenientia, quæ in plerisque Mosén inter & Platonem est. Hinc & illud Numeni Philosophi Pythagoræ: *Τὸ ἑὸν Πλάτων, ὃ Μωϋσὴν ἀντίειπεν, Quid est Plato, nisi Moses atticissans?* ut refert Clem. Alex. 1. Strom. Probatur etiam auctoritate Aristobuli Judæi; ut ex Euseb. Præp. 9. 6. qui ait: *Plato nostras leges in haud paucis secutus est,*

à quo curiose eas excussas fuisse, allegationes ejus sunt argumento. Et Josephi l. 2. c. Apion. ubi: Plato nostrum maxime legistorem est secutus. Similia sunt apud Just. Martyr. Clem. Alex. Eusebium, & alios.

Libros etiam tres in Sicilia emit, quorum primus de naturali Philosophia erat, quoque Philolaus Pythagoreus primus omnium suae sectae fecerat, & divulgaverat. Ex his autem libris non pauca eorum, quae in Timaeo habet, Platonem hausisse, Laërtius, & Gellius affirmarunt. Multa ex Epicharmi Comici scriptis excerptis, ut ait Alcimus in 4. ad Amyntam libris: Reipublicae formam ex Protagorae Antilogicis; Moralem ex Sophronis mimographi libris; magis autem à Socrate Platonem accepisse, fatendum est. Vid. Laërt. 3. 18. & 37.

Ex Heracliti igitur, Pythagorae, & Socratis doctrinis suam Plato Philosophiam composuit. Hinc August. de Civ. D. 8. 4. ait: Socrates in Aethra excelluisse memoratur; Pythagoras vero magis Contemplativa, quibus potius, intelligentia visibus, instituisse. Proinde Plato utrumque jungendo Philosophiam perfectisse laudatur, quam in tres partes distribuit, unam Moralem, qua maxime in actione versatur: alteram Naturalem, quae Contemplationi deputatur: tertiam Rationalem, qua verum determinatur à falso, &c. Vid. Cic. Acad. Qu. 1. 5. & 6. & 8. Plut. Laërt. Apul. &c.

Plato Analyticam Methodum, Methodorum optimam, quae rem, de qua quaeritur, ad sua principia reducit, invenisse dicitur Laërtio 3. 24. Cui duplicacionem invenit; cujus inventi occasionem, & modum tradidere Plat. in Socratis Genio, & Philoponus in Analyt. Multa etiam Mathematica primus excogitavit. Primus quoque inventor dicitur vocum Antipodes, Poëma, Dei Providentia, altarumque; nec non Principium inter, & Elementum distinctionem primus posuit, ut à eo Principium sit, quo prius nihil existit, ex quo generetur; Euxinum vero Elementa (quam vocem ante ipsum nemo Philosophorum unquam usurpaverat) sine composita.

Sed ut de Platonis doctrina, qua nulla unquam celebris aut visa, aut credita est, pauca hic ex ejus scriptis collecta proponam; sciendum in primis est, quod, Socratis methodo ipse insistens, omnia per Dialogos docuit, definitione, & divisione cuncta explicans. Imo in Cratylo ait, eum esse bonum Dialecticum, qui bene interrogare, & bene respondere noverit.

Physicam Philosophiam partem non penitus, ut Socrates, aspernatus est; sed Deum, & Materiam pro rerum Principiis ponens, omnia per Simples, Aeternas, & Immutabiles Ideas (quas plurimi SS. PP. cum Aristotele, & Peripateticis impugnant) explicat. Et de Aristotele quidem haec Cic. Acad. Qu. 1. 1. Aristotelem primum habuisse species, quas nostrae erant amplexatus Plato, ut in his quiddam divinum esse videret. Quid autem per Ideas Plato senserit, non adhuc bene constat. Videri potest Syrianus de Ideis contra Aristotelem, & inter Recentiores, qui Platonicas Ideas propugnabant, Joannes Franciscus Picus Mirandulanus, & Franciscus Venetus lib. de Harmonia Mundi. Id tamen in Phaedro ex ipso Platone habetur, Veritatem esse Ideam: Ideam vero Evvrieta 10. Graec. Dei scilicet Intelligentiam, seu, quod Barbari dicunt, *Διὸς τὸ ἄλογον*, hoc est Dei Verbum, & Rationem. Eum vero, qui Ideas contemplantur, visurum esse Deum inter homines. Idearum locus per Platonem Mens est, Mentis vero Deus, quem vocat *ἡμεῖς ἰδὼν*, Regionem Idearum. Deum etiam Mentem, & Causam appellavit. Materiam dixit esse informem, & inhiatam, ex qua concretae fiant: quae Materies, quum temere & inordinate moverentur, à Deo in locum unum coacta est, atque ex ejus motu, Terra, Aqua, Aer, & Ignis producta sunt.

Præcipue ejus in hac Philosophiæ parte sententiæ sunt: Immortalis est Anima, quæ de corpore in corpus perpetuis vicibus anigrat; & quæ incitum habet à numeris: Hæc radius Divinitatis est, qui si suo principio, Deo scilicet, adhæreat, omnia cognoscere valet: corpori vero adhærens, ejus contactu inficitur, & impuritate acquirit. Ipsam rerum judicem, sensus vero ejus ministros dicit. Philosophiam *ἐπιστήμη τῆς θείας σοφίας*, Appetitum divinæ sapientiæ; Philosophiæ vero Finem *ὁμοιωσιν τῇ θεῇ κατὰ τὸ δυνατόν*, Assimilationem Deo, quoad possibile, statuit. Mundum unum esse, genitum, nam & sensibilis est, à Deo conditum, sed animatum, quod præstantius sit quod animatum est, quam non animatum, & quod animato motui esset devinctus, & alligatus; non infinitum, sed immortalem, eo quod non dissolvatur in id, quod non est. Tempus nil aliud esse, quam motus Cæli, &c.

In Morali hæc potissima Platonis sunt: Virtus sufficit ad bene, beateque vivendum, indiget tamen instrumentis tam internis, ut sanitate, robore, idque genus bonis aliis; tum externis, ut opibus, generis claritate, & cæteris hujusmodi; ea autem etsi non adfuerint, sapientem tamen esse beatum. Improbri delictorum penas post mortem luunt. Boni omnes inter se amici sunt. Justitiæ tria sunt genera, circa Deum, circa homines, & circa defunctos.

Agnovit Plato, unum esse Deum, eumque Spiritum, & Invisibilem esse credidit, quem *τὸ ἀγαθόν*, Bonum ipsum, Patrem, & *παντὸς ὁμολογῶν*, dicit. Ab hoc autem genitum fuisse *ἐκ γενεὴς*, id *τὸ ἀγαθὸν ἐκ γενετῆς ἀλλοτρίως ἔσθαι*, Filium, quem Bonum sibi genuit analogum, hoc est; similem sibi ipso. Quod etiam ipse testatur l. 6. de Rep. Et in Timæo quidem plures numerat post Summum Deos, à quibus humana sunt efficta corpora. Dæmonas idem statuit, & Heroas, quibus ipsis sacra fieri jussit. Alii vero duos, & tres dilingue diverse Deos, è quibus primus est *Πατὴρ πάντων*; Secundus *ἀντιστοιχῶν*, id *Ἄντις*, id *Ὀπίς*, & *Ἐκείνῃς*, quæ sunt, & à primo genitus: Tertius denique obfcurè ab ipso significatus, à secundo gignitur, ejusque *Ἄντις*, id *Νῆς*, Ratio, & *Μῆς*, & Anima Mundi dicitur.

Duo autem sunt, præter Timæum, Platonis loca, quæ ab antiquis Ecclesiæ PP. ad explicandam ex Platonis sententia *Sanctissimam Triadem* sunt usurpata. Alter locus est in Epist. 2. ad Dionysium, ubi *ἐν ἀνύμνῳ*, ænigmatice, ut ipse loquitur, ad illum scribens ait: *Ἐστὶν ἡμεῖς ἰτα: Circa omnium Regem cuncta sunt: ipsius causa omnia: ipse pulchritarum omnium causa: circa Secundum secunda: tertia circa Tertium.* Alter locus est in Ep. 6. ad Hermiam, &c. ubi duos Deos, Patrem scilicet, & Filium disertius significat, sic loquens: *Τεσσάνδῳ Θεῷ, rerum omnium Διτέμ, quæ sunt, & quæ futura sunt; ac Ducis, & Principi Patrem Dominum.*

Sed in tribus illis Platonis Diis constituendis nonnihil invicem Platonici dissentiunt. Non enim facile est intelligere quid senserit Plato in illis tribus Diis, quia pauca, & obscura de illis loquitur. Sed num veram, aut saltem aliquam Sanctissimæ Triadis doctrinam habuerit, quam ex Veteri Testamento apud Egyptios accepisse multi cum antiquis Ecclesiæ PP. tradunt, videri potest furtius apud Petavium l. 1. de Trinit. c. 1. & Rudolphum Gudworthum in Vet. System. Intellectual. Universi c. 4. Dignum, quod hic notetur, est, quod habet Clem. Alex. 5. Strom. Platonem scilicet veluti prophetice Christi Passionem prædixisse 2. de Rep. ubi hæc ait: *Quis autem sit est affectus justus flagris caditur, torquebitur, vincietur, & postremo omnia mala perpassus suspendetur.*

Platoni magnam gloriam attulit tum quod diserte adeo Philosophiam tractaverit, ut Jovem Platonis lingua usurum, si Græce loqui vellent, Val. Max. l. 8. c. 7. dixerit; tum etiam quod Dialogos primis methodo conscripserit. Quicquid

quid contra sentiat Vossius, qui hæc illi vitio vertit. Primo, quod ejus dictio minus sit idonea ad philosophandum, quia metaphoris audacibus, ac plane Poëticis gaudet, quod præter alios testantur etiam, referente Vossio, Aristoteles, Dionysius Halicarnassensis, & Cicero in Bruto. Secundo, quod Pythagoreo, Egyptioque more Symbolica sepe utitur Philosophia. Tercio, quod non aperte in Proœmiis proponit, qua de re sit dicturus; quæ res ipsum obcuriorem facit. De ejus tamen doctrina ita sentit Hefychius Illustris: Plato quæ perceptit, differtit, ac falsa diluit, ac de incertis definire supersedit. At Cicero Acad. Qu. in fine de Platone loquens ait: Cujus in libris nihil affirmatur, & in utramque partem multa differuntur; de omnibus quaeritur, nihil certi dicitur.

Omnia, ut diximus, per Dialogos scripsit; qui sunt: In Physica, *Timæus*. In Logica, *Politicus*, *Cratylus*, *Parmenides*, *Sophista*. In Ethica, *Apologia Socratis*, *Crito*, *Phædo*, *Phædrus*, *Symposium*, *Menexenus*, *Clitophon*, *Epistole*, *Philebus*, *Hipparchus*, *Rivales*. In Politica, *De Republica*, *de Legibus*, *Minoas*, *Epinomides*, *Atlantici*. Mæneticos Dialogos scripsit, *Alcibradem*, *Theægem*, *Lysidem*, *Lachetem*. Piraeticos, *Eutysponem*, *Menonem*, *Jontem*, *Charmidem*, *Theætetum*. Endisicium, *Protagoram*. Anacrepticos, *Eurhydrem*, *Hippiam primum*, *Hippiam secundum*, *Gorgiam primum*, *Gorgiam secundum*. His igitur omnis Philosophia Platonis traditur; ejus doctrinam legere est apud cit. Autores Cic. Laët. Plur. Apul. atque alios. Doctrinæ Platonis Lineamenta scripsit Alcinous; Dissertationem etiam Platoniam edidit Johannes Pleus, Comes Mirandulæ, qua explicavit Hieronymi Benivieni Florentini Hymnum in Amorem, quam ex Italico in Latinum versam vide apud Stanlejum in Hist. Philos. ubi etiam Alcinou, Platonis discipuli, Compendium Platonice Philosophiæ, quod Marsilius Ficinus latinum fecerat, & Jacobus Charpentier correctum, & Commentariis lectu dignis Illustratum publici juris fecit, videre est.

Platonis Philosophiam præ cæteris, qui sese innumeri prisels, recentioribusque temporibus memorantur, veteres Ecclesiæ PP. tanquam Fidei nostræ dogmatis magis conformem, sectati sunt. Imo S. Justinus dixisse fertur: *Pauca a Platone dicitur; & Christianum habebis*.

Virtutes, quas docuit, nunc semper coluit, Cœlibatum præcipue ad mortem usque. Mitis, gravis, prudens, sobrius, & patiens ita fuit, ut servum verberaturus, manum suspensam detinens; verberanti similis, & non percutiens, Interrogatus ab amico illic præsentem quid ageret, responderit: *Exige pænas ab homine iracundo*. Alias etiam, servo iratus, dixit: *Tu, Speusippe, servulum istum verberibus objurga, nam ego transcor*. Vid. Senec. de Ira 3. 12. Agrigentinos in ædificiis magnificos, in conviviiis luxuriosos videns ait: *Edificant quasi semper victuri, & comedunt quasi statim morituri*. Juvenes ad virtutes his verbis excitare solebat: *Momentaneam in hoc Mundo voluptatem æterna mox sequitur tristitia, & poenitentia; virtutis vero exiguam laborem æterna voluptas excipit*. Interrogatus, *Quæ optima liberis relinquenda hereditas?* respondit: *Ea; cui neque tempestas metuenda, neque hominum vis, neque Jupiter ipse. Quid doctus, & indoctus differunt?* Interrogatus, respondit: *Quod medicum inter, & agrotam*. Dicebat, Prudentiam Principi, ut Animam corpori, necessarium esse: *Felicitissimam Rempublicam esse, ubi vel Philosophi imperent, vel imperantes philosophentur*; Nil noxium magis, quam opes, & arrogantiam cum ignorantia conjunctas.

Tandem senio confectus obiit anno primo Olymp. 108. ætatis vero suæ 86. Ipsi statum in Academia cum hac inscriptione posuit Mithridates Persa, teste Pha-

Phavorino : *Mithridates, Rhodoba filius, Persa, hoc Signum Platonis à Si-
lanione factum Musis dedicavit.*

SPEUSIPPUS

Platonis successor natus est Athenis ex Eurymedonte, & Potona Platonis
sorore. Platone Olymp. 108. anno primo jam vita functo, Academicæ scho-
læ suscepit, cui præfuit annos 84. Avunculi sui Platonis dogmata secutus.
*Quia quædam erat, didicisse à discipulis, secus ac Plato fecerat, exigens,
mercede semper docuit. Hinc Dionysius ad eum mordaciter scribens ait : Et
Plato quidem gratis sua limina terentes docuit ; tu vero tributa & à volentibus,
& à nolentibus accipis.* Iracundus, ac voluptati deditus fuit. Beatitudinem di-
cebat esse perfectum habitum in iis, quæ sunt secundum naturam. Cum autem
paralyti corpus illi omne resolutum esset, accessit Xenocratem Platonis disci-
pulum, oravit, ut sibi in docendo succederet. Tandem mortuus est sive ex mor-
bo pediculari, ut ait Laërt. sive ex dolore, quo voluntariam sibi mortem
conscivit, ex Plutarcho; multa de rebus Philosophicis Commentaria, sive Dia-
logos relinquens, de quibus Laërt. Ejus vero libros Aristotelem tribus talentis
emisse, Phavor. Comment. 2. refert.

XENOCRATES

Chalcedonius, Agathonis, sive Agathenoris filius, natus est anno 4. Olymp.
93. Severa fronte, & subtristi facie fuit, ingenio hebes, & adeo tardus,
ut cum Plato Aristoteli illam conferret, diceret : *Cut equo quem asinum jungo?*
alter enim freno, alter calcariibus egebat. Speusippo condiscipulo suo in Aca-
demice Scholæ successit, ubi fere semper morabatur meditationi, & silentio de-
ditus. Aristoteles ex Macedonia redux, referente Laërt. 5. 3. & Xenocratem
Academicæ Præfatum inveniens, scholam ei in Lyceo opposuit, dicens : *Silere
surpe me, & Xenocratem loqui.*

Vixit summe continens, ut & nobile seortum à discipulis ad probandam,
suam continentiam in lectulo positum non agnovit : imo sunt, qui narrant,
eum sæpius verenda secari, & uri passum esse, cum se ad libidinem incitari sen-
tiebat. Tanta ejus verbis fides habebatur, ut cum injurati nullius testimonium
admitteretur, huic soli jurandam Athenienses remisissent : imo & Plato ju-
rantibus non credidit, Xenocratem ei maledixisse. Divitiarum contemptor
eod fuit, ut donum 30. talentorum ab Alexandro sibi missum, 30. minis Atti-
cis acceptis, reliquum ad Alexandrum remisisset, ut qui plures enutrire debe-
ret, pecuniam vero, quam Antipater, alique miserant, penitus non suscepit.
Missus cum aliis legatis ad Philippum, solus ex omnibus incorruptus mansit.
Gloriæ item, & fastus summe contemptor fuit.

Platonem in Philosophicis secutus est, nisi quod ex Stob. Ecl. Phys. 1. 3.
habemus, ipsum dixisse, Monadem, & Binarium Deos esse, primumque ma-
rem, ac parentem Cœli tenere Imperium, quem Jovem, Imparem quoque, &
Mentem appellabat. Alterum femininum, & matrem omnium, quæ sub Cœ-
lo sunt, præcedem; quem Universi Mentem vocavit. Ex Clem. Alex. Str.
5. habemus, ipsum brutis etiam animalibus aliquam Dei notitiam tribuisse.
Beatitudinem definivit propriæ virtutis possessionem, & ejus, quæ inservit, fa-
cultatis. Scripsit plurima, quorum Elenchum habet Laërt. in ejus vita; præci-
pue vero *De non petendo ex animalibus alimento.*

Xenocrates scriptum reliquit, in templo Eleusiniæ tria hæc præcepta in-
scri-

scripta fuisse: *Venerandos Deos; Honorandos Parentes; & Abstinendum à carnium esu*. Hanc deinde edulli puritatem Porphyrius, Pythagorici omnes cum multis Græcorum, Brachmanæ, & Gymnosophistæ servarunt, & defenderunt. Xenocratem auditit præter alios Crantor Solensis, qui Commentaria ad plura versuum millia scripta reliquit. Venditus dicitur Xenocrates ab Atheniensibus, quod tributum solvendo non fuerit; sed à Demetrio Phalereo emtus, tributo pro ipso soluto Atheniensibus, libertate donatus est. Academix præfuit annos 25: ex Laërtio, & mortuus est noctu, cum in pelvim sorte incidisset, ibi submersus, anno ætatis suæ 82.

P O L E M O

Atheniensis ex patre Philostrato, sive, ut ex Suida, Philocrate, ex primariis civibus uno, natus, vix adolescens impudicus, & lubricus adeo fuit, ut ne dum illecebris, omnique venere, sed ipsa quoque infamia gauderet. Factum autem, ut aliquando vino gravè, unguentis delibutus, capite sertis redimito, pellicuda amictus veste, Xenocratis scholam intraret. Tum Xenocrates, omisissis iis, de quibus loquebatur, de Modestia, & Temperantia loqui coepit: cujus gravitate sermonis resipiscere coactus, Veneris insignia ibi deponens, & saluberrima unius orationis medicina sanatus, ex infami ganeone maximus Philosophus evasit; Xenocratis enim Philosophiæ addictus studiis, cæteris imperatis, illi in Scholæ regimine successit anno 1. Olymp. 126.

In omnibus igitur mutatus, urbanus cum adjuncta severa constantia factus est. In Philosophicis Præceptorem sequebatur; ad moralem tamen potius, quàm Dialecticas speculationes incumbendum dicebat: Mundum esse Deum, ex Stob. Ecl. Phys. 1. 3. Summum bonum, ex Cic. de Fin. 4. 6. esse vivere secundum naturam. Tandem ex phthisi mortuus est senex, varlis relictis opusculis.

C R A T E S

Polemonis discipulus, amator, & in Academix schola successor, Athenis ex patre Antigene natus est. Ita quidem invicem Xenocrates, & Crates sibi profuere, ut ne dum viventes eadem studia sint secuti, similesque mores expresserint, sed mortui etiam eodem tumulo sint repositi. Libros reliquit philosophicos; de Comœdia; & Orationes. Quia circa Homeri grammatica, & poetica nimis occupabatur, Homericus dictus est. Mortuus dicitur circa annum ab U. C. 526. non multo ante Christum natum.

Atque hæc de Veteri Academia, quæ Platonis vestigiis insistent, quæ caperet, desinebat, quæ vero non caperet, incerta relinquebat.

C A P U T V.

De Academia Media.

Ubi Zeno Polemonis discipulus, qui Arcesilao ætate præibat, Platonis doctrinæ nimia in disserendo subtilitate se opposuit; Arcesilaus, Zenoni contradicere volens, prudenter Academix placita dissimulavit, ne Platonis mysteria publicata apud vulgum vilescerent prostituta. Hinc Secta illa ortum duxit, quæ à loco Academia, sed Secunda, & Media ad distinctionem Primæ, seu Veteris, & Tertix, seu Novæ, de qua infra. Cui tamen Acad. Qu. 1. 12. Mediam hanc Academiam Novæ nomine appellavit.

Longe tamen alia mens erat Academiae Mediæ ab ea, quæ Veteris fuerat. Hæc enim duo rerum genera statuebat, Sensibilem scilicet, quæ sensibus, & Intelligibilem, quæ intellectu percipiuntur: posterius quidem genus scientiam parere; prius vero opinionem: solamque mentem cernere id, quod semper esset simplex, & uniusmodi, & tale, quale esset, hoc est ideas. Contra vero illa, Media scilicet Academia, *A'καδημία*, s; *A'καδημία*, hoc est Incomprehensibilitatem, & Assensus retentionem, ut Cic. ait, induxit. Omnes itaque huc Sectæ addicti nihil percipi posse dicebant, ne illud quidem, quod Socrates dicebat, *Se nihil scire*; sic omnia in occulto latere censebant, neque esse quidquam, quod cerni, aut intelligi possit; quare in omnibus assensum negabant, unde *A'καδημία*, s; *Εφαπτομένη* dicti sunt.

Hoc tamen inter hos Academicos, atque Scepticos discrimen erat, quod illi quidquam comprehendere posse negabant; sed verum, & falsum à rebus ipsis non tollebat, & alia quidem vera, alia vero falsa esse defendebant; ac Sceptici ad utrumque res indifferentes esse, & utramque partem ratione defendi posse statuebant. Notandum tamen hic est, ex Divo Augusto l. 3. adv. Acad. hujus Mediæ Academiae assecras omnia Platonis dogmata retinuisse, & defendisse, atque cum iis postremo communicasse, quibus in ea Secta consensere usum esset; incomprehensibilitatem vero, & Assensus retentionem potius affectasse, ut Platonis doctrina occultaretur. Hujus autem Mediæ Academiae caput, & inventor fuit.

ARCESILAUS

Pitaneus, quia Pitane Æolica civitate ortus ex patre Sento, ut Apollod. Chron. 3. ait, vel Scytho, ut aliis dicitur. Hic idem est, qui à Cic. Arcesilas passim appellatur. Natus traditur anno 1. Olymp. 134. Ex Pitane Sardes primum venit cum Autolyco, suo in Mathesi præceptore: deinde vero Athenas veniens Musicam à Xantho, Geometriam ab Hipponico, aliasque ibi cum Rhetorica disciplinas, edoctus est. Philosophiæ tandem se addixit, in qua Polemonem, Crantorem, & Cratetem præceptores habuit.

Hic omnem Philosophiam evertisse dicitur Ciceroni 5. de Fin. quod genus Philosophiæ *desertum*, hoc est quod subsistere non potest, induxit, asserens; nihil sciri posse, nam nihil certum in rebus; nec verum cognoscitur; ac proinde omnem opinionem in illis sustineri posse. Hic omnem spem, ut Seneca ait, scientiæ eripuit, æque de omnibus sententiam suspendendo. Et Cic. Acad. Qu. 4. de ejus sectariis dixit: *Obstare vixi, assensurusque suos ferme sustinere*. Socratis methodum docendi per interrogationem, & responsum, quæ fere jam in desuetudinem abierat, restituit. Semper hoc verbo utebatur in disserendo: *Arbitror equidem*. Et: *Non assentietur vixi ille*. Præcipua illi erat inventionis felicitas; magna in persuadendo, quæ vellet, acrimonia; in reprehendendo asperitas; & in suis rebus communicandis summa facilitas. Arque hinc factum est, ut ad eum audiendum confluerent quamplurimi. Omne fere tempus in Academia vixit, Reip. negotia fugiens. Plutarchus in Arato ait, hujus discipulum fuisse Ecdelum; cujus verba sunt: *Ecdelus Arcas, Megalopolitanus Philosophus, & impiger, Arcesilai Academici quondam Athenis auditor*.

Uxorem nunquam duxit, aut filios genuit. Erat autem amoribus deditissimus, nam & meretricis publice adamabat, & adolescentum commercia amebat. Unde hoc illi vitio vertere solebat Aristot. Chius, secta Stoicus, & ad *Παυσιπαιδιαν*, *Κραιδέλιον*, s; *ἡδονῆς τῶν νῦν*, hoc est juvenum amator, & corruptor, & disertus impudicus esset.

Liberalissimus, & ad beneficia ferenda promississimus cum esset, hæc late-
re magis, quam divulgari corabat. Hinc sæpe amicos ægrotos, & inopes visitans,
nummos sub pulvinar reponebat: à gloria enim, & fastu abhorrebat. Dicere so-
lebat; *Ubi medicamentorum, & Medicorum copia, ibi plurimos morbos esse con-
tingit; & ubi plurimæ leges, ibi summa iniquitas est.* Et Stob. Serm. 81. & 93.
hæc Arcesilai dicta notavit: *Dialecticam fuge, susque deque confundis omnia.*
*Similes item Dialectici sunt ludentibus alea, qui decipiuntur quidem, sed non
sine delectatione. Paupertas ut libata aspera est, sed optima prolis nutritrix, ut
quæ assuesfaciat frugalitatem, & abstinentiam, & omnis virtutis optima sit palæstra.*

Tandem mortuus est, ut Hermippus ait, in delirio post immodicum meri
haustum anno æt. 75. Olymp. 135. anno 4.

L A C Y D E S.

Cyrenæus, Alexandri filius, Arcesilai discipulus, & successor fuit. Ab ado-
lescentia bonarum artium studiis addictus, pauper quidem, sed studiosus,
eximie exemplum gravitatis, venustatis, & urbanitatis dedit. Arcesilao mor-
tuo, Academiæ successit Lacydes, à quo discipuli Lacydeani dicti sunt. Nu-
menius, ut est apud Euseb. Præp. 14. 7. refert, Lacydem Medici Academiæ
sententiam, quod nihil sensu assequi possit, hoc probare argumento conatum
esse: *Quomodo certo sensibus quippiam comprehendere posse existimem, qui to-
ties his meis sensibus deceptum me norim? Domo enim si quando egredior, oculis
meis videre me puto ea in cella mea relinquit, quorum rediens invenio nihil,
quod fieri hand posset, nisi fallerent sensus, atque incertitudine laborarent.* Ipse
tamen non deprehendebat, servus clanculum dum spoliasset.

Adhuc vivens, postquam Scholæ 26. annos præfuit, hoc docendi munere
se abdicavit, discipulisque suis Telecli, & Evandro Phoenicibus ipsam Acade-
miam regendam tradidit anno 2. Olymp. 141. quo anno etiam in paralyfin ex
vini excessu incidens mortuus est. Et quidem ipsum, & Timonem philoosophos,
ambos potentissimis accenset potatoribus Ælian. Var. Hist. 2. 41. Unde Athen.
110. jucundum hoc de Lacyde narrat, quod cum in Timonem uno haustu pocu-
lum siccare impare incidisset, ac illud secunda vice ori admovere cum vidisset,
Homericò hoc versu sic luderet:

Quam miseri nostris opponunt viribus arina.

Novæ Academiæ inventorem Lacydem faciunt Laërt. & Suid. sed Cic.
Clem. Alex. Sext. Empir. & alii rectius non hunc, sed Carneadem, quartum
ab Arcesilao, affirmant. Numenius apud Euseb. Præp. 14. 7. refert, Lacydem
Philosophicos libros, & de Natura scripsisse. Lacydi, ut dictum est, successit
discipulus ejus Evander; Evandro suus discipulus Hegesinus Pergamenus, quem
Vossius Hegesippum, & Clem. Alex. Hegesilaum vocat: Hegesino denique
Carneades Novæ Acad. institutor.

C A P U T VI.

De Academia Nova.

Nova hæc Academia à Media in hoc differt, quod Media quidem à rebus
verum tollebat; Nova vero aliquid verum esse, falsumve fatebatur; ted
negabat esse in nobis *æternum*, sive artem judicandi, verumque à falso diice-
nendi: nihil enim absolute verum esse, dicebat. Hinc Cic. qui Nova hæc

Ac-

Academia additus erat, ut videre est in Acad. Qu. 1. ait: *Veri esse aliquid non negamus, percipi nosse negamus.* Et idem alibi: *Non enim sumus ii, quibus nihil verum esse videatur; sed qui omnibus veris falsa quaedam adjuncta esse dicimus tanta similitudine, ut nulla infirmitate iudicandi, & discernendi nota.* Vide Cic. Acad. Qu. 4. Numen. apud Euseb. Præp. 14. Sext. Empir. adversus Mathematicos, atque alios. Hujus autem Academiae autor fuit

C A R N E A D E S

Cyrenæus, quartus, ut diximus, ab Arcesilao, Hegesino successit, Novamque condidit Academiam. Patrem habuit Epicomum, sive Philocomum. Tam violenta, & rapida fuit facundia præditus, ut quod semel ratione probaverat, contraria posset ratione suadere. Quod potissimum tunc ab eo factum, memorat Laërt. cum Romam legatus ab Atheniensibus missus una cum Critolao, & Diogene Philosophis, copiose de Justitia disputavit, audiente Galba, & Catone Censorio, maximis tunc oratoribus: quam suam de Justitia disputationem postmodum contraria disputatione subvertit, & Justitiam, quam pridie laudaverat, sustulit; quod ille facere solebat, ut alios quidlibet asserentes posset refutare. Quam disputationem contra Justitiam L. Furius apud Cic. narrat. Vide etiam Plutarchum in M. Catone Majore; ubi hæc de Carneade; dum legatus Romæ esset, & una cum Diogene conclusiones haberet: *Hor illico studiosissimi quique adolescentes adibant, frequentesque audiebant, & celebrabant.* Carneadis lepor præcipue, cuius magna vis, & ea vi non insertus erat nomen, cum insignes, & benignos auditores nactus esset, insulari urbem sonitu complavit, vulgatumque fuit, virum Græcum ad miraculum usque extimium omnia delinientem, & allicientem, mirum infudisse juventuti ardorem, per quem reliquarum voluptatum, & oblectamentorum oblitus, quasi sanitati raperentur ad Philosophiam. Cum ea res cæteris placeret Romanis, atque adolescentiam libenter viderent literis Græcis imbui, & excellentibus viris uti; Cato à primo, ubi influxit in Urbem Græcarum disciplinarum admiratio, stomachabatur, veritus, ne juvenus eo converteret studium, atque eloquentiæ gloriam rebus gerendis, atque disciplinæ militari anteferreret. Ut vero in Urbe nomen increvit horum Philosophorum &c. censuit, omnes Philosophos ab Urbe honesta specie ablegandos: atque &c.

Hic Physicam patrum curans, Ethicæ magis se devovit, cui tanta diligentia vacabat, ut comæ, unguiumque cura neglecta, squalorem utraque parte contraheret, ut ait Laërt. 4. 62. Imo tam fortiter quandoque mens suis cogitationibus inhærebat, ut manum, referente Val. Max. ad mensam, cui assidebat, apponere oblivisceretur. Adeo tamen hic summæ industriæ vir Philosophia valebat, ut oratores etiam, schollis dimissis, ad ipsum audiendum convenirent. Vox illi plane stertorea, unde momenti cuidam, *ne clamaret tantopere*, respondit: *Da vocis modum, orationem quo metiar.* Acriter invehabatur, atque in questionibus erat insuperabilis. Convivia ob studii assiduitatem vitabat.

Refert Gellius 17. 13. Carneadem contra Chrysippum disputaturum helioboro animum decessisse, ut ad inventionem valeret, & ne corrupti stomachi humores animi vim, atque constantiam extinguerent. Nihil molestem magis esse dicebat, quam quod inexpectatum eveniat: Morti proximus indignabundus dicere solebat: *Ea ne, quæ constituit natura, & compegit, eodem & dissolvat.* Unde sumto veneno, ultimum diem obiit an. ætatis 83. ex Laërt. 96. ex Cic. anno 4. Olymp. 162. ex Apollodoro insigne tunc Luna passa deliquitum, ut narrat Laërt.

De Carneade hæc Cic. Acad. Qu. 4. Reliquit Carneades hujusmodi visa (*σαυρατα*) quibus ad actionem excitemur : item ea, quæ in utramque partem interrogati respondere possumus, sequentes tantummodo, quod ita visum sit, dum sine assensu. Et Acad. Qu. 2. Duo placent esse Carneadi visorum genera ; in uno hanc divisionem : alia visa esse, quæ percipi possint, alia, quæ non possint : in altero autem alia visa esse probabilia, alia non probabilia &c. Epistolas ad Ariarathem Cappadociæ Regem scripsit.

CLITOMACHUS

C Arthaginensis, Diogeni filius, annos natus 40. Athenas venit, ubi Carneadem audiuit, cum quo usque ad senectutem, teste Cic. Acad. Qu. 4. fuit, cujus opera tantum in Philosophia profecit, ut ultra 40. volumina conscripserit, & Præceptorum in Academia successerit, ejusque scripta illustraverit. In suis scriptis non minus ingenii Clitomachus ostendit, quàm Carneades eloquentiæ, ut notat Cic. l. c. In tribus maxime Sectis versatus est, Academicorum, Peripateticorum, & Stoicorum. Hinc Cic. Acad. Qu. 4. eum acutum appellat ut Pœnum. Rhetoricæ insensibilissimus hostis, sicut de Critolao Peripatetico, & de Charmida refert Sext. Emp. adversus Rhetor. p. 68. ipsam summopere damnavat. Ex ejus libris sequentes tantum à Cic. Tusc. Qu. 3. & Acad. Qu. 4. superstites numerantur : Consolatio, quam ad cives suos sub Romanis armis, eversa Carthagine, captivos misit : Liber ad C. Lucilium Poëtam, & ad L. Censorinum de assensionis suspensione : & alios libros 4. de sustinendis assensionibus.

CAPUT VII.

De reliquiis Academiis, & Academicis.

PHILO.

QUI Clitoniacho successit Philo Laryssæus, suus per complures annos discipulus, & Ciceronis præceptor, Quartam condidit Academiam, ex Sexto Empirico. Philo, ut notat Cic. Acad. Qu. 1. 4. negavit, duas esse Academias, erroremque eorum, qui ita putarunt, redarguit. Philone vivente, Academiæ patrocinium non defuit, quem etiam Romani, teste Plut. in Vit. Cic. super omnes Clitomachi discipulos admirati sunt ob morum excellentiam, & sermonum suavitatem.

Hic Philosophum Medico similem esse dicebat ; res autem omnes esse incomprehensibiles : ipsas tamen in seipsis spectatas comprehendere, minime repugnare ; ut Sext. Emp. notat.

ANTIOCHUS

A Scalonita, L. Luculli, & Attici familiaris, Ciceronis vero, dum Athenis esset, etiam præceptor, Aristi frater, & Philonis discipulus, & successor fuit. Hic, teste Plut. in Vit. Cic. sive ex sensuum evidentia, sive ex ambitione, & æmulatione Clitomachorum, & Philoniorum, à Carneadis secta defecit. Hinc à Sext. Emp. Quintæ Academiæ autor dicitur. Sed quamvis Academicus appellaretur, erat tamen, ex Cic. Acad. Qu. 4. 43. si pauca mutasset, Stoicis germanissimus. Unde dictum à Sext. Emp. l. c. ipsum Stoicam Philosophiam in media

media Academia docuisse; Stoicas enim doctrinas à Platone traditas esse ostendebat. Senex jam factus ad Veterem Academiam rediit, antiquorum sententiam diligentissime profecutus, Aristotelis præcipue, & Xenocratis, ut ait Cic. l. c. & 3. de Fin. Idem Cic. de Nat. Deor. 1. 7. refert, Antiochum existimasse; Stoicos, & Peripateticos verbis tantum invicem discrepare, re autem consentire; quos spectare Ciceroni videtur liber ille, qui ad Balbum ab eo missus est. Alterum idem scripsit librum adversus præceptorem suum Philonem, qui *Sesur* inscribitur, ut narrat idem Cic. 4. Acad. Q. 4. & 4. 33. Ipsum plus novitatis, quam doctrinæ inveniisse, dicit, licet acutissimum, & politissimum suæ memoriæ Philosophorum pronunciet. Acque hæc de Academicis, qui Platoni in Academia successerunt. Nam qui post toties variatam Academiam Platonis dogmatis insistebant, non Academici, sed Platonici dici maluerunt. Tales è Latinis fuerunt Apulejus, & Chalcidius, Maximus Tyrius, & Syrianus Alexandrinus, & Philo Judæus. Nemo tamen Latinorum laudabilem magis Platonem operam dedit; quam Marcellus Ficinus. De Apulejo hæc habet August. de Civ. D. I. 8. c. 12. *In utraque lingua Apulejus Afer Platonis exitit nobilis.* Hujus extat liber de Dogmate Platonis. Chalcidius Commentarium scripsit in Timæum. August. l. c. etiam Plotinum, Jamblicum, & Porphyrium inter Platonicos recenset, dum ait: *Ex Platonis valde nobilitati Græci Plotinus, Jamblicus, & Porphyrius.* Verùm hi Ecclesiæ potius fuere, quam Platonici, sicut & Syrianus, & Proclus, de quibus in fine hujus libri, ubi de Ecclesiis.

Inter Platonicos numeranda etiam est HYPATIA, Theonis filia, Alexandrina, quæ sec. 5. Alexandriæ Platonichæ Philosophiam magna sui nominis fama, & auditorum concursu publice docuit, omnes sui temporis philosophos morum probitate, & Philosophiæ doctrina antecellens. Hujus se discipulum fateatur Synesius Episcopus, quam magni semper fecit, non secus ac reliqui fere omnes in Philosophiciæ scientiis eruditi. Solus Divus Cyrillus, Alexandriæ Episcopus ipsam odio habebat, sed hæc solum de causa, quod Platonichæ Philosophiam doceret, quam ipse summe oderat. Hinc cum hæc Hypatia in publica seditione an. Christi 415. necata esset, impius Suidas non est veritus dicere, ipsam Episcopi Synesi jussu peremptam fuisse. Vide Socratem Hist. Eccles. l. 7. c. 5. Vossium de Philos. atque alios.

CAPUT VIII.

De Philosophis Peripateticis.

HActenus de Academicis; veniendum nunc ad Peripateticos, qui etiam è Platonis Schola per Aristotelem originem habent. Hujus autem sectæ Philosophi Aristotelici ab Aristotele sectæ autore, & Peripatetici à Peripato, ubi ille docebat, dicti sunt. Videndum igitur primo nunc est, quis, ac qualis fuerit Magnus Peripateticorum Princeps.

ARISTOTELES

Natus Stagiræ, quæ Thraciæ oppidum dicitur ab Herodoto, Thucydide, Pausania, & Suida; Macedoniæ vero Urbs ab aliis, qui Barbari opprobrium ab Aristotele depellere conantur; aliis tandem ea dicitur ad Strymonem fluvium sita, Macedoniam, Thraciamque distinguens. Patrem habuit Nicomachum Medicum, Machaonis filium (cujus Medicam artem Homerus laudat)

Amyntæ

Amyntæ Macedonum Regis Medicum, & familiarem; matrem vero Phæstidem; sive Phæstiadem, quæ, non secus ac Nicomachus, ab Æsculapio originem ducebat, ut testatur Ammonius in Vit. Aristot. horum verum testimonio usus:

*Nicomacho gentius fuit hic Patre, Phæstide matre
(Ambo Æsclepiadæ) diuus Aristoteles.*

Natalis autem tempus ab Apollod. in Chronic. Dionys. Halicarn. & aliis traditur an. 1. Olymp. 99. anno scilicet post natum Platonem 44.

Post patris, matrisque obitum educatus fuit, teste Ammon. in Vit. ab Atarnensi quodam Proxeno, cui deinde ipse, ut grati animi testimonium daret, statuam posuit, quod ejus etiam uxori fecit; filiumque eorum Nicanorem omni disciplinarum genere erudit, in filium adoptavit, ac generum, & hæredem fecit.

Platonem 17. ætatis anno audivit, à quo potissima suæ doctrinæ dogmata mutuatus est, sub cujus disciplina ad præceptoris obitum usque fuit, annis scilicet 20. Platoni ob ingenii acumen, & in studiis diligentiam carissimus, & commendatissimus fuit: quare ipsum, referente Philopono, *Nō vix de fide, Menæsem Scholæ appellabat*; eoque absente dicere solebat: *Intellectus absesse, surdum est auditorium*; sive, ut Rhodiginus habet: *Philosophum veritatis absesse*. Alii vero contra cum Ælian. 3. 19. asserunt, Platonem inter & Aristotelem magnam fuisse animorum disensionem, eo quod Plato Aristotelem corripere, splendidam vestem, annuloque gestantem; calcis præciosi, tonsaque comam utentem, & quod acris, ac pertinax in contradicendo esset. Unde factum dicunt, ut cum Plato ob eam causam Speusippum, Xenocratem, aliosque discipulos Aristoteli in Scholæ successione præferret, hic Platoni adversam in Lyceo scholam traxerit. Quare Plato dicere solebat: *Aristoteles in nos haud secus ac in matres equorum pulli, recalcitrat*; hinc Aristotelem plerumque pullum appellabat.

Verum Ammonius in Vita affirmat; Aristotelem non Platoni, sed Platonis scripta male interpretantibus, & pervertentibus contradixisse; nam & idem Plato præceptoris sui Socratis vestigiis non in omnibus inhærebat, dicens: *Amicus Socrates, sed magis amica veritas*; & alibi idem Plato: *Non æque Socratis attendenda sunt dicta, quàm veritati studendum*. Imo etiam Platonem erexit, ut ait cit. Ammonius eum hac inscriptione:

*Gratus Aristoteles fuit hoc altare Platoni,
Quem turbæ injuste vel celebrare nefas.*

Ad Philippum Macedonum Regem, ut Alexandrum filium in liberalibus disciplinis erudiret, invitatum in Macedoniam se contulit an. 4. Olymp. 108. ut testatur Apollod. & Dionys. Halicarnas. quo tempore Alexander 15. annum agebat; ibique in ejus institutione moratus est annos octo. Quo tempore magna apud Philippum, uxoremque Olympiada, & Alexandrum auctoritate, & familiaritate fuit; itaut non solum ipsi statuam ei erexerint, Stagiriam restauraverint; sed æqualem fere in regno administrando partem ipsi Philippus tribuerit. Imo in epistola ab eodem illi scripta, referente Gellio, cum ad filium instituendum invitabat, hæc verba notantur: *Diis itaque gratias ago, non tam quod natus ille sit mihi, quàm quod tua sit natus ætate*. Plutarchus ait, Aristotelem præter Philosophiam, aliasque liberales artes, etiam Medicinam Alexandrum docuisse, & Homerici Iliadem, quàm optimam ad virtutem militarem institutionem appellabat, à se correctam ipsi tradidisse, qui deinde illam maximo semper in precio habuit. Plutarchi verba in Alexandro sunt: *Ego quidem arbitror, Medicinæ quoque studio imbutum ab Aristotele Alexandrum. Namque non tantum*

tantum commentatione ejus delectabatur, verum multis etiam amicis succurvis in morbis, præscripsitque certa remedia, & rationem videns. Quod ex epistolis ejus discas. Librum etiam ad Alexandrum scripsit, quo cum in imperandi arte institueret; ejus Lært. & Ammonius meminere. Hinc est, quod Alexander ab Aristotele in omnibus tam bene eruditus ipsum æque ac patrem diligebat, dicens; A patre, ut viveres, ab Aristotele verò, ut bene viveres, se habere.

Ubi vero Alexandro instituendo per annos octo satis sibi visus est navasse operam, Athenas rediit, ubi Academiam à Xenocrate occupatam videns, Lyceum sibi an. 2. Olymp. 111. in Scholam elegit, ibique quotidie deambulans usque ad horam, qua ungi Græci solebant, quod ante cœnam fieri mos erat, Philosophiam docebat; hinc à Deambulando, quod Græcis est *Περὶπατῆριον*, Peripateticus dictus est. Lyceum hoc, quod secundum fuit Athenarum Gymnasium, alii cum Luciano sic dictum tradunt, quod Apollini Lycio sacrum fuisset, à Pisistrato inchoatum, & postea à Pericle extructum ad novorum milites in bellicis artibus instruendos: alii cum Pausania contendunt, Lyceum à Lyco Pandionis filio nomen habuisse, & Apollinis Templum & olim, & nunc creditum fuisse. In hoc Gymnasio suas discipulis commentationes tradebat, quas in duas species distribuit, *Ἐξωτερικὰ* scilicet, & *Ἀκροαματικά*; quarum has maturius horis selesos tantum discipulos docebat, hoc est eos, qui ipsas audire, & intelligere apti erant, ab *ἀκροαταῖς* enim *αὐδῶ* nomen habent; vespere verò Exotericas, sive Exteriores, & Triviales juvenibus sine delectu præbebat. In Acroamatice remotior, subtiliorque Philosophia, & Dialecticæ questiones tractabantur; in Exotericis vero Rhetorica, argutiarum facultas, & civilium rerum notitia tradebantur.

Sed ad tanti Viri doctrinam, quam ingens Philosophorum turba, nostro hoc ævo potissimum, vel clausis oculis amplexata est, recensendam accedamus. Aristoteles omnem Philosophiam in *Ἱστορικὰ*, seu in eam, quæ circa actus versatur, & in *Θεωρητικά*, seu in eam, quæ in intelligentia, & speculatione consistit, dividit. Practicam Ethicam, seu Moralem, & Politicam, & Economicam continet; Theoreticam vero, seu Speculativam Physicam, & Metaphysicam. Logica enim per Aristotelem non Philosophiæ pars est, sed Ars, quæ mentem dirigit ad veritates, quæ in Philosophia manifestantur, inquirendas. Veritatis *ἑρμηνεία*, Judicium in iis quidem actionibus, quæ secundum imaginationem sunt, Sensum definitivum; Moraliū vero, & quæ ad simplicem cognitionem pertinent, Mentem.

Et primo quod ad Logicam, nulli dubium est, quin Aristoteles hanc præ omnibus excoluerit, imò & ad summum perfectionis gradum, in quo etiam nunc est, perduxerit, & omnes Logicas Methodos, ut Philoponus ait, invenerit. At doctissimus Jo: Lud. Viv. de Discipl. l. 3. p. 171. de Logica differens ait: *Sed indubite Aristoteles eam in artis faciem reduxit, ut & Rhetoricam. Ceterum, quod liceat cum bona venia dicere, præterquamquod more suo obscure, & prolixè, etiam parum apte ad usum vel invenendi argumenta, vel judicandi argumentationes. Nemo est enim, qui quantumlibet diligenter lecta, & excussa universa Aristotelis Logica, sentiat, se instrumentum habere, quo in aliqua ad disserendum materia argumenta in promptu excogitet.* Ejus *ἑρμηνείας*, seu Prædicamenta, quæ Quintilianus transfert Elementa, Capella Prædicationes, quas à Pythagoreis nonnulli inventas contendunt, quia vulgarissimas, cunctisque notas, recensere, sciens prætermitto. Tandem hoc est de Aristotelis Logica Nosterici cujusdam in Arte Cogitandi judicium; quod præcipuum vitium, quod in hac invenitur, sit, non quod falsa, sed quod nimis vera ea sit, ut quæ nos ea doceat, quæ impossibile est, ut quis ignoret.

Quod

Quod ad **PHYSICAM** spectat, notandum, Aristotelem, antequam sua statuat **Physica Principia**, omnia antiquorum evertere. Sed an validis id faciat rationibus, alii plures examinarunt. Ejus tantum præcipuas hac in re sententias ut proponam; sciendum, cum rerum naturalium Principia tria statuisse, **Materia** scilicet, **Formam**, & **Privationem**. Nemo tamen est, si verum fateri velimus, qui **Materiam**, & **Formam** rerum materialium Principia non agnovit: vera namque, sed nimis generalia rerum Principia hæc sunt; quibus scilicet si solis mens utatur, naturæ phænomenon rationem reddere nequeat. Hoc enim in Aristotelis **Physica** vitium est, quod res materiales metaphysico potius, quàm physico modo pertractentur, **Tertium** rerum Principium, ut dictum est, **Privationem** Aristoteles posuit, quod unum eorum est, quæ ipse detexisse gloriatur, omnes antiquos Philosophos insultans, quod hoc tam celebre rerum Principium ignoraverint. Sed nemo est, qui non videat, quàm facile sit cognoscere, nullum antiquorum hoc Aristotelis arcanum ignorare potuisse; sed quia omnium maxime ad naturæ Phænomena explicanda inutile est, pro rerum materialium principio non agnovisse: Equis enim ignorat, unamquamque rem, antequam talis fiat, talem non esse; hoc est, habere privationem ejus, quod fit? Atque hæc de Principiis rerum materialium; veniamus nunc ad ea, quæ de **Elementis** dicit.

Elementa, ex Aristotelis sententia, sunt corpora simplicissima, ex quibus omnia sunt, & in quæ omnia resolvuntur. Sed nemo est, qui non videat, quod per hanc definitionem, tantum abest, ut claram, & distinctam ideam de his simplicissimis corporibus, **Elementis** scilicet, ad cæterorum corporum, quæ ex ipsis componuntur, detegendam naturam, habeamus; ut consusam potius, & obscuram. Quatuor enim ex Aristotele sunt Elementa, **Aër** scilicet, **Ignis**, **Aqua**, & **Terra**. Hæc autem & Elementa, & nonnisi quatuor esse sic probat. Omnia corpora simplicia oportet moveri motu simplici; atque hanc propositionem, (quæ obscurissima; & falsissima est) tanquam Axioma probatione non indigere, putat. Quæ enim, quæso, connexio est inter corporum simplicitatem, & ad simplicem motum potentiam? Sic tamen argumentando sequitur: Duo tantum sunt simplices motus, alter quidem deorsum, sive à circumferentia ad centrum, alter vero sursum, sive à centro ad circumferentiam. Sed hi duo motus Terræ, & Igni tantum conveniunt, quorum Terra simpliciter, & absolute gravis; Ignis simpliciter, & absolute levis est. Igitur Terra, & Ignis Elementa sunt. Denique quia gravitas, & levitas corpori vel simpliciter, seu in totum convenit, vel secundum quid, seu in partem; concludit esse alia duo Elementa, seu simplicia corpora, quorum unum in parte leve, alterum in parte grave sit, hoc est, **Aër**, & **Aqua**. Qui verò nihil ex se grave, vel leve esse ex regulis motus didicit, ex illa præcipue: *Omne, quod movetur, ab alio movetur*, facile illi respondeat:

Quatuor deinde his quatuor Elementis tribuit qualitates, **Calorem**, **Frigiditatem**, **Humiditatem**, & **Siccitatem**; atque Ignem Calidum, & Siccum, Aërem Calidum, & Humidum, Aquam Frigidam, & Humidam, Terram denique Frigidam, & Siccam dixit. Harum qualitatum definitiones, & cætera apud ipsum videre est. Argumenta, quibus omnes hæc Aristotelis propositiones falsas esse quidam demonstrare contendunt, legere est apud ejus Criticos, qui fufius de his egerunt.

Credidit ipse, Mundum esse ingenitum, & natura sua æternum, incorruptibile, & immutabilem, & Cælos ex materia corruptioni non subiecta, vel mutationi, compositos putavit. Sphæram quoque Ignis Elementaris supra Lunam nulli innixus rationi locavit. Stellas solido, diaphanoque Cælo, quod

Cryſtallinum inde dixit, fixas eſſe, docuit. Sed hæc ſoliditas, quam Ariſtoteles Cælo tribuit, vel ex hoc falſa eſt, quod Cometæ modò appareant, modò ſupra Planetas poſiti evaneſcant. In Phyſica etiam agit de Meteoris, quæ corpora *imperſecte miſſa* vocat, & juxta naturæ legem, modò tamen minus conſtante, & ordinato producta. Meteororum materiam Elementa in genere ſunt; cauſa vero efficiens cœleſtia corpora, quæ in his agunt. Et de Phyſica ſatis.

Quam Ariſtotelis Sectatores, & Interpretes METAPHYSICAM, ipſe vero multis in locis PRIMAM PHILOSOPHIAM, SAPIENTIAM, & THEOLOGIAM dixit; de Ente in genere agere, ac de ipſo tanquam unico hujus Philoſophiæ partis objecto quatuordecim libros conficere, omnes norunt. Ens in decem *Kategorías*, ſeu Prædicamenta diviſit, quarum prima Subſtantiam, reliquæ novem Subſtantiæ Modos, ſeu Accidentia conſiderant. Mirum certe quàm abſtracte, & confuſe de his loquitur in Metaphyſicis; unde tot, ac tanta de Materia Prima, & Forma ſubſtantiali ad ipſius mentem explicandam verba facere ejus ſectatores conati ſunt: quæ tamen ipſi prædicant Axiomata à Recentiorum plurimis reſelluntur. In hac igitur Philoſophiæ parte omnes Entis differentias, & attributa explicat, ut Ens Actuale, & Poſſibile; Entis Actum, & Potentiam. Inde de tribus Entis attributis Unitate, Bonitate, & Veritate loquitur. In ſeptimo Metaphyſicorum libro de Primo Ente agit, quòd omnium Primam Cauſam, demonſtrat. Quæ tandem de Anima dixit, adeo obſcura ſunt, ut ejus ſectatores circa Animæ immortalitatem in varias ſententias abire conſecti ſint; ex ejus enim verbis mortalitas ne, an immortalis ſit, liquido non conſtat. De Deo autem ſic bene ſentit: Deus eſt *Ens æternum, vivum, entium nobiliſſimum, ſubſtantia immobilis, à rebus ſenſibilibus penitus diverſa, quantitatis corporeæ, partiumque experte, quodque dividi nulla ratione poſſit*. Iſem Alex. in Adm. ad G. ait, Ariſtotelem dixiſſe, Deum eſſe Mundi Animam, ipſumque Mundum Deum eſſe; cujus tamen Providentia ultra Lunam non ſe extendat. Atque hæc ex Ariſtotelis Metaphyſicis potiora.

ETHICA, POLITICA, & ŒCONOMICA, quæ, ut ſupra dictum eſt, Præſtantiſſimam Philoſophiæ partem conſtituunt, laudabiliora Ariſtotelis opera ſunt, & ab omnibus ſere commendata; quorum doctrinam à Præceptore Platone hauſerat. Ethicorum libros decem, Nicomachia dictos, ſive quod ipſos ad Nicomachum filium Ariſtoteles ſcripſerit, ſive quòd à Nicomacho ipſo ſcripti ſint, ut Suidæ, & Ciceronis; de Fin. ſententia eſt; duos Magnorum Moralium; unum tandem de Virtutibus, Ariſtoteles reliquit: in quibus Bonæ omnia in Honèſta, Utilia, & Jucunda dividens, atque iterum in Bonæ Animæ, Corporis, & Externa; docet quæ bona ſint appetenda, quid ſit Beatiſſitudo, quæ Virtutes exercendæ, &c. Virtutibus, morumque doctrina explicatis, ad Œconomica pergit, aſſerens, primam Rempublicam, ac ſocietatis initium familiam eſſe. Hæc enim parva quædam civitas videtur, cùm ex Familia Familiæ, ex Familiis vicinæ, ex viciniis Civitas componatur. Imò ne dum Civitati, & Reipublicæ ortus ſemina familiam tribuere, aſſerit, verum etiam regni quoddam ſpecimen, optimates, & populum in ipſa cerni, parentes ſcilicet, liberos, & ſervos. Tandem à re familiari ad Rempublicam tranſiens, docet in Politicis qui ſint Clives, quæ Civitates, quibus virtutibus Politicos viros ornatos eſſe deceat; quæ ſit optima Reſpublica, quæ peſſima: quæ Democratia, quæ Oligarchia, quæ verò Ariſtocratia ſit; has autem omnes Reſpublicas vel vi, vel dolo omnes interire. Denique Magiſtratus, & omnes populi ordines pro Reipublicæ conditione creati, demonſtrat.

De Ariſtotelis Ethica hoc apud omnes in conſeſſo judicium eſt, hoc opus omnium

omnium esse perfectissimum, & à Platonis Ethicæ quod ad principia non differre. Differentia sola hæc est, quod Aristotelis quidem Ethica intra huius tantum vitæ limites versatur, & homini nonnisi civilis vitæ bonum, & felicitatem proponit; secus verò illa Platonis, quæ ultra præsentis vitæ terminos adspiciens, etiam ad futuram vitam mores componit. In prima suæ Ethicæ parte ostendit Aristoteles, in quo virtus privata consistat: in secunda Virtutem Civilem constituit; ubi de Iustitia in genere, ejusque speciebus; de jure naturali, ac gentium; ac potissimum de Prudentia, quam virtutum omnium potissimam considerat, verba facit. Solam virtutem hominem felicem reddere haud posse, ipse putat, nisi, quæ corporis sunt, & quæ extrinsecus adveniunt, bona simul habeat. Reliqua apud ipsum videre est, in quibus omnibus Civilis, & Privatæ vitæ specimen exhibetur. Hinc Cic. 5. de Fin. ait: *Omniū fere Civitatum non Græciæ solum, sed etiam barbariæ ab Aristotele mores, instituta, disciplinas, à Theophrasto leges etiam agnoscimus.*

Præclaras ejus quamplurimas ex Laërtio, aliisque Ethicæ habemus sententias, quarum præcipuas hic subnectere liceat. Interrogatus quid mendaces lucrarentur? respondit: *Ut cum vera dixerint, non credatur eis.* Cum ei probro daretur, quod flagitiosum hominem commiserans, ei opem tulisset, inquit: *Non mores miseratus sum, sed hominem.* Discipulis dicere consueverat: *Adspicere quidem à circumfuso aëre lumen accipere, animum verò à disciplinis liberalibus. Studiorum liberalium amaras radices, fructus autem dulces esse, asserbat.* *Tristis, dicebat, pueris esse necessaria, Ingenium, Exercitationem, Disciplinam.* Audiens à quodam sibi maledici, respondit: *Ille absentem etiam verberet. Doctos ab indoctis differre, inquit, quod viventes à mortuis. Eruditionem, dicebat, in prosperis esse ornamentum, in adversis refugium.* Parentes, qui liberos bene erudiendos curassent, longe nobiliores esse iis, qui solum genuissent: *Hos enim tantum vivendi, illos autem etiam bene, beatæque vivendi autores esse.* *Veros amicos esse, inquit, animam in pluribus corporibus habitantem.* *Ex Philosophia id lucratus sum, dicebat, ut injussus ea faciam, quæ alii per legum metum faciunt.* Rogatus, quales nos erga amicos esse debeamus; *Quales eos, inquit, erga nos esse optamus.* Refert Phavorinus, eum crebro dicere solitum: *O Amici, Amicus nemo. Virtutem optimum ad senectutem vitaticum, dixit, vitæque finem ex virtute vivere.* Plura vide apud Laërt. aliosque.

Mathematicos etiam scripsit libros, & Philologicos, ex quibus laudabiles certe sunt Rhetoricæ, & Poeticæ Institutiones. Scripsit etiam Problematum, Mirabilium, & adversus Philosophos libros, quorum Elenchum omnium, præter Epistolas, Laërtius habet, usque ad 400. numerans, sive, ut aliis placeat, 513. Qui omnes ad nos pervenerunt, multis jam perditis, & ex iis, quæ exstant, multi vel corrupti, vel exesi habentur. Deperditos, & superfluites, Aristotelis libros, & eorum Interpretes, atque Commentatores ultra quinquaginta numeratos, ex instituto recenset Patritius Discussion. Peripat. 2. 1. 1. 10. 11. atque alii.

His de Aristotelis doctrinæ, scriptisque notatis, redeamus ad solius vitam, ac de ejus ad Athenis in Chalcida discessu, morte, uxore, liberis, & testamento aliqua subnectamus. Tredecim annis Aristoteles Philosophiam Athenis docuit, ubi maxima semper, Alexandro vivente, auctoritate fuit, tantum illi insensus esse auderet. Alexandro tamen vix mortuo, multi ob magnam ipsius eruditionem ex invidia ei insensi in ejus vitam inimico animo conspirabant. Qua re ab eo cognita, Athenis clam relicta, in Chalcida secessit, impletatem causantibus inimicis; ibique vitæ reliquum consumsit, amicis red-

ditus, quibus fugæ causam exquirentibus respondit, se hoc fecisse, *Ne Athenienses bis peccarent in Philosophum*, Socratis mortem, suumque vitæ periculum innuens. Hic Aristotelis ex urbe Athenarum discessus ad 2. Olymp. 114. à Dionys. Halicarnassæus refertur. In Chalcide igitur annos natus fere 62. ægro, affectoque corpore vivens, à Sæctatoribus ad eum visendum venientibus rogatus, ut Scholæ successorem sibi deligeret, Theophrastum delegit, brevique dein tempore è vivis sublatus est anno 3. Olymp. 114. ætatis vero 63. sive ex infirmitate stomachi, nimio studio, vigiliisque fere perennibus contracta, sicut Laërtius, Apollodorus, Dionysius Halicarnassæus, & Censorinus affirmant; sive quod aconitum biberit, ad id damnatus ab Atheniensibus, ut Socrates, vel ut eorum effugeret judicium, ut Strabo, Hesychiuss illustris, & Suidas referunt. Vulgaris fabula est (ipsam tamen amplectuntur, mortisque causam volunt Iustin. Mart. Parænet. p. 34. Greg. Nazianz. Stelieut. v. p. 228. Cæl. Rhodig. Ant. lect. 19. 8. & Erymologus Græcus v. E^urip. atque alii) propositam ei fuisse quæstionem de Euripi (qui ex Strabone l. 1. p. 55. & 4. p. 403. pelagi in terram recedentis portio est) fluxu, & refluxu; quam cum solvere non posset, præ dolore, & pudore mortuus sit; sive, ut alii malunt, quod in littore confidens, & fluxum, refluxumque illum capere nequiens, sese in Euripum præcipitem dederit dicens: *Quoniam Euripum Aristoteles capere non potuit, Aristotelem Euripus jam capiat*. Stagiritani Aristotelis cadaver inde Stagiram traduxere, & altare in sepulcro construxerunt, Aristotelem exinde locum illum appellantes.

Prima Aristotelis Uxor Pythais, secunda Herpylis, quæ ei superstes fuit. Ex hac filium Nicomachum suscepit, & filiam Pythaida. Aristotelis discipuli, & familiares pene innumeri, & fama illustres, de quibuslibrum integrum Nicænor Alexandrinus confecit. Obsecratores item habuit non paucos. Testamentum vide apud Laërt. 3. 11. atque alios in ejus vita. Sed antequam ad alios transeam, quid de tanto viro celebriores viri senserint; liceat hic pro Coronide adnotare.

Et primo qualis Aristotelis doctrinæ fortuna fuerit, paucis hic referam. Aristotelis scripta Theophrastus ab ipso Præceptore accepit; quæ moriens Theophrastus Neleo amico, & discipulo suo tradidit. Hujus hæredes, ne à Pergami Rege, undique tunc libros ad Bibliothecam efformandam colligente, raperentur, scripta in crypta quadam absconderunt. Inde extracta, quod ad magnam tamen partem corrupta, Apelliconi, diviti Atheniensis vendita sunt; à quo Sylla Romam abduxit. Deinde ad Tyrannionem Grammaticum pervenerunt; à cujus hæredibus Andronicus Rhodius Philosophus, tempore Cic. vivens, scripta emit, quæ, ut potuit, instauravit, & Romæ publicè juris fecit. Sæctatores Aristoteles omni fere ævo quàmplurimos habuit. Primus Peripateticam Philosophiam, Romæ ab Imperatoribus Marco Aurelio, & Lucio Vero fundatam, professus est Alexander Aphrodisiensis, de quo infra. Primi Catholicæ Ecclesiæ Doctores Aristotelis doctrinam damnarunt. Pro ipsa deinde fuerunt Anatolius, Laodicensis Episcopus, Didymus Alexandrinus, Divi Hieronymus, & Augustinus, atque alii Boëthius Andronicus discipulus, genere Sidonius, primus in Occidente Aristotelem latine reddidit, & notum fecit seculo VI. Sed usque ad finem VIII. solus Peripateticus recensetur Divus Johannes Damascenus Undecimo tamen seculo Aristotelis doctrina per Græcos floruit, quæ jam in Africa inclinarat per Alfabarium, Algazelum, Avicennam, Abenroem, atque alios, qui in Hispaniam, ipsorum ditlonis factam, Aristotelis opera cum suis Commentariis adduxerunt; atque inde Hispani in Galliam. Primum quidem Lutetiæ Parisiorum Universitas ipsam excepit. Paulo tamen post Ama-

et particulares quasdam opiniones ex Aristotelis principiis propugnans, hæreticus declaratus, & damnatus est à Concilio in eadem Urbe habito an. 1210. Aristotelis libri cremati; ejusque doctrina sub anathematis poena prohibita. Gregorius IX. ejus Physicam damnavit; ac duo Parisienses Doctores, quod Aristotelici essent, hæreses accusati sunt. Deinde Alexander de Ales, Albertus Magnus, & Divus Thomas Aquinas, Aristotelis doctrinam instaurarunt, Nicolai V. studio, ut ajunt, nova ejus operum translatione, & editione facta, an. 1447. prius enim semper Arabum textus in Scholis legebatur, unde tot barbaræ voces promanarunt. Seculo autem 14. ingens orta est contentio inter Nominales, & Reales, Thomistas, & Scotistas, itaut Scdis his addidit quamplurima ederent contentionum volumina, quæ Patricius ad duodecimmillia numerat. Varia deinde sub aliis Pontificibus Aristotelis doctrinæ fortuna fuit, præcipue in dicta Parisiensi Universitate, ubi tandem ex Supremi ejusdem Urbis Magistratus sanctione an. 1624. & 1629. facta, jam exponitur, sicut & in omnibus fere Europæ civitatibus. Vide Joh. de Launo de Aristotelis Fortuna Tractatum, Patricii Discussiones Peripateticas, & P. Rapin Comparationem Platonis, & Aristotelis.

Aristotelem Græci Interpretes ob verborum nimiam, obscuritatem *Σφινγ* *Sphingem* nominarunt. Decreta sua aliter domi tradidit, aliter foras edidit: hinc Alexandro Magno, ipsum acriter increpanti, quod eas discipulis, quibus ipse reliquis antequam cupiebat, divulgasset, respondit, se quidem edidisse, *Ἀποκαύτω*, sed iis solum, qui ipsa à se audierint, cognoscibilia esse; argue, ita edita, ac si edita non essent, ut refert Plutarchus in Alexandro, & Gellius 1.20. c.1. Unde & Themistius ait; *Furoris simile esse, si quis speret, se ex Aristotelis scriptis sententiam ejus penitus assequaturum*. Prima Aristotelis laus est, quod non unus sit Philosophia Mythica, seu Fabulosa, ut veteres Poetæ: non Symbolica, ut Pythagoras, & sæpe etiam Plato; sed aperta, ut quæ proprietate gaudeat verborum, ut Simplicius adnotavit. Altera, quod clariori methodo, quam ceteri, utatur, ut qui accuratius definiat, ac dividat, meliorique omnia ordine pertractet. Luculentam ei laudem plures laudati viri contulerunt. Cic. lib.1. Tusc. Aristotelem virum summo ingenio, scientiæ copia, ac diligentia (Platone excepto) omnibus præstantem appellavit. Et 3. de Fin. eum (Platonem semper excipiens) Philosophorum Principem dixit. Et idem ibidem ait; sicut & Plinius, eum summum in omni scientia virum esse. Quintilianus 1.10. de Aristotele hæc ait: *Quid Aristotelem? Quem dubito scientia verborum, an scriptorum copia, an eloquendi suavitatem, an inventionum acumine, an varietate operum, clariorem putem*. Macrobius quoque non veritus est dicere, nihil tantum virum ignorare potuisse. Et Divus Hieron. ipsum vocat *Finem humani intellectus*. Vide & alia ejus elogia apud Plin. Ælian. Lactant. Augustin. Joh. Lud. Viv. & alios. Tandem ex Aristotelis Interpretibus maxime omnium legendus est Alexander Aphrodisiensis, qui antiquissimus ipsius interpres fuit, quo non alius Aristotelem vel melius intellexit, vel studiosius defendit; vixit enim temporibus Severi Imperatoris, & filii ejus Antonini, quique Aristotelis sententiam maxime sequitur, optimeque defendit, unde non immerito inter Græcos *Ἐρμηνεύς*, Interpretes, ut inter Arabas *Abenroës*, Commentator dictus est; homo tamen, ut ait Lud. Viv. de Discipl. 1.5. p. 296. qui in Aristotele enarrando nihil minus explicat, quam eum ipsum, quem suscepit declarandum. Vide cit. Viv. ibi, & seq. ubi de hujus Commentatoris manifestissima incertitia plura habet. Celebres inter ejus Commentatores fuerunt etiam Themistius, Simplicius, Proclus, Olympiodorus, Ammonius, & Philoponus. Sed his de Aristotele adnotatis, ad ejus successorem gradum facio.

THEO.

Aristotelis successor, Ereſius dictus ab Ereſſo maritima Leſbi urbe, in qua natus eſt ex patre Melanta, ut ex Apollodoro, vel Leone, ut ex aliis, vitæ genere ſullone. Hic primùm in patria Leucippum civem ſuum audivit, inde Platonem, poſtremo Ariſtotelem; à quo, eum prius Tyrannus vocaretur, ob divinam ſacundiam Theophràſti nomen accepit, qua condiscipulos omnes, teſte Cic. Plin. Laërt. & Strabone anteivit. Fuit hic vir ſummæ prudentiæ, ſtudique ſingularis, beneſicus, & maxime affabilis, unde Athenienſibus cariffimus fuit, itaut ab Agnonide impietatis accuſatus, parum abuſerit, quin in actorem ipſum cauſa retorqueretur; imo & ejus funus univerſus Athenienſium populus pedibus eſt ſecutus. Patriam à tyrannide oppreſſam bis liberavit. Cic. l. 5. de Fin. quæ Theophràſtus de ſtirpium natura, omniumque fere rerum, quæ è terra gignerentur, cauſis, atque rationibus, ejus quoque librum de Beata Vita, & quæ de legibus tradidit, commendat; ubi, & alibi quoque ipſius elogia habet. Ad ipſum audiendum diſcipuli etiam doctiſſimi ad duo millia, accurrebant. Omnino igitur hic Præceptor ſuo jungendus partim ob ea, de quibus Ariſtoteles non ſcripſit, partim ob ea, de quibus Theophràſtus melius ſcripſit; in nonnullis enim ab Ariſtotele diſſenſit. Quamplurima conſcripſit opera, quorum meminjt Laërt. in ejus Vita. Deum alibi quidem Cælum, alibi vero Spiritum eſſe exiſtimat, referente Clem. Alex. in Protept. Senſum autem fidei initium ſtatuit. Inter ejus Apophtheſmata hæc præcipua. Juveni in conviſſo tacenti ait: *ſi quidem indoctus es, prudenter facis, ſi doctus, imprudenter.* Demofthenem, dixit, dignum eſſe Athenienſium Civitate; Demadem vero majorem, quàm ut illa caperet civitas. *Verece te ipſum, & non erubeſcas apud alium.* Adoleſcentulo erubeſcenti dixit: *Bono eſto animo, virtutis enim iſte eſt color.* Amorem, ait, eſſe animæ affectum ocioſæ. *Mulierem pulcre ornatam neque videre alios, nec ab alijs videri debere;* utrumque enim ad res inhoneſtas eſſe incitamento. Dicere ſolebat: *Nos, cum vivere incipimus, mori.* Reliqua vide apud Laërt. Plut. Scph. atque alios. Obiit tandem ſenex ætatis anno 85. exhaustis, ut Suidas ait, ſcribendi aſſidue ſpiritibus. Celebriores ejus diſcipuli fuere Demetrius Phalereus, Nicomachus Ariſtotelis filius ipſi cariffimus, Eraſiſtratus Medicus, Menander Comicus, &

S T R A T O

Lampſacenus Arceſilai, ſive Arceſii filius Theophràſto præceptor ſuo in Scholæ regimine, ſucceſſit, vir eloquentiſſimus, maximæ dignitatis, & Ptolemæi Philadalphii præceptor. Phyſicus iccirco appellatus, quod Phyſicam Philoſophiæ partem præ cæteris diligentiffime coluit, in qua multa innovavit, non à Platone tantum, ſed etiam à Præceptore ſuo diſſentiens. Hinc Cic. 1. Acad. Qu. Nam Strato, quamquam fuit acuti ingenio, tamen ab ea diſciplinâ omnino ſeſcendens eſt: qui cum maxime neceſſariam partem Philoſophiæ, quæ poſita eſt in virtute, & moribus, reliquiſſet, totumque ſe ad investigationem naturæ contuliſſet; in ea ipſa plurimum diſcedit à ſuis: Idem Cic. de Nat. D. 1. 13. ait, Stratonem, omnem vim divinam in natura ſitam eſſe, puriſſimæ Scholæ præſuit anno 3. Olymp. 123. ut Apollod. in Chron. reſert, quam rexit an. 8. Vid. Suid. in Straz. & Laërt. qui cuncta ejus opera enumerat. Stratoni ſucceſſit

L Y C O N

TRoadensis ejus discipulus, Astyanactis filius, vir eloquens, educandis, instituendisque pueris, ut *Laërt. refert*, maxime idoneus; aiebat enim: *Ut equos calcare aque ac frano, ita pueros quoque pudore, & laude regendos.* Clem. Alex. Strom. 2. p. 416. refert, Lyconem dixisse, verum hominis finem esse animæ lætitudinem. Eo enim in loco pro *Αἴνας Αἴνας* legendum est. Hic à nonnullis ob summam in dicendo suavitatem, literam & nomini suo addentibus, Glycon est appellatus, referente Plutarcho. Omnia corporis exercitia libentissime obibat, pila ludens, & athlerico certamine, in quo corporis agilitate pollebat, palæstricum oleum, se exercens. Consilio in rebus dubilis sæpe Atheniensibus profuit. Corporis cultu mundissimus fuit, togæ usus ad excessum usque, ut Hermippus ait, delicata, & pretiosa. Vid. etiam Athen. l. 12. p. 546. qui multa habet de ejus luxu. Podagra affectus obiit annos natus 74. Scholæ præfuit an. 42. ipsi à Strazone ex testamento præfectus Olymp. 127. Ejus successor fuit

A R I S T O

CHius, sive Cejus, ex insula enim Ceo fuit, quæ celebris est ea lege, quæ 60. annis majores vita exire coguntur, ut reliquis victus sufficiat. Cic. hunc concinnum vocat, & elegantem. Scripsit de Nitro tractatum, à Serabone allegatum (nisi hoc opus Aristonis Alexandrini sit junioris Peripatetici, quod patria, & descriptionis argumentum verosimile reddunt) atque allos, quos refert Laërtius. Hujus successor.

C R I T O L A U S

EX Phaselide, Lyciæ urbe clarissima, si Plutarcho credimus, ortus est, qui præceptoris suo Aristoni in Schola successit. Atheniensium nomine una cum Carneade, & Diogene, ut supra quoque dictum, Rômæ legationem obiit anno 2. Olymp. 140. seu U. C. 534. Scripsit contra Rhetores, quos οἰκονομολογοί, quod scilicet nominibus, sive vocibus tantum contenderent; eorumque minus non artem, sed malum artificium appellans, ut habemus ex Sext. Emp. advers. Mathem. l. 2. & Clem. Alex. Strom. 2. Summum bonum dixit esse perfectionem vitæ recte fluentis (perfectionem à majoribus traditam intelligens; Clem. enim Alexandr. l. cit. προσημασία τελευτήν habet) secundum naturam. Animi bona supra bona corporis, & externa maximi æstimanda asserbat. De Mundi æternitate quid senserit, legendus Philo l. de Mundi Incorruptibilitate. Tandem Peripateticorum ultimus.

D I O D O R U S

CRitolai discipulus, & successor, ut ait Clem. Alex. 4. Str. ubi hominis finem statuisse ipse dicitur, citra ullam molestiam, & honeste vivere. Hujus mentio est apud Cic. Quandiu vixerit, & docuerit, quisque ejus fuerit successor, incertum est; in hoc enim Peripateticorum successio dicitur terminasse.

CAPUT IX.

De Philosophis Cynicis.

AB Academicis, & Peripateticis veniendum nunc ad alios Socratis discipulos, qui & ipsi Sectarum auctores fuere. Ex primo ad Cynicos, quorum

Caput

ANTISTHENES.

Atheniensis, Antisthene patre Atheniensi, & matre Phygia ortus. Gorgiam oratorem primum audivit, unde & in Dialogis oratorum exprimit dicendi genus; deinde Socrati se addixit, à quo tolerantiam, & animi, pacatis passionibus, tranquillitatem didicit. Hinc Dialectica, Physica, omnibusque liberalibus disciplinis repudiatis, morali tantum operam, & studium omne impendens, atque hominis finem secundum virtutem vivere statuens, *Cynosarges* Gymnasium non procul à portis Civitatis delegit, ibique Cynicam Sektam primum instituit, unde & Cynicorum Pater, atque *Antisthenes*, *Genuinus canis*, vocatus est. Nulli dubium, quin, Cynica hæc Sektà *à rō canis* à Cane dicta sit, cur autem sic dicta in varias auctores abiire sententias. Cic. communem opinionem secutus, eam à canina impudentia sic dictam putat. r. de Off. dum ait: *Cynicorum natio tota ejcienda est. Est enim inimica verecundiæ, sine qua nihil vestum esse potest, nihil honestum.* Hunc sequitur S. Aug. lib. de Nupt. & Concupiscent. c. 22. Empir. de Pyrrhon. l. 1. c. 14. inde dictos censet, quod canum instar tuerentur bonos, malos adlatrarent, & invaderent. Id, verò ex hoc originem duxisse videtur, quod interrogatus Diogenes Cynicus ab Alex. Magno cur canis vocaretur, respondit: *Quia eis, qui dant, blandior, in eos, qui non dant, adlatro, malos verò mordeo.* Alii denique cum Hefychio Milelio, & Laërtio, & quidem rectius, Cynicam Sektam dictam volunt ab eo, quod Antisthenes ejus sectæ princeps in Gynofarge, quod tertium fuit Athenarum, Gymnasium, doceret. Hæc autem de Cynofarge, ejusque nominis origine scripta reliquerunt antiqui. Hefychius sic ait: *Gynofarges, locus sacer, appellatus sic ab hac causâ. Ajunt, Diomo sacra Herculi faciente, canem victimæ femur abrupisse, ac aliis insequentibus profugisse. Locus autem ita dictus ab albore, vel celeritate canis.* Et Eustath. ad Iliad. 2. *Cynofarges locus erat ita dictus à cane albo, victimæ parte ablata, illuc excurrente.* In hoc igitur omnes fere conveniunt; Cynofarges *à rō canis*, *à rō albus*, à cane albo, vel celeritate dictum esse. De hoc ita Liv. l. 31. *Sed & Cynofarges, & quicquid sancti, amantiss circa urbem erat, incensum est à Philippo Macedonum Rege, Demetrii filio, dirutaque non tecta solum, sed & sepulcra.* Plura vide apud Meursium Athen. Attic. l. 2. c. 2. & 3.

Antisthenes primus, abjecta tunica, duplicato pallio usus est, & baculo, ac perà armatus incedebat. Hinc factum, ut Sektæ Cynicæ insignia Pallium, Baculus, & Perà essent. Inter Cynicorum, & Stoicorum sectam magna fuit sententiarum concordia; victus enim utrisque simplex, facile parabilis, & qui naturæ necessitatem non excederet; vestis sordida, divitiarum, gloriæ, & nobilitatis despectus; itaque ipsorum multi solis creentur herbis pro cibo, frigida verò pro potu, Socratis dictis utentes: *Deorum proprium est nulla rē indigere, & erumescere, qui similes illis essent, egeve quam minimis.* Hinc Seneca de Brevit.

Vk.

Vit. c. 14. *Homini naturam Stoicos vincere, Cynicos excedere.* Et Laërt. in *Vita Menedemi Cynismum vocat* *Europsus in dictis 1210.* *Brevem, & concisam ad virtutem viam.* Legatur Arrianus de Cynismo l. 6. c. 22. Epist. l. 3. Dissert. 23. Suidas in Cynismo, Salmast. in Tertull. de Pallio p. 386. & seq. & Lips. in Manuduct. ad Stoicam Philosophiam.

Sed ut ad Antisthenem redeam, præcipua ejus placita, & apophthegmata hic referam. *Virtutem solam, dicebat, sufficere ad felicitatem; ac nobiles eos tantum esse, qui virtutem colant: Sapientem solum nosse quid amabile sit; eumque Remp. non juxta leges receptas, sed ut virtus præscripserit, recturum; ac sobolis procreande causa pulchra daturum operam feminæ: Sapienti novum videri nihil: Amicos esse, inter quos virtus conjungat amorem. Bona esse ea sola, quæ honesta, mala vero, quæ inhonesta: Voluptatem pro summo malo se habere, ac proinde, Gellio referente, se male furere, quàm voluptati litare: Inter virtutem, & virtutum medium non dari: Virtutem disciplina acquiri posse, amitti non posse: Sermonem esse, qui quicquid sit, aut fuerit, exprimit. Interroganti, qualis ducenda sit uxor? respondit: Pornosam ducens habebis vitia, communem, deformem vero, habebis vitia, poenam.* Platonem de se male loqui audiens, dixit: Regium est male audire, cum benefeceris. Cum aliquando à malis laudaretur, inquit: Misere metuo, ne mali quippiam fecerim. Rogatus, quidnam à Philosophia lucratus esset? respondit: Medici inter egrotos versantur, neque tamen febrecitant. In corvos, dicebat, se incidere malle, quàm in adulatores; illi enim mortuos, hi vivos etiam dilanant. Nil homini magis exoptandum, quàm mors beata. Immortales esse cupientes, pie, & recte vivere oportere. Ea comparanda viatica esse, quæ cum naufragis etiam possint enatare. Remp. malis expurgandam hominibus, ut triticum solto, militia inutili milite purgatur: Neque Symposium sine congerrationibus, neque opes sine virtute jucundas esse. Reliquas ejus morales sententias videre est apud Laërt. Plut. Stob. atque alios. Plura scripsit, quæ ad decem Tomos Laërtius numerat. Tandem magnus hic Philosophus, qui Dlogent tranquillitatis, Crati continentiae, & Zenoni tolerantiae dux, & auctor fuit, mortuus est; eique successit

DIOGENES

SInope, Ponti Civitate, ortus ex patre Icesio trapezita, ut ex Laërt. five Iceta, ut ex Suida, an. 3. Olymp. 81. E patria una cum patre pulsus ob æs ab ipsis adulteratum, Athenas concessit, ubi Antisthenem audivit; qui licet sæpe ipsum è schola repelleret, ejus tamen perseverantia victus est: illo namque aliquando baculum intentante, subiecto capite inquit: *Cæde; non enim ita durum baculum reperies, qui me abs te, quandiu aliquid dixeris, arcere poteris.* Hinc ejus auditor, & semper in carissimis habitus, quia inops, & ex patria profugus, se ad simplicem victum contulit, pallioque primus omnium, teste Laërtio, usus duplicato, quo dormiens se obvolueret; peramque tulit, in qua cibos ferebat, omnique ad omnia utebatur loco & prandens, & dormiens, & loquens. Quare dicere solebat, Jovis porticum, & Pempæum, publica Athenarum loca, digito ostendens, Athenienses sibi hæc condidisse palatia, in quibus habitaret. Baculo utebatur primùm cum infirmus esset, deinde solum iter agens. Cum ad quemdam scripsisset, ut sibi cellulam pararet, & ille tardius exequeretur, dolium, quod in Metroo erat, pro domo habuit, ut ipse in Epist. testatur; quod dolium cum quidam juvenis perforasset, Athenienses, qui Diogenem magni semper faciebant, juvenem punientes, novum ipsi dolium dona-

donavere. Ut corpus ad tolerantiam aduetum redderet, nudis pedibus per nives ambulabat, nive obductas statuas amplectebatur, & æstate fervente in arena se volvebat. Diogenem, victum mendicantem, homini, à quo stipem petebat, dixisse, refert Laërtius: *Si aliis dedisti, da & mihi; si nemini ante me, initium à me facito.* Statuam aliquando compellans; ut daret, interrogatus, cur id faceret? respondit: *Ut me repulsa assuefaciam.* Minam à prodigo cum petiisset, atque ille interrogaret, cur obolum ab aliis, à se minam exigeret? respondit: *Ab aliis iterum me spero accepturum, à te autem non posthac accipere quam iterum, in Deorum possum genibus est.* Cereri, & Veneri palam dare operam non sibi turpe dicebat: hinc publice, multisque infuentibus ne dum cibum sumebat, sed & sua venire utebatur.

In Eginæ itinere jam senex à piratis captus, & Xeniadæ venditus, ab emptore, ipsum Corinthum abducente, interrogatus, quam artem magis calleret? respondit: *Hominihus liberis imperare.* Quod responsum demiratus Xeniadæ, ipsum manumissit, filiosque suos ei tradens, inquit: *Accipe liberos meos, quibus imperes.* Rem etiam familiarem sibi administrandam demandavit, quam ita curavit, ut fateretur Xeniadæ, bonum genium domum suam ingressum esse. Xeniadæ editori suo eum dixisse, ferunt: *Mirari se quidem, quod cum ollam, atque operculum non sine tactu, ac finitu emamus, in solo homine emendo ad speciem contenti sumus.* In Xeniadæ filiis optime juxta suam Moralem instituendis reliquum vitæ tempus impendisse, refert Eubulus in Auctione Diogenis; apud quem senio confectus, ac vita functus an. r. Olymp. 114. ætatis suæ 90. à Xeniadæ filiis honorifice sepultus est; nam super ejus tumulum columnam erigentes, canem desuper ex lapide Pario sculpservnt. Ejus dein cives æreis statuis ipsum honorarunt.

Magno semper apud homines in honore fuit, potissimum apud Alex. M. qui ad eum apicantem, & solis calore gaudentem, veniens, ipsum salutavit, & ut quid sibi vellet, peteret; monuit; cui ille respondit: *anopuñvōs mē, noli mihi umbram facere.* Cumque ille diceret: *Alexander ego sum ille Magnus; Ego vero sum canis,* ipse respondit. Hinc stupens Alexander, ejusque animi magnitudinem miratus, dixisse fertur à Cic. 3. Tusc. aliisque: *Vellem Diogenes esse, nisi essem Alexander;* quasi vero ipsi non liceret, ut Plur. illi objicit, animo esse Diogenem, fortuna vero Alexandrum. In dolio etiam eum dormientem cum aliquando Alexander vidisset, exclamavit: *O dolium mentis bonæ plenissimum!* Et Seneca de Animæ Tranquillitate 8. de ejusdem felicitate hæc habet: *Si quis de felicitate Diogenis dubitat, dubitare idem potest de Deorum immortalium statu, an parum beate degant, quod illis non prædia, non horri sint, &c.* Diogenem igitur, quem concives sui ridebant, mirabatur nimis Alex. M. miraturque etiam Basilii M. lib. de legendis gentiliū libris.

Quod ad ejus doctrinam, hæc potissimum sunt opiniones: *Exercitationem duplicem esse, dicebat, alteram mentis, corporis alteram; alteram autem altera carere haud posse, quum bonus habitus, atque vires confirmatæ in corpore æque, ac animo sint necessariæ:* unde & virtutem exercitio parari, & nihil in vita sine exercitatione perici posse, dicebat. Plus naturæ, quam legi tribuens, Libertatem rebus omnibus præferebat. Hoc argumento, omnia Sapientum esse, evincebat. *Omnia, Deorum sunt: Sapientibus amici sunt Dei: amicorum vero communia sunt omnia: omnia ergo sunt Sapientum.* Remp. sine lege ordinari non posse Nobilitatem, gloriam, & divitias contemnenda omnia. Conjugium rem vanam esse; sed mulieres, ac liberos communes esse oportere. Bonos viros imitari Deorum esse.

Plurima ejus traduntur Apophthegmata à Laërt. Plut. Stob. aliisque, quorum

selectiora sunt: Calceas aliquando Platonis stratum, sive, ut aliis placet, vestem, dixisse fertur: *Calceos Platonis fassum*; illumque respondisse: *Sed fassus alio, Diogenes*. Acer enim nimis erat, teste Laërtio, in ridendis, despicendisque aliis. Cum vidisset aliquando Magistratus, qui *ἐπιμαρτυροῖ* dicebantur, quendam phialam ex arario suratum adducentes, dixit: *Magni fures parvum ducunt*. Rogatus à quodam, quoniam tempore ducenda sit uxor? respondit: *Juvenibus non dum, senibus vero numquam*. Dicebat quoque: *Manus ad amicos non complicatis digitis extendi debere*. Inductus in domum magnifice instructam, atque exspuere prohibitus, in faciem prohibentis conspuit, dicens, se locum magis sedum, in quem conspueretur, non invenisse. Cum aliquando clamaasset: *Heus homines*, & plures accurrissent, baculo illos abegit dicens: *Homines, non purgamenta vocavi*. Et interdum lucernam accendens, interrogatus, quid hoc sibi vellet? ait: *Hominem quæro*. Cum vidisset puerum cava manu aquam bibere, cotylam abiecit, inquires: *Puer frugalitate me superavit*. Projecit etiam catinum, quom aliterum puerum vidisset, vasculq iracundia, concavo pane jussu lenticulam excipere. Projectis à quodam ei ossibus, ut cani, ea ille ut canis quidem sustulit, sed ut canis, pede sublato eum perminxit. Oratores, & omnes glorie auditos, *Ter homines*, hoc est, *Ter infelices* orabat. Prodigum in diversorio olivas comedentem videns, inquit: *Si ita prandisses, non, ut nunc facis, canares*. Interrogatus, quid in vita miserimum? respondit: *Senex egenus*. Roganti cuidam, quis bellæ morfus magis noxius? ait: *Ex feris quidem morsus obrectatoris, ex cæturibus adulatoris*. Audiens, Didymonem mæchum comprehensum esse, ait: *Dignus est ex ipso nomine suspensio*; id est, *didymus* scilicet, qui Latinis dicuntur testiculi. Feminas videns in olivæ arbore suspendio epencatas, inquit: *O utinam omnes arbores fructus hujusmodi tulissent*. Adolescentem rubescens videns, inquit: *Confide, fili, est enim iste virtutis color*. Theophrasto etiam hoc dictum tribuitur, ut supra in ejus vita. Dicenti, malum esse vivere, respondit: *Non vivere malum est, sed male vivere*. Interrogatus, quod vinum suavissimum? dixit: *Quod alterius bibitur impensa*. Monetæ falsitatem exprobranti ait: *Tempus omnino fuit, quo tui similis eram, mei autem tu similis evades nunquam*. Myodi amplissimas videns portas, inquit: *Myndit, portas claudite, ne urbs vestra egrediatur*. Socrti filium in turba lapides mittentem videns, ait: *Cave, patrem ne ferias*. Interrogatus quid boni è philosophia tulisset? inquit: *Si non aliud, hoc saltem, ut ad omnem sim paratus fortunam*. Quæ sibi patria? rogatus, ait: *Κορινθίων, Γενε, Κοσμοπολίτα*, hoc est, *Mundi civis sum*. Sacrificanti, ut liberos susciperet, dixit: *Ut bonos suscipiatis, non sacrificatis*. Dicenti, se Philosophiæ aptare, non posse, ait: *Quid igitur ovis, si, honeste ut ovis, non curas? Avaros hydropiticos similes dicebat, ut enim isti aqua, sic & illi argento repleti, ad suam perniciem faciunt, & bibunt, nec sitire desinunt*. Ut mortuo medicina, dicebat, ita sent admonitio prodest. Non minus vitium dare indignis, ac dignis non dare. Quid difficillimum? rogatus: *Nosce seipsum*. Rogatus, quomodo conversandum cum his, quibus summa potestas est? ait: *Perique ac cum igne, ita nempe, ut neque accedamus propius, quam par est, ne accendamus, neque recedamus, ne frigore obrigescamus*. Sicut oculos, & faciem, quæ tenerrima corporis partes sunt, hyeme non tegimus, sic etiam nec pedes tegendos, qui duriores sunt, dicebat. Plura lege apud citatos Autores. Scripta ejus enumerat Laërtius, & Sotion. Diogenis discipulus, & successor fuit

M O N I M U S

Syracusanus, ut Socrates testatur, mensarit cuiusdam Corinthii famulus, vie quidem eloquens, & doctus, gloriæ, & divitiarum maximus contemptor. Hic ut à domino manumitteretur, vestem fingens, omnem mensæ pecuniam abiecit: unde à domino repudiatus ad Diogenem, deinde ad Cratetem Cynicum, aliosque sui ævi Philosophos se contulit. Scripsit ludicra quædam feris mista, & alia, inter quæ memorantur libri 3. de Appetitionibus, & Protrepticis. Monimi meminit Menander in Hippocomo. Sext. Emp. ad v. Mathem. 1. 7. ipsum cum Xenjade Corinthio conjungit, atque, ipsum omnia putasse *eluvii, opinione*, ac judicandi facultatem sustulisse. Fuere & alii Diogenis discipuli, inter quos

O N E S I C R I T U S

Æginensis, sive, ut Demetrius ait, Astypalensis. Duos hic filios habuit, quorum Antisthenem natu minorem Athenas misit, qui Diogenem audiens, in patriam reverti noluit. Quare pater natu majorem Philiscum ad Antisthenem reduendum misit, qui pariter Diogenis doctrinâ captus una cum fratre ad patrem redire non curavit. Postremo pater Athenas venit ad filios, sed ipse, non secus ac filii, Diogenis eloquium miratus, ejus auditor factus est, ac inter præcipuos præceptoris discipulos numerari meruit. Hunc Laërtius Xenophonti comparat; ut enim hic Cyri castra secutus, Cyropædiam scripsit, sic & ille pugnantem sequens Alexandrum, Alexandri laudes literis tradidit, simili plane dicendi genere usus, ejus operis mentis apud Arrianum quoque est. Commentarium quoque de Rebus Indicæ scripsisse fertur, citatum à veteribus, præcipue à Plin. H. N. 2. 73.

C R A T E S

Thebanus, Ascondi filius, Diogenis (quamvis Hippobotus Brysonis Achæi auditorem faciat) discipulus, floruit circa Olymp. 113. philosophus quidem insignis, gloriæ autem, & pecuniæ contemptor strenuus fuit. Huic persuasit Diogenes, referente Dioele, ut omne suum peculium projiceret: quod eo constans perfecit, ut propinquos ad se venientes, ut eum à proposito dimoverent, sæpe etiam baculo persecutus sit. Nobili igitur genere ortus cum esset, pingue suum vendidit patrimonium, ex quo omnia collecta talenta civibus divisit dicens: *Crates Cratetem liberat pecuniâ, nolens Cratetem haberi ab istis, quæ tenet.* Demetrius tamen Magnesi refert, eum pecuniam omnem apud trapezitam, hac conditione deposuisse, ut si quidem filii sui idiotæ fuerint, eis pecuniam restitueret, qua vivere possint; sin contra philosophi evaderent, eam plebi distribueret: nihil enim philosophos egere, putabat. Facie erat deformi, animo vehementissimus, atque inter disserendum ridebatur. Feminarum, quæ pudicitiam prostituerunt, acerbissimus erat insectator. Vitam omnem ridendo, & ludendo exegisse dicitur. Ex Philosophiæ studio hæc sibi allata commoda dicebat: *Coena lupinis, & cura nullius rei.* Ejus quoque fertur & istud: *Amorem sanat fames, & tempus sedat; uti hisce si non possis, utere laqueo.* Tandem ex senectute curvus factus, morti jam proximus, ait:

Vadis nunc, optime curve,

Vadis ad Orci ades longa gibbosa senecta.

Quantum sermone, ac philosophicis rationibus valuerit, ostendit Plutarchus in Demetr. ubi ait, ipsum Athenas obsidione liberaffe; cujus verba sunt:

Ceterum misso ad ipsum philosophum a populo Cratete, claro viro, & magnæ auctoritatis, partim illius adductus pro Atheniensibus precibus, partim pensatis illis, quæ Crates de rationibus suis subiebat suis, solvit obsidionem, &c. Stylo plane Platonico Epistolas scripsit, egregiam, teste Laërt. Philosophiam continentem, & Tragoedias, sententiarum gravitate commendatissimas. Filias discipulis locavit, ut ipse ait:

Eis probandas, sex decem mittens dies.

Cratetem audivit

M E T R O C L E S

Hipparchiæ, Cratetis uxoris, frater, postquam Theophrastum Peripateticum, & Xenocratem audivit. Pusillo adeo erat animo, ut ex ventris crepitu inter recitandum facto, tali animi pudore, & tristitia affectus sit, ut intra cellam se abdens, mori fame vellet. Quod, ut Crates audivit, cellam ingressus non solum verbis ipsum solatus est, quod rem necessariam, & quæ omnibus fieri soleat, fecisset, sed lupinis de industria voratis, ipse etiam pedere coepit, sicque eum servavit. Cratetis inde disciplinæ se dedit, ex qua Philosophus clarissimus evasit. Libros à se scriptos ipse combussit, teste Hecatonæ, dicens: *Hæc somniorum sunt imaginacula, quasi nuge.* Dicitur etiam Theophrasti Magistri sui dictata combussisse. *Diditiss,* dicebat, nocere, nisi quis recte atatur, Res quidem alias pecunia comparari, ut domus, alias vero tempore, & diligentia, ut artes liberales. Tandem senex obiit laqueo à se suspensus.

H I P P A R C H I A

Maronita, Metroclis soror, Cratetis vero Uxor. Hæc puella pulcra, & honesta cum esset, tanto Cratetis amore accensa est, ut nulla prorsus procorum excellentia, opibus, vel nobilitate ab hoc amore abduci potuerit; sed hæc omnia, dicebat, mihi Crates est: imò & parentibus sæpe minabatur, nisi huic nuberet, seipsam occisuram. Quare cum parentes ejus Cratetem rogassent, ut eam ab hoc proposito aveteret, postquam Crates omnia ad persuadendum frustra dixit, omnem Gynicam suam supellectilem ante illius oculos exponens, ait: *Hic sponsus, hæc tua possessio est; ad hæc delibera; non enim nostri consors esse poteris, nisi eadem prorsus studia attigeris.* Quod puella continuo eligere non est verita, unde sumto Cratetis habitu, una cum viro circuibat, & in aperto congregiebatur. Hæc, referent Laërt. Theodorum impium in Lysimachi convivio redarguit, illi hoc sophisma obiciens: *Quod faciens Theodorus injuste facere dici non possit, hoc neque Hipparchia faciens, injuste fatere dici possit: sed Theodorus seipsum sciens injuste non facit; ergo Hipparchia Theodorum sciens, injuste non facit.* Cui quidem sophismati ille nihil respondit; sed ejus pallium revolvit, corpusque nudavit. Hanc tamen injuriam non ut mulier terzita, & turbata, sed æquo philosophantis animo suscipiens, Theodoro sibi dicenti, quod radios apud telas ipsa reliquisset, respondit: *Equidem, Theodoro; non tamen errasse me putes, quæ tempus in telis consumendum Philosophiæ impendi.* Sunt & alia plura hujus philosophantis semina dicta, & scripta, in quibus altissimo Philosophiæ stylo; Platonici simillimo, ipsa optime philosophatur; præcipue liber Epistolarum, qui Crateti inscribitur, ac Tragoediæ elegantissimæ. Sequitur alius Cratetis discipulus

M E N I P P U S

Patria Phœnix, conditione servus, ut refert Achaicus. Serium scripsit nihil. Herinippus eum *Hemerodanistam* vocatum ait, hoc est, *Quotidianum feneratorum*; nautica potissimum usura delectatum, ex qua plurimam sibi pecuniam comparavit. Hac tamen deinde per insidias privatus, laqueo sibi vitam ademit. Cypicrum tandem ultimus

M E N E D E M U S

Coloti Lampasceni discipulus fuit. Prodigiosa superstitionis vir traditur Hippoboto; suria enim habitu sibi assumpto loca omnia circuibat; dicens, se ex inferis speculatorem venisse in eos, qui peccarent, ut illuc rediens, inferis ea, quæ vidisset, nuntiaret. Talaris hæc sua vestis erat, puniceo adstricta balteo, pileus Arcadicus, habens intexta duodecim elementa; cothurni Tragicæ, barba prolixa, & virga in manu fraxinea. Atque hæc de Cynicis, quibus Sidonii ævo deficientibus, ut ipse significare videtur hoc versu:

Exclusi prope jam Cynici vix limine vestiant,

Stoici ex ipsis derivarunt; ad quos gradum facio.

C A P U T X.

De Philosophis Stoicis.

Stoicæ Sectæ originem Cynicæ deberi, ut diximus, apud omnes Scriptores in confesso est. Quamvis autem Stoici cum aliis Sectis convenerint; quod ex eo factum est, quia Zeno hujus Sectæ autor plurimum sectarum philosophos præceptores habuit; ut supra dictum est; cum Cynicis tamen societatem habuerunt, & in dogmatis maxime convenerunt, tuosca tantum, & verecundia discrepantes. Unde Satyricus:

Est qui nec Cynicos, nec Stoica dogmata curat,

A Cynicis sumica distantia

Videndum nunc est, quomodo hanc Sectam instituerit ejus caput

Z E N O

EX Mnaseo, sive, ut aliis placet, Demeo patre mercatore natus Citili, quæ maritima in Cypri Insula urbs est, Phœnicibus potissimum habitata, unde & Phœniculus, Pœnus, & Pœnulus, referente Suida in Zen. quibusdam dictus est. Cratetis vero discipulus hoc modo factus dicitur Laërtio in ejus vita. Cum ex Phœnicia purpuram mercatus rediret, ad Piræum naufragium fecit. Quæ jactura occasione illi fecit, ut Athenas annos. natus 17. ut quibusdam traditur, vel 22. ut Persæo, vel 30. ut Laërtio, veniret; sedenque juxta librarium, ibique secundum Xenophontis Commentariorum legens, ejus lectione nimis delectatus à bibliopola peteret, ut ubinam tales viri degerent sibi indicaret. Cumque opportune Crates transiret, eum Zenonem indicans dixit: *Hunc sequere.* Quare ex eo tunc Cratetis discipulus factus est. Verum quamvis ad philosophandum alioqui aptissimus, verecundior tamen, quam ut se ad impudentiam Cynicam accommodaret. Audivisset quoque Stilponem, & Xenocratem decennio continuo, & Diodorum Cronum, referente Hippoboto, & Po-

Polemonis auditorium frequentavit, ut præter alios testatur Timocrates in Dione. Ajunt etiam, Zenonem, cum ex naufragio Philosophus jam Athenis evaderet, dixisse: *Tunc primum secundis ventis navigavi, cum naufragium feci.* Demetrius tamen Magnesius in Æqui voc. refert, Minasum Zenonis patrem, utpote mercatorem, sæpe Athenas adventasse, atque inde plures Socratis libros ad filium portasse; qui Philosophiæ studio accensus Athenas venit, ut Philosophiam disceret.

Timotheus Atheniensis in lib. de Vitis, & Apollonius Tyrius, talem habent de Zenone descriptionem; ut & Laërt. in Vit. Collo fuit oblongo, & in alteram partem inclinatiore; corpore gracili, & procero; cruribus turgidis, imbecillibus, & infirmis; cute atra; unde Chrysippus s. Proverb. eum dixit *Αἰσθητὸν ἀκμαστὴν, Ἀγρίον, καὶ παλμῆν*: facies gravis, & severa; gestus ei erat tristis, & acer; frontem enim rugare, & ora contrahere consueverat. Severitate autem non obstante, facilem se omnibus præbebat, itaut sæpe Antigonus Rex cum ipso cœnaret, & cum eo ad Aristotelem Musicum iret comissatum. Ejus victus tenuis nimis; pane enim, & melle, & libenter quoque ficibus viridibus; & ad solem exsiccatis vescabatur.

Hinc in Comed. de Philosophis Philemon.

*Cum pane caricas vorat, & aquam bibit,
Exercet ignotum Philosophiæ genus,
Docet, esurire.*

Quare in proverbium apud antiquos erat: *Zenone continentior.* Hecaton, & cit. Apollon. Tyr. l. 1. de Zen. referunt, eum Oraculum consultasse, ut sibi indicaret, *Quo pacto vivere optime posset?* & responsum habuisse: *Si mortuis concolor esset.* Quare magna studio se ad legendos antiquorum libros dedit, ex quorum continua lectione mortuis concolor evasit; ex hac autem lectione multum profecit, erat enim acri ingenio, & sapiens nimis: hinc Carneades adversus eum scripturus cerebrum aliquoties albo elleboro purgavit, ut ait Gellius lib. 17. c. 25. Vestis ei vilis erat, unde de eo dictum:

*Hunc non acris hyems domuit, non frigidus imber,
Non solis radii, non vis deterrima morbi,
Nec quicquid vulgo pretiosum, indidit at unus
Instabat gravibus sudis noctesque, diesque.*

Magna inde semper in honore ob suam sapientiam, morumque probitatem apud Athenienses fuit, adeo, ut Urbis, & moenium claves apud ipsum deponerent, eique soli publica libertas tutissime concederetur. Magni quoque eum faciebant concives ejus tum Cyprii; tum Sidonii, eique post mortem, non secus ac Athenienses fecerunt, statuam ex ære posuerunt, magno sibi ornamento tanti Viri imaginem fore putantes. Antigonus etiam Gonata, Macedoniæ Rex, virtute non minus, quam auctoritate conspicuus Princeps, quoties Athenis erat, illum audire consuevit, literisque rogavit sæpius, ut ad se erudiendum veniret, ut cit. Apoll. Tyr. qui Literas servavit, testatur. Quod cum ipse ob senectutem, octogenarius enim erat, facere non posset, discipulos ei cum literis misit, qui eum erudirent.

Postquam vero Zeno eos omnes Philosophos, quos diximus, audire ad annos 20. se ad Porticum quandam Athenis celebrem converterit, quæ *Ἐρὸς Πόρτις*, *Porticus Varia*, propter varias periti Polygnori picturas, & *Πισανῆς* etiam appellabatur. Volens igitur locum illum stabilem, nec ullis ultra seditionibus violabilem facere (ibi enim Athenienses ad 1430. ab Athenarum Tyrannis occisi fuerant) in ea discipulos docere cœpit, qui à Porticu, quæ Græce dicitur *Ἐρὸς*, dicti sunt *Ἐρῶνται*; *Stoici*, Latine *Porticenses*, vel Por-

Porticuarii (prius enim, ut Epic. in Epist. ait, à Præceptoris nomine Zenonis dicebantur) quo etiam nomine appellabantur Poetæ, qui in ea morabantur. Qui Stoici Philosophi ad Apostolorum usque tempora durasse creduntur ex eo, quod in Act. Apost. traditur, eos, Divo Paulo, de Resurrectione docenti, resistisse.

Zenonis præcipua dicta, & facta hæc traduntur. Edaci cuidam, nihil obsequiorum sociis inter convivandam relinquenti, appositum ingentem piscem sustulit, quem solus comedere velle videbatur; illi autem transverso in eum intuenti ait: *Socios semper te tolerare putas, qui meum edacitatem semel tolerare non vales?* Brevis erat in dicendo, & circumcisus; hinc cuidam dicenti, brevia esse Philosophorum dicta, respondit: *Equidem; oportet enim, si si posset, breves esse illorum & syllabas.* Cum animadverteret quendam ex discipulis inebriatum, ac sui plenum, illum percussit, ait: *Non si magnus fueris, bonus eris, sed si bonus, magnus.* Nihil fastu indecentius esse, dicebat, maxime in juvenibus. Adolescenti loquaci dixit: *Aures tuas in linguam deflueret.* Similiter & adolescenti inepta multa loquenti ait: *Ideo nos habemus aures duas, ut unum, ut plura audiamus, quam loquamur.* Cæteris inter pocula eruditionem ostendentibus, interrogatus eum ipse solus taceret? respondit: *Nihil magis quam silentium difficile est.* Unde & dicere solebat: *Mellius est pedibus, quam lingua labi.* Interrogatus quisnam esset amicus, respondit: *Alter ego.* Cuidam unguentis delibuto ait: *Quis mulierem olet?* Dicebat: *Vive, homo, non solum ut edas, & bibas, sed ut vita ad beatam vitam acquilendam utaris.* Hoc etiam: *non esse querendum, sintne homines ex magna civitate, sed an magna digni sint civitate.* Reliqua vide apud Laërt. Stob. alioque. Ajunt, eum jurare solitum per capparim, sicut Socrætes per canem. Uxores ipse etiam in Rep. communes statuebat.

Denique postquam Scholæ præfuit, referente Apoll. annis 58. mortuus est annum ægis 98. ut ajunt Laërt. & Lucian. Quod autem nonnulli, Persici autoritate ducti, illum mortuum dicunt an. æt. 72. ex eo falsum evincitur, quod ipsemet Zeno ad Antigonom scribens octogenarium se esse fatetur. Omnem ætatem morbis expertem duxit. Hæc autem mortis occasio traditur. Cum e schola rediret, offendit in lapidem, digicumque confregit; unde manū terram feriens illud ex Niobe dixit: *Εχοντα, τι μ' εδωκε; Πεντο, cur με ποδας?* Quæ cum dixisset, se jugulando interijt. Sunt qui dicunt, ipsum non sic, sed annis consumptum, alii fame, periisse. Athenienses deinde eum nobili sepultura, aurea statua, & aurea corona honorarunt.

Zenonis discipulos, eorumque scripta enumerat Laërt. in ejus vita. Nos vero potissimos, & in Schola successores breviter infra trademus. Videndum, tamen antea, quæ in genere fuerit.

STOICORUM DOCTRINA.

Omnis Stoicorum Philosophia in tres partes dividebatur; in Logicam scilicet, Ethicam, & Physicam. Philosophiam quidam animalium assimilabant, ejus ossa, & nervi Logica; caro Ethica; anima Physica sit. Alii eam ovo, alii agro frugifero, alii denique civitati munitæ assimilabant. Stoici in Logica, quam in Rhetoricam, & Dialecticam dividebant, maxime excellebant; quin dicere solebant, solum Dialecticam esse sapientem. Imo Aristoteles ipse in Sophista ingenue fatetur, Zenonem Dialecticæ fuisse inventorem. Quam Dialecticam ipse similem esse dicebat manui in pugnum contractæ Rhetoricæ vero eide in manui expansæ in palmam: ut in hoc velut sermonis adificio

ficio Grammatica cædat ligna, & lapides. Logicæ partium definitiones, divisiones, & munera fufius habet Laërt. in Vita Zen. ubi scientiarum etiam omnium, quas ipsi profitebantur, earumque præcipuorum dogmatum rationem habet.

Ethicam Philosophiæ partem dividunt in hæc capita. De Appetitu, de Bono, & Malo, de Passionibus animi, de Virtute, de Fine, de Prima Æstimatione, de Actionibus, de Officiis, de Exhortationibus, & Dehortationibus. Zeno in lib. de Nat. hom. nostræ vitæ finem dixit: *Consentaneū secundum naturam vivere*; hoc est, secundum virtutem, ad eam enim natura nos ducit; nostræ namque naturæ omnes, ut Chrysippus ait; partes sunt naturæ Universi. Quæ definitio conformis videtur definitioni Diogenis, qui ait: *Finis est Rationi rite obtemperare in iis eligendis, quæ secundum naturam sunt*. Et Archedemi: *Nihil officiorum omitiendo vivere*. Idem Chrysippus 4. Quæst. Nat. Zeno, & Peræus peccata omnia paria existimant: Nam si verum, inquit, vero majus non est, nec falsum falso majus erit, ita nec staus fraudē, nec peccatum peccato. Quid vitii, virtutis, & neutrius; quid boni, mali, & neutrius nomine apud Stoicos venerit; & quam optime in moralibus præcipue, & logicis philosophati fuerint, vid. Laërt. ib. ubi totius Stoicæ Philosophiæ epitomen habet, Stob. aliique, præcipue vero cit. Stob. in Ecl. Eth. ubi fufius ex Stoicorum sententia de Offic. agit, & de Paradox: Sapientum, ibique omnes Sapientis virtutes, & characteres exponit.

In Physicis hæc potissima Stoicorum dogmata sunt: Dissertunt Principia, ajunt, & Elementa; illa enim ingenta sunt, & corrumpi non possunt; hæc vero per igneam evaporationem corrumpuntur: illa etiam corporea sunt; & informia, hæc autem formata. Duo sunt rerum Principia, Agens, & Patiens; Patiens est Substantia, sive Materia sine qualitate. Agens autem est Verbum, sive Ratio; Græcis Λόγος. Deus, qui in ipsa est; ipsumque sempiternum per ipsam omnia creare, dicunt: Sic Zeno Cittieus in lib. de Essentia; Cleanthes in lib. de Atomis, Chrysippus, aliique.

Apollodorus in Physica Corpus appellat, quod secatur in tria, longitudinem, latitudinem, & altitudinem, atque hoc solidum appellat. Superficiem dixit corporis finem; sive corpus longitudinem, & latitudinem habens sine altitudine. Linea superficiei finis est, sive corpus longitudinem habens sine latitudine. Punctum denique lineæ finem, notamque minimam ait. Corpus in infinitum dividi potest, infinitis tamen non consistat corporibus. Stob. Ecl. Phys. c. 17. p. 32.

Zeno in lib. de Univ. aliique, Deum unum esse dixerunt, eumque Mentem, Fatam, Naturam, & Jovem, multisque aliis nominibus appellari. Hic autem Deus principio substantiam omnem, quæ erat apud se, per aërem in aquam convertit; ut quemadmodum in sætu semen continetur, ita & in hac omnium rerum semina continerentur. Ex hac autem primo genita dixerunt quatuor Elementa, Aquam, Terram, Aërem, & Ignem. Quæ sententia ex illa Thaletis, & Anaximandri simul diducta videtur; Anaximander enim ex Præceptoris Aquæ quatuor dicta Elementa primus conflavit. Elementum vero Stoici cum Peripateticis appellant; ex quo primum prodeunt, quæ sunt; & in quod extremum solvuntur. Elementorum quoque Ignem calidum, Aquam liquidam, Aërem frigidum, Terram aridam esse voluerunt.

Mundus est qualitas universæ substantiæ, sive ut Possidonius in Meteoricis Præceptis ait, qui constat ex Cælo, & Terra, atque ex illorum natura, sive qui constat ex Diis, & Hominibus, illisque rebus, quæ illorum gratia conditæ sunt; qui regitur, & administratur secundum Mentem, & Providentiam, Men-

te per

te per omnes illius partes pertingente, sicut in nostra anima contingit. Quem Mundum Antipater Tyrius in 8. de Mundo, animatum dixit, & rationale animal, unum tamen esse, finitum, & corruptibilem, globosa figura donatum, ut ad motum aprior sit. Extra Mundum vero circumfufum esse Vacuum immensum, quod sit incorporeum. Id autem incorporeum esse, quod à corporibus contineri queat, non autem contineatur. Porro nihil in Mundo esse vacuum, sed inter se mirabili unitate deſinētum esse: quæ unitas cœlestium ad terrestria concordiam, & congruentiam parit. Hic tamen Mundi, & Elementorum generationis modus est.

Quum substantia ex Igne per aërem versa fuerit in humorem, crassior ipsius pars in Terram versa fuit, subtilior in aërem cessit, eadem vero magis magisque extenuata in ignem evasit. Tempus definiunt, esse intervallum mundani motus: Solem esse purissimum ignem, orbicularem; terra majorem; Lunam plus de Terra habere, & lumen à Sole mutuari; deficere vero, cum Soli ex parte; qua Terram respicit, se opposuerit.

Iridem dixere radios ex humidis nubibus reflexos: Coruscationem accensionem nubium à ventis ruptarum, ut ait Zeno in lib. de Univ. Tonitru esse fragorem ex nubium collisione natum. Sic discurras de reliquis Meteoris; quibus omnibus Cartesii sententia uniformis videtur, sicut in omnibus fere physicis dogmatis, & systemate. Putant insuper in hoc Visionem consistere, ut id, quod inter visum, subiectumque lumen est, in coni speciem intendatur, cujus basis prope id, quod cernitur, sit. Porro audire, cum aër, inter loquentem, & audientem medius, verberatur orbiculariter, deinde sic agitatus auribus insuit, non secus ac cisternæ aqua à lapide injecto percussa, per orbes agitur.

De Deo denique nedum bene, sed & religiose sentire videntur Stoici, dum ajunt, Deum esse Animal; hoc est, Animal Ens, immortale, rationale, perfectum, ac beatum, à malo omni remotissimum, quod Providentia sua Universum hoc regit, cujus ipse opifex, & omnium pater est: itaut omnium Deorum nomine Deus hic solus veniat, prout varie juxta suas proprietates accipitur. Sic in aëre consideratus Juno dicitur, in Terra Ceres, in Mari Neptunus, in igne Vulcanus &c. Fatum vero; quo omnia fieri Zeno, Chrysippus, aliique dicunt, per eos non est, nisi *Connecta rerum series, sive Ratio, per quam Mundus gubernatur*. Demum præter Deum, Dæmonas quosdam esse volunt, humanarum rerum inspectores, quibus hominum miseratio, & cura demandata sit.

Atque hæc est omnis Stoicorum doctrina compendifac̃ta, quæ ex multis Sectis veluti decerpta videtur ex eo, quia Zeno hujus Sectæ autor plurimum. Sæctarum Philosophos habuit præceptores, ut supra quoque dictum: semper autem Arcesilao contradixit, nec Peripateticis assentita est. Cum Academicis tamen, & Cynicis omnium maxime in dogmatis conveniebat, ut diximus. Plura qui cupit, adeat Lært. lib. 6. Epist. Enchir. in Moral. Simplicium in Scholiis; Arrianum in Dissert. ab Epict. collectis; Barlaamum Episc. Gyracens. in Physicis; Cleomedem in Meteor. Senec. Plut. Cic. in Paradox. & alibi. Stob. Ecl. Phys. & Ethic. Scoppii Moral. Stoic. ac in primis Lipsi. Manuductionem ad Stoicam Philosophiam, & Physiologiam Stoicorum.

Zenonem præter alios audivit Perillus Citiensis, Herillus, Aristo Chius, Dionysius, & Athenodorus Solensis, cujus meminit Seneca. Ex his Herillus Carthagenensis hominis finem, & felicitatem statuit solam *Sapientiam*: vixit an. Romæ 475. Olymp. 125. Aristo Chius, cognomento Siren, qui vixit Olymp. 126. circa an. Romæ 478. aliqua Zenonis doctrinæ adiecit, ut alterius Sectæ autor quibusdam videretur. Summum bonum dixit *Indifferentiam* in iis omni-

bus, quæ Vitam Inter, & Virtutem sunt. Unde aiebat, sapientem similem esse optimo culque Comædo, qui æque bonus Comædus erit, si servi, quàm si Regis personam repræsentet, modò bene in utrolibet agendo se gerat. Physicam, ac Logicam respuens, solam Moralem amplectebatur; Logicorum ratio- cinia araneorum telis similia dicens, quæ licet mira arte elaboratæ, inutiles ta- men sunt. Magnam in suadendo vim habebat. Scripsit Dialogos de Dogmatis Zenonis; Commentaria de Usa; Epistolas; atque alia. Dionysius Heracleus, cognomento Desertor, Theophrasti filius, Heraclidis, Menedemi, Alexini, & tandem Zenonis discipulus fuit, Poëseos amator, & Stoicæ Philosophiæ secta- tor. Hanc deinde respuens, Cyrenaicæ se addixit, ac Voluptatem vitæ finem statuens, lupanaria frequentare non est veritus. Gravi oculorum dolore affe- ctus, experientia didicisse, dolorem non esse quid indifferens, ut docebat Odo- genarius cum esset, voluntaria fame mortuus est. Præter Atheodorum Solen- sem fuisse ejusdem nominis duo, ambo Tarsenses, & Stoici, quorum alter, qui Cordilion dictus, cum M. Catone vixit, & apud eum mortuus est. Alter Bonavita, à vico quodam, appellatus, Augusti præceptor; qui, ut ait Suidas, cum ipsum ad iram procliviorē videret, hoc ei præcepit: *Cum ira te, Cæsar, ceperit, nihil prius vel dixeris, vel feceris, quàm 24. Græcarum litterarum elementa tecum ipse percurreris, ut ita ira illa, quæ momentosa est, parvi tempo- ris interjectu languescat.* Ab Augusto in concessis habuit, ut Tarsus nullum solyret tributum. Plura scripsit, quæ Cæsari dica vit. Zenoni successit

CLEANTHES.

PHANIAS filius, Assius, quoddam Assi Lyciæ urbe ortus fuerit. Hic Craterem primùm audiuit, deinde Zenonem annis 19. Inops erat adeo, ut præcepto- nis dictata testis, boumque ossibus exciperet, omni ad chartas emendas pecu- nia destitutus. Imò, ut interdum Philosophiæ studiis vacare posset, noctu aquis è puteis hauriendis manus locabat, strinam pinsebat, terramque colebat. Hinc Antigono quærenti cur aquas hauriret? respondit: *Num aquas vix hauris solum? nonne & seditio, & rigo, & omnia facio studio Philosophiæ? Ex hoc factum, ut ipsum *ὄψαλλο*, hoc est, puteus exhaurientem, & Novum Herculem appella- rent.* Ita Laërt. in Vit. & Hesych. Illustr. & Arrianus in Epiç. l. 3. c. 27. qui ait: *Ubi Cleanthes simul & studiis vacans; & aquam haurient? Magnus plane vir fuit, ut ex ejus, quæ extant, reliquiis colligere liceat ingenia tamen ob- ruse, & tardissimo, cujus ipse tarditatem labore, studio, & diligentia vince- bat: quo vitæ instituto obstinuit, ut unus ex multis Zenoni succederet.*

Vitæ finem, & beatitudinem posuit in *Vivendo naturæ convenienter, & in bene ratiocinando*; quod in iis, quæ sunt secundum naturam eligendis situm esse statuit, ex Clem. Alex. 2. Strom. & l. 2. de Volupt. idem Cleanthes di- cit, Socratem ubique docere, idem esse virum justum, & beatum; eumque execrari, qui primus divisit justum ab utili, ut qui rem fecerit impiam. Quam bene autem hic de Deo senserit, docet cit. Clem. in Admon. ad Gentes, & 3. Strom. ubi Cleanthes versus citat, quibus non poeticam Theogoniam, sed ve- ram Theologiam ipsum ostendisse fatetur.

Ex ejus Apophthegmatis hæc notatu digniora. Condiscipulis ipsum obtre- tantibus, & alinum appellantis respondit: *Se solum ferre Zenonis sarcinam posse.* Iisdem timiditatem sibi exprobrantibus ait: *Hæc vero, ut minus peccem, efficiet: Peripateticis idem accidere, dicebat, quod litteris (alii scribunt lyris) quæ cum bene sonant, seipsas tamen non audiunt. Dicere etiam solebat. In- doctos à brutis animalibus sola forma differre.* Interroganti, quomodo posset dives

dives evadere? respondit: *Si desideris pauper evadas*. Optimos plures scripsit libros, quos refert Laërt. ib.

Denique annos natus 80. ex Laërt. vel 99. ex Lucian. de Longæv. sic mortuus traditur. Quum illi in gingiva, vel in labiis, ut Lucian. vel sub lingua, ut Stob. refert, ulcus putridum nasceretur, & ex cibi abstinentia, ipsi à medicis indicta, convalesceret, cibum deinde ei ab hisdem, ut vires resumeret, oblatum recusavit, dicens: *An mihi suaderitis, maxima via parte superata, ut reverterer, atque de novo iter istud ingrediar?* Magnam igitur vitæ partem se absolvisse dicens, per biduum inde omni cibo abstinens inedia mortuus est. Simplicius in Epist. c. ult. ait, se egregiam à Sen. Rom. statuam Assi Cleanthi positam vidisse. Multis etiam, præclarisque elogiis à Cic. insignitur, à quo l. 3. de Nat. D. *Pater Stoicorum* dicitur. Et 4. Acad. Qu. *Majorum gentium Stoicus* appellatur. Et Sidon. Carm. 2.

arroso quisquid sapit ungue Cleanthes.

Præter Sphærum Bosphoranum, fuit etiam Cleanthis discipulus

C H R Y S I P P U S.

Solenis, quod Solis, Ciliciæ urbe, natus sit, quæ & Pompejopolis dicta est; vel Tarsensis, ut Laërtio, & Suidæ dubitatum, quod ex Apollonio, sive Apollonide Tarsensi patre natus, qui Solos deinde sedem transtulit. Vig fuit, ut Ciceronis verbis utar, vasserrimus, & ingenio acri; honorum aspernator maximus, itaut Ptolemæi præceptor esse recusaret, ad quem erudendum Sphærus à Cleanthe missus pro eo est. Paucis contentus, unius vetulæ ministerio utebatur, quæ ipsum ad quingentos versus quotidie scribere testata est. Zenonem, sive, ut Diocli placet, Cleanthem audivit, à quo etiam vivo discessit. Arcesilao etiam, & Lacydæ in Philosophiæ studiis se adjunxit, Academicis sæpe usus argumentis. De se elate nimis sentiebat, dicens, si sciret aliquem se doctiorem, ab eo se Philosophiam audire paratum esse. Corpore erat tenui, & imbecillo, ut ex ejus statua, quæ in Ceramicò est, videri potest, Quam statuam in Gymnasio, quod à Ptolemæi nomen habuit, Pausanias Attic. c. 17. positam dicit. In copiosis potationibus mente non movebatur omnino, sed erupa tantum agitabat; itaut ejus ancilla diceret, *Chrysippi sola crura inebriari*.

Sapientem dolere, dicebat, non tamen perturbari; ejus enim mens dolori non cedit. Audiens, sibi quosdam obrectare, ait: *Hæc se non curare; ita tamen se gesturum, ut ne fidem inventiant*. Interrogatus cur ad Remp. non accederet? dixit: *Quia qui male eam administraverit, Quis, qui bene, civibus displicebit*. Quæ scripsit volumina omni quidem laude digna septingenta quinque à Laërt. numerantur.

Hoc de Chrysippo autorum judicium est. Sen. de Benef. 1. 3. subtile, dixit, penes Chrysippum est illud acumen, & in imam penetrans veritatem, qui rei agendæ causa inquirat, & non ultra, quam ad intellectum satis est, verbis utitur. Sed ib. c. 4. ait, acumen ejus nimis tenue retundi, & in se sæpe replicari, etiam cum agere aliquid videretur, pungere, non perforare. Cic. l. 1. de Fin. scribit, *Nihil esse à Chrysippo prætermisum in Stoicis*. Et Laërt. Nam ni. si fuisset Chrysippus, Porticus non fuisset.

Tandem cum jam annos 73. vixisset, Olymp. 1243. ut refert Apollod. in Chronic. ex spiritus angustis, sive ex vertigine, ut Hermippus in Odeo ait, à dulcis meri haustu producta, quinta die mortuus est. Alii, quod ex immodi-co risu, asinum ficus comedentem videns, & ancillæ, ut alium vinum daret, di-

cens, mortuus sit, dicunt, postquam diu in Lyceo docuit.

Præter Zenonem Tarsensem, sive Sidonium, ut alii dicunt, ex Dioscoride patre ortum, Chryssippi in Schola successorem, plurimorum quidem discipulorum magistrum, sed paucorum librorum scriptorem; Chrysippum audivit

DIOGENES

Seleucia natus, & Babylonicus dictus ob loci viciniam. Cic. Tusc. Qu. 3. 12. ipsum magnum, & gravem Stoicum appellat. Seneca 3. de Ira 38. ait, ipsum tenuit, & sapienter tulisse, quod protervus adolescens ei de ira differenti in faciem conspuerit. Unus fuit ex Legatis, Athenis Romam missis. Cic. de Senect. eum ad longam usque senectam vixisse testatur. Idem de Nat. D. r. 13. ipsum inter alia librum de Divinatione, & alterum, qui Minerva inscribitur, scripsisse, ait. Hujus meminere præter dictos, Cic. aliis in locis, Gell. l. 7. c. 14. & Macrobius Saturn. c. 3. Hujus discipulus fuit

ANTIPATER

Sidonius, quem Cic. 3. de Offic. acutissimum hominem vocat; & Sen. Ep. 92. inter magnos hujus Sectæ autores refert. Hic Carneadi oppugnantem nunquam voce, sed calamo solum respondebat, unde & Καλαμολόγος, Calamoclamator dictus est, ut ait Plut. de Garrulic. p. 54. Inter alia duos de Divinat. scripsit libros: item de Discordia Cleanthis, & Chryssippi. Extant etiam ejus plura Epigrammata passim in Anthologia, & Sophismatis cujusdam solutio apud Sen. Ep. 87. Val. Max. & Plin. referunt, Antipatrum quorundam in natali suo die febri ephemera, hoc est, unius diei, laborasse, ac ipsa tandem perisse. Vixit Olymp. 171. Fuit alius Antipater Tarsensis, Philosophus item Stoicus, ex illustri familia ortus, qui vixit circa Olymp. 160. Huic Athenæus tribuit tractatum unum de Superstitione, atque alterum de Bile. Antipater quoque fuit Tyrius, & ipse Stoicus, coævus Sidonii, atque Catonis minoris præceptor. Antipatrum audivit

PANÆTIUS

Rhodius, Lælii, & Scipionis Africani familiaris, & in Alexandrino itinere comes, ut testatur Cic. 4. Acad. Qu. & Plutarchus in Apophth. Princeps prope Stoicorum, & Stoicorum gravissimus eidem Ciceroni loc. cit. & Offic. 2. appellatus. Hic licet Platonis admirator fuerit magnus, eumque divinum, sapientissimum, sanctissimum, Homerum Philosophorum appellaverit; ejus tamen de Immortalitate sententiam improbat, & argumentis confutare conabatur. De Astrologorum divinandi vi dubitabat. Tres de Offic. libros scripsit à Cic. commendatissimos 3. de Offic. & de Providentia. Diu vixisse Lipsius ex eo probat, quod Cicero ex Posidonio tradat, eum editioni suorum librorum de Officiis triginta annis superstitem fuisse. Tandem

POSIDONIUS

Pameæ in Syria natus; Rhodius autem dictus, quod Rhodi vixerit, & docuerit, ut testantur Athenæus, & Strabo, qui l. 1. 6. eum virum Πολύμαθον, Polymathum, hoc est, doctissimum appellavit. Ad hunc Rhodi Remp. administrantem, ut idem l. 14. refert, Pompejus à Syria abiens flexit, ut ipsum audi-

audiret, elque hoc honoris habuit, referente Plin. l. 7. c. 30. ut *Percuti de more fores à liſſore veteris, & faſces januæ ſubmiſerit is, cui Oriens ſe, Occidenſque ſubmiſerāt.* Deinde magnum hunc Philoſophum viſens, & copioſe diſputantem de hoc, *Quòd Nihil bonum ſit, niſi quod honeſtum eſt,* audiens; cùm ipſum graviter arthritide laborantem vidiffet, valere juſſit, & imperare quid vellet. Col Philoſophus

Rem gere præclare, atque alijs præſtare memento.

Sphæram conſecit, quæ ſuis converſionibus Planetarum omnium motus æmulabatur. Quinque libros de Divinatione, & alios quinque de Nat. Deor. ſcripſit, quos laudat Cic. in ſuis ejuſdem argumenti operibus. Pompeji quoque res geſtas deſcripſiſſe, Strabo l. 11. affirmat. Romam, ducente M. Marcello, veniſſe, Suidas in Poſid. ait; ipſumque ibi ſe vidiffe Cic. de Nat. D. 1. 3. & audiviſſe fatetur; & cum Scipione, Carthaginiſ domitore, convixiſſe traditur Athenæo l. 14. Atque hæc de Stoicorum ſchola, quæ in Poſidonio in Græcia terminavit. Stoicus enim etiam fuit Archedemus, qui voluntario exilio ad Parthos proſectus, Babylone ſuæ ſectæ ſucceſſores reliquit, ut tradit Plut. l. de Exilio, Tull. 4. Acad. & Strabo l. 14. Stoicus etiam Sotio fuit, quem Sen. præcepta-rem agnoſcit Ep. 49. & 58.

Fuere quoque ex nobiliſſimis Romanorum, qui hæc Sæctam ſecuti ſunt, Tubero, Cato, Varro, Thraſæas Pætus, Helvidius Pruſcus, Rubellius Plautus, & Imperator M. Antoninus, cujus tempore, ut Sext. Emp. narrat, plures erant Stoici præ alijs ſectis. Hæc enim animum ad contemptum rerum humanarum, & patientiam in adverſis formabat. Unde Sen. de Conſt. Sap. c. 1. ait: *Tantum intereſſe inter Stoicos, & ceteros Sapientiam proſeſſos, quantum inter viros, & feminas.* Et Ep. 83. eam vocat *Fortiſſimam, & Sanctiſſimam ſæctam.* Et Divus Hieron. in Eſaiæ c. 10. *Stoici cum noſtro dogmate in pluriſque concordant.*

Ex antiquis etiam Theologis plures Stoici fuere, ut Panætæus Alexandrinus Antiſtes, qui, referente cit. Hieron. ad Indorum Brachmanas miſſus eſt, ut Chriſtum prædicaret. Philoſophus Philoſophos facilius converteret, Stoicus Brachmanas, cum quibus in multis conveniebat. Ejus diſcipulus Clem. Alexi. qui ſe Stoicum paſſim prodiit. Et de Stoicis ſatis, qui, juxta ordinem à Laërt. conſtitutum, poſtremi in ſcholæ ſucceſſione ex Thalete derivarunt.

CAPUT XI.

De Sæctâ Italica.

QUAMVIS hæc ſæctâ Jonicæ propago cenſeatur, quòd ejus autor Thaletis diſcipulus fuerit, ut Jambl. in Vita Pythag. teſtatur; ab illa tamen ratione loci, autoris, & doctrinæ diverſa eſt; nomenque ab Italia, in qua hæc ſæctâ inſtituta eſt, accepit. Ab illa igitur Italiæ parte, quæ à frequenti Græcarum Coloniarum concuſſu Magna Græcia dicta eſt, hæc ſæctâ Italica dicitur; quam ad nonam ulque, & decimam generationem duſſe, plures teſtati ſunt. Ejus autor fuit celeberrimus ille

P. Y T H A G O R A S

SAMIOS, quòd in Sami Inſula ex patre Mneſarcho; juxta Hermippum, annulorum ſculptore, mercatore, juxta alios, & matre Pythaide natus ſit, ut
ait

ait Hippobotus, cui sanior veterum scriptorum pars assentiri videtur. Aristoxenus vero in Vit. Pyth. Aristarchus, & Theopompus, referente Clem. Alex. 1. Strom. eum Tuscum faciunt: Syrium tamen, sive Tyrium putat Cleanthes; ita ut ex plurimorum sententia Pythagoras esset genere Barbarus. Tanta autem auctorum de Pythagoræ patria, & patre quoque, contentio est, ut jure merito Lycus & Pythagoræ, & Homeri patriam indicare difficile nimis duxerit. In tribus Mnesarchi filius ipse natu minimus fuit, habens primum fratrem Eunostum, juxta Cleanthem, Eunomum, juxta Laërt. & Suid. secundum vero Tyrrhenum dictum; & præter hos patruus ei fuit nomine Zoilus, ut Laërt. refert. Natus autem dicitur Olymp. 53.

Pythagoras; annu agens 18. Philosophiam discendi studio impulsus, se ad Thaletem jam senem contulit, à quo *Μαθηµατικά*, Disciplinas accepit. Thalete deinde etate, & imbecillitatem caussante; & consilium dante, ut in Ægyptum ad Sacerdotes Memphiticos, & Diospoliticos pergeret, à quibus ipse etiam suam hauserat sapientiam; Ægyptum petiit, ac tres argenteos calices fabricatus, (ipsum enim *δακτυλοχρυσίου* fuisse, hoc est, gemmarum sculptorem, notat Apul. l. 2. Florid.) eos Ægyptiis Sacerdotibus donavit, à quibus Theologici, Philosophicique dogmatis instructus est. Imo, ut Ægyptiorum disciplinas, quas deperibat; addisceret, non veritus est circumcisionem pati, ut testatur Clem. Alex. Strom. 1. & Porphy. in ejus Vita. Notat Val. Max. 8. 7. Pythagoram Ægyptiæ gentis literis assuetum, & præteriti ævi Sacerdotum commentarios scrutatum, innumerabilium seculorum observationes cognovisse. Et ipsum Sacerdotum auxilio omnium rerum accuratam hausisse cognitionem, & loca omnia invisisse, in quibus se singulare aliquid inventurum speraret, notat Jambl. in Vit. e. 4. Id autem peculiariter refert Id. Clem. ib. Pythagoræ præceptorem præter alios extitisse Sonchidem Ægyptium Archipropheta. Ab hoc igitur, reliquisque Ægyptiis præceptoribus præter eorum linguam, & triplex literarum genus, Epistolicum, Hieroglyphicum, & Symbolicum (de quibus supra l. 2. ubi de Philof. Ægypt. egimus) *Μετεµψύχωσας* etiam, sive *Ανιµα- rum Transmigrationis*, sive *Ανιµα Reclivatas*, ut Cic. eam vocat, errorem hausit. Cujus erroris, quodd scilicet hominum animæ post mortem in aliquas plantas, vel animantes transirent, ipse præcipuus fautor, & veluti autor factus est. Unde factum credunt, ut is à fabris, & animalium carnibus abstineret, quod hominum animas continere putaret. Vid. Jambl. in Vit. l. 1. c. 5.

Ad Thebanos à Memphitis missus, multa pertulit, ut eorum præceptis sibi junctis, duris quidem, & Græcorum religioni etiam oppositis, pareret; quare factum, ut ipsi tantam juvenis tolerantiam, & ingenium admirantes, eum ad sacrorum, & studiorum communionem admitterent, quod nulli unquam extero homini contigisse reperitur, ut notat Porph. in ejus Vita. Præter hos Pherecydem etiam in Lesbo tum commorantem; cui à patre suo Zoilo, referente Laërt. commendatus fuerat, audiuit; & Anaximandrum Phisicum, apud quem naturalia fertur commentatus. Cleanthi etiam, & Suidæ, referente Porph. in vita, Pythagoræ præceptor dicitur Hermodamas, sive, ut Apulejus in Flor. ait, Leodamas Cæophyllus Samius tum valde senex.

Phænices etiam Prophetas, Mochi, naturæ interpretis, successores, & sacrorum Antistites adiit, à quibus & sacros ritus; & omnem ejus gentis disciplinam, & ea, quæ in multis Syriæ partibus singulari modo celebrantur, edoctus est; idque antequam ad Ægyptios pergeret. Annis vero 22. in Ægypto absumtis, quo tempore Cambyfes Ægyptios à se jam subjugatos Babylonem abduxit, Pythagoras etiam inter captivos in eam ductus est, ibique annis 12. moratus Zoroastri præceptore usus est, ut refert Apul. in Flor. qui *Οµνισ. δι. τρι-*

ni arcanum antistitem eum vocat. Hic autem non Magnus ille Zoroaster, qui primus artium omnium apud Chaldaeos inventor extitit, quique Pythagoram ætate longe præcessit, credendus est; sed illius nominis sextus, idemque cum eo, quem Diogenes Zabratum, Alexander de Symb. Pythag. Nazaratum Assyrium, Suidas Zarem, Cynillus Zaranem, & Plutarchus Zaratum vocat. Babylone igitur cum Chaldaeorum præstantissimis, & Persarum Magis, eo quod Persarum imperio subdita tunc Babylon esset, versatus, à Magis quidem in sublimi de Deorum cultu doctrina, numerorum, & Musicæ arte, reliquisque disciplinis instructus, siderum motus, ut ait Val. Max. 8. 7. cursusque stellarum, & uniuscujusque vim, proprietatem, & effectum didicit. Spartam etiam adiit, & Cretam; ut Minois, & Lycurgi inclytas eo tempore leges cognosceret, & Epimenidem Cretensem, quem Apul. in Flor. 2. Fatiloquum appellat, audiret, cum quo in Idæum antrum descendit nigra lana amictus, diesque 27. ibi moratus Jovi parentavit, & pulvinar vidit, quod ei quotannis sternitur, ac sepulcro Epigramma inscriptum reliquit, cujus initium: *Zan facer hoc tumulo, vulgo qui Jupiter audit.* Delum quoque venit, & Delphos ad Apollinem, cujus sepulcro elegiam inscripsit, ibique, teste Aristoxeno, complura moralium dogmatum à Themistoclea accepit.

Tandem notandum, Pythagoram, præter omnes modo dictos, etiam Judæos, Babylone tunc temporis commorantes, habuisse præceptores, quibus eum plura debere testantur Hermippus in 1. de Pyth. lib. quem citat Flavius Josephus contra Appionem; Origenes l. 1. contra Celsum, & Clem. Alex. l. 2. Strom. ubi ait: *Pythagoras etiam multa ex nostris transulit in suorum dogmatum traditionem.* Neque mirum, quum plura ei cum populo Dei communia fuerint; præcipue quando in urbe Sidone cum Carmelitis, Eliæ, & Elisei disciplinam professus, versatus est. Godefridus Wendellinus in epist. ad Erycium Puteanum dissertatione de Pythagore Tetraëty, edita an. 1637. docet, signari ab eo nomen Dei: *εὐρηκα, εὐρηκα*; atque hoc à Judæis, & quidem propheta Daniele, Magorum principe hausisse, qui tum fuerit septuagenarius. Sane ex Clem. Alex. constat, fuisse circumcisum ut dictum supra: sive id factum sit, cum adolescens ageret Babylone, sive cum in urbe Biblio, vel Sidone versaretur cum Carmelitis. Imo & nonnulli veterum putant, Ezechielem fuisse Pythagoram; quod falsum, assertit Clem. Alex. 1. Strom. Sic itaque omnibus sive Græcorum, sive Barbarorum mysteriis initiatus fuit. Jure igitur Clem. l. c. ait: *Semper Platonem magnificere Barbaros, ut qui meminisset, se & Pythagoram plurima, eaque præstantissima, & nobilissima dogmata didicisse apud Barbaros.* Alexander etiam apud Clem. Alex. l. c. addit, eum Galatas, & Brachmanum Gymnosophistas adiisse.

Ex longa autem hac, & totius fere Orbis peregrinatione anno ætatis 36. in patriam suam Samum reversus est, ibique rerum publicarum regimen à concivibus sibi oblatum non recusavit. In eadem Urbe scholam erexit, Pythagoræ Hemicyclum postea dictam, ubi Samii de publica re consilia collatui conveniebant. Extra Urbem vero, Minoem Jovis filium imitatus, antrum sibi, Philosophicis, & Mathematicis contemplationibus aptum, paravit, ubi maximam diem, noctisque partem transigebat. Facta hinc celebri per universam Græciam ejus fama, undique ad ipsum discipuli ad Philosophiam capessendam confluxebant. Sed cum & Reipublicæ regimini, & Philosophiæ studiis vacare simul difficile considerans, Urbis administrationem declinare statuisset; Samiorum etiam in literarum studiis socordiam aspernatus, in Italiam profectus est Olymp. 68. ex Jambl. Romæ regnante Servio Tullio, ut testatur Liv. l. 1. sive paucos post annos, ut ex multis scriptoribus deducit Stanl.

Prima

Prima Italiæ urbs, ad quam magnus hic Philosophus, plurimam regnum peregrinatione clarus, appulit, Crotona fuit; ubi statim ejus fama divulgata est à piscatoribus, quibus ipse numerum piscium in sagena, in mari adhuc existente, positorum prædixerat; unde ad eum omnium fere civium multitudo convenit, ut tantum virum agnoscerent. In hac itaque Civitate sede sibi electa, quatuor ibi primum orationes habuit, ad Senatores scilicet, ad Juvenes, ad Pueros, & ad Mulieres; quibus præter cætera præcepit, ut plus viros suos, quam parentes diligenter, & nulla in re ipsis refragarentur, sique si efferint, tum se vicisse existimarent. Pretiosis insuper vestibus abstinendum eis suavit, easque ut Junoni sacrent præcepit, quod & omnes fecerunt, auratas vestes, ornamentaque lasciviora huic Deæ consecrantes. Tanta igitur fuit apud Crotoniatis autoritate, ut, suæ etiam vitæ severæ simul, & integerrimæ exemplo, eos luxuria, multisque vitiis disfluente ad frugalem vitam, cultumque revocaverit. Crotoniatis, Metapontinos, viciniosque populos Philosophiam docuit. Crotonam, Sybarin, Catanam, Rhegium, Himeram, Agrigentum, Tauro-menium, aliasque civitates in servitutem redactas, per discipulos suos, quos à singulis civitatibus habebat, in libertatem afferuit, discipulorum animum ad libertatem semper accendendo, factionesque funditus evellendo. Ipsi liberis jam factis leges dedit, quibus ad multas ætates bene viventes viculis populis æmulationi diu fuerunt.

Schola in Crotonæ civitate instituta, magnus ad eum discipulorum concursus factus est, quos prima oratione in ea urbe habita ad sexcentos, & Nicomachus ad duò millia sibi conciliasse, fatetur; quos ex facta vitæ, bonorumque communione Cænobitas appellant ejus vitæ scriptores. Et quidem ut omnes eodem vitæ instituto viverent, & ne domo amplius absentes, in unum collatis omnium opibus, amplissimum sibi *Karistion*, Cænobium ædificaverunt, ad quod omnes, feminæ etiam, puerique admittébantur. Hoc autem idem is fuisse, ac nobis Ecclesia est, interpretatur Clem. Al. Strom. 1. Societatem hanc Laërt. Systema vocat, Cassiodorus Collegium; Agellus vero Consortium. Huic autem Cænobio regendo, bonisque dispensandis, discipulorum quosdam destinabat, ab officio Politicos, & Economicos appellatos. Civitates etiam concedebant, omnemque eam Italiæ partem incolabant, quæ Magna Græcia dicta est; & in ipsis ex divinis Pythagoræ legibus, & institutis viventes, summa omnium concordia habitantes, à vicinis populis laudati, pro divinis habebantur.

Non æque tamen omnes ad eadem studia, eandemque vitæ rationem ad-mittebat, sed singulis pro indolis, & ingenii aptitudine diversa studia, diversumque vitæ institutum statuebat. Iis itaque, qui *Λυσιμαχοί*, sive *Λυσισμαχοί* dicebantur, qui scilicet vel ingenio minus valerent, vel Reip. negotiis impediti, se totos Pythagoræ studiis dare non possent, *τὴν ἐν*, sive *id*, quod est, nudis præceptis tradebatur; aliis vero, qui *Μαθηματικοί* vocabantur, *τὴν διάνοιαν*, *id*, propter quod, sive cur aliquid sic, & non aliter se haberet, tradebatur, ut haberetur apud cit. Clem. Alex. 3. Strom. Sic iis, qui ad *Systema* pertinebant, & Pythagoreorum nomine vocabantur, bonorum omnium communionem indixit, & per omnem vitam sic vivere voluit; cæteris vero præcepit, ut suas quisque opes seorsim possideret, sed studiorum tantum gratia in unum convenirent. Anonymus Pythagoræ vitæ scriptor apud Photium tres Pythagoram sequentium species memorat: *Μαθηματικοί*, qui cum ipso Pythagora fuerant versati; *Πυθαγορικοί*, qui istorum discipuli erant, & *Πυθαγορεῖς*, qui licet non in schola eorum fuissent, magni tamen Pythagoram facerent. Vid. etiam Suid. v. Πυθ.

Sed ut ea, quæ ad Pythagoræ discipulos, eorumque institutionis modum, spectant, breviter attingamus, sciendum primo est, ejus discipulos in duo genera

genera divisos esse, in *Exotericos*, & *Esotericos*: Exoterici dicebantur, qui explorantis adhuc subessent tentaminibus, quæ si prout decebat sustinuisent, inter *Esotericos* recipiebantur. Eos insuper in suos non admittebat, nisi prius vultum, mores, indolem, & similia scrutaretur. Nec satis Pythagoræ videbatur, si *quædam* ad discipulos deligendos, sed eos ante ad purgandam mentem toto quadriennio variis afflictionibus, ferro quoque, & igne peragendis, probaret. Quos autem post hoc examen probaverat, eos triennio contemptui haberi jubebat, ut eorum ad gloriæ, honorisque contemptum constantiam exploraret. Sine mercede semper docuit, discipulisque docere præcepit.

Quod tamen Pythagoræ omnium primo discipulos suos docebat, Silentium erat, quod ut difficillimum, ita & maxime necessarium est. Idem etiam sentire videtur Cato in distichis, cum ait:

Proximus ille Deo est, qui scit ratione tacere.

Hoc autem Silentium duplicis erat generis; alterum certo tempore definitum, alterum perpetuum. Primum *Expositum* dicebatur, & minimum ad biennium, summum ad quinquennium erat. Nam *jubeat certum tempus tacere; ut omnes idem, sed aliud aliis tempus, pro estimato capiti solertia; sed non minus quisquam tacuit, quam biennium*, ut notat Gell. l. i. c. 9. *Expositum* autem dicebatur, quasi *expositum* in laqueo, ut ait Hesych. & Suid. in *Exposita*, hoc est, continens in seipso sermonem silentio. Hoc silentium imitatus etiam videtur Basilides Hæreticus, qui *Plurimum tacuit, Quinquennale Silentium* à discipulis exigebat, ut habet Euseb. Hist. Eccles. l. 4. c. 7. Secundum silentium, quod Perpetuum erat, *Plurimum*, hoc est, *Omnimodum* dicebatur, quo Pythagoricis de illis, quæ ex Pythagora didicerant, inter se quidem loqui fas erat, cum extraneis vero, & profanis, hoc est, cum non Pythagoricis nefas. Quod respectisse videtur Cic. l. 1. de Nat. D. dicens: *Nec tu mecelas, ut Pythagoras solebat alienos.* Cujus silentii finem hunc voluit Clem. Alex. 6. Strom. ut scilicet melius ad meditationes incumbere discipuli. Sic enim ibi: *Hoc sibi vult etiam Pythagora quinquæ annorum silentium, quod præcipit discipulis, ut scilicet averse à rebus sensibilibus, nuda mente Deum contemplantur.*

Somni item, cibique abstinentiam ipsis præcipiebat, ut mens facilius difficilioribus Philosophiæ studiis vacare posset. Si qui igitur vitæ probitate, abstinencia, laborum tolerantia, & quinquennali silentio probati essent, in *Esotericos*, ut diximus, admittebantur, & Pythagoram intueri, ipsumque intra velum audire permittebatur; Exoterici enim nec magistri factum videre, nec ipsum intra velum audire poterant, sed extra velum subsidentes, docentem ipsum audiebant. Si vero discipulorum aliquis rejiciebatur, is opum, quas contulerat, recipiebat duplum; sed ei tanquam vitæ functo monumentum à condiscipulis extruebatur.

Statas diei horas studiis, vel corporis exercitationi additas habebant. Examen, quam lecto consurgerent, instituebant tum eorum, quæ præterita luce didicerant, ut perfecte memoriæ mandarent; tum eorum, quæ in die ordinatim agere deberent. Secundum sibi Examen præceptum erat, Vespertinum, scilicet, antequam dormitum irent, quo peracta in die, & peragenda considerabant, & attentius perpendebant. In hoc examine Vespertino hos versus recitandos jussit:

Nec fessa in dulcem declines lumina somnum,

Quin ter cuncta prius repetiveris acta diei;

Quæ prætergressus? quid gessi in tempore? quid non?

Matutini vero Examinis canones his versibus recitandis continebantur:

E somno verò vigilans, quum strata relinquis,

R

Dispo-

Disponat animo luce expedienda futura.

His de Pythagoræ Vita, & docendi ratione notatis; videndum nunc quæ fuerit

DOCTRINA PYTHAGORÆ.

OMnis Pythagoræ doctrina in Mathesim, & Philosophiam dividebatur. *Mathesim* Græcis, Latinis *Disciplina* ea dicitur, quæ non extrinsecus ab objectis extra positis, per sensuum organa in animam agentibus, menti advenit, sed ab iis, quæ nobis apparent, excitatur, atque intus perhectur à cogitatione in seipsam conversa. Hujus duæ sunt partes, altera scilicet, quæ *Multitudinem*, altera, quæ *Magnitudinem* considerat. Quæ *Multitudinem* contempletur, subdividitur in eam, quæ *Multitudinem* spectat in seipsa considerata, & dicitur *Arithmetica*, sive *Scientia Numerorum*; & in eam, quæ spectat *Multitudinem* considerata tam in alio, & dicitur *Musica*. Sic pariter Mathesis, quæ *Magnitudinem* contempletur, vel ipsam considerat, ut quiescit, & *Geometria* dicitur; vel ut movetur, & dicitur *Sphærica* scientia. Quatuor igitur ex Pythagora Matheseos partes sunt, Arithmetica, Musica, Geometria, & Sphærica; quas ipse primus *Mathesim* nomine appellavit, ut refert Proclus in Euclid. l. 1. p. 13. Has autem omnes Mathematicas disciplinas Philosophiæ studiis præmittendas duxit; hisque veluti præexercitationibus necessariis ad Philosophiam utebatur. Arque hinc factum, quod Justinus Martyr à Pythagorico quodam, alti in sapientia supercilii viro, in discipulum admitti non potuit, quod Mathematicarum disciplinarum ignarus esset, ut ipse de se testatur in Dial. cum Tryph. p. 219.

Arithmetice potissimum Pythagoram sese addidisse affirmat Timæus. Seebæus, eam omnibus aliis scientiis prætulisse, dicit, atque à mercatorum usu abductam in lucem, & claritate collocasse. Isidorus in Chron. alique ipsum Arithmetice ingentorem dicunt; Numerique disciplinam apud Græcos primum Pythagoram conscripsisse, deinde à Nicomacho diffusius compositam. Et magno quidem studio circa numeros versabatur, quod summum hominis bonum in exactissima numerorum scientia positum existimaret.

Numerorum genera duo statuit, *Intellectuales* scilicet, sive *Immateriallem* numerum, & *Scientificum*. Intellectualis numerus est substantia æterna numeri, quam Pythagoras in sermone de Diis principium esse dixit providentissimum Universi, cœli, atque Terræ, & intermediæ naturæ. Præterea radix est divinatorum, & Deorum, & Dæmonum. Hoc est, quod principium vocat, fontem, & radicem omnium, atque desinit, quod sit id, quod ante omnia existit in mente divina, à quo, & ex quo omnia digeruntur ordine, atque indissolubili serie numerata manent. Vid. Meurs. Denar. cap. 1. Nicomach. Arith. c. 1.

Scientificus numerus est Progressio numeri à monade incipiens, regressio in eandem desinens. Scientificus numerus dividitur in Infinitum, seu Æqualem, & in Finitum, sive Inæqualem. Inæqualis, seu Imparis numeri secretum à Pythagora inventum dicitur Macrobio Saturn. 1. 13. & in Somn. Scip. 1. 6. masculinæ esse virtutis traditur. Serv. ad Ecl. Virg. 5. v. 65. Diis cœlestibus proprium dixit, nam

Número Deus impare gaudet.

Vocatur etiam hic numerus plenus, & perfectus; unde & Diis nonnisi hoc numero sacra fiebant. Contra vero Æqualis indigens dicitur, & imperfectus, & feminæ, & inferiori proprius, quibus semper æqualia offerebantur.

Præter

Præter has numerorum distinctiones, Symbolicos etiam numeros agnovit Pythagoras; quorum singulis diversas res tribuebat. Sic Monadi, ex. gr. sive Unitati tribuebat Deum, Mentem, &c. Dyadi, seu Binario Genium, Tenebras, Dianam, Malum, &c. assignabat; & sic de reliquis. Vid. Meurs. Denar. Theologum. Arithm. Nicomach. apud Phot. Alexander Aphrodis; Theon Smyrn. Mathem. Plat. atque alii.

Divinationem etiam per Numeros Pythagoram instituisse fatentur Jamblicus, & Porphyrius ejus vitæ scriptores; qui addunt, in hac eruditum ab ipso etiam fuisse Abartidem Hyperboreum Sacerdotem, qui per victimarum extispicia divinationem prius instituebat. Atque hinc factum, ut quidam sub Pythagoræ nomine obtrudere hominibus ausi sint Onomasticam quandam Arithmeticam, quæ certis quibusdam numeris, literis Alphabeti, Planetis, diebus, hebdomadibus, & Zodiaci signis assignatis, varias quæstiones, natales, viclorias, vitam, mortem, prospera, & adversa &c. divinabant. Retam etiam quandam ad divinandum à Pythagora inventam memorant Robertus à Fluctibus, & Apollonius. Sed hoc recentiorum inventum esse optime notat Trithemius, atque alii.

Secundam Numerorum scientiam, quam scilicet in alio Numeri spectantur, Musicam Pythagoram vocasse, diximus, quam ipse etiam maxime coluit. Et primam quidem Musicam in Planetis posuit, unicuique ipsorum proprium sonum assignans; ita ut omnes cum fixarum Sphæra perfectam efficiant harmoniam. Diatonicam, Chromaticam, & Harmonicam, omnesque Musicas Institutiones ipsum invenisse, sicut & Monochordum, cit. ejus vitæ scriptores, Nicomach. in Harmonic. Manual. atque alii testantur. Notandum hic, Pythagoram Medicinam per Musicam etiam excogitasse; quæ sæpe, verno potissimum tempore, pro purgatione utebatur, ratus, Musicam plurimum ad sanitatem conferre, si legitimo modo adhibeatur. Ad hunc finem varii rhythmus versus componebat, alios quidem ad iram sedandam, alios ad cupiditates concipescendas, omnes denique variis animi affectibus, vel morbis accommodatos, quibus ipsum Irrationales animæ motus sanasse, in juvenibus potissimum, testantur Ammon. & Cic. Pythagoram, ejusque discipulos ad mentes componendas mane, dum somno surgerent, & vespere, dum lectum irent, Musicæ usos fuisse referunt Quintil. Plut. & Censorin. Hanc igitur Pythagoras utilissimam humanæ vitæ, morumque correctionem per Musicam instituit. Semper tamen ad Lyræ canebat, ut constat ex Aristide l. 2. de Mus. discipulisque præcepit, ne unquam instrumentis, quæ flatu inflantur, uterentur.

Geometriam, quam illam Matheseos partem diximus, quæ Magnitudinem, quatenus quiescit, spectat, ab Ægyptiis, & Chaldæis acceptam Pythagoras primus in Scientiæ formam redegit, ut testatur Proclus, & Timæus, qui ipsam hanc scientiam primum perfecisse affirmat. Et Aristoxenus addit, primum ipsum mensuras, & pondera Græcis tradidisse. Pythagoras Punctum Unitati, Lineam Binario, Superficiem Ternario, Corpus Quaternario, proportionem respondere dixit. Plures ejus extant de Triangularibus, & Quadrangularibus figuris Propositiones, quas apud Pythagoricos videre est. Illud tantum adnotabo, quod habent Laërt. Vitæ. & alii, Pythagoram scilicet Diis, sive Musis, ut aliis placeat, hecatomben sacrificasse, eo quod invenisset celebre illud Theorema, quod probavit, trianguli $O\theta\eta\gamma\omega\iota\varsigma$, Rectanguli latus recto angulo subiectum tantundem valere, quantum valent latera, quæ illum continent; ac proinde, quadratum, quod lateri rectum angulum subtendenti imponitur, æquale esse duobus quadratis, quæ lateribus rectum angulum continentibus imponuntur. Quod sequentibus versibus probatur:

R 2

Pj.

*Pythagoras quondam Diis fecit nobile sacrum,
Inventa est illi tanta quod celebris.*

Ultimam tandem Matheseos partem, quæ Magnitudinem, ut moveretur, considerat, Astronomiam scilicet Pythagoras maxime etiam excoluit. Sphærarum systema sic statuit. Prima, & innerrabilis Sphæra, quæ & Firmamentum dicitur, fixarum est, extimam mundi superficiem occupans. Secunda Saturni, tertia Jovis, quarta Martis, quinta Veneris, sexta Mercurii, septima Solis, octava Lunæ, nona Ignis, decima Aeris, undecima Aquæ, duodecima tandem Terræ nostræ. Sic ex Anonymo Pythagoræ Vitæ scriptore apud Photium. Alii tamen decem tantum Sphæras ipsum statuisse scribunt, quarum ultimam ponunt Antichthona, hoc est, terræ partem nostræ oppositam. Illud tamen hic adnotare placuit, Pythagoram primum in mundi medio Solem immotum statuisse; in extrema vero ejus superficie immobilem item Fixarum, Sphæram: inter Solis, & fixarum Sphæras medios Planetas, & Terram, quippe, quæ planeta sit, discurrere: Terræ etiam Pythagorici duplicem tribuere motum, unum diurnum circa proprium axem, alterum annuum circa Solem. Quam sententiam primus Philolaus, ex Lært. 8. 85. literis consignavit, & publicam fecit; & ex eodem Pythagoræ fonte Aristarchus Samius hanc doctrinam derivavit, ejus autor à nonnullis creditus est. Tandem Nicolaus Copernicus ultimus omnium ipsum renovavit, ac clarius explicavit per Ecceptricos, & Epleyclos, sicut & Pythagoras fecerat, phænomena planetarum.

Sphærarum item Harmoniam explicabat per stellarum motum *supra*, & ipsarum intervalla musicis diastematis congrua, ex quibus pro vario ipsarum tono sonitus varius, & harmonicus reddant, pro sua quæque altitudine; quæ melodia nobis quidem non auditur propter vocis magnitudinem, quam capere aurium nostrarum angustia non possunt. Hinc Athen. 14. Dipnosoph. ex Pythagora ait, Mundum constare vi musica; quare ex Diis Apollinem, ex Semideis Orpheum omnium maxime musicos credidit, & doctos. Et Cle. 3. de Nat. D. ait: *Aur ad harmoniam canere Mundum, ut Pythagoras existimavit.*

Sed eam breviter examinemus Pythagoricæ Doctrinæ partem, Philosophiam scilicet, ad quam nonnisi his Matheseos scientiis prius ornati Pythagorici non procedebant, ut melius possent & mundi opera, & principia naturæ perspicere. Philosophiæ nominis inventum, & definitiones ex Pythagora traditas hic prætereo; de ipsis enim in principio hujus Operis actum est.

Philosophiam Pythagoras in *Practicam*, & *Theoreticam* divisit; quarum prima mores, & res civiles respicit; secunda naturæ arcana contemplatur. Practicæ Philosophiæ inventum Pythagoræ tribuitur ab Aristotele Magn. Moral. 1.1. c.2. Quod vero Socrati vulgo tribuatur, causam addit idem Aristoteles, quod scilicet Socrates, post Pythagoram vivens, melius, pleniusque id argumentum tractaverit. Practicæ Philosophia adhuc dividitur in *Pædeticam*, quæ agit de virtutibus privatis, ad nos spectantibus; & in *Politica*, quæ virtutes publico usui inservientes, & ad alios spectantes, docet. Sic etiam apud Lærtium legimus, eum tres tractatus scripsisse, *Pædeticum*, *Politicum*, & *Physicum*. Pædeticus virtutes ad hæc capita, ut ex Jamblichio, redegit, *Institutio*, *Silentium*, *Abstinentia à carnibus*, *Fortitudo*, *Temperantia*, *Sagacitas*: in quibus præclara quidem moralia dogmata tradit, docetque quomodo cuique bene vivendum sit. Vide Stob. alioque.

Politice, ex eodem Jambli. ad hæc capita redegit: *Communis Conversatio*, *Amicitia*, *Cultus Deorum*, *Pietas in mortuos*, & *Legumlatio*. Quibus omnibus docet, quales nos in Deos, parentes, amicos, reliquosque vivos aequè ac mortuos esse debeamus. Inter cætera hac in se præclara dogmata illud ve-

re dignum, quod memoretur; non patiebatur scilicet quemquam pro se orare, quod ignoret quid sibi expediat. Hanc Philosophiæ partem sic optime tractavit, ut ejus inventor multis audiat.

In prima Theoreticæ Philosophiæ parte, quæ *Metaphysica* est, de rebus *Intelligibilibus* agit. Summum Deum solum sapientem dicebat, primum Eas, nec sensui, nec passioni obnoxium, invisibilem, intelligibilem, omnium opificem, principium omnium, unum, parentem omnium, cœli lumen, mentem, & animationem universorum; & circularum omnium motionem. Deum Pythagoras definit, ut refert Lactant. Instit. 1. 5. quod sit *Animus per universas mundi partes, omnemque naturam commens, atque diffusus, ex quo omnia, quæ nascuntur, animalia vitam capiunt*. Et omnes quidem Pythagorici cum Pythagora optime de Deo sentiunt; utpote qui, referente Clem. Alex. in Protrept. dicant; Deum quidem unum esse, non ita ræmen, ut quidam opinantur, quasi sit extra Mundi administrationem, sed est totus in ipsa, in toto circulo, speculator totius generationis, universorum contemperatio, qui semper est, & suas facultates deducit ad operationes, omnium operum in Cœlo illustrator, pater omnium, mens, & animatio totius circuli, omnium motus &c. *Metaphysicæ* hæc sunt capita: *De Summo Deo; de Diis, Dæmonibus, & Heroibus; de Fato, & Fortunæ; de Divinatione*. Mundi partes supra lunam positas sola Dei Providentiæ gubernari docuit; quæ vero infra lunam, quatuor regi causis, *Deo, Fato, nostro Consilio, Fortuna*. Omne Divinationis genus probavit, & exercuit, eo excepto, quod animantium cruore peragitur. Animam dixit esse ætheris avulsionem; Semen vero cerebri stillam, quæ calidum vaporem, in se contineat.

Physicæ, siue naturalium rerum scientiæ capita ex Pyth. hæc tradit Jamblichus in Vit. c. 6. *de Mundo, de rebus Mundanis, de Cælo, de Terrâ, & de rebus in medio positis*. Pythagorici in Mundi meditullio Ignem statuebant: quod & Numa Pompilius sensit, teste Plutarcho in Vita. Naturalium rerum Principia, ut refert Alexander in Successionibus ex commentariis Pythagoricis, hæc statuit. Principium, causa, & auctor omnium Unitas est: ex Unitate infinita extitit Dualitas, quæ veluti Materia auctori Unitati subiecta est: Ex Unitate, & indeterminata Dualitate numeri existunt: Ex numeris puncta: Ex punctis lineæ: Ex lineis planæ figuræ, siue superficies: Ex superficiebus solidæ figuræ: Ex his denique solida corpora, quorum quatuor Elementa sunt, Aër, Terra, Aqua, & Ignis, quæ per omnia se mutant, & variant; ex quibus variatis, & transmutatis Mundus fit Animatus, Intelligibilis, Rotundus, & mediam Terram continens, quæ & ipsa rotunda, & circumhabitata est; itaut & Antipodes dentur, nobis obversa vestigia prementes; & ipsi Mundo æquis partibus Lux, & Tenebræ, Calidum, & Frigus, Siccum, & Humidum insint. Mundum hunc, siue rerum omnium creaturarum complexum, prius Pythagoras *Χρόνος* ab ordine, & pulchritudine dixit, à Deo non tempore, sed cogitatione ortum, ex sui natura, quia corporeus est, interituum: sed Dei providentiæ servatum, ac proinde nunquam interituum: cujus Dextra Oriens, quia ab ipso motus incipit, Sinistra Occidens dicitur. Extra Mundum Ioane infinitum ponunt Pythagorici, ex quo, & in quo Mundus respicit. De Anima Mundi, & Natura legendus est Timæus Locrus, in quo tractatu omnis Pythagoricæ Physicæ doctrina continetur. Pythagoricus enim ipse fuit; atque, idem esse dicitur à Suida, qui Pythagoræ vitam scripsit. Hujus Timæi Loerenfis nomine Plato divinum illud opus inscripsit, in quo de rerum Creatione differuit, quod Cicero postea Latinum fecit, & de Universitate inscripsit.

Pythagoræ illud præcipuum, ac plane singulare dogma fuit, ut in principio hu-

jus

jus capitis quoque innuimus, quod Animæ ex sua quidem natura immortales, ante corpora genitæ, & numero innumerabiles, si peccatum aliquod commiserint, detruderentur in corpora, ut sic purgatæ ad loca sua reverterentur; eæ vero, quæ humano corpore inclusæ improbam vitam degerent, in brutorum animalium corpora immitterentur ad pœnas pro vitiorum ratione luendas. Sic iracundæ, & malitiosæ animæ in serpentes, rapaces in lupos, & sic de singulis, mirarentur; ut ex Theodoritò, Platone, Plotino, aliisque habemus. Hinc animata omnia nobis cognata existimabat; eademque ratione ab animalium carne, & falsis abstinere jubebat. Unde & *Paba cognata Pythagoræ* dicitur Horatio 2. Sat. 6. Hunc autem animarum Transmigrationis circuitum post trium millium annorum ambitum perfici putarunt Ægyptii, à quibus ipse hanc doctrinam acceperat: Quam doctrinam variis ipse narrationibus confirmabat, referens, se meminisse, sese olim fuisse Euphorbum, postea Pyrandrum, deinde Callicleam, inde Alcen feminam pulchra facie meretricem, ut est apud Agell. 4. 12. Hanc ipsam Transmigrationis sententiam pulcre nimis expressit Ovid. Metam. 15. v. 153. & seq.

Medicinam quoque Pythagoram exercuisse ex Laërt. Apul. Elian. aliisque habemus, præcipue Diætericam, amicosque ægrotos sæpius visitasse, & curasse Medicina non minus Diæterica, quàm Therapeutica, carminibus, & incantationibus, ut supra quoque diximus. Horum carminum meminit quoque Plin. 1.28. c.4.

Omnis Pythagoræ doctrina vel *Antiqua* erat, quæ aperta magis, & facilis, vel *Συμφορη*, quæ obscura, & mystica. De prima hucusque actum est; superest, ut de secunda pauca hic adnotemus. Symbolico dicendi genere comprehendebantur brevia illa, atque enigmatica dicta moralia, ut: *Ne cor edas*, hoc est: *Ne te turba conficiat: Stateram ne transis*, hoc est: *Ne justitiam violas*, vel *Ne avaritia pecces*. *Ignem gladio ne sodias*, hoc est: *Iratum ne maledictis lacessas*. *Hirundinem sub tecto ne recipias*, hoc est, *Garrulum ne admittas*, & similia, quæ collegerunt Laërt. Jamblich. & Porphyre. ejus vitæ scriptores, & Desid. Erasm. Inter recentiores inieci Chilliadam, & omnium accuratissime, Lilius Gyraldus libello de his peculiari. Omnia tamen moralia hæc præcepta in uno illo Auréo quidem Carmine, quod Pythagoræ, vel Pythagoricis tribuitur, continentur, quod incipit:

Primum immortales Divos pro lege colunto. &c.

Quod hic, quia vulgatissimum, transcribere superflueo. Cujus quidem carminis, quod Pythagoræ vulgo ascribitur, Lysidem Pythagoricum Tarentinum Laërtius autorem facit; qui & Epaminondæ præceptor fuit. Clariss. vero Fabric. Bipl. 2. p. 461. Empedoclem autorem putat, alii alios. Probabilius tamen est, hos versus variâ occasione à variis sigillatim concinnatos fuisse; deinde, ab aliquo in unum corpus utcumque collectos, ut notat doctiss. Joh. Cler. qui hoc opus *σύνθετον* esse variorum Pythagoreorum verosimile putat.

Celebris inter auctores quæstio est, an Pythagoras aliquid scripserit, nec ne. Plutarchus, Josephus, Lucianus, Porphyrius; atque alii, putant, eum nihil prorsus scriptum reliquisse; quos sequitur Divus August. qui 1.2. de Consensu Evangelistarum c.7. ait: *Pythagoras, quo in illa contemplatione virtutis nihil tunc habebat Græcia clarius, non tantum de se, sed nec de ullâ re aliquid scripsisse perhibetur*. Et Joh. Ludov. Vives de Causis Corrupti Art. 1. r. causam ex aliis tradit, cur Pythagoras (quod & de Druidis quoque traditur) non scriberet, quod diceret; *Nolle se scribendis sensibus animi sui discipulos desidia assuefacere*. Verum Laërt. ex Heracliti Physici testimonio; qui de Pythagoræ scriptis quedam adducit, eos falli dicit, qui asserunt, eum nihil scri-

scri-

scripſiſſe. Hinc affirmat, ipſum tria volumina reliquiſſe, *Πολιτικά*, ſive de Inſtitutione, *Πολιτικά*, ſive de re Civica, & *Φυſικά*, ſive de Natura. Præter quæ & alia quoque cum ſcripſiſſe Heraclides Serapionis filius in Sotionis Epitome reſert. Quæ autem ejus diſcipuli ſcripſerint, videre eſt apud Voſſium de Sect. Philoſophorum c. 6. §. 12. Extat præcipue Didymi liber de Pythag. Philoſophia, & Alexandri alter de Symbolis Pythagoricis. Laërtius etiam poſt opus de Vitis Philoſ. Pythagorica dogmata collegit ex Hippodamo Thurio, Euryphemo, Hipparcho, Archyta, Theage, Metopo, Clinio, Critone, & Polo, Pythagoricis, quem vide.

Porphyrus, & ex eo Jamblichus in Vita plura referunt miracula Pythagoræ addiſta. Alii, inter quos Timon, Magis ea tribuunt, Pythagoramque *μαγισ*, *magum* appellant. Hermippus, & Sophoclis Scholiaſtes & alii, hæc prodigia meras impoſturas affirmant; narrantque, Pythagoram in ſubterranea ſpecu diu delituiſſe, matricæ interea præcepiſſe, ut quicquid fieret in tabulis ſcriberet, tempuſque adnotaret, ac ſe jam mortuum diceret. Elapſo tempore ex ſpecu ſqualidus, & macie confectus adſcendens, advocata concione, dixit, ſe ex inferis redire; & ut ſibi fidem faceret, omnia, quæ interea evenerant, recitaſſe, ac quæ apud inferos viderat, narraſſe. Hinc apud Crotoniatas in magna ſuit autoritate; qui ipſum diſſini aliquid habere dicebant, ejuſque dictis auditis ita afficiebantur, ut in lacrymas etiam, & ejulatus prorumperent.

Notandum vero hic eſt, non ſatis conſtare, Pythagoram ab animalium, omnium, & ſaburarum eſu abſtinnuiſſe. Nam Ariſtoxenus Muſicus, Ariſtotelis diſcipulus, quem citat Gell. l. 4. c. 11. Pythagoram porculis miniſculis, & hædis tenacioribus viſitaſſe, reſert: quod ex Xenophilo Pythagorico, familiari ſuo, aliſque natu majoribus, & ex Alexis Comœdia, quæ Pythagoræ Vita inſcribitur, collegiſſe, ait. Imo nullo ſæpius lagumento Pythagoram, dicit, uſum, quàm fabis, quoniam is eibus & ſubduceret ſenſim alvum, & levigaret, ut ex cit. Ariſtoxeno reſert Gell. ibidem. Hinc, qui nec diligentius ſcrutati ſunt, putant, Pythagoram, ejuſque ſucceſſorem Empedoclem per fabas ſignificaſſe teſticulos; ita ut à fabis abſtinentia ſymbolice, & ænigmatice intelligenda ſit; ac propterea non ſabarum abſtinentiam, ſed veneris profluvium ab hominibus abducere voluiſſe, credendum eſt. Aliàs enim ridiculus plane eſſet Pythagoras, dum ait, ut præter Lucianum, & Chryſoſtomum teſtatur Clem. Alex. Strom. 3.

Πῶς τὴν αὐτὴν ψυχὴν, ἀνακαταλαμβάνει.

Par eſt quippe ſabam, æſque caput corrodere patris.

Et ejus auditor Empedocles, qui, ut eſt apud Gell. ait:

Αὐτὸς, ἀνακαταλαμβάνει τὴν αὐτὴν ψυχὴν.

Ter miſeri, nolite fabas attingere dextris.

Symbolicus igitur, & ænigmaticus in his ſenſus eſt. Hac ratione, inquit Alexandrinus loco cit. *myſtice uti fabis prohibent.*

Pythagoræ Uxor Theano Crotoniata fuit, ex plurimorum ſententia, ſive Cretenſis, ut notat Porphyrus, quæ poſt Pythagoræ obitum Scholæ præfuit; deinde Ariſtæo nupſit, qui ei in Scholæ regimine ſucceſſit. Laërtius ipſam quædam ſcripſiſſe reſert, ex quibus Suidas allegat *Commentarios Philoſophicos*, *Apophthegmata*, & *Poëma Hexamëtrum*. Stobæo etiam Ecl. Phyſ. l. 1. p. 27. allegator Scriptum ejus *ἔστιν Ἐντολὴν, de Pietate*; Clem. Alex. Str. p. 309. *Poëmata* ſcripſiſſe teſtatur. De *Epifſolis* ejus vide Fabricium Bibl. Græc. l. 2. c. 10. n. 24. Fragmentum denique ejuſdem citat Clem. Alex. Str. 4. p. 492. Filios habuit Telegæum, Mnecarchum (qui idem eſſe dicitur cum eo, quem Mamercum vocat Plutarchus, & Feſtus; utrumque enim nomen parenti Pythagoræ tribuitur) & Ari-

Ari-

Arimnestum, auctoritate Duridis Samii, ut notat Porphyrius in Vita. p. 187. qui Democriti præceptor fuit: filias vero Sacram, Myjam, & Arignotem, cujus scripta Pythagorica suo etiam tempore extitisse dicit Porphyrius & Damonem, (quam filiam facit Jambl. filium vero Suid.) cui scripta sua Pythagoras credidit, præcipiens ei, ne culpam extra familiam traderet, quod & fecit, nam pec etiam magno ære ea vendere unquam voluit: Servos duos habuit, Aristæum, & Zamolxidem, quem in carissimis habuit.

Mortuus tandem est magnus hic Philosophus a. 4. Olymp. 70. juxta Eusebium, postquam Crotone vixit annos 20. juxta Justinum. Mortis autem occasio varie ab autoribus traditur. Ex Laërtio habemus, mortuum esse, ne agrum fabis plenum calcaret, quem transire necesse sibi erat, ut ab incendio domus Milonis (alii legunt Cylonis) fugeret. Quidam enim Crotoniata, quem ipse in discipulos admittere noluit, domum illam, in qua ipse cum suis erat, incendit: unde ipse incendium fugiens, solus relictus, cum in agrum fabis refertum incidere, constitit, inquit, *Capi præstare, quàm calcare*: quare à persequentibus interemptus est: eodemque modo discipuli ejus circiter 40. periere; paucis fuga sibi consulentibus, inter quos Archytas Tarentinus, & Lysius. Vid. Jambl. Porphyrius. aliique. Romani Pythagoræ, & Alcibiadi statuas Romæ posuerunt, ut notat Plin. l. 34. c. 6. idum ait: *Invenit & Pythagoræ, & Alcibiadi (statuas) in cornibus Comitii postas, &c.*

In Scholæ successione, ut ex Jambl. c. ult. primus omnium fuit Aristæus, ut diximus, Crotoniata, qui Pythagoræ contemporaneus, septem ante Platonem generationibus vixit, Theanorem uxorem duxit, ac Pythagoræ filios educavit. Huic successit Mnesearchus Pythagoræ filius. Mnesearcho Bulagoras; cujus ætate Crotona direpta est: Bulagoræ Tydas Crotoniata. Variis tandem in locis ejus discipuli docuerunt. Videatur Jambl. loc. cit. Locupletiores vero Pythagoriceorum, & Pythagoricarum Catalogum lege apud Fabric. Bibl. Gr. l. 2.

EMPEDOCLES

Inter Pythagoricos non postremus, Agrigenti, Sicularum Civitatum post Syracusas nobilissima, natus est ex patre, ut notat Laërtius Metone, sive Archinomo, ut ait Telauges Pythagoræ filius in Ep. ad Philolaum. Præceptores habuit, præter Pythagoram, Parmenidem, & Anaxagoram, ut testatur Alcidas in Physico. Magna inter Agrigentinos auctoritate vixit, & fuit. Vir gravis semper extitit: prolixa ei barba, ac servi pedisequi. Imperandi fastum adeo sprevit, teste Aristotele, ut oblatum sibi regnum constanter renverit.

Vaticiniis, Medicina, & potentis clarus, horum plurima præstitit, ut testantur Timæus, Laërtius, Suidas, & Jamblachus in Vita, Plutarchus lib. de Curios. & Clem. Alex. 3. Strom. Sunt, qui per Goëticam Magiam id fecisse dicunt; & Satyrus in ejus vita refert, Gorgiam Leontinum, Empedoclis discipulum, fassum esse, eum, se præsentem, Goëticam exercuisse, ac publice hanc artem professum, ut ex his suis verbis.

Pharmāca, quæ pellas morbos, tollasque senectam,

Percipies, quæ cuncta tibi communico soli,

Compescasque truces ventorum rite procellas, &c.

Unum referam, quod habet Timæus, aliique, ipsum scilicet fecisse, ut graves venti, qui morbos incolis, sterilitatem uxoribus, corruptionem frugibus, ex Agrigenti monte spirantes importabant, omnino cessarent; unde ab eventu *καταστροφή*, sive *ἀλυσίμω*, ventorum scilicet propulsator dictus sit. Sic & in ejus verbis legitur:

*Πάντες δ' ἀναστρέφοντες ἑαυτοὺς μὴδ', οἷός τ' ἐστὶ γαῖαν
Ὀπίσσω θύρεσσι νηαγυῖνδ' ἑαυτοὺς ἀπείκας.*

*Sedabis autem indefessorum ventorum furorem, qui in terram
Irruentes, hominibus deperdunt campos.*

Dicebat etiam, alios quidem ipsum sequi, qui opus habebant divinationibus, alios vero, qui gravibus morbis diu vexati fuerant. Mirabilis quoque ejus curatio fertur, qua feminam, quæ septem diebus, ut Plin. H. N. 7. 52. *ἀντρος ἐξανθίς*, sive, ut Gal. 6. de loc. aff. accuratius ex Heraclide vertit, *spiritu destituta*, nullo venarum pulsu conspicuo, à cada vere hoc solum differebat, quod parum caloris circa medias corporis partes sentiretur, ita ut inter Medicos, qui aderant, vivane, an mortua esset, fuerit controversum, sanitati restituit.

Empedoclem Oratoriam inventorem affirmat Aristoteles in Sophista: In lib. vero de Poëtis ipsum Homeri imitorem, & in dicendo acutum dicit; scripsit enim *De Natura*, Et *Lustrationes* versibus ad quinque M. & Medicam disputationem ad 600. versus. Tragedias etiam Empedoclis quadraginta se vidisse, Hieronymus ait, & Neanthes: ipsas vero non hujus, sed junioris Empedoclis, hujusque proneptis, quem Suidas Tragicum facit, fuisse cl. Fabr. Bibl. Gr. l. 2. c. 20. alique evincunt. Sphæram item, astronomicum inventum, sunt qui ipsi tribuunt: sed eo antiquius est.

In Physicis asserit, quatuor esse Elementa, *Terram, Aquam, Aërem, & Ignem*: quibus duo addit Principia, *Amictitiam* scilicet, qua copulantur, & *Discordiam*, qua dissident; sicque

Affiduas versare vires, destitère nusquam.

Sic enim de his Principiis in suis versibus legitur:

Nonnunquam connectit Amor; simul omnia rursus

Nonnunquam sejuncta jubet Contentio ferri.

Elementorum vero veluti Elementa, ipsisque priora, statuit exigua quædam quasi fragmenta partium similium, & figuræ rotundæ. Mundum dixit unum esse, non tamen universum absolvere, sed ejus partem esse, reliquum vero absolvi à materia inerti. Mundum item in ignem reversurum putavit. Sic enim de ipso Clem. Alex. Strom. 5. *Admitte etiam Empedoclem, qui admodum naturaliter universorum meminit instaurationis; quod scilicet aliquando futura sit mutatio in ignis essentiam.* Hunc autem Mundum Solis sphaera circumscribi; partemque ejus dextram esse eam, quæ ad tropicum Cancræ vergit, sinistram, quæ ad Capricorni, asserit. Generationem, & Corruptionem in Mundo fieri negans, omnia ex minimis corporibus coalescere ait; hinc concretionibus, & separationibus cuncta absolvi affirmat, sicque composita non alteratione, & qualitate, sed quantitate, & coagulatione existere.

Cælum solidum corpus esse, factum ex aëre ignis vi, ut crystallus fieri solet, confipato; sidera vero igneæ naturæ; fixas stellas cælo firmatas; errantes libere vagari; Solem ingentem massam igneam, Lunam mole qui superet, dixit: Lunam disci formam habere, ac spatio duplo majore à Sole, quam à terra distare: Mare esse terræ à sole adustæ sudorem: denique Animam omnis generis animalium, plantarumve species induere, ac principem ejus partem in sanguinea massa residere; auditusque sensum à vento, auris concavum coehleæ instar intortum impellente, peragi, docuit.

Mortuus tandem est anno ætatis 77. ex Neanthe, sive 60. ex Aristotele, sive 109. ut ex aliis: Mortis autem causa varie ab autoribus traditur. Quidam cum Neanthe affirmant, eum Messanæ celebritatis cujusdam causa cum curru profectum cecidisse, coxamque fregisse, ex qua cruris fractione obiit. Alii dicunt, ipsum è vivis, dum in agro dormiret, sublatum esse ab ingenti voce vocatum, & cæle-

& cœlesti luce oborta, ac tædarum splendore circumdatum evolasse; unde & ipsi tanquam Deo sacra facere statuerunt. Mortis causas, & modum, vide sulus apud Laërt. in Vit. atque alios. Clem. quoque Alex. de eo multa habet, ipsiusque versus sæpe citat.

E P I C H A R M U S

COUS, Heliethalis filius, Pythagoræ discipulus, infans adhuc trimestris Megaras Siciliæ delatus est, atque inde Syracusas, ut in suis Commentariis testatus ipse est. *De Natura, de Sententiis, & de Medicina* scripsit. Mortuus est annos natus 90.

A R C H Y T A S

TARENTINUS Pythagoricus nobilissimus, & in omni virtutum genere mirabilis, Mnesagoræ, sive, ut Aristoxenus habet, Hestizi filius fuit. Hic Platonem à Dionysio necandum per epistolam eripuit; cui binas habet literas, quas videre est apud Laërt. in Vita. Tantæ hic virtutis fuit, ut cum cæteri plusquam annum imperare lege prohiberentur, ipse septies civibus suis præfectus fuerit. Naufragio periisse colligitur ex Od. 28. l. 1. Horatii, ubi Poëta, nautam inducit ea de re cum ipso expositulantem.

Primus traditur mechanicis usus principiis mechanicam excoluisse, cochleas, trochleas, & volantem columbam ex ligno fecisse; quæ tamen ubi semel quievisset, seipsam iterum elevare non posset. Primus Cubum duplicavit, ut testatur Plato in Rep. atque alia in Mathesi invenit. Moribus fuit modestissimus, nec obscena unquam verba protulit; quæ tamen, si ex necessitate proferre debebat, muro potius inscriberet, quàm ore pronunciaret.

Æque difficilem, dicebat, *hominem invenire sine dolo, ac piscem sine spina.* Naturam temporis primus definivit, quod sit numerus quidam motus, vel etiam spatium naturæ totius universi. Cato apud Cic. de Sen. c. 12. refert Orationem ejus de Voluptate.

Scriptis quamplurima, quæ citantur à Laërt. Stob. & aliis; potissimum vero notandum hic est, ipsum Pythagoricas sententias numeris adstrinxisse, versusque hodie sub Pythagoræ nomine circumferri, ut notat Jambl. in Vit. Pyth. c. 21. atque Aureum Pythagoræ Carmen vocari; de quo supra. Huic etiam Athenæus *Ὁ γαστήρ* tribuit, sive libros de Arte Coquinaria; quamvis nonnulli tertio hujus nominis eos adscribant. Vide Stanlejum in Vit. & Jo: Cler. in notis ejusdem.

A L C MÆON

CROTONIATA, Perithi filius, Pythagoræ discipulus, plurimum in Medicina versatus, de Natura disputans, multas humanarum rerum causas esse dixit, animamque immortalem, quæ Solis instar perpetuo moveretur; de invisibilibus vero, & immortalibus rebus manifestam quidem scientiam habere Deos.

Docuit, planetas contrario fixis motu ab occasu in ortum moveri; Nos audire per inane, quod intra aurem est, quod appellente aëre personat, sicut & reliqua vacua; Sapores verò discernere humiditate, & repore, qui in lingua est; Partem animæ principem in cerebro esse, quæ odores sentit, ipsos spirando atrahens; Mulos steriles esse ob seminis tenuitatem, sive frigiditatem, mulas vero, quia masculis earum non hiant; Fortum in vero ali per totum corpus, spon-

spongiae instar ad alendum apta recipiens, primumque in utero caput, principem animae partem formari; Sanitatem consistere in humidi, siccis, frigidi, calidi, dulcis, amari, ac reliquarum qualitaturn perfecta æquabilitate; Contrà vero morborum omnium causam esse efficientem quidem mutatam harum qualitaturn proportionem, materialem vero si humores deficiant, vel redundant. Vid. Plut. Plac. Phil. 2. 4. & 5.

HIPPASUS

Metapontinus Pythagoricus in mari periisse à Jambl. in Vit. Pyth. c. 18. traditur. Laërtius in Vit. asserit, rerum omnium principium ignem statuisse, ex quo scilicet omnia oriantur, & in quem omnia resolvantur. Ignis igitur extinctione res omnes gigni, dixit, ejusque partes crassiores condensatione in terram coalescere, quæ igne vicissim solutæ in aquam abeant; hanc vero exhalantem in aërem verti. Mundum universum ad certum aliquid tempus mutationis obnoxium, finitum, & in continuo motu constitutum, conflagratione tandem solvendum esse, defendit. Scriptum reliquit nihil, ut notat Demetrius.

PHILOLAUS

EX Crotona Pythagoricus, à quo Pythagoricus libros argenti minis Alexandrinis 40. emisit Plato ab Hermippo traditur, obiit tyrannidis occupandæ suspectus. Omnia hic ex Harmonia, & Necessitate, ut refert Laërt. 8. 84. & Plut. Plac. Phil. 3. 13. fieri dixit; primusque *ὁ πρῶτος ἀνθρώπων νομοθέτης, Terram moveri per circulum*, asseruit. Quam de terræ circa solem motu sententiam, Pythagoricus omnes habuisse, Plutarchus in Numa tradit; ait enim: *Eos non putasse immobilem, sed esse in gyrum circa ignem suspensam*. Quid inventum ali. Hicetas Syracusio tribuendum maluit, de quo Cic. Acad. Qu. 4. *Hicetas Syracusius, ut ait Theophrastus, Cælum, Solem, Lunam, Stellar, supra denique omnia stare censet; neque præter Terram rem ullam in mundo moveri*. Id quod & Plato jam senex sentit, ut Plutarchus ibidem tradit.

Hanc autem antiquorum de Motu Terræ sententiam primus omnium in Italiam invexit Nicolaus Cusanus Cardinalis S. Petri ad Vincula. l. 2. c. 14. Doct. Ignorant. Deinde 80. post annis eam defendit Nicolaus Copernicus in opere, quod Paulo III. Pont. Max. anno 1540. dicavit. Ipsam tandem propugnandam susceperunt Patricius, Galilæus, Foscarius, Itali fere omnes, aliique. Damnata tamen fuit à Cathol. Eccles. anno 1616.

Pythagorica de rerum Natura Philolaus edidisse, refert Demetrius. Et Lud. Viv. l. 1. p. 5. ipsum auri carminis autorem facere videtur, dum ait: *Nec illa aurea, ut vocant, verba legerimus, nisi Philolaus aliquid ausus esset contra magistri præcepta, condiscipulis frementibus, & multum reclamantibus*. Mundum huius interitum dixit, ut testatur Plut. Plac. Phil. 2. igne scilicet coelitus delabente, & lunari aqua per revolutionem aëris effusa: Solem vero dictum esse vitreum, qui re verberantem ignis mundi omnis splendorem accipiat.

EUDOXUS

GNidius, Æschinis filius, Astrologus, Geometra, Medicus, & Legislator insignis, & ipse Pythagoricus fuit, quem Laërt. Geometriam ab Archyta, & Medicinam à Philistione Siculo didicisse refert. Hunc Platonis quoque discipulum fuisse, Sotion in success. testatur. Vigesimo tertio ætatis anno

Athenas venit cum Theomedonte Medico, à quo etiam pertriebatur; summo enim inter paupertatis angustias discendi studio tenebatur. Inde in Ægyptum cum Chryssippo Medico profectus, à Sacerdotibus per menses 16. plura didicit, quæ deinde literis consignavit, atque octo annorum historiam, juxta quosdam conscripsit. Civibus suis, aliisque civitatibus, quibus leges dedit, ac Matheseos disciplinas tradidit, Græcis denique omnibus gratissimus fuit. Plura scripsit præclara Commentaria, quæ habet Laërt. in ejus Vita, & mortuus est annum agens 53. floruitque circa Olympiad. 103. Summum Bonum Voluptatem dixit, ut testatur Nicomachus, Aristotelis filius. Curvas lineas, earumque usum primus invenisse fertur. Huic tres filiæ fuere Adis, Philtis, & Delphis, & filius, cujus Chryssippus, Æthlii filius, discipulus fuit. Eudoxo accepta referre debet, quæ de Diis, de Mundo, & Cælestibus, literis mandavit Chryssippus Gnidius, Erinei filius. Atque hæc de Pythagorice ex Laërt.

SEXTUS quoque Pythagoricus traditur, qui scripsit Enchiridion sententiarum; quem librum latine vertit Rufinus. De Pythagoricis doctrinis scripsere Aristoteles, Numenius, Cronius, Moderatus, Thrasyllus, & omnium clarissimus Plotinus, aliique, quorum scripta interciderunt. Videantur etiam doctiss. Henricus Dodwellus in Dissertatione de ætate Pythag. Londini 1704. 8. edita; & Godefridus Wendelinus in Ep. ad Erycium Puteanum Dissert. de Pyth. Traç. Notandum hic, Numenium hunc Pythagoricum, Apameæ, Syriæ Urbem, non confundendum cum Numenio Pyrrhonio. Scripsit Numenius Pythagoricus, præter alia, Tractatum de Principiis Pythagoræ, & Platonis; dixitque, Platonem, quæ de Deo, & Mundi Creatione scripsit, à Mose mutuas. Vide supra in Plat.

Qui tamen Pythagoræ successerint, præter relatos à Laërtio, hi à Vossio traduntur: Hippodamus Thurius, Euryphamus, Hipparchus, Archytas, Theagis, Metopis, Clinias, Crito, Polus, Lysides, & Theano, Pythagoræ Uxor; de quibus omnibus, præter Archytam, de quo diximus, Critonem, cujus etiam filios Socratem audivisse Laërtius tradit, & Theano, de qua dictum in Vita, Pythag. nihil habet Laërtius in Vita. Numam quoque Romanorum Regem, Pythagoricum facit Clem. Alex. Strom. qui Numa ex his etiam, quæ à Mose dicta sunt, adjutus, Romanis prohibuit, ne Dei imaginem homini, aut animalium similem facerent. Sed de Numa fusius lib. 4. hujus Historiæ agemus.

C A P U T XII.

De Secta Heracleitea.

DE Sectis, quæ ab Ionica derivarunt, jam satis supra actum est. Agendum nunc de Sectis, quæ ex Italica profluxere, quæ quatuor numerantur, Heracleitea, Eleatica, Pyrrhonica sive Sceptica, & Epicurea. Primæ igitur Sectæ autor

HERACLITUS

EPHESI natus ex patre, quem Laërtius Blysonem, Clem. Alex. Baufonem, Suidas Blufonem, vel Bleutonem vocant: Avunculum autem habuit Heraclendorum, cujus meminit in Epist. Hic juvenis cum esset, dixit, *se nihil scire*. Vir deinde factus dicebat, *se nihil ignorare*. Aversissimus, nullo scilicet usus magistro dicitur nonnullis; Sotion tamen cum Xenophanis, Suidas etiam Hippasii discipulum faciunt, & Clem. Alex. cum multa ab Orpheo ac-

cepisse asserit. Floruit circa Olymp. 69. tempore ultimi Darii, cujus extat epistola ad eum honorificentissima apud Laërt. in Vita.

Animo elatus, & aliorum contemptor erat, quos omnes, ut notat Proclus, ignorantia damnabat, dum se omnia nosse dicebat. Dicere hinc sæpe solebat: *Homerum, & Archilochum dignos esse, qui ex scholis ejecti, colaphis cederentur.* Rogatus à suis civibus, ut leges eis scriberet, id respuit, quia civitatem pessimis moribus refertam videbat. Hujus autem in cives suos odii causa præter dictam exitit, quòd ipsi Hermodorum familiarem suum exilio multassent. Hinc in illos severe animadvertens scripsit: *Mercentur Ephesi omnes adulti mori, impuberibusque civitatem relinquere.* Quare in sanum Dianæ secedens, ibi alstragalis cum pueris ludebat; adstantibusque Ephesiis dixit: *Quid miramini, o perditi? nonne istud facere præstat, quàm vobiscum Remp. administrare;* Athenienses quoque sic contempsit, licet ipsum venerarentur. Quoties in publicum prodibat, flebat, eoquod omnia, quæ homines agunt, miseras existimaret.

Hinc ex hominum odio in montes secedens, ibi oleribus, & herbis contentus vivebat: qua de causa in aquæ intercutis morbum incidit; à quo ut sanaretur, in urbem rediit. Venientes ad se Medicos neque Artis, neque Naturæ peritos, ut ipse ad Amphidamantem scribens vocat, sic male carpit ibidem: *Impit illi, Amphidamas, qui artes, quas non habent, mentiuntur, & curant illos, quos non norunt, & homines sub nomine artis interimunt, & naturam, & artem injuria afficientes.* Turpe profecto est ignorantiam profiteri, turpius autem scientiam, quam quis non habet. Quo ergo nomine mendacio delectantur, nisi ut per fraudem divitias acquirant. Meliores profecto forent, si illas emenditarent; nam ita misericordiam moverent quibusdam. Ex paullo post: *Hujusmodi in civitate plures ad me veniebant. Nemo illorum Medicus, sed omnes impostores, & deceptores, qui sophismata artis argento vendunt &c.* Quare ad hydropicos humores, bubuli fimi vapore exhauriendos, bovum stabulo se inclusit: quo nihil proficiens mortuus est anno æt. 60. Neanthes Cyzicenus addit, ipsum bubulo fimo imbutum à canibus laceratum fuisse. Aristo tamen, & Hip-pobotus asserunt, ipsum hoc morbo liberatum, alio morbo interiisse.

Inter Apophthegmata, & sententias ad morum doctrinam pertinentes, hæ notatu digniores: *Contumeliam extinguere oportero magis, quàm incendium. Homo solitarius aut Deus, aut bellua.* Ubi terra est sicca, anima sapientissima est, & optima. Nisi speres, insperatum non inveniet, cum sit inservutabile, & nullus ad id pateat aditus. Quam sententiam Clem. Alex. 2. Strom. vult esse paraphrasim illius Esaiæ 6. *Nisi credideritis non intelligetis.* Sed ad aliæ: *Homines Dii, Dii homines.* Imperitiam celare melius, quàm in mediam proferre. Sapere ut possint, omnibus ad manum est. Foventur omnes humane leges ab una divina, quæ quidem tantum potest, quantum velit, omnibusque sufficit, & superat omnia. Via ad gloriam maxime compendiaris est, si quis studeat, ut bonus sit. Vid. Clem. Stob. alique. Tandem notandum, Hæraclitum generationi hominum iniquiorem fuisse, ac maledictis ipsam insecutum, quòd homines in mundum miseriis refertum veniant.

Sed ad ejus doctrinam considerandam accedamus, ac paucis exponamus. Ignem rerum omnium principium statuit, ex quo scilicet omnia oriantur, & in quem omnia resolvantur: ex cujus vicissitudinibus Rarefactione, & Condensatione cuncta fiant. Fieri autem omnia Fato, & Conversione contraria, sive per Contrarietatem. Cui consentire videtur Aristoteles, dum ait, omnia fieri ex Privatione sui, sive ex contrariis. Fatum autem, ut est apud Stob. Phys. 1. 2. describit, quod sit Ratio, quæ per contrariorum concursum rerum opilex existat.

stat. Quam de Igne opinionem, quod rerum omnium Principium sit, ab Hippo-
crato præceptore accepisse testatur Plut. Plac. Phil. 1. 2. Sed ipsum *Pythagoræ*,
corpusecula scilicet minima, & fragmenta pro Ignis principio intellixisse, notant
Plut. & Stob. l.c. Vide doctissimum Gottfridum Olearium, qui Heracliti sen-
tentiam fusius exponit, & propugnat in suis Dissertationibus in Lipsiensi Aca-
demia habitis; in quarum prima de Principio rerum naturalium; in secunda
de rerum Genesi ex mente Heracliti, agit.

Solem ejus esse magnitudinis, dixit, quæ nobis apparet, ipsum vero, & re-
liqua sidera Scaphas esse, concava parte nobis obverfas, in quibus congregatæ
liquidæ evaporationes reddunt flammæ, quæ exhalationibus à terra submissis
nutriuntur: hæc tamen flamma, sicut & lux, major in Sole est, quia nobis
propior. Eclipsis sit, cum sideris pars convexa nobis obversa est, concava
sursum elevata. Noctem, Diem, Annum, Menses, anni Tempestates, Plu-
vias, Ventos, & his similia, pro varia exhalationum ratione fieri, statuit;
tempusque corporæ naturæ esse. Fluxum, & Refluxum maris à ventis, solis
vi elevatis, derivandum putavit, quibus spirantibus, maris unda attollitur, eis-
dem vero quiescentibus, iterum subsidit. Tonitrua à ventis in nubes incidenti-
bus; Fulgura ab exhalationibus accensis; Presteres denique ex nubibus accensis,
atque iterum extinctis, generari duxit.

Animæ naturam investigari non posse, asserit, quia cunctis abscondita;
ipsam vero incorpoream esse, & semper fluere, & moveri: omnemque animam
ex hoc mundo migrantem in animam universi abire, ejusdem naturæ cum sit.
Plutarchus in Romulo talem habet Heracliti de Animi immortalitate sententiam:
*Aridus enim hic animus est, ut vult Heraclitus, præstantissimus, qui ex corpore, ut
è nube fulgur, exillit. Commixtus vero corpori, & impiscitur velut vapor gravis,
nebulosusque ægre accenditur, & supera petit. Non sunt ergo bonorum corpora
contra legem naturæ una cum animo in cælo collocanda: sed virtutes, atque ani-
mi, natura, atque judicio divino ex hominibus inter heroas, ex heroibus inter
lares, ex laribus, si semel sicut in Initiationibus lastrati sint, & purgati, omni
deposita conditione mortali, & dolore, non publica lege, sed reipsa, & consen-
tanea ratione in numerum referendi sunt deorum, optimum, & beatissimum finem
adepti. Animarum item, & Dæmonum omnia plena esse, cum Thalete (cui
cæteroque contrarius semper extitit) affirmavit.*

Ipsam male de Deo philosophatum asserunt Aristoteles, Varro, Augusti-
nus, & Philo Judæus, eoquod Debs ex igne esse statuerit, & universum hoc
conditum esse negaverit. Contrarium defendit Olearius l.c. Hinc Sext. Emp.
adv. Mathem. p. 139. ipsum inter eos recenset, qui Physicam tantum pertracta-
runt. Liber tamen ejus, qui Laërtii etiam ætate legebatur, etiam generaliter
de Natura aperet, in tres scindebatur partes, in quibus de Universo, de Repu-
blica, & de Theologia discerebat. Qui liber obscurius de industria scriptus, ne
legeretur ab omnibus, ut visum quibusdam, & in Templo Dianæ depositus, ab
Euripide tandem inventus, & Socrati traditus est; qui interrogatus quid de eo si-
bi videretur? respondit: Magnam indolem spirant, quæ intellexi: puto idem
facere, quæ non intellexi. Verum Dello natatore opus habent. Et Laërt. in
Vit. circa finem habet, Cratem quendam Heracliti librum, quem Catacolym-
bitem inscripsit, Græcis afferentem dixisse, Librum ipsum Dello aliquo indi-
gere natatore, qui in illo non suffocaretur. Adeo enim in scribendo obscurus
fuit, ut ejus sectatores in ejus libris interpretandis insudaverint. Hinc Cic. 2. de
Div. Valde Heraclitus obscurus. Et 2. de Fin. Heraclitus, cognomento qui Eo-
ræus (Obscurus) perhibetur, quia de Natura nimis obscure memoravit.

Atque ex hac scribendi obscuritate factum est, ut Clem. Alex. 3. Strom.
dixe-

dixerit, Heraclitum non unum, sed duos mundos agnovisse, sic scribens: Heraclitus Ephesus manifestissime est in hac sententia, cum unum quidem mundum censuisset esse æternum; alterum vero novisset interire; cum scilicet, qui confisus sit per variam, & multiplicem exornationem, ut qui non sit alius ab illo, qui aliquo modo se habet. Caterum quod æternum quidem noverit mundum, qui ex universa essentia est æternæ qualis, planum facit sic dicens: Mundum nec Deorum ullus fecit, nec hominum, sed fuit semper, & est, & erit Ignis semper vivus, mensura accensus, & extinctus mensura. Quod autem eum & ortum esse, & in eum cadere integritum putaret, significant ea, quæ subjunguntur. Ignis conversiones primum mare: maris autem dimidium quidem terra, dimidium vero fulgur. Virtute autem, & potestate dicit, ab administrante omnia Verbo, & Deo, ignem per aërem converti in humidum, quod est veluti semen dispositionis mundi, quod vocat mare. Ex eo autem rursus gignitur Terra, & Cælum, & quæ in eis continentur. Quomodo autem in pristinum statum redeat, & ignescat, his aperte ostendit: Mare diffunditur, & mansionem accipit eadem ratione, qua prius erat, antequam mare fieret. Similiter eadem quoque de reliquis Elementis. Hæcæus Clem. cui addit Stob. Phys. c. 11. Heraclitum, magnam hanc rerum revolutionem octo millibus annis absolvi, statuisse.

Heracliti denique discipuli perhibentur Cratylus Atheniensis, Platonis præceptor, qui propterea Dialogum Cratylī nomine inscripsit, Hesiodus, Xenophon, Hecæus, alique, qui à Præceptoris nomine Heraclitei dicti sunt.

CAPUT XIII.

De Secta Eleatica.

Elea, sive Velia, Magnæ Græciæ urbs, sic dicta vel ab Elea flumine præterlabente, vel à paludibus, quæ Græcis ἄλῃ dicuntur, quibus circumdatur, huic Sectæ nomen dedit. Ex hac enim prodire præcipui, & in Secta eminentes, Parmenides, Zeno, & Leucippus. Ejus tamen Caput exitit

XENOPHANES

Colophonius, ut testatur Clem. Alex. Strom. 1. Anaximandri, ut refert Sotion, cœvus, Dexii, vel Orthomenis, ut Apollodorus habet, filius; quem Sotion Archelai, quidam Bithonis Atheniensis, alii nullius discipulum faciunt. Vixit fere semper pauper annos, ut ipse de se testatur, 92. Gensorinus vero supra centum vixisse asserit. Floruit circa Olymp. 60. Scripsit Poëmata multa, quæ ipse publice cantabat; inter quæ Elegiæ sunt, & Iambi in Homerum, & Hesiodum scripti, quibus ea, quæ de Diis scripserant, reprehendit. Thaleti, & Pythagoræ contraria docuit, quædam etiam Epimenidi opposita. Heroicis versibus, quos citat Pollux 6. 9. ipsum de Natura scripsisse, probat cl. Fabricius Bibl. Græc. l. 2. ex quibus decerptæ ejus opiniones sunt sequentes.

Omnia sunt incomprehensibilia, ut autor est Sotion; ex quo deducit Plur. ipsum æque sensus, ac rationem à rerum criterio sustulisse: quicquid dicat Aristoteles, qui, ipsum sensus tantum fallaces dixisse, asserit, ac soli rationi fidem adhibendam. Sextus etiam Empir. adv. Mathem. ipsum inter eos recenset, qui negant, dari criterium veritatis; non quod neget, nos quidquam comprehendere posse, sed quia eam rerum cognitionem, quæ ad scientiæ evidentiam, & certitudinem perducatur, nos assequi posse desperet, velitque omnia intra

intra probabilitatis terminos consistere. Ex Aristotelis scheda de Xenophane, Zenone, & Gorgia, colligitur, Xenophanem statuisse, ex nihilo nihil fieri, hoc est, rem, quæ semper non fuit, nunquam existere posse; unde concludebat, quicquid est, id semper fuisse: ergo id, quod semper fuit, æternum est: Quod æternum est, infinitum est: Quod infinitum unicum; si enim plura entia contineret, unum alterum destrueret, & sic infinitum non esset: Quod infinitum, & unicum est, omni ex parte sibi ipsi simile est; ergo unum ens: Denique hoc ens unicum, æternum, & infinitum, oportet, ut immobile sit, & immutabile: Si enim locum mutare posset, aliquid esset ultra illud, ac proinde infinitum, non esset: Si verò sine loci mutatione alterari posset, res, quæ semper non existisset, existere inciperet, & contra, res, quæ semper existisset, desineret, quod fieri nequit, nam omne, quod ab æterno non fuit, si existeret, ex nihilo produci oporteret; & quicquid initium non habet, necessariam habet existentiam, ideoque ut desinat esse, non potest. Sed cum hæc omnia generationi, & corruptioni rerum materialium repugnent, quæ ad sensuum evidentiam sunt; ideo à sensibus veritatis Criterium abstulit, ipsos fallaces pronuntiando. Notant viri doctissimi Bælius Lex. Crit. art. Xenophanes, & Buddeus in Dissert. de Spinosismo, ex hac Xenophanis doctrina promanasse Spinozæ doctrinam, quod una sit totius hujus universi substantia.

Deum unum esse, æternum, incorporeum; substantiam tamen ejus globosam esse, nec quicquam cum hominibus commune habere; sed omnia videre, omnia audire, non tamen respirare; & esse pariter Mentem, Prudentiam, Æternitatem, ut ex Laërt. & Clem. Alex. Strom. 5. habemus. De Diis fabulas ab Homero, & Hesiodo inventas confutavit, asserens, omnes nationes Deos humanæ formæ, humanisque affectibus obnoxios fingendo, sibi ipsis forma, veste, & moribus similes efformasse; ut ait Clem. Alex. l. c. ubi hæc Xenophanes:

*Credunt mortales, divos generatier ipsos
Veste sibi similes, & voce, & corpore toto.*

Quatuor rerum materialium Elementa cum aliis statuit: Mundos tamen esse infinitos, & immutabiles. Stellæ, dixit, esse nubes accensas, quæ die extinguantur, noctu iterum, non secus ac carbonēs, accendantur. Solem ab igniculis, ex humida exhalatione collectis, generari; vel esse ignem ignitam: ejus vero Eclipsim esse ejusdem extinctionem, oriri autem, cum novus accenditur; affirmatque, aliquando Solem per mensem defecisse. Lunam dixit nubem constipatam, terra duodeviginti partibus majorem, ab hominibus, ut terra nostra, habitatam, ut referunt Plut. 2. Cic. Ac. Qu. 4. & Laërt. 3. 22. quæ tamen nihil ad humanarum rerum generationem, ut Solem efficere asserit, conferat. Multos item Soles, & Lunas pro varis mundi Zonis, & Climatibus statuit. Nubes efformari à Sole, ipsas elevante. Animam spiritum esse, & plurima esse anima inferiora. Vide Laërt. Clem. Alex. Plut. Cic. Stob. alioque.

P A R M E N I D E S

E Leates, Pyretis filius, genere, & opibus illustris, licet Xenophanis discipulus, ejus tamen doctrinæ non semper secutus est. Unum enim cum Xenophane esse rerum omnium Principium, & id quidem immobile, ut refert Aristot. Phys. l. 1. 3. statuit; Unum omnia, & Ens infinitum esse, atque, præter hoc Unum Ens esse nihil; duo tamen rerum Elementa dixit, Ignem, & Terram, quorum Ignem qui dem rerum omnium Opificem fecit, Terram vero

vero Materiam appellavit. Quam quidem Terram primus omnium rotundam, in medio positam, undique æqualiter distantem, æquilibrioque suspensam, affirmavit. Duplicem esse Philosophiam dicebat, alteram ex veritate, ex opinione alteram. De rebus judicare ad solam rationem pertinere, dixit. Leges civibus suis dedit, teste Speusippo in l. de Philosophia. Philosophiam versibus, ut Hesiodus, Xenophanes, & Empedocles, expressit, sed non fabulosam. Callimachus tamen, nullum ab eo scriptum fuisse poemam, contendit. Vixit Olymp. 69.

Afferit, nullam rem vel generari, vel corrumpi, sed tantum ejus vel speciem nobis imponere: Lunam ejusdem splendoris cum Sole esse, sed ab ipso lumen accipere: Viam Lacteam esse misturam rari, & densi: Homines ex limo primum genitos esse, & ex calido, & frigido, ex quibus omnia componuntur, existere; & mares quidem in septentrionalibus mundi partibus, quippe quæ maxime densæ sunt, prodierunt; feminas vero in australibus, quæ maxime raræ: hodie tamen in dextra uteri parte, mares, feminas in sinistra concipi. Partem animæ principalem in pectore statuit. Phavorinus ait, ipsum primum observasse, Vesperum, & Luciferum eandem stellam esse (quod alii Pythagoræ tribuunt) & argumento, quod Achillem vocant (Zenoni ab aliis est adscriptum) usum fuisse.

Tandem doctrinam de Ideis, qua ipse maxime inclaruit, explicatam videtur apud Platonem in Dialogo, quem ipse Parmenidem, sive de Ideis, inscripsit.

M E L I S S U S.

Samios Ithagensis filius, Parmenidis discipulus, in gerenda Rep. egregius, magnæ apud suos autoritatis fuit, à quibus ob suam virtutem magni semper æstimatus, classi præfectus est. Floruit circa Olymp. 24. ut ex Apollodoro.

Universum hoc, Parmenidem secutus, infinitum, immobile, immutabile, unum, sibi ipsi simile, ac plenum dixit; vacuum enim in natura negabat. De Diis nihil certum definiendum, dicebat, cum nullam de ipsis certam cognitionem habere possimus. In reliquis cum Parmenide sentit.

Z E N O.

Eleates, natura Teleutagoræ, adoptione Parmenidis filius fuit, & discipulus omnium, carissimus. Plato ipsum Eleaticum Palamedem appellabat, quia proceræ staturæ erat. In Philosophia, & Rep. gerenda vir fuit eximius. Hic Agrigentum, ut refert Val. Max. l. 3. c. 3. venit, ut à miserabili servitute liberaret Agrigentinos; putans Phalaridis feritatem rationibus, & ingenio cohibere posse. His autem frustra tentatis, nobiles civitatis adolescentes liberandæ patriæ cupiditate inflammavit. Qua re à tyranno cognita, ipse captus, & vario coram populo tormenti genere afflictus est. Equuleo tamen impositus forti animo Agrigentinos increpabat, ut Phalarim lapidibus obruerent: quæ fortis cohortatio totius urbis animum, fortunamque mutavit. Alii vero cum Satyro in Epitome de Heraclide narrant, ipsum à Nearcho, sive, ut alii volunt, à Diomedonte tyranno, contra quem una cum Liparæis conspiraverat, comprehensum, tyranno aures, vel, ut Demetrius ait, nasum morso abstulisse, dum simularet, se in aures de conjuratis dicturum. Antisthenes addit, ipsum, postquam ad præsentem conversus eorum ignaviam propter tormentorum metum reprehendisset, linguam morso excissam in tyranni faciem expulisse: ex quibus accensi cives tyrannum lapidibus obruerunt. Hermippus vero afferit, ipsum in mortario contusum ex tyranni decreto mortuum esse. Floruit Olymp. 79.

T

Dia.

Dialectices inventor dicitur ab Aristotele, & Galeno in Hist. Philos. Promio. Deum esse, dixit, unum, æternum, similem, rotundum, nec finitum, nec infinitum, nec quiescentem, nec mobilem. Plures dari mundos; vacuum existere non posse; omnia ex quatuor primis qualitatibus, Calido, Frigido, Sicco, & Humido constare, quæ inter se commutentur; hominem ex terra factum; ejusque animam ex æquali harum qualitatum temperamento constitui. Locum dari nullum, nam & locus loci dari deberet, & sic in infinitum. Motum fieri non posse ullum, quatuor probabat argumentis, quæ cum reliquis ejus dogmatis optime explicat P. Bælius in Lex. Critic. artic. Zenon. Plutarchus in Pericle hæc de Zenone habet: *Audivit quoque Pericles Zenonem Eleatem, de natura, Parmenidis more philosophantem, qui impugnans quemlibet, usum paraverat quandam refutandi, qui deduceres ad perplexitatem; quod Philastus Timon quoque affirmat his verbis:*

*Omnia perstringens Zeno disceptat, utraque
En parte invictus, sed non fallax.*

LEUCIPPUS

Eleates, sive Abderita, sive Milesius, juxta alios, Zenonem audivit, novumque systema innoxit. Universum hoc infinitum esse; cujus pars quidem vacua, pars vero plena sit. Hinc à Clem. Alex. in Protrep. & Cic. Acad. Qu. 2. dicitur, duo posuisse principia, *Plenum, & Vacuum*. Primus hic, omnia ex *Atomis*, sive particulis quibuldam indivisibilibus fieri, in easque omnia ultimum dissolvi potavit. De eo Lactantius l. de Ira Dei: *An solus Leucippus oculos habuit? Solus mentem? qui profecto solus omnium cæcus, & excors fuit, qui ea loqueretur, quæ nec æger quisquam delirare, nec dormiens possit somnare. Et mox: Tam minuta sunt, inquit, ut nulla sit astes ferri tam subtilis, quæ secari, aut dividi possint: unde illis nomen imposuit Atomorum.* Mundos etiam, feri dixit per abscissionem ex Infinito. Quod Systema pluribus explicant Laërc. Hefych. Illustris, & Leucippi discipulus

DEMOCRITUS

Abderita, sive, ut alii apud Laërt. sed minus recte putant, Milesius filius fuit Hegesistrati, sive Athenocriti, sive Damassippi ditissimi, & nobilissimi; nam, ut Abderitæ in ep. ad Hippocr. scripserunt, Herculis frater erat. Natus est, ex Apollodoro in Chronicis, Olymp. 80. fuitque Anaxagora junior annis 40. (cujus etiam discipulum quidam faciunt) Archelai, Socratis, & Empedoclis coetaneus. Notat Laërt. ex Herodoto, Democriti patrem adeo divitem fuisse, ut Xerxis exercitui epulum dare potuerit: unde Rex gratitudinis studio Magos quosdam, & Chaldaeos apud eum reliquit, à quibus Democritus primis pueritiæ annis literarum rudimenta, Theologiam, & Astrologiam didicit.

Accepta deinde post patris mortem à duobus suis fratribus natu majoribus Hierodoro, & Damaso, sive Damaso, ut Suidæ, & Laërtio audit, hæreditatis parte, quam Demetrius centum talenta excessisse ait, propter nimium discedendi studium peregre profectus est; & primo quidem ad Persarum Magos, & Chaldaeos, à quibus in Theologia, & Astrologia fusus institutus est; deinde vero ad Ægyptios, à quibus Geometriam edoctus est, & cum quibus, ut ipse de se affirmat, annos vixit 80. Ad Indorum etiam, & Æthiopum Gymnosophistas, juxta quosdam, profectus est, ut variarum gentium sapientiam diceret. Hinc dicitur à Celso l. 2. c. 5. *Vir jure magni nominis; & à Laërtio Πόλεμος,*

hoc

hoc est, quinque certaminum victor, quod Physica, Moralia, Mathematica, humaniorum literarum studia, omniumque Artium peritiam junxerit. Imo ipsemet de sua doctrina hæc jactat, ut notat Clem. Alex. Strom. 1. *Inter omnes meæ ætatis homines plurimas peragravi terras, maximeque remotâ investigavi, plurimasque fræ ævis, fræ terræ observavi proprietates; doctissimos vero homines audiivi, neque in componendis ad demonstrandum lineis quissquam adhuc me superavit, ne inter ipsos quidem Ægyptios illi, qui Arpedonaptæ audiunt. Cum his autem postremo 80. annis fui in terra aliena.* Verum secundum Diod. Sicul. Biblioth. Hist. l. 1. apud Ægyptios proprie non plus quinque annis versatus est. Diodori autem verba ab Euseb. Evangel. Præp. l. 10. citata hæc sunt: *Τὸ πολὺ μάλιστα δὲ καὶ ἀμύμονος παρ' αὐτοῖς ἐν διασκευῇ τῶν καὶ πολλὰ διδάξαντων 7 καὶ Ἀρπιδονάπτης· Ἐξίστανται αὐτὸν καὶ Δημοκρίτου ἀπὸ τῶν ἐν αὐτοῖς ἐπισκεψάμενον πέντε καὶ ἑκατὸν ἔτη, καὶ πολλὰ διδάξαντων 7 καὶ Ἀρπιδονάπτης· Ἐξίστανται αὐτὸν καὶ Δημοκρίτου ἀπὸ τῶν ἐν αὐτοῖς ἐπισκεψάμενον πέντε καὶ ἑκατὸν ἔτη, καὶ πολλὰ διδάξαντων 7 καὶ Ἀρπιδονάπτης.* & multa de Astrologia didicisse.

A peregrinatione reverlus Leucippum audiivit, à quo Atomorum, & Inanis doctrinam accepit. Hinc de eo Lactantius Instit. 3. *Ubi sunt, aut unde ista Corporacula? Cur illa nemo, præter unum Leucippum, somnnavit? à quo Democritus eruditus hereditatem stultitiæ reliquit Epicuro.* E peregrinatione, igitur regressus pauper humillime vixit, in hortulo juxta muros suæ urbis cellulam sibi eligens, in qua à fratre Damaso alebatur. Ibi, quod ex cœli, & sublimium rerum contemplatione multa prædiceret, Sapientiæ cognamen obtinuit, ut notat Clem. Alex. 6. Strom. & tanquam Deus in honore habitus est. Inter alias ejus prædicationes hanc habemus ex Clem. l. c. & Plin. Hist. Nat. l. 18. c. 35. Metente fratre suo Damaso, dum æstus esset ardentissimus, ipsum oravit, ut reliquæ segeti parcens, jam desectam sub testum raperet, ad paucas horas sævum imbrem futurum, vaticinatione approbans, facta, ut ait cit. Clem. ex multis stellis conjectura. Quod cum sic evenisset, divinos honores, & laudes est consecutus.

Cic. 5. Tuscul. Democritus amissis luminibus, alba scilicet, & atra discernere non poterat, at bona, mala &c. poterat. Et mox: *Atque hic vir impediti animi etiam aciem ad speciem oculorum arbitrabatur.* Ex quibus Ciceronis verbis quidam educunt, Democritum seipsum excæcasse, ut naturæ secreta, melius contemplaretur. Quod & confirmatur ex monumentis Historiæ Græcæ, hodie non obvlis, ut ex versibus Laberii in Mimo, quos citat Gellius. Aliam præterea hujus cæcitatis causam tradit Tertullianus in Apolog. c. 46. quod scilicet mulieres sine concupiscentia adspicere non posset: Ejus verba sunt. *Quod mulieres sine concupiscentia adspicere non posset, & doleret, si non esset potius, excæcavit seipsum.*

Hæc Democriti vita in solitudinibus acta, & frequens risus, in quem diffundebatur ex quacunque occasione, potissimum vero cum hominum in operibus, & desideriis inconstantiam considerabat, unde & Γαλδονος dictus, in causa fuit, ut Abderitæ, ipsum atra bile ad furorem usque laborare, extimarent. Quare ex principibus civitatis Amelesagoram cum literis ad Medicorum principem Hippocratem miserunt, ut ipsum, decem talentorum mercede promissa, Abderam ad Democritum sanandum adduceret. Cujus negotii plures extant alternæ literæ Abderitarum, ipsiusque Democriti ad Hippocratem, & Hippocratis ad eosdem, quas vide in Hippocr. t. 2. Venit ad eum Hippocrates cum elleboro, quod infantæ remedium est, nullanque exegit mercedem, Indignum hoc liberam artem libere proficenti asserens; cumque vidisset Democritum non infania laborare, sed totum ad Naturæ arcana detegenda incumbere; non ipsum, sed Abderitas, qui ejus Philosophiæ studia non necerent, insanos affirmavit. Ex qua Hippocratis cum Democrito con-

versatione, mutisque literis quidam cum Cornelio Celfo affirmant, Hippocratem Democriti discipulum fuisse.

Dignus quidem est qui memoretur ejus mortis modus. Refert Hermippus, Democriti sororem fratris jamjam morientis instans satum deplorasse, quod ipsa in Cereris Festo Deæ vota exsolvere nequiret. Quam Democritus miserans ait: *Bono esto animo; affer mihi quotidie panes calidos, & in Cereris celebritate non moriar.* Quibus quotidie allatis, eorum odore per omnes tres Cereris Festi dies vivum se servavit: quibus elapsis quietissime, ac minimo dolore obiit, magnoque, ac publico honore, & dolore ab Abderitis sepultus est. Vixit annos plus centum, ex Laërtio; 104. ex Luciano; 109. ex Hipparcho; 108. tamen ex Censorino.

Plurima post se reliquit scripta Ethica, Physica, Mathematica, Mechanica, sive de Artibus, atque alia, quæ à Thrasylo in tetralogias, non secus ac Platonica, digesta memorat Laërtius in Vita; ibique notat, Platoni in animo fuisse, omnia Democriti scripta cremare, ad hoc faciendum plurimis jam comparatis ejus scriptis: id tamen Amycla, & Clinia Pythagoricis dissuadentibus, consilium mutasse.

Democriti doctrina *atomorum*, compendiose collecta, hæc est: Rerum Principia duo sunt; *Atom*i, seu *Ens*, & *Vacuum*, sive *non Ens*: ambo sunt infinita, Atom*i* tamen numero, Vacuum magnitudine: Atomorum proprietates duæ, *Figura*, & *Magnitudo*: Atomorum Figura infinita, magnitudo adeo exigua, ut nec oculis pateant, nec dividi possint, unde & *Atomon*, *Indivisibiles* dicuntur: In infinito Vacuo Atom*i* moventur *motu eterno*, & *non creatore*: Motus hic obliquus semper est: Atom*i* hoc motu agitantur vel sibi mutuo adhærent, & conjunguntur, vel in se mutuo impingentes resiliunt, & separantur: unde quicquid est, aut fit, secundum hujus motus naturalis leges fit, vel factum est: Atque hinc colligitur, omnia ex hoc Atomorum motu, & occurssu existere; atque hunc Motum causam esse generationis omnium rerum: Rapidissimum hunc Atomorum Motum *Necessitatem* etiam ipse appellabat, *Fatum*, *Jussitiam*, & *Providentiam*, quæ Mundum condidit, quæ nihil aliud est, ut notat Stob. Phys. c.8. quam resistentia, latio, & percussio materiæ. Et ut paucis rem absolvam, ex sortuito Atomorum concursu cuncta genita sunt, & generantur; atque hæc univerforum lex sola est. Atomorum *Differentias*, quæ cæterorum causæ sunt, tres posuit, *Figuram*, *Ordinem*, & *Situm*: Sic omnis Generationis, & Corruptionis causa est Atomorum Figura, per quam vel congregantur, vel segregantur: Alterationis vero causa Atomorum Ordo, & Situs. His autem duobus rerum Principiis tertium adjecit, notante Clem. Alex. in Admon. ad Gentes, *Stimulacra* scilicet, seu rerum *Species*; quas *Species Ideas* etiam, & *Idola* appellavit. Atque hæc de Principiis.

Mundi infiniti sunt, sibi similes, in Vacuo infinito positi & omnes vero rotundi, animæ expertes, qui generantur, & corrumpuntur. Ex rapidissimo Atomorum Motu omnia generantur Elementa, *Ignis*, *Aër*, *Aqua*, & *Terra*. Atom*i* Ignem componentes rotundæ sunt; reliqua Elementa ex Atomis omnis figuræ componuntur.

Sol Democrito magnus visus, & Luna ex levibus corpusculis, vertigine circumactis, componuntur; Luna vero, quæ & igneum Firmamentum dicitur, planities, valles, & montes continet. Omnes stellæ ab Oriente ad Occidentem feruntur; sunt autem hoc ordine locatæ: primo fixæ, tum planetæ, inde Sol, postea Lucifer, tandem Luna. Cometæ, ut notat Arist. Meteor. c.6. ex Democrito, Anaxagoram in hoc sequente, sunt congeries plurium planetarum, qui unum corpus esse videntur.

Ven-

Venti sunt à multis corpusculis in angusto inani sese mutuo impellentibus, & arserantibus; placidus contra aër est, cum in largo inani pauca innatant corpuscula. Terra ob suam levitatem prius sursum, deorsumque ferebatur; successu tamen temporis densata, & gravis reddita in medio aëre subsedit. Terræ motum causam esse aquas pluvias, dixit, majori copia in ipsam influentibus, quam exurgere possit, unde in ejus cavernas cum impetu irruentes, ipsius motus causa existunt. Mare cum semper decreseat, tandem deficiat oportet. Nili exundatio nivibus liquefactis debetur.

Homines cum Epicuro ex aqua, & limo primum genitos statuit; sexu autem diversitatem pendere à seminis parte potiori masculum, vel feminam distinguente, vel locum in utero prius occupante.

Animam mortalem, ac cum corpore perituram, dixit, & esse ignem, & calorem, cum & ipsa constet ex levibus corpusculis. Unde Cic. 1. Tusc. Democritum enim, magnum quidem illum virum, sed levibus, & rotundis corpusculis efficientem animum concursu quodam fortuito, omittamus. Duas agnovit, ut refert Plut. Plac. 4. animæ partes, rationalem, quæ in pectore, irrationalem, quæ per totum corpus diffunditur. Visionem fieri per rerum imagines ab objectis in oculos incidentes: sic etiam sensus omnes, & intellectus. Sapores fieri à variis atomorum figuris. De Deo nih certi statuit, imo & omnium Philosophorum obscurissime visus est de Diis loqui. Hinc Cic. de Nat. D. 1. 43. *Mibi quidem Democritus nutare videtur in natura Deorum &c.*

In ejus Ethica notandum, ipsum Vitæ Finem *Eudaimoniam*, animi scilicet Tranquillitatem statuiffe, quam & *Eudaimoniam* à bonitate constantiæ, aliisque nominibus appellavit. Hæc autem non cum Epicuri Voluptate confundenda, ut perperam quidam faciunt. Sententiæ ad mores pertinentes potissimæ sunt: *Prudentiæ est futuram injuriam præcavere; indolentiæ vero, quod factum est, non alicui;* De turpibus factis vel loqui dedecet: Mensam pretiosam fortuna apponit, frugalem Temperantia: Optima liberorum institutio Patris Temperantia: Coitus brevis est apoplexia, ex homine enim homo proficit. (Notat Clem. Alex. Pædag. l. 2. Democritum vocasse etiam coitum morbum insanabilem) Fortis non modo qui hostes superat, sed etiam qui voluptatibus superior est; sunt enim qui civitatibus quidem imperent, feminis autem pareant: Libertas in dicendo ingenuitati propria est; sed occasionis diversitas periculum habet: Malum neque si solus fueris vel dixeris, vel feceris, & magis quam alios te ipsum discere revereri: Avaritia quædam est solum loqui velle, nec alios audire: Sapienti quævis terra patet, nam animæ fortis universus mundus patria est: Imprudentibus regi magis, quam regere prodest: Audacia principium est actionis, sihi fortuna dominatur: Mulieri parere extremum viri dedecus: Medicina morbis corporis, Sapientia animi passionibus medetur: Pecuniarum usus cum prudentia ad liberalitatem exercendam, & populum adiuvandum, utilis est; publica vero largitio publica stultitia est: Actionis imago sermo est: Periculo plena liberorum educatio est, nam si res bene cedat, multum sollicitudinis, & curarum affert, si male, alium dolorem summum trahit: Non probo liberorum propagationem; jucunda enim pauca, tenuia; molesta vero multa, & magna. Hinc de ipso Clem. Alex. 2. Strom. Democritus autem matrimonium repudiabat, & procreationem liberorum propter multas, quæ ex ipsis oriuntur, molestias, & quod abstrabant ab iis, quæ sunt magis necessaria. Atque inde dicebat, Viro locupleti præstare magis filium amici adoptare, quam gignere; adoptans enim eligit ex multis quem pro voto desideras, generans vero ex necessitate quem genuit, ut est, habere debet. Dicere solebat, Veritatem homines latere in profundo repositam. Quare Cic. 8. & 2. Acad. Naturam accusa, quæ in
pro-

profundo Veritatem, ut ait Democritus, penitus abstruserit. Julianus Imperator Epist. 37. refert, Democritum, cum Darium, uxorem acerbissime lugentem, solari non posset, ipsam ad vitam revocaturum pollicitum esse, si ei tria præstaret, quorum duo apud se erant, tertium vero facile Darium Regem comparaturum. Interrogatus à Dario quid tertium hoc esset comparatu difficile? respondit: Si trium hominum, quos nullus unquam maior turbaverit, nomina defuncti sepulcro inscripseris, ad vitam redibit. Hinc Dario, ex hoc responso turbato, ridens inquit: Si non potes, mortalium imprudentissime, omnes hominum ætates lustrando, aliquem invenire, cui triste aliquid non obigerit; cur tu, mortalis cum sis, non vis hanc ferre calamitatem? Ex Democriti familia fuit Bion Abderita Mathematicus, qui primus docuit, esse quandam regionem, ubi sex mensibus dies, & totidem nox esset; ut notat Hesychius Illaitris in Bione.

P R O T A G O R A S

ABderita, Democriti discipulus, homo vaser, ut Epicurus ait, in Philosophiæ studiis versatus est annis 40. In libro, cujus initium: *Πάντα ὅντα μέτρον ἔχοντα*, *Omnium rerum modus, & mensura*, hominem rerum omnium Criterium esse, earum quidem, quæ sunt, ut sunt, earum vero, quæ non sunt, tanquam non sint, dixit: Materiam item in fluxu esse: Animam ipsos sensus existere. Cùm hic Philosophus insincerus alium librum sic inchoasset: *De Diis quidem statueret nequeo, an sint, nec ne. Sunt enim plura, quæ id scire prohibeant* &c. Ob hoc libri principium ab Atheniensibus exilto multatus est, librique ejus undique congesti, præconis voce cremati sunt. Primus pro mercede minas centum exegit, orationesque prælegendo quæstum faciebat. Clauit circa Olymp. 74. & mortuus est annos natus 70. ex Apollodoro, 90. ex alius. Quomodo autem *in τῷ βασιλικῷ*, ex Bajulo Philosophus, ac Sophistarum acerrimus à Democrito factus fuerit, legere est apud Gell. l. 5. c. 3.

M E T R O D O R U S

CHius, Democriti discipulus dicitur à Clem. Alex. 1. Strom. vel Nesi Chii, juxta alios. Hic in Opere, quod inscribitur: *Majorem esse causam ad felicitatem eam, quæ est nobis, ea, quæ ex rebus oritur*; hæc inquit: *Animæ bonum quid est aliud, quàm firma, stabilis, ac bona carnis constitutio, & spei fide digna; quod ea sic futura sit? Physica rerum principia eadem cum Præceptore statuit, Plenum, & Inane. Metrodorum, etsi Epicureum, hæc tamen divine dixisse ait Clem. Alex. 5. Strom. Memento, Menestræte, quoniam es mortalis, & vitam accepisti terminatam; anima ascende usque ad ævum, & verum infinitatem: videris & futura, & præterita, quando cum beato choro, ex Platonis sententia, felicem visionem, & spectaculum inspicieris, sequentes nos quidem cum Jove, alii autem cum aliis Diis, & beatissima, si fas est dicere, mysteria peragemus, ac celebrabimus, ipsi quidem integri, & nulli malorum perfectioni obnoxii, quæ in posteriori tempore nos manserunt: integra autem, & quæta visa adspicientes, & contemplantes in luce pura, puri, & nequaquam hoc obfignati, quod nunc corpus circumferentes nominamus, & inflat offret altissimi. Idem dixit: *Se ne hoc ipsum quidem scire, quod nihil sciret.* Hujus discipulum Diomenem Smyrnæum faciunt multi cum Clem. Alex. 1. Strom. Smyrnæi vero, sive ejusdem Metrodori discipulus extitit*

ANAXARCHUS

A Bderita, qui cum Alexandro vixit, floruitque Olymp. 110. Magnus Nicocreonis, Regis Cypri, hostis fuit, ut ejus caput in magnifica sua cœna deesse Alexandro dixerit. Quare Nicocreon injuriæ memor, Alexandro jam mortuo, ipsum Anaxarchum, à tempestate in Cypri litus ejectum, captum, & in mortario positum ferreis pistillis contundi jussit. Dum autem tunderetur, hæc Nicocreonti forti dicebat animo: *Tunde Anaxarchi culeum, nam Anaxarchum non tundis*: vide Cic. Tusc. 2. 22. & de N. D. 3. 33. & Tertull. Apolog. c. 48. De hoc etiam Plin. H. N. 9. 23. & Val. Max. 3. 3. narrant, ipsum ex sectam Tyranni jussu linguam in ejus os conspuisse; quod & de Zenone quoque in vita dictum est. Ob animi constantiam, & tranquillitatem fortunatus dictus est.

CAPUT XIV.

De Secta Sceptica.

H Actenus de Philosophis Dogmaticis, paucis tantum Academicis exceptis, actum est; veniendum nunc ad Scepticos, quorum Secta non minus, quam præcedentes, Eleæ originem debet. Hujus conditor exitit

PYRRHO

E Leus, è Plistarcho, obscuræ fortis homine, natus, ut Suidas ait, circa Olymp. 101. initio pictor fuit, ejusque soror Philista obstetrix. Deinde, Philosophiæ se addixit sub Dryfone, seu Bryfone, Stilponis filio; Alexandro, Metrodori Chii discipulo; & tandem sub Anaxarcho, cum quo ad Gymnosophistas etiam, & Magos profectus est.

Novam hic Sectam instituit, quæ ab autore dicta est *Pyrrhonía*: à dogmate *Exotéríx*, *A'poretíx*, *Zetotéríx*, *epi' Epotéríx*, *Sceptica* dicitur, *ut exótéríx*, *inspicere*, quod res consideret, nihil de ipsis decernens; *Aporetica*, quòd de omnibus dubitet, *dicitur ut apotéríx*, *dubitare*; *Zetotica* dicitur *ut zetotéríx*, *querere*, eoquod semper quærat, & nunquam inveniat; *Ephectica* tandem dicitur *ut ephotéríx*, *cobibere judicium*, semper enim judicium suspensum ipsis est. Hoc autem Pyrrhonius inter, & Novos Academicos discrimen erat, quòd hi omnia æque vera, vel falsa esse posse asserabant, atque id solum se comprehendere, quòd nihil posset comprehendí, & nihil decerni posse decernebant; Pyrrhonii vero neque hoc, quod Academici affirmabant, decerni posse dicebant. Atque hinc nihil honestum, vel turpe, nihil justum, vel injustum, ac sic de reliquis, esse contendebant; hoc est, nihil tale ex se esse, sed lege, & consuetudine ab hominibus tale judicari. Plutarchus in P. Emilio hanc refert Scepticorum de Sanguine opinionem: *Atqui, hæc qui jactitant, occasionem dederunt adstruendi Scepticis, ne Sanguinem quidem inesse in animantibus, sed ex vulnere gigni, spiritus, vel carne per mutationem suæsciente, vel colliquescente.*

Eodem semper vultu, & habitu perseverans, solitarius vivebat, variis vel ipsis domesticis visus. Orationem non omittebat, etiamsi eum audientes destituerent. Secum loquens, interrogatus quid ageret? respondit: *Meditor, ut bonus evadam.* Magna ipsi in patria existimatio fuit; unde & Pontifex creatus est, & decreto, ad ejus honorem facto, à civibus cautum fuit, ut omnes

Phi-

Philosophi à publicis muneribus vacare possent. Athenienses etiam ipsum jure civitatis, referente Diocle apud Laërtium, honorarunt. Cum sorore vivens, autore Eratosthene, gallinarum pullos, porcellasque sæpe in forum, ut venderet, deportavit. A cane invadente perterritus, cum post arborem se reciperet, à præsentibus derisus ait: *Difficile est hominem penitus exuere*. Navi aliquando vinctus, ut refert Posidonius, dum ingens tempestas anxios teneret omnes, ipse imperterritus æquo erat animo, ac fociis porcello, in navi comedente, monstrato, ait: *Tali animi tranquillitate sapientem esse oportet*.

Mortuus tandem est annos natus fere 90. nullum relinquens scriptum. Ejus discipuli à Laërtio narrantur Eurylochus, magnus Sophistarum inimicus, ut Timon testatur, & ira facile exardens; Philo Atheniensis; Hecææus Abderita; Antiochus Laodiceus; Nausiphantes Teius, Epicuri, secundum aliquos, præceptor; &

T I M O N

Phliasus, Timarchi filius, ut refert Apollonius Nicæus 1. Comment. in Sillos, prima quidem ætate saltationi studuit; deinde Philosophiæ additus Scilponem, ac Pyrrhonem audivit. Xanthum majorem natu filium in Medicis instituit, institutisque sui successorem reliquit. Pauper existens Philosophiam Chalcedone professus est; inde ditior factus Athenas venit, ibique ad mortem usque moratus, obiit annos attingens fere 90. ut Antigonus, & Sotion referunt. Scripsit Tragedias, Satyras, & alia poemata, Sillos item ad tres libros, & Cinædos: soluta etiam oratione ad viginti versuum millia scripsisse, quidam referunt. Vide Suidam.

Acri erat ad percipiendum, & deridendum ingenio, computationum amator, hororum item, & solitudinis; nihil tamen vitæ tranquillitati anteponebat. Firma gaudens valetudine, prandii horam non habebat. Ejus in Schola successores, quia de ipsis *αἰσχυρισμοί* apud autores extat nihil, hic recensere supersedeo. Eorum Catalogum qui cupit, adeat Laërtium hoc loco, & cl. Fabricium Bibl. Gr. l. 3. c. 33. De Pyrrhonorum doctrina scripsit Ænesidemus Gnosius, qui Alexandriæ floruit, in suis octo libris Disputationum Pyrrhonorum; Sextus Empiricus lib. 10. de Sceptica Philosophia, & in aliis suis scriptis laude dignis: qui ambo Pyrrhonii fuerunt. Eruditissime tamen hanc Sectam propugnavit Franciscus Picus Mirandulanus.

Notandum hic primo est, Timonem hunc alterum fuisse, non illum, qui *Μεδοκράτης*, *hominum osor*, à Suida, & Luciano dictus est. Notandum secundo, inter Græcorum Sectas Pyrrhoniæ hanc, & Epicuræam Christianæ Religioni omnium maxime adversari.

C A P U T XV.

De Secta Epicuræa.

Inter Græcorum Philosophorum Sectas ultimam Laërtius recenset Epicuræam; cui nomen dedit ipsius autor

EPICURUS

EX illustri Philaidarum genere, ut Metrodorus in lib. de Nobilitate refert, Athenis, & proprie in Gargetto, Athenarum pago natus est, ex patre Neocle, matre vero Chærestrata; unde à patris nomine *Neocles*; à patriæ verò *Gargetticus* autem dicitur à Statio; & à Cic. aliisque simpliciter *Gargettius* appellatur. Duos ei fratres fuisse, memorat Suidas, Neoclem, & Chæredemum, cui Laërtius, ex Philodemio Epicureo, tertium addit, Aristobulum. Natum dicit Laërtius, ex Apollodoro in Chronicis, anno 3. Olymp. 109. septem annis post Platonis obitum. Cum vero ab Atheniensibus colonia in Samum deducta esset; ibi nutritus est usque ad annum 18. quo Athenas venit, Xenocrate in Academia, Aristotele in Chalcide commorantibus. Inde Colophonem transit ad patrem anno ætatis circiter 23. quando & Mitylenæ primum, inde Lampiaci γρημυνοειδὸς ἀρχαῖος, ludimagister fuit, teste Laërtio, & Suida, usquequod annum agens 36. vel 37. Athenas rediens Sectam à se vocatam instituit, postquam ad aliquod tempus se Democriteum professus est, referente Plutarcho. Verùm in Democritum ipsum, quem secutus est, fuit ingratus, ut ait Cic. Philosophiæ tamen studiis se addixit anno æt. 22. ex Suida, vel 14. ut ipse de se testatur apud Laërtium.

Scholam, Sectamque in Horto quodam prope Athenas, à se emto minis 80. instituit, ubi cum suis philosophatus est; quem locum etiam Hortules Cic. 1. de Nat. D. vocavit. Sic ipse l. c. loquitur: *Democritus Vir magnus imprimis, cujus fontibus Epicurus Hortulos suos irrigavit*: hinc *Horti*, vel *Hortuli* nomine etiam ipsa Secta, vel doctrina vocari solet; & à Sext. Emp. *ἐν τῷ τῶν ἡδονῶν, ὁ ἑρμῆς φιλοσοφία* Epicurei dicti sunt. In Horto collatis in unum ipsius, ac discipulorum bonis *καὶ ἀγαθὰ* statuit; quod & omnes Epicurei imitati sunt.

Plora scripsit, quorum series hæc apud Laërtium: *De Nat. l. 36. De Atomis, & Inani. De Amore à Epitome Magna, & Parva, eorum, quæ ad Physicos. Adversus Megaricas addubitationes. Ratiæ Sententiæ*, vel, ut Cic. vertit; *Maximæ Ratiæ*, & alibi; *Selectæ*, brevesque *Sententiæ*; quæ gravissimæ sint ad beate vivendum sententiæ; & Sext. Emp. appellat *Διδασκαλίας memorabiles*; Suidas vero *Σκελετὰ Ἰσθμια*. *De Electionibus. De Plantis. De Fine*; qui liber idem videtur cum eo, quem Cic. citat *De Finibus bonorum, & malorum* de Fin. 1. 2. & Tusc. 3. 18. *De Summo Bono. De Criterio, sive Canon. Chæredemus*, seu *de Dits. De Sanctitate*, seu *Hegesfanax. De Vitis, sive De Vita, & Moribus. De iusta actione. Neocles ad Themistam. Symposium. Eurylochus ad Metrodorum. De angulo, qui est in Atomo. De Tactu. De Fato. De Perturbationibus sententiæ ad Timocratem. Prognosticum, sive Præcognitorium. Exhortatorius. De Simulacris. De Imaginatione. Aristobulus. De Musica. De Iustitia, & reliquis virtutibus. De Donis, & Gratia. Polymedes. Timocrates lib. 3. Metrodorus lib. 5. Antidorus lib. 2. De Auspiciis sententiæ ad Mitbren; sive, ut recentiores Laërtii Interpretes, *De Morbis. Callistolas. De Regno. Anaximenes. Epistola*; quas multas quidem fuisse apud autores legimus, sed tres tantum nobis servavit Laërtius, ex quibus omnem Epicuræ Philosophiæ doctrinam recentiores Hortorum sectatores excerpterunt. Præter dictos alii quoque citantur à Plutarcho, Cicerone, aliisque. Omnem vero Epicuream de Natura scientiam, quam ipse libris 38. tradiderat, elegantissimis verbis expressit sex libris Epicureus Lucretius, qui l. 3. has Præceptorum laudes contexit:*

*Tu pater, & rerum inventor, tu patria nobis
Suppeditas præcepta, tuisque ex, incliste, chartis
Floriferis, ut apes in salibus omnia libant,*

*Omnia nos itidem depascimur aurea diſſa,
Aurea, perpetua ſemper digniſſima vita.*

Atque etiam

*Qui genus humanum ingenio ſuperavit, & omnes
Reſtinxit ſtellas, exortus uti æthereus ſol.*

Quibus verſibus hæc ſubjungit Laëtantius l. 3. Inſtit. *Hos equidem verſus nunquam ſine riſu legere poſſum. Non enim de Socrate, & Platone hoc ſaltem dicebat, qui velut Reges habebantur Philoſophorum: ſed de homine, quo ſano, & vigente nullus æger ineptius deliravit. Itaque Poëta inaniffimus leonis laudibus morem non ornavit, ſed obruit, & obtrivis.*

Inſirma ſemper valetudine fuit; ex qua in gravem Lithiaſis morbum incidit; unde lapide in veſica urinam cohibente, calidæ balneum ingreſſus, hauſto meri potu, commendans diſcipulis, ut dogmatum ſuorum memores eſſent, diem clauſit, poſtquam 14. diebus ægrotaverit. Mortuus eſt an. 2. Olymp. 127. annos natus 72. quem patria æreis ſtatuis honoravit.

Ejus vero Sectatores ipſum maximo ſemper honore ſunt proſecuti. Et quidem Plinius, hæc de re poſt 330. annos ſcribens, ait lib. 35. c. 2. *Natali ejus viceſima luna ſcriſcant, ſeriasque omni menſe cuſtodiant, quas Eneidas leadæ vocant;* urde & ipſi *Eneides*, *Viceſmarit*, appellati ſunt, quia viceſimam, cuiusque menſis diem colebant, qua Epicurus natus credebatur. Magiſtri etiam imaginem, ut notat Plin. loc. cit. per cubicula geſtabant, ſecumque circumſerebant. Et Cic. l. 5. de Fin. c. 1. ſub perſona Attici: *Nec Epicuri licet obliſceſcit, ſi cuiſpiam, cujus imaginem non modo in tabulis noſtri familiares, ſed etiam in poculis, & annulis habent.* Ejus laudes habet idem pluſibus in locis; notatque, ejus diſcipulos omnes memoriæ mandatis ratas præceptoris ſententias, quosdam etiam omnia dogmata.

Hæc autem Secta omnium maxime duravit, à morte ſcilicet Epicuri ad Julii, & Auguſti tempora, annis circiter 237. ac 14. habuit Hortorium Præſides, ſive Scholæ Magiſtros, ut notat Suidas; & ut ita dicam, quamdium Athenis, & Romæ literæ flourerunt, & ipſa flouruit, aliis que deficientibus, non finem habuit. Sed non ob doctrinæ eminentiam id accidiſſe, Laëtantius 3. Inſt. c. 17. aſſerit; verum ob doctrinæ libertatem, morumque ex ipſa corruptionem. Sic enim ipſe l. c. loquitur: *Epicuri diſciplina multo celebrior fuit, quàm cæterorum; non quia veri aliquid adſeruat, ſed quia multos populare nomen Voluptatis invitat: Nemo enim non in vitia pronus eſt.*

Rhetoricam, & Dialecticam contemſit, ut ex Laërt. Cic. aliisque habemus: diſtinctionem enim hauſerat, ſi Cleomedi 1. Meteorolog. credendum, ex *proſtitulis, & mendacibus*. Imo Divus Hieronymus Epit. ad Magnum de Epicuro *ipſarumque*, emphatice magis, credo, ait: *Neque literas didicerat. Phyſicis igitur, & Ethicis ſe addixit, quibus magnam apud ſuos gloriam nactus eſt.*

Ad Doctrinam ejus quod attinet, ſciendum imprimis eſt, ipſum loco *Dialecticæ*, quam adſpernatus *Inanem Loquacitatem, & cavillorum officinam* appellabat, *Canonicam Philoſophiæ Partem* Phyſicæ præmiſiſſe, in qua de Criteriis agit; ejusque Summa hæc eſt: Omnino Veritas eſt cùm aliquid ita ſe habet, ut ſe habere dicitur; Falsitas vero contra. Veritatis Criteriaria tria ſunt, *Senſus*, ſive *Senſio*, pro rebus naturalibus, quæ Senſu cognoscuntur: *Prænotio*, ſeu *Anticipatio* (ſic ipſe vocat, quod Philoſophi ſere omnes Ideas appellabant) pro rebus naturalibus, de quibus mens ratiocinatur: & *Aſſectio*, ſeu *Paffio* pro rebus *Moralibus*, prout aliquid vel appetimus, vel refugimus; Inde hos deducit *Canones*: Omnis perceptio ex ſenſibus hauſta vera eſt, nam ſenſus nunquam fallit.

litur. Opinio est consequens sensum, sensationique superadjecta, quæ vel vera, vel falsa esse potest. Opinio illa vera dicenda est, cui sensus evidentia vel suffragatur, vel non refragatur. Contra vero, Opinio falsa dicenda: Quod & innuit Cic. 1. de Nat. D. ubi de Epicuro ait: *Omnes sensus veri nuntios dixit esse.*

Canones Prænotionis, sive Anticipationis (vulgo Ideæ) sunt. Omnis, quæ in mente est Anticipatio, seu Prænotio, dependet à sensibus, idque vel incurssione, vel proportionem, vel similitudine, vel compositione. Anticipatio est ipsa rei notio, & quasi definitio, sine qua quidquam querere, dubitare, opinari, imo & nominare non licet. Est Anticipatio in omni ratiocinatione principium, quasi nempe id, ad quod attendentes inferimus unum esse, idem, aut diversum, conjunctum, aut disjunctum ab alio. Quod inevidens est, ex rei evidentis anticipationem demonstrari debet.

Canones Affectionis, vel Passionis sunt. Ea Voluptas, quæ nullam habet annexam molestiam, amplectenda est. Ea molestia, quæ nullam habet voluptatem annexam, fugienda est. Ea Voluptas, quæ aut majorem voluptatem impedit, aut graviores molestias parit, fugienda. His duos addit Canones de usu Vocum. Dum loqueris, dilige voces communes, & perspicuas, ne aut ignoretur quid velis, aut interpretando, tempus frustra teras. Dum audis, id enitere, ut vim subjectam vocibus teneas, ne te vel præ obscuritate lateant, vel præ ambiguitate deludant.

Physica Epicuri omnis in quatuor partes divisa est. In prima agit ipse de *Universo*, sive *Natura Rerum*. In secunda de *Mundo*, in quo nos sumus, ex quo de aliis innumeris conicere liceat. In tertia de *Rebus Humilibus*, sive de humo, cui inhæremus, & de rebus, quæ in ea sunt. In quarta demum de *Rebus Sublimibus tam Cælestibus, quam Aëreis.*

In prima Physices parte asserit, *Universum* infinitum esse, increatum, æternum, immobile, & immutabile. Rerum omnium Principia duo statuit, *Corpus*, & *Locum*, sive *Atomos*, & *Vacuum*. *Atomus*, *Atomus*, sic dictæ ab α privativo, & *τμω*, seco, latine *Indivisibiles*, eo quod ob earum soliditatem, & Vacui privationem, dividi nequeant; sunt prima rerum Principia, ex quibus concreta corpora gignuntur, & in quæ ultimo resolvuntur. Harum proprietates, sive qualitates, quibus inter se differunt, sunt *Magnitudo*, *Figura*, & *Pondus*. Secundum has Atomorum proprietates omnia concreta corpora inter se differunt.

Omnes Atomus duplici motu moventur, altero proprio, & æterno, quo ex proprio pondere deorsum per rectam moventur; altero reflexionis, cum aliæ aliis impingentes reflectunt motum; ex quo fit, ut aliæ aliis cohæreant, & corpora constituent. Quum per Vacuum moventur, cuiuscumque sint magnitudinis, vel ponderis, æquali motu moventur. Atomus leviores, & subtiliores, quæ invicem implicari nequeunt ob suam rotunditatem, & levitatem, liberius moventur, quàm Atomus ob suam scabritiem, & angulos implicatæ: unde & *Agentis* nomen obtinent. Ex his Atomis *Anima*, & *Spiritus* omnes componuntur; qui Agentis intrinseci nomine veniunt, quia intra corpus positi & ipsum corpus, & seipsos movendi facultatem habent. Agentis vero extrinseci nomine venit ipsa vis, seu motus proprius Atomorum. Fortuna, Fatum, & Finis impellens, non sunt, nisi effectus necessarii à causis physicis, licet incognitis, procedentes: sic etiam Sympathia, & Antipathia; illa quidem ab atomis onchiatis à corpore aliquo exeuntibus, & in corpus aliud impingentibus, quod suis uncis ad illud trahunt, oritur; secunda vero ab atomis acutis, corpus, in quod incidunt, repellentibus, provenit. Lux est substantialis effluxio à corpore lucido procedens. Colores ab hac ipsa substantia in corporum superficies incidente, &

inde varie reflexa, oriuntur. Sonus fit ab effluxione tenuissimorum corpusculorum, à corpore sonum edente profectorum, quæ aurem subeundo, sonum efficiunt. Idem dicendum de reliquis sensibus. Tempus, quod eventum eventorum, & accidens accidentium Sext. Empir. vocat, non est ens reale, sed ens rationis, hoc est, non ex se existit, sed cogitatione concipitur. Hinc Lucret.

*Tempus item per se non est, sed rebus ab ipsis
Consequitur sensus*

Ortus, & Interitus, sive Generatio, & Corruptio, sunt quædam mutationis, sive alterationis species: tunc enim corpus aliquod gignitur, cum atomi, prius sejunctæ, uniuntur, & concresecunt, & in novam formam prodeunt: contra verò Corruptio est secretio atomorum, sive disjunctio partium corpus componentium in visibiles, vel invisibiles. Cum ex fortuito atomorum concursu cuncta in Mundo, & Mundum ipsum genitum esse, Epicurus asserat; inde deducit, posse nos post corporis hujus exsolutionem iterum esse tales, quales nunc sumus, modo similis atomorum fortuitus concursus fiat.

In secunda Physices parte docet, Mundum hunc nostrum esse portionem quandam Universi infiniti, Cœlo complexam, ac terram, sidera, & corpora inter terram, & Cœlum sita, continentem. Mundus hic cujuscumque figuræ fingi potest, & æternus non est, sed in tempore genitus, nec ab Ente aliquo Supremo, sive Deo factus, sed casu, ex fortuito scilicet atomorum per Universum excurrentium concursu, per quem sibi invicem adherentes, concretæ, & compactæ primò quidem Chaos quoddam formarunt, deinde post multas convolutiones vario modo irretitæ, & glomeratæ eam formam induerunt, qualem Mundus nunc exhibet. Ex his quæ majores, graviore, & ramosæ erant, subsidentes, & implexæ, terram, & terrestria corpora formarunt, quæ secundum variam atomorum molem, pondus, & figuram inter se differunt; quæ vero leviores, rotundæ, & teretes, ex his corporibus expressæ, in sublime latæ, ignem, Solem, & sidera produxerunt: tandem quæ mediæ conditionis, in medio positæ aërem fecerunt. Animalia cuncta ex quibusdam veluti folliculis, in uterorum formam à terra, genitale semen conservante, prolatis, orta sunt; & ab ipsa terra tanquam matre humore quodam lacti simillimo nutrita. Idem dicas de generatione Hominum, qui à folliculis, terræ radicibus adhærentibus, & à sole excalescentis, & exclusis producti sunt. Terra deinde veluti senescente, ut in mulieribus nunc fieri videmus, exhaustisque seminibus, homines, ac reliqua animalia non amplius ex terra sponte erumpunt, sed media propagatione oriuntur. Sed nihil impium magis, & ineptum ex Epicuri ore prodivit, quàm Deum mortaliam non curare, ac nulla Dei Providentia Mundum gubernari; sed omnia ex necessitate contingere, ac solem, sidera, & cuncta in Mundo sic moveri, & ad Mundi usque consumptionem movenda, prout semel in sui productione singulis ipsorum motus obtigit. Unde Cic. 1. de Nat. D. *Epicurus ex animis hominum extraxit radicitus religionem, cum Dīs Immortalibus & opem, & gratiam sustulit.* Et Clem. Alex. Epicuri sectam sinceræ Philosophiæ aditænam prolem vocavit: quam Paulus etiam Apostolus in Aq. Apostolorum jure damnavit, quod tollat Providentiam, & in Deorum numerum referat Voluptatem. His autem ad probandum infirmis, & nugatoriis argumentis nefandam hanc suam sententiam, quam nemo unquam nec ante, nec post ipsum somniavit, probare nititur. I. Si beatus quis esse nequit, nisi quietus; quomodo Deus tot inter molestias, operosæque curas, in Mundi regimine necessarias, beatus erit? II. Si Deus, qui justus est, Mundum gubernaret, nec bonis mala, nec malis bona acciderent; sed bonos infelices, malos vero felices, innocentiam minus

tutam

rutam, scelera impune videmus committi; ergo nulla in Mundi regimine Providentia. III. Deus omnium scelerum causa esset, ea vel volens, vel permit- tens. IV. Denique, si Deus iræ, & gratiæ capax existit, cur conceptis votis alii pereunt, alii ex morte servantur; alii liberos precati obtinent, alii frustra precantur? Quibus argumentis vel pueri respondeant. Iisdem fucatis rationibus Dei in Mundi regimine administratos, Genios, Dæmonas, & Spiritus omnes rejicit. Mundus quia genitus, peribit. Dantur Mundi infiniti huic nostro similes, & dissimiles, sed perituri.

In tertia parte de Terra agens, ipsam in orbem, vel circulum instar disci, vel tympani, non sphaeræ, vel globi efformatam, in Mundi medio sitam asserit, in cujus centrum gravia cuncta feruntur. Dari antipodas negat, Terræmotus causam ait esse aquas, ignem, vel spiritus subterraneos, terram succutientes. Fluviorum, & fontium originem, ac Nili inundationem bene cum reliquis fere Philosophis explicat. Aquam in glaciem verti, ait, excluso ab aquæ particulis Ioani. Herculei lapidis, quem Magnetem dicimus, quod in Magnesia primum inventus sit, phænomenon explicat per amplexum partium hamatarum ex ipso effluentium, & cum particulis ex ferro manantibus complexarum; quæ in utrumque impactæ, & resiliens in medium circumplectantur in vicem, & ferrum simul pettrahunt. Animalium generatio ex utriusque sexus semine commisso proficiscitur: utrumque autem semen ex singulis corporis partibus manat: mas tamen gignitur, cum masculum, femina, cum semine semen prævalet: sterilitas tandem à semine vel crassiori, vel tenuiori, quàm par est, provenit. Anima, corporis forma, seu nota, est corpus tenuissimum, ex tenuissimis particulis, rotundis, & levibus contextum, & per totum corpus (quod crassius dicitur) diffusum, & ab ipso crasso corpore separatum in auras abit, & Anima esse definit. Quam de Animæ Mortalitate sententiam Epicuro antiquiorem, fuisse, deducitur ex Salomone, qui Sap. 2. impios ejusdem opinionis memorat sic dicentes: *Cinis erit corpus nostrum, & spiritus diffundetur, tanquam molis aer*. Et exinde hoc consequens educentes: *Venite ergo, & fruamur bonis, quæ sunt, & utamur creatura, tanquam in juventute celeriter*. Animam vero incorpoream non esse, ex eo probare nititur, quod nec tangere corpus, nec ab ipso tangi, nec agere, nec pati posset. Hinc Lucretius:

Tangere, nec tangi, nisi corpus, nulla potest res.

Visus fit à simulacris, sive imaginibus manantibus ab objectis, & in oculos incurrentibus; hoc est, per effluxiones atomorum, à corporum superficiebus continenter manantium, atque eundem ordinem, & posituram corporum servando, objecta, prout sunt, oculis representantium. Simili modo de aliis sensibus discurrendum: Auditus enim fit ab effluxu partium subtilium, à percussis, sive sonoris corporibus ad aures venientium, ipsasque pro varia atomorum figura, vel leniter ferientium, & gratum sic sonum producentium; vel lacerantium, unde & ingratus sonus fit. Idem dicas de particulis à corpore odore ad nares venientibus, & Olfactus sensum facientibus; vel palati partes tangentibus pro Gustatu; vel corporis peripheriam pro Tactu. Animi, seu Mentis sedes cor ab Epicuro ponitur, hoc ducto argumento, quod lætitiæ, metus, &c. sensum in corde sentimus: Mens non cogitat, nisi per simulacrâ in ipsam incurrentia, sive ab objectis præsentibus proveniant, quod fit cum res præsentis cogitamus; sive à corporibus subtilissimis per aërem volitantibus, & sive à corporibus directa, sive in ipso aëre formata ea sint, corpus humanum subeuntia, in mente hanc, vel illam cogitationem excitant. Affectus, sive Animæ Passiones vel sensum sequuntur, & in partibus, quæ sentiunt, excitantur; vel ex cogitatione dependent, & excitantur in corde. Passiones præcipuæ duæ sunt,

Volu-

Voluptas, & Dolor; quarum prior animæ secundum naturam est, posterior præter naturam. His duas alias addit præcipuas etiam, & generales, Cupiditatem scilicet, & Fugam: reliquas vero Passiones harum quatuor species dicit. Motus voluntarius fit ab ea animæ parte, quæ sensibile simulacrum recepit, quæ deinde reliquam animæ partem per corpus diffusam pellit, & sic corpus, vel ejus pars movetur. Aër exspiratus à linguae motu modulatus vocem efficit. Animæ à sensibus seratio Somnus est, quæ fit, cùm animæ pars à cibo, potu, lassitudine, vel simili sive interna, sive externa causa foras ejicitur, pars intra corpus remanens oppressa, & veluti sepulta, non secus ac ignis sub cinere, jacet. Insomnia sunt à simulacris in aëre existentibus, quæ cor subeundo animæ sese offerunt. Quod autem optamus, vel sæpius cogitamus, solet plerumque insomniorum materies esse, quia ardens desiderium, vel frequens ejusdem rei cogitatio vias latas in animæ relinquit, per quas simulacra affinia ab aëre venientia animam facilius subire valeant. Mors denique est sensus privatio propter animæ excessum, quæ in aërem dissipata perit.

In quarta tandem parte de rebus Cœlestibus, & Aëreis differens, hæc habet. Sidera omnia igneæ sunt naturæ, composita scilicet ex atomis subtilibus, rotundis, & levigatis. Siderum omnium magnitudo talis est, qualis oculis apparet, secundum nos, sensus enim falli nequeunt; sed secundum se considerata, esse potest vel paulò major, vel paulò minor, vel præcise tanta, quanta videtur. Fixas esse, ait, veluti tot clavos cœlo infixos. Errantes cœlorum motu abortu ad occasum feruntur; contrario motu, & proprio ab occasu in ortum. Sol, Luna, ac reliqua sidera oriri possunt, & occidere vel per apparitionem supra, & occultationem infra; vel per accensionem in regione orientis, & extinctionem in regione occidentis factam; vel denique per renovatam quotidie productionem, novo scilicet sole exorto ex confluentibus in ortum multis ignibus, ignisq; seminibus. Dies noctibus non sunt æquales, vel ob cursum solis obliquum in Zodiaco; vel quoddam certa per ætherem sint loca, ob suam crassitatem solis cursum retardantia plus quam alibi; vel denique quia sol mane genitus, ex loci, in quo accensus est, differentia, breviorē, vel longiorem cœli viam percurrere debeat. A sole propria luce fulgente & calor, & lux continuo manant, & sol non extinguitur, quoddam pabulum accipiat à caloris, lucisque seminibus, ex universo mundo ad ipsum venientibus. Cætera astra & lucem à se habere, & à sole mutuari, æque dici potest. Lunæ Phases, seu incrementa, & decrementa proveniunt vel ab ipsa ad solem (si ab ipso lumen habere putaveris) accedente, minorem illuminatæ faciei partem nobis in dies ostendente; & ab eadem à sole abcedente, & majorem lucentis faciei partem semper monstrante, quousque illi opposita tota videatur: vel, globosa cum sit, & altera sui parte lucida, altera obscura, ex continua sui corporis revolutione, obscuræ, luteæque faciei partem alternatim ostendit: vel tandem, si lucida ex se supponatur, poterit paulatim obscurari à corpore aliquo spherico, & opaco, quod cum ipsa continuo circumvolvatur. Idem corpus opacum, quod Phases producit, poterit Eclipsim efficere, si totum Lunæ corpus obtegat; vel quod obscura ejus pars repente nobis obversetur. Solis vero Eclipsis à luna inter ipsum, & terram media, fit: potest etiam Solis, Lunæque Eclipsis ex hoc contingere, quoddam per loca luci infesta transeuntes, lucem amittant, donec ipsis locis prætergressi, lucem recuperent. Sidera Præagitionum non causæ sunt, sed signa; ut & quedam animalia occasiones nobis sunt, ex quibus futura prædicimus. Cometæ vel sunt ignes in sublimi regione geniti, & tamdiu durantes, quamdiu pabulum, quo nutriuntur, durat; vel sunt stellæ semper quidem existentes, sed statim certis temporibus ex propria quadam cœli revolutione tantum nobis

appa-

apparentes: Stellæ cadentes dictæ vel sunt ex attritu verarum stellarum, ipsarumque fragmentis; vel ex eisdem materiæ prolapsu, ut in fulgurationibus; vel ex coëuntibus atomis ignificis. Nubes vel gignitur ab exhalationibus, à terra, & aqua sursum elevatis; vel est aëris incrassementum, à ventis compellentibus factum. Ventus verò, cum in angusto inani multa sunt corpuscula, fit; unde atomi per hoc angustum inane pergentes celerius moventur, & aëris sequitur agitatio, quæ Ventus dicitur: & contra quietus aëris status, cum in multo inani pauca sunt corpuscula: gigni etiam potest ex halitibus, à terra, marique solis vi elevatis. Presteres sunt gyri ventosi, producti à nube, à vento depressa, agitata, vel perforata. Fulmen fit ab igne in nube accenso, & ventorum, vel ipsius ignis vi nube fracta, & coniecta, cum impetu explosio. Fulgur producit ex attritu nubium, quo ignea corpuscula aggregata calorem, & conflagrationem concipiunt: Tonitru vero ab iisdem nubibus diffractis, vel à vento in ipsis foriter agitato. Pluvia ex nubibus desuit, cum vis venti eas urget, unde aqueæ particule in guttas coalescentes decidunt: Ros vero à vaporibus, ab humentibus locis elevatis; & in aëre coëuntibus, gignitur. Grando vel à vento frigido, aqueas guttas decedentes congelante efficitur; vel sunt gelatæ nubes fragmenta, ab eadem concisa delabentia. Nix est tenuis aqua à nubibus expressa, ea ratione, ut spumescat, quæ deinde à frigido condensatur. Pruina res est, à frigido vento in terræ superficie gelatus. Iris creatur, vel quod aër humescens adverso solis splendore resurgat; vel quod ea sit specialis natura, tum lucis, tum aëris, ut huiusmodi colores exprimat. Halos circa lunam generatur à crassiusculo, sive nubiloso aëre, undique circa ipsam everso, & lunæ lumine irradiato. Sunt quædam Averna loca, venenosus vaporibus, ab intimis terræ partibus exhalantibus, infesta. Pestilentia tandem à terra, intempestivis præsertim pluviis, & ardoribus putrescente; producta solet: qua deinde putredine infectus aër, huc illic vi ventorum perductus, Pestilentiam parit, ex qua homines, & quandoque animalia pereunt: Et de Physicis satis.

Ethicæ, quæ potissima Philosophiæ pars est, & quæ nos ad Finem, seu Summum Bonum consequendum instruit, quæque media, quibus ipsum consequamur, ostendit, hæc Epicuri compendiosa doctrina est. Considerandum tamen in limine est, quod etiam si communi omnium consensu, ut notat etiam Sen. de Vit. Beat. c. 1. vitæ Finis, seu Summum Bonum, Felicitas statuatur; in hoc tamen vel multi errare solent, quod vel quæ vera felicitas sit, vel media, quæ ad ipsam adducant, ignorent: Hoc est, quod nobis Ethica præstat, cuius præceptis bene utentes, & veram felicitatem adipisci, & media ad ipsam productionem cognoscere valeamus.

Felicitas, ad quam omnes naturaliter tendunt, duplex est, altera quidem *Summa*, seu quæ nec crescere, nec decrescere potest, in qua scilicet nullum, deest bonum, nullum adest malum, & hæc Dei propria, & sola est: altera vero *Subalterna*, in qua vel bona aliqua desunt, vel mala aliqua adsunt, intendi capax, & remitti, & hæc hominis felicitas esse potest. Ad quam felicitatem homines omnium maxime ducit *Sapientia*, ex qua homo habet unde dolores constanter toleret, & dum ipsis opprimitur, non vincatur.

Beatæ vitæ finis *Voluptas* est, principium, & finis, bonorum omnium, ex natura sua quid bonum, dolor contra ex sui natura quid malum: sine Voluptate nulla felicitatis notio haberi potest; & tandem felicitas universa in Voluptate consistit. Voluptas, in qua sita felicitas est, dicitur *Indolentia corporis*, & *Tranquillitas mentis*. Quæ hanc Voluptatem pariunt potissimum virtutes sunt. Corpori Medicinæ ars, menti Ethica medetur. Corporis morbos vel aret, vel curat, vel leniores reddit Temperantia; corpore vero ipsos pa-

patiente, constantia, & fortitudine utendum. Principales animi morbi duo sunt, *Cupiditas*, & *Metus*; quibus Philosophia per virtutes medetur, quæ à recta ratione, & prudentia adhibet: illos vel arcet, vel tollunt. A recta ratione, & libero arbitrio omnis virtutum laus est. Omnis virtus vel ipsa prudentia, & rectæ rationis dictamen est, vel ab ipsis regitur, ac pendet. Virtus quadruplex est, *Prudentia*, *Temperantia*, *Fortitudo*, & *Iustitia*. De quibus singularem; reliquæ enim omnes ad has referuntur.

Prudentia ars bene vivendi dici potest; ejus enim munus est vitam regere, & omnia, quæ in vita contingunt, ad beatam vitam dirigere: unde virtutum omnium munera complecti videtur. Prudentia igitur mala omnia tum animæ, tum corpori ne contingant, præcaverit; & si contigerint, vel pellere, vel tolerantia minora reddere nititur. Prudentia triplex est, *Privata*, *Domestica*, & *Civilis*.

Prudentiæ Privatæ primum illud est, ut quisque naturam, geniumque suum norit, & nihil repugnantem naturæ adorsus, mature providat de statu, in quo vivere sibi proposuit, ac omnes vitæ actiones sic accomodet, ut, quantum fieri potest, indolenter, ac tranquille vivat. Atque hinc fit, ut neque desidio fieri viro vita actiosa, neque viro actiosi genii desidiosa sequenda sit. Omnis igitur cura, & sollicitudo in status electione ponenda est, ut ille deligatur, in quo tranquillius vivere possimus. Quare ad bene vivendum securior erit, qui neque valde emineat, neque abjectus sit, sed inter utrumque medius.

Prudentiæ Domestica, quæ vel conjugalis, vel paterna, vel herilis, vel possessoria esse potest, nos admonet, quomodo nos erga uxorem, liberos, servos, & rem familiarem gerere debeamus, & primo, si cælesibus sine angore vivere non possis, solcite considerandum, an poteris morosam uxorem, male moratos liberos, & quæ ipsis acciderint, incommoda patienter ferre. Si autem his tolerandis imparem te noveris, uxorem ducere non expedit. Sin contra maturum consilium, vel necessitas aliqua ad nuptias te adegerit, uxor tibi morigeram ducenda est, quam tui amantem, & domesticarum curarum partem suscipientem reddes; liberique bene educandi, ut patris legibus obtemperantes, sapientes evadere possint. Servi autem, quorum possessio parum jucunda esse solet, ita tractandi, ut nunc pene inviti ipsos castigemus, nunc condonemus, præcipue si non malæ indolis sint. Rei denique familiaris cura ita gerenda est, ut citra avaritiam, ac discedendi cupiditatem in futurum prospiciamus: moderatus enim rei familiaris usus ad vitæ tranquillitatem necessarius est.

Prudentiæ Civilis regula eadem fere cum ea, quæ de eligendo statu modo tradita; hoc est, ne quis ad Reipublicæ regimen accedat, nisi publicis rebus gerendis idoneus; qui scilicet actuosam naturam sortitus, vel natali, vel doctrina, vel morum probitate illustris, publicam rem bene gerere valeat. Privata, & ociosa vita actuosæ præferenda quidem est, sed non semper; nam si Reipublicæ urgens necessitas, ad regimen tenendum, vel ad leges ferendas, vel ad magistratus reformandos, nos compellat; si ve ut Principis locum teneamus, vel Principi consilis in regno prodesse cogamur; tunc publicum bonum privatæ quieti præferendum: quinimo & ipsi in publicis his, magnisque muneribus animi tranquillitatem, corporisque indolentiam habere possumus, modo sapientes simus.

Temperantiæ munus est cupientem animum reprimere: minus enim indecorum est pusillanimitate demitti, quam cupiditate efferrî. Temperantia igitur tota in moderandis cupiditatibus versatur; ac quæ sint secundum rationem expetenda, vel fugienda, nos admonet. Ab ipsa enim didicimus, cupiditates illas fugiendas, ex quibus dolores, infamia, damna, & quandoque etiam judiciorum poenæ proveniunt; his enim devitatis majores inde voluptates oriuntur.

tur. Sed quia cupiditatum genera tria sunt; aliæ enim cupiditates sunt naturales, & necessariae; aliæ naturales, sed non necessariae; aliæ neque naturales, neque necessariae, sed inanes: ideo de quibusdam Temperantiæ speciebus contra quasdam cupiditatis species differendum. De Sobrietate igitur, quæ opponitur gulæ; de Continentia, quæ libidini; de Lenitate, quæ iræ; de Modestia, quæ ambitioni; de Moderatione, quæ avaritiæ; ac denique de Mediocritate, quæ est inter spem, & desperationem futuri, pauca dicamus.

Sobrietatis nos ad vitium tenuem, simplicem, & parcum componens, magnum ad vitæ sanitatem conservandam, atque inde ad corporis indolentiam, procreandam, bonum nobis præstat. Paucis quidem natura contenta est, iisque paratu facilissimis. Enimvero vulgatum nimis illud est, plures occidi gulæ, quam gladio. Præcipua autem, quæ sobrietas parit, comoda, quatuor sunt. I. Quia morbos omnes, quos gulæ intemperantia gignere solet, vel arceat, vel tollit, ac sanitatem conservat. II. Hominem ad vitæ usus necessarios expeditum, & impigrum reddit; corpus enim æque ac mens cibis gravatur, & opprimuntur; & utriusque functiones læduntur. III. Si quando per intervalla sit mensa splendidior, majorem capimus, quam adfuerit, voluptatem. IV. Denique, quia vilioribus cibis semper utentes, paupertatem non timemus; ad sobrie enim vivendum nemo pauper. Hinc Epicurus in Hortulorum scribis hoc inscribi mandavit: *Hospes hic bene manebis; hic summum bonum Voluptas est: hospitale domicilium custos polenta excipiet, & aquam large ministrabit.*

Continentia adversus libidinem, siue abstinentia à rebus venereis, eximia virtus est; venereorum enim usus nunquam prodest, sæpe etiam nocet: nam his intemperanter potissimum uti, est vitam facere debilem, brevem, curis anxiam, morbis obnoxiam; & sic levem hanc voluptatem multa excipient mala. Vir ergo sapiens se ab amore capi non sinat. Quod ut facilius consequatur, primo tenui utatur cibo; nam ex nimio cibo augetur seminis copia, crescitque amoris fomes. Secundo incommoda meditetur, quibus amantes obnoxii sunt; ut virum, rei familiaris, famæ, & similibus facturam. Tandem à Musiciis, & Poëticis abstineat, à quibus voces, & cantilenæ, Deorumque mæchorum turpia exempla suppeditantur, quæ libidinis incentiva sunt.

Lenitas, siue Mansuetudo adversus iram maxima, & omnium forte difficillima virtus est, quæ animum injuriis vulneratum sanat, sanumque ab iræ, vindictæque cupiditate sic continet; ut neque ipsa emoveatur, neque indecorum aliquid fieri permittat. Ab ira tamen se continebit sapiens rationis præsidio fretus, & mature perpendens, non esse in sua potestate positum, ut cæteri iusti sint, nec passionibus abripiantur: sicque injurias tanti faciet, quanti damna, & incommoda, quæ ab anni tempestatibus, casibus fortuitis, aliisque causis extra suam facultatem positæ, ipsi accidunt. Tum etiam considerare poterit animi perturbationem, timorem, damna, & mala cuncta, quæ ab expletæ vindictæ oriuntur. Famæ denique bonæ gloriam, quæ non ulciscendo injurias, sed innoxie vivendo acquiritur; sic enim mitis injuriâ superiorem ostendit animum. Si autem castigare debeas, citra iram id facias.

Modestia adversus Ambitionem nos admonet, ut supra diximus; Reip. magistratus, & honores non affectare, nisi à Rep. tanquam ipsius regimini necessarii advocemur. Hinc occulta, & privata vita ab Epicuro commendatur; nam is bene vixit, qui bene latuit. Ambitio contra curis molestissimis, sollicitudinibus, inquietum reddit animum. In agris vero vivere, nullique publico muneri se addicere, per quàm beatum, & felix vitæ genus est. Non igitur ab externis, illisque omnibus, quæ nostra non sunt, gloriam querere, sapientis est proprium.

Moderatio adversus avaritiam dicitur illa animi dispositio, qua quis vel

paucis, vel ipsa etiam paupertate contentus vivens, nihil optat, nihil querit. Hic sua sorte, qualiscumque ei contigerit, lætus, & contentus, cum divina fere felicitate contendit: nam sicuti Deus nullorum indigens bonorum nec quid optet habet, sed in se ditissimus est; ita sapiens Deum ipsum imitatus non indiget, quia non aver, & simplicibus, cunctisque obviis naturæ bonis utens hilaris vivit. Cum autem paucis natura contenta sit, non ille felix, qui multa possidet, sed qui nihil cupit; nam cui pauca non sufficiunt, ei nec plurima satis erunt. Si igitur ad naturam vixeris, nunquam eris pauper, si ad cupiditatem, nunquam dives: bonorum enim cupiditas inexplebilis est, mentemque cruciat.

Mediocritas inter spem, & desperationem futuri, sapienti necessaria est. Hæc docet, nos in rebus futuris, sed contingentibus, nec certe sperare, nec omnino desperare debere. Utrumque igitur extremum fugiendum; quod hæc potissimum ratio suadeat, non esse futurum aliquid, quod certe eventurum speramus, quod ex multis causis forsitan diverti valeat; & contra.

Fortitudo, quæ metui, ac pusillanimitati opponitur, virtus est nos erudiens corporis, & animi mala cuncta, futura quidem non metuere; præsentia vero constanter tolerare. Fortitudo ab audacia differt, quod illa virtus sit, ex recta ratione, animique consilio proveniens; hæc vero à natura, unde & brutis etiam tribuitur. De duplici autem illo gravissimo metu, Numinis scilicet, & Mortis, qui omnem ab hominum animo voluptatem tollit, verba hic faciens, mirum quam impia, & stulta profert. Et Numinis quidem metum vanum esse hominum figmentum, ait, qui Numini eos tribuunt animi affectus, quibus ipsi obnoxii sunt; unde eos iræ, & gratiæ capaces effringentes, & pœnas timent, & præmia expectant. Hoc autem divinæ naturæ contrarium dicit, quod ipsa, ut summe felix, & beata in se, & de se sit, quæta, & nullis turbanda curis, vel fatiganda laboribus esse debet. Atque hinc educit, nullà Deorum iræ, vel gratiæ, sed casu cuncta in mundo accidere: ac Deos proinde omnes venerandos quidem ob eorum maiestatem, supremamque naturam, sed nec precandos, nec timendos. Mortis vero metus, qui omnes fere hominum mentes summe excruciat, vanus dicitur, quod mors nihil ad nos pertineat; quod sic probare conatur: Quicquid doloris, vel voluptatis in nobis est, à sensibus sit; sed sensus per mortem dissolvuntur, mors enim privatio sensus est; nulla ergo post mortem voluptas, neque dolor esse potest. Nec quid post mortem timendum docebat, pereunte cum corpore etiam anima. Neque timendam mortem tanquam dolorum maximum, dicebat, quod sperandum sit, aut nullum fore in morte dolorem, aut si sit, brevem fore. Tandem non timendam, quod sit cessatio ab iis, quibus fruimur, voluptatibus; nam nequit hoc terrorem incutere, cum nihil vitæ superstit, in qua dignoscere valeas, esse non vivere quicquam mali. Præterquam quod non ille felix dicendus est, qui senex diem obiit, sed qui voluptatum plenus decessit.

Fortitudo adversus corporis dolores virtus sapientis propria est, qua omnes corporis cruciatus æquo, fortique animo superat, id potissimum perpendens, quod dolor omnis si longus levis, si magnus brevis esse solet; sicque & magnitudinem brevitas, & diuturnitatem levitas consoletur. Cogitet insuper sapiens, se nihil posse facere ea virtute, ac sapientia, quam prohetur, dignius, quam si dolori non succumbat, sed patientiâ hostem tam insensum superet. Sicut igitur prudentiæ est dolores omnes à corpore arcere, & ne accidant, omni industria, & conatu præcavere; ita Fortitudinis est, cum jam casu, vi, vel natura acciderint, tolerare. Dolorem etiam levare sapiens poterit lætis illis cogitationibus, quæ ex virtutum, sapientiæ, ludiorum, inventorumque suorum jucundissima recordatione procedunt.

Eandem

Eandem Fortitudinem adversus animi ægritudines sapiens habere debet; quas omnes non à natura, sed à propria opinione creati, Epicurus his rationibus probare contendit. Et quidem si à natura animi ægritudo esset, doleret animus ex amissione liberorum, famæ, vel peculii, etiam si hæc nesciret amissa: si ergo animus æger non est, nisi ad hæc jam amissa animadverteret, manifestum est, non à natura, sed ab animi adversione, sive opinione mali procedere ægritudinem. Accedit, quod ægritudo ob metum futuri mali à nihilo procederet, cum malum jam non extet, nisi tantum ab opinione veniret. Adde, quod si quis pater verum filium pro supposititio, & supposititium pro vero habeat, ex morte primi non dolebit, ex morte tamen secundi angetur: quod non natura, sed opinio tantum efficit. Quibus adjiciam, multa esse mala, quæ nullam in animum ægritudinem inducunt ex hoc solum, quia non ut mala reputamus; & stultum nullam pati animi ægritudinem, corporis tamen dolores sentire. Ex quibus clarissime educitur, corporis dolorem à natura esse, ac proinde difficilius esse, animum ab illius sensatione avocare; animi vero ægritudines ab opinione præsentis, vel futuri mali creati: unde & facile sapienti sit mentem ab opinione illa, quæ animum maxime turbare solet, diducere. Ut autem sapiens mentem ab his opinionibus liberet, primum adversus fortunæ ictus se comparat: deinde cogitet, bona cuncta externa nec nimia contentione expetenda; cum non adsunt, nec magni facienda, cum adsunt; nostra enim revera non sunt, sed fortunæ exinde bona dicuntur, quia pro fortunæ arbitrio & adesse, & abesse possunt. Provideat igitur sapiens, quid facturus sit, si fortunæ, vel alius generis bona amittere contigerit: quod cum evenierit, non inani se mœrore conficiat, sed æquo ferat animo, id à fortuna repeti, quod non dederat, nisi commodato. Tandem si sapiens ex diuturna bonorum fruitione opinionem illam prorsus expungere nequeat, ægritudinem saltem levet, avocando mentem à cogitanda molestia, & causam illam inducente, & ea cogitando, quæ menti grata, & jucunda esse agnovit; ut modo de dolore dictum.

Justitia, quæ homines societate nectit, & sine qua nulla diuturna societas esse potest, virtus est, quæ ad alios dirigitur, nam unicuique quod suum est, tribuit, & ne ulli injuria fiat, præcavet. Per se, sicut & reliquæ virtutes, optabilis non est, sed quia voluptatem parit: Justitia enim animum tranquillum facit. Jus, seu Justum, à quo Justitia dicta est, naturale bonum est, & à natura ad ipsum expetendum ducimur. Naturalis igitur Juris est, ut homines invicem neque lædant, neque lædantur, sicque secure degant. Ex quo homines in societatem coire statuerunt, communia quædam jura sibi observanda fecerunt, ut nemo ipsorum alterum vel in rebus, vel in fama, vel in vita læderet; si quis vero contra faceret, lædentem punire omnibus jus esset. Ex quo igitur societas fuit, lex prima, & una fuit, ut quisque juribus tantum suis uteretur, aliena vero jura non violaret. Deinde tota societas suam illam injustos puniendi facultatem in unum, vel paucos, qui optimi, & sapientes essent, transiit. Ex his deducit Epicurus, injustitiam non esse aliquid secundum se malum, sed malum quia contra communem societatis legem; nam quod in una societate, injustum est, in alia justum esse poterit, si nulla in ea lex sit, quæ illud prohibeat. Sapiens vero non ex legis metu justus esse debet, sed etiam si leges non essent, juste vivere. Si tamen aliquid acturi dubii hæreamus, bonus vir aliquis nobis eligendus; & ob oculos semper habendus, ut sic tanquam illo spectante omnia faciamus.

Beneficentia, Gratitude, Pietas, Observantia, virtutes sunt Justitiæ afines; ad ipsas enim non ex pacto inito, sed ex officio quodam Justitiæ feruntur. Ad Beneficentiam nos compellat non

tam eorum, quibus beneficia præstamus, utilitas, quam nostra: si enim non præstemus, barbari, immitis, & inhumani nomen, ac, quod ad moleste vivendum aptum est, contentum, & odium aliorum incurrimus; sin contra præstabimus, beneficii, liberales, humani audiemus, &, quod ad beatam vitam conducit, aliorum benevolentiam acquiremus. Qui vero beneficium accipit, ad Gratitude[m] tenetur erga beneficium suum. Hoc autem nemo melius præstare novit, quam sapiens, qui beneficienti præsentis, & absentis, vivo, & vita functo, ejus etiam liberis, & amicis semper gratus est. Pietas etiam Gratitude[s] sanctissima species est, quam erga parentes primario colere tenemur; nam si cæteris quidem alia debemus, parentibus tamen debemus nos ipsos. Secundo erga consanguineos, quibus parentum vinculo alligamur. Tertio erga Patriam, quæ nos nascentes excepit, natos aluit, ac defendit. Quarto erga concolves, quibus patriæ nexu juncti sumus. Tandem erga Principes, & Magistratus, qui patriæ caput cum sint, ipsam repræsentant; & erga homines omnes, quibus natura, communi veluti matre, jungimur. Observantia demum nos edocet, eos omnes colendos, ac venerandos, qui vel natura, vel ætate, vel dignitate, vel sapientia supereminent. Hinc ad Observantiam Epicurus refert Religionem, qua Deos colere tenemur, non quia ab ipsis bonum aliquid vel acceperimus, vel expectamus; non quia malum aliquid timeamus, sed quia natura, quæ æterna, & in se beatissima est, nos antecellunt.

Amicitia postremo omnibus societate viventibus necessaria virtus ad beate vivendum, & quæ securitatem, ac magnas vitæ parit voluptates, ex utriusque dulci ortum sumit. Amici tamen cum delectu comparandi; hoc est, non querulos, difficiles, morosos, & suspectos parare oportet; sed qui candore, simplicitate, bona fide, morum probitate, alacritate suam reddere vitam possint. Ante igitur videndum cum quibus edas, & bibas, inquit quid edas, & bibas. Tales autem amici esse oportet, ut diuturna Amicitia sit, ut mutua inter ipsos participatio bonorum sit, & voluptatum: ex amicorum enim bonis capere plenam fiduciam amicus potest, non secus ac si sua sint; neque ad hoc necesse illud est, quod quidam putarunt, ut in communi amicorum opes deponantur, hoc enim dissidentium est, sed sufficit, si mutua, ac libera bonorum participatio sit. In mutua quoque voluptatum, & dolorum participatione vera consistit Amicitia; hoc est, verus amicus ille dicendus, qui ut de suo, sic de amici bono lætatur, de malo dolet; & quos labores ipse ad suam voluptatem obtinendam, sumferit, eosdem, & mortem ipsam, si opus sit, pro amici bono sumere paratus sit. Et ut verbo rem absolvam, vera, ac diuturna Amicitia in mutua sincera dilectione consistit. Hæc autem Amicitia nonnisi inter similes esse potest; unde illud: *Amor similes aut invenit, aut efficit*. Quod & Horatius innuere visus est, dum ait:

Oderunt bilarem tristes, tristemque jocosi.

Tales porro sunt sapientes, quos eadem sapientia instruit, ac moribus similes reddit. Atque de Epicuri Ethica, omnique Philosophia hæc breviter dicta sufficiant.

Pro hujus capitis coronide illud hic adnotabo, magnam inter scriptores fuisse controversiam in decernendo quid Epicurus *ἡδονῆς Voluptatis* nomine intellexisset. Certum enim illud est, ipsum unicam actionum omnium causam, ac vitæ finem in delectatione, ex bono, quo animus fruitur, posuisse. Hinc antiquorum plures, Stoici potissimum, affirmant, eum vel omnino, vel præcipue à voluptatibus corporis, quas cum bestiis communes habemus, summum bonum metitum fuisse; ac variis ejus voluminum locis probare satagunt, ipsum *Voluptatis* nomine eam tantum, quæ à sensibus provenit, significasse. Quod

con-

confirmare videtur Clem. Alex. 2. Strom. ubi de Democrito loquens subdit : *Ei autem Epicurus quoque assentitur , & quicumque in Voluptate , molestiaeque , & doloris vacuitate bonum collocant .* Clarior vero ibidem expressit , dum ait : *Epicurus autem existimat , omnem esset letitiam ex carne primo affecta .* Contra vero Laërtius , qui de Epicuro Apologiam confecit , Seneca , licet Stoicus , Divus Hieronymus , alique , quos refert Gassendus in ejus Vita , pluribus tum ex ejus doctrina , modò in Ethicis tradita , tum ex ejus frugali vita desumptis argumentis probant , Epicurum per hanc Voluptatem eam intellexisse , quam ex studiis , illustribusque actionibus habemus , ac sine qua ad nullas penitus virtutes contenderemus , si in eorum exercitatione , & adeptione Voluptas non esset . Ipsum igitur bonæ frugis Philosophum , in Deos , patriam , & parentes pium , in reliquos etiam beneficum , gravem , temperantem , & solo pane , & aqua contentum tradiderunt , & laudaverunt ; cùm vero preciosius epulari voluisset , vini , caseique modico usum . Maledicum in cunctos fuisse , ejusque maledicentiam Zenonem Epicureum imitatum tradunt . Et Plutarchus in lib. contra Epicurum affirmat , ipsum tam magnifice de se sensisse , ut neminem præter se sapientem diceret , aut eos , qui è Schola sua prodirent .

Inter præclaros ejus discipulos recententur tres ejus fratres Neocles , cujus est adagium illud : *Oculus vive ;* sive , ut Græca verba sonant , *adus vivens ,* Delisece vivens , Chæredemus , & Aristobulus ; Mus ejus servus ; tres ejus familiares , quos ex Epicuri contubernio magnos viros prodidiisse apud Seo. Ep. 6. legitur ; Metrodorus scilicet Lampsacenus , qui pene alter Epicurus dicitur à Cic. 2. de Fin. c. 28. Polyænus , sive Philodemus à Laërtio dictus , Lampsacenus , Mathematicus , vir modestus , & amabilis , ut Cie. ait ; & Hermachus Mitylenæus , Epicuri successor ; hujus vero Dionysius ; & hujus Basilides ; alique , quos enumerat Laërtius in ejus Vita ; ubi etiam Apollodorus illustrem memorat , Zehonis Sidonii præceptorem , cujus Zenonis sæpe Cicero meminit . Scripsit hic Apollodorus ad 300. tractatus varii argumenti , Epicurique Vitam . Præterea tres feminae cum Epicuro philosophatae sunt , Leontium , Themista , & Philænis . Nec pauci Romanorum huic sectæ se addixerunt , inter quos T. Lucretius Carus , Poëta Latinus , ex illustri Romanorum familia ortus , qui Athenas ad disciplinas comparandas à parentibus missus , Epicuream Philosophiam sub Zenone , & Phædro Epicureis edoctus , ipsam sex libris sub titulo *de Natura Rerum* herotico carmine conscripsit . Poti philtri amatorii , ipsi à Lucilia exhibiti , mortuus est anno æt. 42. vel 43. Olymp. 181. Cassius etiam , qui Cæsarem sustulit , & Petronius Arbiter . Epicureus fuit etiam Lucianus , amicus Celsi Epicurei , qui adversus Christianos scripsit ; & Maro , ut Voss. de Sect. c. 7. refert . Notandum postremo hic est , Epicureos , qui omnium Philosophorum maxime Christianæ Religioni opponuntur , dicere , quædam esse apud se arcana , & non permittere omnibus , ut ea scripta legant .

CAPUT XVI.

De Secta Ecclesiastica.

Cum nemo ex antiquis Philosophis omnia verum perspicere , & Systema omnibus numeris absolutum invenire potuisset ; nova hæc Secta (si nova Secta dicenda sit , quæ nulla condidit nova in Philosophia dogmata) Alexandriæ efflorescere visa est ; quæ ex eo quod optima quæque à Philosophis omnibus excogitata , recto judicio , delectuque excerperit , & in unum elegerit ,

Εκλεκτός Græcis, Latinis *Electivus*, & *Electivus* dicta est, ut interpretatur Lippius de Phil. Stoic. l. 1. & Vossius de Sect. Phil. c. ultimo. Et quidem cum in omnis sectæ dogmatis boni, malique aliquid mixtum sit; Cæsaris Augusti, & Tiberii temporibus, & paulò ante Laërtii ætatem, *τοῦ δὲ αἵμα*, ut ipse Laërtius ait, rectius sapere-incipientes non pauci,

Nullus addidit jurare in verba magistri, veritatem, ubicumque lateret, investigare cœperunt. Quod philosophandi genus, reliquis quidem præstantius, postquam summe laudavit ex Christianis Philosophis Clemens Alexandrinus 1. Strom. p. 188. sic sectam hæc, cui additus erat, descripsit: *Philosophiam autem non dico Stoicam, vel Platoniam, aut Epicuream, vel Aristotelicam, sed quæcumque ab his sectis recte derivata sunt, quæ docent iustitiam cum pia scientia; hoc solum selectum dico Philosophiam.* Hoc idem pluribus in locis commendatum à Platone legimus, cujus præ cæteris Philosophis magna in hac secta autoritas erat, præcipue vero in Gorgia, ubi ait: *Omnino non tam quis dixerit, sed quam recte dicatur, considerandum est.* Et Aristoteles, quem post Platonem magni faciebat Schola Eclectica, idem suadebat 1. Ethic. 4. dicens: *Cum enim & viri illi (à quibus opiniones præconceptiones accepimus) & veritas in prelio nobis sit; religio tamen postulat, veritatem ut præferamus.* Et Galenus quidem ipse de se testatur, à parente admonitum, ne cui Sectæ se addiceret, sed omnes discendo, & judicando de omnibus laudem sibi quæreret; quod diligenter fecisse gloriatur. Imo & plures sui ævi medicos Eclecticis Philosophos fuisse refert. Quintilianus etiam Institutionum 3. 19. gloriæ sibi ducit, quod nulli sectæ se addixerit, hoc est, *Εκλεκτός* fuerit. Nec miretur fortasse quispiam, me inter Græcorum Sectas Eclecticam numerasse, quæ Alexandriæ primum orta, & exulta inter Barbarorum Sectas potius esse reponenda. Nam præterquam quod Græcorum plures Potamonis successores ipsam Alexandria Athenas ad vestram ad annos plurimos publice docuerunt, & sic Athenarum civitate donatam dicere æquum est; Secta hæc patria quidem Barbara, origine autem Græca dicenda est, quod ex Græcorum Philosophorum excerptis selecta doctrinis orta sit. Hæc tamen Secta Sanctissimæ Christianæ Religionis omnium maxime consona est, quæ scilicet ex singulis Philosophorum Sectis, quæ Fidei, rationique concordent, dogmata seligens, Christianum, ac undique perfectum Philosophum constituat. Hujus autem tam præclaræ, ac summe laudabilis Sectæ Autor extitit

POTAMON

Quem Alexandrinum Suidas, & Laërtius faciunt, quod Alexandriæ, quæ eo tempore ob studia, celebremque Ptolemæorum Bibliothecam, eruditorum vel patria, vel Xenodochium erat; natus sit, ibique Scholæ præfectus fuerit. De Potamonis tamen historia nihil ad nos ex antiquitate manavit præter ejus mentionem, quam semel Laërtius in Proœmio, & bis Suidas facit, in loco scilicet, ubi de Potamone, sed paucis agit, & in explicatione vocis *Αἴθερος*, qui locus à Laërtio ad verbum desumptus est. Potamonis scripta duo numerantur, *Συναγωγὴ* à Laërtio memorata, quam Hesychius interpretatur *Διατάξεις*, vel *Περὶ τῶν Μιδνῶν*, *Delinectio*, vel *Prima Institutio*, in qua ipse Philosophiæ præcepta ex variis sectis decerpta collegit; alterum à Suida relatum *Εἰς Πλάτωνα Περὶ τῶν Τριώνων*, in Platonis de Rep. librum *Commentarium*; quod clare ostendit, Potamonem, ejusque sectatores Platonis doctrina præcipue delectatos. Hic autem finis Potamoni Electivam sectam instituendi occasionem dedit, ut scilicet Scepticismum, & Epicureismum confringeret;

geret; quorum ille per suam *ἡλικίαν* & homines ad studia ignavos, imperitosque reddebat, ac religionem nullam statuebat; hic vero impiis suis dogmatibus religionem omnem funditus evertibat. Potamonis.

SECTATORES ETHNICI.

Quamvis proprie loquendo, ut supra quoque innuimus, hoc philosophandi genus, ex quorundam eruditorum sententia, sectæ nomine insigniri non debeat, nec qui ipsum secuti sunt, sectatores appellari; placet tamen hic eos omnes, qui Potamonis mentem, exemplum, & vestigia sectati sunt, Sectatores nuncupare: quos in Ethnicos, & Christianos dividere ordo est.

Ex Ethnicis Eclecticis illustres fuere Plotinus, Herennius, & Origenes (alter tamen ab Origene Adamantio, qui meritis, & erroribus in Ecclesiâ celebris fuit, ut testantur Valesius, & Huetius) qui condiscipuli cum essent Ammonii Saccæ (de quo, quum Christianus fuerit, inferius sermo erit) conjunctim vivebant.

PLOTINI vitam, & scripta prolux narrat Porphyrius, qui refert, eum visisse à decimotertio Severi Imperatoris anno usque ad annum secundum Claudii anno ætatis 28. Philosophiæ operam dedisse: ac reliquis Alexandrinis Philosophis, animo tamen non satisfacto, auditis, annos 12. Ammonium Saccam audivisse: eum Imperatore Gordiano, ad Persas exercitum ducente, profectum, eoque in Mesopotamiæ finibus interempto, Romam venisse, ibique Eclecticam Philosophiam docuisse. Sed quia hic, propterea quod Philosophiam Romæ docuit, inter Romanorum Philosophos numerandus est; de ipso in sequenti libro redibit sermo; ubi etiam de Porphyrio, Jamblichio, aliisque Romæ docentibus, iterum sermo erit: Inter ejus discipulos præcipui, & familiares ipsi fuere Amelius Tuscus, qui Amerius dicti malebat, Paulinus Scythopolites, Eustochius Alexandrinus, Zethicus, Zethus Arabs, Castricus Firmus, Marcellus Oronius, Sabinillus, & Rogatianus Senatores Romani, Serapion Alexandrinus, & Porphyrius Tyrius, Malchus patria lingua dictus, deinde Porphyrius, quod veste purpurea propter nobilitatem uteretur, ut ait Suidas. Pertinacissimus hic Christiani nominis hostis fuit, quindecim scribens adversus nostram Religionem volumina, quibus deinde Methodius, Eusebius, & Apollinaris triginta Apologeticis libris responderunt. Porphyrius à Plotino emendandis suis scriptis præfectus est. De Porphyrii vita, & scriptis luculentam dissertationem edidit Lucas Holstenius. Plotini scripta in sex Enneadas à Porphyrio digesta Græcæ, & Latine edidit Marsilius Ficinus Basilæ a. 1580. De Herennio non nisi Porphyrius mentionem facit.

ORIGENES Ammonii discipulus, an unus Adamantius fuerit, inter Christianos celeberrimus, an alter præter ipsum, qui Plotini, & Herennii contubernalis, quæstio est inter autores. Adamantium autem Ammonii discipulum extitisse, Porphyrius, Eusebius, Nicephorus, & Suidas clarissime testantur. Unum quidam fuisse affirmant: Valesius tamen in Annotat. ad Euseb. Hist. & Huetius Origenian. l. 1. c. 1. validis argumentis evincunt, duos distinctos fuisse Origenes.

PORPHYRII discipulus fuit Theodorus Asinensis, & Jamblichus Chalcidensis ex Cælesyria, qui Constantini, & Juliani ætate maxime floruit. Hic ab Eustathio *Μέγας Φιλόσοφος*, *Magnus Philosophus* appellatur; ab Eunapio, qui ejus historiam cum reliquorum Philosophorum vitis descripsit, *Φιλόσοφος ἐννοεωτάτος*, *Philosophus maximi nominis*, & *θεωριώτατος*, & *θεωρητικώτατος*, *admirabilis*; & *divinissimus doctor*; & à Proclo *θεῖος λόγιος*, *divinus Jamblichus*.

blicus nuncupatur. Secundas post præceptorem Romæ obtinuit. Scripta ejus hæc præcipue narrantur: *Vita Pythagoræ* (unde & Pythagoricus creditus est; verum Eclecticam professus est, quam ex Pythagorica, Ægyptiaca, & Platonica ornatam magis reddere conatus est) *Adhortationes ad Philosophiam: De communi Mathematica scientia: In Nicomachi Geraseni Arithmetica Introductio: De Mysteriis Ægyptiorum: Collectio Pythagoricorum dogmatum*. Discipulos habuit præclaros, in quibus Eclecticæ Scholæ successio conservata fuit, Sopatrum Syrum, Ædesium, & Eustathium Cappadoces, cujus posterioris conjux Sosipatra, Chaldaicæ sapientiæ mysteriis initiata, virum quoque eruditione superasse dicitur; atque Theodorum, & Euphrasium Græcos, quos omnes recenset Eunapius.

ÆDESII discipuli extitere Antoninus, Sosipatræ filius, qui Alexandriæ usque ad Theodosii tempora Eclecticam professus est; Chrysanthius Sardinus; Priscus Theoprotus; Eusebius Myndius, & Maximus. Imperator quoque Julianus partim ab Ædesio, partim ab ejus discipulis institutus, qui & Jamblichi etiam discipulus dicitur à Gregorio Nazianzeno. Orationem ad Regem Solem Julianus composuit, Eclectica Philosophia refertam. Chrysanthii discipulum se fateatur Eunapius, qui post Theodosii imperium floruit. Deinde apud Alexandrinus florere Syrianus, Hierocles, Plutarcho Athenis philosophanti coævus, & Olympiodorus, Hieroclis coætaneus, & in Procli præceptoribus clarus. Sunt qui Olympiodorum Peripateticum faciunt. Hujus meminit Suidas. Scripsit Commentaria in Aristotelem, & Platonem. Vide Jonsium de Script. Hist. Phil. 3. 18. Atque in his Eclectica Philosophia Alexandriæ finem habuit, quam deinde Alexandria Athenas advexit.

SYRIANUS patria Alexandrinus, non Gazæus, ut putavit Jonsius, Jamblichi discipulus, qui Athenas adveniens sub Plutarcho Nestorei filio, Platoniam Philosophiam ibi docente, multum in ea profecit; quam deinde Syrianus cum Orphei, & Pythagoræ Philosophia componens, Eclecticam fecit, ac professus est sect. 5. Ipsi Suidas tribuit *lib. 10. de Orphei Theologia, & de Oraculis, & consensum Orphei, Pythagoræ, & Platonis*; licet alibi idem Suidas eos libros Proclo, Syriani discipulo tribuat. Athenis Philosophiam docuit, Platoni præcæteris addictus. Vixit sec. 5. Scripsit in totum Homerum Commentarios; in Remp. Plat. atque alla. In discipulis Syriani à Damascio laudatur Hermias Alexandrinus, cujus uxor Ædesia, cognata Syriani, Philosophiæ studiis etiam incubuit. Idem Damascius, Suidas, & Marinus in Vita Procli c. 26. Syriani discipulis, adnumerant Dominum Syrum, Lycium, &

PROCLUM Philosophum, & Mathematicam insignem, natum, ut vir clar. Joh. Albert. Fabricius notat, 8. Febr. A. C. 412. mortuum vero a. 487. Præter Syrianum, Plutarchum etiam Athenis brevi tempore, & Olympiodorum Alexandriæ audivit. Vitam, & scripta Procli prolixius examinavit Marinus, quem vide. Syriano in Atheniensi schola successit. Christianos peculiari scripto impugnavit. Quare de ipso Gul. Cave in Chartophylacio sic ait: *Hic est ille Proclus (inquit Suidas) secundus à Porphyrio, qui impuram suam, & contumeliosam linguam adversus Christianos exaravit. Sed adversus hunc calamum feliciter strinxit Joh. Philoponus*. Vide etiam Vossium de Mathem. p. 165. & de Nat. Logie. p. 70. Franc. Bacon. Nov. Organ. l. 1. Aphor. 96. Zonar. in Annal. Casaub. in Not. Spartian. Petr. Ram. Schol. Math. &c. Ejus scripta Latine reddiderunt Franc. Patric. Emil. Port. & Leo Allatius. Inter innumeros Procli discipulos præcipui fuere Heliodorus, & Ammonius, Hermiæ filii, & ejusdem Procli apud Syrianum condiscipuli; Hierius Plutarchi filius, Asclepiodotus, Zenodorus, Severianus, Ulpianus Gazæus, & Marinus Vitæ Procli autor, & in

& in Schola successor, natus Flavia Neapoli, urbe Samaritae prope montem Garizim. Ex Marini discipulis unus Agapius à Suida memoratur.

MARINO in Schola successit Hegesias; huic vero Isidorus, primum quidem Procli, deinde vero Marini auditor. Isidori successor fuit Damascius Damascenus, ejus quoque, & Asclepiodori discipulus, qui Justiniani Imperatoris aetate floruit, ut Agathias refert Hist. l. 1. ubi ipsum inter celebres sui aevi philosophos recenset. Hunc Suidas Syrum fuisse narrat, & inter Stoicos numerat; atque, scripsisse Historiam Philosophorum; quae etiam Vossii sententia est l. 2. Hist. Graec. c. 22. Isidori *Opuscula*, familiares, seu discipuli fuisse Simplicius, & Eulalius, ambo Phryges: Johannem etiam Philoponum inter Ammonii discipulos refert Jonsius. Et de Ecclesiasticis Ethnics satis.

E C L E C T I C I C H R I S T I A N I.

Inter Christianos, qui Potamonem sectati sunt, primas sibi vendicat AMMONIUS, cognomento SACCAS, quod mercibus ex portu Alexandrino comportandis victum sibi quaesiverit. Hic circa Imp. Commodi tempora vivens partim aliquem ex Potamonis discipulis audiendo, partim ejus scripta, apud Alexandrinos tunc minime obsoleta, legendo, Ecclesiasticam didicit, quam deinde Alexandriae publice docuit. Hierocles de Provid. apud Photium p. 549. ipsum divinitus edoctum, ejusque sapientiam orbi tunc illuxisse, praedicat, cum homines conitendi studio magis, quam veritatis inquirendae amore, philosophabantur. Ejus laudes, & doctrinam vide apud Ammian. Marc. lib. 22. fin. Suid. v. *Agapius*. & cit. Phot. loc. Eusebius, & Hieronymus Ammonium summe laudant, & inter Ecclesiasticos Scriptores numerant: Scripsit enim, referente Eusebio, librum de *Conformitate Moysi cum Jesu Christo*; & praeclaram illam *Harmoniam Evangelii*, qua magno labore, & studio probare conatus est, Evangelistas *Monothessaren* efficere, hoc est, ex quatuor Evangelistis unum, & conforme Evangelium fieri. Ex hoc opere Eusebius suos *Canones Evangelicos* composuit. Autores quidam putant, hanc *Concordantiam Evangelistarum* eandem esse cum ea, quae sub Titiani nomine circumfertur: sed hoc non adeo verum est. Quae autem sub ejus nomine Bibliothecae PP. inserta legitur, neque ipsius, neque Titiani creditur. Vide Morery sup.

TITUS FLAVIUS CLEMENS patriam Alexandrinus, vel saltem, si Atheniensis, ut probabilius quibusdam visum, Alexandrinus dictus, quod Alexandriae diu vixerit, ibique Ecclesiasticam Philosophiam, ac Christi doctrinam didicerit, & docuerit; circa finem secundi Seculi floruit, vel circa principium tertii sub imperio Alexandri Severi, ejusque filiorum Getarum, & Caracallarum. Graeciam, Italiam, Orientales plagas, Palaestinam, & Aegyptum, ut ipse de se testatur, peragravit ad veritatem, cujus amore tenebatur, cognoscendam. Postremo Pantani, Alexandriae inter praeceptores omnes Christianos celeberrimi, auditor fuit, cui in Scholae regimine successit, Alexandriaeque Ecclesiae Presbyter creatus est. Eum quidem Stoica Philosophia animum primo imbuisset, tradit Eusebius H. E. 5. 10. forte quod Stoicorum doctrinas, maxime ad hominum mores spectantes, ut Hieronymo Comment. in Ep. 11. observatum, propius ad Christianae disciplinae severitatem accedere animadverteret. Deinde vero ex reliquorum Philosophorum lectione, quae Religioni, ac rationi consona essent, feligens, Ecclesiasticam professus est; sive veritates, quas ex uno Philosopho derivare non licebat, ex omnibus conquisivit. Mos tamen ipsi erat, neminem in Christiana disciplina instituisse, nisi

prius Philosophiæ dogmatis imbutum, quæ *Terram præpararent bono Evangelii semini recipiendo*. Magnus hic inter Christianos Philosophus scripta eruditione omnigena refertissima plura reliquit, ex quibus majorem ille gloriam consecutus est, quàm ex eologiis, quæ assatim in ipsum veteres contexere: Præcipua ejus opera sunt: *Protrepticon*, sive *Oratio Exhortatoria ad Gentes*: *Pædagogus lib. 3.* & *Stromatum lib. 8.* Quos omnes Tractatus è Græco in Latinum vertit Gentianus Hervetus. Alia scripsit Ecclesiastica Opera, quorum elenchum, & crism una cum Vita vide in Biblioth. Univers. t. 10. Gul. Cave, qui ejus scripta genuina, quæ extant, & quæ non extant, & supposititia enumerat. Hieron. de Script. Ecclesiast. de Clem. Alex. hæc habet: *Feruntur ejus insignia volumina, plenaque eruditionis, & eloquentiæ, tam de scripturis divinis, quàm de seculari literature instrumento*. Casaubonius in Exercit. 1. ad Baron. Appar. p. 2. ipsum *inexhaustæ doctrinæ virum* appellat: Scaliger *scriptorem eruditum*: Lips. de Stoica Philos. *Pararium, & conciliatorem Divinæ, & Humane Philosophiæ*: Blondell. in Apolog. pro sententia Hieron. de Episc. & Presbyt. *Virum sanctitatis, & animmoda eruditione præstantem*. Vide etiam ejus elogia apud Euseb. Præp. Evangel. l. 2. Cyrill. Alexandr. l. 20. in Julianum. Lips. Manud. ad Stoic. Philos. l. 1. dissert. 17. Dall. de vero usu Patr. c. 5. Illyric. Catalog. Test. Veritatis. Du Pin in Nova Biblioth. Aut. Ecclesiast. Beilarminum, atque alios. Ipsi tandem ex persecutione Alexandrinæ relinquere coacti, in schola successit

ORIGENES ADAMANTIUS ejus primùm discipulus, deinde Ammonii Sacæ, inter Ecclēsticos Christianos insignis, dictus Adamantius, quod ejus sermones adamantis instar fortes essent, ut ait Photius, sive quod erroribus fortis ut adamas resisteret, ut Divus Hieronymus asserit; sive ob ejus infatigabile studium, ut alii: natus est Alexandriæ A. C. 186. & Leonidæ martiris patris sui cura in Philosophiæ, Theologiæ, ac potissimum Sacrorum Bibliorum studiis adeo profecit, ut ipsum cit. Hieron. *Magnum ex infantia virum appellaverit*. Ecclēsticam Philosophiam & in scriptis suis expressit (quorum Catalogum exacte confecit Eusebius; & Divus Epiphanius, & Rufinus ad sex millia asserunt ascendisse) & in discipulos suos, quorum vasta nimis Alexandriæ, & in aliis Orbis partibus, multitudo erat, transfudit.

Quum Celsus, Philosophus Epicureus, qui seculo 2. sub Adriano vixit, opus contra Christianos scripseret, cui titulus *Sermones Veri*; Origenes ipsi respondit octo illis libris, suorum omnium pulcherrimis, qui inscribuntur *Contra Celsum*. Hic idem Celsus est, cui à Luciano *Pseudomantis* dedicatus est.

Alexandriæ enim Presbyter, & Scholæ Catechetiæ Magister floruit a. 230. A Demetrio a. 233. Alexandria pulsus, obiit Tyri a. 254. Opera ejus genuina, præter supposititia, & dubia, innumera fere sunt. Athanasius Origenem *fidelis suæ testem locupletissimum* vocat. Sixt. Senensis: *Vir tantæ suæ eruditionis, & ingeni, ut ei parem doctissima Græcia, felicissimorum ingeniorum parens, nunquam habuerit*. Sulpitius Severus asserit, eum in illa parte, quæ probatur, neminem post Apostolos habuisse æqualem; in ea vero, quæ jure reprehenditur, neminem deformius errasse. Hieronymus ququam satis acerbe in eum invehitur, tamen maxime admiratur ejus eruditionem; eundemque prædicat *Sacrorum omnium expositorum victorem*. Card. Bon. ipsum dixit *Rarum sapientiæ fidus, atque utinam non caducum*. Joh. Wolf. centur. 3. Læctio. Memorab. ait: *Hic amore castitatis se castravit; Novum, & Verum Testamentum memoriter novit; jam senex Hebræicam linguam didicit.*

cit.

de. Vide etiam Petr. Cun. de Rep. Hebr. p. 294. & 295. Erasmi Epist. l. 2. Epist. 26. Konig. Theodorum Bezam Epist. 28. Bellarm. de Script. Eccl. Dall. de usu Patr. l. 1. c. 1. Du Pin Nov. Biblioth. Aut. Ecclesiast. tom. 1. &c. Celebre denique de eo vetustatis iudicium est: *Origenem ubi bene, nemo melius; ubi male, nemo pejus*. Quot labores pro Fide Orthodoxa perculerit, quot Hæreticos confuderit, quot ab erroribus liberaverit, ejus denique vitam, scripta, & laudes legere est apud autores plurimos, qui de ipso, insignique ejus doctrina locuti sunt; præcipue apud doctissimum Huetium, qui ejus *Commentaria in Sacra Biblia*, & Vitam edidit a. 1668. Ex ejus discipulis illustris fuit, ab erroribus tamen omnino immunis, magnus ille Theodorus appellatus, deinde vero

GREGORIUS THAUMATURGUS, sic dictus propter *Θαύματα*, Miracula, quæ maxima, & frequenter faciebat, qui natus est Neocæsariæ, cujus & Episcopus factus est, vixitque seculo III. Moriens 17. Novembris ann. 265. id magno sibi gaudio duxit, quod cum 17. tantum Christianos Episcopatum ingrediens in ea urbe invenisset, in morte 17. tantum Idololatrias in ea reliquisset. Hic refert, in Orat. Panegy. ad Origenem, ita se cum condiscipulis suis in Philosophia ab Origene institutum fuisse, ut omnia, quotquot extant, veterum tum Philosophorum, tum Poëtarum scripta colligentes, nihil omnino rejicerent, nihil repudiarent, præter ea, quæ impiorum hominum essent, & profanorum. Cæterum omnia evolvi, legique sic oportere, ut nec genus ullum, nec liber, vel sermo præferatur, nec contra rejiciatur sive Græcus, sive Barbarus, sed omnes audiantur. Hinc concludit cit. Huet. non tam Platonicum, vel Pythagoricum, quàm Potamonicum dici Origenem debere.

Præter Origenem, & Gregorium, plurimosque eorum discipulos, hoc philosophandi genus alii quoque Ecclesiæ Patres secuti sunt, ex quibus quarti Seculi unus *Lactantius* sufficiat, qui Ecclesiæ maxime commendat Div. Instit. l. 2. c. 8. iniquens: *Quare cum sapere, idest veritatem querere omnibus sit innatum, sapientiam sibi adimunt, qui sine illo iudicio inventa majorum probant, & ab aliis pecudum more ducuntur &c.* Et Instit. 7. 7. Docemus, nullam Sædam fuisse tam deviam, nec Philosophorum quemquam tam inanem, qui non viderit aliquid ex vero. Et post pauca: *Quod si extitisset aliquis, qui veritatem sparsam per singulos, per sectasque diffusam colligeret in unum, ac redigeret in corpus, is profecto non dissentiret à nobis &c.* Ecclesiæ quoque fuere Ammonius, Plutarchi magister, qui temporibus Neronis, & Vespasiani vixit, ideoque ab Ammonio Sacca, & Ammonio Aristotelis interprete, distinguendus; & Sotion, Senecæ præceptor, ut ipse Sen. testatur Ep. 49. iniquens: *Modò apud Sotionem Philosophum puer sedi; quem et si Lips. in Manud. ad Stoicam Philosophiam l. 1. c. 12. Stoicum faciat; quia tamen Sen. ep. 58. ait: Non pudebit fateri, quem mihi amorem Pythagoræ Sotion iniecerit; hinc colligitur, ipsum Ecclesiæ fuisse.*

DE LUCIO-COELIO LACTANTIO FIRMIANO hæc addenda. Natus creditur ab aliquibus in Piceni oppido, quod Firmum dicitur, unde, & Firmianus appellatus; aliis vero Africanus audit. Floruit in fine tertii, & principio quarti seculi. Omnium sui ævi eloquentissimus fuit, quare & *Cicero Christianus* dictus est. Constantinus Imperator ipsum Filii sui Crispi Cæsaris præceptorem quæsit. Divus Hieronymus, eum pauperrimum fuisse, refert. Plura scripta reliquit, in prosa æque, ac versu elegantia; quorum præcipuum illud est, quod contra Philosophos, Christianæ Religionis hostes, confecit, ac *Institutionum libros* vocavit. Vide Divum Hieron. in Chron. A. C. 317. atque in Ep. 13. ad Paulinum, ubi cum dixit *Fluvium quasi quandam Tullianæ eloquentiæ*

Joh. Franciscus Picus Mirand. l. 3. Epist. 10. *Laëntius Ciceronis styum confignavit, aut, ut quibusdam placet, supergressus est &c.* Confer etiam Bellarm. de Script. Eccles. Du Pin Nova Biblioth. Autor. Eccles. t. 1. Thomam Pope Blount in Gensura celebr. Aut. & Gul. Cave in Vita &c. Et de Ecclesiis satis.

ECLECTICORUM DISCIPLINA.

CUM Eclecticæ Sectæ peculiare id fuerit, ut omnium Philosophorum doctrinas ad examen revocaret; præcipuum ejus in Logicæ præceptis studium fuisse, certum est; qua duce, quod rectè rationi consonum esset, judicare posset, & rectum judicatum amplecti. Omnis igitur Eclecticorum cura, & studium erat, ut in examinandis aliorum sententiis non deciperentur, sed vera à falsis, ratione duce, discernendo, sine mentis anticipatione, vel præoccupatione, nonnisi recta probarent, & tuerentur. Ad veritatem autem cognoscendam duo Potamon ex Laërtio, & Suida, Criteria statuit; alterum, quidem à quo judicium fiat, atque hoc τὸ ἤγουνον, *Animi Principatum*, sive *Mentem*, vel *Rationem* esse dixit; alterum vero per quod judicium fiat, quod ἀκριβοῦς τῶν πραγμάτων *Accuratissimam imaginationum*, decrevit. Aut igitur aliquid clare, & distincte cognoscitur ἀπὸ τοῦ ἤγουνου, à *Mente*, sive *Ratione*, atque id verum erit: aut ciara, & ἀκριβοῦς, hoc est, accuratissima, & exquisitissima impressio in mentem per sensus facta, & obiectum representans, talis à mente judicata fuerit, & vera quoque hæc erit.

In Physicis Potamon, ut ex cit. Laërt. & Suid. duo rerum naturalium Principia posuit, *Agens*, & *Patiens*, sive *Causam effectricem*, & *Materiam*. Affectiones vero corporum naturalium duas agnoscebat, *Qualitatem*, & *Locum*. De singulis enim rebus naturalibus hæc quæri possunt, ex quo sint, quod ad materiam spectat; à quo sint, quod spectat ad causam effectricem; quomodo se habeant, id est, quæ sint eorum qualitates; & tandem in quo sint, sive quis sit eorum locus.

In Ethicis *Finem*, ad quem omnia referantur, dicebat esse *Vitam omnium virtute perfectam*, non tamen absque bonis corporis, atque externis, quæ tamen virtuti convenient. Virtutes quatuor Cardinales dictas, *Temperantiam*, *Justitiam*, *Prudentiam*, & *Fortitudinem*, Eclectici variis gradibus distinguebant; eas enim vel ut Physicas virtutes in corpore, ejusque apta temperie spectabant; vel ut Ethicas, & Politicas, quales sint in viro honesto; vel ut Purgativas, quales sint ejus, qui, animo per Philosophiam purgato, ad sublimiora contendit; vel ut Theoreticas, quales sunt animi in contemplatione beati: quibus alii Theurgicas addunt, quibus miracula patrarent; & denique Divinas, quibus humana fors excederetur. De quibus omnibus fufius Jamblichus, Plotinus, Porphyrius, Hierocles, Marinus, Simplicius, atque alii; & novissime eruditissimus Jo. Albert. Fabricius P. III. Prolegom. ad Marinum Vitam Procli.

Pro hujus Capituli, & Libri coronide notandum hic est, non unum, atque omni ex parte coherens Eclecticorum Systema fuisse, cum alter uni, alteri alter magis adhaerens; in eorum tamen doctrina fere semper prædominatur Platonica, Stoica, & Pythagorica sapientia, multis etiam ex Chaldaicis, Ægyptiacis, & Christianis admixtis. Et ex Christianæ quidem doctrinæ fonte manarunt, quæ Jamblichus, Porphyrius, Proclus, atque alii de sensuum fuga, affectuum *προκατάστασις*, crucifixione, mentis elevatione in Deum &c. adeo luculenter descripserunt.

Atque

Atque de Eclecticorum, Græcorumque omnium Philosophia hæc breviter dicta sufficiant. Quam quidem vastam nimis materiem diffusissime à plerisque tractatam non ignoro; verùm Historicæ hujus Synopsis ordo, & ratio id postulavit, ut ipsa eadem, qua cætera, brevitate tractando, non omnia, quæ hac de re ab aliis plurimis, sed tantum *essentia* scitu scilicet necessaria, scripta sunt, hic digererem, aliisque ob oculos ponerem consideranda.





LIBER IV.

De Philosophis Recentioribus:

IURUM, ac perdifficile opus, & omnibus intentatum adhuc, aggredior. Quæ enim tribus superioribus libris sive de Philosophia, ejusque Origine, sive de Barbarica, sive de Græcānica Philosophia tradita sunt, ab autoribus, qui plurimi ea de re scripserunt, non mediocri quidem, sed ad proportionem minori labore carptim selecta perscripsi. Sed Philosophos omnes, qui ab V. C. ad nos usque in Latīo, & Europa ferè omni & dicti, & habiti sint, annumerare, labor profecto arduus est. Pro virili tamen id efficiam, ut quotquot Philosophia inclauerunt per edita opera illustres Viri, ac quorum memoriam ad nos majores nostri tot libris transmissurunt, breviter, & quoad poterō, clare & ordinatim in medium adducam. Quod si quis eorum, qui Philosophi nomen meruere, me effugerit; id non voluntatis proposito fiet, sed meæ ejus nominis, & doctrinæ ignorationi prudens lector ignoscat. Expertus enim didici, ac certo certius cognovi, quod vir cæteroque doctissimus, mihiq; familiaris summe colendus, prædixerat; me scilicet majorem in Philosophis nostræ ætati propioribus perquirendis, quam remotioribus indicandis, difficultatem passurum esse. Atque hinc factum est, ut in hujus operis Proœmio statuerim, in quarto hoc Philosophiæ Historiæ libro nonnisi de Philosophis vere Recentioribus, ac nova philosophandi ratione pertractare. Sed re melius pensitata, ne Opus imperfectum prodiret, de Philosophis omnibus, qui post Græcos primum Romæ, ac deinde in plerisque omnibus Europæ regionibus inclauerunt, disserere statui: sicque Philosophiam ordinata serie, ac veluti catena quadam, si ita dicere fas est, ad nos diductam ostendere; atque ut à Philosophis Philosophi, ab Hebræis scilicet Barbari, à Barbaris Græci, à Græcis denique Latini ipsam habuerint. Latinorum autem nomine non eos tantum hic intelligo, qui in Latīo orti sunt; sed eos omnes, qui Latīna lingua, vel literis, longe jam, lateque diffusis, usi sunt. Ex dictis facile quis educet, non mihi vertendum vitio, quod Recentioribus Philosophis Romanos adnumerem, qui vel primis ab V. C. annis florescentes, Græcorum Philosophorum multis cœvi fuerunt, multos etiam ætate præcesserunt; nam præterquamquod Historiæ nexus, & ordo id postulabat, ut post Græcos Romanos ponerem, qui à Græcis Philosophiam, Jurisprudentiam, & scientias omnes mutuati sunt;

non

non hic tam temporis series, quàm Philosophiæ attenditur derivatio. Accedit, quod Recentiorum nomen Romanis omnibus, etiam antiquissimis, etiam competit, quia in scientiis fuere Græcis Recentiores.

CAPUT I.

De Philosophis Romanorum:

Nemo est, qui ignoret, Romanos omnes, ut modò etiam dictum, vel Athenas adeuntes, vel Romæ commorantes, à Græcis fuisse in Philosophia, reliquisque scientiis institutos. Multi enim ex Græcis, Philosophia potissimum, Romam, quæ per tot partes sibi victorias totius ferme Mundi domina habebatur, confluxebant, ac docebant; atque Imperatores etiam in discipulos habebant. Hinc notandum hic velim, me Romanorum Philosophos appellare non solum eos, qui Romæ, vel in Latio orti, verùm etiam eos omnes, qui Athenis, atque ex aliis Orbis Civitatibus venientes, ibi Philosophiam professi sunt: quos eo, quo fieri poterit, ordine subnectemus.

NUMA POMPILIUS SECUNDUS
ROMANORUM REX.

ROMULO, primo Romanorum Rege, & Patre, repente sublatò, interregnum anni unus Romæ fuit, hoc est, regnarunt Patres, & interreges per vicissitudinem decuriarum Reipublicæ præfuerunt, eo ordine, quem Liv., & Plut. in Numa referunt, data singulis Patribus interregia potestate quinque dierum tantùm, quibus exactis, alter iterum creabatur interrex, ut observat Minællus in notis ad Numam L. Flori. Aliter tamen Plut. in Numa, ubi: *Comparant inter se centum quingenta Patres, ut loco Quirini singuli vicissim cum insignibus imperii solemnia sacra obirent, & jus dicerent sentis nocturnis, & sentis diurnis &c.* Sed orta inter Peregrinos, hoc est, inter Sabinos, qui Romanis juncti erant, & Romanos veteres dictos, qui Urbem cum Romulo condiderunt, de novo Rege creando seditio est; nam utraque gens Regem ex corpore suo creari postulabat. Et Sabinorum quidem plena æquitatis ratio erat, quod, extincto Rege suo Tatío, non insurrexissent adversus Romulum, sed regnare unum permisissent; unde & Regem vicissim eligendum petebant. Contra verò Veteres Romani hoc concedere recusabant, ne recepti in Civitatem receptoribus imperare molirentur. Ut autem tanta lis componeretur, convenit inter utramque factionem, ut altera Regem ex alterius corpore crearet; putantes, eum, qui creatus esset, sic fore æquabilem utrique, quod his, qui ipsum creassent, esset ob beneficium devinctus, illis verò faveret ob necessitudinem. Cumque Sabini Veteribus Romanis electionem permitterent, maluerunt ipsi Regnum Sabino deferre, quàm accipere Regem ex illorum suffragiis Romanum. Ità re inter se delibata, Romani Regem ex Sabinis creant Numam Pompilium, virum, qui Romam nunquam commigraverat. Verum adeo erat inclitya apud omnes ejus virtus, & fama, ut audito ejus nomine, majore plausu Sabini, quàm illi, qui detulerant regnum, acciperent. Ubi renunciaverunt in concione quem dixissent Regem, primores utriusque factionis ad eum oratum, ut ad regnum suscipiendum veniret, pariter mittunt. Numa Curibus, quæ opulentissima, & celeberrima Sabinarum urbium (ex qua Romani receptis Sabinis se-

Qui-

Quirites appellantur, quasi Curtes) natus est ex patre Pomponio Pomilio, illustri viro, ex quatuor suis fratribus natu minimus, & miro quodam casu eadem genitus die, qua Romulus Romam condiderat, quæ est undecimo Kal. Majas. Uxorem habuit Tatiam, Tatii Regis, & Romuli in regno consortis, filiam unicam. Doctrinam, tolerantiam, iustitiam, sapientiam, virtutem omnem, & inclytam in Deos religionem summo studio excoluit. Cum autem in lucis deorum, sacrisque pratis, ac solitudinibus, urbana vita relicta, plerumque degeret; hinc orta fama est, ipsum ex Deo, seu Nymphæ Egeriæ congressu, atque consuetudine vitam beatam adeptum esse, & religionem Deorum, rerumque divinarum scientiam hausisse: Egeriam autem dictam voluit Festus ab egerendo, quia ipsi sacrificabant prægnantes, quod eam putabant facile sætum utero egerere. Iltam Egeriam deinde Numa in regem assumtus consulere sese super cultu religionis, & cæremoniæ simulabat, ut populum superstitione capsum ad ea, quæ commentabatur, faciliorem redderet. De hoc Numæ commento vide Liv. l. i. Plut. in Numa, aliosque. Hæc Numæ antequam Rex crearetur, vita fuit, oculi, pacis, & literarum studiis semper amica. Unde, Romanis Patribus regnum sibi deferentibus, accipere recusavit; orationemque ad eos habuit, qua recusationis causas exposuit: quarum potissima ea fuit, quod Romani armis, belloque aduerti, ardentem potius, & vividum Regem exoptarent, qui belli dux esset, & sautor, quàm sedatum principem, honesti, rectique cultorem ad civitatem legibus, ac pace temperandam. Sed repudiantem regnum Romani majorem in modum precati, obtestarique conati sunt, ne eos iterum in seditiones, & civile bellum injiceret, cum alium, in quem consensura utraque factio esset, non haberent. Non igitur parvi negotii res fuit, sed multæ persuasionis, & contentionis opus, ut ipsum à tenaci proposito dimoverent; ac sententiam flecterent, ut tranquillam, quietamque vitam, quam peramabat, ac Græcorum Philosophorum more opibus, regnisque præfereret, deponens, imperium acciperet civitatis, in bello licet quasi natæ, & adultæ. Patri etiam, Martioque propinquo ad suadendum adhibitis, ut oblatum sibi imperium, tamquam ingens, & cæleste donum reciperet, respondit, omnem vitæ conversionem lubricam homini esse. Orationem tum Numæ regnum recusantis, tum patris recipere suadentis, lege apud Plut. in Numa. Tandem cum fausta prodigiâ, ut fertur, tum ejus civium, ut regnum acciperet suadentium, studium, contentio, preces accesserunt, ut in eam sententiam descenderet. Quare facta re divina, Romam profectus est. Prodiit ei obviam senatus, populisque ingenti animi lætitiâ, & plausu; æ feminæ eum festis acclamationibus exceperunt. Ad sacras ædes hostiæ cæsæ: ac ea omnium fuit hilaritas, ut non civitas Regem, sed regnum excipere videretur. Omnium suffragiis Rex appellatus, Capitolium, collem Tarpejum tunc vocatum, ascendit; nec delata sibi regni insignia recipere voluit, sed sustinere jussit, donec Deos de regno consuleret. Quare Princeps Aukurum eum capite velato ad meridiem convertit, atque à tergo assistens, dextra in capite Numæ imposita precatus est, ut diis signa aliqua darentur: quod ex voto accidit; nam secundæ, & faustæ aves conspectæ rem confirmarunt. Tunc Numa regia veste indutus ad populum descendit; & omnium plausu, Patrumque complexu, ut vir religiosissimus, & sanctissimus exceptus est.

Primum Numæ studium fuit æstuantem civitatem, civesque pugnacissimos, ac belli cupidissimos, injecto deorum metu, domare, eorumque spiritus religione reprimere, & ad pacem reflectere. Inde sacra, & cæremonias omnemque cultum Deorum immortalium docuit: Pontifices (quorum ipse Maximus) Augures, salios, cæterosque per sacerdotia instituit: annum quoque in
duo-

duodecim menses, dictis fastos, nefastosque descripsit. Ancilla, atque Palladium, secreta quadam imperii pignora, Janumque geminum, fidem pacis, ac belli; in primis focum Vestæ virginibus colendum dedit; ut ad simulacrum celestium siderum, cuius imperii flamma vigilaret. Hæc autem omnia quasi monitis Dea Egeria, quæ magis barbari acciperent. Eò denique ferocem populum redigit, ut, quod vi, & iniuria occupaverat imperium, religione, atque iustitia gubernaret. L. Ann. Flor. de Numa. Notandum autem hic ad clarum dictorum intelligentiam ex Min-ellio in not. ad dictum Flori locum, falsos sic dictos à fallendo, sive saltando, fuisse sacerdotes duodecim Marti Gradivo dicatos, qui, teste Liv. 12. Ancillis ferentes cum saltibus, atque tripudiis Urbem circumibant. Fastos, Nefastosque dies sic clare descripsit Ovid. 1. Fast.

Ille Nefastus erit, per quem tria verba silentur:

Fastus erit, per quem lege licebit agi.

Erant etiam Romanis dies Comitiales, & Intercisi; quos omnes, cum mei instituti non sint, & quia cunctis noti, prætermitto. Ancile est scutum breve, & rotundum; de quo Virg.

--- *Lævaque ancile gerebat.* Dictum autem volunt Ancile sive ab ancisione, quod sit ab omni parte ancisum & rotundum,

Idque Ancile vocant, quod ab omni parte reclusum est;

Quemque notes oculis, angulus omnis adest. Ovid.

Sive quod ἀγκυλον τὸ χίμα ποῖα, hoc est, curvam figuram facit, ut ait Freinshemius in Plut. vitam Numæ. Ferunt enim, regnante Numa, breve scutum, atque rotundum de cælo lapsum: de quo sic Ovid. 3. Fast.

Eccæ levi scutum versatum leniter aura

Decidit: à populo clamor ad æstra venit.

Qua de re consulti haruspices responderunt, ibi futurum totius Imperium orbis, ubi scutum illud servaretur. Quo responso accepto, & honoris gratia, & quod idem tutius servaretur, ne ab hostibus surripi posset, Numa Pompilius 12. alia ad similitudinem celestis illius fabricari iussit, quæ in templo Martis reposita fuere: & cum 12. adolescentes sacerdotes Numa ipsi Marti Gradivo delegisset, iussit ipsa celestia arma, quæ Ancilla nominavit, suspensa collo ab ipsis per Urbem gestari, & cum saltu, atque tripudiis carmina decantari: Unde Ovid. 3. Fast.

Jam dederat saltis (à saltu nomina ducunt)

Armaque, & ad certos verba canendi modos.

Inter cætera carmina quædam canebantur in celebri Mamurii laudem, qui Numæ jussu 12. illa celestis simillima fecerat. Palladium erat simulacrum Palladis, quod Æneas à Diomede acceptum post excidium Trojæ in Italiam transportaverat. Janus à januis, quibus præest, appellatus, dictus etiam *Geminus*, sive ob singularem prudentiam, qua futura præviderit, & præterita sciverit: sive quia geminam faciem habebat, tum ad ostendendos duos Reges Tatium, & Romulum, sedere inito, junctos, à quibus etiam templum ei edificatum Romæ quidam volunt; quod a Numa alii edificatum volunt; tum etiam ad significandum, quod in bellum ituri retrò respicere debent; an habeant quo tuto reverti possint. Hujus quidem templi portæ tempore belli patebant, pacis verò tempore claudebantur: Unde *Janus Patulejus*, & *Clusius* cognominabatur. Numa autem regnante, Jani templi portæ semper clausæ fuerunt; nullum enim bellum, nulla seditio ejus unquam turbavit imperium, sed perpetua pax, & quies, summa Felicitas & tranquillitas Romæ fuit. Virgines, quæ Vestæ sacra curabant, *Vestales* dicebantur; earumque cura erat, ignem perpetuo accensum conservare; qui si forte per negligentiam extinctus fuisset, non ex alio igne reparandus erat, sed accensa

per somites ex solis radiis flamma, purissimus, ac coelestis ignis eliciebatur. Hic autem perpetuum ignem conservandi mos primum Ecclesiæ Judaicæ fuit. A Judæis, ut & alia, acceperunt Aegyptii, Persæ & Chaldæi; ab his Græci: a Græcis denique Romani. Vide Plut. In Numa. His de potioribus Numæ factis, & vita adnotatis, ad ejus Philosophiam gradum facio. Pythagoricus à Cl. Al. 1. Str. habetur, plerisque etiam Pythagoræ discipulus, & familiaris; ajuntque Pythagoram Numæ cœvum fuisse: alii tamen id prorsus negantes asserunt, & forsitan rectius, Pythagoram anno Romæ a. o. vixisse, & Eusebius eum mortuum refert anno quarto Olymp. 70. ut nos etiam in Pythagora notavimus. Sed in re tam varia, quæ à Plut. antiquissimo Numæ vitæ scriptore habemus, referam: Cum autem fama obtineat, Pythagoræ Numam auditorem fuisse, partim eum Græcas literas negant attigisse, quasi aut sua indole, & per se aspirare ad virtutem quiverit, aut præstantiori Pythagora tribus barbaro, nescio cui institutio possit Regis: partim Pythagoram dictitant diu postsecutum, atque ab Numæ seculo quinque ferme remotum ætati-bus; sed Spartiatem Pythagoram, qui Olympis cursu victor fuit circa sextam decimam Olympiadem, cujus anno tertio est regnum Numa adeptus, cum peragraret Italiam, consuetudinem habuisse cum Numa, atque in constituendo regno consiliorum ei fuisse adiutorem: quare ex præceptis hujus Pythagoræ non pauca esse instituta Lacedæmoniorum admixta Romanis. Cæterum ætates adamussum exigere baud promptu sit. Et ibidem post multa: Unde percrebuit præcipue, sapientiam banc, & eruditionem ex Pythagora hausisse Numam. Magna enim ex parte hic Resp. suæ institutionem, Philosophiam superior in rebus divinis posuit. Exteriolem etiam speciem, & personam eadem, ac Pythagoras mente dicitur petiisse. Deinde Numæ, & Pythagoræ institutorum similitudinem ostendens, ibidem post pauca subdit. Plerasque autem divinationes suas consulit in Camænas. Unam peculiariter, atque eximie venerari præcepit Romani, Tacitam eam nominavit: quæ commemoratio visa est, & observatio silentii Pythagorici. Jam hujus de statuis scita undequaque Pythagoræ placitorum sunt germana; neque enim ille sensit, aut ulli dolori expositum rerum principium esse, sed invisibile, incorruptum, sola mente existimavit apprehensibile. Hic vetuit Romanis hominis, vel bestię formam tribuere Deo, neque fuit ulla apud eos ante picta, aut ficta imago Dei, sed primos 160. annos templa extruxerunt, & cellas Diis simulacrum per id temporis nullum habuerunt, nescias putantes angustiora exprimere humilioribus, neque aspirari aliter ad Deum, quam mente posse. Ad hæc bestię ejus respondent plane vicissim Pythagorici, in cruentæ enim erant, ac fere sævina libaminibus ex vino, & rebus simplicissimis parabantur. Aliis præterea argumentis urgent remotioribus horum contubernium; quorum unum est, quod donaverunt Pythagoræ Romani civitate, ut aut in libro quodam Antenor dicto Comicus est Epicharmus, Vir antiquus, & ex Schola Pythagorica. Alii, quod unum Numa ex quatuor filiis suis nomine Pythagoræ filii appellaverit Mamercum. Ajunt etiam, qui Numam Pythagoræ cœvum faciunt, morem apud Romanos Deum adorandi, quem à Numa acceperant, eundem fuisse cum Pythagoreis, hoc est, ut ne quis obiter adoret, & supplicet Diis, nec persunctione divinis vacet, sed vacuus cursis aliis velut summo negotio religionis advertat animum: Numæ etiam edicta omnia magna ex parte præceptorum Pythagoricorum æmula fuisse notant. Tandem addunt, Numam sacras legum, quas vivens Pontificibus tradiderat, tabulas una cum corpore humari jussisse, nec tuto Pythagoricorum more arcana mortuis committi licetis existimasse, ut lib. 3. in Pythag. nos quoque tradidimus. Sed ignoscendum, verba sunt Plut. ibid. his, qui cum multis concurrentibus affinitati-bus

bus familiaritatem Numæ conciliare conantur cum Pythagora. Valerius Antias, pergit cit. Autor, scriptum reliquit, 12. volumina de rebus sacris, 12. item græca alia de studio sapientiæ in ea arca condita fuisse. Idem etiam affirmat Petrus Crinitus de Honestæ Disciplinæ l. 9. c. 1. Notum est, Regem Numam, qui leges Romanis condidit, libros 12. scripsisse, partim græce (ut traditur) partim latine, in quibus Pythagoricæ Sacra, & Pontificalia continebantur: eosque voluisse in monumento suo recondi, ne in vulgus, credo, & propalam, quæ arcana, & sacra erant, devenirent. Quæ in re Pythagoræ secutus est disciplinam, quæ profanum vulgus longe arceret. Sed exemplo simili relatum de Dardano est, qui cum egregie in magicis artibus præstaret, libros à se conscriptos in sepulchro fertur constituisse: quos Abderitis Democritus, vir sagacis ingenii in perscrutandis naturæ viribus diligentissime requisivit: tum commentariis editis illustravit, disciplinamque ex illis reconditam, atque multiplicem accepit; quod & C. Plinius ad Cæsarem Vespasianum testatur.

Vulgaris igitur opinio est, Numam Pythagoræ sectatorem, imo & auditorem fuisse. Cicero tamen de Orat. lib. 1. asserit, Numam duobus seculis Pythagoram præcessisse. Dionysius Halicarnassæus erudite probat, Numam quatuor pene ætates ante Pythagoram vixisse. Sed illud plane certum omnibus fermò habetur, Numam multis ante Pythagoram annis extitisse. Atqui Cic. Tuscul. l. 4. in principio Numæ ætatem assignans ait: Erat enim illis pene in conspectu præstanti sapientiæ, & nobilitate Pythagoras, qui fuit in Italia temporibus istis, quibus L. Brutus patriam liberavit. Sed unde vulgaris hæc opinio ortum duxit? Probabilis est Ciceronis conjectura loc. cit. ubi sic: Quis etiam arbitror propter Pythagoreorum admirationem Numam quoque Regem Pythagoreum à posterioribus existimatum. Nam quum Pythagoræ disciplinam, & instituta cognoscerent, Regisque ejus æquitatem, & sapientiam à majoribus suis acceperint; ætates autem, & tempora ignorarent propter vetustatem, eum, qui sapientia excelleret, Pythagoræ auditorem fuisse crediderunt. Pythagoram autem omnium sapientissimum à Romanis existimatum fuisse, confirmat Plin. Hist. Nat. l. 34. ubi narrat, Romanos in bello contra Samnites Apollineq; Pythium consuluisse, qui jussit, duas statuas in Urbe celebri loco, Græcorum gentis sapientissimam unam, alteram fortissimam, dicari: Romanos autem alteram Pythagoræ, Alcibiadi alteram dicasse: Quicquid tamen de hac questione sit; id cerum fateri possumus, Numam cum Pythagora, sive ipsi coævus, sive post ipsum vixerit, in Metaphysica, Ethica, & Politica, in dogmatis consensisse; unde hac ratione ipsum Pythagoricum cum Clem. Alex. vocare licebit.

De Numæ liberis, & Uxoribus quæstio adhuc est inter Autores. Alii dicunt, eum præter Tatiam conjugem non habuisse, nec alios ex ea liberos præter filiam Pompiliam, quam Tullo Hostilio, qui Numæ in regno successit, nuptam tradit Morery in suo Lex. Hist. Alii tamen non ex Tatia editam dicunt, sed ex Lucretia, quam post adeptum regnum Numam uxorem duxerat; eamque non Tullo Hostilio, sed Martio nuptam asserunt. Quod confirmare videtur Plur. in Numa, dum ait: Omnes certe consentiunt Martio nupsisse. Martius hic filius fuit illius Martii, qui ad regnum suscipiendum Numam impulit: is enim simul cum eo commigravit Romam, & honoris causa allelus in Senatum fuit. Sunt denique, qui asserunt (quæ & Morery sententia est) præter Pompiliam ex Tatia Numam quatuor habuisse filios, Pomponem, ex quo Pomponii, Pinum, ex quo Pinarii, Calpum, ex quo Calpurnii, & Mamercum, ex quo Mamercii originem duxere: quæ quatuor familiæ nobilitate illustres Romæ extiterunt. Hoc etiam ut factum alii insectantur.

Sustulit Numa ex Urbe Romuli, & Tatii factiones, jussitque unam omnes

nes esse, unoque Romanorum nomine vocari. Magnus fuit legum conditor, vel corrector: correxit enim, præ cæteris, legem, qua Patri erat liberis distrahendi potestas. Tandem senio, & lenta ægitudine confectus, anno ætatis circiter 82. regni autem 42. decessit clarus hic Philosophus, Legislator, magnam Regum exemplar, iustitiæ, pietatis, religionis, pacisque cultor egregius, cuius laudes præter Liv. l. 1. Flor. l. 1. c. 2. Aurel. Victor. de Vir. illust. c. 3. Dionys. Halicarnas. l. 2. Hist. & Plut. in Vita, habet etiam Cæ. pluribus in locis. Et lib. 3. de Nat. Deorum. *Mibi que ita persuasi, Romulum auspiciis, Numam sacris constitutis fundamenta jecisse nostræ Civitatis: quæ nunquam profecto sine summa placatione Deorum immortalium tanta esse potuisset.* Et de leg. l. 1. *Nec dubito, quin tidem & cum Egeria collocutum Numam &c.* Et de leg. l. 2. *Conclusa quidem est à te tam magna lex sane quam brevi: & ut mihi quidem videtur, non multum discrepat ista constituto religionum à legibus Numæ, nostrisque moribus.* Et ibid. post multa; *Quod institutum perire à Numæ, posterorum pontificum negligentia dissolutum est.*

Notandum hic, me de Philosophis Recentioribus hoc quarto Historiæ libro acturum, in ipsius numerandis non sectarum differentiam, sed temporum seriem servare decrevisse. Verum cum in aliis libris, & tertio potissimum, quæ Græcorum est, eos per sectas, non per ætatem, distinctos tradiderim; rectius duxi, eundem in hoc libro ordinem conservare. Romanorum igitur Philosophos per sectas distinguens, à Pythagoreis initium feci (licet eorum titulus in hoc capite sit prætermisus) namque illorum Sectæ reliquarum fuit vetustissima. In unaqueque autem secta suis cuique Philosopho secundum ætatem locus erit. Sed quum de Numa, qui Pythagoreus si non extitit, saltem habitus est, sit superque dictum sit, ad alios Pythagoreos accedamus.

Q. ENNIUS

Pœta vetustissimus, quem, ut Silius Italicus refert,
Rudis genere vetuste;

secundum tamen Euseb. in Chron. quæ ejus nativitate signat an. 4. Olymp. 134. Tarentinus fuit. Eusebii verba sunt: *Q. Ennius Pœta Tarenti nascitur, qui à Catone Quæstore, Romam translatus habitavit in monte Aventino, paucos admodum summi contentus, & unius ancillæ ministerio.* Pythagoricæ sectæ fuisse ostendit suorum Annalium initium, in quo Metempsychosim pertractat, referente Cozzando l. 3. de Magisterio Antiqu. Philof. c. 2. Persius etiam Pythagoricum destinat Sat. 6. ubi ait:

*Cor jubet hoc Ennii, postquam desertuit esse
 Meonides quintus pavone ex Pythagoreo.*

Quod etiam confirmatur ex eo, quod ipse Homeri animam in se immigrasse dicebat: unde & Latinorum Homerus semper habitus fuit, ut notat Lævin. Torrent. not. in Horat. l. 2. ep. 1.

Magnam habuit consuetudinem cum P. Scipione, qui Africam devicit: hic enim cum erudit, præcipue, eum Ennio familiaritatem amabat; cum quo laudes in marmore communes habuit, ut notat C. Rhodig. l. 7. Antiqu. lect. c. 1. M. Fulvium Nobiliorem, cuius etiam filium erudit, ad bellum Ætolium secutus est, & Caroni jam seni Græcarum literarum præceptor fuit, ut Sext. Aurel. Victor. refert, an. V. C. 550. vel 551. Romæ degens Annalium libros 18. vel secundum alios, 12. heroico versu composuit. Macrobius Saturnal. 6. ait, Virgilium in multis Ennium imitatum fuisse; pœtam cæteroque non valde insignem: nam in sententiarum quidem gravitate excelluit, in verborum tamen cultu

culum non enituit. Hinc Lil. Gyraldus: *Ingenio acri fuit, atque ad scribendum promptissimus, vehementer in sententiis, in verbis rudis, ut qui non discederet à communi more verborum.* Sic etiam Ovid. de Trist.

Ennius ingenio maximus, arte rudis.

Ex Statius l. 1. Sylv. *Rudem Ennii musam dixit, ad patriæ Rudis nomen al-ludens.* Posssevin. vero in Biblioth. *Ennius primum inter Latinos Poëtas Epicos locum obtinet, quem & Virg. sibi imitandum proposuit, & M. Varro discipulum Musarum, quemadmodum M. T. Cic. Summum Epicorum poëtam vocat.* De Virg. Ennii Poësin legente sæpius, illud dictum:

Enni de stercore colligit aurum.

J. Lipsius l. 2. Antiqu. l. c. 22. *Enni versus immortalitate omnium temporum dignissimi extant apud A. Gellium l. 12. cap. 4. de Amici veri officio: qui & à verbis ejusmodi sunt, ut in his vernaculus ille, & sine fūco, ac cincinnis notivus color hominem eruditum mirifice delestet: & à rebus ita salubres, ut adolescentium aures circumsonare ejusmodi vocibus potius multo sit, quam sententiarum Philosophorum præceptis.* Voss. de Hist. Lat. *Quemadmodum ea est laus Nævii, quod primus eumine signavit bellum Romanum, & luculenta quidem, ut ait M. Tullius: ita Ennio debemus, quod non paulo id politius fecerit, & perfectius, idque versibus Heroicis, ob quorum majestatem ita eum celebrat Lucretius in 1.*

Ennius ut noster cecinit, qui primus amano

Detulit ex Helicone pœniti fronde coronam.

Tandem maximam Enni laudem habet Scaligerana i. p. 78. *Ennius Poëta antiquus, magnifico ingenio: utinam hunc haberemus integrum, & amississemus Lucanum, Statium, Silium Italicum, omnesque pueriles ejusmodi Poëtas.* Ennius præter *Annales*, scripsit *Satyras*, *Comœdias*, & *Tragedias*, ex quibus ad nos nihil pervenit, exceptis aliquot versibus, à Scriptoribus veteribus passim citatis. Ennii fragmenta, præter alios, commentariis adjectis edidit Hieron. Columna, & magis luculente Paulus Merula Lugd. Bat. 1595. in 4.

Denique Ennius, qui ex communi omnium opinione Rudis, natus in Calabria, anno V. C. 514. sive 515. C. Mamilio Turrino, & Q. Valerio Falsturne Coss. & è Sardinia insula, in qua vitæ partem duxerat, à Catone Censorio Romam translatus est; septuagenarius ex morbo articulari; quem ab immodico vini potu contraxerat, mortuus est, Q. Marcio Philippo, & C. Servillio Cæpione Coss. ut Cic. in Bruto asserit. Sepultus autem traditur in eodem Scipionis, familiaris sui, monumento, viâ Appia: cui hoc Epitaphium impostum, ut ex eodem Cicerone:

Adspicite, ô Cives, Senis Enni imaginis formam:

Hic vestrum paravit maxima facta potum.

Nemo me lacrymis decoret, neque funera fletu

Favit: Cur. s. volito utros per ora virum.

PUBLIUS NIGIDIUS FIGULUS

Philosophus fuit secta Pythagoreus, post Varronem Romanorum doctissimus habitus. Verum cum Pythagorei Magiæ suspecti omnes haberentur, in exilium pulsus, & ibi mortuus est an. Romæ 709. Olymp. 184. Ejus testimonium, & laudes habet Cic. initio libri de Universalitate, in quo: *Multa sunt à nobis & in Academicis conscripta contra physicos; & sæpe cum P. Nigidio, Carneadeo more, & modo disputata: fuit enim vir ille cum cæteris artibus, quæ quidem dignæ libero essent, ornatus omnibus, tum acer investigator, &*

di-

diligens earum rerum, quæ à Natura involutæ videntur. Denique sic iudico, post illos nobiles Pythagoreos, quorum disciplina extincta est quodam modo, cum aliquot secula in Italia, Siciliaque viguissent, hunc existisse, qui illam renovaret, qui cum me &c. Extat etiam lib. 4. Ep. Cic. ad familiares Epistola 13. ad Nigidium scripta, qua exultantem spe reditus solatur, eumque unum omnium appellat divinisimum, atque sanctissimum. Imo & ejus opera Cic. in multis, arduisque Reip. negotiis usus est, ut testatur Agellius: qui lib. 19. c. 14. de Nigidio, scriptore nimis obscuro, hæc habet: *Ætas Ciceronis, & C. Caesaris præstanti facundia viros paucos habuit: doctrinarum autem multiformium, variarumque artium, quibus humanitas erudita est, columina habuit M. Varronem, & P. Nigidium. Sed Varronis quidem monumenta rerum, ac disciplinarum, quæ per litteras condidit, in propatulo, frequentique usu sunt. Nigidianæ autem commentationes non proinde in vulgus exeunt: & obscuritas, subtilitasque earum tanquam parum utilis derelicta est. Pythagoricæ disciplinæ, ac proinde Matheos, & Magiæ callentissimus fuit. Hinc Lucan. Bell. Civil. l. 1.*

At Figulus, cui vera Deos, secretaque Cæli

Nosse fuit; quem non Stellarum Ægyptia Memphis

Æquaret visu, numerisque moventibus astra.

Et Suet. in Augusto narrat, Nigidium, comperta hora genituræ Octavii, pronuntiassse, Dominum tetarum orbi genitum. Dion etiam in Augusto sic: *Quumque puer jam natus esset, Nigidius Figulus Senator statim ei filii summum imperium prædixit. Noverat is supra omnes homines suæ ætatis totius Cæli ordinem, & cursum: tenebat stellarum vim, atque differentiam, quid ipse per se, aut cum aliis conjunctæ possint, & efficiant: quorum tamen studiorum (quod occultæ esse, & vana videbantur) culpam sustinuit. Is igitur, ut vidit Octavium serius propter partum Uxoris in curiam venientem (nam tum forte Senatus erat) statim exclamat: Nobis, Octavi, dominum genuisti. Deinde ea de re percussus Octavium, atque idcirco puerulum necare volentem prohibuit &c. Ejus & alii cum laude meminere. Janus Rutgersius Nigidii fragmenta, quæ apud autores extant, diligenti cura collegit. Vide etiam la Pôpelinieræ lib. 5. de Hist. & Agell. l. 4. c. 9. Nigidius Figulus, homo, ut ego arbitror, juxta M. Varronem doctissimus.*

ANAXILAVS.

Eusebius in Chron. ad Olymp. 188. *Anaxilaus Larissæus, Pythagoricus, & Magicus ab Augusto Urbe, Italiæque pellitur. Quod & Nigidio Figulo, aliisque Pythagoricis accidit: quippe Pythagorici magna Magiæ suspicionem, & Infamia tenebantur; unde à Rerum publ. rectoribus in exilium mittebantur. Atque hinc factum, ut Domitianus, barbari, ac feri ingenii Princeps, cum videret, multos Philosophos Magicis artibus operam dare, omnes Philosophos severissimo edicto tota Italia proscripsit: & Antoninus Pius nonnisi quatuor sectas publice admisit, Platoniam, Epicuream, Peripateticam, & Stoicam, ut refert Lucianus in Eunuch. Neque mirum, Pythagoricos Magiæ nimium addictos fuisse, nam & ipse Sectæ conditor Pythagoras Magiæ Indulsit, & Magus à Timone Phlasiæ in Sillis appellatus est.*

Atque hæc de Pythagoricis, qui numero omnium Philosophorum paucissimi; nam, ut diximus, Urbe vel arcebantur, vel ejiciebantur, quia Magiæ suspecti. Ad aliarum igitur Sectarum Philosophos accedamus.

PLATONICI, ET ACADEMICI.

M. TERENTIUS VARRO

Philosophus, Historicus, Poëta, & Grammaticus Romanorum omnium doctissimus, natus est anno U. C. 638. ejus elogia plures contexerunt; quorum potiora hic referam. Plut. in Romulo. *Varro Philosophus Romanorum plurima fuit in historia lectionis.* Apul. in Apolog. *Vir accuratissime doctus, atque eruditus.* Arnob. advers. Gent. l. 5. *Varro ille Romanus multiformibus eminens disciplinis, & in vetustatis indagatione rimator.* Lactant. l. 1. Divjn. Inst. c. 6. *M. Varro, quo nemo unquam doctior, ne apud Græcos quidem, ne dum apud Latinos vixit.* August. de Civ. Dei l. 6. c. 2. de Diis Gentium loquens ait: *Quis M. Varrone curiosus ista quæsit? quis invenit doctus? quis consideravit attentius? quis distinxit acutus? quis diligentius, pleniusque conscripsit? qui tametsi minus est suavis eloquio, doctrina tamen, atque scientiis tam re-fertus est, ut in omni eruditione, quam nos secularem, illi autem liberalem vocant, studiosum rerum tantum iste doceat, quantum studiosum verborum Cicerone delectat.* Quintil. Inst. l. 10. c. 1. *Terentius Varro, vir Romanorum eruditissimus. Plurimos hic libros, & doctissimos composuit, peritissimus lingue latine, & omnis antiquitatis, & verum græcarum, nostrarumque plus tamen scientiæ collaturus, quam eloquentiæ.* Lips. l. 3. var. Lect. c. 19. *Terentius quidem Varro, vir cum Græcis literis perfectus, & Latinis, tum antiquitatis cum primis imitator diligens.* Scaligerana prima pag. 146. & 147. *Unicum Varronem inter Latinos habemus libris tribus de Re Rustica, qui vere ac judicious philo-sophatus sit: imo nullus est Græcorum, qui tam bene, inter eos saltem, qui ad nos pervenerunt. O excellens opus, ex quo qualia ejus reliqua erant opera, conjectare quis potest! Sed, quod mirum, non minus in Pæsi valuisse, fragmenta Poëmatum indicant.* Baron. volum. 1. Annal. p. 35. *Rerum antiquarum Varrone doctiorem neminem fuisse constat.* Et Petrus Crinitus de Honestâ disciplina l. 10. c. 11. *De Varrone Terentio notum est omnibus, quantum omni antiquitas ejus studium, atque multiplices doctrinas extulerit; ut omnium quidem rogatorum doctissimus habitus sit. Cui sententiæ M. Cicero, & Fabius Quintil. calculum adjecerunt. Itaque sic Maurus Terentianus ad Novatenum:*

Vir doctissimus undequaque Varro.

Qui tam multa legit, ut est. autor Augustinus, ut aliquid ei scribere vacasse mi-remur, tam multa scripsit, quam multa vix quemquam legere potuisse credamus. Post hæc notat cit. Crinitus, & summe miratur, Varronem disciplinarum, omnium parentem, & principem, à Rhemnio Palæmore imperitum hominem, & porcum fuisse appellatum. In Etymologiis tamen tradendis reprehenditur à Quintil. Jos. Scaligero, Manutio, atque aliis. Et Scal. quidem: *Varro more suo anxie Etymologias comminiscitur.* Manut. l. 3. epist. 23. *Varro in Etymologiis Varro non videtur; itaque à Quintiliano ridetur merito.*

Composuit libros 24. de Lingua Latina, quos Ciceroni dedicaverat; de iis, qui nunc extant, ita Lud. Viv. de Tradend. discipl. p. 25. *Varronis de Lingua Latina libri tres intricati ex isto dicendi more ipso peculiari.* Scripsit octogesimum agens annum libris tres de Re Rustica: *Satyras Menippeas: Anti-quitates rerum humanarum, divinarumque: Libros de Vita Pop. Romani: Opus Hebræomadam, quod continebat imagines, & elogia doctorum virorum: librum de Poëtis, & Scenicis Originibus, &c.* Horum tamen nonnisi fragmenta quædam ad nos pervenerunt.

Sectâ fuit Academicus, Ciceroni cum primis familiaris, & condiscipulus,

ut

ut idem Cic. testatur Acad. Quæst. l. i. Edit. secundæ, his verbis: *Quin videremus hominem nobiscum & studiis iisdem, & vetustate amicitia conjunctum. In quo libro Varronem de Philosophiâ discretissime per Dialogum loquentem inducit. Ibidem Varro Ciceroni interroganti, cur ipse, qui in Philosophiâ excellit, & multum scribit, genus hoc prætermittat? respondet: Rem à me sæpe deliberatam, & multum agitatam requiris. Itaque non multum hesitans, respondebo: sed ea dicam, quæ mihi sunt in promptu; quod ipsa ipsa de re multum, ut dixi, & cogitavi: Nam cum Philosophiam viderem diligentissime literis Græcis explicatam, existimaui, si qui de nostris eo studio tenerentur, si essent Græcis doctrinæ eruditi, Græca potius, quam nostra lecturos; si à Græcorum artibus, & disciplinis abhorrerent, ne hæc quidem curaturos, quæ sine eruditione Græca intelligi non possunt: itaque ea nolui scribere, quæ nec indocti intelligere possent, nec docti legere curarent. Veteris autem Academicæ Sectatorem fuisse, ipse de se testatur, inquit: Si vero Academiam Veterem persequamur, quam nos, ut scis, probamus; quam erit illa acute explicanda nobis? Quare suam in Physica sententiam de rerum principiis ibidem exponens, inquit: Nostra tu physica nosti, quæ contineantur ex effluente, & ex materia ea, quam fingit, & format effluo. Adhibenda etiam Geometria est, &c. causam etiam addit, cur ad Græcorum studium amicos mittat; his verbis: Sed meos amicos, in quibus est studium, in Græciam mitto, id est, ad Græcos ire jubeo, ut ea à sentibus potius hauriant, quam rivulus conficiatur. Tandem Varronis, ejusque operum laudes ibi à Cic. descriptas sic optime invenies. Nam nos in nostra Urbe peregrinantes, errantesque tanquam hospites, tui libri quasi domum reduxerunt; ut possemus aliquando, qui, & ubi essemus agnoscere. Tu etatem Patriæ, tu descriptiones temporum, tu sacerdotum jura, tu sacerdotum, tu domesticam, tu bellicam disciplinam, tu sedem regionum, locorum, tu omnium divinarum, humanarumque rerum nomina, genera, officia, causas aperuisti: plurimumque Poëtis nostris, omninoque Latinis, & literis luminis attulisti, & verbis: atque ipse varium, & elegans, omni fere numero poema fecisti: Philosophiamque multis locis inchoasti ad impellendum satis, ad docendum parum. Causam autem probabilem, &c.*

Mortuus tandem est doctissimus hic Senator, & Philosophus, anno U.C. 726. ætatis suæ 90. Ejus vitam scripsit Verranius Maurus; qui suorum etiam operum titulos digessit; quem vide, & Scalig. Voss. Turneb. Gefner. & alios.

C. AURELIUS COTTA

Insignis Orator, & Philosophus Academicus fuit, ex illustri familia Cotta Romæ natus. Unus ex quatuor Sectarum principibus est, quos Cic. l. i. de Nat. Deor. ad propriam Sectam tuendam patronos loquentes inducit: ubi Cotta, eloquentissimus inter Academicos, ea tempestate florentes, princeps, Academicorum partes tuetur; C. Vellejus Epicureis; Q. Lucilius Balbus Stoicis; & M. Piso Peripateticis patrocinatur. Sic itaque Cic. l. c. Tres enim trium disciplinarum principes convenisti. M. enim Piso si adesset, nullus Philosophiæ, earum quidem, quæ in honore sunt, vacaret locus, &c. Hæc namque quatuor, ut alias dictum, Philosophiæ Sectæ Ciceronis ævo, & fere semper, Romæ in honore habitæ, imo & permixtæ sunt, Academica, sive Platonica, Epicurea, Stoica, & Peripatetica. Verum hi Sectarum Principes ante Ciceronem decesserant, ut ex Ep. 19. lib. 13. Ep. ad Att. educitur. Vide etiam Leonardum Cozzandum de Magisterio Antiquorum Philosophorum l. i. c. 9.

M. TUL.

M. TULLIUS CICERO.

Non ultima Ciceronis laus est, oratorum omnium, Romanæque Eloquentiæ Principem fuisse; sed & Romanorum Philosophus vel primus extitit: ut ex ejus studiis, & operibus, de quibus mox, clarissime evincitur. Arpini, quod celebre Volscorum oppidum, natus est 3. Nonas Januarias a. Romæ 648. Olymp. 168. unde Arpinas appellatus. Mater ei Helvia, claro genere, & honesta vita mulier. De Patre quæstio est inter autores. Alii enim, referente Plut. in vita, in officina fullonia & natum voluit, & educatum. Alii ad Appium (sive potius Accium, cujus meminit Liv. l. 2.) Tallium, clarum Volscorum Regem originem familiæ ejus referunt. Cujus sententiæ esse videtur Euseb. Cæsar. Chron. p. 65. ubi: *Marcus Tullius Cicero Arpini nascitur, Matre Helvia, Patre equestris ordinis, ex regio Volscorum genere.* Alii denique teste Roscio, quem sequitur Morery, & reliqui fere omnes, eum ex Equite Romano, à Tito Tatso Sabinorum Rege origine ducente, ortum contendunt. Hac autem de causa Ciceronis cognomen ipsum habuisse refert Plut. lb. *Habuit ille in extremo nasi ad modum ciceris cacam incisuram, unde cognomen quæsit. Ipse quidem, quo de hic scribitur, Cicero, admonentibus amicis, cum primum honores peteret, & Remp. attingeret, ut abjiceret hoc nomen, immutaretve, fertur glorians dimisse, enisurum se illustrius Ciceronis nomen Scauris, & Catulis reddere.* Ex puero magnam ingenii in discendo acumen, & solertiam habuit; ita ut ad omnes ingenuas artes, omneque eruditionis genus complectendum, natus videretur. Condiscipulis omnibus magnæ erat admirationi; eorumque cætera stipatus medius ad iudum literarium semper pergebat. Adhuc puer Poema conscripsit, cui titulus *Pontus Glaucus*; poesi enim maxime delectabatur; imò & Poeta inter Romanos tunc præstantissimus habitus est. Puerili schola defunctus Philoni Academico, tunc Romæ Philosophiam docenti, operam dedit: deinde Mutio Scævola, viro consulto, & Senatus Principi, à quo Jurisprudentiam hausit.

Annos natus 23. ut refert Nepos, vel 25. ut alii, Roscio Amerino, patricidii reo, patrocinator est. Sed metuens Syllam, tunc Romæ potentissimum, quem in ea causa offenderat, simulata infirmæ valetudinis causa, in Græciam, Asiamque abiit: ubi se, ut ipse testatur, recoquendum præceptoribus dicendi dedit. Et profecto erat corpore gracili, & macilento, stomachoque infirmo; unde sapius in Ep. se *κακοσύναν* dicit; ac propterea modicum cibi admodum fero capiebat. Vox ei erat canora, & bonâ, sed dura, & incondita. Ut igitur Athenas venit, Antiochum Ascalonitam, Academicum audiuit; ut infra in Antiocho ex Plut. ipsiusque Ciceronis testimoniis adnotabimus, iterumque Academicæ Philosophiæ studiis se addixit, statuens tranquillam in Philosophia ibi vitam ducere, si nullus in foro, & Rep. administranda locus ei Romæ daretur. Diodoti etiam Stoici se discipulum fateretur Acad. Qu. l. 2. 37. his verbis: *Diodoto quid faciam Stoico? quem à puero audiui, qui mecum vivit tot annos, qui habitat apud me, quem & admiror, & diligo.* Et de Nat. D. l. 5. huic alios suos etiam adnumerat Præceptores; magnamque in Philosophiæ studiis sui animi contentionem refert, inquiens: *Nos autem nec subito capimus philosophari: nec medicorem à primo tempore ætatis in eo studio operam, curamque consumimus.* & cum minime videbamur, tunc maxime philosophabamur. Quod & orationes declarant refertæ Philosophorum sententiis; & doctissimorum hominum familiaritates, quibus semper domus nostra floruit; & principes illi, Diodotus, Philo, Antiochus, Posidonius, à quibus instituti sumus, &c. Unde ingenue ipse l. 2. de Fin. fateretur, ipsum, & Romanos omnes Græcis Philosophiam, & scien-

Aa

cias

tias acceptas ferre, inquit: *Sint ista Græcorum: quamquam ab his Philosophiam, & omnes ingenuas disciplinas habemus. Ut & nos supra innuimus. Sed ubi Syllæ mortem accepit, ac corpore exercitatione firmato, & voce jucundiore reddita, cohortantibus amicis, ipsoque etiam Antiocho, ut ad oratorium munus, Reipublicæque regimen rediret; totum se oratoris facultati devovit, atque ideo in Asiam, Rhodumque navigavit. Et in Asia quidem Xenoclem Adramittenum, Dionysium Magnesium, & Menippum Charem audivit: Rhodi verò Apollonium Molonetum, Molonis filium, Philosophum, & Oratorem omnium sui ævi eloquentissimum, dicendi Magistrum habuit. Hic à Cicerone contendit, ut græcè declamaret: quem ubi declamantem græcè audivit, diu cogitabundus, ac tristis sedens, tandem de tristitiæ causa interrogatus exclamavit: *Te quidem laudo, Cicero, & admiror, Græcia verò miseret me conditionis, cum cernam, quæ reliqua nobis sola erant ornamenta, ea quoque te ad Romanos transfuisse, literas, & Eloquentiam.**

Hinc Romam venit, ubi in foro omnium optime oratoriam exercuit. Dicitur autem hic, non secus ac Demosthenes, in actione laboravisse: quare, ut in re oratoribus tam necessaria proficeret, nunc Roscio Comædo, nunc Æsopo Tragædo operam dedit. Etsi rem familiarem modicam quidem habebat, & ad vltum necessarium vix sufficientem; patrocinii tamen causa neq; mercedem neq; munera capiebat. Sed ejus doctrina, ac prudentia cognita, Quæstor in annonæ difficultate designatus, ac Siciliam fortius, rectissime commissam sibi provinciam administravit an. U. C. 679. atque ira ex provincia decessit, ut Siculis omnibus jucundam, diurnamque memoriam quæsturæ, nominisque sui relinqueret. Deinde Ædilis factus Verrem de luxuria in flagitiis, crudelitatis in supplicis, avaritia in rapinis, superbia in contumeliis, Deorum & delubris raptu sacrilego, ac de totius Siciliæ, cui Verres per triennium Prætor fuerat, populatione accusavit a. U. C. 683. ætatis suæ 37. suisque in Verrem actionibus in Senatu habitis ipsum impulit, coegitque, ut in Verrem, quædam repetundarum reum Siculi postulabant, sententiam ferret. Quare Verres de repetundis damnatus; Siculisque illata damna ex ejus pecunia resecta sunt. Siculi, ut se gratos ostenderent, multa ex ea insula advecta Ciceroni obtulerunt; verum ipse omnia non in proprium usum, sed ad annonæ egestatem levandam, publicumque usum convertit. Prætor electus summa laude hoc munere functus est: & licet multos, atque insignes haberet competitores, omnium tamen primus renunciatus est.

Anno 690. sive 691. una cum C. Antonio Nepote ad Consulatam non minus ab Optimatibus, quam à plebe provectus, Urbis proditores detexit, qui, duce L. Catilina, homine audaci, inquieto, versipelle, flagitioso, Urbi ferum, flammamque minabantur. Patefacta Catilinæ in Remp. conjuratione, Cicero Orationem in Senatu habuit in L. Catilinam: qua oratione perterritus Catilina Urbe aufugit cum sociis. Hinc Cicero alia Oratione ad Populum R. gratulatur ei de Catilina jam ejecto, ac prostrato; cujus nefarium consilium erat, ut Flori verbis utar, Senatum confodere, Consules trucidare, distringere incendiis Urbem, diripere Ærarium, ac totam denique Remp. funditus tollere: quibus sceleribus patranda opportuna erat occasio, quod in extremis mundi partibus arma Romana peregrinabantur. Catilinarium bellum conscribere Liv. Sallust. Val. Max. Plur. in Vitis Syllæ, Ciceronis, & Cæsaris. Pauca tamen hic ex Floro l. 4. c. 1. ubi breviter, eleganterque ipsum descripsit, adducam. . . . Lentulus quoque cum maxime Prætor: hos omnes immanissimi facinoris satellites habuit. Additum est pignus conjurationis, sanguis humanus: quem circumlatum patris bibere: summum nefas; nisi amplius esset, propter quod bibe-

biberunt. *Adm* erat de pulcherrimo imperio, nisi illa conjunctio in Ciceronem, & Antonium Consules incidisset: quorum alter industria rem patefecit, alter manu oppressit. Tanti sceleris indicium per Fulviam emerfit, vilissimum scortum, sed parricidii innocens. . . . & ille quidem (Catilina) ad præparatum à Manlio in Etruria exercitum proficiscitur, signa illaturus Urbi. Lentulus destinatio familiae suæ sibi illis verbis regnum sibi vaticinans, ad præstitutum à Catilina diem, Urbe tota viros, facies, tela disponit. Nec civili conspuratione contentus, legatis Allobrogum, qui tum forte aderant, in arma sollicitatis, misit ultra Alpes furor, nisi altera proditiione Vulturii, Prætoris, literæ tenerentur. Statim Ciceronis imperio injecta est barbaris manus. Palam Prætor in Senatu vincitur. De supplicio agentibus, Cæsar parcendum dignitati: Cato animadvertendum pro scelere censebat. Quam sententiam secutus omnibus, in carcere parricidæ strangulantur. Quamvis parte conjurationis oppressa, tamen ab incepto Catilina non desistit: sed infestis ab Etruria signis patriam petens, obvio Antoni exercitu opprimitur. Quam atrociter dimicatum sit, exitus docuit: nemo hostium bello superstit: quem quis in pugando cæperat locum, cum, amissa anima, corpore tegebat. Catilina longe à suis inter hostium cadavera repertus est; pulcherrima morte, si pro patria sic concidisset. Præclaro hoc facinore celeberrimus Cicero factus, & à Populo plausibus, & acclamationibus exceptus, optimatibus stipatus, patriæ servator, & conditor dictus est; securitatem, & salutem uni tantum Ciceroni acceptam quique ferentes acclamabant; quod tantum, ac tam sævum ipsorum periculum discussisset. Et à Catone, tunc Tribuno plebis, Ciceronis Consulatus suis concionibus summe laudatus, & amplissimis honoribus insignitus, *Pater Patriæ* primum appellatus est. Hoc tamen Ciceroni vitio vertunt, quod seipsum sive in Senatu, sive in concionibus, sive in judiciis, sive in scriptis, cæteroqui jucundissimis, atque elegantissimis, semper laudaverit, & celebraverit: quod multorum odium in eum peperit. Verum ut gloriæ cupidus in se laudando assiduus; sic & in laudandis aliis candidus semper fuit.

Anno ab U. C. 696. Clodius genere quidem nobilis, sed stupris, aliisque nefariis sceleribus infamis, ut à Judicibus accepta pecunia absolutus, & Tribuni Plebis factus fuit, protinus Ciceronem, qui testimonium in ipsum dixerat, appetivit; corruptisque Consulibus Pisone, & Gabino, de Lentulo, & Cethego non jure necatis Ciceronem in Senatu accusavit; ac dicta in eum exilii sententia, ipsum aqua, & igni interdixit, ac ne quis eum intra quingentum passuum ab Italia tecto exciperet, lege sancivit. Sed cum id equester ordo, populus, & Patres quidam ægre tulissent; Pompejo etiam mutata, sententia Ciceroni favente, ipse ab exilio revocatur, quod sexdecim, vel decem menses, ut alii volunt, pertulerat. De Ciceronis reditu hæc notat. Plut. in Vita: Proditum memorie est, nullam rem unquam tanto consensu scivisse Populum. Senatus cum populo certans decrevit, ut bonos haberetur civitatibus, quæ in Ciceronem, dum exsulasset, fuissent officiosæ, domus ejus; & Villæ, quas diruerat Clodius, ut ex publico instaurarentur. Reversus ab exilio Cicero est mense decimo sexto: tantæque municipiorum omnium lætitia, & favore hominum proditum et obviam est, ut, quod jussit postea Cicero, minus esset vero. At enim, Italia se humeris reportatum, &c. Reversus ab exilio orationem, & epigramma ad Quirites unum, alteram in Senatu habuit: acta Clodii, tabulis intercepta & Capitolio revellet; & Milonem, qui Clodium occiderat, defendit. Hæc omnia anno ætatis suæ 50. patrata sunt.

Proconsul Ciliciæ factus anno Romæ 702. eximia integritate demandatam sibi provinciam administravit: ubi ob parvas victorias, susos, fugatosque

latrones, qui Amasum tenebant, Imperator ab exercitu appellatus est. Provincia inde decedens primum Rhodum appulit; postea pristinae conversationis desiderio Athenas venit. Inde visis, quos ibi habebat, doctissimis Viris, & amicis, acceptisque eximiis à Græcia honoribus, Romam reversus est. Decretum sibi à Senatu triumphum recusans ait: *Malle se, facta concordia, Cæsarem sequi currum*. Civile tunc, atque omnium atrocissimum bellum Inter Cæsarem, & Pompejum erat: cui sedando cum Cicero, utrique scribens, nihil proficeret, diu hæsit dubitans, cuinam Principum magis adhaereret; ut ipse in Ep. inquit de se: *Utro te convertas? Speciosam habet Pompejus, & bonam belli materiam: paratior est Cæsar, rectiusque sibi, & amicis consulit. Itaque quem fugiam, habeo, non habeo, ad quem fugiam*. Tandem Pompejum sequi decrevit, Catone improbante. Cæsar autem de Pompeji victoriam habens, Ciceroni ne dum indulsit, sed & summe coluit, & in caris habuit. Imo & Ligarium, Cæsaris hostem habitum, eximia Cicero oratione defendit, ac Cæsari reconciliavit anno 706.

Sed Romana per Cæsarem Rep. in Regnum conversa, Cicero publicis actionibus se abdicavit, ac totum se Philosophiæ studiis addixit, domi cum familiaribus vacans scribendis philosophicis libris, qui sunt *Academicarum Questionum libri 2. De Finibus bonorum, & malorum libri 3. Tusculanarum Questionum libri 5. De Natura Deorum: De Divinatione: De Fato: De Legibus: De Universitate: Arati versus in latinum conversi: Q. Ciceronis de petitione consulatus, &c.* In quibus sæpe semper Piatonem imitatus est per Dialogos scribens, Novæ Academiæ dogmatibus adductus. De Cæsare (cujus gratia præ cæteris fruebatur) everfas, dejectasque Pompeji statuas erigi jubente, Cicero dixit: *Ipsam ex humanitate, dum Pompeji statuas erigit, suas stabilire*.

Cicero Terentiam uxorem repudiavit, quod ipsum in bello sine viatico dimiserit; & ne dum opitulata ei nunquam fuerit, sed & parum benevola semper visa, atque domum ære alieno oppressam, dum è bello rediret, invenerit. Terentia repudiata, virginem puellam duxit locupletem, cujus patrimonio um Cicero, hæres fiduciarius institutus, administraverat. In Cæsaris necem Cicero, licet Bruto familiaris, non conspiravit.

Cæsare in Senatu à Bruto, sociisque interemto, Octavius Cæsar, Lepidus, & Antonius (qui Ciceronem summe oderat, tum quia Cicero, cujus maxima tunc Romæ potestas erat, ipsum exsulem Urbe expulerat; tum ob Orationes, Philippicas etiam nunc vocatas, contra ipsum habitas) Triumviratus potestatem nacti, Ciceronem proscriperunt, atque Asyra, maritimam villam, ei statuerunt, ut peteret, atque inde in Macedoniam iret ad Brutum una cum Q. Cicerone. Cicero ad Asyra delatus, & navigium ibi nactus ad Circejos venit. Quum autem Q. Cicero domum rediret ad viaticum sumendum (necessariis enim omnibus destituebatur), à servis suis proditus percussoribus, interemptus est cum filio. Refert Plut. in Vita, nonnullos scriptores memoriz prodidisse, Pomponiam Q. Ciceronis uxorem, accepta ab Antonio potestate Philologum, viri sui preditorem, præter alia dira supplicia, proprias carnes paulatim præcidere, eas assare, inde vorare adegisse. Sed, ut ad Ciceronem revertar, dum ipse fugam capiebat, ab Herennio Centurione, & Popilio Tribuno (quem parricidii reum quondam Cicero defenderat) sicariis ab Antonio missis, circumventus, necatus est Olymp. 184. anno Romæ 512. ætatis 64. atque ejus capite, & manibus, quibus Philippicas scripserat, Antonii jussu præcisus, ea Romam Popilius adduxit; quæ membra pro rostris in Tribunali fgi Antonius jussit, juxtaque coronata imago Popilii militis, qui eum occiderat, ut ait Euseb. in Chron. Horrendum spectaculum! Verum non longe postea

postea Cæsarem pœnituit, quod in Ciceronis proscriptionem consenserat. Quare eum sæpe laudavit, & debellato Antonio, Ciceronis filium Consul collegam cooptavit: in cujus Magistratu Antonii statuas Senatus deiecit, ac Ciceronis memoriam honoravit.

Scriptis præter Philosophica, de quibus supra, libros ad Rhetoricam pertinentes; ut sunt *De Oratore* 3. *De Inventione* 2. *De Claris Oratoribus*, sive *Brutus*, &c. *Orationes*, & *Epistolas*. Præterea libros tres versuum de iis, quæ sub consulatu suo acciderant, scripsit. Vide ejus Vitam apud cit. Plut. & Vitam à Lambino, & Fabricio compositam, & operum initio appositam. Omnium tamen primus Ciceronis Vitam tribus voluminibus scripsit, teste Pediano, Tiro Tullius ejus libertus.

Sunt & alia plura Ciceronis scripta opera, quæ non extant. Unde merito M. Anton. Muret. l. 15. variat. lect. c. 1. ait: *Ciceronis scriptorum vix decimam partem reliquam habemus, eamque multis partibus mancā, & mutilam. Inter amissos libros refero libros de Rep. quos viri eruditi magnopere desiderant.* Et Lud. Vives addit: *Neque enim dubito, quin opus fuerit admirabile.* Et Erasim. Epist. 28. 1. de Ciceronis libris ait: *Quam illic est varia lectio voluminum, quam doctissimi Græci de reſſe, beateque vivendo reliquerunt? quanta vis, quanta copia salubrium, ac sanctissimorum præceptorum? quanta cognitio, quantaque memoria prætorum simul, & recentium historiarum. Tum autem quam altæ cogitationes de vera hominis felicitate, quæ plane declarant, illum hoc egisse, quod docebat.* In Scaligerana tamen prima p. 49. Ciceronis libri Philosophici talem incurrit reprehensionem: *Libros omnes Philosophicos Ciceronis nibili facio; nihil enim in iis est, quod demonſtret, & doceat, ac cogat, nihil Aristotelicum, &c.* Vide Thom-Pope Blount in Censura.

ANTIOCHUS ASCALONITA.

Quamvis de Antiocho in hujus Hist. l. 3. c. 7. ubi de Academicis, actum sit; quia tamen Romæ docuit, atque ideo inter Romanos Philosophos recensendus hic est; quædam de ipſo hoc loco subnectere opus erit. Vixit Antiochus Olymp. 165. ab U. C. 674. Hunc Cic. ejus primum Athenis, deinde Romæ discipulus pluribus commendat. Acad. Qu. 2. 6. ipſum ingenio, & scientia excellere ait: & ibidem 8. *Homo natura lenissimus, nihil enim fieri poterat mitius: ibid. 36. Antiochus in primis, qui me valde movet, vel quod amavi hominem sicut ille me; vel quod ita judico, politissimum, & acutissimum omnium nostræ memoriæ Philosophorum.* Et de leg. 1. 183. *Vir iste fuit ille quidem prudens, & acutus, & in suo genere perfectus, mihi quæ ut scis, familiaris.* Idem Cic. se Antiochi discipulum fatetur Acad. Qu. 2. ubi: *Agam igitur, sicut Antiochus. Nota mihi res est, nam & vacuo animo illum audiebam, & magno studio, eandem de re etiam sæpius.* Quod confirmat l. 1. de Nat. Deor. & alibi. Hoc tamen ei vitio vertit idem Cic. Ac. Qu. 1. 2. 24. quod primum recens Academicus, deinde in multis Stoicus, tandem veteris Academicæ sectæ or fuerit. Ejus verba sunt: *Quamvis igitur fuerit acutus, ut fuit; tamen inconstantia levatur auctoritas.* Et post pauca ibid. causam addit hujus inconstantie, quod scilicet speraret, se novæ Sæctæ autorem fore dicendum; inquit enim: *Quod erant, qui illum gloriæ causa facerent sperare, etiam fore, ut qui sequerentur, Antiochii vocarentur.* Quæ omnia confirmat Plut. in Cic. inquiring: *Ut applicuit Athenas, Antiochum Ascalonitam adivit, volubilitate captus, & venustate ejus orationis: opinionum verò ejus non probavit novationem: Jam enim à vetere, quem vocant, Academia desciderat Carneadea Sæctæ Antiochus descenderat.*

desertor, vel evidentia permotus, & sensibus, vel, ut alii distant, ambitione aliqua, & dissentione cum Clitomachi, & Philonis discipulis, Stoica præcepta ubique fere mutata sententia amplexus. Cicero autem maluit illis inherere, & illa sequi. Atticus, Ciceronis amicus, licet Secta Epicureus, Antiochi tamen familiaris fuit; ut ipsemet testatur apud Cic. de leg. 1. his verbis: *Ergo si assentiris Antiocho familiaris meo (magistro enim non andeo dicere) quo cum vixi; & qui ex nostris pene convellit hortulis, deduxitque in Academiam per pauculos passibus.* L. Licinius Lucullus dum in Asia Quæstor esset, secum familiariter vixit; Suasitque ut Romam veniret, quod fecit, fuitque ibi magno in honore apud omnes; ut ex Cic. Ac. Qu. 2. 6. ubi de Lucullo loquens ait: *Cum autem & Philosophis ingenio, scientiaque putaretur Antiochus, Philonis auditor excellere: eum secum & Quæstor habuit, & post aliquot annos imperator.* Et ibid. 44. *Hæc tibi, Luculle, si es assensus Lucullo, familiari tuo, tam sunt defendenda, quam mœnia.* Et paulo ante ipsum Antiochi etiam discipulum secisse videtur, dum ait: *Tamen expedit ea, quæ te pollicitus es, Luculle, ab Antiocho audita dicturum.* Etiam M. Brutus ipsum in admiratione habuit perpetuo, ut Plut. in Bruto ait; Aristique sive Aristonis, qui Antiochi frater erat, disciplina usus est; ut infra in Bruto fusiis. Scripsit librum de Academia, & alterum de Diis; atque alia. Vide cit. lib. 3. hujus Historiæ. Cic. Plat. in Cic. Strab. l. 16. Vols. l. 4. de Hist. Græc. & de Phil. Sect. c. 15.

L. LICINIUS LUCULLUS

Genere fuit illustris, avum enim habuit consularem; bellica virtute insignis, literarum studio præclarus; eloquens enim valde fuit, atque utraque lingua polens, & exercitatus. Nam de eximia ejus eruditione hoc præcipue commemoratur, quod Hortensio causidico, & Sisenna historiographo, suis in dicendi arte præceptoribus, professus est, proposito carmine, & oratione soluta, Græca pariter, & Latina, utram earum dictionum fors dedisset, ea bellum Mariscum se conscripturum. Atque obtigisse forte videtur ei Oratio Græca; ejus enim extat de Bello Marisco Historia Græce conscripta. *Etate verò prospectiore, inquit Plut. in Vit. mentem ex multis certaminibus laxatam ad ocium, & quietem derulit Philosophiæ, eamque ad rerum cognitionem excitavit.* Et ib. in fine clarius ipsum Platonieum memorat inquires: *Colebat ille quidem omnem Philosophiam, neque ab ullo genere abhorrebat, aut alienus erat: proprie tamen ab ineunte etate dilexit, & secutus est Academiam, non illam, quam Novam vocabant, quamvis eo tempore Carneadis præceptis per Philonem floreret; sed veterem, quæ acrem antistitem, & facundum habebat Ascalontem Antiochum, quem omni studio amicum paravit, & consiliorem Lucullus, qui eum Philonis opponeret auditoribus, in quibus erat Cic. qui librum admodum doctum pro Secta sua scripsit. In eo disputationem pro comprehensione Lucullo, sibi tribuit diversam. Titulus libri Lucullus est: siquidem erant bi summi amici, & consiliorum in Rep. socii. Plures bellicas expeditiones Lucullus, strenuus bellidux, sapiens, prudensque exercituum Imperator in Ægyptum, Pontum, & Asiam feliciter egit; urbibus, provinciis, renis, & Regibus victis, plurimis fuit victoriis coronatus. Inter subjugatos Reges magni illi numerantur Mithridates, Rex Ponti, qui tanta animi, & corporis vi pollebat, ut sex juges equos regeret, duabus & viginti linguis loqueretur, & omnes ferme milites proprio nomine vocaret: qui victus à Lucullo est a. U. C. 683. Et Tigranes, Rex Armeniæ Mithridatis gener, de quo memorabilem tulit victoriam a. Romæ 685. Mithridates, inquit Flor. l. 3. c. 5. omnium longe maximus, quippe*

quippe cum quatuor Pyrrho, decem, & septem anni Annibali succederint; ille per quadraginta annos restitit, donec tribus ingentibus bellis subactus, felicitate illa, virtute Luculli, magnitudine Pompei consumeretur. Portentosum etiam hoc in Mithridatico bello cit. Flor. ib. narrat de Lucullo. Qui (horribilo dictu) per medias hostium naves utre suspensus, & pedibus iter adgubernans, videntibus procul quasi marina pistrina evaserat. Cyrenas etiam leges dedit, quos cum tyrannide, & bello cruciatus offendisset, recreavit; eorumque Remp. constituit.

Verum non in finem usque hic vir Philosophia & armis optimus, felix fuit. Nam suis militibus seditionem facientibus, & ab ipso discedentibus, eos potissimum comitante P. Clodio, Luculli uxoris fratre, sed cum ipsa stupri consuetudinem habente, & dolente plurimum, quod in Luculli exercitu (sed ob suos nefarios mores, & quod esset multis inferior) primas non teneret; Romam redire à Populo Romano coactus est. Accessit etiam, quod qui Romæ in concionibus regnabant, per invidiam Lucullum criminabantur, imperii, & pecuniæ aviditate bellum ducere: unum propemodum Ciliciam, Asiam, Bithyniam, Paphlagoniam, Galatiam; Pontum, Armeniam, omnes denique provincias usque ad Phasim obtinere: hunc verò etiam Tigranis regias deprædatum: quasi ad exuendos Reges foret, non ad debellandos missus; ut ex Plut. habemus. Quare Populus Romanus provinciæ successorem Lucullo mittendum statuit; Pompejumque ad id decrevit. Senatui tamen, & optimatibus affici Lucullum injuria visum est; cui non belli, sed triumphii successor mitteretur. Sed æmulatorum invidia prævaluit. Imo in tot partas Luculli victorias, Regesque subactos Romani adeo ingrati fuere, ut ei Romam ingreditenti Triumphum, non ut aliis, pompæ prolixitate, & rerum traductarum copia portentosum, sed parum magnificum concesserint. Lucullus Romæ reliquum vitæ, tempus degens, repudiata primum Clodia, lasciva, & improba uxore, Serviliam duxit, Catonis sororem, quæ & ipsa flagitiosa, & lasciva, ab ipso tandem tolerari non potuit; Remp. abdicavit, ac deseruit; & placidissimæ, mollissimæque vitæ bonorum plenus, ex certaminibus, quæ tamen felicem exitum non habuerant, sessus se deditit. Ædificiis, cœna, ludis, preciosa suppellectili, luxu, comestationibus, quibus nunquam paria, diffuebat: ita ut ea contemplatus Tubero Stoicus, Lucullum Xersem togatum appellaverit. Et Cato Lucullo licet amicus, & familiaris, ejus luxum, & quotidianas cœnas non modo stragulis purpureis, poculis gemmatas, choris, & acroamatis accessoriis, sed obsoniorum plurium, etiam bellariorum apparatus magnificas, adeo improbabat, ut cum juvenis quidam odiosam, & prolixam orationem de frugalitate, & temperantia in Senatu intempestive haberet: Tace, inquit, qui divitiis affluis, ut Crassus, vivis ut Lucullus, & dicis ut Cato. Alii dictum quidem hoc ferunt, sed non à Catone. At commendandus est Pompejus, ait Plut. in Vita, qui egrotans, cum præcepisset ei Medicus, ut turdo vestiretur, negarent autem servi assivo tempore earumquam, nisi in Luculli vivariis reperiri; prohibuit inde peti, & ad Medicum ait: Ergo nisi Lucullus perditus deliciis esset, non viveret Pompejus? ac aliud, quod parabile esset, jussit parari. Liberalitate, & comitate eximius facillime se cunctis præbebat: exteros omnes, græcos præcipue magnificentissime hospitio excipiebat, atque ipsis necessaria cuncta splendide ministrabat. Bibliothecam librorum numero, & delectu commendandam, magnis impensis suo, & amicorum usul comparavit: cujus mentionem, ac laudes habet præ cæteris Cic. Denique senio confectus, & mœnore, quod Cicero in exilium pulsus, & Cato in Cyprum missus fuerat, mente motus est; eique M. Lucullus frater, quem peramaverat, vitæ, ac bono-

bonorum curator designatus. Cornelius tamen nepos negat, ipsum vel senio, vel morbo mente motum fuisse, sed ex philtro, seu amatorio poculo, quod libertus Calisthenes ei ad amorem captandum potandum dederat. Obiit autem perquam senex; eique Romanus Populus, & optimates, de tanti viri morte dolentes maxime, iusta honorificentissime perolverunt. Addam, quod habet Plut. in Vita: *Itaque verum suarum gestarum commentarios ab se scriptos Lucullo dedicavit Sylla ad concinnandam, & digerendam potius historiam.* Sylla enim Lucullo amicissimus semper fuit; ejusque opera maximis quibusque in rebus perpetuo usus est; præcipue in monetæ negotio: Siquidem bello Mithridatico pleraque in Peloponneso per eum signata est, à quo Lucullia est dicta, diuque duravit in bello. Etiam moriens, præterito Pompejo, tutorem filio scripsit.

Sed cum scriptorum nemo Cicerone elegantius de Lucullo scripserit; libet hic ejus verba exscribere, quibus initio libri secundi Acad. Qu. editionis primæ, qui Lucullus inscribitur (quod in ea Lucullum de Philosophia cum aliis Philosophis differentem inducit) compendiarium ejus vitam, & laudes omnium doctissime sic habet. *Magnum ingenium L. Luculli, magnumque optimarum artium studium, tum omnis liberalis, & digna beminè nobili ab eo percepta doctrina, quibus temporibus florere in foro maxime potuit, caruit omnibus rebus urbanis. Ut enim admodum adolescens cum fratre, pari pietate, & industria prædito, paternas inimicitias magna cum gloria est persecutus; in Asiam Quæstor profectus, ibi per multos annos admirabili quadam laude provincie præfuit; deinde, absens factus Ædilis, continuo Prætor (licebat enim celerius legis præmio) post in Africam, inde ad Consulatum: quem ita gessit, ut diligentiam admirarentur omnes, ingenium agnoscerent. Post ad Mithridaticum bellum missus à Senatu, non modo opinionem vicit omnium, quæ de virtute ejus erat, sed etiam gloriam superiorum. Idque eo fuit mirabilis, quod ab eo laus imperatoria non admodum expectabatur, qui adolescentiam in forensi opera, quæstura diuturnum tempus, Murena bellum in Ponto gerente, in Asia pace consumserat. Sed incredibile quædam ingeni magnitudo non desideravit indocilem usum disciplinam. Itaque cum totum iter, & navigationem consumpsisset partim in percunctando à peritis, partim rebus gestis legendis, in Asiam factus imperator venit, cum esset Roma profectus rei militaris rudis. Habuit enim divinam quamdam memoriam rerum, verborum majorem Hortensius. Sed quo plus in negotiis gerendis res, quam verba profunt; hoc erat memoria illa præstantior: quam fuisse in Themistocle, quem facile Græciæ principem ponimus, singularem ferunt. Qui quidem etiam pollicenti cuidam, se artem ei memoriæ, quæ tum primum proferebatur, traditurum, respondisse dicitur, oblitus, se malle discere: credo quod hærebant in memoria, quæcumque audierat, aut viderat. Tali ingenio præditus Lucullus adjunxerat & illam, quam Themistocles spreverat, disciplinam. Itaque ut literis consignamus, quæ monumentis mandare volumus; sic ille in animo rei insculptas habebat. Tantius ergo imperator in omni genere belli fuit, præliis, oppugnationibus, navalibus pugnis, totiusque belli instrumentis, & apparatu, ut ille rex post Alexandrum maximus hunc à se majorem ducem cognitum, quam quemquam eorum, quos legisset, fateretur. In eodem tanta prudentia fuit in constituendis, temperandisque civitatibus, ut hodie stet Asia Luculli institutis servandis, & quasi vestigiis persequendis. Sed est magna cum utilitate Reip. tamen diutius, quam vellem, tanta vis ingeni, atque virtutis peregrinata absuit ab oculis & fori, & curiæ, quin etiam cum videret à Mithridatico bello revertisset, inimicorum calamitatem triennio tardius, quam debuerat, triumphavit. Nos enim Consules introdu-*

xi-mus

ultimus pene in Urbem currum clarissimi viri : cujus mihi consilium, & auctoritas quid tum in maximis rebus profuisset, dicerem, nisi de me ipso dicendum esset: quod hoc tempore non est necessitas. Itaque privabo illum potius debito testimonio, quam id cum mea laude communicem. Sed, quæ populari gloria degerat in Lucullo adhuc erunt, ea fere sunt & gratia literis, & latinitate celebrata: nos autem illa exteriora cum multis, hæc interiora cum paucis ex ipso sæpe cognovimus: majore enim studio Lucullus cum omni Litterarum generi, tum Philosophiæ deditus fuit, quam, qui illum ignorabant, arbitrabantur: nec verò incunte ætate solum, sed & Proquestor aliquot annos, & in ipso bello, in quo ita magna rei militaris esse occupatio solet, ut non vultum imperatori sub ipsi pellibus oculis relinquatur. Cuius autem & Philosophiæ ingenio, scientiaque putaretur Antiochus, Philonis auditor, excellere, cum secum & Quæstor habuit, & post aliquot annos Imperator. Cumque esset ad memoriam, quam ante diutius ea sæpe audienda facile cognovit, quæ vel seipso nudita meminisset posuisset. Delectabatur autem mirifice lectioe librorum, de quibus audiebat. Ac verè interdum, ne talium personarum, cum amplificare velim, imminuam etiam gloriam. Vide Cic. l.c. alibi quæ pluries, Aur. Vict. de Vir. illustr. c. 74. Plut. in Vita, Flor. l.c. alloquitur.

M. BRUTUS.

Stemma ad Junium Brutum refert generis autorem, cui prisce Romani in Capitolio mediam inter Reges posuere statuam ex ære, quæ fuisse tenet ensens, quod fortissime regno pepulisset Tarquinius. . . . Mater ejus Servilia genus regerebat à Servilio. Hala, &c. Plut. in Vita. Sunt, qui ob necem Cæsaris odium in Brutum exortentes, inter quos Dionysius Halicarnassensis, hanc stirpis originem Bruto non consentiunt: quos tamen Possidonii autoritate refellit Plut. ibid. Sed ante ipsos Cic. in Philip. Oration. & de Claris Orat. eum patricium, & ex Junio Bruto genus ducentem dixerat. Florus circa annum Romæ 700. Magno fuit; lenique ingenio, nam doctrina, & Philosophiæ præceptis mores temperaverat. Avunculus ei fuit Cato Philosophus, Servilii frater, quem æmulatus est: quem etiam comitatus est adhuc adolefcent, dum ille in Cyprum contra Ptolemæum missus est. Cæsari carus semper suo matris suæ Serviliæ causâ, quam Cæsar peramaverat: ideo & ipse ex Servilia filius ab ipso censebatur, ut notat Plut. ibid. Hinc etiam contra Cæsarem Pompeji castra secutus, ab eo tamen veniam sæpe obtinuit, & præ cæteris dilectus exivit; suis enim ductibus Cæsar præcepit in pugna, ut parcerent Bruto, & incolumem ad se adducerent. Sic ex pugna Pharsalica à Cæsare servatus, & inter præcipuos amicos in honore habitus est; atque Galliæ Cisalpinæ Præfectus ab eo factus. Brutus cum Cassio, qui Juniam sororem suam in matrimonio habebat, de Prætura contendit. Erat Cassio à prima ætate ingentium odium ad versus Tyrannorum gentem: quare ut Patriam à Cæsaris tyrannide liberaret, Brutum cum aliis in Cæsaris necem conjuratis sibi ad sociavit. Sed omnes Ciceronem de hac in Cæsarem conjuratione celaverunt. Cæsarem igitur in Senatu interfecerunt an. U. C. 710. ante Chr. 44. ac in Capitolium sursum sanguinolentis manibus nudos præferentes pugiones, civisque in libertatem adduxerunt. Multi ex Patribus, & popularibus fidenter ad eos in Capitolium ascenderunt: ad quos Brutus orationem habuit blandam, ac factis consentaneam. Ipsi autem eum laudantibus, & ut in forum descenderent, precantibus, fidenti animo in forum descendunt; quò frequentes Principes circumfusi ipsos perquam magnifice dederunt. Bruti conspectum plebs revereat est; ipsique exorfo dicere

omnes silentium, attentionemque præstiterunt. Cum autem Brutus non adhuc plebi suo se crederet; & ipse, & socii Capitolium Principibus stipati reperiunt. Metuens tamen hic obsidionem, remisit optimos quosque ne & ipsi facti exortēs periculum secum subirent. Verùm omne sustulit periculum Senatus; qui postidie in Eodem Testuris coactus, cum Antonius, Plancus, & Cicero de præteritorum oblivione verba fecissent; non modo illis impositatem decrevit, sed & ut Consules de illorum honoribus referrent. Dimisso Senatu, Antonius filium suum in Capitolium ipsis misit obsidem; sicque iterum Brutus cum sociis descendit; salutationesque & amplexus omnium habuit. Postquam illuxit; iterum Senatus convenit, qui gratias Antonio egit, quod belli civilis initium sedasset; ac Brutum, & socios præsentis laudibus celebravit, atque singulis ipsorum Provincias demandavit: decrevitque Bruto Græciam, Africam Cassio, Trebonio Asiam, Cimbri Bithyniam, Decio Bruto Galliam Circumpadanam. Brutus, & socii sibi paventes Urbe excesserunt, maneruntque primum Antii, ut simul atque elanguisset, & deseruisset ira populi, Urbem redirent. Sed Octavio, Cæsaris ex sorore nepote (quem Cæsar tabulis filium, & hæredem nupcupaverat) recepto nuncio de ejus nece, Romam veniente, Brutus Antonii, Octavii, & plebis iram metuens, Athenis se consult: Eum populus Atheniensis propenso animo, festisque vocibus, & decretis excepit. Diversatus est apud hospitem quendam suum, audientem Theomnosophum quendam Academicum; & Cratippum Peripateticum, unumque cum his vixant literis omnino feriant. Videbatur, & oculis verum in occulto parabat bellum. Nam in Macedoniam Herodratum ad conciliandos eos, qui præerant ibi exercitibus, misit; & adolescentes Romanos, qui Athenis operam dabant literis, fovebat, sibi que adjuungebat; in quibus erat Cicero filius, quem laudibus in cælum ferebat, atque sive vigilet, sive dormiat; mirari se illum adeo fortem judicem, & Tyrannis infestum. Opem quoque ad parandum bellum sibi attulit prætor, vir probus, sibi que familiaris, qui ex Asia cum navibus Romanis, argento onustis Athenas cursum dirigebat; cui circa Caryston occurrit, sibi que cum navibus adiunxit. Brutus, & Cassius junctis copiis pugnantes; Rhodios, Lycios, Xanthios, aliosque superarunt. Brutum ex oblato sibi adhuc vigilanti horrendo spectro (quod interrogatum ab eo, quis hominum, vel Deorum, esset, respondit: Tuus sum, Brute, masus Genius; in Philippis me videbis) animo hærentem lenivit Cassius, qui præceptis imbutus Epicuri, & de his pugnare solitus cum Bruto, inquit, neque hæc vera esse, neque verè existere, sed à nostræ imaginatione formari; mens enim & quod fingitur, & quod fingit, in se habet. Quod Spectrum, iterum, ut promisit, sed mutum se in Philippis Bruto obtulit, pridie quam ultimum bello Brutus superaretur. Verum & alia infausta prodigia Bruto, & Cassio oblata infelicem bellum cum Cæsare, & Antonio futuri exitum prædixerunt. Entimvero in Campis, quæ Romani Philippot vocant; in Urbe scilicet Macedoniæ, castra Cæsari ex adverso Brutus, Cassius Antonio posuit; unde & hoc bellum Philippense vocatur; eodem nempe loco, qui Cn. Pompejo fatalis fuerat. Hinc Virg. 2. Georg. 490. Romanas actus iterum videre Philippi. Commissa acie ardore paræ aliquemdiu dimicatum fuit, ac primo quidem par utrinque discrimen, & anceps prælii exitus visus est. Deinde post variam prælii fortunam Cassius, & Brutus à Cæsare, & Antonio superati; Cassius liberto suo Pindaro caput obrundendum præbuit; Brutus eorum suorumque unum Seratoni dicto confodiendum tradidit latus, postquam secundum, & hoc navale prælium cum Cæsare, & Antonio Brutus solus commisit; in quo victor quidem prius erat, sed victoriæ ignoratio, ut advertit Plur. eundem perdidit. Sicque fortissimi sapientissimique viri, virtute pares, pari

pari etiam infortunio diem ultimum obierunt an. U. C. 712. Porcia vero Bruti uxor, & consobrina, nam Catonis Philosophi, Servilii fratris, filia erat; quæ ardens, & pluriquam verbis dici possit, virum amabat, audito de viri morte nuncio, se ipsam occidere decrevit; sed cum à propinquis, & amicis arma omnia è domo ablata fuissent, & caute servaretur, ne sibi mortem inferret; ipsa ardentibus carbonibus è foco abreptis, & ore clauso, & compresso dentis, oblit, ut Nicolaus Philosophus, Valer. Max. & Plut. in Bruto testantur. Dederat & alterum perfecti, ardentisque in suum Brutum amoris signum, cum hic Cæsarem necare statuit, accepto cultello, quo ungues tonsores rescindere solent, & græmibus è cubiculo exactis pedissequis, altum femori vulnus infligens; ex quo sanguinis magna effluxit copia; dolores ingentes, gravisque febris mox secuti; sicque periculum ipse constantiæ fecisse dixit, & an digna Catonis filia, & Bruti coniux essent; quæ, si in necando Cæsarem vir periret, se ipsam paraverit interimere. Trepidantem deinde Brutum, & discruciatum, quod dolor esset intensissimus, sic affata est: Ego, Brute, in domum tuam Catonis filia nupsisti, non sicut pellicæ ad lecti tantum, & mensæ consortium, sed etiam ad prosperorum, & adversorum societatem, &c. Sic fata ostendit ei vultus, & quod fecisset sui amoris, & constantiæ periculum exposuit, quo probaret, se ad dolorem esse invictam. Brutus tam grande amoris, magnique assimi portentum miratus attonitus. Deos precatus est, ut consilio suo adesse vellent, quod dignum se Porcia præstaret virum. Neque hoc iam infirmum videtur in femina, quæ muliebri sexu superiorem habebat animum, ac Philosophiæ, cui totum se addixerat, præceptis imbutum. Porcia ex primo viro (Brutus enim ipsum adhuc adolescentulam priore viro defuncto duxerat) filiam habuit, cui Bibulo nomen fuit; cuius extat commentarius rerum à Bruto gestarum.

In Philosophia Veterem Academiam secutus est, Præceptorem namque Athenis habuit, præter dictos, Aristum: Qualis autem, ac quantus in Philosophia vir fuerit, ostendunt præ cæteris Plut. & Cic. Eiusse quidem in vita hæc habet. A Philosophorum Græcorum nulla Secta, ut semel dicam, audiendo peregrinus, aut alienus fuit: præcipue verò æschelæ Platonis exitit studiosus. Ac Nova, & Media, quam vocant, Academia parum probata, Veterem sectatus est: Antiochum quidem Ascalonitum in admiratione habuit perpetuo; fratrem verò ejus amicum, & convulsorem paravit Aristonem, exultationis sane excellentia multis Philosophis inferiorem; at modestia, & placiditate comparem vel principibus. Et post pauca ipsum Oratorem, & in scribendis epistolis peritum ostendit, inquit: Latino fuit Brutus ad cæsarenses, & forenses disputationes satis exercitatus. Græce verò consensam, & laconicam dicendi breviter notatus est in Epistolis interim capiasse. Cic. verò Acad. Qu. 1. 30. sic de Bruto; quem cæteroqui summe diligebat: Brutus quidem noster excellens omni genere laudis, sic Philosophiam latinis literis persequitur, nihil ut visum de rebus Græca desideret. Et eandem quidem sententiam sequitur, quam præ, nam Aristum Athenis audivit aliquamdiu; ejus in fratrem Antiochum. Et 2. de Finib. & ipsum laudat, & librum de Virtute ab ipso elaboratum, & ad se missum memorat, inquit: Ego autem quem summe lectionem, cum ad te, ne Græcis quidem cedentem in Philosophia audeam scribere, & quamquam à te ipso id quidem facio provocatus gratissimo mihi libro, quem ad me de virtute misisti. Cum ex allatis Plutarchi, & Cic. testimoniis clare pateat, Brutum Platonicum fuisse; nescio quo innixus argumento M. Morey ipsum Stoicam Philosophiam reliquis prætulisse asserat. Scripsit Brutus præter dictum de virtute librum, Annales etiam Fannii, & Cælli, &c.

Charanta Boeotie natus, Trajani Caesaris principatu vixit, atque etiam ante eum. Dedit ei Trajanus dignitatem Consularem; mandavitque ne quid ille, qui cum imperio præficeret Illyricis, nisi de hujus sententia ageret. Scripsit multos libros, in quibus Vitarum Comparatarum pulcherrimam, atque summe fragoriferam Historiam. Ex Suida. Meminit idem avi sui Lampridis, & Nicarchi præavi Philosophus, & Historicus, & Orator perhibetur, eximius. Postquam sub Ammonio muleum in Philothopia profecit, Græciam, & Aegyptum iustravit, ut doctos nosceret, ac doctrinas adisceret, ac quicquid in hac peregrinatione notatu dignum invenit, literis consignavit. Inde Romam venit, ubi ab omnibus, Trajano præcipue magni æstimatus fuit: imo & ejusdem Imperatoris præceptor à quibusdam traditur; unde Demphler, in Elenchi, scriptor, ait: Plutarchus Chæronensis, Trajani Principis educator, Philosophus, Historicus, Politicus, Antiquarius summus, limatissimique iudici. Verum cum non Græca, sed Latina Epistola sit, in qua Plutarchus Trajani præceptor dicitur; peritissimi Critici jure dubitant de hujus rei veritate, atque hanc Epistolam non Plutarchi, sed alterius esse contendunt. Fertur etiam Chæronæ prætor, sive Archon fuisse; ibique obijisse valde senex; nam Divus Hieronymus affirmat, ipsum ad tertium Adriani adhuc vixisset: alii usque ad Antonini Pii imperium vitam perduxisse ex eo evincunt, quod ipse in Tractatu *An senes Reip. regimen ferre possint*, scriptum reliquit.

Autores vel etiam Critici Plutarchum uno ore laudibus ornant dignis. Voss. de Hist. Græc. Sane fuit Plutarchus vir undecumque doctissimus; idem Philologus, Philosophus, & Historicus summus. Magnam enim horum trium scientiarum undique ejus spirant scripta. Quin etiam habitus fuit Orator bonus. Tamen dissimulare non possum, dictionem ejus gravem quidem esse, sed durissimam videri. Verum levius hunc defectum multijuga adeo scientia abunde summus vir compensat. Scaligerana prima p. 174. Plutarchus sapiens sapientie oculus. Jacob. Palmer. in Exercit. ad Plutarch. Lyland. *Quintus* (hoc est Boeotia amicissimus) fuit Plutarchus, & patria sue glorie semper velificatur. Lips. in Nor. ad 1.1. Politic. c.9. Inter Græcos medios Plutarchus est; qui non Historiam proprie, sed particulas Historie scripsit, & ablegit Illustrum Virorum vitas. Sed dignus tamen, si quis alius, Principe scriptor: qui judicium mirifice format, & diffusa, ac plana quadam scribendi via ad virtutem ubique ac prudentiam ducit; sed ad illam magis, & ut fallor, melior omnino, quam acutus doctor. Jacob. Pontan. Adnotat. ad vol. 2. Progygn. 44. Quid Plutarcho exogitari possit eruditus? quid fuit unquam post homines natos sapientius? Viv. de Trad. Discipl. l. 3. Plenus est autor ille rerum; plenus monitorum ad virtutem. Scripsit magnus hic Philosophus, & dignus Ammonii discipulus Ethica, Historica, & Politica, quæ duobus tomis Gr. Lat. continentur. Vile, præter citatos Autores, Photium Cod. 145. 259. & 269. Marc. Ant. Muret. vol. 2. Orat. 13. Petr. Victor. var. Lect. 123. c. 21. Bodin. Meth. Hist. c. 4. p. 63. Claud. Verder. Conf. in Autores. Joh. Kwald. in vit. Plutar. &c. Illud non præteream, quod habet Roland. Maref. l. 1. Epist. 24. Ego quidem cum Theodoro Gaza sentio, qui interrogatus, si libri omnes perdendi essent, & ipsi optio daretur, quem servatum vellet, respondit, Plutarchum. Est enim vere Thesaurus eorum, quæ præstantissimi in omnibus aliis scriptoribus sparsim inveniuntur, sive Philosophiam, & alias disciplinas, sive Historiam Græcam, & Romanam spectes. Tanto verò judicio pellet, &c.

Pergamenus, quia ex Pergamo, Asiae Urbis, insignis Philosophus, Medicus insignior fuit; qui sub Trajano usque ad Antoninum Pium, & juxta Suidam, etiam usque ad Marcum (Antoninum scilicet Philosophum) Commodum, & Pertinacem Cæsares Athenis, & Romae floruit: Niconis, celebris Geometrae, & Architecti Pergamenti filius exstitit. Dialecticam, omnesque Philosophiae partes primum didicit, in quibus maxime profecit; deinde vero Medicinae sub Satyrone, aliisque sui aevi celebrioribus medicis, operam dedit. Alexandriam petiit insigni tunc scientiarum emporium, ac literarum domicilio, ut literas, & literatos ejus urbis coleret. Inde Romam venit, ibique annum agens quantum supra tricesimum plura volumina composuit. Anno Christi 137. in Asiam rediit: sed paulo post urgentibus Veri, & Marti Antonini epistolis iterum Romam accitus, ibi ad ultimum mortem mansit: Quo defuncto in Patriam reversus est, ubi & consenuit. Cum infirmæ valetudinis esset, sobrius, frugalisque vivens, ætatem ad septuagesimum, & juxta alios, ad quadragesimum & centesimum annum traduxit; id in primis observando, ut nunquam stomacho undique pleno è mensaurgeret, ut ipse in suis operibus testatus est. Incomparabilis profecto vir, magnusque Philosophus, qui omnium Sectarum secreta noverat: quod vel ejus opusculum de Historia Philosophiæ demonstrat. Verum cum periculosissimum morbum, quæstusuzionem vocant, sola sanguinis missione expulisset, atque epilepticos radice Pæonia collo suspensa sanasset: Magis suspicione notatus, Roma discedere coactus est. Pergami obiit anno Christi 200. Hofmannus vero annis 140. ætatis 70. obiisse affirmat: Methodum medendi invenit, quam nostro etiam ævo plures sequuti sunt, qui Methodici, & Galenistæ exinde dicti sunt. Judæorum, & Christianorum hostem professum vocat ipsum Hofmannus in Lexic. Et quidem eos summe oderat, quæ incomprehensibilia, & quæ demonstrari nullo modo possunt, ut cæci crederent. Sed quam inepte id assereret, quisque videt, cum fidem cum Scientia perperam confunderet: Si enim nostra Christianorum Fides nobis credenda argumentis demonstraret, jam non fides, & meritum parens, sed pura scientia esset. Sed ad Galenum redeamus. Cum sæva pestis Romæ grassaretur; Galenus inde statim discessit, tutiorem putans fugam, quam incerta artis remedia.

Scriptit volumina bis centum, ut ex duobus libris, in quibus de suis operibus agit, apparet: quæ tamen in Templi Pacis incendio periire. Suidas refert, ipsum præter Philosophicam, & Medicam, Grammaticam etiam, & Rhetoricam scripsisse. Ex iis, quæ extant, jam cunctis nota recensenda non duxi, quæ Græcè Tom. 5. Latine Tom. 7. in fol. extant. Silentio tamen non prætereunda ejus *Historia Philosophiæ*.

Galenum Alexander Trallianus *divitissimum*, quoties eum nominat, appellat, teste Zacuto Lusitano: Casaubonus *Criticorum non minus, quam Medicorum Principum*: Cardanus *Unum ex duodecim subtilissimis orbis ingentis*. Præcipua de Galeno Autorum testimonia hæc sunt. Vossius de Philosophia, cap. 12. sect. 19. Hoc nemo plura, no maiori undique doctrina scripsit; ut de eo satis sit tacere, quam plura addere. Coelius Rhod. Philosophus, ac Medicus singularis, cujus scientissima, & plurima extant ingenti monumenta, quæ genuinum sapientie eruditorem: memorie proditum à nonnullis, cibi, & potus abstinentia centum, & 40. annos vitam protelasse, & odorificum semper anhelitum spirasse. Unde Adagium, ut Galeni valetudinem dicamus pro ea, quæ ultra humanum capium nimis sit prospera, nimisque inoffensa. Lud. Viv. de Trad. discipl.

discipl. Fusus est Galenus plenusque verborum, nempe Aſianus, sed bonorum, atque elegantium.

T H R A S Y L L U S

Philiſius, ſive Mendefius, quem Tacit. Thraſullum vocat, Platoniciſ Philoſophiſ a Cozzando lib. 1. cap. 9. de Magiſt. Antiqu. Philoſophiſ. adnumeratur. Verùm hoc de ipſo inter Autores conſtat, fuiſſe Aſtologam celeberrimum, & Tiberio propterea carum: illi enim ne dum varia prædixit, ſed cogitationes etiam novit, & patefecit. Memorabile illud, quòd de eo Dion Nicæus in Auguſto, & Tacit. 6. Annal. reſerunt. Et primus quidem loco citato de Tiberio, dum in Rhodi-ſiſula ab Auguſto relegatus morabatur, hæc habet: Is propter ſtellarum cognitionem erat Vates exercitatiſſimus, babebatque Thraſullum, virum in Aſtronomia peritiſſimum, qui ſcſebat optime, quid ſibi, atque illiſ eſſet eventurum. Nam ſerunt, Tiberium aliquando ſtaſuiſſe Rhodi Thraſullum è muro præcipitare, quòd is ſolus omneſ cogitationeſ ejus cognſceret: ſed ac eum maſſum eſſe animadvertit, rogavitque cauſam moriſ, atque is reſpondit, ſe periculi cuiuſdam ſuſpicionem habere; Tiberium admiratum, quòd propoſuerat, non feciſſe. Sic enim omnia certò ſcſebat, ut cum vidſſet procul navem, in qua nuntiſ videbatur, quem de reditu in Urbem mater, & Auguſtus ad Tiberium mittebant, ſtatim, quòd ille nuntiſ erat, prædixit. Tacit. vero loco citato Thraſulli in Chaldeorum arte peritiſſum memorans ait de Tiberio: Scſſia Chaldeorum artiſ, cuiuſ apſcentie vetitum apud Rhodum magiſtrum Thraſullum habuit, peritiſſam ejus hoc modo expertuſ: Quæſiſe ſuper negotio conſularet, edite domuſ parte, ac libertiſ antiſ conſcientia marte præcipitabat, ne indeſ arcani exiſſeret. Igitur Thraſulluſ iſdem raptuſ inductuſ, poſtquam perſequentem commoverat, imperium ipſi, & futuſ ra ſolſſiter pateſciens: interrogatur, an ſuam etiam gentilem horam comperiſſet, quem cum annum, quem diem haberet? Ille poſtuſ ſiderum, ac ſpacia diſenſuſ, habere primuſ, dein poſteſcet; & quantum introſpiceret magiſ, ac magiſ trepiduſ admirationiſ, & meruſ, poſtreſſo exclamat, ambiguum ſibi, ac prope altitimuſ diſcrimen inſtare. Tum complexuſ eum Tiberiuſ, præſciũ petitorum, & incolumem fore graturuſ, quoque dixerat, Oracuſi vice accipienſ, inter intimoſ amicuſ tenet. A filio etiam, ejuſdem Thraſulli prædictuſ Neroniſ imperium reſert Tacituſ. Thraſylli meminit etiam Juvenaliſ Sat. 6. & ejus Schollaeſ; Sueton. &c.

A R I S T I D E S

Philoſophuſ, Patria Athenienſiſ, Scſſa Platoniciſ, religione Chriſtianuſ fuit. Ut Chriſti-Evangelium per Philoſophiam propugnaret, præclaram Apologiam pro Chriſtianiſ compoſuit, quam Adriano Imperatori obtulit: Eam memorat Eufeſ. in Chron. & Hiſt. lib. 4. cap. 3. & 5. atque ſuo etiam tempore extare aſſerit Divuſ Hieronym. de Script. Eccleſ. 3. 20. atque alibi. Videt etiam Barſonium in Annal. & Martyrol. Verba Eufeſii in Chron. pag. 36. ſunt: Quadratuſ diſcipuluſ Apoſolorum, & Ariſtideſ Aſebenſiſ noſter Philoſophuſ, libroſ pro Chriſtianiſ religione Adriano dedere compoſitoſ. Et Serenuſ Granuſuſ legatuſ, vir apprime nobiliſ, ſitæ ad Imperatoreſ mittit, iniquiſſimuſ eſſe,

esse, dicens, clamoribus vulgi innocentium hominum sanguinem concedi, & sine ullo crimine nominis tantum, & sectæ reos fieri. Quibus commotus Adrianus Minuto Fundano. Proconsuli Asia. scripsit, sine objectu criminum Christianos non condemnandos. Cujus epistola usque ad nostram memoriam durat exemplum.

APOLLONIUS

Senator Romanus, genere quidem clarus, clarior tamen pietate, spiritu, ac Christiana religione fuit: quam, non secus, ac modo dictus Aristides, ac plurimi eo tempore Platonicorum, per Platonitam Philosophiam defendit. Cum enim à quodam servo suo Christiani nominis reus delatus esset, denatui *Apologiam*, quam pro Christi fide tuenda consecravit, exhibuit. Unde & Martyrii coronatur, obruncato capite, promeruit anno Christi 186. vel 190. sub imperio Commodi. Perperam tamen Nicephorus, ut Hieronym. & Euseb. advertunt, hunc cum Apollonio confundit; doctissimo quidem viro, qui *Insigne*, & *longum volumen*, ut Hieronym. ait, in Montanum, Priscillam, & Maximillam, quæ Montano pro Prophetis erant, composuit anno Christi 173. sub Commodi, & Severo.

Diversus autem ab his fuit *Apollonius Chalcidensis* Philosophus Stoicus, Imperatorum Marci Antonini Philosophi, & L. Veri præceptor sec. 2. qui totis viribus conatus est Bardesanem Syrum à Christiana religione dimovere. Hic verò ne dum Apollonio Apostasiam suadenti, resistit; sed plures Tractatus composuit, quibus Christianam religionem tueretur. Scripsit enim contra Valentinum, Marcionitas, aliosque sui ævi hæreticos. Verum id suo malo factum est, ut eosdem hæreticorum errores, quos oppugnabat, propugnaret; imo & hæresiarchæ infamiam nactus, doctrinæ suæ sectatoribus Bardesanitarum nomen reliquit. Scripsit etiam Bardesanes præclarum opus, quod Hieronym. admiratus est, contra Abydam Astronomum, Imperatori M. Antonino dicatum.

Fuit & alter Bardesanes Babylonius, qui sec. 3. vixit tempore Alexandri Severi, & Tractatum de Brachm. & Gymnosoph. composuit. Sed ad Apollonium redeamus. Hic cum ab Antonino Pio accitus Chalcide Romam venisset; sui plenus Imperatoris ait, non quidem decorum esse, magistrum ad discipulum visendum venire, sed contra. Quam ejus vanitatem Imperator despiciatam habens, ridens subdit, Apollonio facilius fuisse Chalcide Romam venire, quam ex hospitio in Palatium regium. Multa vero Imperatoris gratia illi fuit. Vide Jul. Capitol. in Marco Antonino, & alibi.

ATHENAGORAS

Atheniensis Presbyter, Philosophus Christianus, Romam ad Christianorum defensionem circa annum 170. veniens, *Apologiam* conscripsit, quæ ipsorum innocentiam, & morum probitatem ostendit; eamque M. Antonino obtulit. Autor etiam est operis *De Resurrectione mortuorum*: quod opus tum seorsum editum, tum Bibliothecæ Patrum insertum habetur. Baron. restatur, *Apologiam* ab Athenagora Imperatori traditam fuisse anno 179. sed probabilius videtur, id paucis ante annis fuisse. *Apologiam* Latinam fecit Conradus Gesnerus, & Suffridus Petri. Tractatum vero de *Resurrectione* Nannius, & Henricus Stephanus. Vide Trithemium, Bellarm. Possey. Le Mire, &c.

HISTORIÆ PHILOSOPHIÆ

MAXIMUS TYRIUS

Sic dictus à Tyro, Phœnicie Urbe, ubi natus est. Philosophus hic Platonicius Romam venit anno Chr. 146. ibique Apollonium, Arrianum, aliosque Philosophos familiares habuit. M. Antoninus Imperator Maximī discipulus fuit, eumque & gratia, & honore dignum fecit. Fertur vixisse ad Commodi usque imperium; ac 41. Dissertationes scripsisse, quæ adhuc extant, quas Cosmas Pazzi, sive Pactius insilio sec. 16. traduxit: eas tamen mendis expurgatas correctiores edidit, ac notis illustravit Heinsius an. 1624. Notandum hic, Suidam, & hunc secutos Cosmam Pactium in ejus vita ad Julium Secundum Pontificem Maximum, & Raphaëlem Volaterranum, referre, Maximum Tyrium non sub Antonino Pio, ut putat Eusebius in Chron. sed sub Commodō vixisse. Et quidem Suidas hæc habet: *Maximus Tyrius Philosophus docuit Romæ sub Commodō: Scripsit in Homerum: est & ejus Antiqua Philosophia, &c.* Occasione Maximī Tyrii, qui Romæ docuit, de aliis hujus nominis Philosophis hic agere, quamvis non esset hic locus, facultas sit.

Maximus Ephesus, Aedil auditor, Philosophus Cynicus, idololatra, & magicus, sec. 4. vixit, ac cum Juliano Apostata in Urbe Nicomediæ familiariter egit: cui in Christianam religionem odium inspiravit. Julianus Maximum tanti fecit, ut ei ad se venienti obviam iverit. Ipsum etiam sibi consiliarium, ac operum suorum censorem elegit: certus enim ab ipso redditus erat, se ad imperium perventurum. Cum autem Julianus Persis bellum indicere in animo haberet, plura consuluit oracula de bello gerendo: verum adiens à Maximo, ipsum insignem de Persis triumphum, atque Alexandri Magni similem contecturum, sui plenus adeo fuit, ut certo certius duxerit, Alexandri animam per Metempsychosim suum ipsius corpus subisse. Sed tandem miserrime obijt impius Julianus anno 363. frustra adhibitis Magici consiliis, quibus adductus tot, ac tanta in Christianam religionem mala patravit. Jovianus, Juliani successor, Maximum etiam ob suam virtutem magno habuit in honore. Verum male habuit à Valente, qui edictum contra Philosophos magos promulgavit: unde ipse Ephesum rediens, iustam suorum scelerum poenam passus est, ibi moriens anno circiter 366. Eunap. in vit. Philosophi, Socrates, Sozomenus, &c.

Maximus Alexandria natus, & ipse Cynicus, sed Christianus fuit. Hic vaferimus cum esset, Constantinopolim venit circa annum 379. ac Martyris filium se esse simulans, atque pro Christi fide in solitudine Oasis exilium, sustulisse; à Gregorio Nazianzeno humanissime acceptus, & eadem cum ipso mensa dignus fuit: ipsum enim ut Christi defensorem habebat; unde & publica oratione ipsum laudavit. Atqui Maximus tot Gregorii beneficiis ingratus, ipsum de Episcopatu detrudere, & se in ipsum intrudere contendit. Quare ad Imperatorem Gratianum venit, Mediolani tunc commorantem, eique ut sibi gratus fieret, librum contra Arianos obtulit, quem Hieronym. summe laudat. Deinde Constantinopolim rediens, ibi à septem Episcopis, à Petro Alexandrino, Maximum protegente, missis, Episcopus creatus est clam populo, & Gregorio tunc degente. Hinc schisma in Constantinopolitana Ecclesia ortum, Presbytero quodam, qui Gregorio insensus erat. Maximum tutante. Sed à Gregorio, & à populo ut seditionis Constantinopoli ejectus, à Petro Alexandrino, magni tunc nominis Episcopo, derelictus, & à Theodosio, Gratiano in Imperio socio, minis affectus, in Apollinaris hæresim incidit. Quare ab Episcopis damnatus, misere obijt. Vide Greg. in sua vita, & Orat. ad Maximum; Cassiod. Baron. &c.

Deni-

Denique *Maximus Epirota, sive Byzantius, Philosophus, Magister Juliani Cæsaris Apostata, scripsit de Insolubilibus Antistheibus, de Exordiis, de Numeris, Commentarium in Arist. & alia quadam ad eundem Julianum. Verba sunt Suidæ in Maximo. Secta Platonicus fuit.*

S. JUSTINUS MARTYR

Philosophus insignis, Secta Platonicus (quam Sectam plurimi SS. PP. primis Ecclesiæ seculis secuti sunt) natus Neapoli Palæstinæ, patre Prisco Baccchio, ad Christum vero conversus cum Christianorum in Martyriis perferendis constantiam miraretur. Non philosophica tantum scientia, sed & habitu quoque philosophico ornatus erat, referente Suida; quo etiam habitu Christum prædicabat, teste Eusebio: cujus fidem, & vitæ probitatem, & doctissimis Apologiis ad martyrii coronam usque propugnavit. Cum enim sub Antonino Pio magna in Christianos persecutio orta esset, ipse duas Apologias ad Imperatorem, & Senatum composuit, quibus Christianam religionem innoxiam, justam, & sanctam probavit; & Christianos à criminibus vindicavit, quæ falso ipsis Ethnici obiciebant, potissimum vero Crescens Cynicus; ut præter cæteros testatur Euseb. ad an. Chr. 154. his verbis: *Crescens Cynicus Philosophus, qui Justino, nostri dogmatis Philosopho, qui se gulosum, & prævaricatorem Philosophia arguebat, persecutionem suscitavit, in qua ille gloriose pro Christo sanguinem fudit.* Martyrium Justini ponit Morery ad an. Chr. 163. Cal. Jun. ex Menologio Græco, vel Idib. April. ex Martyrol. Romano; Eusebius tamen in Chron. ad annum 154. alii ad annum 164. Apologias tamen Antonino tradidit circa annum 140. vel 143. ut vult Euseb. Romanorum autem Philosophis Justinum adnumeravimus, quia *ἐν τῇ πρώτῃ ἀπολογίᾳ αὐτοῦ*, &c. *hic Roma habens exercitationes, &c.* inquit Suidas.

Scripsit, præter dictas duas Apologias pro Christianis, plurima, quorum alia quidem genuina, alia dubia, alia suppositicia, alia extantia, alia non; quæ Suidas, & alii memorant. Ea vero Gul. Cave sic partitur. Opera genuina sunt *Parænesis ad Græcos. Elenchus, sive Oratio ad Græcos. Apologia pro Christianis, Prima scilicet & Secunda. Liber de Monarchia Dei*, forsitan in fine nullus. *Dialogus cum Tryphone Judæo. Epistola ad Diognetum.* Opera, quæ non extant: *Liber de Anima. Liber Psalter dictus. Contra omnes hæreses. Contra Marcionem. Commentarius in Hexameron. De Resurrectione carnis*, teste Damasceno. Opera dubia: *Aristotelicorum quorundam Dogmatum Eversio. Epistola ad Zenam, & Serenum.* Opera suppositicia: *Questiones, & Responsiones ad Græcos. Questiones Græcæ de Incorporæ, &c. Et ad easdem Christianæ responsiones. Questionum 146. Responsio ad Oribados. Dubitationum adversus Religionem summaria solutiones. Expositio Fidei de S. Trinitate.*

Justinus Martyr, quia vicinus Apostolorum temporibus fuit, Apostolorum doctrinam bene perspectam habuit. Quare ipsum, ut Apostolicum virum citant Euseb. Basil. Epiphan. & alii PP. & Euseb. quidem ait: *Reliquit nobis Justinus plurima eruditi animi monumenta, ac omnis generis utilitatis plena.* Photius in Biblioth. *Est vir ille ad Philosophiam tum nostræ, tum potissimum profanæ summum evedus fastigium, multiplicisque eruditionis, & historiarum copia circumfluens, &c.* Et Erasim. in Epist. *Libros eruditissimos Justinus scripsit adversus Valentinianos, & Marcionem. Præterea de Hæresibus, & Hæreticorum præscriptis, quos si quis legere non gravabitur, rectius intelliget Irenæi libros. Scaligerana posterior. Justinus Martyr simplex est: juvat tamen quid dicat*

dicit inspicere. Anastasius Biblioth. in Hist. Eccles. ipsum vocat *Philosophum Divinum*. Gravis, & Pius scriptor ab aliis, & Vir maxima dignus admiratione &c. dicitur. Dallæus de Usu Patrum pag. 255. ipsum prius laudat, dicens: *Omniū Patrum antiquissimus est Iustinus, magni apud veterum historiarum nominis, non solum propter insignem rerum divinarum, & Philosophiæ cognitionem, sed etiam propter zelum illum, quem luculentissime, & magna cum laude exercuit, cum mortem pro Christo fortiter appetiit*. Verum postea in multis reprehendit, asserens, ipsum cum Chiliaistis sentire, quod scilicet Fideles Hierosolymis mille annos regnaturi sint, antequam Resurrectio penitus perficiatur. Quod Dei essentiam quodammodo finitam putet: Quod de Angelis absurda locutus sit &c. Sed quanta Dallæi verbis fides adhibenda sit, judicent alii. Casaubonus Exercit. 1. ad Apparat. Annal. Baron. num. 69. affirmat, eum Prochronismo, & Metachronismo in Historia peccare. Dionysius Petavius Iustinum refert inter eos, qui idem, quod Arius, ante tradiderunt, ideoque rejicit Expositionem Fidei, quæ sub nomine Iustini circumfertur. Sed supra notavimus, hoc opus ex Supposititiis esse. Du Pin in Nov. Biblioth. eum. Eccles. tom. 2. pag. 160. & 161. ejus veluti Apologiam texuit, asserens, aut à nobis circa Trinitatem dissentire videri, quod Platoniorum principis insistat; verum non re, sed suus sensus enunciandi modo dissentire: cæterum, ipsum laudat. Vide etiam Gul. Cave in Hist. Literat. ubi eum excusat, quod Hebraicarum literarum rudis fuerit, Græcis disciplinis totus additus, Græcisque parentibus ortus. Extant ejus Opera Gr. Lat. cum notis Sylburgii, Perizonii, Billii, & Petri Lausellii. Fol. Parisiis 1636. Fuit & alter Iustinus Historicus, Martyris cœvus.

T A T I A N U S

Iustini discipulus fuit, genere Syrus, secta & ipse Platonicus, qui Romæ docens innumera ferme volumina conscripsit, inter quæ maxime elucet *Liber contra Gentes*, qui in Biblioth. SS. PP. tom. 3. extat; & quem ipse in Catholicæ Fidei defensionem fecerat. Sed Romæ digressus in Orientem rediens, & in superbiam elatus, à Fide Orthodoxa defecit, in varios incidens Valentini, Marcionis, & Saturnini errores. *Diatessaron*, sive *Concordiam Evangelistarum* composuit; ab Evangelistis tamen, quæ suis erroribus contraria erant, prius abstulit. Contra hunc scripsit Musanus, Apollinarius Hieropolitanus, Clemens Alexandr. &c.

P H I L O.

Quamvis hic de gente Judæo-Alexandrina fuerit, & eorum unus, qui *Ἑλληνιστῆς* Hellenistæ, hoc est, Judæi Græcissantes vocabantur, & Alexandriæ fere semper vixerit, quia tamen an. Chr. 40: Princeps Judæicæ legationis Romam ad Caligulam missus primo fuit, inde iterum ad Claudium venit, quo tempore cum Apostolorum Principe & sermonem habuit, & amicitiam coluit, teste cum Hieronymo, tum Photio; merito Romanorum Philosophis ascribendus. Addit Photius (qua tamen auctoritate ductus non liquet) Philonem Christianorum etiam sacris initiatum, ab iis tandem descendisse. Atqui à Divo Hieronymo, teste Bellarm. de Script. Eccles. inter Ecclesiasticos Scriptores numeratur, tum quia scripsit in laudem Christianorum, qui sub S. Marco Evangelista in Ægypto religiosissime vivebant; tum etiam quia divinas Veteris Testamenti Scripturas primus exposuit. Quod tamen sub

sub nomine Philonis circumfertur *Breviarium Temporum*, ab omnibus rejicitur; sicut & alii Historici, qui cum hoc Breviario simul editi sunt. Scripsit etiam librum, cui titulus *Cajus reprehensus*, & alterum, qui *Flaccus reprehensus* dicitur. His libris Philo Caligulam, & Claudium fidei nominibus increpat; nam male nimis ab ipsis acceptus est. *Quibus in libris magis, quam in aliis dicendi vis ejus, ac venustas apparet. Peccat tamen non raro ideis transmutandis, cæterisque à Judaica secta alienis describendis.* Phot. Biblioth. cod. 105: Ejus opera cum versione Sigismundi Gelenii, aliorumque Parisiensium edita anno 1640. in tres partes distincta sunt; quarum prima continet *Cosmopoëtica*: secunda vero *Historica*: tertia denique *Juridica*, seu *Legalia*. Hæc autem de Philone autorum testimonia sunt.

Euseb. Hist. Eccles. 11. c. 17. *Philo verbis copiosus, sententiis locuples, & in divinis Scripturis explicandis altus, inque sublime se tollens.* Vide etiam eundem l. 2. c. 4. ubi plura laudabiliter in eum concessit. Keckermann in Auctuar. ad Comm. de nat. & propriet. Hist. c. 3. *Scripsit de Vita Moysi, vir secretioris Philosophiæ peritissimus, ex genere Sacerdotum Judaicorum, & Alexandri Alabarabæ frater, inter primores Alexandrinos merito numerandus: plurimum curæ, & laboris posuit in divinis, & patris institutis percipiendis, itemque in Philosophiis, & externæ literaturæ disciplinis, secutus doctrinam præcipue Pythagoræ, & Platonis, ita ut inter cunctos suæ ætatis viros doctos præmineret.* Divus Hieron. Epist. 84. *Quid loquar de Philone, quem vel alteram, vel secundum Platonem Critici pronunciant?* Et de Script. Eccles. *Philo disertissimus Judæorum. De hoc vulgo apud Græcos dicitur: aut Plato Philonem sequitur, aut Platonem Philo: tanta est similitudo sensuum, & eloqui.* Sixt. Senens. l. 4. Biblioth. *Hic sane vir fuit Pythagoricæ, Platonicæ, & Aristotelicæ Philosophiæ peritia omnibus suæ memoriæ hominibus longe superior, sed & Græcæ sacundie inter omnes tam Christianos, quam Judæos, & Ethnicos ætatis suæ facile principem locum obtinuit. Non desuere tamen, qui ei propriæ, hoc est Hebræicæ linguæ imperitiâ adscripserint. Hujus Opera in tantum admirati sunt Romani, ut digna existimarent, quæ in ipsorum publica Bibliotheca, tanquam monumenta quadam, reponerentur. Fuit præterea, ultra quàm dici queat, admirabilis in divinis scripturis exponendis. A Batoni. vol. 1. appellatur. Vir disertissimus, qui res Judæicas præ cæteris calluit. Scaliger Elench. Trihæres. Scripta ejus pigmentis Platonis condita, & multis luminibus Hellenismi lita esse, ait; ipsumque vocat ibi hominem Græcæ tantum loquentem, Hellenismi vero adeo imperitum, ut dubitet, an etiam legere sciret Hebræicæ: cujus rei causam addit Epist. 13. Verum in Conjectan. ad Verr. p. 72. ipsum Platonis æmulum ac magnum imprimis virum appellat: Vide etiam Clem. Alex. Epiph. August. Theodoret. Suid. Nicephor. Trithem. Possevin. &c.*

Quæstio inter autores est, an Liber Sapientiæ, qui in Sacris Bibliis Salomoni inscribitur, Philonis sit, adscribi autem Salomoni, ut libro conciliaretur autoritas. De quo ita sentit Voss. l. 1. Idololatr. c. 11. ubi de veneratione animarum loquitur: *Qui cultus unde originem traxerit, ostendit liber Sapientiæ, Salomoni à multis etiam veterum attributus, quum sine dubio alterius sit, & ut credibile, Philonis, non illius, qui Claudii vixit ætate, & Moyses Atticissans dictus fuit, sed longe verustioris, qui sub Onia Sacerdote, annis ante Christum 160. tot pulcras sententiæ vel scripserit, vel concesserit.*

Secta Cynicus sub Caligula vixit sec. 1. Hunc à natura productum, ait Seneca, ad ostendendum, posse quempiam in media hominum perversa multitudine probum, & iustum conservari. Cum eximiam omnium existimationem in sua Philosophicæ libertatis professione indeptus esset; Caligula ut eum sibi familiarem adjungeret, dono id consequi posse putavit. Hoc autem Demetrius despectui habens, ait: *Toto eram illi experiendus Imperio*. Vespasianus iussu Romæ exulavit; ac Corinthi tunc diu tempus degit. Romani enim sicuti Pythagoricos ob Magiam, quam colebant, Urbe eliminabant; ita & Cynicos propter superbiam, qua cunctos despectui habebant, & nimiam linguæ procacitatem, qua omnes feriebant, non sustinebant. Et quidem Demetrius obviam in itinere Vespasiano factus, neque assurgere, neque illum salutare dignatus est; sed oblatravit nescio quid; Imperator autem tunc satis habuit canem eum appellare: Diogenem vero juniorem ob linguæ procacitatem virgis cædi iussit. Iudorus etiam Cynicus Neronem in publico transeuntem clara, & alta voce corrigere non est veritus, quod Nauplii mala bene cantitaret, sua bona male disponeret. Vide Cozzasium de Magisterio Antiquorum Philosophorum l. 3. c. 3. Phavorinus in Orat. de Demetrio loquitur, & Philostratus de Vita Apollonii Tyam l. 4. c. 8. cuius etiam Apoll. discipulum fuisse refert. Tacit. in fine Annal. de Peto Thrasea, mortis à Nerone damnato, loquens ait: *Maxime intendit Demetrio, Cynicæ institutionis doctore: cum quo, ut coniectare erat intentione vultus, & auditu, si qua clarius proloquebantur de natura animæ, & dissociatione spiritus, corporisque inquirebat*. Vide etiam Senecam de Benef. l. 6. c. 8.

STOICI.

ATHENODORUS TARSENSIS

Sic dictus, quod Tarsi civis ab omnibus fere habetur, etiam Cedrenus, atque alij, sed minus recte, Alexandriæ ortum scribunt. Tarsensis autem vel ex eo fuisse videtur, quod ab Augusto, cui familiaris, & magister, teste Luciano, fuit, obtinuit, ut Tarsus vestigalia nulla solveret. Dictus etiam est *Bonavita*, sive de alij malunt, *Cananita*, à Tarsi vico quodam ad differentiam alterius Athenodori Tarsensis, & Stoici, qui Cordilion dicebatur, de quo infra. De primo sic Strabo libro 14. *Athenodorus Sandonis, quem & Cananitam à pago quodam vocant, Cesaris præceptor fuit, magnosque est bonos consecutus*. Dictus autem Sandonis, quia Sandonis filius erat. Athenodorus, de quo nunc, cum Augustum ad iram proclivius videret, hoc ei præcepit, referente Suida: *Cum ira, Cesar, te ceperit, nihil prius neque dixeris, neque feceris, quam ipsa* 24. *Elementa literarum. Græcarum tecum ipse percueris, ut ita concitato illa, quæ momentosa est, parvi temporis interjectu languescat*. Secta Stoicus fuit, eumque Augustus Tiberii magistrum designavit. Opus quoddam Octavio inscripsit. Scripsit & seria quædam, alia jocosa, atque opus de dissertationibus; atque alia. Strabo lib. 14. Eusebius in Chron. ad an. Chr. 10. Vignierus, Vossius, atque alij.

Fuit & alter Athenodorus Tarsensis, & Stoicus, cognomine *Cordilion* appellatus ut modo dictum, qui Catoni Minori familiaris fuit, & apud quem obiisse

obitisse dicitur. De hoc ita Plut. in Cat. Athenodorum autem cum intellexisset, Cordilionem cognomine, in Stoica disciplina excellentem apud Pergamum agere aetate jam provecum, qui, pertinacissime omnium, Imperatorum, Regumque usum, & amicitiam repulerat: nihil arbitrabatur se nunciis, & literis apud eum effecturum: verum quod in duos menses haberet jus libera legationis, in Asiam est ad eum profectus, confidens virtutibus suis non frustratum iri se praeda. Collocutus cum eo &c.

Athenodorum Atheniensem, secta etiam Stoicum, Dionysii Areopagitae discipulum, missum facio; nec enim hujus est loci.

C A T O M I N O R,

SIVE PRÆTOR, ET UTICENSIS

A Marco Porcio Catone (quem ab aetate *Majorem*, ab officio *Censorem* appelliant) proavo suo Stoico, ob virtutem Romæ tunc clarissimo, & potentissimo, clarum duxit originem. Ex Prætura; quam summa laude obivit, PRÆTOR dicitur: UTICENSIS autem, quia Uticæ mortuus est, ut infra notabitur. Cum Fratre Cæpione, & Porcia sorore adhuc adolescens parentibus orbat, à Livio Druso avunculo, & principe tunc Civitatis educatus est. Sexviliam etiam sororem habuit uterinam Lucullo nuptam, sed propter impudicitiam inde repudiatam; ut supra in Lucullo. A prima aetate sapientiæ, probitatis, ac prudentiæ, vultu, verbis, & actione signa dedit. A risu alienus, raro vel ad levem risum ora deflexit. Ad iram tardus; sed ubi exarserit, placatu difficilis. Literis addiscendis addictus piger, & fere stupidus ad percipiendum fuit, sed quæ labore memoriam mandaverat, nunquam oblitus est. Primus ei præceptor Sarpedo. Major inde redditus, & Sacerdos Apollinis factus, accepta sua hereditatis portione centum viginti talentorum, atque Antipatro Tyrio Stoicæ Sectæ Philosopho, domum accersito, Ethicæ, & Politicæ studiis potissimum se dedit; unde & iustitiam, ad benignitatem, vel gratiam semper inflexam, amplexatus est. Cum etiam dicendi facultati vacaret, & nemo unquam declamantem ipsum audiret, dicenti amico: *Homines silentium tuum, Cato, reprehendunt*; respondit: *Modò ne vitam. Tunc ad dicendum accingor, cum non disturus sim silentio digna*. Athenodorum etiam Stoicum, Cordilionem dictum, in Asiam pergens domesticum semper habuit præceptorem. Quantus Syllæ imperii majestatis terribilis, & tyrannidem Romæ exercentis, in Catonem puerum amor erat; tantus & Catonis in Tyrannum ardor erat odii. Nam cum sæpe Sarpedo ipsum ad Syllam obsequium præstandi causa adduceret; videns Cato multos civium in palatio, tanquam in carnificina, torqueri, illudriumque virorum capita efferri; magistrum interrogavit: *Cur eum hominum nemo interficeret? Cui Sarpedo: Quia eum timeant*. Tum Cato annum agens 14. ei ira percitus subdit: *Cur mihi gladium non dedisti, ut, occiderem, asseruimus servitute Patriam?* Hanc autem animi magnitudinem, Incorruptam iustitiam, & amorem in patriam è Philosophiæ Stoicæ præceptis hauserat vel à puero; cujus etiam sæpe in vita specimen exhibuit. Auxilium, Sorani filiam, duxit; quam ob impudicitiam, post duos ex ea acceptos filios, repudiavit, & Martiam duxit, Philippi filiam, probam, & magni nominis mulierem. Q. Hortensius, Catonis familiaris, vir magna auctoritate, & probatis moribus, ipsam in uxorem à Catone petiit, quod ei necessaria non esset amplius; susceperat enim ex ipsa prolem satis magnam. Cui Cato respondit, nolle se huic Hortensii desiderio adversari; sed oportere, ut Philippus, Mar-

tiæ parens, in id etiam consentiret. Quare Philippo præfente, & sponsalia comprobante, eam Hortensio cessit: quo mortuo, in suam iterum assumpsit; ut refert Thraseas ex Munatio, Catonis contubernali: Quod occasionem dedit Cæsari hoc in Catonem convicium dicendi, quod uxorem pauperem dederit, ut Jocupletiore recipere: sive, ut Plutarchi verbis utar, juvenem commodavit, ut reciperet divitem: quare ipsum *Mercenarium Maritum* appellavit; Hortensius enim dives nimis ipsam hæredem fecerat.

Cato Cæpionis fratris sui causa, quem peramabat, & qui militum Tribunus erat, voluntaria stipendia in bello fecit servili; quod scilicet servi conjurati sub Duce Spartacio excitaverant; unde & Spartacium bellum vocatum est. In hoc bello inde Tribunus militum factus in Macedoniam missus est ad Rubrium Prætorum an. ab U. C. 681. Mirum quam similes sibi verbis, & exemplo milites reddiderit, bellicosos scilicet, alacres, & fortes. Interea Cæpio Asiam petens ex morbo oblit. Eni. in Tracia. Cato, accepto per literas mortis nuncio, eò perrexit; quem ubi jam mortuum invenit, plusquam Philosophum decebat, ploravit inconsolabili luctu; atque in monumento ex Thasio marmore confecto, quod octo talentis emit, honorifice sepelivit. Hac prima militia defunctus Cato, cum in animo haberet, priusquam ad Remp. accederet, visere Asiam, ac mores, & instituta populorum investigare; militibus suis valere dixit: qui non votis solum, & præconiis, sed lacrymis, & amplexibus ipsum sunt prosecuti, vestes in via, qua pergebat, sternentes, manusque ejus deosculantes: quæ vix paucis Imperatoribus præstabant illius temporis Romani milites. Cum ad Pompejum salutandum, exercitu, & dignitate præpotentem, divertisset; hic tanquam uni ex primoribus e sede exurgens processit obviam, summoque honore, & amplexibus excepit; ipsum licet magis suspiceret, quam amaret. Similiter & omnes civitates, quas peragrabat, ipsum cæna, & hospitio honorifice excipiebant. A Dejotaro Rege Galatiæ, populi Romani amicissimo, & Pompeij partes in Pharsalico bello secuto, invitatus, & rogatus, ut oblata sibi dona acciperet, Philosophorum more recusavit; imo & postredie ab ipso discessit. Facto autem unius diei itinere, plura prioribus dona Pessinuonte oblata ei sunt cum Regiis literis, quibus Rex ipsum obtestabatur, ut ea sibi, vel sociis acciperet: Sed hæc iterum omnino repudiavit, Dejotaroque remisit.

Post Asiæ peregrinationem Romam una cum Cæpionis reliquiis reversus, Quæsturam obtinuit; ad quam tamen non accessit, quin prius Quæstorias leges perlegisset, ac Quæsturæ scientiam ex peritis adeptus esset. Unde simul ac factus Quæstor fuit, multa in ministris Ærarii, ac Scribis novavit, eorumque muneris incitiam coarguit, scelestæ agentes multavit; adeo strenue negotium hoc capessens, ut non satis habuerit nomen, & honorem dignitatis habere, sed credidit sibi Quæsturam rigide administrando, & à Justitiæ proposito nec hominum dignitate, nec precibus, nec minis dimoveri unquam potuit; & Curia Ærarium brevi tempore reddidit augustinus. Unde id omnes ferebant, Consularem amplitudinem à Catone quæsturæ adjunctam fuisse. Reverebatur eum populus, & ut Quæstorem integerrimum habebat: nam & ab Ærarii debitoribus rigide exigebat, & ejusdem creditoribus cito, & promte solvebat; sicque effecit simul, ut Resp. nec quempiam fraudaret, nec à quopiam fraudaretur. Ab iis, quibus Sylla Dictator duodecies milles denarios in capita largitus erat, atque ab omnibus, qui pecuniam publicam injuste tenebant, rigide ipsam exegit; Ærarium ad summum auxit: sicque docuit, posse Remp. citra ullius injuriam esse locupletem. Ejus igitur Quæstura ad novissimum usque diem celebris, singularis, & admiranda fuit. Hanc in rem notanda

hic,

hæ; quæ habet Plut in vita. Cum Cato Clodium Urbe cedere cõgisset, nequissimum, & potentem nimis hominem; Cicero gratias ei egit; cui Cato: *Reip. potius agenda, cujus causa omnia facta*. Ejus in Rep. fides, & auctoritas tanta fuit, ut cum unum testimonium in judicio proferretur, orator ad Judices dixerit: *Uni testi, ne Catoni quidem, standum est*. Vulgus etiam de rebus absonis, & incredibilibus proverbio dicebat: *Ne si Cato quidem autor sit, esse credendum*. Cum publicorum negotiorum vacatio erat, liberos, & Philosophos ad prædia sua in Lucaniam deportabat. Detecta à Cicerone Catilinæ conjuratione, Cato in dicenda in reos capitis sententia Ciceroni se adjunxit, ac Cæsari, poenam minuenti, resistit; ut supra in Cicerone dictum. Et tunc quidem Tribunus Plebis erat Cato: quo munere, ut & aliis, integerrima justitia functus est. Illud autem dignum, quod notetur, Tribunus Plebis existens fecit; ne Comitia scilicet Consularia venalia amplius essent. Quare juravit, se cujuscumque nomen delaturum, qui nummos ad id dedisset.

Quæsturæ suæ tempore Cato à Reip. ministris, Calpurnio Pisone, Cæsaris amico, & Aulo Gabinio, Pompeji cliente, Consulibus, & P. Clodio Tribuno Plebis, qui ei infensi erant, in Cyprum missus est, ut hoc Regno, quod Romani injussu, ac nulla ratione sibi publicaverant, potiretur, ac Byzantinorum exules reduceret. Quam decoram quidem, sed difficilem, & periculis plenam legationem videns Cato, ipsam recusans Clodio offerenti dixit, non hoc beneficium esse, sed infidias, & quæsitam suæ famæ sugillationem. Hinc Clodius, cui mens sollicita erat Catonem eliminandi, ut in suo Tribunatu quam diutissime abesset, quia eum timebat verbis, & opere potentem; atque facilius Ciceronem, quem summe oderat, Catone absente, perdendi; legem pertulit de Catonis legatione; eique recusanti subdit: Si gratum non est, ingratissimis ibis. Ipsum igitur dimiserunt sine navi, sine milite, & sine ministris, præter duos scribas, quorum alter fur, & improbissimus, alter Clodii cliens erat. Ptolemæus, Aegypti Rex, qui ex dissensione cum suis, relicta Alexandria, Romam navigabat, ut à Cæsare, & Pompejo cum exercitu reduceretur; ad Catonem venit, ut suum in hac re consilium experiretur. Cato ipsum monuit, ne suppetias ab illis peteret, sed ad suos libenter rediret. Quod consilium sprevisse eum postea pœnituit; ac se veneno necavit. Cato autem sic optime supra omnem expectationem in hac legatione se gessit, ut omnibus esset admirationi. Byzantio enim concordia composito, navigavit in Cyprum, quod Brutum, sororis filium, præmiserat. Inventum ibi regium thesaurum, quem ad septem millia argenti talentorum cõgît, totum Reip. Romanæ Erario summa fide, & integritate asservavit, ac Romam in navibus portavit; nec amicos querentes curavit, qui ægre tulerunt, ipsum nullam thesauri partem ipsis diripiendam permisisse: unde & ipsum ut inimicum habuerunt. Catoni cum thesauro Romam venienti Senatus, Magistratus omnes, & Sacerdotes, & populi multitudo triumphi instar obviam processerunt: cujus thesauri magnitudo per forum translata cunctis admirationem peperit nimiam. Publicis inde laudibus eum Senatus exultavit; eique præturam extra ordinem, & jus spectandi ludos in prætexta decrevit. Hos tamen honores Philocephus noster recusavit.

Pompejo, & Crasso secundum consulatum petentibus, & eorum pactæ cum Cæsare conditioni prorogandi ei provinciam ad quinquennium, forti animo obstitit. Sed ex positâ à Pompejo in foro infidiis Domitius, & Cato vulnerati sunt. Iisdem Pompejo, & Crasso Consulibus creatis solus Cato decretas provincias contradicere ausus est; ac Pompejo, quæ ei à Cæsare eventura erant, prædixit. In proximum annum Cato Prætor factus est: cui magi-

stra

stratum legum sanctione, & recta administratione majestatem adjecit. Bibuli sententiam de solo Pompejo Consule creando Cato præter omnium expectationem probavit, & propugnavit: quare Pompejus per Catonis sententiam consul solus creatus, cum ipso amicitiae fœdus iniit; rogavitque, ut in suo consulto consilio sibi adesse vellet, & præesse.

Contra vero Cæsari inensus semper fuit. Ipsi enim consulatum petenti obstitit in Senatu: & ut successor ei mitteretur, auctor extitit. Ejus etiam tyrannidem prædixit, atque jugiter adversatus est. Cato consulatum petens repulsam tulit; ac Pompejo, Urbem deferenti, se adjunxit. Inde Siciliam sortitus, Syracusas venit. Sed Asinio Pollione cum exercitu eò ab hostibus missus, Siciliam statim relinquere coactus est; & ad Pompejum venit; quem Reip. defensorem contra Cæsaris tyrannidem existimabat.

Pompejo tandem in Thessalico bello à Cæsare superato, & in Pelusio litore à Septimio desertore suo trucidato, ac sub oculis uxoris suæ, liberorumque mortuo; Cato coplis à militibus præficitur; quibus suas Scipio, Cnæi Pompeij socer, & Juba Mauritanie Rex, adjunxerunt: unde acris, atque vehementius Thessalici belli cineres recaluerunt; sed ut latius Cæsar vinceret. Cæsaris enim milites indignantes, bellum post Pompeij mortem crevisse, acriori impetu in hostes irruerunt; ac Juba, Scipioneque in fugam versis, quorum primus in Regiam se se recipiens, Petrejo, Pompejano Duci, ac suæ fugæ committi, se interficiendum præbuit; alterum navi fugientem, hostes assecuti occiderunt; bello finem dedere.

Cato pugnae non interfuit, sed Uticæ, quam muris, armis, militibus, munierat, præerat. Tum audito per nuncium suorum exitio, cives omnes, & Senatores solatus, & cohortans, ut fidem in Remp. fervarent, & fuga suæ vitæ consularent, vel Uticæ, quam inexpugnabilem, & frumenti, aliorumque copia refertam reddiderat, se continerent; filio suavit, ut sibi superstes Victoris clementiam experiretur: tum lecto decumbens, Platonis librum de Immortalitate Animæ ad se deportari jussit: quo semel atque iterum lecto, omnibusque e cubili dimissis, districtum enssem sub pectore impressit. Cubili decedens fragorem edidit: unde filius cum Medico, & ministris, qui foris stabant, accurrit: Medicus effusa intestina reponere, & vulnus consuere curavit; sed ipse ut ad se rediit, Medicum repulit, viscera dilaceravit, & divulso vulnere exspiravit, an. ætatis 48. Romæ 708. Olymp. 183. an. 3. & ante Chr. Nat. circiter 43. Uticensis populus accurrens luctu, & lachrymis ipsam servatorem, liberatorem suum, virumque invictum appellans; corpus magnifice, & splendidis elatum exequiis funeraverunt juxta mare; ubi nunc etiam ejus statua, districtum enssem tenens posita est. Mox Cæsar Uticam appulit; utque Catonis fatum audivit, dixisse fertur: *Invidetur tibi, Cato, mortem, quando salutem tibi tuam invidisti.*

Amplissima de Catone testimonia vide apud Senec. de Tranquill. Vitæ, Lucan. l. 9. Bell. Civ. Cic. Sallust. & alios. Vellejus Paterculus Catonem ad Vinicium sic describit: *Hic genitus proavo M. Catone, principe illo familie Pericla, homo virtuti similissimus, & per omnia ingenio Dilis, quam hominibus proptor: qui nunquam recte fecit, ut facere videretur, sed quia aliter facere non poterat: cuique id solum visum est rationem habere, quod haberet justitiam: omnibus humanis vitis immunis, semper fortunam in sua potestate habuit.* Juvenalis è Cælo lapsum, hoc est divinum eum appellat, dum Sat. 2. ait: *Tertius è Cælo cecidit Cato.* Lactant. tamen Div. Inst. l. 3. c. 18. hæc habet: *Ex Romanis Cato, qui fuit in omni sua vita Stoica vanitatis imitator.* Et post pauca: *Cato videtur tibi causam quesivisse moriendi, non tam ut Cæsarem*

sarem fugeret, quam ut Stoicorum decretis obtemperaret, quos sedebatur, namque suum grandi aliquo facinore clarificaret. Vide etiam Divum Aug. de Civ. Dei pluribus in locis. Munatius Catonis familiaris librum de rebus à Catone gestis scripsit. Notandum denique, tantum Græcos Catonem hunc dilexisse, quantum Censorius Cato suis proavus oderat.

STRABO

Geographorum Princeps, & Scriptor apprime serius, ab Isaac. Casaub. appellatus: Geographus, insignis iudicii, & prudentiæ Vir, à Lips. atque aliis præclaris nominibus à plerisque insignitus; scriptor cæteroqui peritissimus, genere Cappadox, eruditione Græcus, iudicio præcursus, incolatu Romanus, terrarum multarum peragratior fuit, ut notat Petr. Bert. Natus Amasie, civitate Ponti, Philosophus fuit Stoicus, quanquam & Philosophiam Peripateticam attigit (in qua Xenarchum habuit præceptorem) Geographus præstantissimus fuit, cujus 17. Geographiæ libri, quos Tiberio Cesare rerum potente conscripsit, etiamnum hodie extant. Scripsit & alios, ac inter eos, Commentarios Historicos utiles, ad Moralem, & Civilem Philosophiam: sed ad nos non pervenerunt. Obiit circa annum 12. Imperii Tiberii Caesaris, extraneæ senectutis. Ex Hofman. Et quidem maxime senem eum obisse, vel ex hoc deducitur, quod Cornelius Gallus, Egypti Gubernator, ipsius familiaris fuerit præcipuus; ut ipse de se testatur. Hæc autem de Strabone potiora Autorum iudicia sunt. Voss. de Hist. Græc. l. 12. c. 6. Strabo vir profecto maximus. Extant ejus 17. Geographiæ libri, quos non una de causa maximi facere oportet. Fuit enim egregius Philosophus. Alterum etiam est, quod labores Strabonis maximopere nobis commendat: siquidem priorum Geographorum nemo plus terrarum lustravit. Geographiam suam scribebat an. U. C. 771. quarto an. Imperii Tiberii Caesaris. Isaac. Casaub. in Epist. ad Jac. Strabonis Geograph. præfixa. Unus extitit Strabo Philosophus, aliter quidem Stoicus, cæterum doctus, Deus bone, & laboriosus, prorsusque ad unguem factus homo, qui omni doctrina eruditus,isque omnibus præfidiis abunde instructus, quæ ad rem Geographicam desiderari possunt, rem & magno animo suscepit, & tanta felicitate confecit, ut persuasum habeam, si quis ejus scripta diligenter versare voluerit, eum antiquarum Geographorum iacturam patienter ferre: opus namque relictum nobis est à summo Scriptore, quod præter accuratissimam totius orbis, tunc cogniti, descriptionem, tanta doctrina, tamque varia omnium rerum scientia refertum est; ea denique virto contextum, ut si unus, aut alterius à Veteribus scripta excipias, nihil plane in tota vetustate reperiam cum hoc opere comparandum. Rhodig. l. 22. lect. Antiqu. c. 25. Strabo non Historicus modo insignis, sed Philosophus quoque, & Mathematicus, adeo celebris, & per vulgati nominis, ut cum Thessalonicensis Eustathius per quandam exochen Geographi nomine persæpe significet. Et Coler. Epist. de studio Politic. p. 212. addit: Cura ei non tantum rerum rerum, sed etiam rerum rerum. Voss. de Philolog. p. 56. Satis prædicari nequit doctrina, & industria Strabonis Amaseni, scriptoris gravissimi, quem Stratonem vocari debere, perperam in Peripateticis suis Discussionibus contendit Franciscus Patricius. Card. Joh. Bona. Strabo Amasenus, Princeps Geographorum, quem frustra conatur de sui operis possessione deicere Franciscus Patricius in Peripat. Discuss. ut Stratonem cuidam tribuat. Castigandus autem videtur Strabo, quod Historias, & Philosophicas Disputationes Geographicas miscuerit. Notandum denique, Isaaci Casaub. Commentarios in Strabonem permitti cum expurgationibus. Vide Ind. Madrit. edit. an. 1667.

Dd

PÆ.

PÆTUS THRASEA, ET HELVIDIVS PRISCUS.

PÆtus Patria Patavinus, dignitate Senator, Secta Stoicus fuit; vixitque sub Nerone, a quo ad sanguinis totius è venis effusione, non secus, ac Seneca, damnatus est. Ejus scientiam, & probitatem omnes veteres Autores extollunt; potissimum vero Tacit. l. 16. Annal. sic optime ejus laudes paucis expressit. *Trucidatis tot insignibus viris, ad postremum Nero virtutem ipsam excindere concupivit, intersecto Thræsa Pæto &c.* Cum Consul Marcellus, Neronis jussu, Prætoris, læsæ Majestatis accusati, mortem peteret; Pætus animi constantia, & fortitudine vere philosophica Consuli se opposuit: unde, & alii, qui ob Neronis metum Marcello contradicere non audebant, conspecta Thræse animi firmitate, in ipsum consentientes, Prætorum è morte liberarunt. Verba Tacit. l. 14. Annal. sunt. *Libertas Thræseæ servitium aliorum rapit, & postquam discessionem Consul permiserat, pedibus in sententiam ejus ire &c.* Ex animi magnitudine magnum vocat ipsum Martialis. l. 1. Epigr. ubi ait:

*Quod magni Thræseæ, consummatique Catonis
Dogmata sic sequeris, salvis ut esse velis.*

Ejusdem Thræse mortem sic descripsit Tacit. in fine Annal. *Tum ad Thræseam in hortis agentem Quæstor Consulis missus, vespertascens jam die. Illustrum virorum, seminarumque cætus frequentes egerat, maxime intentus Demetrio, Cynica institutionis doctore: cum quo, ut confectare erat intentione vultus, & auditu, si qua clarius proloquebantur, de natura animæ, & dissociatione spiritus, corporisque inquirebat. Donec adventit Domitius Cæcilianus ex intimis amicis, & ei, quid Senatus censuisset, exposuit. Igitur sentes, qui vitantesque, qui aderant, facessere prope Thræseam, neu pericula sua miscere tum sorte damnati, hortatur. Arriamque tentantem Marti suprema, & Arrie Martis exemplum sequi, monet retinere vitam, filique communi subsidium unicum non adimere. Tum progressus in porticum, illic à Quæstore reperitur, lætitia propior, quia Helvidium generum suum Italia tantum arceri cognoverat. Accepto dehinc Senatusconsulto, Helvidium, & Demetrium in cubiculum inducit: porrectisque utriusque brachii venis, postquam cruorem effudit, humum super spargens, propius vocato Quæstore, Libemus, inquit, fovei Liberatori &c. Arriam cum viro suo Thræseam mori cupientem hoc epigrammate celebravit Martialis. l. 1. Epigr. 14.*

Casta suo gladium cum traderet Arria Pæto,

Quem de visceribus traxerat ipsa suis:

Si qua fides, vulnus, quod feci, non dolet, inquit:

Sed quod tu facies, hoc mihi, Pæte, dolet.

Thræseæ virtutes, & illustria facta vide apud Tacit. in Annal.

Notandum hic, hunc Helvidium Priscum, Patii generum, Quæstorem, atque insignem Stoicum fuisse; de quo Tacitus laudabiliter sæpe loquitur; potissimum vero Hist. l. 4. ubi his verbis ejus laudes contextit: *Res poscere videretur, quia iterum in mentionem incidimus viri sæpius memorandi, ut vitam, studiaque ejus, & quali fortuna sit usus, paucis repetam.* Helvidius Priscus Regione Italia, Terracina municipio, Cluvio patre, qui ordinem Principii duxisset, ingenium illustre altioribus studiis juvenis admodum dedit: non ut plerique, ut nomine magnifico segne otium velaret, sed quo firmior adversus fortuita, Remp. capesseret, doctores sapientiæ securus est, qui sola bona, quæ honesta, mala tantum quæ turpia: potentiam, mobilitatem, ceteraque extra animum, neque bonis, neque malis adnumerant. Quæstori ad-

buc

huc à Peto Thrasea gener delectus, è moribus soceri nihil aequè, ac libertatem hausit; civilis, senator, maritus, gener, amicus, cunctis vitæ officiis aquaticis, opum contemtor, recti pernix, constans adversus metus. Erant quibus appetentior famæ videretur, quando etiam sapientibus cupido gloriæ novissima exiit. Ruina Soceri in exilium pulsus, ut Galba principatu rediit, Marcellum Epirum, delatorem Thraseæ accusare aggreditur &c. Hinc inter Helvidium, & Epirum, acce surgit &c.

LUCIUS ANNÆUS SENECA.

E Gente Annæa, quæ equestris ordinis erat, ut ex ipso Seneca apud Tacitum l. 14. paullo ante Augusti mortem, natus est Cordubæ, quæ vetus, insignis, ac prima in Hispania Bætica urbs est. Pater ei *Marcus Annæus Seneca*, quem *Declamatoris* agnomine à filio sere distinguunt: in hoc enim dicendi genere valde excelluit. Hæc nominis conformitas in causa fuit, cui quidam Patris Declamationes, sive potius aliorum, ut Lipsius affirmat, ab ipso tamen digestas, & Præloquis, aut Interloquis distinctas, Filio tribuerint. Senecæ nostri mater Elbia, sive Helvia, nobilis item Hispaniensis, magni animi, atque ingentis feminea; ut Filius eam in Consolatione ad ipsam satis descripsit. Pater cum uxore, & liberis Romam Augusti temporibus venit: quo tempore noster Seneca puer erat, ut ipse indicat, ubi materteram laudat Consolat. ad Helviam c. 17. *Illius manibus in Urbem perlatus sum: illius pio, maternoque nutricio, per longum tempus eger, convales.* Diu Pater ibi in gratia, & fama vixit, & ad ultima Tiberii tempora vitam produxit. Fratres duos habuit, sorores nullas, ut ex ejus verbis ad Matrem: *Carissimum virum, ex quo trium liberorum mater eras, extulisti.* Major natu *M. Annæus Novatus*, ut à Gallione sive necessitudine, sive patria, sive cognatione, Senecæ devincto, adoptatus, mutato nomine *Junius Gallio*, & in Chronico Eusebiano *Junius Annæus Gallio* dictus est. Hunc L. Annæus noster *Novatum* in libris de Ira quos ad ipsum scripsit, & misit (non enim adhuc nomen mutaverat) *Gallionem* vero de vita Beata, & in Epist. nominat. Gallionis eloqui suavitatem sic Statius commendat.

Hoc plus, quam Senecam deesse terris,

Et dulcem generasse Gallionem.

Cujus eloquentiam sonantem, & tinnientem memorat autor de Causis corruptæ Eloquentiæ, dum refert *Tinnitus Gallionis*. Eruditione, & Senatoria dignitate recte administrata, hic clarus fuit. Sed natu minimus *Annæus Major* dictus; patris sorte contentus, Eques Romanus fuit, ac Lucanum poetam genuit, *Grande adjumentum claritudinis*, ut Tacitus ait. Atque his tribus Senecæ Declamatoris filiis altissime videtur Martialis, dum ait:

Et docti Senecæ ter numeranda domus.

Ubi doctum vocat Senecam Declamatorem, ac tres filiorum familias refert.

In Eloquentia, præter ipsum Patrem, præceptores habuit Hyzinum, Cestium, & Asinium Gallum: quam dicendi artem patris jussu vel invitatus, Caji etiam temporibus, magna eloqui gratia, & fama exercuit; neque enim ante id temporis Senecæ scripta ulla Philosophica existant. Hac tamen dicendi arte ultro se abdicavit, ne Cajo Caligulæ, qui solus hominum & videri, & haberi eloquens volebat, invisior esset. Scribit enim Dio: *Cum causam quandam in Senatu egregie, & feliciter Seneca egisset, livore suffusus illum Principem, qui solus videri eloquens volebat, cogitasset de Seneca tollendo & fecisset, nisi una e concubinis admonuisset, frustra mortem parari jam morituro:*

sabe quippe laborare &c. Infirma igitur valetudo salutē Senecæ fuit. Et forsitan hoc adspiciens verum Seneca scripsit: *Multorum mortem dissiulit morbus, & saluti illis fuit videri perire*. Et quidem corpore fuit à pueritiâ infirmo, siccò, non formoso, & ab asthma, distillationibus, febriculis, parvo victu, magis autem à studiis, ad extremum exhausto; ut ipse de se in Epist. & alibi refert. Quare infirmum corpus cultu agri & durioribus exercitiis firmabat: unde *Diligentem vinearum fossorem* in Nat. Quæst. se appellat: quod opus *Artificium suum* etiam vocat.

Puer adhuc Philosophiæ studiis operam dedit sub Sotione Alexandrino, Stoicæ sectæ Philosopho (et si Pythagorissare etiam visus vel ipsi Senecæ, qui epist. 108. ait: *Non pudebit fateri, quem mihi amorem Pythagoræ infeceris Sotion*. Docebat quare ille animalibus abstinnisset &c.) quod & ipse de se asserit Epist. 49. *Modò apud Sotionem Philosophum puer sedî*. In Philosophia præceptores item habuit Attalum Stoicum, & Papirium Fabianum, quos, dum nominat, grata memoria laudat. Notandum tamen hic, hunc Sotionem non confundendum cum Sotione, qui Ptolemæi tempore vixit; ac librum de Successionibus scripsit, quem sæpe citat Laërtius; & alia. Demetrium quoque Cynicum, de quo supra, & domi, & in Aula, & in via, & in peregrinatione semper coluit, ac familiarem habuit. Quantum autem in Stoica Philosophia profecerit; ejus vita, & doctissimi libri, de quibus infra, satis, superque demonstrant.

Adolescens in Ægypto fuit occasione, quod Avunculus Præfectus ibi esset. Nam de matertera ad matrem scribens Consol. ad Helv. c. 21. ait: *Exemplum tibi suum, cujus ipse spectator fui, narrabit*; de navigatione ibi loquitur, cum matertera ex Ægypto rediret. Unde factum, ut de Ægypto & Nilo in suis libris, ac præcipue in Quæst. Nat. loqueretur. Ante exilium uxorem habuit, ut testatur Epist. 1. *Harpassen, uxoris meæ fatuam seds hereditarium onus in familia mea remanuisse*. Loquitur igitur hic de uxore jam defuncta; at Paullina, altera uxor, ipsi superstes fuit. Sed clarius 3. de Ira: *Cum sublatum est lumen, & uxor moris mei jam conscia, contigit*. Sed libri de Ira scripti sunt, ipso adhuc Juvene, inter primos, Cajo non dum mortuo. Ex hac Marcum filium habuisse constat ex his ejus versibus:

Sic dulci Marcus, qui jam sermone fritimnis,

Facundo patruos provocet ore duos.

Jam senex, & in Aula potens, Paullinam duxit, nobilem feminam, quæ vitam ad mortem usque amavit. Sic enim ipse Epist. 104. *Hoc ego Paullinæ meæ dixi, quæ mihi valetudinem meam commendat: venit mihi in mentem, in hoc senex, & adolescentem esse, cui parctur*. Præter opes, quas magnas pater ei reliquerat, immensas etiam concessit ex Neronis liberalitate intra quadriennium regni amicitia: quas ad ter millies HSS adscendisse refert Suillius; & septuagies quinquies centena millia Philippicorum æquare asserit Lipsius. Villas, prædia, opes nedum Romæ, & in Campania, sed etiam in Ægypto habuisse educitur ex ipsius Epistola 67. Jure igitur Juvenalis memorat . . . *Seneca prædivitis opes*. Testatur etiam ipsemet in oratione ad Neronem apud Tacitum Annal. 14. & ipse Tacitus ibidem.

His autem præclaris opibus usus est, non abusus: quod vel ejus in mensa frugalitas, & in voluptatibus abinentia declarant. Audiamus ipsum Epist. 108. *Non tantum ab illicitis voluptatibus, sed etiam supervacuis licebat circumscribere gulam, & ventrem . . . Ex bene captis pauca servavi. Inde ostreis, boletisque in omnem vitam renunciatum est: inde in omnem vitam unguento abstinemus: inde vino caret stomachus: inde in omnem vitam balneum fugimus.*

mas. Etsi in Aula præpotens, animum ab omni prorsus adulatione alienum habuit; quod & ipse confessus est 2. de Clem. his ad Neronem verbis: *Dignus morari me hic patere, non ut blandiar auribus tuis: nec enim mihi hic mos est: maluerim veris offendere, quam placere adulando.* Et apud Tacit. 15. Annal. *Non sibi promptum in adulationes ingenium: idque nulli magis gnatum, quam Neroni, qui sapius libertatem Senecæ, quam servitium expertus est.* De singulis in die dictis, factis, & erroribus, rigidum examen, Pythagoreorum more, instituebat, ut castigaret, corrigeret, emendaret: Sic enim ipse 3. de Ira: *Utor hac potestate & quotidie apud me causam dico. Cum sublatum & conspectu lumen est, & conticuit uxor moris mei jam conscia, totum diem mecum scrutor, facta, ac discepta remetto. Nihil mihi abscondo, nihil transeo: quare enim quidquam ex erroribus meis timeam, cum possum dicere: vide ne istud amplius facias, nunc tibi ignosco?* Ejus eximia in Deum pietas, mentis adhæsiō, voluntatis submissio, vel perfectioribus christianam vitam profitentibus exemplar esse deberent. Quod clare docuit, præter alia loca, Epist. 96. *Si quid credis mihi, intimos affectus meos tibi cum maxime detego. In omnibus, quæ aspera videntur, & dura, sic formatus sum. Non pareo Deo, sed offensor: ex animo illum, non quia necesse est, sequor. Nihil unquam mihi incidet, quod tristis excipiam, quod malo vultu. Nullum tributum invito conferam. Hinc non immerito Tertullianus, & prius Patres ipsum Nostrium appellant: & Otho Frisingensis dicere ausus est, Senecam non tam Philosophum, quam Christianum dicendum. Ob eminentes has virtutes eximia semper de eo opinio apud omnes fuit: imo vel imperio viventem ipsum destinabant, ut notat Tacit. 19. Annal. *Ut traderetur imperium Senecæ, quasi insonti, claritudine virtutum ad summum fastigium dilecto.* Nec audiendi ejus famæ detractores, qui ipsum aliud factis, aliud verbis ostendisse, contendunt. De Senecæ virtutibus vide, præter alios, Lippius in Manuductione, & Physiologia.*

Ex Republicæ dignitatibus Quæsturam primo gessit, quam materteræ suæ suffragio adeptus est, ut ipse inquit Consolat. ad Helv. cap. 17. *illa pro Quæstura mea gratiam suam extendit, & quæ ne sermonis quidem, aut claræ salutationis sustinuit audaciam, pro me vicit indulgentia verecundiam.* Primo autem Claudii imperii anno, cum Julia Germanici filia, à Messallina, scorto impudicissimo, accusata adulterii esset, ipsa extorris est acta, & Seneca, quasi adulterii reus, in Corsicam est relegatus. Ejus tamen innocentiam Lippius in vita ex Taciti verbis Annal. 12. arguit, qui de Senecæ exilio loquens ait: *Seneca insensu Claudio memoria injuriæ credebatur.* Ubi Lippius ex illata sibi à Claudio injuria ejus innocentiam deducit. Sed ubi Claudius Imperator post mortem Messallinæ Juliam Agrippinam Germanici fratris sui filiam, Cn. Enobarbi viduam, & Neronis Domitii matrem, uxorem duxit, & nuptiæ decreto Senatus firmatæ, & legitimæ habitæ, Agrippina (verba sunt Taciti 12. Annal.) *veniam exilii pro Annæo Seneca, simul Præturam impetrat, lætum in publicum rata ob claritudinem studiorum ejus, utque Domitii pueritia tali Magistro adolesceret, & consiliis ejusdem ad spem dominationis uteretur.* Exilii tempus ad annos duos ponitur à Morey in Lex. Hist. sed accuratior Lippius ipsum ad annos circiter octo in exilio fortiter, & feliciter vixisse, affirmat. Quo tempore optimis studiis, meditationibusque philosophicis intentus ad matrem scripsit cap. 4. *Qualem me cogites, accipe: lætum, & alacrem, velut optimis rebus: Sunt autem optimæ, cum animus, omnis cogitationis expertus, vacat operibus suis, & modo se levioribus studiis oblectat, modo ad considerandam sui, universique naturam, veri avidus insurgit.* Ubi per leviora studia Poëtica censet Lippius. Sic etiam Senecæ in exili-

exilio animi felicitatem expressit Auctor Octaviæ Tragœdiæ, in qua ipsum ita loquentem inducit.

*Mellius latebam procul ab invidia malis
Remotus, inter Corfci rûpes maris.
Ubi liber animus, & sui juris, mihi
Semper vacabat, studia recolenti meæ.
O quam juvabat (quo nihil majus parens
Natura genuit, operis immensi artifex)
Cælum intueri, solis & currus sacros.*

Scriptis in Exilio degens librum *de Consolatione ad Matrem Helviam* unum; alterum *de Consolatione ad Polybium*, præpotentem Claudii libertum. Romam igitur rediens, Prætor factus est a. V. C. 802. Sed an postea Consul? Affirmant libri legum, ad S. C. Trebellianum; ita enim Ulpianus. *Temporibus Neronis, octavo Kal. Septembres, Annæo Seneca, & Trebellio Maximo C. S. factum est SC.* Idem & in Justiniani 2. Instit. scriptum reperitur. Negant alii, quia Aufonius Gratiarum Actione palam ait: *Dives Seneca, nec tamen Consul.* Sed qui consulem fuisse volunt, asserunt Aufonium de Ordinariis Consulibus locutum, non vero de suffectis, quales Senecam, & Trebellium a. V. C. 815. fuisse, contendunt.

Primus autem, ac præcipuus Senecæ honor fuit, Neronem Imperatorem in Eloquentia, & moribus instituisse. Et sane primis quinque imperii annis, quamdiu scilicet Senecæ monitis, consiliiisque usus, nedum optimus Princeps, sed Principum exemplar, quod imitarentur, fuit. Tacit. Annal. 13. duos memorat, quibus utiliter Princeps se permisit. *Ibatur in cedes, nisi Afranius Burrus, & Annæus Seneca obviamissent. Hi rectores imperatoria juvenæ, & pars in societate potentia concordæ, diversa arte ex æquo pollebant: Burrus militaribus curis, & severitate morum; Seneca præceptis Eloquentiæ, & comitate honesta: juvantes invicem, quò facilius lubricam Principis ætatem, si virtutem aspernaretur, voluptatibus concessis retinerent.* Et ibid. 14. de Burrhi morte ait: *Concessitque vitæ Burrus, incertum valetudine, an veneno. . . . Et Burrum, intellecto scelere, cum ad visendum eum Princeps venisset, ad spectum ejus aversatum; seiscitantique hæcenus respondisse: Ego me bene habeo. Civitati grande desiderium, ejus mansit per memoriam virtutis &c.*

Neronis quoque præceptor fuit, ut ex Suida habemus, Alexander, patria Ægeus, secta Peripateticus, qui Neroni, ut Aristotelis doctrinam acciperet, suadere non potuit: nam Seneca, & Burrus, ambo Stoici, in Neronis animum, cui dominabatur, Stoicam Philosophiam indiderant.

Verum ubi Nero, repulsa Octavia, Poppææ, impurissimo Scorto nupsit; ac Sophonii Tigellini sædissimis, scelestissimisque consiliis à recta rationis norma declinavit; omni vitiorum generi se dedit, hominum pestis, immane, horrendum crudelitatis monstrum. Qualis Poppæa Sabina fuerit, vide apud Tacit. in Annal. ex quorum libro 13. paucis ostendam: *Huic mulieri cuncta alia fuisse præter honestum animum. . . . modestiam præferre, & lascivia uti. . . . Fama nunquam pepercit, maritos, & adulteros non distinguens; neque affectui suo, aut alieno obnoxia, unde utilitas offenderetur, illuc libinem transferrebat. Neroni nupta libidini lasciviam copulavit. Mortem autem ejus talem descripsit Annal. 16. Post finem ludicri Poppæa mortem obiit, sortitâ mariti iracundiâ, à quo gravida idu calcis afflicta est; neque enim venenum crediderim; quamvis quidam scriptores tradant, odio magis, quam ex fide; quippe liberorum cupiens, & amoris uxoris obnoxia erat &c.* Sophonium Tigellinum, infamiam en paucis ab eodem accipe Annal. 14. *Sophonium Tigellinum,*

veterem impudicitiam, atque infamiam in eo secutus . . . Validior Tigellinus in animi Principis, ex intimis libidinibus assumus. Et Hist. lib. i. Sponius Tigellinus obscuris parentibus, sæda pueritia, impudica senectæ, Prefecturam vigiliæ, & prætoria, & alia præmia virtutum, quia velocius erat vitis adeptus, crudelitatem mox, deinde avaritiam, & virilia scelera exercuit: corrupto ad omne scelus Nerone, quædam ignaro ausus, ac postremo ejusdem desertor, & proditor. Et post pauca Populi Romani ingenti in Tigellinum odio æstuantis persecutionem, & turpissimam ejus mortem talibus ostendit: Eò insensior populus, addita ad veteris Tigellini odium recenti T. Vinii invidia, concurrere à tota Urbe in Palatium, & fora, & ubi plurima vulgi licentia, in circum, & theatra effusi, seditiosis vocibus obstrepere: donec Tigellinus, accepto apud sinuervas aquas supremæ necessitatis nuncio, inter supra concubinarum, & oscula, & deformes moras, scælis novacula faucibus, infamem vitam sædavit, etiam exitu fero, & inobesto.

Sed ut ad Senecam ideam; cum Neroni, Poppææ, & Tigellino invisus esset, eo quod ejus virtutes eorundem vitia reprehenderent, & accusarent; Nero, conjurationis reum ipsum simulans, mortis tandem damnavit, ut boni, rectique doctore sublato, ingratum reverentiæ frænum, quo gravabatur, excuteret: etsi juraverat, nunquam ei noleturum, ut ait Suetonius: Senecam præceptorem ad necem compulsi, quamvis sæpe comæatum petenti, bonisque cedenti, persanctè jurasset, suspectum se frustra, periturumque potius, quam nociturum ei. Atqui, ut Tacit. ait loc. cit. Insensur Senecæ omnes ad eum opprimendum artes conquirebat. Quare venenum tentaverat, ut ex eodem Tacito ibidem: Tradidere quidam, venenum Senecæ per libertum ipsum Cleonium paratum jussu Neronis, vitatumque à Senecæ proditiōe liberti, seu propria formidine, dum simplici victu, & agrestibus pomis, ac si sitis admoneret; profuente aqua vitam tolerat. Senecæ mortem fidelissimus scriptorum Tacit. licet descriptis Annal. 15. Sequitur eadem Annæi Senecæ lætissimi Principi, non quia conjurationis manifestum compererat, sed ut ferro grassaretur, quando venenum non prociesserat . . . Propinqua vespera Tribunus venit, & villam globus militum sepse: tum ipsi cum Pompeja Paullina uxore, & amicis duobus epulanti mandata Imperatoris edidit. Seneca missum ad se Natalem, conque- sumque nomine Pisonis, quod visendo eo prohiberetur, se ratione valetudinis, & amore quietis excusasse, respondit . . . Ubi hæc à Tribuno relata sunt, Poppææ, & Tigellino coram, quod erat sævienti Principi intimum consiliorum, interrogat, an Seneca voluntariam mortem pararet. Tum Tribunus nulla pavoris signa, nihil triste in verbis ejus, aut vultu deprehensum confirmavit. Ergo regredi, & indicare mortem jubetur . . . Intrinseque ad Senecam unum ex Centurionibus, qui necessitatem ultimam denunciaret. Ille interterritus poscit testamenti tabulas: ac denegante Centurione, conversus ad amicos, quando meritis eorum referre gratiam probiberetur, quod unum jam tamen & pulcherrimum habebat, imaginem vitæ suæ relinquere testatur, cujus si memores essent, bonarum artium jamam tam constantis amicitia laturos. Simul lacrymas eorum modò sermone, modo intensior in modum cœrcentis, ad firmitudinem revocat, interrogans: Ubi præcepta sapientia? Ubi tot per annos meditata ratio adversum imminentia? cui enim ignaram fuisse sævitiam Neronis? neque aliud superesse post matrem, fratremque interfectos, quam ut educatoris, præceptorisque necem adiceret. Ubi hæc, atque talia velut in commune differuit, completitur uxorem; & paululum adversus præsentem formidinem mollitur, rogat, oratque temperet dolori, ne æternum susciperet; sed in contemplatione vitæ per virtutem actæ, desiderium meriti solatii bonæ sole-

toleraret. Illa contra sibi etiam destinata mortem adseverat, manumque percussoris exposcit. Tum Seneca gloriæ ejus non adversus; simul amore, ne sibi unice dilectam ad injurias relinqueret: Vita, inquit, delinimenta monstravim tibi, tu mortis decus mavis: non inuidebo exemplo. Sit hujus tam fortis exitus constantia penes utrosque par, claritudinis plus in tuo fine. Post quæ eodem ita brachia ferro exsolvant. Seneca, quoniam senile corpus, & parvo vultu tenuatum, lenta effugia sanguini præbebat, crurum quoque, & poplitum venas abruptit. Sævisque cruciationibus defessus, ne dolore suo animum uxoris infringeret, atque ipse visendo ejus tormenta ad impatientiam dilaberetur, suadet, in aliud cubiculum abscederet. Et novissimo quoque momento suppeditante eloquentia, advocatis scriptoribus, pleraque tradidit, quæ in vulgus edita ejus verbis, invertire supersedeo. At Nero nullo in Paullinam proprio edio, ac ne glisceret invidia crudelitatis, inhiberi mortem imperat. Hortantibus militibus, servi, libertique obligant brachia, premunt sanguinem, incertum an ignare. Nam ut est vulgus ad deteriora promptum, non desuere, qui crederent, donec implacabilem Neronem timeris, famam sociatæ cum marito mortis petivisse: deinde oblata mitiore spe, blandimentis vitæ evictam: cui addidit paucos postea annos laudabili in maritum memoria, & ore, ac verbis in eum pallorem albenitibus, ut ostentui esset, multum vitæ spiritus egestum. Seneca interim durante trasiu, & lentitudine mortis, Statium Annæum diu sibi amicitie fide, & arte Medicinæ probatum, orat provisum pridem venenum, quo damnatæ publico Atheniensium supplicio exstinguerentur, promeret: ellatumque hausit frustra, frigidis jam artubus, & clauso corpore adversum vim veneni. Postremo stagnum calidæ aquæ introit, respergens proximis servorum, addita voce, Libare se liquorem illum Jovi Liberatori. Exin balneo illatus, & vapore ejus exanimatus, sine ullo funeris sollenni crematur. Ita comitibus præscripserat, cum etiam tum prædixit, & præpotens, supremis suis consuleret. Obiit an. Christi 65: regni Neronis 12. ætatis verò, ut scribit Lipsius 63. vel 64.

En mortem Philosopho, & quidem Stoicò, dignam, hilari vultu, forti, constantique animo toleratam. Jure igitur Divus Hieronymus de Scriptoribus Ecclesiasticis ejus vitam, & mortem; æque miram utramque attendens, ait: Lucius Annaeus Seneca Cordubensis, Sottonis Stoici discipulus, & patruus Lucani poëtæ, continentissime vitæ fuit: quem non ponerem in Catalogo Sanctorum, nisi me illæ Epistolæ provocarent, quæ leguntur à plurimis, Pauli ad Senecam, & Senecæ ad Paulum: in quibus, cum esset Neronis magister, & illius temporis potentissimus, optare se dicit, Ejus esse loci apud suos, cujus sit Paulus apud Christianos. Hic ante biennium, quam Petrus, & Paulus coronarentur martyrio, à Nerone interfectus est. Verum epistolæ, quæ nunc horum autorum nomine circumferuntur, utroque autore indignas Critici fatentur omnes. Et Lipsius addit, eas à semidocto aliquo compositas. Fuisse tamen, inter eos amicitiam, & forsan literarum usum, sed aliarum ab iis, quæ nunc habentur, plures cum Hieronymo loco citato, Augustino Epist. 53. ad Maced. & 6. de Civ. Dei 10. & his antiquiore Lino Pontifice de Passione Divi Pauli, contendunt. Unde Joh. Sarisberienensis lib. 8. Policrat. cap. 13. ait: Desipere videntur, qui non venerantur eum, quem Apostolicam familiaritatem habuisse constat. Vulgatas tamen has literas, earumque fidem, præter alios, tuentur Salmeron Comment. in Philip. cap. 4. & Binius tom. 7. Bibl. Patrum. Sed Erasmus schollis in Hieronym. loc. cit. ait: Nihil in illis esse neque Pauli dignum, neque Senecæ.

Scriptur plurima magnus hic Philosophus, ingenio excellenti, & amœno,

copia, doctrinaque insigni, admiratione magis, quam laude prosequendus. Eorum, quæ extant, vel cunctis nota, brevem catalogum subretere sufficiat. Sunt igitur *De Ira libri tres ad Novatum Fratrem*, *De Consolatione ad Helviam Matrem lib. 1.* (in exilio scriptus) *De Consolatione ad Polybium lib. 1.* (etiam in exilio, ut supra dictum) *De Consolatione ad Marciam lib. 1.* *De Providentia lib. 1.* ad Lucillum (in exilio; vel statim à reditu) *De Tranquillitate animi lib. 1.* ad Serenum (post reditum ab exilio) *De Constantia Sapientis, sive quod in sapientem non cadit injuria; ad Serenum.* *De Clementia lib. 2.* ad Neronem Cæsarem (annum 19. ætatis agentem) *De Breuitate Vitæ lib. 1.* ad Paulinum (quem Paulinæ uxoris suæ fratrem arbitrarè Lipsius) *De Vita Beata lib. 1.* ad Gallionem fratrem (scripsit jam senex) *De Ocio, aut Successu Sapientis* (libri pars, vel Epistola, atque etiam manca censetur) *De Benefectis lib. 7.* ad Ebnucium Liberalem (sub Nerone post mortem Claudii) *Epistola 124.* ad Lucillum (Senex scripsit) *Naturalium Questionum lib. 7.* ad Lucillum (scripsit valde senex) *Claudii Cæsaris A'πολογικὴν ἱστορίαν*: qua Satyra Claudium carpit, quod cum vivens inflata eucurbita fuerit, post mortem in Deum mutari ambiverit. Quæ vox *Ἀπολογικὴν ἱστορίαν* latine verti posset *Cucurbitæ Transfiguratio*. Verum *de Tragicis*, quæ Senecæ adscribuntur, en Vosii censuram in Hist. de Poëtis Latinis: *In Poëtis Senecæ locum dedimus, non quasi omnium cum Tragicarum parentem putemus, quas tribus vulgo videmus: sed quia non dubium; quin in illis quedam sint genuini ejus fructus.* Poëtam ipsum fuisse, ac versum tum in exilio, tum in Aula secisse, constat ex multis, præcipue ex Tacit. 14. Annal.

Senecæ opera, quæ interciderunt, extantibus licet plura, hæc tamen ab auctoribus relata eruit Lipsius: *Versus, & Poëmata. Oraciones. De Terramoto, liber*; quem juvenem se scripsisse testatur 6. Nat. Quæst. c. 4. quem postea in lisdem Quæstionibus retractavit. *De Matrimonio*; quod opus citat Hieronym. lib. 1. adv. Jovinianum: *Historia, sive Compendium*; ex Laëtant. 7. cap. 15. *De Superstitione*; laudat, & excerptit quædam Aug. 6. de Civ. Mement & Tertul. in Apologet. *Moralium libri*; citat Laëtant. l. 2. c. 3. atque alibi; & ipse Seneca Ep. 106. & 109. *Exhortationum libri*; atque alia, quorum fragmenta apud autores memorantur.

Tandem laudes in ipsum ab optimis auctoribus assatim congestas, & de iis, quæ scripsit, judicium, vide apud cit. Lipsum in Vita, in Manuductione, & Physiologia Stoicæ Philosophiæ; Tacit. in Annal. à lib. 11. usque ad 15. Dionem lib. ultimo; Suetonium, & Xiphilinum in Nerone; Plutarchum in Othone; Thomam-Pope Blount &c. Quare pauca hic notasse sufficiat. Scalligerana 1. *Seneca Moralis Philosophiæ primas tones. Dignissimus, qui semel, atque iterum legatur, & fidei memoriæ commendetur.* Præcificus Petrarcha; Epist. contra Gallum: *Et cum Tullio Senecam pono, de quo Plutarchus magnus vir, & Græcus, ultro fatetur, nullum in Græcia fuisse, qui sibi in Moralibus possit comparari.* Erasmi hæc de Seneca acutissime scripsit: *Si Christianus, scripsit Paganice; si Paganus; Christiane.* Hornius lib. 4. Hist. Philosophiæ cap. 6. *Fuit Seneca vir exultans, & audacis ingenti morum, virorumque publicorum & descriptor verissimus, & insectator acerrimus.* Dio lib. 59. *Annaeus Seneca, qui omnes sui ævi Romanos, multos vero & alios sapientia antevit.* Et Quintil. de Seneca ait: *Foret optandum, pares, aut saltem proximos illi viro fieri.* Notandum denique, tres ex veteribus Senecam ex professo culpasse, Caligulam, Quintilianum, & Agellium.

EPICTETUS

Philosophus Stoicus, ex Hierapoli Phrygiæ urbe, Romæ Epaphroditus cuidam Neronis familiari servivit, atque ad Marci usque Antonini tempora pervenit. Domitiani autem imperante, ejus dominata offensus Româ Hierapolin migravit, ratus, verum esse quod est Tragicum, Patriam esse cujusque ubi quis recte ageret. Tanta vero apud omnes homines ejus vita admiratio extitit, ut Lucianus Syrus Internam ejus sâilem tribus drachmarum millibus, ob ejus auctoritatem, ventisse tradat. Ex Hofmanno. Verùm Româ non sponte migravit, sed Senatusconsulto extorris fuit; ut cum aliis notat Agellius l. 15. c. 11. Neque illis solum temporibus nimis rudibus, nec dum Græca doctrina expolitis, Philosophi ex urbe Roma pulsi sunt: verum etiam Domitiano imperante Senatusconsulto ejacti, atque Urbe, & Italia interditi sunt. Quæ tempestate Epictetus quoque Philosophus propter id Senatusconsultum Nicopolin Româ decessit. Et l. 2. c. 18. ubi Philosophos, qui complusculi servitutem servierunt, enumerat, de Epicteto hæc habet: De Epicteto autem Philosopho nobili, quod is quoque servus fuit, recentior est memoria, quam ut scribi quasi oblitteratum debuerit. Epicteti etiam de se scripti duo versus feruntur &c. Versus autem hi sunt:

Αἰὼν Ἐπίκτητε γένετο, καὶ οὐρανὸν ἦτορ.

Kal aîwov γένετο, καὶ οὐρανὸν ἦτορ.

Servus Epictetus factus sum; corpore mancus,

Fortunâ Iræ inops; Dīs sed amicus ero.

Et quidem claudum ipsum fecerat suus Dominus Epaphroditus, Vigilum, Præfectus, qui crus ei ingenti claustrergerat. Ajunt tamen, Epictetum Domino, primum itum insipienti, dixisse: *Cave, ne crus disrumpas*. Secundum vero majorem itum, quo crus tandem ei disruptum, patienter accipiens, ait: *Nonne dixi, à te crus mihi fractum iri?* Arrianus Historicus ejus discipulus Præceptoris collegit scripta, & in quatuor Dissertationum libros digessit; & *Enchiridion*, sive *Manuale* composuit; quod opus sane egregium est, & Stoicæ Moralis Philosophiæ velut anima, ut ait Lipsius. Styli genus ei concisum, & fractum, sed acrimonia, & ardore plenum. Abraham Berkel. in Ep. De dic. quæ Epicteti *Enchir.* præmittitur: *Unum hoc Enchiridion plus hominum moribus formandis valet, quàm universa Aristotelis Ethica, imo & omnium post illum Philosophorum, qui Moralem Philosophiam magna verborum pompa scriptis mandarunt.*

Hinc jure optimo Divus Augustinus Epictetum magni æstimabat; & Divus Carolus semper ejus opera præ manibus habebat; quæ non Stoici; sed vere Christiani scripta videntur. Omnem autem Moralem Philosophiam his duobus verbis contineri dicebat, *Ἀρὴν, καὶ Ἀσκήσιν*, hoc est, *Sustine*, & *Abstine*. Hominibus nequam, & Impuris, Philosophiam studiosè tractantibus dicere solebat, Philosophos esse hujuscemodi *ἀνὴρ τὸ σπέρμα, πύλες τὰ δάκρυα*, hoc est *factis procul, verborum tenuis*, ut ait Agell. lib. 17 cap. 19. quod totum de Epicteto habet; ubi in fine hæc addit: *Præterea idem ille Epictetus, quod ex eodem Favorino audivimus, solitus dicere est, duo esse vitia, multo omnium gravissima, & terribissima Intolerantiam, & Incontinentiam; quum aut Injurias, quæ sunt ferendæ, non toleramus, neque ferimus: aut à quibus rebus, voluptatibusque nos tenere debemus, non tenemus. Itaque, inquit, si quis hæc duo verba cordi habeat, eaque sibi imperando, aut observando curet; is erit pieraque impeccabilis, vitamque vivet tranquillissimam.* Verba duo

duo hæc dicebat; Ἀνίη, ἢ Ἀνίη, *Sustine*, & *Abstine*. De Epicteto celebriorum autorum, præter dicta, hoc est iudicium. Lips. Manuduct. ad Stoic. Philos. l. i. Dissert. 19. *De Seneca habes: clarum aliud Sidus se ostendit, Epictetus, ævo, non merito, posterior; & scriptorum pondere, si non numero, comparandus, vitâ preponendus. Ille vir reus à se; & à Deo, nihil à fortuna fuit: Origine vilis, & inter servos; corpore claudus, ac debilis, mente nobilissimus, & inter omnis ævi lumina refulsit. Vitâ emendatissimâ fuit, & plane adscitum, quod in ore habebat, Ἀνίη, ἢ Ἀνίη, Contine, & Abstine. Item hostis fucorum, qui Philosophos habuit, & verbis præferrent; vitâ degenerarent; quos ille appellare solitus Philosophos sine facie, verberam tenus. Mornæus de Verit. Relig. Christian. c. 3. Epicteti singula voces Proclo, Simplicio, Luciano ipsi oraculorum instar sunt, Remus ad Themist. Gravis hercle verum magis pondere, quam mole magnus liber, & excolendus, diurna, nocturnaque manu versandus. Vide, præter citatos autores, etiam Lucianum, Simplicium in Vita &c. Notandum denique, Epictetum, mortuo Domitiano, Romam rediisse, ibique ad Antonini imperium vixisse: qui diis gratias agebat, quod Epicteti scripta acceperisset. Adriano Imperatori carus fuit, ut notat Elius Spartianus in Adriano, his verbis: In summa familiaritate Epictetum, & Heliodorum Philosophos, habuit.*

ARRIANUS

Philosophus, & Historicus insignis, patria Nicomedienfis, ex Bythiniâ, secta Stoicus, nam Epicteti discipulus fuit, cujus Ethicam in quatuor Dissertationum libros digessit, suumque confecit Enchiridion, ut modo dictum, in Epicteto, Romæ Adriani, Antonini Pii, & Marci Antonini Imperatorum temporibus vixit; ac postquam alios in Rep. Magistratus gessit; ad Supremam Consulatus dignitatem evehctus est. Eximii Philosophi, excellentis Historici, ac Ducis etiam Militaris: fortissimi. Iudem apud omnes promouit: quam ejus opera, tum quæ exstant, tum quæ interciderunt, elegantia, ac dulcedine sermonis commendata, ipsi congesserunt. Sunt qui Arrianum Juriconsultum etiam faciunt doctissimum. Hoc tamen ut falsum pluribus evincunt optimi Critici, Arrianus enim Jurisconsultus alius ab hoc fuit. Traditur etiam Cereis, & Proserpinæ Sacerdos fuisse. Opera, quæ ad nos non pervenerunt, ex Photio, & aliis, qui ea sæpè citant, collecta numerantur in Aët. Eudith. an. 1684. p. 22. *Particorum libri 17. in quibus belia à Parthis, & Romanis, ductu, & auspiciis Trajani Imperatoris gesta descripsit. Bithynicorum, in quibus patriæ suæ Historiam, pertexit. Quam Historiam à temporibus usque, fabulosam inceptam, ad Regem Nicomedem perduxit; qui Romanos, imperii hæredes insituisse fertur. Alanicorum Commentarii. Vita Tillibori Latronis. De rebus Dionysii, Syracusarum Tyranni. De Timoleontis Cortinæ in Sicilia gestis libri. De rebus post Alexandrum gestis libri decem. Opera vero, quæ exstant, numerantur à Vossio l. 2. de Hist. Græc. ubi hæc habet: Arriani nihil bodie habemus præter libros quatuor de Dissertationibus Epicteti. Item Peripulum, sive Iustrationem tum Ponti Euxini, tum Ponti Erythraei, quod scripsit exemplo Xenophontis, cujus, totidem habemus libros de Expeditione Cyri. In his maxime secutum se ait Ptolemæum Lagi, & Aristobulum, Aristobuli filium, quorum uterque sub Alexandro militavit. Supersunt quoque Indica Arriani. At ratio plane fugit doctissimum Guil. Stuckium, cum opus hoc ait temporum injuriis intercidisse. Nam Indica nihil aliud sunt, quam qui vulgo creditur liber octavus de Expeditione Alexandri. Quem scorsim à prioribus septem*

scriptum esse, cum ex Photio constat, tum ex fine libri septimi de Alexandro ac vel maxime ex Indicorum, sive, ut vulgo vocant, libri octavi fine. A Suida Juvenis Xenophon dictus fuit.

Autorum de Arriano præclara testimonia hæc potiora notanda duxi. Phozius de 10. Arriani libris de Rebus post Alexandrum gestis: est sane scriptor hic nemini eorum, qui historiam contexuerunt, postponendus: nam & narrationum brevitate præstat, & importunis digressionibus, aut crebra parentesi continens historia tenorem minime lædit. Decori insuper observans, nova orationis compositione magis, quam vocabulis usque eo est, ut plane alto nullo modo, neque clarior, neque dilucidior fieri narratio possit. Cæl. Rhodig. 1.1. Lect. Antiqu. c. 22. Arrianus in Græcos Historicos tanta est in scribendo integritas, ut Thucydides, idest, Veritatis consecrator, studiosusque sit vulgo cognominatus, atque ita etiamnum honestatur in libris. Bodin. in Method. Histor. c. 4. p. 60. Arrianus tanto se reliquit Historicis, qui vitam Alexandri Magni scripserant, superiorem putat, quanto reliquis Imperatoribus Alexander fuit. Certe Arrianus summo vir ingenio, summaque doctrina præditus, ut planum sit ex ejus Commentariis in Epictetum &c. Lipsi. Epist. Gent. 1. Miscell. Epist. 33. Scio, non alios et præfatis magis consentire cum Christiana pietate, quam eos, qui e Stoica domo. In quo numero etiam Arrianus est, qui digessit Græcè Dissertationes Epicteti, mihi valde probatas. Nicol. Blancard. in Dedicat. præfixa Arriano: Huic auctori adsumt divina sermonis lumina, puritas, perspicuitas, & cum ornatus decorum: omnia feliciter, ac veluti sue cura, & arte, licet plurimum artis emineat, representata. Nam & proprietatis Græcæ lingue retinens est &c. Lucianus in Pseudomante: Arrianus Epicteti discipulus, vir inter Romanos imprimis laudatus, ac per omnem vitam in literarum studiis versatus &c. Vide ejus vitam à Diono Cassio, qui cognomento Cocceius, conscriptam.

ANNÆUS CORNUTUS LEPTITES

Philosophus fuit genere Africanus, secta Stoicus; qui sub Claudio, & Nerone Romæ vixit; à quorum ultimo nece affectus est. De ipso sic Suidas verbo Κορνύτης: Hic Cornutus Leptites Philosophus fuit. Leptis autem Lybiæ civitas est. Floruit Romæ sub Nerone, & ante ipsum, interfectus vero cum Musonio. Scripsit autem multa Philosophica, & Rhetorica. Præceptor dicitur Persii Poëtæ, & Lucani item Poëtæ. Ejus laudes prolixè describit idem Persius Sat. 3. Grammaticus enim, & Poëta fertur existisse; quem sæpe etiam Gellius, Eusebius, Suidas, & Macrobius, ac vitæ Persii autor memorant; Macrobius eum magnum virum, & Græcarum literarum doctissimum appellat. Fuit & alter Cornutus, quem refert Macrobius in Virgilium Commentaria scripsisse. Hunc Cornutum Annæum vocat l. 2. c. 6. Gellius & Grammaticis adnumerat; & l. 9. c. 10. eum virum doctum, & prudentem vocat. Diverfus tamen hic est à Cornuto Historico, qui T. Livii contemporaneus vixit, & æmulus. Cicero etiam memorat Cornutum quendam Prætozem. Sunt qui Cornutum Historicum Cornuti, Persii præceptoris, patrem faciunt. Vide Voss. l. 1. de Hist. Lat. c. 26. Euseb. in Chron. &c.

RUBELLIUS PLAUTUS

Philosophus fuit secta Stoicus, L. Veteris gener: cujus laudes Tacit. Annal. 14. 22. ita expressit: Igitur quasi jam depulso Nerone, quisnam dilige-

ligeretur, inquirebant: & omnium ore Rubellius Plautus celebrabatur, cui nobilitas per matrem ex Julia familia. Ipse placita majorum colebat, habitu severo, casta, secretaque domo, quantoque metu occultior, tanto plus fame adeptus. Auxit rumorem pari vanitate oria interpretatio fulguris. Nam qui a discumbentis Neronis apud Simbrutina stagna, cui Sublaqueum nomen est, illæ dapes, mensaque disjecta erat, idque sinibus Tiburtum acciderat, unde paterina Plauto origo, hunc illum numine deum destinari credebant, fovebantque multi, quibus nova, & anticipata præcolere avida, & plerumque fallax ambitio est. Ergo permotus itis Nero componit ad Plantum literas, consuleret quieti Urbis, seque prave diffamantibus subtraheret. Esse illi per Asiam avitos agros, in quibus tuta, & inturbida juvenia frueretur. Itaque illuc cum conjugè Antistia, & paucis familiarium concessit. Et ibid 37. Plautus magnis opibus, no fingere quidem cupidinem otii, sed veterum Romanorum imitamenta præferre assumit etiam Stoicorum arrogantia, sectaque, quæ turbidos, & negotiorum appetentes faciat. Et sequentibus articulis Plauti necem, factam a Centurione cum Pelagone spadone, quem satellitem manipulo Nero præfecerat, narrat, inquit: Plauto parari necem, non perinde occultum fuit &c. Vide eundem Annal. 16. 10. Interfectus autem Plautus dicitur à Cozzando octavo Neronis anno.

P. EGNATIVS.

ET ipse Philosophus Stoicus fuit, vixitque Neronis tempore. Verum ob vitæ pravitatem honestorum hominum despicionem incurrit. Hinc Tacit. Annal. 16. 32. loquens de Sorani accusatoribus, sic ipsum amici proditorem carpit: *Mox datus testibus locus: & quantum misericordis severità accusationis permoderat, tantum iræ P. Egnatius testis concolit.* Clienti hic Sorani, & tunc etius ad opprimendum amicum, autoritatem Stoicæ sectæ præferrebat, habitu & ore ad exprimendam imaginem honesti exercitatus, ceterum animo perfidiosus, ac subdolanus, avaritiam, & libidinem occultans. Quæ postquam pecunia reclusa sunt, dedit exemplum præcavendi, quomodo fraudibus involatus, aut flagitiis commaculatus, sic specie bonarum artium falsos, & amicitia fallaces.

G. MUSONIUS RUFUS.

Equestris ordinis, ortu *supplens*, *Philos. Byzantius*, ut ait Suidas, hoc est Thusei generis, ut ait Tacit. Annal. 1. 14. 59. sec. 1. & 2. sub Nerone vixit, Philosophus secta Stoicus insignis, qui sapientis cognomen sæpe obtinuit. Cozzandus de Maglfi. Antiqu. Philos. 1. 3. c. 4. ex Phot. Biblioth. c. 243. ait, Himecium hunc laudasse in Orat. funebri filii sui Rufini, ubi ipsum Nicagora graviozem, Minuciano vehementiorem, Sexto fortiozem, Plutarcho disertiozem, Musonio sapientiorem, suturem affirmat se sperasse. Verum Morery Lex. Magn. Histor. sup. contendit, Himecium non de nostro Musonio locutum fuisse, sed de Musonio, Proëresii discipulo, & Rhetoricam Athenis primum professio, deinde Asiæ Vicario, sive Locumtenente electo, ad quem extat Libanii epistola 453. qui Musonius sec. 4. sub Valentis imperio floruit, atque Achajæ etiam Præfectus fuit.

Hagna quidem, fateor, confusio est inter autores de Musonio scribentes. Morery enim in Lex. Magn. Histor. Musonios duos agnoscere videtur dum ait: *Musonius eques Romanus, & Philosophus secta Stoicus, quem Nero urbe*

extorrem fecit. Deinde articulo sequenti subdit: *Musonius Philosophus. Insignis 1. & 2. sec. familiaris fuit Apollonii Tyanæ, quorum reciprocè alterius ad alterum extant literæ.* Atque pro utroque eodem citat auctores Plinium, Philostratum, Suidam, & Tacitum. In supplemento tamen primò Musonium refert Rhetorices professorem, Asiæ Vicarium, quem eundem cum Proconsule Achajæ facit, ut modo dictum: deinde Musonium memorat Philosophum Stoicum ex ordine Equestri in Hetruria natum, à Nerone ad Gyaron insulam exsilio damnatum ob nimiam flagitiosum Principem arguendi libertatem; & ab eodem exsilio à Vespasiano, ut vult Morey in supplemento, sive à Tito, Vespasiani filio, advocatum anno Chr. 83. ut Eusebius in Chron. testatur. His tertium addit Musonium Philosophum Christianum, qui Romæ Juliani Imperatoris tempore vixit.

Suidas unum tantum memorat Musonium, Stoicum egregium, Tusci generis (nam Musonium, quem sub Ioviano vixisse refert, nunquam Philosophum fuisse scribit) sub Nerone florentem, & ab eodem exsilio multatum, Apollonio Tyanæ, aliisque eorum; cujusad Apollonium, & Apollonii ad ipsum epistolas extare, & de Philosophia scripsisse, affirmat.

Tacitus unus semper meminit in *Annal.* & in *Hist.* quem Musonium Rufum jugiter appellat. Expressius autem lib. 3. *Hist.* 81. his verbis: *Miscuerat se legatis Musonius Rufus Equestris ordinis, studium Philosophiæ, & placitæ Stoicorum æmulator &c.*

Tandem Cozzandus l. c. iis, quæ modo adduximus, subdit: *Patria Babylonium in Antiochopol. agnoscit R. Velaterranus l. 17. nec dubium, quin à Philostrato hauserit in vita Apollonii Tyanæ l. 4. c. 12., qui ejus familiarem fuisse ait, ac literas ultro, citroque missas ejusdem libri c. 15. habet. Cornelius Tacitus l. 14. Annal. Tusci generis Musonium fuisse scribit, ejusque non semel meminit l. 14. & 15. Annal. libro 3. & 4. Hist. Necro, quod Philosophum oderit, in carcerem trudit, ut Philostratus scribit l. c. cum Annæo Cornuto Lepitæ interfecit scriptum reliquit Suidas. At non morte Eusebius, sed exsilio scribit ambos multatos. Et quidem à Tito Imper. Musonium ab exsilio revocatum anno salutis 83. idem Eusebius notat. Musonii dicta, & facta Asinius Pollio Trallianus collegit. Musonii sæpe meminit A. Gell. apud quem l. 16. c. 1. celebris ejus sententia extat: Si per laborem honesti quidpiam egeris, labor abit, honestum manet; si per voluptatem turpe feceris quidpiam, quod suave est, abit, quod turpe est, manet. Hoc autem morale præceptum vere *ἐνδοξαστικόν*, hoc est, quod animo recolatur, multis ante annis à Catone Numantiæ ad equites dictum, idem Gellius memorat ibidem. Atqui alteram habet l. 9. c. 2. Musonii sententiam ab Herodo Attico relata de iis, qui falso cultu, amictuque nomen, habitumque Philosophi mentiuntur: Musonius æriscanti culpam id genus, & Philosophum se se ostentanti, dari jussit mille nummum. Et, quum plerique dicerent, nebulem esse hominem, malum, & maliciosum, & nulla re bona dignum; tum Musonium subridentem dixisse ajunt: Dignus ergo est argento. Sed hoc potius dolori mihi, & aegritudini est, quod istiusmodi animalia spurca, atque probra, nomen usurpant sanctissimum, & Philosophi appellantur &c. Vide etiam de Musonii sententiis Agellium l. 5. c. 1.*

M. ANTONINUS PHILOSOPHUS.

Marco Antonino in omni vita philosophanti viro, & qui sanctitate vite omnibus principibus antecellit, pater Annus Verus, qui in prætura de-

decessit: avus Annius Verus Item consul, & præfæctus urbi, adscitus in patritios à principibus Vespasiano, & Tito censoribus: patruus Annius Libo consul: amita Galeria Faustina Augusta: mater Domitia Calvilla, Calvisii Tulli bis consulis filia: proavus paternus Annius Verus prætorius ex Succubitanis municipio ex Hispania factus senator: proavus maternus Cæcilius Severus, bis consul, & præfæctus urbi: avia paterna Rupilia Faustina, Rupilii Boni consularis filia: fuere: Natus est Marcus Roma sexto Cal. Majas in monie Cælio in hortis, avo suo iterum, & Augure Coss. Cujus familia in originem recurrens, à Numa probatur sanguinem trahere, ut Marinus Maximus docet: Item à Rege Salentino Malennio, Desunni filio, qui Luptos condidit. Educatus est in eoloco, in quo natus est, & in domo avi sui Veri juata ædes Laterant. Habuit & sororem natu minorem Anniam Cornificiam: uxorem Anniam Faustinam consobrinam suam. M. Antonini principio avi sui nomen habuit, & Cæcili Severi materni proavi. Post excessum vero patris ab Adriano Annius Verissimus vocatus est post virilem autem togam, Annius Verus, patre morino, ab avopaterno adoptatus est, & educatus. Fuit à prima etate graviter: At ubi egressus est annos, qui nutritum forentur auxilio, magnis præceptoribus traditus ad Philosophiam seita pervenit. Usus est magistris ad prima elementa Euphorione literatore, & Geminomædo, musico Androne, eodemque geometra: quibus omnibus ut disciplinarum autoribus plurimum detulit. Usus præterea grammaticis, Græco, Alexandro: quotidianis Latinis, Trofio Apro, & Pollione, & Eutychio Proculo Siccensi. Oratoribus usus est, Græcis, Annio Marco, Caninio Celere, & Hero-de Attico: Latino Frontone Cornelio. Sed multum ex his Frontoni detulit, cui & statum in senatu petiit: Proculum vero usque ad proconsulatum prorexit, meritis in se receptis. Philosophiæ operam vehementer dedit, & quidem adbuç puer. Nam duodecimum annum ingressus, habitum Philosophi assumpsit: & deinceps tolerantiam, quum studeret in pallio, & humi cubaret, vix autem matre agente, infrato pellibus lectulo, accubaret. Usus est etiam Commodomagistro, cujus ei assinitas fuerat destinata. Usus est & Apollonio Chalcedonio Stoico Philosopho. Tantum autem studium in eo Philosophiæ fuit, ut adscitus jam in Imperatoriam dignitatem, tamen domum Apollonii discendi causa veniret. Audit & Sextum Chæronensem, Plutarchi nepotem: Junium Rusticum, Claudium Maximum, & Cinnam Catulum, Stoicos. Peripateticæ vero studiosos audit: Claudium Severum, & præcipue Junium Rusticum; quem & reveritus est, & secutus: qui domi, militiæque pollebat, Stoicæ disciplinæ peritissimus, cum quo omnia communieavis publica, privataque consilia: cui etiam ante præfæctos prætorio semper osculum dedit: quem & consulem iterum designavit, cui post obitum à senatu status postulavit. Tantum autem honoris magistris suis detulit, ut imagines eorum aureas in larario haberet, ac sepulcra eorum aditu, hostiis, floribus semper honoraret. Studuit & juri &c. Hac ex Julio Capitolino, ejus vitæ scriptore, omnium accuratissimo, transcribere placuit, in quo reliqua ad ejus præclaram philosophicam, & omni virtute decoratam vitam spectantia, videre est.

Addam ex eodem Capitolinoque potiora visa sunt. Quum frugi esses sine contumacia, verendum sine ignavia, sine tristitia gravis. His ita se habentibus, quum post obitum L. Cæsaris Adrianus successorem imperii quaereret, nec idoneus, utpote decem & octo annos agens, Marcus haberetur, amita Marci virum Antoninum Pium Adrianus: ea lege in adoptionem legit, ut sibi Marcum Pium adoptaret: ita tamen, ut & Marcus sibi Luctum Commodum adoptaret. Sane ea die, qua adoptatus est Verus, in somnis numeros eburneos habere vidit: sciscitatusque an apti essent oneri ferando, solito reperit fortiores. Ubi autem compe-

rit, se ab Adriano adoptatum, magis est deterritus, quam letatus: iussusque in Adriani privatam domum migrare, inuitus de matris domo recessit. Quumque ab eo domesticis quærent, cur tristis in adoptionem regiam transferret, disputavit quæ mala in se contineret imperium. Tunc primum pro Anno Aurelius cepit vocari, quod in Aureliam, hoc est, Anionini, adoptionis iure transisset etc. Post excessum divi Pii à Senatu coactus regimen publicum capere, fratrem sibi participem in imperio designavit, quem Lucium Aurelium Verum Commodum appellavit, Casaremque, atque Augustum dixit, atque ex eo pariter ceperunt Remp. regere. Tuncque primum Romanum imperium duos Augustos habere cepit. . . . Dabat se totum Marcus & Philosophiæ, amorem civium affectans. Sed interpellavit istam felicitatem, securitatemque Imperatoris prima Tiberis inundatio, quæ sub illis gravissima fuit: quæ res & multa Urbis ædificia vexavit, & plurimum animalium interemit, & famem gravissimam peperit. Quæ omnia mala Marcus, & Verus sua cura, & presentia temperarunt. . . . Erat autem ipse tantæ tranquillitatis, ut vultum nunquam mutaverit dolore, vel gaudio, Philosophiæ deditur Stoicæ, quam & per optimos quoque magistros acciperat, & undique ipse collegerat.

Ad cæteras ejus virtutes accedunt sequentes. Pater Patriæ appellatus à Senatu, hunc honorem ad Veri fratris sui adventum distulit. Hinc ubi Verus e Syria victor rediit, Patris Patriæ nomen ambobus decretum est. Contra vero Lucius Verus petiit, ut secum Marcus triumpharet, & Marci filii Cæsares appellarentur. Multas leges condidit: Senatus auctoritatem reddidit ampliore, nec quemquam in eum ordinem legi, nisi quem ipse bene scisset. Hoc quoque Senatoribus detulit, ut quoties de eorum capite esset iudicium, secreto pertractaret. Semper autem, cum potuit, Senatui, Comitibus etiam usque ad noctem interfuit; neque unquam à Curia recessit, nisi Consul dixisset: Nihil vos moramur, Patres conscripti. Judicariæ rei singularem diligentiam adhibuit: nam & Fastis dies judicarios addidit. Cavet sumptibus publicis: ac falsos delatores notâ signavit: delationes vero, quibus fiscus augetur, contempsit. Frumentariæ etiam rei optime consuluit; atque Italicis civitatibus famis tempore frumentum ex Urbe donavit. Vias Urbis, & itinerum diligenter curavit. Eos, qui ultra vestigalia quicquam acciperent, à præfecto Urbis, vel curatoribus viarum puniendos fancivit. Addam quod habet Xiphilinus ex Dione, quo insignis Marci de publicis studiis cura probatur: Marcus postquam Athenas venit, initiatumque fuit, magnos honores tribuit Atheniensibus, quorum in urbe doctores omnis doctrine annua mercede conductos constituit ad omnium gentium utilitatem. Imperator cum esset, ac omnium dominus, omnia non sua, sed Senatus, ac populi esse dicebat; quod ex eodem Xiphil. hic adnotandum: Marcus pecuniam ex ærario petiit à Senatu, non quod ea non esset in principis potestate, sed quod diceret; tam, cæteraque omnia esse Senatus, populi Romanæ. Non enim, inquit (id dicebat in Senatu) usque adeo nihil habemus proprium, ut etiam vestras ædes habitemus. Et ut verbo rem absolvam, per omnia modestissimus, Sanctissimis legibus, diligentia, & vigilantia in regimine adhibitis, ac optimis suis moribus, fecit ex malis bonos, ex bonis optimos.

De bello Germanico, Parthico, Marcomannico, & Vidovalorum feliciter actò, & ut Pannonias, Marcomannos, Sarmatis, Wandalis, & Quadiis extinctis, servitio libera verit; vide Marci vitæ scriptores, ac potissimum sæpe citatum Jul. Capitolinum; ex quo exemplum eximie pietatis in populos, in Marcomannico bello ostensum, transcribam: Quum autem ab hoc bellum omne ærarium exhaustisset suum, neque in animum induceret, ut extra ordinem provincialibus aliquid imperaret; in foro Divi Trajani auctoritatem ornamentorum imperia-

peritulum fecit, vendiditque aurea pocula, & crystallina, & myrrhina, vasa etiam regia, & vestem uxoriæ sericam, & auratam, gemmasque etiam, quas multas in repositorio sanctiore Adriani repperat: & per duos quidem menses hæc venditio celebrata est; tantumque auri redactum, ut reliquias belli Marcomannici ex sententia persecutus, postea dederit potestatem emtoribus, ut si quis vellet emta reddere, atque aurum recipere, sciret licere. Nec molestus ulli fuit, qui vel non reddidit emta, vel reddidit.

Erat famæ suæ curiosissimus, & requirens ad verum quid quisque de se diceret, emendans quæ bene reprehensa viderentur. . . . Semper sane cum optimatibus non solum bellicas res, sed etiam civiles, priusquam faceret aliquid, contulit. Denique sententia illius præcipua semper hæc fuit: Æquus est, ut ego tot, & talium amicorum consilium sequar, quam ut tot, & tales amici meam unius voluntatem sequantur. Sane quia durus videbatur ex Philosophiæ institutione Marcus ad militiæ labores, atque ad omnem vitam grauior carpebatur: sed malo loquentium dictis vel literis, vel sermone respondebat. . . . Erat mori iste Antonino, ut omnia crimina minore supplicio, quam legibus plebæ solent, puniret: quamvis nonnunquam contra manifestos, & gravium criminum reos inexorabilis permaneret. Capitales causas bonorum honestorum ipse cognovit, & quidem summa equitate, itaut prætorum reprehenderet, qui cito reorum causas audierat, iuberetque illum iterum cognoscere, dignitatis eorum interesse dicens, ut ab eo audirentur, qui pro populo iudicaret. . . . Omnibus orientalibus provinciis carissimus fuit: apud multas etiam Philosophiæ vestigia reliquit: Apud Ægyptior civem se egit, & Philosophum. Cum autem Avidius Cassius, pro Romana Rep. in oriente bellum gerens, à Marco imperante defectisset, ac se Imperatore appellasset, Marcus non satis defectione Cassii motus est, nec in ipsum sævit, sed per Senatum hostis est iudicatus, bonaque ejus proscripta per ævarium publicum. Quare nec exultavit. Interfectione Cassii, caputque ejus Romam delatum humari iussit. Ipsum enim per clementiam occidi passus est, non iussit: imo & doluit extinctum Cassium, dicens, voluisse sine Senatorio sanguine imperium transigere. Talis denique hujus magni Principis, & Philosophi vita fuit, ut veterem illum Platonis sententiam, quam semper in ore habebat, veram ostenderet: *Florescere Civitates, si aut Philosophi imperarent, aut Imperatores philosopharentur*. Petit à Senatu, ut Faustinae uxori suæ, quam in radicibus montis Tauri in vico Halatæ subito morbo exanimatam amiserat, honores, ædesque decernerentur; eamque laudavit, ejus impudicitiam vel nesciens, vel dissimulans: ac vicum, in quo obierat, coloniam fecit, & ædem illi extruxit; novæque puellas, Faustianas appellatas, in ejus honorem instituit: atque gavisus est, ipsam à Senatu Divam Faustinam appellatam fuisse.

Tandem de ejus morte hæc ex Capitolino addenda: *Quum egrotare coepisset, filium advocavit, atque ab eo primum petiit, ut belli reliquias non contemneret, ne videretur Remp. prodere. . . . Deinde abstinuit cibo, potuque, mori cupiens, auxitque morbum. Sexta die, vocatis amicis, & ridens res humanas, mortem autem contemnens, dixit ad amicos: Quid me stetit, & non magis de pestilentia, & communi morte cogitatis? Et quum illi vellent recedere, ingemiscens ait: Si jam me dimittitis, vale vobis dico, vos præcedere. Et quum ab eo quæreretur, cui filium commendaret, ille respondit: Vobis, si dignus fuerit, & Diis immortalibus. Exercitum, cognita mala valetudine, vehementissime dolebant, quia illum unice amabant. Septima die gravatus est, & solum filium admisit: quem statim dimisit, ne in eum morbus transiret. Dimisso filio, caput operuit quasi volens dormire: Sed nocte animam effla-*

offlavit. Fertur, illum mori voluisse, quum filium talem videret futurum, qualis entitit post ejus mortem, ne, ut ipse dicebat, similis Neroni, Caligulae, & Domitiano esset. Hunc autem Commodum Antoninum ejus filium, & Successorem, & quem duobus annis ante mortem consortem regni fecit, non de eo natum ferunt, sed de adulterio unde & sabellam de hac re commentii sunt, quam vide apud cit. Capitolinum.

De ingenti post mortem Marci luctu, ac summis honoribus ei à Senatu, populoque delatis, hæc habet cit. autor. Quum igitur in amore omnium imperasset, atque ab aliis modo frater, modo pater, modo filius, ut ejusque ætas ferebat, & diceretur, & amaretur, decimo octavo anno imperii sui, sexagesimo, & primo vitæ diem ultimum clausit. Tantusque illius amor eo die regis funeris claruit, ut nemo illum plangendum censuerit, certis omnibus, quod à diis commodatus, ad deos rediisset. Denique priusquam funus conderetur, ut plerique dicunt (quod nunquam antea factum fuerat, neque postea) Senatus, populusque non divisis locis, sed in una sede propitiū Deum dixit. Hic sane vir tantus, & talis, ac diis vitæ, & morte conjunctus, filium Commodum dereliquit: qui si felix fuisset, filium non reliquisset. Et parum sane fuit, quod illi honores divinos omnis ætas, omnis sexus, omnis conditio & dignitas dedit, nisi quod etiam sacrilegus judicatus est, qui ejus imaginem in sua domo non habuit, qui perfortunam vel potuit habere, vel debuit. Denique hodieque in multis domibus M. Antonini statuae conflunt inter Deos penates: nec defuerunt homines, qui somnitiis eum multa prædixisse futura, & vera concinuerunt. Unde etiam templum ei constitutum, dati sacerdotes Antoniniani, & sodales, & flamines, & omnia, quæ de sacralis decrevit antiquitas.

Itaque mortuus est Marcus, omnium hominum, qui unquam principatum tenuerunt, optimus: verum mortis tempus & modus, vitæ, & regni duratio, variant apud ejus vitæ scriptores. Capitolinus, ut diximus, eum vixisse annos 61. imperasse 18. asserit, ac morbo extinctum. Morbo & in Pannonia periisse confirmat Euseb. in Chron. regnasse autem annos 19. & mensem unum. Sed Joh. Xiphilinus ex Dione Nicæo in vita affirmat, eum vixisse annos 58. menses decem, & dies 20. regnasse vero annos decem, & dies undecim: mortuum denique non morbo, sed à Medicis peremptum. Ejus verba sunt: Sed is decessit e vita 17. Cal. April. non morbo, quo laborabat, sed (ut ego certo accepi) peremptus à Medicis, qui Commodo gratificabantur. Mortuus traditur ab Euseb. in Chron. a. Chr. 182. ab Hanc. vero 180.

Scriptit de Vita sua libros 12. qui libelli revera omnis humanæ Sapientię sunt apex, & summa, ut ait Casp. Barth. Adversar. l. 60. c. 8. Et Lil. Gyrard. de Poët. Dial. 5. p. 203. Ejus certe librum Græce scriptum legi, cui titulus. Μακκας Ἀντωνίνου ἐν τῷ αὐτῷ βιβλίῳ, ex quo variam, & multiplicem illius sapientiam facile colligere possumus: fuit hic unus inter Cæsares omnes æquissimus, ac optimus. Notandum tamen hoc, quod habet Voll. de Hist. Græc. Vita illa Marci Antonini, quæ ab Antonino Guævara Mendocens. Episcopo, & Casari Carolo V. à consiliis, Hispanice edita est, eaque e lingua in alias permultas translata fuit, nihil Antonini habet: sed tota est supposititia, ac genuinus Guævara ipseus factus; qui turpiter os oblevit Lectori, plane contra officium hominis candidi, maxime Episcopi. Habet interim plurima lectu nec injucunda: imprimis vero Principi, unde & Horologium Principum inscribitur. Opus hoc erucum è Palatina Bibliotheca primus in lucem emisit Conradus Gesnerus. Latine vertit Guilielmus Xylander: ejus postea translationem ad incudem revocavit vir clarissimus.

simus Mericus Casaubonus, Isacii filius, eruditus præterea notus, & emendationes addidit. Postea vero recensuit, ac perpetuo commentario illustravit Thomas Gatakerus, vir ~~apud Cantabrig.~~ Cantabrig. anno 1652.

Præclari hujus Imperatoris, & Philosophi testimonium plurima sunt apud auctores, quorum præcipua hic adducam: Suidas: *Quem facilius est tacite admirari, quam laudare, quod oratio nulla hujus viri virtutibus exæquari possit. Cum enim à prima ætate constantem, & quietam vitam sibi sequendam proposuisset, neque propter metum, neque propter voluptatem, aut letitiam vultu mutato unquam est conspectus. Philosophos autem stoicos laudas. Fuit autem illorum imitator non solum vitæ instituto, sed etiam disciplinarum studio.* Isaac Casaub. ad Henr. 4. Franc. Reg. Epist. quam Polyb. præmisit: *Omnium sapientissimus, atque doctissimus M. Antoninus, quem propter assiduam operam studiis navatam, vulgo Historici Philosophum cognominant, in libris aureis de Vita sua &c. Cap. Barth. Adversar. l. 51. Videtur autem summus omnis memorie Imperator omnia Homini, Principis, & Philosophi sua officia, monita, rationes, his libris complexus, nec magnopere tamen ordini studuisse, aut eloquentiæ.* Gul. Canter. Nov. Lect. l. 7. c. 1. *Imperator optimus, atque idem Philosophus tantus, ut hoc meruerit proprium cognamen. Duodecim conscripsit de Officio suo libros, maxima pietatis, humanitatis, temperantiæ, eruditionis, aliarum rarum præclararum testes plenissimos, & cum quibus multorum operosa præcepta collata merito sordere possint.*

Illud tamen æterna memoria dignum non omitam, quod Euseb. in Chron. ad an. Chr. 177. & Joh. Xiphilinus ex Dione Nicæo in Vita, notant, Marco in bello contra Germanos, & Sarmatas, accidisse: Marco cum exercitu adversus Quados pugnante, exercitus à Quadis in locis opportunis interclusus est; quumque aquam habere nullo possent modo, solis calore, & siti jam jam periturus videbatur exercitus, qui nec pugnare, nec secedere satis erat. Sed, addit ex Dione Xiphilinus, *Nubes repente ita coacta sunt, ut maximus imber aqua ceciderit, non sine Dei beneficio.* Modus autem, quo portentum hoc ad Christianorum preces accidit, talis ab eodem habetur: *Quum Marcus legionem unam haberet ex militibus Melitenes (bi omnes Christum colunt) ad eum præfectus prætorianorum venit, nescientem in illo prælio quid consiliū caperet, sumentemque toti exercitui, eique fertur dixisse, nihil esse, quod illi, qui Christiani nominantur, precibus impetrare non possint, esseque legionem unam in exercitu hominum hujus generis. Quare cognita, Marcus ab illis petiisse, ut Deos supplicarent. Quod quum fecissent, Deum eos exaudisse subito, percussisseque hostes fulmine, ac Romanos pluvia recreasse. His rebus Marcum vehementer obstupefactum, edito Christianos honore affectisse, ipsamque legionem *Χριστιανῶν* (hoc est Fulmina Jaculantem) appellasse, atque his de rebus Epistola Marci extare dicitur. Græci quidem sciunt, eam legionem *Χριστιανῶν* appellari, ejusque rei testes sunt; causam vero cur ita appellata sit, non dicunt. Dion addit &c. Idem confirmat Euseb. in Chron. inquit. Exercitui, qui cum eo in Quadorum regione pugnabat, siti oppresso, pluvia divinitus missa est; cum e contrario Germanos, & Sarmatas fulmina persequerentur, & plurimos eorum interficerent. Extant literæ M. Aurelii gravissimi Imperatoris, quibus illam Germanicam sitim, Christianorum forte militum precationibus imperato imbri discussam, contestantur.*

Basiliidem Scythopolitam, incertæ sæcæ Philosophum, hic memorandum duxi, nam M. Antonini tempore Romæ vixit, cui familiaris, & carissimus fuit, ut Gesnerus, & Simlerus ajunt. L. Veri præceptor quibusdam dicitur: sed à Jul. Capitolino non memoratur. Veri etiam præceptorem facit Euseb. in

Chron. ad an. Chr. 150. ubi: *Apollonius Stoicus, natione Chalcidicus, & Basilides Syropolitanus (legendum Scythopolitanus) Philosophi illustres habentur, qui Veri quoque Cæsaris præceptores fuerunt. Sed in nullo vitæ Veri scriptore Basilidis mentio invenitur.*

F A V O R I N U S.

HUic patria Arelas, sive Arelate, civitas Galliæ Narbonensis, regum etiam olim sedes: inde profectus Athenis primum docuit, postea Romæ Sec. 2. Adriani scil. Imperat. ævo, cui supra omnes carus fuit, ut ait *Ælius Spartianus* in Adriano Cæsare: *In summa familiaritate Epictetum, & Heliodorum Philosophos . . . habuit; præ cæteris, ut multi asserunt, eminente Favorino.* Et ibid. Adriani morem omnibus professoribus contradicendi, quod omnium doctissimus videri ambitione tenebatur, exprimens his verbis: *Es quamvis eset oratione, & versu promptissimus, & in omnibus artibus peritissimus, tamen professores omnium artium semper ut doctior risti, contempsit, obtulit. Cum his ipsis professoribus, & Philosophis, libris, vel carminibus invicem editis saepe certavit.* Adriani de quodam Favorini verbo prolato reprehensionem, & Favorini ad amicos, qui eum de silentio in injusta reprehensione objurgabant, lepidum responsum referens, subdit: *Et Favorinus quidem, quum verbum ejus quoddam ab Adriano reprehensum esset, atque ille cessisset, arguentibus amicis, quod male cederet Adriano de verbo, quod idonei auctores usurpassent, risum jucundissimum movit. At enim: Non recte suadetis, familiaris, qui non patimini, me illum Doctiorem omnibus credere, qui habet triginta legiones.*

Quidam asserunt, ipsum Hermaphroditum fuisse, sed rectius alii eum Eunuchum faciunt. Hinc non immerito Favorinum hæc tria miratum asserunt, Quod Gallus quum esset, optime græce loqueretur: Quod eunuchus adulterii accusaretur: & quod Imperator, cui in literariis rebus contrarius erat, ipsum in vivis adhuc detinuerit. Plura scripsit, præcipue *Omnigenas Historias Sylvas*, à Laërtio, ac sui ævi auctoribus allegatas. Favorini præter Philostratum in lib. 1. Vit. Sophist. & Spartian. in Adriano, meminit sæpissime Agellius, ut lib. 12. c. 1. ubi ejus dissertationem narrat, qua nobili feminæ suavit, ut liberos, quos peperisset, non nutricum adhibitarum, sed suo sibi lacte aleret, & lib. 14. c. 1. ubi adversus eos, qui Chaldæi appellantur, magos, & divinatores, disserit; & c. 2. in quo ab Agellio ipso de officio judicis consultus loquitur: & lib. 16. c. 3. in quo eum sancti dulcissimum etiam appellat: & lib. 4. c. 1. ubi cum Grammatico quodam jactantiore sermonem habet. Potissimum vero lib. 2. c. 26. ubi Favorini, ac M. Frontonis de generibus colorum, eorumque vocabulis philosophicos sermones narrat, & alibi frequentissime, & semper laudabiliter.

P E R I P A T E T I C I.

M A R C U S P I S O

Nobilis Romanus, Ciceronis & ipse familiaris, qui l. 1. de Nat. Deor. Peripateticorum eo tempore primus & creditus, & habitus, Aristotelis partes contra aliarum Sectarum patronos tuendas suscepit.

XENARCHUS

Natus est Seleuciæ, quæ Ciliciæ in Minori Asia Urbes est; Philosophus Peripateticus fuit; ac primum Alexandriæ, & Athenis, deinde Romæ docuit, ubi Arrii Aristophani, ac Cæsaris Augusti amicitia clarus exiit. Strabonem adhuc juvenem docuit; quem vide in lib. 14. Paulo ante mortem natorum lumen amisit.

ANDRONICUS RHODIUS

A Patria dictus, sectæ Peripateticus, Romam venit Ciceronis ætate, & Aristotelis scripta à Tyrannione Grammatico emit, cui Syllæ Bibliothecarius dederat. Hæc in cryptis diu abscondita, situ, tempore, & negligentia fere corrofa, & consumta ad Apelliconem Tejum Atheniensem pervenerant; e cujus bibliotheca Sylla, Athenis captis, Romam adduxerat; ut ex Plut. in Sylla, ubi: *Desumpsit sibi Bibliothecam Apelliconis Teii, in qua plerique Aristotelis, & Theophrasti libri erant, haud dum satis in vulgus noti. Ex ea, ubi deportata Romam fuit, ferunt, plurima intervertisse Tyrannidem Grammaticum, à quo accepisse Andronicum Rhodium exemplaria, eaque in lucem edidisse, & vulgasse hos, qui nunc manibus teruntur indices. Enim vero Peripatetici antiquiores videntur illi quidem elegantes fuisse, & eruditi, sed Aristotelis, & Theophrasti scripta neque pleraque, neque exacte voluisse: verum ob hæc edem Nelei Scepsi, cui libros suos reliquit Theophrastus, ea ad inertes homines cecidisse atque indoluisse. Primus igitur Andronicus Aristotelis scripta omni cura emendavit, instauravit, & publici juris fecit. Vide etiam hujus Hist. Phil. lib. 3. c. 8. p. 107. ubi de Arist.*

NICOLAUS DAMASCENUS

Quia Damasci natus, Philosophus Sectæ Peripateticus, Poëta, & Historicus omnium sui ævi celeberrimus, Augusti tempore vixit; cui clarissimus fuit, sicut etiam Herodi magno Judæorum Regi. Scripsit Historiam universalem Assyriæ libris 80. ex Suida 124. ex Josepho, vel 144. ex Athenæo; quæ tamen intercidit: quicquid dicat Gellnerus, qui ait extare Venetiis. Alia etiam scripsit, quæ nonnisi ab autoribus citata inveniuntur. Ejus tamen fragmenta à Porphyrogeneta Constantino collecta, & quæ D. Parescius ex Cypri insula sibi adducenda curavit, Henricus de Valois Parisiis Greco-Latina edidit a. 1634.

ATHENÆUS

Philosophus Peripateticus, & Orator, Seleuciæ in Cilicia natus, Murenæ familiaris vixit tempore Augusti, sub cujus imperio Romam venit, & tempore Pertinacis, atque Severi. Detecta Murenæ in Augustum conspiratione, cum ipso Urbe aufugit. Sed Athenæi innocentia perpescit, libertate donatus est. Ex casu tamen domus, in qua degebat, oblit. Ex Strabone l. 14.

Fuit & alter *Athenæus Naucratis Grammaticus*, qui sec. 2. sub M. Aur. claruit, & libris 15. *De symposiis, Dipnosophistarum*, varia eruditione referros, conscripsit, sic dictos, quia in ipsis Sapientes, dum mensæ assident, varia erudita multa colloquentes proponuntur; itaut Philosophos convivantes, sive convivas Philosophantes dicas. Hoc opus haud integrum ad nos pervenit,

ut

ut notat Hofmannus, quod sane varium, & eruditum est; Sed ejus tantum Epitome ab Hermolao Byzantino relicta. Hos libros commentariis illustravit doctissimus Isaac Casaubonus; qui in Proleg. ipsum Scriptorem *Πολυμήδιστον, Μυρίστητον, Γραμμάτων Varionem, aut Plinium*, vocat. Vide Suidam in Athen. & Voss. de Hist. Græc. l. 2. ubi: *Maximos ingenii, doctrinæque suæ fructus percipit à posteritate quindecim libris Dipsosophistarum, quorum & excerpta supersunt, sive, ut mutilator ipse appellavit, Παράβολαι.*

ALEXANDER ÆGÆUS

Philosophus Peripateticus, præceptor Neronis Imperatoris una cum Chæremone Philosopho: filium autem habuit Cællum nomine. Hic vocabatur Neronem Lutum sanguine inquinatum: malis discipulis, ut puto, peiores magistri. Suid. in Alexand. de hoc etiam dictum supra in Seneca.

ALEXANDER APHRODISIENSIS

Sic dictus, quia in Carlæ promontorio, quod Aphrodisium dicitur, natus est. Vixit in fine secundi, & principio tertii seculi, usque scilicet, ut ajunt, ad Severi, ejusque filii Caracallæ Imperium. Primus hic Peripateticam Philosophiam, quam M. Antoninus Philosophus, ejusque frater, & Imperii consors L. Verus, Romæ instituerant, professus est, & commentariis illustravit, ut ipse in iisdem Commentariis affirmat: unde *Ἐξηγητής* Interpretæ à Græcis dictus est. Nam præterquam quod omnium interpretum antiquissimus extitit (Hermini enim, Alexandro vetustioris, præter pauca fragmenta, quæ nunc extant, Commentaria in Arist. perierunt) Aristotelis doctrinam omnium optime sequitur, & defendit: unde particularem scdam instituisse visus est, Alexandream dictam: nec quisquam Aristotelicus habebatur, nisi & idem esset Alexandreus. Hic cæteris, iisque innumeris, Aristotelis Commentatoribus dux fuit, unde, quia reliquis præstat, ipse præ aliis legendus multorum judicio ducitur. Ex his Alexandri Commentariis veros Aristotelicorum sensus Plotinus didicit; atque ipsum, refert Divus Hieronymus, eisdem latinitate donasse, ut magis in Aristotelis doctrina proficeret.

Alius ab hoc omnino fuit Alexander M. Crassi Præceptor, Philosophus item Peripateticus; de quo ita Plutarch. in vita M. Crassi. *Et verò etiam aliquid Philosophiæ opera dedisse addidit Aristotelis scriptis, quorum habuit Alexandrum doctorem. Is facilitatis, & mansuetudinis documentum ex Crassi contubernio dedit: quippe non facile dixeris, egentior ad illum veneris, an apud eum factus sis. Solus enim ex amicis peregrinantem semper comitans lecticam accipiebat, quam reposebatur reversus. Hem patientiam: cum tamen paupertatem hujus miseri professio non numeraret indifferentem.*

THEMISTIUS

Cognomento Euphrades ab eloquentia dictus, Philosophus Peripateticus, & Orator eximius, patre natus Eugenio, Philosophiæ in Paphlagonia Professore sapientissimo, sub quo in Philosophia multum profecit: deinde in Ponto Asiæ præclaris artibus fuit institutus. Sub Juliano Apostata vixit, à quo Constantinopolis *ἡμεῖς* hoc est, Proprinceps, sive Propætor & à Constantio Prætor factus est. Floruit etiam sub Joviano, Valente, & Valentinia.

niano Imperatoribus, Apostatarum successoribus. Quamvis hic religione paganus esset, Christianos tamen non oderat: imo & ipsa totis viribus patrocinatus est apud Valentem Imperatorem, qui, quod hæreticus esset, & Arianorum Episcoporum consilio, ipsos persequeretur. Quum igitur plurimum in Aula valeret, forti quidem oratione Imperatorem mitem reddere conatus est, quæ id potissimum probabat, majorem esse sententiæ divisionem inter Idololatrias, quam inter Christianos, & quod homines fugi, & immeritos persequeretur: atque ideo Christianos ad necem usque non esse persequendos. Scripsit hic Commentarios l. 8. in Physicam Aristotelis: In Analytica l. 2. in libros de Anima l. 7. Librum unum de scopo, & Titulo libri Categoriarum &c. Proprias etiam concinnavit Dissertationes, de Interpretatione scilicet & Inscriptione Prædicamentorum: & Disputationes quasdam. Libros Themistii Paraphrasticos Hermolaus Barbarus Latinos reddidit: Hæc autem translatio improbatur à Voss. de Philos. p. 8. qui veterem, quæ apud Carperanos delitescere dicitur, desiderat. Philosophiam Antiochiæ imprimis, Nicomediæ, & in Galatia, & Constantinopoli, & Romæ professus est. Romani eoque ipsum demirati sunt, ut ad Imperatorem viros delegaverint, qui procurarent, ut illum apud se remanere adigeret. Quod tamen consequi nequiverunt, nam Constantinopolim repetere maluit. Cum Gregorio Nazianzeno familiariter vixit, ut ex Gregorii literis ad eum scriptis constat. Vide Acta Erudit. Mens. Octobr. 1685. Falso autem quidam asserunt, Themistium Alexandri Aphrodisiensis abbreviatorem fuisse; nam ab eo & serie variat, & sæpe etiam sententia. Themistium Divus Augustinus lib. de Categor. c. 22. præceptorem suum, egregium suæ memoria Philosophum; & Cassiodorus diligentissimum scriptorem, ac lucidum, & omnia ad facilitatem intelligentiæ reducentem, vocant. Extant & ejus Orationes ad Imperatores, sub quibus vixit, à Mureto commendatæ, & à Dionysio Petavio, & Joh. Harduino Soc. Jesu notis illustratæ; Parisiis editæ in fol. 1684. Vide Phot. in Biblioth. Sozom. Suid. Calaub.

ANICIUS MANLIUS TORQUATUS SEVERINUS BOETHIUS

Romæ ex nobili Aniciorum, & Torquatorum genere natus claruit in fine quinti, & principio sexti sæculi, tempore scilicet Anastasii Imperatoris, & Theodorici Gothorum Regis. P. Caudinus in vita asserit, ejus familiam nobilem millicente ipsum annis extitisse. Ex profecto inter Manlios celeberrimus primus fuit M. Manlius, qui Capitolinus, & Conservator patriæ dictus est, quia anno Urbis 364. Capitolium in extrema Urbis necessitate contra Gallos fortissimus dux defendit. Sed in judicium delatus, quod Reip. statum hac strenua defensione pro Pop. Romano habita immutavit vellet; ex eodem Capitolio, quod propugnaverat, præceps missus obiit, an. Urb. 370. Quæ de re ita Agel. l. 17. c. 21. Et M. Manlius Romæ, qui Gallos in obditione Capitolii obrepente per ardua depulerat, convictus est, consilium de regno occupando misisse; damnatusque capitis saxo Tarpejo, ut M. Varro ait, præceps datur; ut Cornelius autem Nepos scriptum reliquit, verberando necatus est.

Secundus in hac familia fortissimus ille fuit Manlius, qui, dum Tribunus Militum esset, ducem quandam Gallum singulari certamine interfecit coram exercitibus Romano, & Gallo. Quo necato, torquem perempti ducis proprio suspendit collo: unde & Torquati nomen accepit, quod in omnes familiæ posterios derivavit. De hoc sic Cic. 1. de Fin. Neque eum Torquatum, qui

hoc

hoc prius cognomen invenerit, aut torquem illum hosti detraxisse &c.

Hic idem illustris hujus familiæ Heros ille fuit, qui Consul à Rep. designatus exercitibus imperans an. V. 414. proprium filium capitis damnavit, quod ipsius & Consulis, & patris dignitatem non sit veritus, dum ipso inconsulto hostem dissipavit: sicque leges à Rep. conditas, ne quis scilicet inconsulto maximo exercitus duce, in hostem irrueret, proprio filii sanguine firmavit, ut justus Consul magis, quam amans pater esse videretur. Tandem divus Hieron. Boëthii familiam adeo illustrem fuisse affirmat, ut vix unum in ea repereris, qui Consulis dignitatem vel non habuerit, vel non meruerit. Observa hic, labi penitus P. Caussinum in Vita Boëthii, ubi ait, Manlium hunc Consulem, qui proprium filium morti dedit, alium à Manlio fuisse, qui Torquati cognomen à torque conquisito familiæ dedit; unde & tertium Heroëm hunc Manlium appellat. Cicero enim, præ ceteris, omnibus & de fin. eundem fuisse ostendit, dum ait: *Sed ita prorsus existimo, neque cum Torquatum, qui hoc prius cognomen invenerit, aut torquem illum hosti detraxisse, ut aliquam ex eo perciperet corporis voluptatem, aut cum Latinis tertio consulatu conflixisse apud Vesperim propter voluptatem. Quod vero securi filium percussisset, privavisse se etiam multis voluptatibus: cum ipsi naturæ, patriæque amoris prætulerit jus majestatis, & imperii.* Ex quibus Ciceronis verbis id etiam educitur, Torquatos hos Manlios, Boëthii majores, Epicureos fuisse. Imo & Epicuri partes acerrime cit. Cic. l. tuetur Torquatus.

Quum Theodoricus Gothorum Rex Imperii dignitatem assumpsit, Boëthius elegantem habuit orationem ad populum. Quare statim ab Imperatore & Consul, & primus Aulæ minister factus an. Chr. 510. ab ipso ut oculi pupilla diligeretur; ac nihil pro regno, nisi consulto Boëthio, decernebat. Primus minister, ac supremus Imperatoris Consiliarius electus, iusta quæque, & Sancta Principi insinuabat. Nedom autem ipse ter Consul ab Imperatore electus, sed & ejus filii in tenera adhuc ætate Consulatus dignitate, honoraria tamen, insigniti, curru, honoris dicto, vecti, Senatoribus, & populo stipati per Urbem ibant. Gebertus l. 2. Epigram.

*Tu pater, & patriæ lumen, Severine Boëthi,
Consulis officio rerum disponis habenas,
Insundis lumen studiis, & cedere nescis
Græcorum ingenitis*

Philosophiam, Theologiam, Matheseos partes omnes optime callebat. Præclaram ejus disciplinarum omnium, quas Athenis didicerat, eruditionem summis laudibus testatur est idem Theodoricus in epistola ad ipsum missa, quam magnus Cassiodorus Theodorico à Secretis, & epistolis l. 1. Variarum Epist. 45. notavit: in qua scribit, Boëthium Atheniensium spoliis ditatum esse, per quæ etiam Italis Pythagoræ, Ptolemæi, Nicomachi, Euclidis, Platonis, Aristotelis, & Archimedis scripta innotescere curavit. Aristotelis Philosophiæ addictus fuit: cujus libros primus Latinorum & Latinos reddidit, & doctissimis Commentariis illustravit.

Sed ò instabilem Principum gratiam! ò varios, & mutabiles fortunæ casus! Gothorum quidam primores, quos Theodoricus ad supremos Aulæ honores exaltaverat, quod Boëthio inimici essent, ipsum prodicionis reum Theodorico accusarunt; atque ad hanc ipsorum calumniam probandam fictas Boëthii ad Anastasium in Oriente Imperatorem literas ostenderunt, quibus ipse Regnum proderet videretur. Quare Theodoricus Boëthium ut proditorem putans, quod reciperandæ Reip. libertati studeret, extorrem una cum foecore Symmacho Senatore, Romanorum nobilissimo, gravissimoque viro, Ticinum misit, eorum

potentiam timens, quia senatores erant potiores. Ibi cum Symmacho sex menses custodia detentus, aureos illos, ac nunquam satis laudatos *Libros quinque de consolatione Philosophiæ* composuit: ac tandem die 23. Octobris an. 524. una cum sacro capitis pœna damnatus ultimum diem obiit. Baronius Boëthium inter Martyres adnumeratum asserit. Julius Martianus Rota, qui Boëthii vitam accuratius scripsit, ait ipsum obruncatum caput propriis manibus gestasse, usquequid animam ante altare cuiusdam *Ædiculæ*, non longe à Martyrii loco sitæ, efflaret. Ejusdem etiam Theodorici iusti Johanne Pontifex hujus nominis Primus, eandemque ob causam, Ravennæ in carcere obiit.

Scriptis præterea Philosophica, & Theologica multa, quæ Henricus Loricius Glareanus collecta simul edidit an. 1546. Duos reliquit filios Boëthium, & Symmachum, qui & ipsi Consules, honorarii tamen, a. 522. fuerunt, ut modo dictum. Quidam Boëthio alios Tractatus tribuunt, qui ejus non sunt; ut *De Disciplinâ Scholarum*, cujus autor est Dionysius Carthusianus. Vide cit. Jul. Martianum Rota in ejus vita, Baron. Possevin. Voss. Caussin. atque alios. De ejus scriptis hæc autorum quorundam censura.

Julius Scaliger in Hypercritico p. 825. *Boëthii Severini ingenium, eruditio, ars, Sapientia, facile provocat omnes autores, sive illi Græci sint, sive Latini. Seculi barbarie ejus Oratio soluta deterior invenitur; at quæ libuit ludere in Poësi, divina sane sunt, nihil illis cultius, nihil gravius; neque densitas sententiarum venerem, neque acumen absistit ardorem. Equidem censeo, paucos cum illo comparari posse &c.* Vossius de Poëtis Latinis: *Vir Latine, & Græce doctissimus, in omni disciplinarum genere excellens, & quo Roma à Varronis temporibus non habuit undecumque doctiorem. Quantum idem carmine maluerit, ostendunt libri quinque de Consolatione Philosophiæ, quos exsul Ticini scripsit. Omnino nihil in Poësi venustius habuit vel illud ævum, vel etiam quod proxime antecessit. Lilius Gyraldus de Poëtis: Fuit Boëthius in omni disciplina egregie doctus, quod liquido ex ejus monumentis constare potest. In pangendis versibus mira usus est facilitate. Politianus in Miscellaneis: Quis Boëthia vel in dialecticis acutior, vel subtilior in Mathematicis, vel in Philosophia locupletior, vel in Theologia sublimior. Atque idem Politianus Alberti Magni, & Divi Thomæ, qui ejus opera commentariis illustrarunt, in hanc rem sententiam adjecit. Barthius Adversar. l. 17. c. 13. Severini Boëthii ingenium neque ante se multos, neque post se aliquem toto Romani Imperii tempore habuit similem. Vide etiam Erasmus in Cicero-niano; Rapin. in Reflexionibus; Bercium in Præfat. ad Consolat. Philosoph. &c.*

GEORGIUS TRAPEZUNTIUS

CRetensis, sed ex paterna origine Trapezuntius dictus, natus est an. 1396. oblit verò maxime senex, itaut ultimis vitæ suæ temporibus, absumentis spiritibus, ac cerebro debili reddito, literarum prorsus oblitus fuerit. Romam venit sub Eugenio IV. ibique plures annos Rhetoricam, & Philosophiam docuit Peripateticam, cui unice addictus, & propugnator fuit acerrimus; Platonem tamen iniquior semper extitit, cujus nec laudem ferre unquam potuit. Ejus etiam dogmata, & mores peracerbe, & insolenter, edito famoso volumine laceravit. Quam arrogantiam Cardinalis Bessarion, eximius Platonis patronus oppugnavit. Eugenii successor Nicolaus V. eum Pontificem scribam fecit.

fecit. Græcos autores quosdam Latinos fecit, inter quos Aristoteles, Her-
mogenes, & Eusebius Cæsariensis sunt; ab hoc tamen Anianorum erroribus
prius amputatis, sensu perverso, phrasibus labefactatis, capitibus pluribus ab
opere ablatis, totoque decimoquinto libro prætermisso, ut vel ipse Eusebius,
si revivisceret, se ipsum apud Trapezuntium non agnosceret, ut notat Baillet
in Eruditorum Judiciis Gall. Dallæus, & Perroniana ipsum sic arguunt: *Sæpe
labitur, & baud fidelem se præstitit in transferendis à Græco autoribus.* Bois-
sardus Trapezuntii *dijunctus* literarum, in extremo senio assigentem, qua le-
gendi, scribendique penitus oblitus est, enarrans, hanc oblivionis causam
subdit: *Propterea quod ejus opera Pontifici Maximo oblata, centum ducatis
tantum compensata fuissent. Is autem à Vaticano Palatio domum se conferens,
indignatione percitus ex ponte Aelio pecuniam ab ingrato acceptam in Tiberim
abiecit, addita exclamatione: Perire labores, pereat & eorum ingrata merces.*
Raphael Volaterranus ejus se discipulum fatetur l. 2. ubi ait: *Quem ego se-
nem puer docentem audivi. In extrema senectute oblitus erat omnino literarum,
solumque per Urbem baculo nixus incedere malebar.* Voss. Inst. Orat. l. 4. c. 3. . .
*Minime profecto conferri meruit cum Theodoro Gaza, cui eum æquiparavit An-
gelus Politianus, &c. Vide eundem etiam de Hist. Lat. l. 3. c. 8. Paul. Jov. Leon.
Allat. Huet. & Isaac. Bullart. in Acad. Scient. Fama etiam est, ejus filios Joh.
Regiomontanum veneno sustulisse, quod hujus gloria patris gloriam obscurasset.
Mortuus est a. 1468. ut ait Morery, sive 1486. ut vult Konig. ejusque Apolo-
giam filius, infelici tamen fama, contexit.*

E P I C U R E I.

C. VELLEJUS.

Senator Romanus L. Crassi, & Ciceronis familiaris, qui in Dialogo Cic.
l. 1. de Nat. Deorum Epicuri partes tuetur adversus Cottam, qui Platonem,
Pisonem, qui Aristotelis, & Balbum, qui Stoicorum doctrinam propa-
gnabant. De Vellejo sic Cic. l. c. . . . & cum C. Vellejo Senatore disputantem:
ad quem Epicurei primas ex nostris hominibus deferbant. Ubi omnem de
Dii Epicuri doctrinam exponit ita luculenter, ut pauci Græcorum cum ipso
conferri possint. Zenonis discipulus fuit.

C A T I U S

EPicureus Infuber, qui ante Ciceronem & vixit, & obiit; de quo idem
Cic. epist. ad Cassium lib. 13. Nam, ne te fugiat, Catius Infuber Epicu-
reus, qui nuper est mortuus, quæ ille Gargettius, etiam ante Democritus
vixit, hic spectra nominat. Idem eod. lib. eundem Catium, & Amasianum
(seu Amasinum) malos verborum interpretes appellat. Vide etiam Horat.
sat. 4. l. 2. quæ incipit: *Unde, & quo Catius?* & Lambinum in Comment. ubi
ait. *Hunc inducit Horatius apud se querentem, & cogitantem, quibus nomi-
nibus utatur in interpretandis, & Latine exprimendis Epicureis quibusdam
præceptis, quæ ad artem culinariam, convivique apparatus, obsonia, condi-
menta, & similia pertinent.*

T. POMPONIUS ATTIGUS.

Eques Romanus, à patre literarum amantissimo ortus, à quo summa cura
in optimarum artium studiis institutus fuit. Ciceroni cœvus, & perpetuo
fami.

familiaritatis jure conjunctus vixit; ut ipse in Epist. ad eundem Atticum testatur his verbis: *Mibi nemo est nec amior, nec jucundior Attico*. Excellenti vir ingenio ob civile bellum inter Cinnam, & Syllam Athenas secessit; ubi diu moratus Atheniensium omnium gratiam suis moribus elegantissimis, & liberalitate promeruit. Unde & statuas, quas sibi præsentî erigi passus non fuit, absenti tamen, ut Corn. Nep. ait, sanctissimis locis exerebant. Ibi ingenuas disciplinas, ac in primis Philosophiam didicit Epicuream, ut Cic. sæpe testatur; sic enim de Fin. 1. *Omnes mihi Epicuri sententiæ satis notæ sunt; atque eos, quos nominavi, cum Attico nostro frequenter audivi*; atque alibi passim. Et 3. de Leg. ipsum laudans ait: *Quid enim est elegantia tua dignius? cujus & vita, & oratio consecuta mihi videtur difficillimam illam societatem gravitatis cum humanitate*. L. etiam Saufejum, equitem Romanum, æqualem sui, qui complures annos, studio ductus Philosophiæ, Athenis habitavit, ejusdemque Sectæ Philosophum, amicissimum habuit. Atticus Philosophicæ prohibitaris, omnisque virtutis exemplar fuit: de quo, omisiss aliis, hæc præcipue ex Corn. Nep. adnotanda: *Mendacium neque dicebat, neque pati poterat. Itaque ejus comitas non sine severitate erat, neque gravitas sine facilitate; ut difficile esset intellectu, utrum eum amici magis revererentur, an amarent. Quicquid rogabatur, religiose promittebat; quod non liberalis, sed levis arbitrabatur polliceri, quod præstare non posset, &c.* Ejus autem virtutum hanc rationem addit: *Nam & principum Philosophorum ita percepta habuit præcepta, ut illis ad vitam agendam, non ad ostentationem uteretur. Græcam autem linguam sic optime didicit, ut ipsa non secus ac Romanâ loqueretur, & Attici inde nomen assequeretur*. Cic. 5. de Fin. *Athenis se collocavit, ut sit pene unus ex Atticis, ut id etiam cognomine videatur habiturus*. Et Corn. Nep. in Vita: *Sic enim Græce loquebatur, ut Athenis natus videretur*. Ipsum Sulla Athenas ex Asia veniens, quamdiu ibi fuit, secum habuit: cui omnia munera, quæ Athenis acceperat, proficiscens jussit deferri. Atticus pecuniosus cum esset; ejus tamen liberalitas neque temporaria, neque callida unquam fuit. Deinde pacatis in Rep. omnibus, Romam reversus, hæres ex dodrante à Q. Cæcilio a vinctulo suo factus est. Attici sororem Q. Cicero, M. Tulli germanus, uxorem duxit: ex quo M. Tullius Cicero cum Attico amicitiam arctius constrinxit. Cum Attico etiam familiaritatem Q. Hortensius, Orator celebris, insignem habuit. Cæsare, & Pompejo, M. Antonio, & Bruto Urbem civili bello vexantibus, Atticus, quia nemini magis adhæsit, omnibus æque carus fuit. Agrippa quoque Atticum tanti semper fecit, ut filium ejus Pomponiam uxorem duxerit. Oblatos sibi honores, & Reip. dignitates omnes Atticus, quod veri Philosophi est, abdicavit. Atqui privatam vitam agens, studiis, Philosophiæ potissimum, semper vacabat: atque ideo servos, qui coram ipso legere, vel exscribere callerent, sibi adsociavit. Extrema senectute, magis autem studiis confectus obiit an. ab U. C. 721. ætatis verò 77. ex tenebris, & inde exorto intestinorum ulcere. Scripsit *Annales*, quorum meminit etiam Plut. in Annibale; *Elogia virorum illustrium*: atque alia Græcæ æque, ac Latine. Librum Græcæ confecit de *Consulatu Ciceronis*. Versibus etiam plura scripsit. Philosophicæ vixit, philosophicæ mortuus est, contentus equestri ordine, quo erat ortus, qui sua virtute omnibus semper carus, & gratus, in asinitatem etiam pervenit Imperatoris Divi Julii filii, cum jam ante familiaritatem ejus esset consecutus. Vide Corn. Nep. in Vita: Cic. in Bruto, in Epist. ad Atticum, atque alibi: Plin. l. 35. c. 2. &c.

Fuit & alter Atticus Platonicus, qui sub Commodi imperio floruit. Scripsit hic Historica quædam. Hujus meminit Eusebius sub anno 179. Vignier sub

an. 177. Scriptis etiam libros 7. quibus Platonis cum Aristotele, contra Taurum Berytium, probavit consensum: Dialogum in Categorias, hodie quoque superstitum: septem item libros in easdem, Simplicio allegatos: Commentarium in librum de Interpretatione, allegatum Boëthio. Ut taceam quæ in libros de Anima scripsit, cum pateat ex Suida, eos Atticum confutasse potius, quam explicasse; quod & Theodoritus confirmat.

T. LUCRETIVS CARUS.

DE hoc dictum est lib. 3. c. 15. hujus Hist. in Epicuro, Poëtam Latinum fuisse, ex illustri Romanorum familia ortum; qui Athenas ad disciplinas comparandas à parentibus missus, Epicuream Philosophiam sub Zenone, & Phædro Epicureis edoctus, ipsam sex libris sub titulo de *Natura rerum* (Physicam enim tantum tractat) heroico carmine descripsit: ac tandem potu philtri amatorii, ipsi à Lucilia exhibiti mortuus est an. ætat. 42. vel 43. Olymp. 181. Quam autem ei præcipuus inter Romanos locus debeatur; addenda de ipso hic quædam sunt. Euseb. in Chron. ad Olymp. 171. *Titus Lucretius Poëta nascitur, qui postea amatorio poculo in furorem versus, quum aliquot libris per intervalla infantia conscripisset, quos postea Cicero emendavit, propria se manu interfecit an. ætat. 43.* Et Ciceronem quidem, & Varionem parum ætate præcessit. Lucretium in sua natura elegantem, sed difficilem esse testatur Quintilianus. Quam Quintilian! Sententiam miratus Gaspar Barth. Adversar. l. 43. c. 2. ait: *Itane difficilis Lucretius, qui simul & elegans? . . . Itaque quid difficultatis, aut quor nodos hic reperit Fabius, ego fateor, me perspicere minime posse.* A Corn. Nep. Vellejo Patereulo, & Cic. laudatur: à Vossio de Art. Grammat. *Optimus Latinitatis autor;* & ab Agell. l. 1. c. 21. *Poëta ingenio, & sacundia præcellens,* dicitur. Fur. Albinus apud Macrobi. Nemo debet antiquiores Poëtas earatione vidiores putare, quod eorum versus nobis scabri videntur. Ille enim stylus maxime sum placebat: diuque laboravit ætas secuta, ut magis huic molliori stylo acquiesceret. Itaque minime desuerunt, imperantibus Vespasiani, qui Lucretium pro Virgilio, & Lucilium pro Horatio legerint. Ovidius etiam Lucretium magni æstimavit. Inquit enim l. 1. Am. el. 15.

Cavmina sublimis tunc sunt peritura Lucreti,

Exitio terras quum dabit una dies.

Et Gasp. Sciopp. de Arte Critic. p. 93. dicere audent: *Et verò semel, ut cum Lambino dicam, sciat lector, neminem in tota lingua Latina Lucretio melius latine esse locutum: non M. Tulli, non C. Cæsaris orationem est puriorem.* Quod confirmat Scaligerana l. 1. p. 104. *Lucretius bonus liber est: nec melior alius autor lingue latine.* Virgilius ab eo multa desumpsit. Et Jul. Cæs. Scal. Comment. in Arist. Hist. Animal. Lucretium Virum divinum, atque incomparabilem appellat. Sed sanior videtur censura, quæ habetur in Liter. Rep. Novell. Galk. Jul. 1685. p. 812. *In Lucretii versificatione tot ad eloquentiam dispositiones elucet, ut, si Augusti tempore vixisset, cum Virgilio de palma certare potuisset. . . . Sunt tamen Critici quidam, qui Lucretium supra omnes Latinos Autores extulerunt. Nimum hoc est: sufficit illum inter bonos collocare.* Vide etiam P. Crinitum, Gassend. in Vit. Epic. Possivevinum in Biblioth. Select. atque alios.

LUCIANUS

Samosatenſis, quod Samofatæ ortus fit, quæ Syriæ civitas eſt Comagenes caput, non longe ab Euphrate: unde ſe ipſum Syrum, & Aſſyrium non ſemel nominat. In *Bis Accuſato* ſe Syrum Rhetorem vocat; & ſub ſinem *Apologia pro mercede conductis* inter quæſituoſos Rhetores locum ſibi fuiſſe ait: etiam cauſidicum ſe dicit in *Piſcatore*, ubi cauſas quoque agere cur deſerit, & animum ad ſcribendum appulerit, docet. Quadragenarius philoſophari cœpit, ut eſt in *Hermotimo*. Aperte ſe Philoſophum proſtitetur in *Piſcatore*. Suum genus, educationem, & ſtudia exponit in *Somnio*, ubi ſtatuariæ artis primis vitæ annis initiatum videbis. Jam ſenior in Aulam, & familiam Cæſaris ſe contulit, & Procuratoris Principis in Ægypto conditionem accepit; ut eſt in *Apologia pro Mercede conductis*. De eo lic Suid. *Lucianus Samofatenſis*, cognomento blaſphemus, ſive maledicus, aut atreus potius appellatur, eo quod in *Dialogis ſuis* ridicula etiam illa eſſe proponit, quæ de rebus divinis, & ſacris prædita ſunt. Dicitur autem vixiſſe temporibus Trajani Cæſaris, & deinceps. Caterum fuit ab initio cauſidicus Antiochiæ, quæ in Syria eſt. Sed cum ea res illi non ſatis ex ſententia ſuccederet, ad ſcribendum ſeſe convertit, ſcripſitque adeo infinita. Obiſſe autem ipſum, fama eſt, à canibus lacratum, quoniam & contra veritatem velut rabiem exercuiſſet. Nam & in *vita Peregrini Chriſtianismi* quoque inſectatur, ipſum Chriſtum contumelioſo inceſſit, ſceleſtus ille: Quare & rabiei iſtus pœnas ſufficienter in præſenti vita dedit, & in futurum bæres æterni ignis una cum Satana erit. Michæel Volaterranus, quo autore nescio, addit, eum ab initio Chriſtianum fuiſſe; deinde ejuſdem Fidei deſertorem factum, dixiſſe, ſe nihil ex ea conſecutum præter fui nominis corruptionem, quod ex Lucio Lucianus dictus fuerit.

Omni Deorum metu ſublato, Epicureorum Sectam ſecutus eſt. Philoſophiæ, & Mathematicæ, & Aſtologiæ poſſiſſimum operam dedit, de qua etiam ſcripſit. *Nugator feſtius* ab Eraſmo appellatur, & à Lud. Viv. *ſubſannator Deorum, & hominum*: quæ enim in Deos omnes, præcipue in Chriſtum Dominum ſœdiſſimo ore ducuntur, & *ſaturnus* ille evomerit, ne dum lingua referre, ſed & calamus horret exſcribere. Et acriter quidem contra Deos Ethnicos, iſorumque ridiculos cultus invehitur in *Dialogis Deorum omnibus*, præcipue in *Conſilio Deorum*, atque in *Jove Tragædo*. Religionem omnem, cum Chriſtianam in *Philopatre*, tum Ethnicam in *Cyniſco* ludibria habet. Nullus eſt, quem attingens non aliquo feriat ſcommate. Philoſophos comica dicacitate inſectatur: ac contra ipſos, eorumque Sectas declamat in *Bis Accuſato*, in *Hermotimo*, ſive de *Sectis*, in *Dialogo contra Indoſum* multos libros eſt, in *Timone Myſanibropro*, in *Navigio*, in *Cynico*, &c. nullam Philoſophorum Sectam probans, quod nec eorum doctrina, nec qui eam profeſſi ſunt, quod promiſerant, præſtiterunt. Hinc Gilbertus Cognatus, & Eraſmus, Luciani cæteroqui patronus in *Epist. Præcipue Philoſophis inſeſtus, atque inter hos Pythagoriciſti poſſimum, ac Platoniciſti ob præſtigias Stoiciſti item propter intolerandum ſupercilium, hos punctum, ac caſum, hos omni telorum genere petit; idque iure optimo. Quid enim odioſus, quid minus ferendum, quam improbitas, virutis profeſſione perſonata? &c. Ad Philoſophos tamen inſectandos, ac proſcindendam Philoſophiam impulſum eum fuiſſe, ſcribit Vives, invidia Plutarchi Chæronenſis, quem in magno honore eſſe apud Trajanum Cæſarem in vitus, & dolens videbat. Scripſit autem *Dialogos*, Platonis exemplum ſecutus, præter hos, plures: *Vitam Demonaciſti*; librum de *Longævis*, atque alia, quæ multorum opera è Græco in Latinum verſa habemus. Quam.*

Quamvis autem libri ab eo conscripti plurimi sint; ad nos tamen nonnisi 172. pervenerunt. Luciani porro Epigrammata 31. leguntur passim in magno volumine Epigrammatum Græcorum. Billius etiam Epistolas, quæ Phalaridis nomine circumferuntur, eidem tribuit, & Guilielmus Philander Castilionius in suo in Vitruvium Comment. Vitam Apollonii Tyanei octo libris conscriptam ipsi adscribit.

Mortuum tradit Suidas, ut diximus, & hunc seculi Hieronym. in Catalogo, Hofmannus in Lex. atque alii, à canibus devoratum. Verum Gilbertus Cognatus ipsum podagra consumtum obliisse putat annos natum 80. ut in 6. Narrat. scribit.

De ejus scriptis, in quibus Historica, Philosophica, & Erudita, dicatitatis tamen semper referta, continentur, hæc est autorum censura. *Declamator insignis, & scriptor præstantissimus* à Hieronym. & Hofman. dicitur, & facetissimus. Lactant. de Fals. Relig. c. 9. *Lucianus nec Diis, nec hominibus pepercit.* Lud. Viv. de Verit. Fid. Christi. l. 2. p. 126. *Pessime Lucianus Samosatenus Sepsista, qui adimens hominibus veterem, ac receptam religionem, non saltem reponcbat novam aliquam. Quod irideret antiquas dementias, ac insanias, recte id quidem; sed alia debebat substituere potiora. Sublatis enim prorsus religionibus, quid aliud, quam hominem sine humanitate relinquebat?* Cæli. Rhodig. l. 9. Lect. Antiqu. c. 19. *Lucianus homo sæditissimus, sequentia multa, at sapientia minima.* Ejus phrasim laudat Lud. Viv. de Trad. Discipl. *Luciani verba sunt tersa, & phrasis dilucida.* Isaac Casaub. de Rom. Satyr. l. 2. p. 268. *Lucianum à Menippo non pauca esse mutatum, & in multis æmulatum fuisse, non dubito: sed facies orationis tota diversa. Quin ipse gloriarum, morum scribendi genus se invenisse: ac sub comica jocositate gravitatem Philosophicam oculussisse: Tandem ejus encomiasta Erasmus Epist. l. 29. ep. 3. sic ejus laudes contexit: Tantum obtinet in dicendo gratia, tantum in inventiendo felicitatis, tantum in jocando leporis, in mordendo aceti, sic titillat allusionibus, sic seriat nugis, nugas serilis miscet: sic videns vera dicit, vera dicendo videt: Sic hominum mores, affectus, studia quasi penicillo depingit: neque legenda, sed plane spectanda oculis exponit, ut nulla comædia, nulla satyra cum hujus Dialogis conferri debeat, seu voluptatem spectes, seu spectes utilitatem.* Vide etiam Phot. cod. 128. Voss. de Philos. sect. p. 37. Gilbert. Cognatum, & Jacob. Luingerum.

RELIIQUI EPICUREI.

Sequentes etiam Epicuræis Philosophis accensentur à L. Corzando de Magist. Veter. Philos. lib. 6. cap. ultimo: quos ex eodem propriis verbis exscribere, & quædam, quum extant, ex aliis decerpta addere fas sit.

PHILODEMUS GADARENSIS nobilissimo genere satus Scytham secutus est Epicuream, clarisque in ea Philosophus fuit. Meminit ejus Asconius Pedianus, & Strabo, qui lib. 16. inter illustres Gadare viros eum commemorat. Vixit Ciceronis ætate, & fortasse Horatii. Nimirum Lilius Gregorius Gyraldus eundem plane esse suspicatur, quem nominat Horat. lib. 1. Sermon. Sat. 2. Poeta hic fuit, cujus meminit Cic. Orat. in Pisonem. Vide etiam Cassendum in Vita Epic. l. 2. c. 6.

POMPILIUS ANDRONICUS natione Syrus, studio Epicuræ Scythæ Romæ illustris emicuit, docuitque tempore M. Antonii Gnisonis, quem Cicero audivit etiam cum Prætura fungeretur: cujus quidem Attejus Philologus Atheniensis discipulus fuit, duobusque claris historicis Sallustio, & Asinio Pollioni fami.

familiaris. Attegi verò discipuli Appius, Pulcher, & Claudii fratres, quorum etiam comes in Provincia fuit. Nescio unde hauserit Cozzandus, hunc M. Pomilius Andronicus Philosophum fuisse; cum à Suetonio de illustribus Grammat. aliisque Grammaticis tantum eximius memoretur. Hic Julii Cæsaris præceptor fuit; atque Cumam secessisse fertur; ubi ad ultimam egestatem deveniens, Annales, quos composuerat, ad vitam traducendam vendidit..

PHIDAMUS Poeta lascivus Sæcæ Epicureus fuit, apudque vixit Pisonem, in quem Ciceronis Oratio, Asconio Pædiano autore. Sed quis hic Phidamus, d. Cozzande? non est, neque fuit ullibi. Philodamum te dicere voluisse, credo, de quo Cic. Orat. in Pis. Hic tamen Philodamus idem est cum Philodemo, de quo supra. Sic enim Lamb. in Comm. ad citatum locum Sat. 2. l. 1. Fuit autem Philodemus, seu Philodamus, Philosophus Epicureus, idemque Poeta: qui cum L. Pisone aliquandiu vixit: de quo M. Tullius in Orat. in Pisonem: Est quidam Græcus, qui cum isto vivit, homo, vere ut dicam, sic enim cognovi, humanus; sed tandiu, quandiu cum aliis est, aut ipse secum, &c. Et lib. 2. de Fin. bon. & mal. in extremo: Credo, Syronem dicis, & Philodamum cum optimos viros, tum doctissimos homines. Nonne hic tuus Phidamus: Poeta fuit, Epicureus, Pisoni familiaris, à Pædiano memoratus, &c. sicut & Philodemus, sive Philodamus ille? Ergo non alius ab illo est, sed idem.

PLATO quidem Sardinus Sæcæ Epicureus fuit. Ejus ad Q. Fratrem meminit Cic. lib. 1. Epist. 2. qui sibi synchronos.

L. CESTIUS SMITHÆUS Rhetor cognomento Pius, Epicureæ Sæcæ fuit additus, docuitque Romæ Latine Augustæ ævo. Ejus auditor fuit FABIANUS Philosophus, cujus sub Tiberio præcipua fama. Et ARGENTARIUS, qui ne dum Cestii auditor, sed plane imitator, & ut Voss. ex Seneca ait de Rhetor. nat. & constit. cap. 12. simius. Nimirum M. Annaei Senecæ verba: sunt Controv. 26. Fuerat enim Argentarius Cestii auditor, & erat imitator. Aiebat invicem: Quid putatis esse Cestium, nisi Cestii cinerem? Et sic solebat jurare: Per manes præceptoris mei Cestii, dum Cestius viveret. Omnibus autem insistebat vestigiis Cestii: æque ex tempore dicebat; æque contumeliose multa interponebat, &c.

PETRONIUS ARBITER Sæcæ Epicureus fuit. Floruit sub Nerone, & sub eodem desloruit, ab eodem necatus, ut ex Tacito habemus lib. 16. Annal. Is Epicurum præclaro sane ornavit elogio. Quod quia attuli supra, hoc parco referre. Sed super hoc magni nominis viro aliquid immorandum. Hunc auctorum quidam Titum Petronium Arbitrum, alii Cajum Petronium Arbitrum appellant; aliique utrumque dicunt. Versus, quibus ipse Epicurum laudat, sunt:

Ipse pater veri doctis Epicurus in hortis

Justit, & hanc vitam dixit habere Deos.

Verba Taciti 16. Annal. 18. ex quibus quis ille, ac quæ vita fuerit, habetur, sunt: De C. Petronio supra pauca repetenda sunt. Nam illi dies per somnum, nox officiis, & oblectamentis vitæ transgebatur. Usque alios industria, ita hunc ignavia ad famam protulerat, habebaturque ganeo, & profligator, ut plerique sua haurientium, sed erudito luxu. Ac dicta, factaque ejus quanto solutiora, & quandam sui negligentiam præferentia, tanto gratius in speciem simplicitatis accipiebantur. Proconsul tamen Bithyniæ, & mox Consul, videntem se, ac parem negotiis ostendit: dein revolutus ad vitid, seu vitiorum imitationem, inter paucos familiarium Neroni assumtus est, elegantie arbiter, dum nihil amicum, & molle assuetudine putat, nisi quod ei Petronius approbasset.

visset. Unde invidia Tigellini, quasi adversus æmulum, & scientia voluptatum potiorum. Ergo crudelitatem Principis, cui ceteræ libidines cedebant, aggreditur, amicitiam Scævini Petronio objectans, corrupto ad indicium servo, ademptaque defensione, & majore parte familiæ in vincula raptæ. Ex statim sequenti cap. 19. Petronii mortem sic expressit: Forte illis diebus Campaniam petiverat Cæsar, & Cumas usque progressus Petronius illic attinebat. Nec tulit ultra timoris, aut spei moras; neque tamen præceps vitam expulsi; sed incisas venas, ut libitum obligatas, aperire rursus, & alioqui amicos, non per seria, aut quibus constantia gloriam peteret. Audiebatque referentes, nihil de immortalitate animæ, & sapientium placitis, sed levia carmina, & faciles versus. Servorum alios largitione, quosdam verberibus affectis. Inuit & vias, & somno indulgit, ut, quamquam coacta mors, fortuitæ similis esset. Ne codicillis quidem (quod plerique percutunt) Neronem, aut Tigellinum, aut quem alium potentium adulatus est: Sed flagitia Principis sub nomine exolorum, seminarumque, & novitate cujusque stupri perscripsit, atque obfignata misit Neroni: fregitque annulum, ne mox usui esset ad facienda pericula. Plinius addit, eum in morte vas confregisse, quod 300. festertis emerat, ne Imperator eo regiam suam mensam ornaret. Mortuus traditur an. Chr. 66. De hac Neronis vitiorum propagatione ita Isaac Casaub. l. 11. de Satyra c. 2. Neronis, & aliorum procerum flagitia horrenda non minore flagitie publicavit.

Scriptit quædam, quorum ad nos non pervenerunt nisi suum Satyricum, & Fragmenta versuum; quorum venustatem spurcissimis amoribus inquinavit: unde Nequitie Arbitr, & purissime impuritatis scriptor appellatur. Lips. Antiqu. Lect. l. 1. c. 8. Scriptor tersus, & venustus, & nisi quod in re illa voluptatum nimis Latine interdum loquatur, cetera laudatus. Lil. Gyr. Hic Satyricum opus varium, & ut sic dicam, miscellum composuit. Cujus licet fragmenta ad nos pervenerint, eademque parum castigata; multa tamen eruditionis hominem fuisse, facile cognoscimus, nam in taxandis moribus cum acrem, tum festivum maxime, & jocis seria miscentem videmus. Claud. Salmastius: Conservatus est elegantiorum nequitiarum curiosi Petronius Arbitr. Quod enim ex ejus Satyrico habemus, mera excerpta sunt alicujus studiosi, qui, quæ ad gustum suum in illo autore invenerat, eodem, quo opus legebat, ordine, adversariis suis commendavit. Qui putant, à Monachis sic eviratum esse, vehementer errant. Qualis hæc castigatio foret, quæ resestis à reliquo corpore membris, vel potius ipso corpore abjecto, solas pudendas potestates reliquisse videatur? Certe desiderantur, vix videri possunt salaciora, ac nequitiora fuisse his, quæ relicta sunt. Imo ista nullam procacitatis, & protervitatibus uterentur, vel ipsis lenioribus usurpandum reliquam faciunt. Gasp. Sciopp. l. Verisimil. c. 16. Elegans profecto, & luculentus est Scriptor Petronius, quemque non abs re tantopere amant viri docti. Vide eundem Consult. p. 42. Rapi. Reflex. in Poësin sect. 15. Petronius in brevi Poëmate suo de Romana Corruptione in omnia, quæ ab ipso damnantur, vitia labitur. Nemo unquam sanioris judicii præcepta circa Poësin tradidit, nec eadem ullus unquam illo minus observavit. Scaligerana 2. Plus quam octo voces apud Petronium leguntur, quarum ignoratur prorsus significatio, ut Odepin, & aliæ.

Sunt inter Auctores, qui Petronium Massiliensem fuisse dicunt, Sidonii Apollinaris versus ad hoc referentes.

Et te Massiliensem per bortos
Sacri stipitis Arbitr Colonom,
Hellepontico parem Priapo.

Morery

Morery tamen in Lex. Hist. putat, Apollinarem non genere, sed more, & libertate loquendi inhoneste, ipsum Massiliensem congruenter pronunciaſſe, juxta vetus Adagium: *Massiliam naviget*. Alii verò Massiliensem ex Africæ populo malunt.

Denique potandum ex citato Morery, non multis ab hinc annis Traguril, quæ Dalmatiæ urbs est, in Archiepiscopatu Spalatensi, inventum fuisse Fragmentum Petronii Arbitri ex libro 15. & 16. quod Criticorum quidam genuinum, alii falsum putant. Extat Commentariis illustratum.

CELSUS, contra quem Origenes libros scripsit octonos, Philosophus Sæcæ Epicureus fuit. Is ex variis, quæ sua tempeſtate emerſerant, hæreſibus, argumentum arripuit inſultandi Chriſtianiſ de ſua ipſorum diſſentione: cui reſpondit Origenes libris illis octonis. Et præterea in eundem ſyli acumen ſtringere Iſidorus Peleuſota l. 2. Epist. 90. & Laſant. Firmianus l. 4. cult. Georgius Hornius l. 5. Hist. Philoſoph. c. 4. Celſum hunc Philoſophum Stoicum ſacit: Duo autem Celſi fuerunt, unus Neronis temporibus: alter Adriani, qui in Chriſtianam Religionem invecuſus eſt, Sæcæque fuit Epicureus. Hic Luciani amicitiam coluit: eique Lucianus Pſeudomantin dicavit. Opus, quod contra Chriſtianos ſcripſit, cui citati autores reſponderunt, *Sermones veri*, Inſcribitur. Celſus aliud opus ſe editurum promiſerat, quo doceret, quomodo vivere deberent, qui ſecundum Philoſophiæ regulas vellent vivere. Origenes mittens ad Ambroſium quendam ſibi amicū libros, quibus iis, qui *Sermones veri* appellabantur, reſpondebat, ipſum rogavit, ut ſi ſecundum hoc opus in lucem editum eſſet, ad ſe mitteret. Sed an Celſus ipſum conſecrerit, ignoratur. De Celſo dictum etiam lib. 3. hujus Hist. c. 16. p. 170. Vide Origen. contra Celſum: Euseb. Hist. l. 6. c. 26. Baron. A. C. 132. n. 16. Volaterran. l. 14. Anthropol. & Gaſſend. l. 2. de vita Epic. c. 6. Adduntur Epicureis à Cozzando l. 6. c. 1.

L. SAUFEJUS Eques Romanus, cujus pluribus in ſectis meminit Cicero, Corneliusque Nepos in Pomponii Attici vita.

C. MEMMIUS, qui & neſcio quid in honorem Epicuri ædificare voluit, ut ſcribit Cic. l. 13. Epist. pr. Familiarum. Hic L. Memmius filius fuit, ac Lucretio familiaris, qui ei ſuum Poëma dicavit. Cum de malo Bithyniæ regimine apud Julium Cæſarem accuſatus eſſet; ab eo impunis abiit. Sed cum iterum eadem cauſa delatus fuiſſet, in exilium miſſus eſt an. U. C. 690. Orator fuit, & Poëta, ſed parum ſeverus, cujus carmina dura vocat Agellius l. 19. c. 9. Vide Cic. in Bruto, & Ovid. 2. Trist.

C. CASSIUS clariffimus Imperator, de quo Cic. l. 15. Epist. 16. in qua & Catii meminit Epicurei, qui jam naturæ conceſſerat 17. 18. Familiar. & alibi: Ex quarum ultima & PANSAM ex Hortis haud ægre agnoſces. Quibus addatur PAPIRIUS POETUS clariffimus in Rep. vir, & STALLIO M. Bruti ſodalis, quem Brutus in conſpiratione in Cæſarem cum Favonio Catonis imitatore diſmiſiſ; quod è longinquo inter diſputandum, ac philoſophandum ſermone circuiro illius animum expertus erat, ut narrat Plutarchus in M. Bruti vita. Ex Hortis ſub hæc tempora erant L. THORIUS BALBUS LANVINUS, cujus pluribus meminit Cic. lib. 2. de Fin. Poſtumiſ, quem ſe ignorare ſcholæ in locum Ciceronis citatum Paulus Manutius ſatetur. CHIUS, C. SERGIUS ORATA, de quibus Cic. loco cit. Quid offers, cur Thorius Poſtumiſ, cur Cbius, cur omnium Magiſter Orata non jucundiffime vixerit? Sergius Orata cognominatus eſt, ut Macrob. ſcribit l. 3. Saturnal. c. 15. quod ei piſces, qui Auratæ vocantur, cariſſimi fuerint. Hic eſt Sergius Orata, qui primus balneas pēſiles habuit, primus eſſeartia in Bajano locavit, primus optimum ſaporem oſtreis Lucrinis adjudicavit. Fuit autem ætate L. Craſſi illius diſerti, qui quam gra-

vis, & serius habitus sit, etiam Cicero docet. Meminit Val. Max. l. 9. c. 1. Plin. l. 9. c. 54. à quibus superiora Macrobius desumpsit, laverna bonorum auterum. Eiusdem etiam C. Sergii Orate iidem meminit Cic. l. 3. de Offic. L. MANLIUS TORQUATUS, qui fuit Consul anno U. C. 688. propugnator inducitur à Cic. l. 1. de Fin. sententia Epicureæ de Voluptate: erat enim Torquatus homo doctrina omni eruditus. Et post pauca idem Cozzandus de Epicurea, Secta loquens, subdit: Eandem secutus est SEXTUS PROPERTIUS delictum, & amor Pœtarum, ut ex versibus ejus modo allatis ex lib. 3. ad Cynthiam propalam sit. MARCUS VALERIUS MARTIALIS, autore M. Zuerio in C. Plinii Secundi Novocomensis vita, Martialis qui amicus, ut ex epistola habemus 21. l. 3. in qua Valerius Martialis laudes exequitur: ex quo etiam ejus ætatem cognoscimus, Sed parum in his immorandum.

De C. Cassio Imperatore vide etiam in M. Bruto. Nescio, cur Cozzandus Manurium reprehendat, quod Postumium ignoraverit, cum ex iisdem Ciceronis verbis appareat, Postumium non alium à Thorio esse, sed eundem. Ait enim: Cur Thorius Postumius, cur Cbius, &c. L. Thorii, insignis sub temporis Epicurei vitam, & mores sic optime expressit Cicero l. 2. de Fin. L. Thorius Balbus fuit Lanuvinus: quem meminisse tu non potes. Is ita vivebat, ut nulla tam exquisita posset inveniri voluptas, qua non abundaret. Erat cupidus voluptatum, & cujusvis generis ejus intelligens, & pœna contemneret; ita non timidus ad mortem, ut in acie sit ob Remp. interfectus. Cupiditates non Epicuri divisione finiebat, sed sua satietate: habebat tamen rationem valetudinis: utebatur illis exercitationibus, ut ad cœnam & esuriens, & sitiens veniret; eo cibo, qui & suavissimus esset, & idem facillimus ad concoquendum; vino & ad voluptatem, & ne noceret. Cætera illa adhibebat, quibus demum negat se Epicurus intelligere quid sit bonum. Avertebat omnis dolor; qui si accesset, nec molliter ferret, & tamen medicis plus, quam Philosophis, uteretur. Color egregius, integra valetudo, summa gratia; vita denique conferta voluptatum omnium varietate, &c. De L. Manlio Torquato videri etiam possunt, quæ in Boëthio à nobis adnotantur. Propertium, & Martialem (quem Ælius Verus Imperator suum Virgilium vocabat) Epicureis à Cozzando adductos ex sola, puto, lasciva eorum vita: ex ipsa autem Philosophos fuisse non constat.

P T R R H O N I K CORNELIUS CELSUS

Sub primis Cæsaribus vixit, quo tempore Latini sermonis puritas, & elegantia effloruit. Jus civile, & Philosophiam monumentis illustravit: Rei militaris, & Rei rusticæ libros edidit: qui & dignus, ut ait Fabius, vel ipso proposito, ut eum illa omnia tenuisse credamus. Columella citat ejus libros de Re rusticæ: & libro undecimo ipsum fuisse tradit non solum Agricoltationis, sed etiam universæ naturæ prudentem. Fabius Quintilianus in Rhetoricis, quamvis artis æmulus Celsum perstringat, tamen ipsa veritate coactus ipsum eruditum virum appellat libro nono, & sequenti sit tradit: Scripsit non parum multa Cornelius Celsus, Scepticos sequutus, non sine cultu, ac nitore. Plinius vero sæpe Celsum inter autores reculit in Indice librorum, qui primus inscribitur. Apud Marcellum Empiricum autem quædam Epistolæ Celsi falso tribuuntur. Hæc est Celsi vita ejus operibus præfixa. Addendum, ipsum scripsisse etiam

etiam de Rhetorica, & libros 8. de Re Medica, qui & Latini sermonis puritate, & rei doctrina, omnibus in prelo sunt. Vide Quintil. l. 9. 10. & 12. Voss. de Philos. c. 12. §. 4. &c.

SEXTUS EMPIRICUS

SEXTUS CHÆRONEUS.

Sextus Empiricus, sic dictus quod Empiriæ Medicinæ sectator erat, Herodoti Tarsensis, Arieli filii, discipulus fuit, Philosophus secta Pyrrhoniæ, professione Medicus, in rebus Naturalibus, & in omni disciplinarum genere longe versatus. Scripsit hic *Pyrrhoniæ Hypotyposin libros tres*, varia eruditione refertos, quibus in tres Philosophiæ partes acerrime inquitur, quos latinos fecit Henricus Stephanus; & *libros decem adversus Mathematicos*, opus quidem eruditum, quo omnium dogmata reprobare, ac nullas existare disciplinas, nullumque certum docendi modum probare satagit. Qui autem ipsi tribuitur Tractatus de Medicina Animalium, non ejus, sed cujusdam Platonici est, ut ait Morery in Lex.

SEXTUS CHÆRONEUS, Plutarchi ex sorore nepos, fuit tempore Marci Antonini Cæsaris Philosophus, discipulus Herodoti Philadelphæ; erat autem Pyrrhoniæ sectæ; & adeo in honore apud Regem, ut in judicando sibi fecerit assessorem. Scripsit *Babica*, & *Episcopicos libros decem*, &c. Verba sunt Suidæ in Sexto. Præceptor hic fuit Marci Antonini Philosophi, ut in ejus vita tradidit Julius Capitolinus, ubi ait: *Audivit & Sextum Chæronensem, Plutarchi nepotem*.

Ingens tamen inter autores quæstio est, sitne Sextus Chæroneus idem qui Sextus Empiricus. Eundem multi faciunt ex allatis Suidæ verbis, qui Sextum Chæroneum, Plutarchi nepotem, Pyrrhoneum, Marci Antonini in judiciis assessorem, & de Sceptica doctrina scripsisse, affirmant. Dubitant alii: ac omnino diversum asserunt Casaubonus, & Salmasius in Notis ad Jul. Capitolinum in vita M. Antonini. Et primus quidem ait: *Marcus Sextum nominat tantum: Philosophatur Sextum ex Bæotia Philosophum: Suidas etiam Plutarchi nepotem, eum Capitolino. Sane in Græco, qui penes nos est, Codice, nusquam aliter, quam Σέκτος & Εμπειρικός autor ille nominatur. Adde, quod ille Empiricus, nullius dogmatis approbator, ne dum autor, omnium fuit everfor: Sextus hic Marci præceptor, non ea solum, quæ priores sciverant sapientes, nota habuit exæde: sed ipse etiam nonnullorum scitorum fuit autor, & primus inventor.* Salmasius vero: *Dubitant viri docti, sitne Sextus hic, cujus hodieque habemus adversus reliquas Philosophorum sectas, dissertationes. Sane Pyrrhoneum fuisse hunc Sextum Chæronensem scribit Suidas: at in Græcis exemplaribus manuscriptis Εμπειρικός vocatur ille Sextus. Hujus mentionem & Galeno factam reperiri, qui quidem Galenus οὐκ ἔστιν bujus Sexti Chæronensis, fuit sub Marco nepote Imperatore, ut videatur paullo antiquior Empiricus ille hoc nostro Chæronefi.*

Alius tamen fuit *Sextus*, sive potius *Xisus*, Philosophus Pythagoricus, quem eodem anno, ac Christus Dominus, natum ait Euseb. in Chronico. Hic celebre illud *Εὐχρηστικὸν Ἐγκυκλίον* sententiarum composuit, quod è Græco in Latinum vertit Rufinus. Ritu planè dignum est hunc confundere cum S. Xisto Papa, & Martyre, ut quidam faciunt.

Sextum denique *Africanum* non præteream, qui, præter Chronologiam, scripsit etiam 9. libros *Χαίρων*, quos Alexandro Mammææ filio dicavit.

DE Eclecticorum Secta, ejus præcipuis Sæctatoribus affatim supra in fine libri tertii hujus Historiæ dictum est. Nunc autem, ut de ipsis sermo iterum instituat, operæ pretium est; tum quia de iis, quos ibi retulimus, quædam addenda; tum quia Romanorum plerique hanc sectam secuti sunt. Imo, si verum fateri velimus, sapientissimi quique Romanorum non uni sectæ se addicere plerunque solebant; sed omnium sectarum doctrinæ studebant, ut ex singulis, quæ ad veritatem magis accederent, feligentes, non sectam, sed veritatem sequi viderentur: ut ex dicendis clarum fiet.

P. VIRGILIUS MARO.

Eusebius in Chron. ad Olympiad. 177. *Virgilius Maro in pago, qui Andes dicitur, haud procul à Mantua nascitur, Pompejo, & Crasso Coss. Natalis dies refertur ad annum 3. Olymp. 177. diem verò 15. Octobris anno Romæ 684. Patrem habuit Maronem figulum, sive, ut plures tradunt, Magi cuiusdam viatoris mercenarium, deinde generum, quem agricolationi, reique rusticæ ille præfecit. Matrem vero Majam, sive Melissam, sive Pollam, ut scribunt multi, quæ duplici præfagio ipsum in subjecta fossa in itinere, quod cum marito, rus petente, faciebat, enixa est. Nocte enim, quæ partum præcessit, somnnavit, se laureum ramum enixam, qui vix terræ adhærens statim coaluit, & in maturam arborem excrevit. Secundum præfagium hoc dicitur. Virga populea, more regionis in puerperis eodem statim loco depacta, ita brevi coaluit, ut populos multo ante satas æquaverit. Quæ arbor Virgilii ex eo dicta, atque consecrata est, summa gravidarum, & foetarum, religione suscipientium ibi, & solventium vota, ut notat Donatus in Vita. A virga igitur, sive illa laurea, sive hac populea Virgilium potius dicendum cum Minutiano, Apulejo, Donato, aliisque duxerim, cui Calvi illud suffragatur:*

It vater, cui Virga dedis memorabile nomen

Laurea.

Græcique Codices adstipulantur; quam Vergillum à Vergiliarum sidere, ut Politianus cum aliis contendit; quamvis & Suidas ipsum, & Eusthatius etiam *Ὀυγγίλιον* dicant. Tertium præfagium alii ejus vltz scriptores addunt, & quartum. Quod scilicet, ut Phocas ait:

Lata cohors apium subito per rura, jacentis

Libra favis textit.

Tum etiam quod

Infantem vagisse negant: nam fronte serena

Conspexit Mundum, cui commoda tanta ferebat.

Vide cit. Phocam in carmine Natalis Virgilii, Joviani. l. 5. Erldani, & 2. Uraniz. Politianum in Manto, &c.

Ætatis initia, ad septimum scil. annum, Cremonæ egit: anno deinde 17. virilem togam sumit, iisdem Consulibus, quibus natus est: quo ipso die Lucretius Poëta decessit; quamvis alii malint, Lucretium eodem die obiisse, quo Virgilius natus est, ut refert P. Crinitus de Honesta Discipuli. l. 24. c. 4. Euseb. etiam ad Olymp. 180. ait, Virgilium Cremonæ studuisse. Ad Olymp. autem 182. *Virgilius sumta toga Mediolanum transgreditur, & post breve tempus Romam pergit. Verum Donatus ait: Sed Virgilius Cremona Mediolanum, & inde paulo post Neapolim transit: ubi cum literis & Græcis, & Latinis vehementissimam operam dedisset, tandem omni vura, omnique studij indulgit Medicinæ, & Mathematicæ. Quibus rebus cum ante*

alias

altos eruditior, peritiorque esset, se in Urbem consulit; statimque Magistri stabuli equorum Augusti amicitiam nactus, multos, variosque morbos incidentes equis curavit. At ille in mercedem singulis diebus panes Virgilio, ut uni e stabulariis, dari iussit. Interea à Crotoniatis pullus equi miræ pulcritudinis Cæsari dono fuit missus: qui omnium iudicio spem portendebat virtutis, & celeritatis immensæ. Hanc cum adspexisset Maro, magistro stabuli dixit, natum esse ex morbosa equa, & nec viribus valitum, nec celeritate: idque verum fuisse inventum est. Quod cum magister stabuli Augusto recitasset, duplicari ipsi in mercedem panes iussit. Cum item ex Hispania Augusto canes dono mitterentur, & parentes eorum; dixit Virgilius & animum, celeritatemque futuram. Quo cognito, mandat iterum Virgilio panes duplicari. Deinde narrat idem autor celebrem hanc ad Augustum facetiam. Quum de Augusto dubitaretur, Octavii, an alius esset filius; Virgilium ipse solum in penitorem Aulæ partem vocans, ab eo quæsit, ut si ex sua divinandi arte, quam perfecte calere in equorum, & canum naturæ abditis cognoscendis ostenderat, scire posset, cuiusnam ipse filius esset, sibi ostenderet, quod si verum pro rogatu dixerit, beatum ipsum, ac felicem redderet. Cui Maro: Si impune, id Cæsar, licenterque quæ sentio loqui dabitur, id dicam: Cumque Cæsar iurejurando affirmasset, se nullum ejus dictum ægre laturum, immo nonnisi donatum ab eo disciturum; Maro sic locutus est: *Quantum, ô Cæsar, rem intelligere possum, pistoris filius es.* Obstupescens Augustus, quomodo id fuerit, quæsit. Ex eo id conjicio, inquit Maro, quia mihi abscondita quædam de animalium natura secreta enuncianti, & prædicenti, iterum atque iterum panes in mercedem dari iussisti: quod pistoris, vel pistoris nati proprium est. Placuit Cæsari arguta hæc facetia. Deinceps non à pistoris, sed à Rege magnanimo dona accipies. Quare eum & plurimi semper fecit, & Pollioni commendavit; cui, & aliis Aulæ primoribus, carissimus fuit.

Quod autem ad corporis temperiem spectat, hæc Donatus: *Corpore, & statura fuit grandi, aquilino colore, facie rusticana, valetudine varia, nam plerumque ab stomacho, & faucibus, ac dolore capitis laborabat: sanguinem etiam septius eiecit.* De Virgilii moribus ex Pediano habemus, benignum fuisse, invidiæ expertem, bonorum, atque eruditorum hominum cultorem, & amicum; liberalem præterea, cujus Bibliotheca omnibus patebat. Illud sæpe reperebat: *Omnia amicorum sunt communia*: patiens, comis, humanus, bonos laudabat, vituperabat neminem. Quare Poëtæ omnes sibi cœvi ipsum summe diligebant, Varius, Tucca, Horatius, Propertius, & Gallus. Ejus patientiæ vel hoc argumentum esse poterit. Cum distichon, quod Augusti laudem continebat, fecisset, ac in valvis, non nominato autore, posuisset:

Nocte pluit tota, redeunt spectacula mane:

Divisum imperium cum Jove Cæsar habet.

Cæsar diu, sed frustra versuum autorem quæsit. Quare cæteris tacentibus, Bathyllus quidam, Poëta mediocris sibi adscripsit: unde & honorem, & dona à Cæsare cult. Cujus rei Maro vindictam nullam ferens; tantum iisdem valvulis hoc versiculi principium, quater replicatum affixit: *Sic vos non vobis.* Postulabat Augustus, ut versus complerentur. Quod cum alii frustra conati essent; Virgilius præposito disticho sic subjunxit:

Hos ego versiculos feci; tulit alter honores.

Sic vos non vobis mellificatis, aves.

Sic vos non vobis vellera fertis, oves.

Sic vos non vobis mellificatis, apes.

Sic vos non vobis fertis aratra, boves.

Autore

Autore igitur cognito, Bathyllus fabula Romæ fuit, Virgilius vero majorem gloriam indeptus est; atque Augusto tam gratus fuit, ut quæcumque peteret, obtineret. Cæsare tamen bona cuiusdam exulantis offerente, Maro recipere passus non est. Domum habuit juxta hortos Mæcenatis, atque ex amicorum liberalitate prope centies festertium possedit.

Postremo de ejus morte, mortisque occasione, & loco, hæc habet Donatus: Anno vero quinquagesimo secundo, ut ultimam manum *Æneidi* imponeret, statuit in Græciam, & *Asiam* secedere, triennioque continuum omnem operam limitationi dare, ut in reliqua vita tantum Philosophiæ vocaret. Sed cum aggressus iter Athenis occurrisset Augusto, ab Oriente Romam revertenti, una cum Cæsare redire statuit. At cum *Megara*, vicinum Athenis oppidum visendi gratia peteret, sanguinem nactus est: quem non intermissa navigatio auxit, itaut gravior in dies foret: tandem Brundisium adventavit: ubi diebus paucis obiit 10. Kal. Octobr. Cn. Plautio, & Q. Lucretio Coss. . . . Voluit etiam sua ossa Neapolim transferri, ubi diu, & suavissime vixerat, ac extrema valetudine hoc sibi ipse Epitaphion fecit distichon:

Mantua me genuit; Calabri rapuere; tenet nunc
Partenope; ceteri pascua, rura, duces.

Translata igitur jussu Augusti ejus ossa, prout statuerat, Neapolim suæ, sepultaque via Puteolana intra lapidem secundum, suoque sepulcro id distichon, quod fecerat, inscriptum est. Heredes fecit ex dimidia parte Valerium Proculum, fratrem ex altero patre: ex quarta Augustum: ex duodecima Mæcenatem: ex reliqua L. Varium, & Plotium Tuccam. Quam autem *Æneidis* imperfectum, nec emendatum opus morti jam proximum comburere vellet, Augustus id prohibuit: quare ipsam dictis Vario, & Tuccæ, variis ei familiaribus, emendam hac lege reliquit, ut nihil ei adderent. Quod confirmat Euseb. ad Olymp. 191. Varus (sive Varius, ut scribunt Horatius, Donatus, & alii) & Tucca, Virgilii, & Horatii contubernales Poëtæ habentur illiusres, qui *Æneidum* libros postea emendaverunt sub ea lege, ut nihil adderent.

Notandum tamen hic primo est, Eusebium asserere, Virgilii obitum Olympiade 190. evenisse, Sentio Saturnino, & Lucretio Cyona Coss. anno Romæ 735. non autem lis, qui supra: eumque vixisse quosdam putare annos 57. Notandum secundo, dictum Calabri rapuere ad mortis locum designandum: nam Brundisium, urbs Salentinorum inter Hydruntum, & Barium posita in agro Salentino, à Stephano, Ptolemæo, aliisque antiquis Geographis, Calabriae urbibus adnumerabatur.

Scriptis Virgilius, Poëta Latinarum sine controversia Princeps, *Bucolica* ad Eclogas decem suasy Asinii Pollionis, in quibus Theocritum imitatus est: easque triennio, ut ait Donatus, sive annis septem, ut vult Drexel. elaboravit: in quibus Asinium Pollionem, Alphenum, Varum, & Cornelium Galum celebravit. *Bucolica* sic composita ut in scena à Cantoribus recitarentur. Cum autem Cicero tum senex quosdam Eclogæ versus in theatro audivisset, atque acri judicio intellexisset, eos non communi vena editos; statim iussit, ab initio totam Eclogam recitari, qua attente considerata, in fine ait: *Magne spes altera Romæ*: quod hemistichion postea Virgilius *Æneidi* inseruit. Et Tacit. (sive potius Quintilianus hujus operis autor sit) Dialog. de Orat. ait: Plures hodie reperies, qui Ciceronis gloriam, quam Virgilii detrecent. Et paulo post honorem ei à populo in theatro habitum sic expressit: *Testes Augusti epistole, testis populus Romanus, qui, auditis in theatro versus Virgilii, surrexit universus, & sorte presentem, spectantemque Virgilium veneratus est sic, quasi Augustum.*

Georgica ad imitationem Hesiodi septennio Neapoli confecit, teste eodem Donato; quæ Meccenati inscripsit. Hæc cum scriberet, traditor, mediat is mane plurimos versus, per totum diem retractando, ad paucissimos eos rede-
gisse; unde & dicere solebat, se Ulyæ modo parere, & lambendo demum effin-
gere. *Georgica* reverso ab Attica Victoria Augusto, & ad rescindendas vires At-
tellæ cumsomnanti, per continuum quadriduum Virgilius legit, Meccenate legendi
vicem suscipiente, quoties ipse vocis offensione interpellaretur.

Æneida, mirabile opus, partim in Sicilia, partim in Campania, unde-
cim confecit annis, & in 12. libros digessit. Ad 24. tamen libros, ut Home-
rus, si diutius vixisset, erat compositurus, ut in Scaligerana 2. ex omnibus
veteribus deductum legimus. *Æneidis* argumentum varium, & multiplex, &
quasi amborum Homeri carminum initior; in qua hoc maxime studuit, ut in
ea Romanæ simul Urbis, & Augusti origo contineretur. Ipsam vero soluta
prius oratione formasse dicitur. *Æneidis* vix coepit tanta extitit fama, ut
Sext. Propertius dixerit:

Cedite Romani scriptores, cedite Graji.

Nescio quid majus nascitur Uliade.

Augustus jussit urgebat, ut Virgilius *Æneidis* versus aliquos ipsi recitaret;
quod Virgilius diu distulit. Tandem ejus libros secundum, quartum, & sextum
recitavit, & hunc præcipue ob Octaviam, quæ, cum recitationi interesset, ad
illos de filio suo versus. *Tu Marcellus eris, &c.* defecisse fertur; atque ægre
refocillata dena festertia pro singulis versibus Virgilio dari jussit. Unde Bu-
dæus de Assè l. 3. *Virgilius versus vere aureos jure appellare possis, quod*
ab Octavia pro viginti versculis, quinque aureorum millia acceperis. Toc
enim, viginti, sive 21. sunt verius, in quibus de Marcelli rebus loquitur
Poëta.

Innumera pene sunt præclara autorum omnium de Virgilio testimonia;
quorum pauca, sed potiora hic adnotasse sufficiat. Lud. Viv. de tradend. discipl.
l. 3. *Æneis Virgilii grande opus, & plenum gravitatis, ac rerum bonarum, &*
quod Iliadi non concedat. Macrobi. in Somn. Scip. l. 1. c. 7. & l. 2. c. 8. *Homerico*
perfectioris in omnibus imitator. Macro. *disciplina nullius expert, & quem*
nullius discipline error involvit. Et l. 1. c. 24. *Hæc est Magonis gloria, ut nul-*
lius discipline error involvit. Jul. Scalig. in Critico,
& passim, Homerum à Virgilio longe superatum asserit, dum ait: *Homerici*
versus in terra, Virgiliani inter Musas à Phæbo sacri videntur: ille Græculus
Circulator, is regie orationis autor. *Virgilius Magister est, Homerus disci-*
pulus. Hic verus Poëta, ille Foraneus Narrator. *Homerus moles quidem est,*
sed rudis, & indigesta: Virgilius Matrona honesta. . . . *Virgilius vates sua-*
vissimus, nitidissimus, pulcherrimus, splendidissimus, dulcissimus, politissi-
mus. . . . *Apollo ipse, cum pastor esset, jucundioribus, aut ceterioribus non*
cecinit numeris. . . . *Inest in eo phrasis regia, & ipse Apollinis ore digna.*
Sic puto loqui Deorum procures in conciliis Cælestibus. . . . *Non, si ipse Jup-*
piter Poëta fiat, melius loquatur. Et Poëtic. lib. 3. c. 2. *Virgilius solus Poëta*
nomine dignus est. Et paucis, sed omnium maximis laudes superat. Poëtam
hucusque vidimus, videamus modò Philosophum.

In id omnes consentiant, Virgilium Philosophiæ studiis imbutum optime
fuisse; sed cujus doctrinæ sectator fuerit, non una autorum mens est. Donatus
in Vita Platonium facit; quamvis & aliarum sectarum doctrinas didicisse as-
serat. Labitur tamen vir doctus L. Cozzandus, qui l. 6. c. 1. de Magist. veterum
Philosophorum Virgilium Epicureum dicit; atque Donatum hujus sententiæ
auto-

autorem citat: Sed prima tantum Donati sententiæ verba legerat Cozzandus, non ultima. Quamvis enim dicat: *Auduit à Syrone præcepta Epicuri: cujus doctrinæ socium habuit Varum*. Suam tamen sententiam continuo hanc subdit: *Quamvis diviserim Philosophorum opiniones libris suis inseruisse de animo videatur; ipse tamen fuit Academicus; nam Platonis sententias omnibus aliis prætulit*. Fateor quidem, me lib. 3. hujus Hist. in calce Epicuri Virgilium cum Vossio de Philos. sect. Epicureis adnumerasse: Verum optimis modo rationibus, & autoritatibus adducor, ut ipsum inter Eclecticis potius recenseam. Et profecto ex ipsius Donati sententiæ modo adducta, quod *Diversorum Philosophorum opiniones libris suis inseruisse de animo videatur*, non deducitur, Platonicum fuisse (quod pace tanti viri dixerim) sed Eclecticum: multarum enim sectarum doctrinam non tantum didicit, sed etiam secutus est, nam libris suis inseruit: Petrus Crinitus de Honestâ Discipl. l. 3. c. 11. *Pro comperto apud omnes est, P. Virgilium omnium Philosophorum decreta, atque opiniones egregie calluisse: quod ipsum cum locis multis probavit, tum in lib. maxime Æneid. 6. in quo satis, abundeque videtur asseruisse, quantum videlicet humanas omnes, atque divinas disciplinas didicerit. Sed quæ de Coccyo, &c. Quare non parum miror, nedum Cozzandum, sed etiam Vossium, virum doctissimum, atque allos, ipsum Epicureum fecisse. Non inficior sane, Virgilium 6. Ecloga sic cecinisse:*

*Namque canebat, uti magnum per inane coacta
Semina terrarumque, animæque, marisque fuissent,
Et liquidi simul ignis, &c.*

Ubi Silenus Pastor Chromin, & Mnasilum pueros docet primam rerum originem juxta doctrinam Epicuri, additque varias fabulas. Per Silenum enim Syronem Epicureum Philosophum; per Chromin, & Mnasilum, Virgilium, & Varum, Syronis discipulos, intelligunt Interpretes. Atqui Virgilium nulli peculiari sectæ adhæsisse, sed Eclecticum fuisse, vel ex hoc deduci poterit, quod si in hac Ecloga Epicureum agit, alibi sæpe ad Pythagoram, vel Platonem deflectit, vel Aristotelem. Ex Aristotele quidem, & Theophrasto, ejus discipulo, hausit quæ Georg. 1. 2. & 4. plura scripsit. De Pythagoræ Metempsychosî, sive transiitione animarum in alia corpora, abunde loquitur Æneid. 6. De Platonica doctrina nil dicam, quam præ aliis secutus est. Unde Augustinus ait, Virgilium ex Platonis dogmate locutum; & Platonis sententiam luculentis versibus explicasse; & à Cæcl. Rhodig. passim dicitur Platonicus Poëta, assatim Platonice imbutus sacris: Reconditoris scientiæ Poëta nobilis, Platonis mysteriorum ampliter imbutus. Et Pierius l. 3. asserit, à Virgilio curram cum Platone ad palmam agitari. Atque ex hac Platonis doctrina, cui omnium maxime addictus erat, ortum fortasse, ut Theologis, ac Moralibus Philosophis adnumeraretur.

Accedit, quod de Animæ immortalitate, & Deorum Providentiâ non ut Epicureus sentiebat, sed ut verus Platoniceus. Et Animæ quidem hac vita defunctæ, Elysium, vel Tartarum pro meritis statuit: Deos verò mundi rectores, malorum bonorumque datores; atque eorum iram timendam, captandam gratiam, quam sæpissime ubique testatus est. De Elysio sic Æn. 5....

*Sed amena piorum
Concilia, Elysiumque colo.*

De Tartaro autem ita scribit Æn. 6.

Tum Tartarus ipse

*Hic patet in præceptis tantum, tenditque sub umbras,
Quantus ad æthereum Cæli suspensus Olympus.*

His

Hic addit Joh. Marosh. in can. Chron. Virgilium Topographiam Infernam accuratissime depinxisse, eamque in septem Mansiones divisisse 1. Infantum. 2. Falso damnatorum. 3. Eorum, qui sibi manus intulerunt. 4. Amantium. 5. Bellatorum. 6. Tartari. 7. Elisi. Hec si cum superioribus comparentur, nihil fere à Virgilio, quod non prius ab Homero, aut Platone dictum, reperies. Ad probandam denique hanc meam sententiam, Virgilium Ecclēticum fuisse; temporis etiam ratio concurrit. Potamon enim hujus sectæ institutor Virgilii Synchronos fuit, nam & Augusti tempore vixit.

Ipsū igitur Philosophum præclarissimum nedum omnes ejus vitæ scriptores, sed autorum plurimi uno ore fatentur, Macrobius, Hieronymus, Augustinus, Vives, qui ait: *Summe omnibus Philosophiæ numeris absolutus*. Et Scaliger passim: *Ex Philosophiæ veritate locutus est. Est optimus Philosophus. Cum Poësi adjungit Philosophiam. Excudit vir admirabilis Philosophiæ penum. Bonus Philosophus. Loquitur ex Adytis Metaphysicæ*.

Denique Virgilius ubique Philosophum se ostendit, & Astronomum eximium. Sic, præter allatum Ecl. 6. locum, in Georg. initio:

Tempore, quo gelidus cantis de Montibus humor

Liquitur, & Zephyro putris se gleba resolvit, &c.

Et Æneid. 1. in fine:

*Hic canit errantem Lunam, solisque labores,
Unde hominum genus, & pecudes, unde imber, & ignes:*

Arcturum, pluviasque Hyadas, geminosque Triones:

Quid tantum Oceano properent se tingere soles

Hyberni, vel quæ tardis mora noctibus obset.

Et alibi passim in ejus operibus. Scripsit, præter dicta, Epigrammata, Calicem, & alia Poëmata.

Alexander Severus Imp., ut scribit Lampridius in Vita, Virgilium Platonem Poëtarum vocabat, ejusque imaginem cum Ciceronis simulacro in secundo Larario habuit, ubi & Achillis, & magnorum virorum. Sic Homerus, & Virgilius, Alexandrum uterque suum sortiti videntur.

Vide doctiss. Lud. de la Cerda in Elogiis Virgilii, præfixis ejus operibus, eruditis commentariis ab eodem illustratis. Donatum (sive Ælius Donatus, Grammaticus Divi Hieronymi præceptor, Romæ sec. 4. vivens; sive potius Tiberius Claudius Donatus ejus, quæ circumfertur, Virgilii vitæ autor sit, quæ Vossii opinio est: sive à multis à Virgilii ætate ad nos usque elaborata, & in unum congesta, ut alii putant) Servium in Virg. atque alios. Quæ autem extat Virgilii Vita à Sebastiano Corrado conscripta, & Virgilii operibus cum notis Min-el. editis præfixa, non est nisi vulgata illius à Donato conscriptæ censura, quæ contra hunc, & omnes fere Vitæ Virgilii scriptores, invehitur, & vel anachronismi, vel falsitatis crimine damnat. Sed, an recte, alii videant. Sic Virgilium neque à Virga, neque à Virgiliis stellis dictum, affirmat, sed à Virginitate, quia græco nomine Parthenias etiam dicebatur. Dictum illud à Cicerone in laudem Virgilii: *Magna spes altera Romæ* falsum esse, asserens; Ciceronem jam mortuum antequam Virgilius Romam veniret, affirmat: Neque unquam Æneida cremare voluisse; neque de hoc Augusti versus extare, &c. Tandem refert, Suetonium scriptum reliquisse, Q. Cæciliū Epirotam Grammaticum primum fuisse, qui Virgilii libros publice sit interpretatur.

VENUSIA, sive Venusium, ut scribit Horatius, Urbs est Regni Neapolitani in Basilicata ad radices montis Apennini, parva quidem, sed principatus titulo clara: quam Ptol. Strab. Plin. & alii Apuliæ Peucetiæ in Lucaniam confinio sitam dicunt. In ea natus est Q. Horatius Flaccus, Venusinus Poëta inde dictus, 6. Id. Decemb. a. U. C. 687. L. Aurel. Cotta, & L. Manlio Torquato Coss. ut habetur in ejus vita, cujus Suetonius auctor dicitur, & confirmat Lamb. ad Od. 21. l. 3. ubi Hor.

O nata mecum Consule Manlio;

Et ad Od. 13. lib. Epod. ubi id. Horat.

Tu vino Torquata move

Consule pressa meo.

Horatium natum vult Euseb. in Chron. an. 1. Olymp. 197. inquiens: *Horatius Flaccus Satyricus, & Lyricus Poëta libertino patre nascitur.* Et libertino patre natum se ipse fateitur lib. 1. Sat. 6. ubi

Ut me libertino patre natum.

Et infra:

Nunc ad me redeo libertino patre natum;

Quem rodunt omnes libertino patre natum.

Et in Ep. ad lib. suum, quæ est lib. 1. 20.

Me libertino natum patre, & in tenui re

Majores pennas nido extendisse loqueris:

Ut, quantum generi demas, virtutibus addas.

Pater hic suus libertinus, & exactionum creator, Salsamentarius, etiam quibusdam traditur ex eo, quod Horatio quidam in altercatione exprobrasset: *Quoties ego vidi patrem tuum brachio se emungentem?*

Habitu corporis brevis fuit, atque obesus, qualis à semetipso describitur Sat. 3. lib. 2.

longos imitoris, ab imo

Ad summum totus moduli bipedalis - - -

Et in Epist. ad librum, ubi se in bello, & in Urbe cum primis familiaritatem habuisse ait; Suique corporis, & animi vitia narrat, dicens:

Me primis Urbis bellis placuisse, domique

Corporis exigui, præcanum, solibus aprum,

Irasci celerem, tamen ut placabilis essem.

Hinc Augustus sæpe ipsum, inter alios jocos, putissimum penem, & homuncionem lepidissimum appellabat. Ejus corporis formam expressit etiam idem Augustus hac epistola: *Perculit ad me Dianthus libellum tuum: quem ego, ne accusem brevitatem, quantulumcumque est, boni consulo. Vereri autem mihi videris, ne majores libelli tui sint, quam ipse es. Sed si tibi Satira deest, corpusculum non deest, &c.*

Primos ætatis annos, post evictos Romæ literarum studii labores, militiæ devovit, Bruti, & Cassii arma secutus: sub quibus Tribunus militum esse meruit. Deinde militiâ se abdicans, Romam rediit; ubi Mæcenati potissimum, & Augusto gratiosus vivens, non medioerem in amborum amicitia locum tenuit, ab utroque enim liberalitate locupletatus. Augustus epistolarum quoque officium ei obtulit, ut ex hoc ad Mæcenatem scripto: *Ante ipso sufficiebam scribendis epistolis amicorum; nunc occupatissimus, & infirmus, Horatium nostrum te cupio adducere. Veniet igitur ab ista parasitica mensa ad hanc regiam, & nos in epistolis scribendis adjuvabit.* Ipse tamen recusant

nec

nec succensuit, nec amicitiam suam suggerere desistit: imò magni semper & ipsam, & sua carmina æstimavit.

De Horatii obitus tempore varia est autorum opinio. Suetonius in Vita: *Decessit 5. Kal. Decemb. Cajo Mario Censorino, & Cajo Asinio Gallo Cos. post nonum, & quinquagesimum annum, hæc de Augusto palam huncupato, cum urgente vi valetudinis, non sufficeret ad obsequandas testamenti tabulas. Humatus, & conditus est extremis Exquilis juxta Mæcenatis tumulum. S. Hieron. in Chron. a. 3. Olymp. 192. quinquagesimo ætatis anno Romæ mortuum esse, memorat. Alii denique obisse tradunt an. Imperii Augusti 33. ætatis verò 63. Mors a. Romæ 746. sive 747. æt. 57.*

Scriptit Carminum libros 4. *Eposon* unum: *Satyrarum*, seu *Sermonum*, seu *Eclogarum* libros duos: *Epistolarum* libros totidem: denique *Epistolam de Arte Poëtica ad Pisones*. De quibus hæc est optimorum Criticorum censura. Quintil. l. 10. c. 1. *Horatius ad notandos hominum mores præcipuus, purus, inprimis, & tersus. At Lyricorum idem Horatius fere solus legi dignus, nam & insurgit aliquando, & plenus est jucunditatis, & gratiæ, & varis figuris, & verbis felicissime audax.* Scalig. Hypercrit. p. 367. *Horatius est omnium Latinorum, Græcorumque Poëtarum elaboratissimus.* Et Scaligerana 1. p. 91. *Horatius emendatissimus autor, ut dicebat Augustus.* Vide Pope-Blount.

Philosophum fuisse, ipse de se, & ejus scripta testantur, & omnes uno ore fatentur. Cujus tamen sectæ fuerit, non una autorum mens. Cozzandus de Magisterio Antiqu. Philos. l. 6. c. 1. multorum opinionem secutus, Epicuream facit, dum de Epicuri secta loquens ait: *Eandem amplexati sunt nobilissimi Poëtarum Q. Horatius Flaccus, ut illud urbane dictum, & ad vulgi sensum satis declarat epist. 4. 1.*

Me pinguem, & nitidum bene curata cute vides:

Cum ridere voles Epicuri de grege porcum.

Verùm hoc de se dictum tantum abest, ut ipsam Epicuream ostendat, quin potius Antiepicuream ænotet, cum hoc ad Epicuri contentum dictum videatur. Corpore enim, ut diximus, brevis erat, & obesus nimium, tanquam porcus de grege Epicuri. Forsitan eum Epicureum hujus sententiæ assertores dixerint, quòd Epicureorum more (ut vulgo dici solet) quia dives ex aliena liberalitate factus, dulcem, ac voluptuosam vitam ducens, ad res veneras intemperantior erat adeo, ut speculatio cubiculo usus sit. Sed, præterquamquod adhuc sub judice lis est, quid Epicuræ voluptatis nomine veniat, corporis ne, an animi; quis inde educet, Epicureum fuisse, cum plerique alias etiam sectas secuti voluptuosius vixerint? Tandem quomodo Epicureus hic de Jove diceret:

Dextera sacras jaculatus arces

Terruit Urbem.

Et epist. 4. l. 1. ad Tibullum.

Di tibi divitias dederant, artemque fruendi.

Et alibi sæpissime de Deorum Providentiæ optine sentire?

Platonicum alii faciunt, ex hoc ipso sortasse, quòd de Diis; Anima, atque aliis, ut Platonius locutus sit. Verùm hoc ultro quidem fateor, Horatium Epicuream, Platoniam, aliarumque sectarum doctrinam calluisse: nulli ramen ipsarum se devovisse assero.

Ecclesiasticum autem fuisse non affirmarem, nisi id ex ejusdem Horatii verbis eduxerim; qui jam nato grandior epist. 1. l. 1. ad Mæcenatem ait, sibi ad severius Philosophiæ studium transeundum, quod

Æque pauperibus prodest, locupletibus æque:

Æque neglectum pueris, senibusque nocebit.

Eclecticamque sibi philosophandi rationem proposuit amplectendam, in-
quiens:

Nunc itaque & versus, & cætera ludicra pono:

Quid verum, atque decens, curo, & rogo: & omnis in hoc sum.

Condo, & compono, quæ mox depromere possim.

Ac, ne forte roges, quo me duce, quo Lare tuter:

Nullius addictus jurare in verba magistri,

Quo me cumque rapit fortuna, deferor hospes.

Miror tamen, Lambinum, virum cæteroqui eruditissimum, in Comment. ad hunc locum ex allatis Horatii ultimi versus verbis educere, ipsum Academicum fuisse dicentem: *Videtur significare, se esse Academicum, quorum est nulli rei assentiri.* Nam equis est, qui non videat, per verba illa *Nullius addictus jurare in verba magistri*, &c. non assensus retentionem, quæ Academicorum quorundam erat, significari; sed nulli magistro, nullique sectæ addictum esse, ut in magistri verba, etiam contra veritatem asserita, jurandum sit, ut sectatorum, quos vocant, mos est, præcipue Pythagoreorum, quibus in magistri verba jurare & mos erat, & lex. Magis autem miror, in hujus sententiæ confirmationem locum Ciceronis proferre in proœmio lib. 4. Tusculan. *Nos institutum tenebimus, nullisque unius discipline legibus adstricti, quid sit in quaque re maxime probabile, maxime requiremus.* Et proœmio lib. 2. *Nosque ipsos redargui, refellique patiamur. Quod si ferunt iniquo animo, qui certis quibusdam, destinatisque sententiis quasi addicti, & consecrati sunt, eaque necessitate confixi, ut etiam quæ non probare soleant, ea cogantur constanti causa defendere.* Ex quibus clare evincitur, de Eclecticorum, non Platoniorum more in ipsis Ciceronem locutum esse. Post pauca tamen verba, in commentario scilicet ad sequentem versum

Quo me cumque rapit fortuna, deferor hospes,

palinodiam canit, dum ait: *Tractatio perpetua est à navigantibus ducta. Significat, se servire temporibus, id est, pro natura, & ratione temporum hanc, vel illam disciplinam, non semper unam, eandemque sequi, ac probare.* Idem dicit. *Significat enim, se interdum Stoicorum, aut Peripateticorum disciplinam colere, ac probare.* Sed quid frustra pluribus immoror? Eclecticum se apertissime ostendit his statim sequentibus verbis:

Nunc in Aristippi furtim præcepta relabor,

Et mihi res, non me rebus subjungere conor.

PLOTINUS

Vulgo Platonius audit, imo & Platoniorum princeps, cujus ore Platonem ipsum locutum diceret: unde & Divus Augustinus contra Academicos l. 3. c. 18. eum esse dixit: *In quo Platonis os illud, quod in Philosophia purgatissimum, & lucidissimum, dimotis nubibus erroris, maxime revivit.* Et de Civ. Dei l. 8. c. 10. *Plotinus certe nostræ memoriæ vicinus temporibus, Platonem cæteris excellentius intellexisse laudatur.* Macrobius quoque Principem Philosophiæ facit Plotinum cum Platone. Marcellus Ficinus in Epist. ad Lect. Plotini operibus præfixa: *Qui hunc audit, Platonem audire se putet: aut enim in Plotino-Plato revivit, aut Dæmon idem prius Platonem, deinde Plotinum afflavit.* Joh. Card. Bona in Notit. Autorum, Plotinum Platonicum presumissimum, & à populari captu omnino disjunctum, appellavit. Et, ut cæteros missos faciam, Hofmannus in Lex. Platonicum facit Plotinum; cujus vitæ epi-

epitomen talem ibi præbet: Philosophus Platonicus, Ægyptius natione, è civitate Lyco, discipulus Ammonit Philosophi Christiani, præceptor Porphyrii, Gallieni, Taciti, & Probi temporibus. Sub Philippo Romæ docuit non idolorum latras modò, sed & Christianos habuit auditores, à quorum Religione non multum abhorreere creditus est. Civitatem conditurus ad Platonis ideam, Gallieni Imperatoris opem imploravit; sed hic à Consiliariis suis est abstergitus. Fuit corpore gracilis, tenuis valetudine, morboque sacro obnoxius. Scripsit de rebus Philosophicis libros 54. in Enneadas sex distributos, quos Latine interpretatus est Marsilius Ficinus. Porphyrius illum contra Gnosticos quoque scripsisse addit. Doctrinam ejus Ficinus egregie explicavit. Obiit anno 270. ætatis 66. Amelii præceptor: tanta virtutis veneratione superstitis relictus, ut aræ passim ipsi, veluti Deo, extruerentur.

Verùm adducta autorum testimonia nil obstant, quin Plotinum Eclecticum dicamus, modò memoria recolatur, quod libro tertio hujus Histor. in fine de secta Ecclesiastica diximus, Potamonem scilicet hujus sectæ institutorem, ejusque sectatores, Platonis doctrina præ cæteris delectatos fuisse: imò & idem Potamon Commentarium in Platonis librum de Rep. scripsit. Atque hinc factum, ut majorem Eclecticorum partem Platoniciis adnumeratam reperias. Plotinum tamen Eclecticum potius, quam Platonicum dicendum, clare evincitur, tum quòd ipse Ammonii, qui Eclecticus erat, discipulus fuit; tum etiam quia aliorum doctrinam calluit, amplexus est, docuit: ut in ipsius libris videre est, qui non modò Platoniam, sed etiam Pythagoricam, Peripateticam, & Stoicam doctrinam continent. Adde quod habet Vossius de Philos. sect. pag. 72. De Platonice, ut & Pythagorice Philosophiæ Principiis scripsere olim Numenius, Cronius, Moderatus, & Thrasyllus, qui Tiberiano ævo vixit. Sed omnium ante se industriam curâ accuratâ vixit Plotinus. Et Cozzandus l. 1. c. 7. (quamvis & ipse Platonicum dicat) adjecit, ab ipso in schola præter Platoniorum, & Peripateticorum etiam Commentaria Aspasii, Alexandri, Adrasti, & quæcumque sorte occurrebant, legisse.

Academiæ Romæ instituit, quæ à loco Romana, & Italica dicta est. De ea sic S. Augustinus epist. 56. ad Dioscurum: *Plotini Schola Romæ floruit, habuitque condiscipulos multos, acutissimos, & solertissimos viros.* Ejus discipulos vide in. cit. l. 3. hujus Hist. Philos. sub ejus disciplina mulieres etiam fuisse ferunt, Geminam, cujus lares Plotinus incolebat, & Amphicliam. Hic Philosophus omnem calluit disciplinam, Geometriam, Arithmeticam, Mechanicam, Perspectivam, Musicam, &c.

De ejus morte mirabilia, & quæ fidem humanam superant, narrat Julius Firmicius. Porphyrius etiam in Vita refert, post ejus mortem draconem, qui sub lecto erat, domum intra visse, ac statim à circumstantium oculis evanuisse. Quod ansam præbuit quibusdam dubitandi, Plotinum dæmonem habuisse, quem consuleret. Ejus quoque morientis verba ad Eustochium dicta, literis plane aureis perferibenda, hæc nobis idem Porphyrius scripta reliquit: *Adhuc te expedit, atque equidem jam auditor, quod in nobis divinum est, ad divinum ipsum, quod viget in universo, redigere.*

Debitas Plotino laudes plurimi contexerunt. Porphyr. in Vita ipsius in disputationibus strenuum, ad inventionem solertem, ad opportuna percipiendam promptissimum appellat; soli tamen intelligentiæ studentem, nihil de Orthographia curantem. Eunapius in Porphyrio ejus vim ingenii cœlestem vocat. A Macrobio in Somn. Scip. l. 2. c. 12. magis quàm quisquam verborum parcus dicitur; & à Lipsio Cent. 4. Miscellan. epist. 39. Vir sapientia inclutus. Theodoretus de curandis Aff. Græc. l. 6. dixit, Plotinum non solum Hebræorum, Patrum,

Patrum, sed etiam Apostolorum, & Christi Domini Traditiones caluisse. Joh. Jons. de Script. Hist. Philos. l. 3. c. 10. Plotino patrociniatus ait: *Plotinus Numenit inventa, & dogmata sibi tribuere à maledictis quibusdam dicitur est: quo plagii crimine ut liberaretur, Amelius librum scripti de Differentiis doctrinae Plotini, & Numenit. Vide Porph. in Vita, de qua ita Eunapius: Plotinus illius Porphyrius sic explicavit, ut nemo copiosius dicere, aut plura adferre possit.* Jul. Firmic. in Astron. l. 1. c. 3. q. 8. & Marfil. Ficin. in Comment.

P O R P H Y R I U S.

PAULUS, quæ de Porphyrio lib. 3. diximus; hæc addenda. Divus Hieronymus Judæum genere eum fecit; & ex eo Baron. 2. Annal. sed Tyrium cum Eonapio omnes faciunt. Præceptores in Philosophia habuit Plotinum, & Amelium; in Rhetoriciis vero Dionysium Longinum Cassium, virum doctissimum, quem in ejus Vita Eunapius spirantem quandam bibliothecam, & vivum Musæum appellat; quem item præceptorem habuit, & Consiliarium Zenobiam Palmyrenorum Regina. Cum prius Malchus vocaretur (quod nomen Syriacâ lingua Regem denorat) à Longino deinde Porphyrius ob vestem regiam purpuream, qua ob nobilitatem utebatur, dictus est. Floruit Aureliani ævo usque ad finem Diocletiani. E Græcia Romam venit una cum Antonio Rhodio Romano sub Plotini disciplina: qui illum sibi amicissimum habuit, ac tanti fecit, ut palam eum Poëtam, Philosophum, & Sacerdotem appellaret. Et quidem tanti nominis fuit, ut vulgò Philosophus à cunctis diceretur.

Christianum primitus fuisse, deinde Fidei desertorem, Augustinus, Socrates, alique contendunt; apostasiæque causam ex Socrate hanc addit Lud. Viv. Comment. in lib. 10. c. 26. August. de C. D. *Que vero causa eum movit, ut desiceret à Fide, & in Christianos scriberet, docet Socrates l. 3. c. 19. Nam iste Casarea Palestina à quibusdam Christianis reprehensus, cum prægravi, qua ardebat, iracundia, illud ferre non posset, Religionem Christianam deseruit; & præ odio illorum, qui ipsum coarguerant, ad libros conscribendos, quibus Christianos maledicis, & contumeliis perfringeret, præceps ruit. Eadem Nicephor. l. 10. c. 36. Vossius vero de Hist. Græc. postquam eum laudavit, dicens: Magnum hujus inter Philosophos, ac Sophistas nomen fuit; de ejus à Fide defectione hæc subdit: Porphyrium primitus fuisse Christianum, sed postea à Religione hæresisse, Augustinus innuere videtur l. 10. de C. D. cap. 28. Id ob autoritatem tanti Viri inficias ire non auri. Sed hæc tamen nihil invenio, quo id verisimile fiat, præterquam quod junior familiariter usus sit Origene. Ac longe etiam minus assentire possum doctissimo Annalium Ecclesiasticorum Scriptori (Baronio ad annum 325.) qui jam senem denuo ex Gentili Christianum factum putat.*

Scriptit itaque *Adversus Christianos lib. 15.* quibus respondit erudite nimis Eusebius, Apollinaris, & Methodius 30. Apologeticis libris. De Porphyrii libris adversus Christianos ita Suidas: *Hic est ille Porphyrius, qui consummationem, ac atrocium injuriarum plenam linguam in Christianos movit, & qua pestiferum suum venenum in eos effudit, ac jaculatus est.* Hieron. in præmio Catal. Script. Eccles. *Rabidus adversus Christum canis audit Porphyrius.* Et Theodoret. Serm. 1. de Græc. affect. curatione: *Porphyrius contra veritatem rabida debacchatus est insania.* Ejus propterea nomen adeo exosum, & execrabile fuit, ut in Edictis Imperatorum profligatissimi quique Hæretici Porphyriani dicerentur. Verùm ex Actis Concilii Ephesini jam patet, Porphyrii scripta adversus Christianos Theodosii M. jussu anno 388. jam combusta fuisse.

Eum

Eum laudat Eunapius in vita; quem extremam senectam attigisse ex eo edicit, quod in postremis suis scriptis quædam sunt, quæ primis à se editis repugnant; ex quibus existimet, eum ætatis progressu sententiam mutasse. Notat Nazianæus Orat. 4. Julianum Porphyrii mendaciis, atque deliramentis tanquam divinis vocibus exultasse. Et Lud. Viv. de Caus. corrupt. Art. p. 181. Ex Aristotelis libris Topicorum sumpsit Porphyrius, quæ de quinque vocibus composuit; opus, ut in eoque sententia, utilissimum, ita longe ab utilitate traditum. Aristoteles quoque Categorias explicavit.

Scriptis præterea de Divinis nominibus librum unum. De Principiis lib. 2. De Materia lib. 6. De Anima lib. 5. De Animalium abstinence lib. 4. De cognoscendo seipsum lib. 4. Quod una fuerit Platonis, Aristotelisque secta lib. 7. In Historiam Juliani Cæsar. Philosophi lib. 4. De Homerica Philosophia. Ad Aristotelem quod Anima sit Entelechia. Philosophia Historica lib. 5. De Genere, Specie, Differentia, Proprio, & Accidente. De Nili Fontibus secundum Pindarum. De utilitate, quam Reges ex Homero percipere possunt, lib. 10. Miscellaneorum Questionum lib. 7. In Thucydidi præmium. Ad Aristidem lib. 7. In Minuciani Artem. Alia item plurima, præcipue Astronomica; Scriptis quoque librum De Vita Pythagoræ: Sententias ad intelligibilia ducentes: De Antronympharum, quod in Odyssea describitur. Quæ omnia vertit Lucas Holstenius; qui Dissertationem de Vita, & Scriptis Porphyrii, & Observationes ad Vitam Pythagoræ adjecit. Cantabrigiæ in 8. 1655.

Notandum hic, Divum Augustinum, aliosque sui ævi, putasse, duos hujus nominis Philosophos existisse, Tyrium unum, de quo modò dictum, alterum Siculum. Quam sententiam idem Augustinus in suis Retractionibus mutavit. Hujus autem erroris causa ex eo profecta est, quod Porphyrius diu in Sicilia vixit, ut ipsemet in Plotii Vita testatur.

J A M B L I C H U S

Chaltide Syriæ quæ Cæle dicitur, ortus, sub Constantino, ejusque filiorum, & Juliani Apostatæ imperio Romæ floruit, ubi secundas post præceptorem suum Porphyrium obtinuit. Ejus laudes, & scripta vide in lib. 3. hujus Hist. ad finem. Addam quæ de eo habet ejus Vitæ scriptor Eunapius: His successit Jamblichus, ut clarissimi nominis Philosophus, ita & illustris genere, natus familia amplissima, & locuplete. Patria illi Chalcis, Syriæ, quam Cælen vocant, civitas. Hic cum Anatolio, qui à Porphyrio secundum locum obtinuit, consuetudinem aluit, sed multis eum modis superavit, & ad summum Philosophiæ gradum ascendit. Ab eo conjunxit se Porphyrio, quo nulla in re suis inferior, præterquam in concinna orationis structura, dicendique sagacitate. Neque enim pari venere, & gratia ab eo dicta, instructa fuere: neque candorem habebant, & perspicuitatem: neque puritate sermonis exornate scripta laborabat, quæquam non omnino obscuritate involuta sit, aut vitium habeat oratio; sed (quod de Xenocrate dicebat Platq.) non sacrificavit Mercenialibus Gratiis, &c. Thomas Gale, qui post Marfilium Ficinum, & Nic. Scutellium, Jamblichi opus de Mysteriis Chaldaeorum, & Ægyptiorum edidit, notissimæ eruditissimæ illustravit: Julianus Apostata Orations 4. observat, Jamblichum nonnulla scripisse dyce & otiose, hoc est, non quod ita sentiret, sed ut argumento inserviret. Archangelorum doctrinam, & materia minor in hoc Tractatu amplectitur, alibi aliter philosophatur. Extant adhuc tres Juliani epistolæ ad Jamblichum scriptæ; ex quarum prima patet quanti ipsius Imperator teneris, ubi hæc scriptis: Utinam, & Servato Jupiter, & sancte Mer-

Mercuri, contingat, Jamblichum optimum, commune orbis terrarum commodum, longissima vita frus. Hinc Divus Greg. Nazianzenus Julianum Jamblichi discipulum etiam fuisse putat. De Vita Pythagoræ ab eodem scripta, hæc notat Card. Bona: De Vita Pythagoræ libros 7. composuit, quorum quatuor dumtaxat ad nos pervenerunt: Duo priores editi sunt; duo posteriores habentur m. s. in Bibliotheca Vaticana. Alios duos de ejusdem Pyth. vita m. s. habuit Lucas Holstenius, & editionem promittit. De hac Pyth. Vita sic Vossius de Hist. Græc. l. 2. c. 18. Tractarat hæc argumentum antea præceptor ejus Masicus, sive Porphyrius; ex cujus libro multa vel iisdem; vel leviter immutatis verbis scripsit Jamblichus. Ejus discipulos vide l. 3. hujus Hist.

JULIANUS

P*arabates, hoc est, Apostata dictus, quod ab Orthodoxa Fide defecit, Julii Constantii, Constantini M. fratris, filius fuit. Prima Grammatices elementa à Mardonio Euncho Ebnico Constantinopoli edoctus est. Deinde ab Imperatore Nicomediam missus, ut ab Eusebio Episcopo, sibi materna cognatione devincto, in Christiana pietate institueretur; ibi Rhetoricam didicit sub Eubolio, qui in Fide infirmus erat. Monachus etiam fuisse dicitur, & ad Doctoratus gradum ascendisse. Quo tempore licet Christianæ pietatis signa daret exterius, interius tamen Ethnicismum colebat. A recta autem Fide omnino divulsus creditur à Maximo Philosopho, & Magico, de quo supra in Maximo. In Philosophia præceptores habuit Macedonium, Eusebium Nicomediensem, Chrysanthium, Sardianum, Maximum Ephesium, Aedesii discipulos, aliosque; & præcipue Jamblichum, quem magni æstimavit, quod ex tribus Juliani ad ipsum epistolis patet, ut modò dictum est. Merito igitur Ecclesiarum discipulus Ecclesiis accensendus; quamvis non desint, qui ipsum inter Platonicos numerent.*

Doctus, castus, sobrius, vigilans, laboriosus, exteriorem pietatem simulabat. Quare omnium amorem in se convertit; qui cum Imperatorem proclamarent an. Chr. 360. imperiumque ex Constantii morte in Oriente liberum inde tenuit an. 361. Vix tamen imperium capesserat, cùm personatam pietatem, quam simulaverat, deponens, crudeleque in Christum, ac Christianos odium exerens, templis idola, idolis cultum restituit; ac Summus Pontifex Ethnicorum caeremoniis factus, præclarum Baptismi Characterem victimarum sanguine delere conatus est. Ut autem Christianos à vera Fide abduceret (quod unum suum animi studium, & contentio erat) non tam violentis perfectionibus, quàm dolis, & persuasionibus utebatur. Magis id se consecuturum sperabat, Christianis Scholarum usu interdictis. Qua de re ita Vossius Philolog. p. 7. Interdixit iste Apostata Scholarum usum Christianis, ratus, nullam acerbiorē fore persecutionem, neque expeditiorem viam evertendæ Religionis, quàm si à studiis literarum Christiani arcerentur. Nimirum acutus, ac perspicax Imperator satis videbat, quo pacto magis nocere posset Religioni Christianæ. Cùm aliquando sibi oblata essent scripta, quibus Evangelium defendebatur, ipsis lectis hæc subscripsit: Ἀνέγνω, ἔγνω, κατέγνω, hoc est, Legi, Intellexi, Domnavi. Cui Basiliius pro omnibus respondit: Ἀνέγνω, ἔδωκε ἔγνω, ἔδωκε, ἔδωκε κατέγνω: Legisti, sed non intellexisti; si enim intellexisses, non damnavesses. Christum Dominum ad despiciatum Gallizum vocabat, vel Nazarenum. Theodoricus, Cassiodorus, & Nicephorus scribunt, Julianum in bello contra Persas hasta cœlestis vulneratum, haustum cava manu proprium cruorem versus Cœlum adpersisse, atque hanc in Christum a quo impie

impie desciverat, blasphemiam addidisse: *Vixisti tandem, Galilae: Saturne Te, Nazarene.* Quibus dictis scelestissimam animam exhalavit 26. Junii an. 363. ætatis vero trigesimosecundo non expleto, cum duos non integros annos regnasset. Quis autem Juliani percussor fuerit, varia est autorum opinio. Socrates asserit, Callistum, subrum vigilum unum, qui ejus etiam vitam scripsit, ipsum à dæmone percussum affirmasse. Sozomenus ait, quosdam hunc lectum Persæ cuidam tribuisse; alios Saraceno, Romano alios. Quis tamen is fuerit, diviorum vindictæ profectò minister extitit. Ad bellum enim contra Persas iturus, in quo & occubuit, impie juravit, se Christi Ecclesiam post reditum funditus eversum. Hanc horrendam Juliani mortem eodem instanti S. Sabæ Anachoretæ, qui ad viginti dierum iter, & amplius à castris distabat, atque aliis revelatam, multi scribunt.

Inter viros doctrina claros refertur, literatus, literarumque amantissimus, moribus commendabilis, justus, ingenio acer, sed nimis lacerpissus, capdis facilitate, & eruditione plerisque omnibus Principibus superior, qui Imperii Romani clavum tenuerint; & ut breviter dicam, Princeps, ut multi eum vocant, ad unguem factus, odium in Christianos si excipias. Ejus doctrinam, & mores laudant Libanius, & Ammianus Marcellinus, præcipui ejus fautores; quorum ultimus id notat præ cæteris: *Pec omnia Philosophiæ membra prudenter disputando currebat Julianus, &c.* Gul. Cave in Introduct. ad suos Ecclesiasticos; Ad. Erudit. vol. 2. p. 321. atque alii.

Verum quicquam Julianus fuerit, videri potest apud Greg. Nazianzenum in Orat. adversus Julianum; Joh. Chrysof. Hieron. Opat. Rufin. Zosim. Eutrop. Barop. aliosque. De immani ejus in Christianos odio, & persecutoribus potiori hic scelera adnotabo. Contra jus gentium Persarum Legatos Emanuele, & Ismaëlem Chalcedone morti dedit; quod Christiani essent. Idololatrias Christianis præferebat. Horum alternos in Ecclesiæ cantus, Ecclesiasticas dignitates, precum formulas, publicas quasi penitentiis pro publicis peccatis expiandis, leges, ritus, & caeremonias in idolorum templa intrudere statuit: Scholas, quas Fidelibus interdixerat, publicas pro Ethnicorum doctrina, & moribus decrevit: Xenodochia, pauperum Hospitia, Virginum Cœnobita, atque cætera, quæ Christianis in more sunt, Idololatrias habere voluit Christianorum simia, & osor Julianus; ut ex ejus epistola ad Arsacium, & ex Sozomeno colligitur; sed morte præventus impia hæc omnia ex voto explere non potuit. Hæreticos ab exilio revocavit: Donatistas in Africa remisit: & ut verbo rem absolvam, quæcumque Christianis nocere possent; non prætermisit. Chalcedonis Episcopo, qui cæcus erat, ipsum publice de sua impietate arguenti, audacter respondit: *Sed tuus Galileus amissos tibi oculos non restituit.* Cui Episcopus: *Malo luminibus cassum esse, quàm ut præditum te Apostatam, aspiciere.*

Scriptæ Orationes, Epistolæ, libros contra Christianos, præcipue ad bellum contra Persas iturus, quibus libris respondit Divus Cyrillus excellenti opere, quod Theodosio M. dicavit. *Librum de Caesaribus*, quo Romanorum Imperatorum, qui ipsum præcesserant, vitia insectatur. *Misopogonem adversus Antiochenos*, *Hymnum in Solem*; opus Ecclesiastica Philosophia sectum, &c. Ejus opera omnia Dionysius Petavius Parisiis 1630. edi curavit in 4. atque Spanheim 1696. nova editione Lipsiæ. publici juris fecit, additis etiam notis. Ejossem Panegyricas Orationes tum prosa, tum versu elaboratas, collegerat olim Eunapius.

Pasceratis filius, patria Profens ex Bithynia, inter Philosophos, qui Romæ claruerunt, numerandus erat; sed quia, cui sectæ addictus fuerit, nemo scripsit; in hujus capitulis calce seorsum ab aliis locandum duxi. Tempore Nervæ, & Trajani, in fine scilicet primi, & initio secundi seculi floruit; cumque Trajanus apud se plerumque viventem, sibi que carum, ac familiarem, eodem sæpe curru dignatus est. Hinc tradit Suidas, eum magnificentiam adeo affectasse, ut Leonina pelle indutus in publicum prodierit.

Scriptis *Orationes* 24. quæ etiam nunc extant ex interpretatione Thomæ Naogeorgii cum Notis Hæsei Casauboni: *De Alexandri Virtutibus* libros 8. Et librum *An Mundus sit corruptioni obnoxius*. In his Operibus Oratorem similes & Philosophum se præbuit exitum. Quare non immerito Synesius in Dione ipsum *Aquilam*, & *Cygnum*, id est, *Philosophum*, & *Oratorem* appellavit.

De ejus Scriptis sic bene sentiunt auctores: *Philos. de Vit. Sophist. Optima verò, & laudatissima est in Dionis Orationibus affectuum temperatio. . . . Sed & reliquo quoque philosophandi instituto suis non omnibus exposito, aut simulatorio, sed ejusmodi, ut gravitate quâdam instaret, non secus ac condimento insita sub humanitate temperata. Quàm porro Historie scribendæ aptus fuerit, argumento sunt ab eo scripta Græca. Inter ejus tamen Orationes optima, & copiosissima censeatur Oratio de Illo à Græcis non capto. Phorius in Biblioth. Dion in dicendi arte acutus, & solers est habitus. Orationes scripsisse plurimas referunt, quarum octoginta in nescias incidit manus, &c. Thomas Naogeorgius in Præfat. in Dionem: Dion Profens propter aureum eloquentie fumen cognomento Chrysostomus, summus & Philosophus, & Orator, cui ego quæm præferam nondum invenit. Non spinosa docet, aut injuunda; neque abruptis sententiis rem obscurat, ut Aristoteles; neque absurda, atque communi sensu abhorrentia tradit, ut Plato, neque, ut idem, longis perplexisque suspendiis lectorum ambagibus, &c. Vide etiam Card. Bons in Notit. Auctorum: Volaterran. &c.*

Atque his de Dione, aliisque Romanorum Philosophis adnotatis; ad reliquos cæterarum gentium Philosophos numerandos gradum faciamus: quos per sectas distinctos tradentes, à Pythagoreis, qui sectâ reliquis prioribus fuerunt, incipiam sumemus; à quibus gradatim, & ætatis ordine ad reliquarum sectarum Philosophos veniemus.

C A P U T II.

De Pythagoreis Recentioribus.

Exactis Romanorum Philosophis, eorumque vita, & doctrina, quæ fieri potuit, claritate, brevitateque exposita; cæterarum gentium Philosophos, qui Recentiorum nomine digni sunt, breviter adnotare ad hujus Historiæ complementum necesse est. Eidem igitur methodo insitens, quæ in superiori Libro usus sum, eos omnes non secundum gentes, vel tempora enumerabo, sed in Sectas distinctos; ætatis verò in singulis Sectis ordinem servare ordo erit. Cur autem primum hujus Libri Caput Romanorum Philosophis præcipue dicaverim, si quis miretur, respondeo, me id consulto, & ex proposito fecisse ad offendendum, nos Romanis disciplinas omnes, ac potissimum Philosophiam,

acce-

acceptas referre, qui eas ad nos è Græcia cum imperio deportarunt. Atque hoc est, quod Græci indigne ferentes querebantur, ut supra in Cicerone dictum, Romanos ne dum Imperium, sed & scientias, quibus ipsi Romanis præstarent, ad suos transfussisse. Ea enim literarum sors semper fuit, ut eas nonnisi in imperii felicitate vigere videremus. Præter quam quod Romanorum Philosophis, qui ætate, numero, dignitate reliquis præstabant, singulari memoria dignum aliquod debebatur. Sed ad rem.

E U E P H E N U S

Philosophus Pythagoricus, à Dionysio Syracusarum Tyranno morti damnatus, quod Metapontinos sibi fœderatos ab isto fœdere abduxerat; imperterritus Dionysio dixit, se ad thronem utique paratum, tantum optare, ut, antequam morti daretur, in patriam ire potestas ei fieret, ut suam ibi sororem mariti nuptum daret: quo facto statim Syracusas ad mortem subeundam se rediturum dixit. Quod ridentibus iis, qui aderant, Tyrannus eum interrogavit, quam de reditu cautionem daret? Cui ille: Ecce tibi Eueritum amicum meum sponsores redditus ad sex menses, & obsidem trado. Dionysius, accepto obside, ipsum abire permisit. Euphenus ad datum tempus Syracusas rediens se Tyranno tradidit, obsidemque perijt liberari. Sed Dionysius amborum virtutem summe miratus, ne dum utrique libertatem largitus est; sed in eorum amicitia tertius esse voluit. Idem de Damone, & Pythia relatam legimus.

N E A R C H U S

Patria Tarentensis, Secta Pythagoricus, quo hospite, & præceptore familiariter usus est M. Cato Censorius; dum adhuc adolescens sub Fabio Maximo militavit, quum hic Tarenti erat, ut notat Plat. in Vita ejusdem. M. Catonis, cujus verba sunt: Cùm Fab. Maximus Tarentum reciperet, sub eo forte admodum adolescens militabat Cato. Hospitio usus Nearchi cujusdam Pythagorici, desideravit eam disciplinam intelligere. De iisdem cum differenter illos audivisset (quibus Plato usus est, qui voluptatem maximam inestiam vocat: calamitatem animæ primam, corpus: liberationem, & purificationem illas cogitationes, quibus maxime à corporis affectibus avocatur, & abducit seipsam). amplexus est multo acrius frugalitatem, & continentiam.

Fuit & alter Nearchus Alexandrinus, qui cum Alexandro Magno militavit, de quo Historiam scripsit; nostrumque Nearchum ætate longe præcessit.

X E N O P H I L U S.

Quamvis hic, antiquissimus cum sit, inter Recentiores numerari non debeat; quia tamen in superiori libro cum Pythagorice non fuit recensendus, nam de Pythagoricæ Scholæ successione non erat; Illeat hic ipsum adnotare. Eadem datur, quæso, venia in aliorum recensu, qui suum inter Recentiores locum rigorose non merentur. Fuit igitur Xenophilus tum ob suam doctrinam, tum ob longævam vitam, quam sanam semper duxerat, celebris: De eo ita Lucianus in Macrobis: Xenophilus Musici, perhibente Aristoxeno, Pythagoricæ Philosophiæ candidatus, ultra quinque & centum annos Arbenis vitam traxit.

Philosophus Pythagoricus, sed Pythagoreorum omnium in Magica arte callentissimus, & *magus*, præstigiator, celeberrimus, si ejus vitæ scriptoribus præstanda fides sit; natus est Tyanae, quæ Cappadociæ urbs est; unde à patria Tyaneus appellatus. Totum ferme orbem peragravit, sive discedendi causa, ut ait C. Rhodiginus, sive potius ut ubique præstigia parando sibi famam, & affectas aucuparetur. Quæ Apollonii præstigia non mediocriter Christianæ Fidei dampnum attulere; quod Ethnicis crederent, Apollonii, & Christi Domini vitam, & facta, & portenta non differre, ut præter alios advertit Baronius ad an. Chr. 68. ubi ait: *Vix quisquam satis digne valeat unquam exprimere quantum humano generi obsuerit. Philostratus scribendo res gestas Apollonii Tyane, easdemque amplificando mendacis; ut videatur plane inventum fuisse diaboli. Quod enim non valuit perficere in Simone Mago nuper extincto, id in Apollonio implere conatus est: quippe qui æmulus Christi gloria, sicut scripto jam Evangelio longe, lateque per orbem innotescerant Christi res gestæ, suum ipse statuens Antichristum, Pseudoevangelium quoque actorum ipsius per mendacissimum hominem scribendum curavit; cui fidem præstantes homines, nibilo Christo minorem fuisse Apollonium existimarent; vel, sicut ipsum ea perficere Magia complures compertum habere, eadem quoque arte Christum usum esse, falso, ac absurde effutirent, &c.* Ex tot miris ab eo paratis, quæ ejus vitæ scriptores, sive potius impostores referunt, unam vel alterum hic adnotare sufficit. Domitiano insistentem sacrificare præcipiens, ipsum Imperatorem futurum prædixit. Quod cum ex prædictione accidisset, Domitianus Imperator electus ipsum morti damnavit: sed Apollonium Cæcodæmonis ope ab ejus conspectu evanuit, Puteolos ab eodem transiit. Ephesi degens coram populo vultu acer, & severus forti voce clamavit: *Percute Tyrannum: Percute Tyrannum*; jamque cælum Domitianum certo cœtus assessorans, magnam sibi & famam, & gloriam comparavit apud omnes; qui ex nuncio non longe post Ephesum veniente; & Domitiani eadem referente, veram cognoverunt, quod Apollonius, longissimè à cæde distans, quasi præfens adspiceret, affirmavit. Acque hinc factum; ut multi Apollonium in Deorum numerum referrent, putantes, nonnisi Deum tot supra naturæ vires mira patrare potuisse. Quare Hierocles Philosophus ex Areopagi judicibus (de quo mox in Platonis) religione Ethnicus, non est veritus ipsum cum Christo Domino comparare in peculiari libro contra Christianos composito; quem deinde refellit Eusebius. Eunapius etiam dixit, Philostratum suo operi inscribere non hunc titulum debuisse: *Vita Apollonis Tyane*; sed *Accessus Dei ad homines*. Et quidem Imperator Caracalla, ut refert Dion Cassius, ei templum, tanquam Heroi, crexit. Et Xiphilinus addit, hunc Imperatorem non alia id ratione fecisse, quàm ut ad perpetuam memoriam celeberrimus hic impostor, & magus perduraret. Sed fabulosa portenta, Apollonio adscripta; Justinus Martyr plane detexit, & post ipsum Eusebius. Johannes Apostolus, Ephesi degens, Apollonium fortiter oppugnavit.

Apollonii Vitam (sive potius fabulosam historiam) omnium primi scripserat Damis Assyrius, ejus familiaris, discipulus, peregrinationis, & imposturarum comes, à quo suam desumpsit Philostratus, quam 8. libris conscripsit, in qua Apollonium moribus, & doctrina Pythagoricum se præbuisse asserit: quos libros ipse Philostratus l. x. c. 3. postulario Julæ, Severi Imperatoris uxoris, cui Epistolarum Magister ipse erat, se fecisse testatur, quia hæc Sophistarum orationes omnes commendabat, & amabat: Philostratus enim sub Severo usque

ad Philippum vixit: Soterichus Oasites, Poëta Epicus, qui sub Diocletiano etiam vixit: Maximus Ægiensis, & Mœragènes, quorum meminit Job. Tzetzes Chil. 2. Hist. 60. & Hist. 29 r. Deinde eandem coctam crambem recoxit Nicomachus, qui Aureliani tempore floruit, ut refert Sidorius l. 8. Epist. 3. His verbis: *Apollonii Pythagorici vitam (non ut Nicomachus senior è Philostrato, sed ut Tascius Victorianus è Nicomachi Schedio exscripsit) quia iusserat, in isti.* Apollonii autem vitæ, & Philostrati meminit Eunapius in Proœmio Vit. Philof. & Sophist. Et Flavius Vopiscus, qui Apollonii facta se celebraturum promittit in Aureliano, magnum ibi de Tyaneo elogium, Philostrato fidem tenens, confect. Lucianus, qui unus ante Philostratum de Apollonio mentionem facit, in Historia celebri Alexandri Abonorchites tantum asserit, hunc de Apollonii schola extitisse.

Sed contra Apollonium, & ejus vitæ scriptorem Philostratum, ex antiquis fuisse Bassus, & Euphrates Philosophi. Ex recentioribus, præter Ecclesiæ Patres, ferme omnes, qui styli in ipsam acuerunt, Lud. Viv. inter primos Criticos unus, de Trad. discipl. l. 5. p. 613. *Philostratus in historicis magna Homeri mendacia majoribus mendacis corrigis.* Et ibidem p. 630. *Philostrati Apollonius penè totus figmentum est rabiosum, ac blasphemum hominis in fingendo non inexcitatus, quique historias commiscetur de iis, quæ nemo unquam vel vidisset, vel audisset.* Joseph Scaliger ait, Philostratum in narratione prodigiorum Apollonii neque veri, neque verisimilis rationem servasse, ac verum præstigiatorum plustquam Philosophum, probum, sanctumque hominem offendere voluisse. Idem sentiunt Vossius, Casaubonus, & Lipsius; qui addit, Philostratum; hominem nugatorem, & mendacem, in Romana Historia sæpius errasse: M. de Tillemont Anachronismos etiam, & opulentes, errores in Philostrati Vita Apollonii adnotat. Et, ut paucis dicam, Historici, ac Critici omnes non sacri, tum profani, merum Philostrati figmentum quidquid ipse de Apollonio scripsit, esse putant; eumque magica arte, ac diaboli tantum ope aliquid pollentem, versutum vtrum affirmant. Addam quod habet autor libri, cui titulus *Historia Apollonii Tyanei*; quam falsitatis, & impossibilitatis arguit 1. Quia hæc Historia testibus fide dignis non probatur: 2. Quia Philostratus non Historiam, sed Fabulam scribere videtur: 3. Quia miracula, quæ Apollonio tribuit, casui, goëticae arti, & præstigiis tribui possunt, si quæ sunt, nam potius ficta videntur. 4. Denique quia hujus Philosophi doctrina rectæ rationi, ac sapientiæ, quæ vel sola naturæ lumine haberi potest, contraria est. Vide hujus libri autorem, qui est M. du Pin; Lactant. Instit. c. 2. Amastium Nicæum q. 23. Cæli Rhodig. l. 17. Lect. Antiqu. c. 13; qui eum omnium, qui unquam historiam conscripserint, mendacissimum appellat. Vossius de Hist. Græc. &c. Verum Guilhelmus Philander Castilionius in suo in Vitruvium Comment. hanc Apollonii Vitam non Philostrato, sed Luciano tribuere videtur; ut advertit Gilbertus Cognatus in Annotat. in Lucianum. Hoc tamen (quod pace tanti viri dixerim) repugnare videtur, quum Lucianus Apollonii scholam, è qua sum Alexandram fuisse ait, obtestetur, dicens ad contemptum: *Vides quamvis schola tibi hominem refero?* Vide etiam Morey in Sup. Lex. Hist. & Robert. Bail. in Opere suo Hist. & Chronol. Phot. Possévin. &c.

Scriptit Apollonius de *Astrologica divinatione lib. 4.* & *Tractatum de Sacrisciis*; quæ jam intercederunt. Discipulus fuisse sicut Euthydemus Tarsensis, & Exenxi ex Heraclea. Mortuus tandem est an. sal. 97. sive 99. ut ex aliis. Mortis autem locus, & modus penitus ignoratur; nullum enim mortis suæ testem voluit, nec etiam ipsum Davidem, quem discipulum, & comitem semper habuit. Tantum conjectari licet, ipsum infelicem vitæ exitum habuisse,

ex eo, quod Lucianus in Alexandro Apollonii vitam Tragediam appella-
vit, dicens: *Porrò doctior ille, & idem amator, natione Tyaneus erat, videlicet ex
eorum numero, qui cum egregio Apollonio Tyaneo illo erant versati, totamque
illius tragediam pernoctant, &c.*

N U M E N I U S

Genere Græcus, Secta Pythagoricus, & quidem præclarus, ut eum ap-
pellat Eusebius lib. 14. c. 2. Apamæ, quæ Syriæ urbs est, sec. 2. ortus
dicitur. Scripsit Tractatum *de Principiis Pythagoræ, & Platōnis*; in quo
Platonem à Mose derivasse, ait, quæ de Deo, & Mundi Creatione scripsit.
Hinc dicebat: *Quid enim est Plato, quàm Moses Atticissimus?* ut supra quoque
in Platone notavimus. Scripsit & alia. Vide Euseb. Præp. Evangel. lib. 11. 13.
& 14. Suid. Jonium 3. 10. &c.

Alius tamen hic fuit à Numenio, Pyrrhoniæ sectæ alumno; qui Pyrrho-
ni etiam cœvus creditur, de quo Diogenes Laërt. lib. 9. in Vita Pyrrhonis.
Atque hæc de Pythagoricis, qui, ut sæpius dictum, ultimis temporibus pau-
cissimi extitere, quod omnibus ob imaginis suspensionem essent invisī. De
Pythagoricis scripsit Aristoteles, Apollonius, Heraclides, & Neanthes.
Vide Jonium, &c.

C A P U T III.

De Platonicis, & Academicis.

HERACLITUS TYRIUS

ATyro, ubi natus est, sic appellatus, Ciceroni cœvus, Clitomachi, &
Philōnis discipulus fuit; Antiochi verò Ascalonitæ familiaris. De ipso
sic Cicero Acad. Quæst. lib. 2. edit. 1. *Et erant jam Alexandræ familiaris Antio-
chi Heraclitus Tyrius, qui & Clitomachum multos annos, & Philonem audie-
rat; homo sane in ista Philosophia, quæ nunc prope dimissa revocatur, pro-
batus, & nobilit; cum quo & Antiochum sæpe disputantem audiebam, sed
utrumque leviter.* Tum igitur & cum Heraclitum studiosè audirem con-
tra Antiochum differentem, & item Antiochum contra Academicos, dedi An-
tiocho operam diligentius, ut causam ex eo totam cognoscerem. Itaque complu-
res dies; adhibito Heraclito, doctis, & compluribus, & in his, &c.

S. DIONYSIUS AREOPAGITA

UNus ex Areopagi (quod supremum Athenarum Tribunal erat) iudicibus
fuit eloquentissimus, & in omni Græcorum sapientia eruditissimus. Hic
sub Imperio Tiberii Caesaris cum Apollonphane Sophista in Ægyptum abivit,
ut cum sapientibus ejus loci viris conversaretur. Ibi Heliopoli solis deum
(qui multis terræ partibus eadem hora communis fuit) adspiciens, qui in
Christi Domini morte occidit; nullum verò eo tempore lunæ interitum ob-
servans, sed hunc præter naturæ ordinem evenisse considerans, dixisse festuri
est, *ὅτι οὗτος ὁ κόσμος, ὃς ἐστὶν ὁ κόσμος, αὐτὴν τὴν φύσιν παύσει, αὐτὴν τὴν φύσιν
παύσει.* Ex Syria. Deinde Christi fidem Athenis degens, per Apo-
stolum Paulum edoctus, ut ex Act. Apostoli amplexus est; à quo etiam
Athe-

Athenarum Episcopus factus; pro ejusdem Fidei testimonio Martirii palmam promeruit sub Trajano.

Magna inter recentiores Criticos quæstio est, an hic unus, Idemque sit cum Dionysio Parisiensi, an diversus. Eundem faciunt Baronius, Spondus, Hilduinus, &c. atque ad id asserunt, Dionysium Areopagitam, postquam Ephesum adivit, ut Johannem Apostolum ab exilio revocatum viseret; inde Romam venisse, atque à Clemente Pontifice in Galliam una cum Regulo, Rustico, & Eleutherio missum, primum Parisiensis Ecclesiæ Episcopum existisse; ibique capitis damnatum, divulsam à corpore caput ad aliquod spatium manibus portasset, quæ vulgaris opinio est. Contra verò P. Sirmond. Joh. Launoy, ac plures Critici scriptores diversum probant: quos vide.

Major tamen quæstio est de Operibus, quæ vulgo Areopagitæ tribuuntur. Validissimis autem rationibus, ab iisdem operibus desumptis, celebriores Critici evincunt; hæc opera nonnisi in sec. 3. apparuisse; composita verò credunt ab aliquo Philosopho eloquentissimo; potissimum quoddam Eusebius; Hieronymus, alique vetustiores; qui de Dionysio loquuntur, nunquam horum operum meminerint. Vide cit. Sirmond. Launoy, Du Pin, &c.

De ejus Philosophia hæc Cozzandus de Magister. Antiqu. Philos. lib. 1. c. 9. *Dionysius Areopagita; qui negari non potest, quia gentilis Philosophus secunda Platonice fuerit; discipulus Apolloniarum, præceptorque Arsenodori Atheniensis; alii omnino ab eo, qui Augusti præceptor; &c.* Verum præter unum Eusebium in Chron. ad an. Chr. 32. ubi ait: *Dionysius Areopagita præstabilis olim Philosophus claret;* nullum adhuc inveni ex vetustissimis scriptoribus; qui ejusdem Philosophiam memorent.

LUCIUS APULEIUS

Philosophus Platoniceus, Madauræ in Africa natus est ex patre Theseo, viro eximio, & matre Salvia, quæ Plutarcho; & Philosopho Sexto sanguine juncta erat. Carthagine primum, deinde Athenis literarum studiis insignem navavit operam; ac potissimum Platonice Philosophiæ, in qua præceptorem habuit Vassium, ut ipse eum vocat lib. 1. Metamorphos. Sec. 2. vixit, sub Adriano scilicet, & utroque Antonino. Inde Romam venit; ubi Jurisprudentiæ additus, tantum in ea profecit, ut inter insignes Oratores numeraretur. Sed Jurisprudentiâ hinc posthabita, Philosophiæ totum se devovit. Pudentillæ, dilectissimæ viduæ nupsit. Atque à Sictinio Emiliano coram Claudio Maximo, Africæ Proconsule, de Magia accusatus; quod amatoris philtis, sive Magiæ arte Pudentillæ amorem captaverit, ac ejus filium Pontianum mortem dederit; ipse optimâ Apologiâ, quæ Oratio de Magia inscribitur, se defendit; quam Divus Augustinus Sermonem eloquentissimum, ac florentissimum appellat. Clarissimus Carthagine professor fuit; ubi statua ei dicata; ejus res pluribus meminit lib. 3. Florid. ac gratias Carthaginensibus egit de honore sibi adjudicato; præsertim Strabonem Emiliano Consularem virum, qui in Carthaginensium curia sententiam dixit, ut statua ei poneretur; ejus auctoritatem Carthaginenses omnes secuti sunt. Quem Strabonem Emilianum suum fuisse condiscipulum ipse testatur.

Scriptit *Metamorphosin, sive Asinum Aureum lib. 11.* Quæ paraphrasis est ejus, quam habet Lucianus, qui Lucium ex Patris in suis Metamorphosis, sive Transformationibus secutus est; de quo Photius. Ipse tamen hujus fabulæ argumentum ab origine à se formatum ostendit in primis fabulæ verbis, quæ sunt: *Fabulam Græcicam incipimus. Lector intende, lætaberis.* Hoc Opus etiam

Mile-

Milesia. dicitur. Reliqua ejus Opera sunt: *Oratio de Magia*, de qua modò diximus: *De Dogmate Platonis*, sive de *Philosophia* lib. 3. I. de *Philosophia Naturali*. II. de *Philosophia Morali*. III. de *Philosophia Rationali*. De *Deo Suberatis*. *Florida*, sive *Ludicrorum libri*; atque alia à *Servio*, *Nonio*, ac *Fulgentio* relata, quæ ad nos non pervenerunt.

De *Apuleji Operibus* non eadem est autorum censura. Commendantur in *Anthol. Græc.* lib. 5. *Epigram.* 59. ubi *Apulejus Sacerdos arcana sapientie*, *Ausoniam nutritus Sirene* dicitur. *A Barth.* lib. 55. *Advers.* c. 2. *Proprietatis Latine scriptor optimus* appellatur; & *mirifico acumine disertissimus*; & ab eodem in *Notis* majoribus ad *Claudianum* p. 1259. vocatur *Scriptor unus omnium maxime proprietatis amans*, & *Veteris Latinitatis*, supra quam vulgo credatur, conservator. *A Joh. Sarisburiens.* lib. 7. c. 6. ubi ait. In utraque lingua *Græca scilicet*, & *Latina nobilis extat Apulejus Afer*, vir magnus imprimis; & qui venuste morum, & dicendi copia *Socraticum fontem*, & *torrentem Platonum* facile redeolat vel tenuiter sapient. *A Schoock.* in *fabula Hæmel* p. 27. *Vir in omni parte Philosophia versatissimus*. *A Volaterr.* lib. 13. *Omnigena vir eloquentie*. Additque ibidem: In verbis novus, in sententiis creber, in impensione acutus, in translationibus audax, in elocutione varius.

Contrà verò lentit *Lud. Viv. de Trad. Discipl.* l. 3. ubi: *Apulejus in Afino plane rudis*. In altis sonat dominem, nisi quod *Florida* sint ridicula; sed excusat ea *Inscriptio*. Mitius tamen se pectisse videtur in *Comment.* in *Auzultin.* lib. 18. de *Civ. D.* c. 18. ubi ait: Id opus de *Aureo Afino* hoc latinum fecit *Apulejus*, ut ad verbum expresserit plurima, additis plerisque, quò jucundior esset lectio illi, qui *Milesii* fabulis delectantur, & condidit sua illa parvam antiquaria, partim nimis audaciter novata dictione. rem aliqui futuram subinfusam, atque substatuam. At nunc jubat legere, quia pbrafi illa complura dixit, quæ nec appositius dici, nec majore cum gratia poterant: quem nonnulli cum imitari conentur, in ridiculas ineptias incidunt. Puto enim, gratiam illam esse prorsus inimitabilem. Et ibidem lib. 8. c. 19. Extant *Apologie* duæ *Apuleji de Magia* in quibus exat nimiam illam sermonis lasciviam, & antiquaria, & audaciter innovata verba: accommodavitque se forensi dicendi generi, sed ita tamen, ut, nescio quo pacto, *Apulejum* inter nosseas temporaria persona contedum. *A Cassino* dicitur *Autor cause lectionis*, & periculose imitationis. *Joh. Budæus à Stap.* in lib. 1. c. 9. *Theophrasti de Plantis*: *Apulejus* librum suum de *Salutaribus Remediis* ex *Plinio* totum compilavit. *Arnold. Boet.* in l. 2. c. 5. *Animadvers.* *Sacrar. ad Text. Hebr. Ver. Testam.* Quem locum (in libro de Mundo ab *Apulejo* verso, qui *Aristoteli* solò tribuitur) valde indiligenter, atque imperite vertit *Apulejus*, atque ac totum librum; cui se fædo, ac miserabili plagio non interpretat, sed Autorem inscripsit, atque multis etiam doctissimis viris, quanquam in re manifestissima, imposuit. *A Dempster.* in *Rosino* *Incepta dictione*, rebus eruditus appellatur.

Mediam inter hos sententiam tenere videtur *Lipsius* l. 2. *Epistolic.* Quæst. *Epist.* 22. cùm ait: Ego verò *Apuleji* lectionem abhorrendam non censeo, quidquid isti de *Aspinati* schola in vestes pueri dicant: tumidus fortasse, ve grandis, & adfectuata elegantie scriptor est; ac certe doctus literas, & mores veteres; & in sermone ipso *Plauti* imprimis imitator. Itaque ille nescio quis *Rhetoristia*, qui rudere illum dixit, non loqui: prober prius de *Plauto*, & credam de *Apulejo*. Et lib. 11. *Elect.* c. 2. *Stylum ejus ineptum esse* volunt: fatebor in parte, (nec enim asperitatem illam, & horrorem quæstia distantis usqueque hauriat bonæ; sed etque mentis lector. *Vossius* part. 2. *Orator. Institut.* p. 13. 246. 450.

Cajus

Cujus phrasis docte inepta est - - - Apulejum sane scriptorem doctissimum nullo Epitretorum usu peccare, non vulgus modo, ad cuius palatum is nihil sapit, sed eruditi quoque consueverunt - - - Neque solum voces à tribus, aut pluribus compositas vitabile Orator; sed nec eas, quæ grandioris sunt soni, cum laude usurpabit, nisi veniam petat pudentem. Delinquant hac in parte vergrandis, & adfectata eloquentia scriptores, quos inter ducti familiam Apulejus. Turneb. Adversat. lib. 18. c. 14. Apulejus non omnino malus autor, & antiquarum vocum usurpator. Et lib. 29. c. 13. Apulejus interdum non malus autor, præsertim cum lascivie ingenit non indulget, neque ludum sibi permittit. Tandem Gasp. Sciopp. lib. 1. suspect. Lect. Epit. 4. Et quis non rideat, immo ringatur verius, super solidissimo illo vulgi de Apulejo iudicio? Ajunt, eum rudere, quàm loqui maluisse. Dii, Deæque, & quod non evadet denique projectissima illa hominum audacia! Tot jam, & sæpe unicis doctissimorum virorum, adde, si ita vis, Ciceronianorum, eloquiis condecoratum faciem illum Mithæarum scriptorem etiamnum rudere? Sed quoniam nequicquam inveteratum, & jam olim radices agentem errorem hunc ex animis vulgi expectoratum imus, seramus sane, quæ mutare nefas: illud interim professi, malle nos illum rudentem sæpe, quàm hos loquentes, sive latrantes audire.

Notandum hic ex Cassiodoro, Apulejum primum Arithmeticam Latinis literis illustrasse. Vide etiam hujus Hist. l. 3. p. 101.

TAURUS BERYTIUS

Celebris in Platonicæ Secta Philosophus floruit sec. 2. sub Antonino Pio. Ejus meminit Euseb. in Chron. ad an. 148. dicens: *Taurus Berytius Platonicæ sectæ Philosophus clarus habetur.* Ad eum Athenis degentem, & philosophantem audiendum complures veniebant: physicas namque, ethicaque sæpissime quæstiones agitabat; quas videre est apud Agellium ejus familiarem, sæpe etiam symposiastem, qui ipsius laudes pluries enarrat, præcipue lib. 6. c. 10. his verbis: *Philosophus Taurus, vir memoria nostra in disciplina Platonicæ celebratus, cum alijs bonis multis, salubribusque exemplis hortabatur ad Philosophiam capeffendam, tum vel maxime ista re animos juvenum expegebat, &c.* In Agellii Noctium Atticarum libris non semel Taurum loquentem, & docentem invenies: ut lib. 1. c. ult. ubi ex Plutarchi sententia examinat, An & quomodo sapiens irascatur: lib. 2. c. 2. decernit, Quæ ratio, & observatio officiorum esse debeat inter patres privatos, & filios, qui in magistratu sint, in discumbendo, sedendo, atque in id genus rebus, domi, forisque: lib. 17. c. 8. causam exponit, Cur oleum sæpe, & facile, vina rarius congelascant, acetum haud fere unquam; & quod aquæ fontium, & fluviorum durentur, mare nunquam: lib. 12. c. 5. sermonem habet De modo, ac ratione tolerandi doloris secundum Stoicorum decreta. Notat hic Agellius, Taurum cum Stoicis in doctrina semper dissentisse, atque super ea re librum composuisse.

Scriptit, ut notat Suidas, *De Differentia dogmatum Platonis, & Aristotelis. De Corporibus, & Incorporis.* Et alia plurima. Contra Taurum scripsit Atticus Platonicus libros 7. quibus Platonis cum Aristotele consensum probavit.

VALENTINUS

Natlone Ægyptius, Platonicæ Philosophiæ sectator, vir doctus, & eloquens, sec. 2. sub Antonino Pio floruit, ut Euseb. in Chron. ad an. Chr. 146. testat.

testatur his verbis: *Valentinus hereticus agnoscitur, & permansit usque ad Antecetum*. Catholicam Fidem in Ægypto primum, deinde etiam Romæ prædicavit. Sed suas optimas animi dotes magna, qua tenebatur, dignitatem ambitio denigravit. Cum enim alterum in Episcopatus collatione sibi prælatum videret; id ægre ferens, Christi Fidem abnegavit, atque fabulosam, portentosamque hæresim in Cypro evulgavit, Poëtae Hesiodi deliramenta secutus, Deos usque ad triginta statuens, quindecim eorum mares, totidemque feminas, quos Græca voce *Aluæ*, Latine *Secula*, appellavit. Ex horum autem missione Christum Dominum, veluti Pandoram, natum fuisse; atque per Virginis Matris corpus celesti corpore eundem indutum tanquam per canalem transiisse. Docebat etiam, cunctos homines non surrecturos. *Evangelium, & Psalmos* suo nomine vulgavit. Ejus discipuli, quos plurimos habuit, Gnosticorum etiam periplemata secuti sunt. Quamvis tamen Romam veniens suos errores derelictus fuerit; mox tamen ad vomitum rediens, eos pertinacissime defendit. Adversus Valentinum calamus strinxerunt, ac validissime ejus somnia impugnarunt Tertullianus, Irenæus, Epiphanius, Theodoretus, & alii plures.

S. AURELIUS AUGUSTINUS

Patre Patricio, Matre S. Monica natus est Tagastæ, quæ civitas est Numidiæ in Africa non procul à Madaura, & Hippone Regio, idibus Novembris an. Chr. 354. sub Constantio Imperatore. Madauræ primum, deinde Carthagine politioris humanitatis studiis eruditus, licet Manichæorum hæresi addictus, veritatis tamen studio tenebatur; ad quam primum sibi lumen præstitit Ciceronis Dialogus, qui Hortensius inscribitur, quem attente perlegit an. ætatis 19. Aristotelis Categorias, omnesque liberalium artium libros vigesimo ætatis anno *convulsasque* intellexit, nullo felicitat ad scientias addiscendas usus præceptore. Rhetoricam primum Tagastæ, deinde Carthagine, & Romæ, tandem Mediolani docuit, ad id rō missus à Symmacho Romæ Præfeto, à quo Rhetorices professorem Mediolanenses rogaverant an. 384. Ibi à Divo Ambrosio, ejus Urbis Episcopo, an. 387. ætatis suæ 33. ad Christi Fidem à Manichæorum hæresi avocatus, & baptizatus est Paschatis tempore. Hinc in Africam rediit, & inde Romam, sibi contra Manichæos scribens duos libros composuit, quorum alter *De Moribus Ecclesiæ Catholicæ*, alter verò *De Moribus Manichæorum* inscribitur. Post Sanctæ Matris obitum ad Urbe Tibertina die 4. Maji an. 388. in Africam reversus in Tagastæ campis una cum quibusdam amicis solitariam vitam duxit ad annos tres, primos Ecclesiæ fideles imitatus. An. 391. Hipponem Regium veniens, à Valerio ejus Urbis Episcopo Presbyter, etsi invitatus, ordinatus, & prædicationis minister (Valerius enim eum Græcus esset, Latine linguæ usum promptum non habebat) ab eodem adductus, commissio hoc sibi munere sic optime sanctus est, ut an. 395. secundum Panvinium, sive 396. ex Philippo Labbe, sive 397. ex Prospero Aquitanico in Chronico, jubente eodem Valerio, à Megalio, Calamensis Episcopo, Numidiæ Primate, Episcopus Hipponensis novo more consecratus fuerit, ut sciret non succederet in Cathedra Episcopali, sed accederet. Commisit sibi Ecclesiæ summam aequitate, pierate, & labore rexit annis circiter 36. Insatiabili enim cura suum gregem jugiter instituit, nutrit, correxerat, expiavit; atque Manichæos, Donatistas, Pelagianos, Semipelagianos, omnesque Catholicæ Ecclesiæ hostes & scriptis confutare, & Imperatorum ad id implorato auxilio obnere, evellere, disperdere conatus est. Quapropter hi odio, & ira perciti unum Augustinum, tanquam hostem sibi omnium maxime nocentem, ad

ad necem exquirebant. Cùm igitur magnus Ecclesiæ Doct̃or, & Oraculum, magnus hæreticorum terror jure merito ab omnibus haberetur; Imperator Theodosius Junior legatos ad eum misit, ut ad Generale Concilium Ephesi habendum veniret: verùm nuncii ipsum jam mortuum invenerunt, Vandalis Hipponem Regnum ad tertium mensem arcta obsidione vallantibus, anno scilicet 430. ætat. verò 76. quo tempore libris Juliani Pelagiani respondēbat. Memoriz proditum, Vandalos Hipponem Regnum, suæ ditionis per arma, factum, flammis dedisse; sed ignem Divi Augustini corpori, ejus libris, & bibliothecæ pepercisse. Ejus cum Divo Hieronymo circa Sacræ Scripturæ quæstiones literariam contentiosem; & ut Augustinus Diaconum Paulum, Orosium ad Hieronymum miserit ad sanctum amicitiz sedes obfirmandum; quanti Augustinum Pontifices, Concilia, Ecclesia, omnes fecerint, vide apud ejus Viæ scriptores Possidium, Rivum, Possivinum, M. Godeau, &c.

Philosophus fuit eximius, Sectâ Platonicus, ut ex ejus scriptis, Platonica doctrina referis, apparet: immò hujus Philosophi dogmatis quàm qui maxime additus semper extitit; unde Platonis doctrinam quàm proximè ad Christianam veritatem accedere dixit lib. 7. Confess. c. 9. lib. 3. contra Academicos cap. 20. & libro de Vera Religione cap. 4. Quinimo dicere ausim, eo melius neminem Latinorum Platonicam majestatem tum sapientia, tum eloquentia exactius expressisse. Enimverò primi Ecclesiæ Patres fere omnes, ut alias etiam dictum, Platonici erant, putantes, nullam Philosophorum Sectam Catholicæ Religioni melius convenire. Inter hos etiam numeratur magnus ille Ecclesiæ Doct̃or Ambrosius, Archiepiscopus Mediolanensis, qui Platonice Philosophiæ peritiam, juvenilibus annis ab ipso comparatam haud medicè ornabat Græcicæ linguæ, & eruditionis notitiâ; ut in ejus vita notatur. Et Hieronimus Philosophus Christianus, & Autor Ecclesiasticus, qui sec. 4. floruit: cujus Opera extant in Biblioth. PP. Tom. 1. edit. Græco-Lat. col. 187. & in Indice Chronol. Vide etiam Suidam v. *Επιγνῶς*.

Scriptit Augustinum plurima, quæ diligenter collecta XI. Tomis PP. Benedictini Congreg. S. Mauri exquisito ordine ediderunt. In horum I. Opera, sunt ab ipso, antequam Presbyter fieret, composita; una cum *Retractionibus*, quæ suorum Operum censuram, & correctionem habent; & *Confessionibus*, quas 13. libris distinctas tradit: primis 10. libris suæ Viæ Historiam texit: tres reliqui Reflexiones super Genesis initio habent. Cætera in hoc Tomo contenta sunt Opera Philosophica: *Tractatus de Soliloquiis*; Libri 3. de *Libero Arbitrio*; De Genesi 2. contra Manicheos; De Moribus Ecclesiæ lib. 1. De Moribus Manicheorum lib. 1. & Liber 1. de Vera Religione. Tom. II. continentur *Epistolæ*. Tom. III. Doctrina Christiana cum *Commentariis Sacræ Scripturæ*. Tom. IV. *Commentaria super Psalmos*. Tom. V. *Sermones*, & *Homiliæ*. Tom. VI. *Tractatus Morales*. Tom. VII. Libri 22. de *Civitate Dei*. Tom. VIII. *Hæreticos quosdam Judæos etiam, & Gentiles insectatur*. Tom. IX. *Tractatus contra Donatistas*. Tom. X. *Contra Pelagianos*. XI. tandem Tomo 5. *Augustini Vita*, ab ejusdem Operibuseducta, continetur, cum Indice, &c. Ex ejus tamen operibus omnium maxime à Lud. Viv. de Trad. Discipl. 1. 3. laudantur libri de *Civitate Dei*. Sic enim ait: *Augustinus multum habet Aseclitatis in contextu dictionis, non pervenit in verbis, præsertim in libris de Civ. Dei, quod unum ex ejus operibus legendum censeo Philologo: id enim bona ex parte in media Philologia versatur*. S. Augustini Opera Genuina, Spuria, Dubia, & Deperdita vide apud Gul. Cave in Hist. literar. Script. Eccles.

Præclara autorum testimonia, quibus ejus eruditio, Theologia, sapientia, & commendantur; innumera fere sunt; ex quibus duo hic notabo, quæ

ejus Philosophiam dignis laudibus extollunt. Sixt. Senens. Biblioth. l. 4. *Vir supra omnes, qui ante eum, & post eum bucuque fuerunt, mortales, admirabili ingenti acumine præditus, omnibus liberalibus disciplinis instructus, Platonica Philosophia plenissime imbutus, Aristotelica doctrina non ignarus, &c.* Ephemer. Erudit. Gall. 15. Martii 1666. *Quia D. Augustinus omnigena eruditione præditus erat, de omnigenis etiam rebus, & pro omnibus hominum generibus scripsit. Opera ejus plurima pro Philosophis, aut Theologis tantum sunt; sed Tractatus de Civitate Dei pro illis etiam est, qui scientiam non proficiunt; cumque illum insigni cuidam Dynasta Romano nuncupaverit, eum videtur præsertim in gratiam nobilium conscripsisse, &c.* Vide Pope-Blount in Censura, &c.

AURELIUS AMBROSIIUS THEODOSIUS MACROBIUS

PRæpositus Sacri Cubiculi sub Imp. Theodosio, & Honorio circa finem scilicet. sec. 4. floruit; de quo honorifica mentio est in leg. 1. Cod. de Præpositis Sacri Cubiculi, lib. x. 1. De ejus patria non bene constat apud autores. Suum civem Parmenses faciunt; sed nullo valido argumento suffulti: imò contrarium constat ex ejusdem verbis in Saturnaliorum initio, ubi se longe à Latium natum proficitur, inquit: *Nisi scubi nos, sub alio ortos cælo, Latine lingue vena non adjuvet. Quod tamen ab hisce (si tamen quibusdam forte nonnunquam tempus, voluntasque erit ista cognoscere) petiit, impetratumque volumus, ut æqui bonique consulant, si in nostro sermone nativæ Romanæ oris elegantia desideretur, &c.* Vir fuit Consularis, & illustis, magnæ eruditionis, & Platonice Philosophiæ quàm qui maxime addictus.

Scripsit in Somnium Scipionis lib. 2. Saturnaliorum lib. 7. De quibus hoc est autorum quorundam judicium; qui non minus ejus eruditionem, quàm Philosophiam commendant. Marc. Zuer. Boxhorn. in Epist. p. 17. *Macrobius scriptor præstantissimus; qui veterem Philosophiam, non vanam illam, & quæ ad solam effentiationem pertinet, sed cordatam, & masculam altissime penetravit.* Cæcl. Rhodig. l. 1. c. 12. & 13. *Autor excellentissimus, & vir reconditissimæ scientiæ.* Laurent. Valla: *Curiosissimus in loquendo, & reconditissimæ scientiæ.* Bonifac. Ludicra Hist. *Mibi quidem in Platoniorum Mysteriis, in Mathematicis Disciplinis, in re Poëtica satis eruditus, neque suo seculo infamandus videtur.* Lud. Viv. de Trad. Discipl. l. 3. *Macrobius Saturnalia multum habent bonarum, ac variorum rerum. Et ibidem loquen. de Gellio, & Apulejo, ait: Macrobius melior est his, atque explanator: habet quæ non tam vulgari sermone sunt utilis, quàm Philosophiæ explicanda.* Vide etiam eundem Præfat. *Vigiliæ in Somn. Scip. Godeau Episc. Gall. Ejus Saturnalia omnigena præstant argumenta Criticæ, & Antiquitatis: per jucunda, & eruditionis plena miscella videtur.* Erudit. Judicia Tom. 2. Paris. 1685. *Chrisostomus de Mille Autorem hunc singulari Platonis studio teneri observavit, eumque iis colligendis, quæ autores in Virgilium notaverant, maxime incubuisse; ejus Saturnalia erudita esse, sed styli non laudabilis, quoddam seculo scripserit, quo lingua Latine puritas jam alterata, vel deperdita erat, ut ipse Macrobius fatetur.* Denique J. Varroffor deprehendit, illum totidem verbis Plutarchum innumeris in locis transcripsisse, ab A. Gellio plurima mutatum esse: de suo tamen addidisse multa singularia, & jucunda, quæ ejus eruditionem, & Antiquitatis notitiam manifestant. Card. Bona Notit. Auct. Macrobius Philosophus eximius, & Criticus acutissimus. Alios ipsum laudantes prætereo.

Non desunt tamen, qui ipsum reprehendant; inter quos Politian. Epist.

l. 12.

L. 12. epist. 23. ubi: *Macrobius dapibus partim emendicatis, partim suffragatis suas cenas instruxit.* Erasmus in Ciceron. pag. 148. ipsum *Æsopicam* Corniculam vocans ait: *Ex aliorum pannis suas contexit Centones. Itaque sua lingua non loquitur, & si quando loquitur, Græculum latine volbitur credas.* Quod genus est illud ex *Commentario in Somnium Scipionis secundo.* Petr. Crinit. de Honesta Discipul. p. 534. *Quod etiam Macrobius (ut alia complura) à pene Gelliana eruditionis in suas cenas depromsit: homo satis quidem eruditus, sed ingenio maxime ingrato, ac prope impudenti, ut qui tanto æris alieni cumulo, nusquam creditoris nomen proficatur.* M. Ant. Muret. ad Senecæ 3. de Benefic. 18. *Totam hanc disputationem de servis, num dominis beneficia tribuere possint, partim ex hoc Senecæ loco, partim ex Epist. 47. partim ex Valerio Conscinatam Macrobius l. 1. Saturn. c. 2. pro sua venditavit. Sed & ex Agellio, & Plutarchi Symposiactis tam multa nullo pudore in septimum librum Saturnaliorum suorum transulit, ut appareat, eum sacristasse eandem artem, quam plerique hoc seculo facitiant; qui ita humani nihil à se alienum putant, ut alienis æque utantur, ac suis.* Ulysses Altrovand. de Quadruped. p. 394. *Macrobius transcripsit Alexandrum Aphrodisæum, ac pene verbatim expressit.* Vide etiam Claud. Verder. in Autor. Censione, &c.

SYNÆSIUS.

DE ejus patria non bene constat apud autores. Gulielmus Cave ipsum genere Pentapolitanum cum aliis asserit; sed in qua urbe hujus Regionis Pantapoleus fuerit ortus, non affirmat. Pentapolis enim Regio Cyrenaicæ erat quinque urbibus constans, unde & illi nomen (non loquimur hic de Pentapoli Palæstinæ, aliisque regionibus hoc nomine insignitis) quæ urbes hoc ordine sunt Berenice, Arsinoë, Ptolemais, Cyrene, & Apollonia. Suidas hæc tantum habet: *Συνεσιος Ἐπίσκοπος ἐκ Πτολεμαίδος, πενταπόλεως τῆς ἐν Λιβύῃ Ὀψιδίῃ, Synesius Episcopus ex Ptolemaide Pentapoleus, Thebaidis, quæ in Libya est.* Philipp. Labbe de Script. Eccles. ipsum Cyrene natum asserit, dum ait: *Synesius patriam nactus Cyrenem Pentapoleus in Libya, Ægypto proxima, nominatissimam urbem, ab ineunte ætate, ut ex epist. 57. adversus Andronicum discimus, Philosophiæ operam dedit, Alexandria Magistra usus Hypatia, Theonis præstantissimi Mathematici filia, quæ, ut ex Socrate constat, anno demum 415. à populo primùm testis obruta est, tum membratim discerpta; fuitque inter Sophistas sui temporis nominatissimus; uxorem duxit, quatuorque ex ea filios suscepit. Legatione pro patria sua functus est per triennium Constantinopoli apud Arcadium Imperatorem circa annum 400. ad quem habuit Orationem de Regno: dein anno 410. Episcopatum Cyrenes, seu Ptolemaidis patriæ suæ inivitus capessere coactus est, ordinatus à Theophilo Alexandrino Patriarcha sub Theodosio Juniore, Arcadii filio. Quamdiu in sacra illa ministratioe vixerit, quove anno obierit, à nemine proditum est. Certum id tamen constat, ipsum omnia fecisse, ut se Episcopatu abdicaret. Quod cum frustra tentasset, altero ab adito Episcopatu anno Concilium celebravit; ac post obitum, fratrem suum Evoptium in Episcopatu successorem habuit.*

Ingenue quidem fateor, me haud satis intelligere, cur cit. Labbe, Morery in Lex. Hist. & in Suppl. alique dicant, Synesium Ptolemaidis, sive Cyrenes Episcopum fuisse, quasi una civitas, vel unus idemque esset Episcopatus: eum clarum fuisse, Ptolemaidem aliam à Cyrene Pentapoleus civitatem fuisse, à qua 12. milliaria distat; ac Ptolemaidis Episcopatum sub Archiepiscopatu Cyrenes extitisse. Vel igitur ejus Episcopatus sedem ignorant, vel Ptole-

mal-

maidem cum Cyrene confundunt. Accedit, Labbe loc. cit. dixisse: *Episcopatum Cyrenes*, seu *Ptolemaidis patriæ suæ*, &c. eum supra dixerit, ipsum Cyrenæ natum, non Ptolemaide.

Scriptis, præter dictam *Orationem de Regno*, plurima, sed mira omnia; inter quæ sunt *De Providentia lib. 2. Epistolæ 155*. Dio, sive de vitæ ipsius instituto: *Calviti Encomium: Catastasis in Barbarorum excursionem: Catastasis in laudem Anysii: De Dono Astrolabii: Homilia: Hymni: De Insomniis*. Quæ omnia cum Notis edidit Dionysius Petavius an. 1622. & 1633. Notandum hic, Synefium in ipsis de Deo, Trinitate, Anima, & Dæmoniis, Platoniorum more locutum esse. Hinc Joh. Maria Bralichellanus in *Decret. Sacr. Congræg. Indic.* observat, Synefium, qui diutius antè Philosophus Ethnicus vixit, Platonica quædam, seu Pythagorica nonnunquam suis Hymnis inseruisse; præsertim cum de Trinitate loquitur, vix poeticis numeris potuisse retinere exactam illam loquendi rationem, quam Theologia in *Mysterio Sacræ Triadis servandam præscribit*. Notatur etiam à quibusdam, reperiri in Scriptis ejus quasdam Ethnicas opiniones, quales sunt opinio de Venere, quod ejus indignatione mulieres Libycæ grandes habeant mammillas, ac pectora inconvenienter composita, itaut infantes non per alas, sed per humeros lac fugant, mammæ in humeros rejectæ; ut in epist. 4. *Opinio de Fortuna, & Fama*, quod Deæ sint, ut in epist. 43. & 44.

Uno tamen omnium ore ejus sanctitas, & doctrina commendatur. Phot. in *Biblioth. cod. 26. Lectæ sunt Episcopi Cyrenes*, cui Synefio nomen, *de Providentia, & de Regno*, aliisque nonnullis *Orationes*. Stylus illi sublimis quidem & grandis, sed qui ad popularem simul dictionem aliquantulum inclinet. Lectæ sunt & ejusdem *Epistolæ variae*, venustate, ac dulcedine fluentes, cum sententiarum robore, ac densitate. Evagrius l. 1. *Eccles. Hist. c. 15*. Hic igitur Synefius tum reliquis disciplinis excultus fuit, tum in Philosophia adeo excelluit, ut admirationi esset etiam Christianis, his scilicet qui neque odio, neque gratia adducti, de rebus judicare solent - - - Qualis enim, ac quantus extiterit, abunde testantur tum *Epistolæ* post susceptam Sacerdotii dignitatem eleganter & doctè ab eo conscriptæ; tum *Oratio*, quam dixit eidem Imperatori Theodosio; tum quicumque ejus libri admodum utiles circumferuntur. Eil. du Pin. *Nova Biblioth. Aut. Eccles. Tom. 3.* Synefii stylus, Pbotis quidem judicio, grandis, & sublimis est, sed Poësin aliquatenus redolet. In narrationibus præsertim, & descriptionibus excellit: Prolixis præfationibus, crebrisque digressionibus variat argumenta, quæ pertrahat. Delectabilia reddit eandem præclaris historia, fabuleque locis, inferioribus profanorum Poëtarum dictis. Nihil asperi, vel tediosum habet ejus Philosophia. Ea est ejus industria, ut hanc gratam, & jucundam reddat. Ad solam delectationem attendere videtur, cum præcipua sapientiæ capita tradit. Ad summarum veritatum notitiam lectorem sensim deducit, dum festivas tantum narrationes se legere putat. In prima ejus *Epistola* duorum generum Opera illum scripsisse observat; alia esse circa subtilissimam Philosophiam; alia verò Rhetoricas Dissertationes esse: sed facile cognosci posse, utraque ejusdem ingenii factus esse, modò res serias, modò facetias meditantis. Et sane idem character ubique conspicitur. Opera ejus Philosophica Rhetorici, & Poëtici figuris sunt exornata: Eloquentiæ verò Diatribæ sententiis Philosophicis roborantur. In Platoniciis scriptis versatissimus erat, & ex illo fonte hauserat quicquid maximi, & celsissimi habet antiqua Philosophia circa Summi Entis, & Moralium Principiorum cognitionem. Pauca de Religione nostra scripsit, & multum abest, quin in ea æque doctus esset, ac in Platonis Philosophia. Liqueat tamen ex ejus *Epistolis*, eum fuisse sapien-

Sapientissimum, prudentissimum, & optimum Episcopum, &c. Phrasis ejus tanquam Attica laudatur à Gesnero; & à Quenstedt dicitur *Synefus* vir admiranda sanctitatis, & doctrina; eloquentia tamen studiis clarior, quam rerum Ecclesiasticarum notitia. Lud. Viv. de Trad. Discip. p. 340. *Synefus* elaboratus, & translationibus paulo obscurioribus frequens. Balch. Bonifac. Ludier. Hist. p. 603. *Synefus* pius, & doctus, argutus interdum, stylo amano, æque prosa, versuque bonus. Sed omnium maxime ejus habet dignas laudes Lucas Holsten. Dissertatione de *Synefio*, & de Fuga Episcopatus, dum ait: *Synefus* Philosophorum omnium, uno Platone excepto, eloquentissimi juxta, ac sapientissimi Philosophi laudes pertexere, aut orationis accuratissima virtutes persequi, aut reconditam philosophandi rationem in lucem protrahere. Beilarminus etiam de Scriptor. Eccles. Vir fuit admiranda sanctitatis, & doctrina. Scripsit plurimas, & elegantissimas Epistolas. Scaligerana 2. Egregia in *Synesi* Epistolis occurrunt. Greg. Gyraldus *Synesi* Epistolas admirandas vocat. Denique ab Hofmanno vir pietate, & eruditione inter primos sui ævi nominatur. Vide etiam Baron. Godeau. Possevin. Niceph. &c. & Hist. hanc p. 101.

ÆNEAS GAZA

Philosophus Platonius circa finem sec. 5. sub Zenone Imperatore floruit, ut ex ejusdem scriptis educitur, in quibus de Africæ Martyribus à se visis sub Hunnerico Vandalorum Rege loquitur; qui Rex obiisse fertur an. 485. *Æneas* Christi Fidem amplexus, *Dialogum de Animæ Immortalitate*, & *corporum Resurrectione*, *Theophrastum* appellatum, composuit: quem Ambrosius Abbas Camaldulensis latinum fecit, & Bibliothecæ PP. additum habemus. Extat etiam Lipsiæ editus an. 1655. à Joh. Baver cum Notis Gasp. Barthii. Vide Bellarm. de Scriptor. Eccles. Labbe Dissertat. Hist. &c.

HIEROCLES

Secta Platonius, Bithyniæ primùm ex Vicario Præses, deinde Alexandriæ Præfectus Christianorum hostis acerrimus, in ipsos mirè sævit, Persecutionis sub Diocletiano serventis autor existens, ipsorumque ejus scilicet Persecutionis monitor, & exactor dictus est. Quo scelere non contentus, etiam scriptis eos, quos afflixerat, infecutus est. Composuit enim libellos duos non contra Christianos, ne inimicè insectari videretur, sed ad Christianos, ut humane, ac benigne consulere putaretur. In quibus ita falsitatem Scripturæ Sacræ arguere conatus est, tanquam sibi esset tota contraria; nam quædam capita, quæ repugnare sibi videbantur, exposuit; aded multa, aded intima enumerans, ut aliquando, ex eadem disciplina fuisse videatur. Lactantii verba sunt lib. 5. c. 2. Quos libros Nicomediæ degens composuit, & *ἑρμηνείας*, *Sermones Veritatis amatores*, appellavit: quo in opere inter alia Apollonium Tyaneum Christo Domino comparavit, & vel paria, vel majora etiam fecisse contendit. Blasphemias tamen ejus, & insanias egregie confutavit Eusebius, & Lactantius; quem Institutionum libris contra Porphyrium, & Hieroclem Philosophos scripsisse potat Baronius ad an. Chr. 302. quem vide.

Sed an unus, idemque Hierocles fuerit, qui libros Philalethes composuit, cum eo, qui de Apollonio scripsit, varia autorum mens est. Eundem existimasse videtur Gual. Cave in Chartophyl. Eccles. atque alii, ut ex m. adò distis. Diversum faciunt Morery in Lex. Hist. ubi diversis articulis de unoquoque

que agit ; atque , cum , qui de Apollonio scripsit , Philosophum ex Areopagi iudicibus fuisse : & Baronius , qui modò dicti meminit ad an. Chr. 302. ejus verò , qui Apollonium cum Christo comparavit , ad an. Chr. 68. atque contra hunc ab Eusebio scriptum , asserit . Alii tandem confundunt ex eo , quod ambo contra Christianos scripserint , & Philosophi fuerint .

Alius tamen ab his omnino fuit Hierocles ille , qui sec. 5. vixit , & Platonis etiam fuit , celebri fama Alexandriæ docens . Scripsit hic libros 7. de *Providentia* , & *Fato* ; quorum velati excerpta Photius nobis asservavit . In iis Platonis , & Aristotelis concordantiam ostendit ; & supposita Metempsychosi , omnes difficultates de Providentia , & Fato , cum Libero Arbitrio convenire valentibus , resolvi posse contendit . Asserit etiam ibidem , Platonem Mundum ex nihilo creatum credidisse . De hoc ita Damascius apud Photium : *Sciendum , quod Hierocles , qui Scholam Alexandrinam sublimitate , & magnitudine animi ornavit , præter magnificentiam venerandam , & constantiam , etiam ingenii ubertate admodum affluebat ; & cum lingua præstantia , pulcherrimorumque nominum , & verborum facilitate , ac copia excelleret , omnes ubique auditores in sui admirationem rapiens , tam orationis venustate , quam scientiarum varietate , cum Platone semper contendens . Vide Phot. Biblioth. cod. 214. & 242.*

Alius etiam memoratur Hierocles , qui in Aurea Carmina Pythagoræ Commentarium scripsit . Hic Pythagoræ etiam vitam , ut notat Cozzandus l. 5. c. 1. memorie tradidit . De eo ita Joh. Pearson in Prolegom. ad Hieroclem : *Inter Opera verò Philosophica , sive Juxæ , sive alius fuit , primum jure merito locum sibi vendicat Traktum à τὴν τὴν ἱστορίαν ἔχον , Commentarius in Aurea Pythagoræ Carmina , opus nunquam satis laudatum . Neque enim Carmina ista tantum interpretari , aut Grammaticorum instar Scholia conficere in animo habuit , sed omnia Pythagorice disciplina lineamenta brevi quasi tabula depingere . Cùm autem hic Hieroclis in Aurea Pythagoræ Carmina Commentarius junctim cum libris de Providentia , & Fato &c. Hieroclis Philosophi Alexandrini , de quo modo dictum , Græc. Lat. extet , Londini an. 1654. editus , hinc factum puto , ut unus idemque quibusdam visus sit . In magna tamen hac confusione eorum , qui Hieroclis nomen habuere , & scripsere , vide Gesnerum , & Vossium lib. 3. & 4. de Hist. Græc. &c. Sed omnium accuratissime Møllerus in Homonymoscopia pag. 312. & ex eo Ionius de Scriptor. Hist. Philos. ejusque Scholastes pag. 99.*

CHOSROES PERSARVM REX

Quamquam barbarus , Philosophiam , disciplinasque omnes Græcorum ita tenebat , ut par summis Philosophis esset . Platonis , & Aristotelis Philosophiam optime calluit : sed Platonis dogmatibus adeò servit imbutum , ut ne Timæus quidem , vel Phædon ipse , vel Gorgias , vel Dialogorum autor quispiam , ut Parmenides , illum præterierit . In Persiam ad eum visendum se contulere Damascius Syrus , Simpliciusque de Cilicia , & Eleunanius Phryx , Priscianusque Lydus , Hermias prætereæ , & Diogenes ex Phoenicia , & Isidorus Gazæus , qui omnes Justiniani temporibus omnium erant Philosophantium principes . Cozzandus de Magisterio Antiqu. Philos. lib. 1. c. 9. Miror sane , Cozzandum , qui de plagit crimine alios sæpe arguit , se jugiter plagiarium ostendere , cùm rarius , unde dicta hauserit , indigitet . Chosroës hic nonnisi Primus hujus nominis Persarum Rex , qui Magni etiam nomine insigniebatur , & Justiniani coævus fuit , esse potuit ; seculo enim 6. ambo

ambo floruerunt. Omnes tamen ejus Vitæ scriptores de ejus tantum militia, ac triumphis, quos de Romanis sæpius reportavit; atque ut ab ipsis tandem superatus, ex tristitia obiit, loquuntur. Unum tantum Suidam inveni; qui de ejusdem sapientia tam alte scripserit, ex quo modo dicta Cozzandus retulisse videtur.

THEODATUS

GOTHORUM REX

Theodahades etiam dictus, Theodorici Regis ex forore nepos fuit. Hic ab Amalasuntha Regina, suo filio Athalarico orbata, in thronum hac conditione evectus, ut ipsa regnaret; ingrato, crudelique animo eam prius extorrem fecit, deinde jussit jugulari. Cujus innocentis sanguinem vindicavit Justinianus Imperator, qui per Bellisarium, & Mundum Regno eum pepulit: ac tandem à Virgilio, magno suæ militiæ duce, à Gothis Regis nomine insignito, interfectus cum filio suo Theodegisilo est, dum Romæ Ravennam peteret. Sic igitur proditor Theodatus à proditore Virgilio iuste pœremus, debitas ingrati animi pœnas luit. Doctus fuisse traditur, & Historiam scripsisse. Vide Procopium lib. 1. de Bello Goth. Marcellinum in Chron. Cassiodorum lib. 10. Epist. 3. Possivequum in Appar. &c.

De Theodato ita Cozzandus loc. cit. *Theodatus Ostrogothorum Rex, qui literis Græcis, Latinisque liberaliter eruditus, scèram amplexus est Platoniam, cui multam operam impendit, in eaque maxime claruit, ut Leonardus Aretinus testatur lib. 1. de Bello Italico contra Gothes, & Johannis Lelandus. Cozzandi igitur, & eorum, quos adduxit, sententiam securus, Theodato inter Platonicos locum dedi.*

GEORGIUS GEMISTVS.

A Seculo 6. usque ad 15. Platonis Philosophia ferme sepulta delituit: donec præclara quædam ingenia ipsam è tenebris in lucem revocarint. Inter hæc præclarum Platoniciæ Philosophiæ lumen eluxit *Georgius Gemistus*, cognomento *Plerbo* dictus, patriâ Constantinopolitanus, qui sec. 15. Florentiam veniens, in Aula Magni Ducis, literarum ac literatorum patroni, Cosmi Medices magno in honore vixit, à cunctis sui ævi doctissimis viris eximius Philosophus & creditus, & habitus. Concilio Florentiæ sub Eugenio IV. an. 1438. celebrato adfuit, in quo singularis doctrinæ virum omnes ipsum admirati sunt. Fertur ad annum centesimum, & ultra vixisse; duos post se relinquens filios, Demetrium, & Andronicum.

Scriptit librum *De Differentia inter Aristotelem, & Platonem*, in quo ostendit, principatum semper inter hos duos Philosophos Platonem obtinuisse: *Tractatum de Interpretatione: Commentarium in Oracula Magica Zoroastri*; atque alios Tractatus, potissimum Historicos. De Gemisto ita Cozzandus loc. cit. *Ex Academia quidem Georgius Gemistus non solum Historicus, sed Philosophus & Mathematicus, cognomento Plerbo, patriâ Constantinopolitanus, quem quasi Platonem alterum de Myseriis Platoniciis differentem frequenter audivit Cosmus Medices Florentia, & ante in Græcia Bessario Cardinalis Patriarcha Nicaeus, cujus ad illum plurimæ extant epistolæ &c. Vide Gesner. Biblioth. Leon. Allat. Diacr. de Georg. pag. 183. Voss. de Philos. Sect. c. 16 §. 6. de Hist. Græc. lib. 2. c. 30. &c.*

CUI patria Trapezus, urbs Cappadociæ, in Asia Minoris confinio, primùm Monachus S. Basilii, deinde Cardinalis, Archiepiscopus Nicæus, & Patriarcha Constantinopolitanus, Georgii Gemisti, modò dicti, discipulus fuit, sub quo in scientiis omnibus, potissimum verò in Platonica Philosophia multum profecit. Per Imperatorem Ioh. Palæologum ut Ecclesia Græca Latinæ jungeretur, fategit plurimum. Propterea Florentiam se contulit, ubi Concilio sub Eugenio IV. celebrato interfuit, orationem habuit, & Orthodoxæ doctrinæ subscriptis; unde Cardinalis insignia promeruit. Imò parum absuit, quin etiam in Summum Pontificem eligeretur. Variis magni momenti legationibus sub Summis Pontificibus laudabiliter functus est: ex quarum ultima ad Ducentum Burgundæ, & Ludovicum XI. Gallorum Regem, non ex voto confecta, reversus, Ravennæ mortuus est 18. Novembris an. 1472. ætatis verò 77. cujus corpus inde Romam translatum in Basilicam S. Petri eo sepulcro conditum est, quod sibi vivens extruxerat, & Epigraphem fecerat an. 1466. quam vide apud Paulum Jovium in Elog. c. 24.

Magnus plane vir fuit, Purpuræ decus, Græciæ ornamentum, in omni scientiarum genere eruditus, litterarum amicus, & protector, quos domi suæ semper coluit, & familiares habuit; Inter quos præcipui fuere Argyrophilus, Theodorus Gaza, Gemistus Plethon suus præceptor, Philsephus, Biondus, Poggius, Laurentius Valla, Andronicus, Platina, Domitius, atque alii sui ævi litterati; qui omnes Bessarionis domum frequentabant, potissimum ob celeberrimam suam illam Bibliothecam; quam triginta nummis aureis emisse fertur: quam deinde Senatui Veneto donavit, qui etiamnum illam summa cura custodit. Nil prætermisit, ut Platoniam Philosophiam, cui deditissimus erat, omnibus redderet commendabilem. Unde cum Georgii Tapezuntii Opus perlegeret, in gratiam Aristotelis contra Platonem ab eo confectum; statim *Apolo-
giam contra Calumniatorem* inscriptam composuit, qua Platonem Philosophorum Principem probaret. Plura adhuc scripsit volumina ad *Philosophiam*, & *Theologiam* spectantia; *Orationes*, etiam, & *Epistolas*; quæ omnia separatim edita habemus. Bibliothecæ PP. opus illud Bessarionis insertum legitimus, cui titulus: *Liber de Sacramento Eucharistiæ; & quibus verbis Corpus Christi conficitur*. Vide Trithem. & Bellarm. de Script. Eccles. Auberi Hist. des Card. Possévin. Spond. le Miré &c.

MARCUS MUSURUS

CRetensis, vir utriusque linguæ doctissimus, & propter eruditionem suam à Leone X. & Alberto Pio, Corporum Principe, & Lascare Romam accitus, quem, præter alia, *Encomium in Platonem* Græco elego carmine doctissimo panxisse, Gyraldus testatur lib. de Poëtis sui temporis p. 62. Extat id Poëma, & in limine Operum Platonis legitur, commendatione publica cum antiquis elegantia comparandum iudicio P. Jovii in M. Musuri elogio. Platonis eum adnumerat Jonsius Hist. Phil. l. 3. c. 21. A Leone X. Archiepiscopus Raguseus creatus, certa spe Purpuræ tenebatur: qua frustratus ex more hydropicus mox obiit. Jonsius l. c. memorat MICHAËLEM APOSTOLICUM, qui primus eo temporis tractu de Aristotelis, & Platonis discrepantia scripsit.

JOHANNES WESSELUS

Groningæ in Germania natus an. 1419. patris, matrisque iacturam passus, à nobili quadam femina una cum proprio filio educatus, & in scientiis, Philosophia potissimum instructus, ipsam mox docuit. Peripateticis, præclarique sui ingenii plurima ubique signa dedit. Licet in Peripateticis, Scholasticis, primum instructus; ab his tamen deinde ad Platonem se convertit, cuius Philosophiæ totum se devovit: unde & à Scholasticis præceptoribus odio habitus est: De eo sic Hornius Hist. Philof. lib. 6. c. 6. *Wesselus Ganesfort, Groningensis præm circa ea tempora non habuit. Ea enim omnium literarum, ac disciplinarum cognitione erat præditus, ut communi nomine diceretur Lux mundi. Peritus erat trium linguarum, Latine, Græcæ, & Hebrææ. Ad Græcam discendam in ipsam Grættam profectus est. Cumque A. C. 1477. Elektor Palatinus Philippus instauraret Heidelbergensem Academiam, eod. ad Professionem Theologicam vocatus est. Sed cum Doctoratum suscipere non posset, propterea quod oser Monastici ordinis esset, relicta Professione Theologica, Philosophicam suscepit. Prostebatur autem Philosophiam Platonicam, quam Christianismo utiliorē, & convenientiorem existimabat. In Morē tamen Suppl. notatū verbo Wesselus, ipsum post varias Germaniæ urbium Academias peragratas, Lutetiam Parisiorum venisse: ubi serventissimis disputationibus invicem rixantes Scholasticos Reales, Formales, & Nominales inveniens, in id totus incubuit, ut Formalium sectæ principes Realibus adsociaret. Ipsemet tamen mox Formalium sectam secutus est: sed cum ipsam rationi minus consonam advertisset, Nominalibus se addixit (simulatē verō, crediderim, nam Platonis admirator erat) quorum doctrina novitate magis, quam veritate tum placebat. Parisiis P. Francisci della Rovère, Fratrum Minorum Ministri Generalis, familiaritatem nactus est. Hoc deinde in Pontificem Maximum, sub Sixti IV. nomine, electo, & magnas ei dignitates offerente, nihil præter unum Sacrorum Bibliorum Codicem Hebræum, & Græcum voluit; quo accepto, Roma in patriam migravit: ubi fama, & doctrina omnibus carus obiit die 4. Octobris 1489. Sunt qui ipsum in Orthodoxa Fide mortuum asserunt. Alii verò contra ab ea in multis aberrasse affirmant, eumque Lutheri Præcursores appellant. Ex ejus scriptis quædam interciderunt, quædam existant edita a. 1614. Vide Vitas Professorum Groningensium.*

MARSILIUS FICINUS

Ingens Florentiæ decus, ubi natus est an. 1433. munere Ecclesiasticus, Platonice Philosophiam omnium maxime coluit, instauravit, propugnavit. Ejus vitam scripserunt Dominicus Melius, & Melchior Adamus: de qua pauca hic. ex aliis adnotabimus. Boissard. in Icon: *Græcæ, Latineque lingue peritissimus: homo ingenti acuti, & vigilantis: unice adamatus à Cosmo Florentinorum Principe propter exquisitam scientiarum omnium, qua pollebat, cognitionem. Fecerat enim Marsilius cum Angelo Politiano bonarum literarum studitis excultus opera, & studio Laurentii Medices, qui & ipse doctus doctorum omnium Mecænas vocatus est, tantaque autoritate, moderatione, & prudentia Remp. gubernavit Florentinorum, ut Pater Patriæ dici jure mereatur. Post cujus mortem non minore apud Cosmum gratia valuit, & ab eo divitiis, & honoribus ditatus, ocio literario vacans, Principis bene meriti suavis Latinos fecit jamblicum, synesum, & Pellum, Platonicos autores, ipsumque totum Platonem. Scripsit & alia insignia Opuscula, quæ à doctis cum singu-*

gulari delectatione, & fructu leguntur. If. Bullart. in Acad. Scientiarum: Ejus Opera satis evincunt, virum illum laboriosum ad compositionem non minus idoneum fuisse, quam ad versum; nec propriis bonis minus opulentum, quam Antiquitatis spoliis. Quando studii contentio ad animi relaxationem aliquam querendam illum adigebat, ejus oblectamentum erat cum honesto, & jucundo sodalizio dulce vinum compotare. Tam brevis erat corporis ejus statura, ut ad virorum solite magnitudinis lumbos vix pertingeret: sed magnus erat illi animus, & constans, ad lætitiā, quā ad mororem propensus. Sollicite vitabat quicquid valetudini suæ noxium esse poterat. Imò regimini bujz alitis præcepta tradere voluit libro suo De Triplici Vita. Septuagesimum tamen annum non excessit, febrique an. 1499. abreptus est in sua Caregiana villa, quo tempore Ludovicus XII. Galliarum Rex, Alper cum potenti exercitu supergressus, bellum, atque terrorem in Italiam inferebat. Ejus tumuli Epigraphem Angelus Politianus hanc fecit:

Mores, Ingenium, Musas, Sapphiamque supremam,

Vis uno dicam nomine? Marsilius.

Hoc ei vitio vertute nonnulli, quod in Dissertationibus super Platonem, & Plotinum, ipsis de suo commodans, eos Christiane loqui faciat. Unde Claud. Verder. in Aut. Confessione ait: Marsilius Ficinus Platonis interpres Sereno quidem fidelior, & purior est. Sed quāquam à Platonis mente discedat rarissime, ita tamen vertit, ut Platonem esse non judeat. Vides quid Plato dicere voluerit, sed quomodo dixeris non habes, &c. Et Huer. de Clar. Interpr. Marsilium Ficinum religiosum, & fidelem interpretem dicit Nannius, summāque curā verbis instituisse; sententiam quoque reddidisse, in indole verò defecisse. Nos aliter judicamus; nam verborum curam neglegit Ficinus, sententias dilatat nonnunquam, vel contrahit, id, quod alibi sæpe, maxime verò in Trismegisti interpretatione deprehendas.

Frequentius tamen laudatur ab aliis, à quibus Naturæ rerum peritissimus: Academicorum omnium doctissimus: Homo summi ingenii, & inexhausti laboris: Vir divinus, & sapientissimus; sapientiæ, & integritatis decus. Vir peritus non vulgariter tum Sacræ Theologiæ; tum etiam Platonice Philosophiæ; aliisque insignioribus nominibus appellatur. Et præsertim Vossius de Mathematic. c. 33. lect. 47. ejus Apologiam confect, ubi ait: Anno 1490 longe lateque diffundebar nomen Marsilii Ficini; qui Apologiam suā conprobat; Astrologiam, & Medicinam ad Sacerdotes pertinere. Etiam tres libros fecit de Vita, in quibus ex Astrologia divinatoria multa admiscuit supersticiosa. Lecto tamen Opere Picti Mirandulani adversus Astrologos, vanitatem ejus scientiæ dictum deprehendisse, ac rejecisse. Magnus plane vir erat; præsertim in Philosophia Platonica. Quare miror, summum iidem virum Ludovicum Vives, quum lectus esset de Epistolis Angelus Politiani; Hermolai Barbari, atque aliorum, subungere deinde: Admiscuit se his Philosophaster Marsilius Ficinus, ut oloribus gaviat: atque Epistolas composuit, ut de Platonis questionibus disputaret disitione invenusta, & molesta. Tandem Trithem. de eo sic scripsit: Vir in secularibus literis eruditissimus, & divinarum Scripturarum non ignarus, Philosophus, & Rhetor celeberrimus, utraque lingua peritissimus, Platonice Theologiæ unicum decus, ornamentum, & corona. Scripsit ornato sermone multa præclara Opuscula, quibus excellentis ingenii sui venam posteris ostendit. Vide etiam Philip. Labbe de Script. Eccles. Paul. Jov. in Elog. Doct. Vir. Gesner. Possevin. Joh. Bapt. Crisp. de Philosophis caute legendis, &c.

JOHANNES PICUS

Mirandulæ, & Concordiæ Princeps, ex patre Johanne-Francisco, qui paternum genus à Constantino Cæsare per Picum pronepotem, ut memoriz à multis proditum, trahebat; & ex matre Julia ex nobili Bojardorum familia, ultimo partu ortum duxit die 24. Februarii an. 1463. Pio II. Pontifice Maximo Ecclesiam regente, & Federico III. Romani Imperii regimen moderante. Honorem tamen, quem magnum ex tam illustri, nobilique familia ortus acceperat, majorem ei contulit. Johannes-Franciscus Picus, Johannis ex fratre nepos, qui ejus vitam contexit, quæ ejusdem Operibus præfixa habetur, narrat, ante ipsius ortum non leve prodigium apparuisse, circularem scilicet flammam supra parientis matris adflare cubiculum, visamque mox evanuisse. Qualis verò ejus sem nati, & adulti corporis, animique forma, & indoles fuerit, ex eodem nepote adnotemus.

Forma fuit insigni, procera, & celsa statura, molli carne, venusta facie, albenti scilicet rubentique colore concinnè suffusa; caeliis, ac vigilibus oculis, flavo capillitio; dentibus candidis, & æqualibus; & uno verbo, undique pulcherrimus. Pulchrior tamen animi indoles, & penitus admiranda exitit. Et quidem ingenio fuit prompto, & perspicaci, mente sublimi, memoria adeo tenacissima, ut audita semel à recitante carmina, mox eadem, & directo, & retrogrado ordine, magna omnium admiratione, recenseret. Sub matris igitur imperio ita ardentem humanitatis studia excoluit, ut brevi Orator, & Poëta magnus evaserit. Anno ætatis 14. matris jussu, quæ ipsum Ecclesiæ Sacris initiari ambibat, Bononiam ad Jus Pontificum addiscendum petivit. Quod biennio se optime didicit, ut Summorum Pontificum Epistolas, quas Decretales vocant, in epitomen miro studio redegerit. Hæc tamen duriora studia pertæsus, ad jucundiora se contulit; ac divinæ, humanæque Philosophiæ contemplationi totum se dædovit. *Perlustratis igitur (verba sunt Henrici Warthoni in Append. Hist. Literar. Gul. Cave) primaritis Galliæ, & Italiæ Academicis, eruditissimos utriusque Philosophiæ Professores ubique conquestos: Philosophorum fere omnium scripta pervolvit, remque suam tam indefesso animi studio agebat, ut Theologus simul, & Philosophus omnibus numeris absolutus imberbis addus juvenis haberetur. Quod ad molliores verò literas attinet, is sane erat, qui sermonis elegantia, facetiis, & gratia, eloquentiæ viribus, disputandi subtilitate, & diffusa linguarum scientia omnibus sui sæculi viris palmam præcipuit. Accuratè enim linguarum Græcæ, & Latine notitiæ Hebræam, Chaldeam, & Arabicam adjecterat dialecto Italiæ, antea ne sapè quidem auditis. Seprennio in hac literaria peregrinatione, doctorum, doctrinarumque inquisitione, completo, Romam annos natus 24. se contulit; ubi 300. Theles, quæ omnigenas Scientias complectebantur, evulgavit, atque à se propugnandas ne dum Urbi, sed universo orbi per literas indixit: illud insuper pollicitus, se ad omnibus profus sumptibus liberos præstiturum eos omnes, qui ex variis mundi partibus contra se disputatum Romam venirent.*

Qua de re ita Boissardus in Icon. - - *Utque erat excessu spiritus, ingenioque ad maxima quæque evecto, ardore juvenili impulsus Romam venit, ubi Conclusiones nongentas in omni scientiarum genere disputandas proposuit; quarum quingentæ sunt in Philosophia Veterum, Mathematica, Cabala, & Magia. In quibus invidum se, & admirabilem omnibus præstitit, cum omnibus tanto ingentis acumine, tanta faciundia, tanta gratia responderit, ut de omnibus triumphum retulerit. In his tamen Thesibus propugnandis, quæ Dia-*
lecti-

leſticam, Theologicam, Mathematicam, Magicam, (Naturalem ſcilicet non impiam, & ſuperſtitioſam) Cabaliſticamque doctrinam (hoc eſt, Secreta Hebræorum dogmatum receptionem) è libris Latinis, Græcis, Hebræicis, & Chaldaicis erutam continebant; mirum quanta à ſemidoctis; ejuſque gloriæ invidiſ perſulerit. Quapropter Innocentius VIII. ut hominum cenſuræ ſatiſficeret, ortuoque rumor occurreret; has Theſes examinandas tradidit: in quibus tredecim notatæ, quæ ſuſtineri penitus nequirent. Unde ſtatim harum interdictio, & Pici nominis delatio facta eſt. Sed cùm ſuas Theſes Pius optime per editam Apologiam, viginti tantum noctibus elaboratam, defenderit; Alexander VI. Innocentii ſucceſſor harum libellum omni interdictione immunem, ac Pici nomen falſo delatum decrevit. Hujus autem libelli cenſuræ non tam in Principem juvenem, eximie doctum, invidia, quàm ſuarum Propoſitionum veri ſenſus ignoratio, & cenſuram inſcitia, cauſa extitit. Ad hoc verò confirmandum vel illud hic adnotabo, quod habet Morey in Lex. Hiſt. Interrogatus, ipſe ait, quidam Theologus, ejus libri cenſor, quid hæc vox *Cabala* ſignificaret, ſeruo reſpondiſſe, Cabalam fuiſſe hominem nequam, & hæreticum, qui contra Chriſtum Dominum ſcripſit, cujus Sectatores exinde *Cabaliſta* dicti ſunt: quod ex ejuſdem Apologia ſe exſcripſiſſe fatetur cit. Morey. Atque hinc etiam factum, ut quidam ejuſdem notæ Theologi non comprehenſedentes, quomodo poſſet. Priocæps juvenis ætate tam tenera tot, ac tantas ſcientiis ſine diaboli ope ſic optime callere; ipſum Magiæ accuſarent. Quidam etiam Hæreticum dixerunt, ut ipſemet fatetur in Apologia poſt initium, ubi ait: *Ex his autem, qui ſapientiam, ideſt Theologiæ ſtudium proſequebantur, quidam fuere, qui conviciis forte levioribus non contenti, non jam audacem me, non temerarium, non glorioſum, ſed magum, ſed impium, ſed novum in Chriſti Eccleſia hæreſarcham prædicarent.*

Sed contrà ex ejuſdem Vita habemus, ipſum poſt primæ juventutis florem, quum ſe gloriæ cupidum, & in vetitum amorem proſtreviorem oſtendit, Principem pium, & religioſum maxime præbuiſſe. Ampliſſimas enim ſcultates, præter eas, quas in librorum ſupelleſtilem augendam impendebat, omnes ad pauperes ſublevandos erogabat. Ut enim à juventutis deliciis reſipuit, & ad ſe rediit, mulierum illecebris, vaniſque amoribus (quibus nobiliſſimum more, nobiliſſimum, pulcherrimum, diſſimulamus, & morum ſoavitate, amabilis, ſeminis que carus exiſtens, totum ſe dederat) cunctis perpetuum vale dixit; Principatu ſe abdica vit; ac privatum, frugalemque vitam Florentiæ vivens; in divinas præces, corporis caſtigationem, eleemoſynas præſtandas, ac virtutum omnium exercitationem, totus incubuit. Quare oblatas ſibi vel maximas Eccleſiæ dignitates repudiavit: atque amictis id indigne ſerentibus reſpondit: *Non ſunt cogitationes meæ cogitationes veſtræ.* Illi etiam rei obnixæ ſtudiit, ut quidquid mente, ſcriptis que valeret, id totum in Eccleſiæ utilitatem, Orthodoxam ſcilicet contra ejus hoſtes Fidem propugnandam, converteret. Hinc carminibus amatoriis tum Latina, tum Italica lingua à ſe in adoleſcentia elaboratis, igne conſumtis; nonniſi ad Dei cultum, & religionem ſpectantia ſcribere ſtatuit, & cogitare.

Ultimum tandem diem obiit, morte quidem immatura, ex ſubdola febris, quæ ad tredecim dies duravit, 17. Novembris an. 1494. ætatis 32. non expletis, eodem ſcilicet die, quo Carolus VIII. Francorum Rex Florentiam ingreſſus eſt. Moriens inſignia Chriſtianiæ pietatis ſigna dedit: inter quæ amor ſuit in pauperes ad mortem uſque ſervatus, quo ductus adeo fuit, ut Florentini Xenodochii pauperes ſibi Hæredes ex teſtamento ſecerit. Fertur, immaturam hanc mortem ſibi à Lucio Bellancio Senenſi prædictam, affirmante; ipſum ætatis

annum

annum 33. non transgressurum: quod magno Florentiæ, Italiæ, orbis fletu sic contigit.

Secta fuit Platonica, imò & Platonice Philosophiæ propugnator acerrimus. Omnestamen Philosophorum doctrinas, præsertim Aristotelis calluit; unde & Aristotelicus antea fuisse traditur à nonnullis. Certum vel illud est ipsum Peripateticam Philosophiam cum Platonica sic optime conjunxisse, ut hanc veritatem, Nullum esse quæstum naturale, aut divinum, in quo Aristoteles, & Plato sensu, & re. non conveniant, licet verbis dissentiant, in una ex suis illis 900. Thesisbus publice defendisset. Quod fortè ex Simplicio didicerat, qui ait: Nemo profiteatur Aristotelem, qui Platonem ab Aristotele dissociet, ut diversa sentientem.

Scripta ejus sunt: *Heptaplus*, sive de Opere sex dierum *Geneseos* (quæ Paraphrasis est cap. 1. *Geneseos* de Mundi Creatione) *Conclusiones novgentæ* (quas olim Romæ disponandas exhibuit; ut modò dictum) *apologia* (qua suas has Conclusiones defendit contra detractores; ut supra adnotavimus) *De Ente*, & *Uno*. *Oratio de Hominis dignitate*. *Regule 12. in spirituali pugna*. *Commentarius in Psalmum 15. De Christi Regno*, & *Vanitate mundi*. *Explicitio Orationis Dominicæ*. *Epistolarum lib. 12. De Astrologia Disputationum lib. 12.* Quibus libris contra Astrologos acutissimè scriptis, ad artis vindictam faciendam, respondit Lucius Bellancius, idem ille, qui immaturam mortem prædixerat; sed dispari ingenio, ut notat Daniel-Georgius Morhofius Polyhist. tom. 2. 1. 7. 16. Hoc autem Opus, licet mortis causa imperfectum, omnium tamen maximè à doctis Criticis æstimatur. *Elegiæ*. In *Platonis Convivium lib. 3.* (Italice scripti) atque alia plura, potissimum contra Hæreticos, & Judæos, quæ post mortem imperfecta invenit ejus nepos, & Vitæ scriptor. Non prætereundum silentio est *Johannis Pici Dissertatio Platonica*, quæ Hieronymi Benivenii Florentini *Hymnus in Amorem* explicatur, quam ex Italico sermone in Latinum versam legere est in Hist. Philos. Stanleji pag. 351. & seq. quæ Platonica Philosophiæ veluti epitome est. Vossius etiam de Sectis Philosophorum c. 1. ait 2. *Job. Picius Mirandulanus Cabala*, sive *doctrinæ de Deo*, ejusque cultu, quæ altera Judæorum Philosophiæ pars erat, admirator fuit, nam gloriatur, se de ea 70. libros emisse ingenti pretio, & in ipsa invenisse religionem traditam à Mose, & Christo: item *Mysterium Trinitatis*, *Trinitatem Christi*, *humane nature assumptionem*, *peccatum Originale*, & ejus expiationem, atque alia id genus.

Ex innumeris, pleno ore ab autoribus in ipsum congestis laudibus, paucas hic adnotasse sufficiat. Scaliger, qui eum Monstrum sine vitio appellare solebat, hæc addit Comment. in lib. 3. *Manil. Phœnix seculi sui, illustris vir Picius Mirandulanus*, *delicia Musarum*, atque alumnus Philosophiæ. Et Scalligerana prima pag. 121. *Picus Mirandulanus 32. ætatis anno, quo obiit, omni disciplinarum genere non modò tinctus, sed plane imbutus erat, ut Encyclopædium disciplinarum jure sibi vendicare potuerit, longioræ vitæ plane dignissimus Princeps*. Vossius de Mathem. cap. 63. sect. 24. Anno 1490. magni nominis fama per Europam omnem volitabat *Johannes Picius Mirandulanus, Doctorem Nobilissimus, Nobilitum doctissimus*, ac cum *Picus* diceretur, vere seculi sui *Phœnix* fuit. Phil. Morn. *Johannes Picius Mirandulanus Comes verè mirandus*, seu profundam doctrinam, seu raram pietatem spectes. Lud. Viv. de Trad. Discipul. 1. 3. Politiano gravior *Johannes Picius*, & satis castigatus, nisi quo loco altereatur cum Theologis. Erasmi in Ciceroniana p. 158. *Indoles Johannis Pici Mirandula Comitis plane divino, ingenium ad omnia factum, &c.* Angel. Politian. in centur. 1. Miscell. c. 100. *Johannis Pici encomium terminat* his

his verbis: Denique, ut semel complectar, nullo non præconio major. Petrus Crinitus de Honestâ Discipul. l. 2. c. 2. Factum est, ut Picum Mirandulanum nuper audire de Philosophia docere, atque egregie discerem; ibique cum Angelus Politianus, & alii complures ejus ingenium, atque multiplicem eruditionem laudarent, ac mirabundè extollerent: Non est, inquit Picus, ut hac in re mihi, aut ingenio meo velitis blandiri. Quin respicite potius ad labores, & vigilas nostras; atque tum facile intelligetis, gratulandum potius assidue vigilis; atque lucubrationibus, quam nostro ingenio plaudendum. Et simul adspicite, inquit, supellectilem nostram, atque copiosam Bibliothecam, librisque affatim omnigenis repletam. Et ibidem c. 12. Nuper forte cum Pico Mirandulano diem consumsi: qui cum de vita, & Philosophia permulta graviter, & copiose protulisset; illorum maxime ingenium, atque animos subinde accusabat, qui segeniter admodum de genere octo oblitescunt. Qua in re, ut sit, cum acrius, & severius declamaret, cæpi mox, &c. Ubi cit. Crinitus ociosus à Solone, aliique legislatoribus infames dictos asserit, ac pœnis afflictos memorat. Disputationem habitam inter Hieronymum Savanarolam, & Picum Mirandulanum, lege apud eundem Crinitum lib. 3. c. 2. Vide etiam Sixt. Senens. Biblioth. Sanct. l. 4. Bellarm. de Script. Eccles. Paul. Jovium in Elog. Trithem. Marsil. Ficin. Berroald. Du Pin, &c.

JOHANNES-FRANCISCUS PICUS

G Aleotti Pici, qui modò dicti Johannis Pici frater natus major erat, filius fuit. Inter prælara, & multa ejus encomia hoc certe non ultimum, tam magni scilicet Patru nepotem fuisse, & discipulum. Scholasticum tamen, ut vocant, studiis nimis addictus, latini sermonis purtati non valde studuit. Infelix semper in omni vita fuit: ex Principatu enim à Ludovico, fratre suo natu minore, primùm ejectus, sed deinde post fratris obitum restitutus est an. 1510. Post annos duns iterum à Gallis expulsus, sed denuò amissum Dominium recuperavit; quod & pacifice possedit usque ad annum 1533. quum à Galeotto, Ludovici modò dicti filio, peremptus crudeliter est unà cum Alberto filio. Quam moerem Crucifixo adhærens obisse dicitur. Scripta ejus hæc memorantur: *Vita Johannis Pici; & Vita Savanarolæ. De studio Divinæ, & Humanæ Philosophiæ lib. 2. De Morte Christi, & propria cogitanda lib. 3. Defensio de Uno, & Ente, &c.* Vide P. Jov. in Elog. c. 87. Bellarm. de Script. Eccl. Spond. &c.

FRANCISCUS PATRICIUS

N Atione Venetus, professione Philosophus, secta Platonicus, Græcis, Latinisque literis egregie instructus, omnigena eruditione repletus, & uno verbo, omnium sui ævi literatissimus fuit. Alphonsi II. perquam familiaris extitit. Platonis sectator magnus, Stagiritæ infectator acerrimus, Philosophiam Ferrariæ docuit annos 17. quam etiam Patavii, & Romæ professus est, ed evocatus magno stipendio à Clemente VIII. statim ac Summus Pontifex renunciatus est, qui ejusdem opera antea etiam usus fuerat. Totus autem in eo erat, ut Aristotelis Philosophiam funditus everteret. Hinc Gregorio XIV. epistolam scripsit, qua id unum magna animi contentione flagitabat, ut Peripatetica Philosophia, ejusque libri de juvenum manibus eliminarentur, Platonica statueretur. Magna tamen hæc in Aristotelem aversio ingens ei odium tum Theo-

Theodori Angelucci Medici, in Patavino Gymnasio professoris, tum Jacobi Mazzoni, peperit: qui editis libris ipsum fortiter impugnaverunt, ille quidem in Philosophicis, hic verò in Moralibus, & Poëticis. Imò in Morery Suppl. vocatur, ipsum capitis damnatum Romæ fuisse an. 1597. (mendose ibi scriptum 1527.) Quod apud alios non legitur. Konig. enim in Biblioth. tantum ait, ipsum Romæ decessisse an. 1597. æt. 67. Bælius etiam in Lex. voce *Patrice*, eum mortuum, non necatum asserit an. 1597. Ubi notat quoque, hunc quandoque confundi cum Francisco Patricio Siennenfi, qui eodem seculo clarus fuit, & *De Rege*, & *Regis institutione* libros condidit. Apud alios similiter mortuus tantum legitur, non occisus. Quæ autem in Morery Suppl. leguntur, ex Jano Nicio Erythræo in Pinacotheca I, pag. 204. & 205. & Baillet in *Judicii Literat.* de Poëtis Recentioribus, deprompta notantur.

Ut autem vocî compos heret, Stagiritæ Philosophiam examinandam suscepit libro illo in 4. Tomos diviso, quem *Discussiones Peripateticæ* inscripsit, de quo Launojus in libro de Varia Aristotelis Fortuna: In primo Discussionum tomo de Aristotelis vita, moribus, libris, auditoribus, sectatoribus, expositionibus, interpretibus, sedis, philosophandi ratione, libris 13. differit. Quibus in libris potissimum offendit, vel integros libros Aristotelis hæcenus falso fuisse adscriptos, vel pieraque aliis Philosophis crepta. Tomus secundus Aristotelis cum Platone, aliisque veteribus Philosophis à multis promissam, à nemine editam, in omni Philosophiæ genere concordiam, libris 8. continet. Tomus tertius Aristotelis cum Platone, aliisque veteribus, à nemine promissam, vel editam discordiam, libris 7. persequitur. Tomus quartus rigidissimam Aristotelis dogmatum censuram philosophicam libris 10. instituit. Cùm autem Aristotelis Philosophiam multis argumentis confutasset, vel saltem confutare conatus esset, suam *De Universo Novam Philosophiam ad mentem Platonis*, libris 50. comprehensam, Ferrariæ edidit, ac Gregorio XIV. ejusque successoribus nuncupavit. In hujus Operis Præfatione laudes librorum Platonis, & elogia in eum à primis Ecclesiæ PP. congesta enarrat, à S. Dionysio scilicet, S. Justino, S. Clem. Alexandr. Origene, S. Cyrillo, S. Basilio, Eusebio, Theodoretto, Arnobio, Lactantio, S. Augustino, S. Ambrosio, &c. Imò & rationibus, à scriptis Aristotelis, & Platonis excerptis, ostendere contendit, Philosophiam primi Catholicæ Fidei in multis opponi; contra verò secundam Philosophiam ipsi omnium maxime consonare. Qua de re vide Morery Suppl. voce *Platon*, & ipsum Patricium in discussionibus, in Philosophia, & in Aristotele Exoterico. Thuanus tamen ad an. 1597. notat, Patricium, paulò ante mortem, Novam hanc de Universo Philosophiam, censurâ notatam, retractasse. Huic etiam operi *Oracula Zoroastri* cum auctario quodam sententiarum ex antiquis autoribus collecta præmisit. De quibus ita celeberrimus Joh. Clericus in Notis ad *Oracula Chaldaica* apud sæpius laudatum Stanlejum: Veram à Francisco Patricio multum aucta fuisse ex Proclo, Hermia, Simplicio, Damascio, Synesio, Olympodoro, Nicephoro, & Arnobio, adeout exciperint, prout numerat, ad 320. versus. Ea præterea, majoris perspicuitatis causa, ad certa capita redacta, & latinitate donata emisit an. 1593. Et post pauca: Patricius sane non exiguo labore hac collegit, sed modorùm in versibus minorem rationem habuit, imò & interdum verba ipsa negligentius exscripsit. Nec ulla certa via est, quæ omitti, suppleri queant, &c. Hujus autem Operis titulus est: *Oracula Zoroastri, Hymnitis Trismegisti, & aliorum ex scriptis Platoniorum collecta Græce & Latine, præfixa Dissertatione Historica.* Quod etiam Ferrariæ edidit an. 1591. Ejusdem notæ est ejus *Aristoteles Exotericus*, in quo Stagiritam nimis etiam maledictis inscatur.

Scriptis præterea vulgari sermone *Historiæ Poëseos libros decem*, in quibus Poëtices historiam magis, quam præcepta tradere sat habuit. Propriam autem operum tituli sunt: *Della Poetica Decade Istoriale: Della Poetica Decade disputata: Paralleli Militari: Dialoghi dell'Arte Storica: Risposta à due opposizioni del Mazzoni: Difesa dalle cento accuse del Mazzoni: Nova Rhetorica: Nova Geometria, &c.* Et præter hæc Miscellanea multa in lucem edita, atque alia, quæ MSS. penes alios servantur inedita. Præsertim verò *Commentarius in Homerum*; quem magno multorum annorum labore confecit, sed non edidit.

De Patricio, ejusque scriptis ita autores. Janus Nicius Erythræus Pinacothecæ pag. 203. *Franciscus Patricius Venetus, non hujus modò, sed longe superioris ævi Italorum fere omnium multò doctissimus - - - nunquam literarum studia intermisit, & egregia multa composuit, quæ summis literatorum omnium laudibus efferruntur - - - Multa hujus sunt præclare, ac prope divinitus scripta, quæ longum esset omnia enumerare. Sed inter omnia ejus præclarissima opera maxime placet eruditus tractatus ille, cui titulus Paralleli Militares, in quibus veterum Imperatorum militaris disciplina cum ea comparatur, atque confertur, quæ nostris nunc viget in moribus; qui liber, &c.* De eodem opere sic bene Scaliger epist. 119. ad Isaac. Casaub. *Franciscus solus mihi videtur digressum ad fontes intendisse: Quem ad verbum alii, qui studium tractarunt, cum sequantur, tamen ejus nomen ne semel quidem memorant: Teissier Elog. Erudit. Viror. Gall. Patricius quantumvis doctus fuerit, & licet ejus scripta immortalem famam ei comparassent; Tassi tamen gloriam invadebat: in hujus enim Hierosolymam severam criticam exercuit libro Italico, cui titulus: Judicium Francisci Patricii in defensionem Aristoteli, &c.* Ubi etiam Patricii Dialogos de Historia summe laudat. Vide etiam Joh. Jonsum de Scriptor. Hist. Philos. Le Mire de Script. sec. 16. Laur. Crassum in Elog. Literat. Lambecium Prodrom. Hist. Literat. &c.

SEBASTIANUS ECHINUS

Sive Riccius, nobili genere natus, & multis Reip. dignitatibus ornatus, inter humanioribus literis eruditos, quam inter Philosophos numerandus potius esset; sed quia Timæum Platonis Italice reddidit, Aristotelis Ethicam Illustravit, atque alia Philosophica Opuscula composuit; Philosophis ipsum adnumerare jus esto. Mortuus est an. 1585. ætatis 55. sapientis nomen ante, & post mortem adeptus. Scripsit, præter dicta, Italico sermone *Trattato dell'istrumento, e via inventrice degli Antichi. Discorso sopra le Medaglie degli Antichi, con la dichiarazione delle Monete. Del Governo Civile. Le sei giornate. Esposizione sopra le tre Sorelle del Persepolis.* Vide Thuan. Hist.

C A P U T IV.

De Philosophis Cynicis.

QUoniam Cynici ob impudentiam, & superbiam omnibus invidi erant, ut sæpius dictum; ideo nulli magni nominis Philosophi huic sectæ se mancipabant. Cum igitur pauci illi, quorum memoria ad nos pervenit, haud

hand illustres habeantur, ac de iis vix pauca scripta inveniantur; propterea eos sic breviter percurramus.

CARNEADES non obscuri nominis Cynicus fuit, ac sub Domitiano maxime floruit. Ejus meminit in *Promulo* *Vitarum Philosophorum*, ac *Sophistarum* *Eunapius*. Verba ejus sunt: *Et tempore (videlicet quo Apollonius Tyanicus) fuit Carneades non obscuri nominis inter Cynicos; si modò haberi ratio ulla scilicet Cynica debeat: inter quos erant Musonius, Demetrius, Menippus, alique nonnulli: at horum fama illustrior. Cozzandus de Magister. Antiqua Philos. lib. 3. c. 2.*

HORUS *Aegyptius Philosophus Cynicus fuit. Memoratur Macrobio lib. 1. Saturnal. Quem gravem, & ornatum virum Eustatbius apud eundem Macrobius loc. cit. appellat. Vixit coævus Servio Grammatici, Virgilii explanatoris sub Adriano Principe. Cozzand. ib. Hunc autem ex pugile Philosophum factum, corpore, & animo præstantem, sic descripsit Macrobius loc. cit. Quæ Horus ingradientes commodum consecutus comitabatur, vir corpore, atque animo juxta validus: qui post inter pugiles palmas ad Philosophiæ studia migravit: sectamque Antisthenis, & Cratetis, atque ipsius Diogenis secutus, inter Cynicos non interiebris habebatur. Notandum hic, Horum alterum, hoc antiquiorem fuisse, Assyriæ Regem, secundum quosdam, ac magnum Philosophum, qui anni tempora, dies, & horas distinxit; à quo etiam Horas, diædas voluit. Quem eundem quidam faciunt cum Horo Ildis fito, & ab Aegyptiis sub Solis nomine adorato.*

PEREGRINUS, cognomento *Proteus*, Philosophus Cynicus, patria *Parianus* ex *Ponto*, temporibus *Trajani* vivens (ita ex *Vincentio Obsequio*, *Luciani* interprete; sed uno ore fere omnes auctores, non *Trajani*, sed utriusque *Antonini* ætate eum vixisse, affirmant) æqualis *Epicteto*, *Dioni*, *Mulonio*, &c. rogo (ut notat præ cæteris *Euseb. in Chron.* & *Lucianus* in *Epist. de Morte Peregrini* tomo 4. suorum Operum contenta) quem ex lignis corporaverat, incenso semet superjecit; *Brachmanas* hac in re imitatus; idque dum *Pisæ* (urbem intellige non *Hetruriæ*, sed *Peloponnesi*, ubi *Olympici* ludi fiebant; unde & *Olympiæ* mortuus ab aliis dicitur) degeret. *Christianus* vel fuit, vel esse potius simulavit: scandalose enim vixit, si *Luciano* credimus, & vanitatis spiritu ductus se ultro cremavit. Cynicus ille, qui *Peregrinum* summe laudat loc. cit. apud *Lucianum*, ait, ipsum in *Syria* viculis colligatum fuisse: in patria quinque millia talentorum sponte reliquisse, *Roma* ejectum fuisse, & alia multa pro virtute pertulisse. Vide *Agellium*, *Tertullianum*, *Athenagoram*, & *Ammianum Marcellinum*: quorum aliqui eum laudant, aliqui verò improbant. Laudat *Agellius* lib. 12. c. 77. ubi: *Philosophum nominis Peregrinum, cui postea cognomentum Proteus factum est, virum gravem, atque constantem vidimus, cum Aibenis essemus, diversantem in quodam tugurio extra Urbem; quumque ad eum frequenter ventitarem, multa bene dicere quum utiliter, & honeste audivimus: in quibus id fuit, quod præcipuum auditum meminimus. Virum quidem sapientem non peccatum esse, dicebat, etiamsi peccasse eum vili, atque hominis ignoraturi forent. Non enim pœna, aut infamiae metu non esse peccandum, sed iusti, honestique studio, & officio, &c. Improbatur, & insectatur *Lucianus* loco citato: quem prolixius differenter vide ibi.*

HERACLITUS. adversus quem *Julianus* idem *Apostata* scripsit, quo *pædo Cynica* vita institui deberet, ut prodit *Suidas*, secta Cynicus fuit. *Cozzand. ibidem.*

SALUSTIUS Secta Cynicus fuit, cujus meminit *Photius* in *Biblioth. c. 242.*

à quo & alii ejusdem sectæ alumni memorantur, HEGESIANAX, POLYZENUS, THEOMNESTUS, atque XANTIPPUS; quorum præter nomina cætera intercidere. Cozzandus ibidem.

ÆNOMAUS Cynicus Gadatenfis, Porphyrio paulo superior juxta Suidam in Ὀνείων, cum Plutarcho, Sexto, Agathobulo sub Adriano Aug. celebris, teste Eusebio, Hieronymo, & Mariano Scoro in Chronicis. Scripsit *ὑπὲρ τῆς κατὰ Ὀμηρον Φιλοσοφίας*, De Homerica Philosophia, teste Suida ibidem: Nimirum uti nunc omnes Christianorum sectæ suam sectam Codici Sacro consentaneam esse volunt, & probant: ita olim Homerus quasi fons habebatur, è quo sua quæque Philosophorum gentiliū secta dogmata derivabat. Sic enim ex Seneca Epist. 88. *Homerum quidam faciunt Philosophum Stoicum, virtutem solum probantem, & voluptates refugientem, & ab honesto ne immortalitatis quidem pretio recedentem: modò Epicurcum, laudantem statum quietæ civitatis, & inter convivia, cantusque vitam exigentis: modò Peripateticum, bonorum tria genera inducentem: modò Academicum, incerta omnia dicentem.* Scripsit præterea *ὑπὲρ Κυνισμοῦ*, De Cynismo, & de Cynicis, inter quos memorat Cratetem, Diogenem, Demetrium, Menippum, Musonium, Carneadem, Isidorum, Crescentem, Sphodriam, Theagenem, Didymum, Athenagoram, Alcidasmanthem, Salustium, Meleagrum, Cynuleum, Hegesianctem, Menandrum, Polyzelum, Theomnestum, Xanthippum, Herophilum, Peregrinum, sive Proteum, Maximum, Hesperium, Demonactem, & Onocratum. Confer Laërtium lib. 6. Meminit quoque hujus Ænomai Theodorus Serm. 6. & 10. ubi ipse & Diogenianus de Oraculorum mendaciis scripsisse dicuntur. Ex Jonio de Script. Hist. Philos. l. 3. c. 7. n. 8.

C A P U T V.

De Philosophis Stoicis.

C H Æ R E M O N

ÆGyptius, secta Stoicus, ut ex Porphyrio, seculo 1. vixit, Romæ Augusto, & Tiberio Imperantibus; & Dionysii Alexandrini, qui Romæ docuit, & Imperatorum post Neronem usque ad Trajanum Bibliothecarius, & Scriba fuisse dicitur, præceptor fuit. Strabo lib. 17. asserit, Chæremone secutum fuisse in Ægyptum Aulum Gallum, eique Philosophi, & Astronomi munus præstitisse: verum propter ejus vanitatem, & superbiam tandem ab eo despiciatui habitum. Refert Tzetzes, Chæremone affirmasse, Phœnicem, avem cunctis notissimam, in Ægypto mortem obire post annos sex mille: cujus avis fabulam ultra reliquorum opinionem extendisse visus est; eam enim quidam vivere dixerunt annos 500. alii tandem, ut notat Tacitus, annos 1400. Scripsit Chæremone *Tractatum de Hieroglyphicis Ægyptiorum, & Historiam Ægypti*, teste Josepho in fine lib. 1. contra Appionem. Idem censetur cum Chæremone Stoico, quem Origenes lib. 1. contra Celsum ait scripsisse *de Cometis*; & cum eo, quem Seneca Charimandrum vocat, & de Cometis scripsisse testatur. Vide etiam Voss. de Hist. Græc. lib. 2. & de Poët. Græc. c. 6. p. 41. Liliū Gyraldum, &c.

EUPHRATES

Genere item Ægyptius, clarus Stoicæ sectæ Philosophus, extrema senectute, & vitæ, morbis plenæ, tædio affectus, impetrata prius ab Adriano Imp. venia, ne sibi ignominia daretur, cicutam bibit, sicque sibi mortem intulit, ut notat Eusebius in Chron. an. Chr. 123. Adriani imperii quarto, vel, ut aliis placet, tertio. Xiphilinus in Adriano de Euphratis morte hæc habet: *Quo anno hæc facta sunt, Euphrates Philosophus obiit mortem voluntariam, cum et Adrianus propter senectutem, & morbum, venenum bibere concessisset.* Meminit etiam Euphratis Euanapius in Procemio Vit. Philos. & Sophist. atque C. Plin. Covil. Secundus, qui ejus in Syria auditor fuit, lib. 1. Epist. 10. in qua insignes etiam de Euphrate laudes contexuit.

MARCION

Patria Synopeus, nam Synope, Ponti urbe celeberrima, natus est, unde & Ponticus dictus. Stoicam sectam primis vitæ annis secutus est: unde solitudinis, & paupertatis amator erat. Sed cum sacrilegi cum virgine quadam reus deprehensus esset; pater, qui Episcopus erat, ipsum filium Ecclesiæ communione privavit. Inde Romam venit, ut in Ecclesiæ cœtum recipere-
tur: quod cum ei, patre oppugnante, denegatum fuisset, si Divo Epiphanio præstanda fides; Cerdonis Hæresiarchæ discipulus factus est ad vindictam, cujus erroribus suos etiam addidit. Duos ipse Deos, sicut & Cerdon, ponebat, Bonum unum, Evangelii, ac Redemptionis autorem; Malum alterum, quem Mundi, ac Legis autorem dicebat. Addit Origenes, ipsum statuisse Deum Christianorum, Deum Judæorum, & Deum Infidelium. Tertullianus eruditè, & acriter in eum libros quosdam condidit, in quibus ipsum levitatis, inconstantia, impietatis arguit: notans, & mire destruens in iis tum Deos suos, quos ad novem usque enumerat; tum singula sua *ἀνομα* dogmata, quæ refellit. Potissima verò sunt: Nulla est corporum resurrectio: Nuptiæ non permittendæ; nuptorum namque salus penitus desperanda; quibus etiam Baptismum denegabat; quamvis peccatoribus ad tres etiam Baptismos concederet; imò & mortuos quoque baptizaret, suffectis eorum loco vivis. Hoc autem Sacramentum in ejus secta à feminis plerumque ministrabatur. Hujus sectæ affectus ab eo Marcionitæ dicti sunt; qui Marcionis erroribus suos etiam addiderunt; ut notat Eusebius, id à Rhodone Græco educens. Divus Polycarpus, Divi Joh. Evangelistæ discipulus, Romæ existens casu Marcioni in via obviam factus, ab eo interrogatus est, an ipsum agnosceret; cui Polycarpus: *Equidem te agnosco ut diaboli primogenitum.* Idem Polycarpus quamplurimos ex ejus affectis ad Orthodoxam Fidem reduxit. Quod item fecit Theodoretus, Cyri Episcopus, Marcionitarum decem millia à suis erroribus abducens an. 423. ut ipsemet testatus est. Constantinus Magnus edictum contra Marcionitas, aliosque hæreticos, fecit an. 326. Contra Marcionem scripsit S. Justinus Martyr, Tertullianus, Augustinus, alique. Notandum denique hic, Marcionem à Tertulliano *Nauclerum Ponticum* appellari in Præscript. adversus Hæreticos cap. 30. & ab Eusebio *Ponticum Lupum.* Vide Acta Philos. p. 46.

DAMA-

Sunt inter autores, qui variis adducti rationibus hunc eundem cum Damascio Syro putant (quem Suidas Stoicum facit) & Elamitæ, sive Elamii Phrygis discipulum, sive familiarem, & Simplicii Cilicis præceptorem, ut in Comment. Physicis ipsemet testatur: nam & hic sub Justiniano Imp. floruit, ut Agathias Scholasticus Hist. 11. asserit, & inter celebres sui temporis Philosophos enumerat. Suidas verò in *Δαμ.* & Phor. Cod. 1. 81. Simplicium Damascii condiscipulum maluit. Hunc Damascium Philosophum Syrum, etiam appellat Jonsius, Stoicumque cum Suida facit, et si alii Peripateticum. In Dialecticis Isidori Gazæi discipulus fuit (cujus etiam Vitam scripsit, ac fragmenta habet c. 242. ut notat Photius c. 230. & 236.) in dicendi arte Theonius; in Astrologiis Ptolemæi: Ammonium quoque audivit, Marinum, & Zenodotum, Athenis Procli successores. Damascius Jacobi Medici Insignis, qui Proclum Athenis ægrotum curavit, statum Athenis se vidisse testatur. Cozzardus Damascium Platonicum facit de Magister. Antiqu. Philos. p. 94. sed p. 97. sibi contradicens, Philosophum Syrum Stoicum appellat.

Scripsisse fertur libros 4. in quorum I. qui 352. capitibus continetur, agit de *Fictionibus incredibilibus*. II. qui cap. habet 52. est de *Incredibilibus Demonum narrationibus*. III. qui continet cap. 63. agit de *Apparitionibus incredibilibus*. IV. denique, cujus capita 105. tractat de *his, quæ naturæ superant potestatem*. Suidas tamen in Damascio, quem Philosophum Stoicum, genere Syrum, Simplicii, & Elamitæ, Phrygum familiarem, appellat, & Justiniani tempore florentem, tantum scripsisse ait *Commentaria in Platonem, & de Principiis, καὶ φιλοσοφίας ἱστορίας, ἱστορίαν, cui nomen Philosophus*: hanc autem Historiam Philosophorum Vitas, & Systemata continuisse putant nonnulli. Vide Vossium de Hist. Gr. lib. 2. cap. 22. De Damascio etiam supra dictum est in lib. 3. hujus Hist. ubi de Eclecticis pag. 169.

JUSTUS LIPSIUS

Literarum antistes, & magnum sui seculi ornamentum, in Iscano municipio, quod tertio lapide à Bruxellis, urbe regia, & Belgicæ Principum sede, itemque à Lovanio, veteri Musarum domicilio, distat, natus est die 18. Octobris an. 1547. Parentes habuit Ægidium Lipsum, & Isabellam Petri-viam, opibus claros, & genere perhonestos. Philosophiæ, Jurisprudentiæ, omnigenæque literaturæ studiis summa animi contentione in præclaris Belgicæ Academicis operam dedit: in quibus omnibus quantum profecerit, varia, & eximia ejus Opera ostendunt. Coloniæ Ubiorum veniens, Annam Calstriam viduam, patricia Lovanii genitam familiā, uxorem duxit, ex qua prolem suscepit nullam. Ex frequenti cum Batavis Hæreticis consuetudine ab Orthodoxa Fide desecit. Dum enim Lugduni Batavorum publicus Professor esset, Calvinii sectator fuit, vel esse simulavit. Sed Dei benignitate, & gratia ex Batavis bono pioque dolo se subdixit: instituta scilicet professione in Germaniam ad Eburones ad Spadanos fontes acidos, pro hepatico, quo laborabat, morbo (ut prætendebat) curando. Quare conscripto adversus Theodorum Cornherium (quem nunc Diodorum, nunc Dialogistam ipse nuncupat, & qui novæ in Religione sectæ apud Batavos autor erat) *De Una Religione* libello, dum adhuc liber sub prælo erat, Hamburgo profectus est Moguntiacum, atque cum Ecclesia Catholica Romana serio, ac publice mox in gratiam rediit: idque per Patres S. J. Moguntiaci commorantes palam patratum est. Quod idem

Li-

Lipſius literis ad Martium Delrium, Loodici tunc agentem, datis teſtatur eſſe, quibus impium ſuum ſcelus, ſclerisque deſteſtationem cunctis voluit innoſcere. Vide ejus Epiſtolam ad cit. Delrium, Lipſii Vitæ ab Auberto Miræo conſcriptæ inferſtam. In Orthodoxa tamen Fide ad mortem uſque perfeverans, ſicut pie, ac ſancte ſemper vixit, ita & mortuus eſt ex tuſſi, graviffimisque in pedus deſfluxionibus, ex quibus phthiſicus evaſit. Cùm igitur non ſcripſiſſet ſolum, ſed factis etiam Chriſtianum ſe Philoſophum comprobafſet, ſummis Chriſtiano more Sacris omnibus, æquo, conſtanti, atque hilari animo inter plurimos adſtans, ejuſque animam Deo commendans, ſacros Miniſtros, ultimum diem obiit 10. Cal. April. 1606. æt. 59. ſeliciori ſane *Edamio*, quàm Cæſar Auguſtus olim optavit, aut habuit, ſed immenſo Academia Lovaniienſis, cui præfuit, totius Brabantiae Ordinum, ac literarii orbis dolore; poſtquam Jenæ, Lugduni, & Lovanii docuit.

Ipli in ejuſdem Lovaniienſis Academiae Exedra ſucceſſit *Erycius Puteanus* vir doctiſſimus, & Lipſii diſcipulus inſignis, origine Belgicus, qui plurima, omnique generis Opera edidit; inter quæ ſunt *Philoſophica*, & *Miſcellanea quædam*.

Lipſius ſicut omnibus Germaniae Principibus, Præſulibus, Cardinalibus, ipſique Clementi VIII. ac totius fere Europæ Academiae eximiâ ſimâ innotuit; ſic à ſingulis tum Principibus, tum populis, & Academiae ſtipendio, ac viatico, quod ipſe definiret, ſplendide pluries vocatus eſt. Sed gratus in Patriam amor, & Brabantiae Ordines, ipſum honeſtiſſimis congiariis ad ſe vocantes, eum longe abeſſe non permiferunt. Unde oblatos ſibi honores, & opes omnes parvi æſtimans, Lovanium ſe contulit; in cujus celeberrima Academia plures annos docuit. Philippus II. Hiſpaniarum Rex Catholiſcus Histo-riographi ſui titulo, atque annuo, ſplendidoque congiario Lipſium donavit: & Sereniſſimus Albertus Auſtrius ſuum Archiducalem Conſiliarium fecit.

Inter cæteras præclaras Lipſii animi dotes, & virtutes, ſumma erga Delſeram pietas, & obſequium commendatur. A prima enim ætate Dei Matrem ſibi patronam adoptavit; & ut primum ex Batavia Leodicum venit, in Virginis Sodalitum, cui PP. Societ. Jeſu præſident, nomen dedit, ac publicas tum Leodici, tum Lovanii Panegyricas Orationes in Virginem habuit. Ejus præcipuum in Virginem Matrem cultus, & amoris argumentum eſſe poſſunt libri ab eo conſcripti, quibus *Divæ Virginis Hallenſis*, & *Divæ Siehementiſis Miracula*, & *Laudes* concinnavit. Cujus Operis occaſio hæc traditur. Quum graviffima teneretur ægritudine voto adſtrictus Hallas ad celeberrimum, & mirabile Virginis templum venit. Ipſum ſupplicem ſanitati Diva reſtituit. Quare ipſe Pennam argenteam ante Virginis aram ſuſpenderit, ac pios verſus ſubſcripſit; quorum initium:

Hanc, Diva, Pennam, interpretem mentis meæ &c.

Reliquos vide in Vita Lipſii, ab Auberto Miræo Bruxellenſi conſcripta, & ejuſdem Operibus præfixa.

Scriptit per multa varii argumenti, ſed erudita omnia, quæ tom. 6. in Fol. edita proſtant, in quibus Philoſophica ſunt: *Manuductionis ad Stoicam Philoſophiam lib. 3. Phyſologiae Stoicorum lib. 3. De Conſtantia lib. 2. Politicorum, ſive Civilis Doctrina lib. 6. Ad libros Politicorum nota: Mohita, & Exempla Politica lib. 2.* Operum reliqua eruditi ſunt argumenti: ex quibus commendabiles potiſſimum ſunt *Nota in Opera Senecæ*; cuius etiam *Vitam* eruditè conſcripſit; ejuſque Operibus præfixit. De Lipſii Philoſophia, plura qui cupit, adeant Aſt. Philoſ. P. IV. p. 747. & ſeqq. Hujus denique Philoſophi Symbolum, jam cunctis notum, eſt: *Moribus Antiquis*.

Si de Lipsii doctrina, ingenio, eruditione, moribus, summa laude dignis, Autorum testimonia cuncta hic proferre vellem, volumen facerem. Quare, alijs prætermisiss, pauca adnotasse sufficiat. Voßius Institut. Orator. l. 4. c. 6. n. 2. *Belgarum, dum viveret, doctissimus Justus Lipsius*. Ejus tamen dictionem carpit ibidem num. 7. ut quandoque præcam, poeticeam, & duram. Quod etiam confirmat de Hist. Lat. l. 1. c. 19. Scioppius Suspect. Lect. lib. 2. Epist. 7. *Lipsius gloriosum ævi nostri specimen*. Et de Art. Crit. p. 2. *Illius de Constantia liber quam diu vivet?* Arguit tamen rigore idem Sciop. in Pascasio Grotio. Quod item fit ab Ant. Teissier in Elog. Vir. Erud. à Scalig. posteriori Grot. aliisque, quos vide apud Thom. Pope Blount in Censura Celebr. Aut. ubi ejus præclaræ eruditionis fautores, & detractores observet. Tandem de Lipsio, ejusque scriptis ita Jonsius de Script. Hist. Philos. p. 144. *In primis eo tempore Justus Lipsius, grande seculi decus, aliquam lucem doctrinæ morum attulit, editis scriptis nonnullis doctissimis, quibus Stoicam Philosophiam potissimum ex Seneca, & Epicteti libris explicavit. Cujus Philosophiæ specimen primum complexus est libris duobus, quos de Constantia scripsi (ut ipse fatetur in Præfatione prima libris de Constantia præmissa) &c.*

C A P U T V L

De Philosophis Peripateticis.

BOETHUS SIDONIUS, qui cum Strabone Peripateticæ doctrinæ operam dedit, sub M. Antonino sec. 1. vixit; ac Romæ Anatomiarum, quas Galenus celebrabat, una cum *Claudio Severo*, etiam Peripatetico, spectator fuit; ut advertit Jonsius de Script. Hist. Phil. 1. 15.

ANATOLIUS, Laodicensis Episcopus, & Eusebii concivis sui successor, doctrina, ac pietate clarus sub Diocletiano circa finem sec. 3. floruit. In Rhetorica, Mathesi, Philosophia, ac omni literarum genere eruditus, antequam Episcopus crearetur, Alexandriæ publicè docuit, ubi Christianorum primus Peripateticam doctrinam manifestam reddidit; cujus deinde auctoritate in Italiam promanavit: quam Aristoteli Philosophiam omnium sapientissimam fertur interpretatus. Neque obstat, ab Eunapio Porphyrium Anatolio prælatum fuisse; Ethnicum scilicet Ethnico gratiam contulisse, quis non videt? Scripsit pauca, sed eximia, ex Eusebii judicio, qui eum *sui ævi sapientissimum* appellat. Tractatum igitur nobis relinquit de *Celebratione Fest. Pasch.* alterum vero de *Arithmetica Institutione*. libris decem comprehensum. De quibus ita S. Hieron. in Catal. *Miræ doctrinæ vir fuit in Arithmetica, Geometria, Astronomia, Grammatica, Rhetorica, Dialectica: ejus ingenti magnitudinem de volumine, quod super Pascha composuit, & de decem libris de Arithmetica Institutionibus, intelligere possumus*. Vide etiam Baron. ad an. Chr. 283. Voss. de Mathem. cap. 50. Trithem. &c.

DIDYMUS Alexandrinus, in Alexandriæ scholis præclarus Professor, anno ætatis quinto omni oculorum lumine orbatus, scientias omnes, etiam Mathematicas, quod fidem superare videtur, per auditum didicit. Visus enim defectui sic bene consuluit comparando sibi virum, qui autorum libros quotidie sibi legeret. S. Hieronymi post Divum Gregorium Nazianzenum præceptor exstitit; & pius æque ac doctus vixit ad annos 83. Verum magnam doctrinam perdidit; nam in Origenis errores incidit; ac secum Melanimum, ac Rufinum, Aquileienses Presbyteros. Quis traxit ratiocinans. Quare cum tell-

quis

quis Origenistis à Pontif. & Concil. Oecumen. hæresis damnatus est. De eo ita Iosius de Script. Hist. Philos. lib. 3. 2. *Didymus Alexandrinus Ecclesiasticus à puero oculis orbatus, Poëtica, Rhetorica, Arithmetica, Geometria, & doctrina Syllogismorum Aristotelis, atque eloquentia Platonis prædixit aurium adjumento didici, teste Hieronimo de Script. Eccles. & Theodoro Hist. Eccles. IV. 29.* - - - *Scriptis librum de Spiritu S. quem Hieronymus in latinum se vertisse testatur, quique inter Hieronymi Opera etiamnum legitur. In eo de Sectis se scripsisse indicat Didymus sic pag. 3. Quod autem ab aliis capiat, prout posuimus, expressimus. Iterum libro primo extremo: De quibus jam abundanter in Sæclorum volumine disputavimus. Ex eo Didymi de Sectis Opere locum offert Stobæus Eccl. 1. Ethica. Sed Theologicum fuit opus, neque de Sectis Philosophorum, sed Christianorum egit. Scripti enim Didymi contra Arianos, teste Hieron. & contra Manichæos, teste Canisso tom. 3. Ant. Lect. De Didymo omnes 4. sec. Scriptores insignia elogia contexuere: quos vide.*

SIMPLICIUS Phrygius, Damascii Stoici familiaris, floruit sec. 3. ac Commentarios super Aristotelem, & Epicteti Enchiridion nobis reliquit, qui etiamnum exstant. Vide Suldani in Damascio, & Gesnerum in Bibliotheca.

FLACCUS ALBINUS ALCUINUS (quem alii etiam scribunt **ALCHUINUM**) vir in omni scientiarum genere suo tempore celebratissimus, versu excellens, & prosa, ut Sixt. Senens. & Trithem. eum vocat, vulgo etiam dictus *Homo Universalis, & Secretarius Artium Liberalium*; natione Britannus fuit; (quidam vero Eboracensem faciunt) ac sec. 8. floruit sub Carolo Magno, Francorum Rege, cui magister, familiaris, & carissimus exstitit. Voss. de Hist. Lat. *Temporibus Pipini, & filii ejus Caroli Magni, Francorum Regum, claruit Flaccus Alcuinus, cui cognomen Albigus fuit. - - - Natione hic erat Anglus: à Beda primum, hinc ab Egberto Archiepiscopo, est institutus. Docuit Carolum Magnum, ac eidem postea ab Eleemosynis, ac sanctioribus consiliis fuit, Etiam consilio ejus Carolus instituit Academiam Parisianam. Latine, Græce, Hebraice callebat: atque idem erat Rhetor, Philosophus, Mathematicus, & Theologus nobilis. Diaconus tantum fuit, & Antistes (vulgo Abbas) Ecclesiæ Sancti Martini Turonibus, ubi ultimum diem clausit in Festo Pentecostes 19. Maii an. 804. paralysem passus.*

Scriptis multa, & præclara, quorum pars intercidit, pars collecta edita, est ab Andr. Quercetano Paris. 1617. in fol. In 1. editorum operum parte Tractatus sunt super Sacris Bibliis. In 2. quæ ad Philosophiam, Theologiam, & Artes Liberales pertinent. In 3. sunt Opera Historica; Epistolæ 115. & Poëmata. De quibus omnibus legendus Gul. Cave. Præter celeberrimam Parisiensem Academiam, Ticinensem etiam, atque alias fundasse dicitur.

Inter eos, qui Alcuinum maxime laudant, præter numeratos, sunt Card. Bona. Pictæus: Duchesnius: Labæus: Bebesius, & Balæus, qui ipsum Philosophorum sui temporis Antesignanum appellat. Tantæ autem Christianæ pietatis vir fuit, ut veteres scriptores ipsum Beatum, & Sanctum sæpe appellarent. Exstat ejus Vita suis Operibus præfixa.

RABANUS MAURUS, Magnentius, Magnetius, & Magentius, quod Magentiæ, sive Moguntiæ natus, Alcuini discipulus, à puero Monachus S. Benedicti, & Abbas, ut ajunt, Fuldæ fuit; inde Archiepiscopus Moguntinus factus an. 847. obiit die 4. Febr. 856. In omni disciplinarum genere excelluit. In Parisiensi Academia aliquando Professore egit, & magno ornamento fuit Doctoribus Scholasticis, Philosophis, Rhetoribus, Astronomis, & Poëtis subtilissimus; cui nec Italia, nec Germania similem peperit; ut dignis eum laudibus ornant Il-

lyricus, Sixtus Senensis, Trithemius, Labbæus, Balæus, Card. Bona, & Baronius, Platina in Vita Gregor. IV. Hofmannus, Gul. Cave, & Vossius de Hist. Lat. qui sua etiam Opera enunciat. Ex horum omnium in ipsum collatis encomiis illud unum adnotabo, quod habet cit. Gul. Cave in Hist. Literar. Script. Eccles. *Erat quippe Rabanus extra controversiam inter seculi sui doctrina clarior facile princeps. Nec ipse modo eruditissimus, sed solis inflar doctrinae radios ubique sparsit. Erat sub eo Fuldense Monasterium publica virtutis, & eruditionis schola: 270. monachos habebat, quos non solum in SS. Scripturis, sed etiam secularibus literis erudit. Confluxerunt etiam ad eum aliunde discipuli, adeunt ex ejus schola prodirent, qui mox ad summam in Ecclesia, & Republica dignitates evehi sunt. In suorum usum Bibliothecam Fuldensem primus condidit, librisque ornatam reddidit: quin & ipse eos præclara scripsit volumina, quæ sola Bibliothecam instruere possent.* Opera ejus exstant in tom. 6 in fol. Exstat liber de Computo apud Baluz. Miscell. tom. 1. p. 1. Ineditorum numerum vide apud cit. Cave.

JOHANNES SCOTUS ERIGENA, vir perspicacis ingenii, multæ doctrinæ, & supra seculi sui caput doctus à Cave, aliisque dicitur. Hunc alii Anglum apud Ergene in consiliis Walliæ natum, alii Scotum, Hibernum alii fuisse volunt. A discipulis suis Monachis, à se liberius reprehensis, an. 884. in Cœnobio Malmesburienſi graphiis confossus, præcæcutique scalpelli peremptus est. Scripsit multa, atque ex iis libros 5. *Mag. quorundam præceptorum, de Naturarum divisione*, impressos in Anglia Oxoni in fol. an. 1681. in quibus multa sunt Catholicæ Fidei contraria: quare scripsit contra eum quidam Florus, quia is ut hæreticus habebatur. E Scotia in Franciam venit, Carolo Calvo in deliciis fuit, qui & mensæ, & cubiculi Imperatoris sæpe participem fecit virum hunc corpore exiguum, sed ingenio maximum; festivum, ac facetum, Philosophum eximium, Theologum consummatum. Ejusdem Caroli iussu *Hierarchiam Dionysi de Græco in Latinum de verbo in verbum transiit*. Relictis aliis de eo. Autorum testimoniis, referam tantum, quod habet Trithemius: *Jobannes dictus Erigena Monachus, in divinis scripturis doctus, & in disciplinâ secularium literarum eruditissimus, Græco, & Latino ad plenum instructus eloquio, ingenio subtilis, sermone compositus.*

MICHAEL PSELLUS, vir sapientissimus, & Philosophorum princeps, à multis appellatus, & à Vossio de Hist. Gr. vir & eruditione, & fama maximus; patria Constantinopolitanus, Senator nobili genere ortus, Michaëlis Ducæ Imperatoris præceptor, claruit circa an. 1030. Sub Alexio Commeno dignitatibus exutus, monasticam vitam egit. In dogmate de Processione, Alatio teste, Latinorum hostis fuit; quod advertit etiam Gul. Cave, à quo vocatur in Hist. Literar. Script. Eccles. *Vir plane admirandus, & qui omnes fere seculi sui eruditores dicendi copia, ingenii acuminis, doctrinæ profunditate, longo post se intervallo reliquit.* Voss. de Philosophia c. 12. Anno 1060. ac deinceps curavit ille *nocturnasque* Michaëli Psellus: qui inter cætera reliquit libros duos, Constantino Ducæ dicatos, de Viſus Ratione, deque Facultatibus, & Sacæ qualitate elementorum. Latine versit Georgius Valla &c. A Jonsio de de Script. Hist. Phil. l. 3. c. 20. Psellus etiam commendatur, ejusque laudatur *Lyrae Pythagoricæ Diagramma*, quod nusquam editum, sed manuscriptum servatur in Gallia, teste Labbæo in Biblioth. nova; nec non ejus *Εἰρημικῆς*, sive *Expositio in Zoroastrii Oracula*; ejusdemque *Εἰρημικῆς*, sive *Dogmatum Chaldaicorum Expositio*, quas in Gottorpiensi Bibliotheca manuscriptas assertari sumus. Morhofius tradit Polyhist. 1. 7. 64. Scripsit pene infinita, Philosophica, Mathematica, Historica, Medica, Theologica, quorum Catalogum fac-

tis

tis amplum tam editorum, quam *avandorum* textit mira sane diligentia Leo Allatius Diatriba de Psellis, eorumque scriptis, Romæ edit. 1634. in 8. ubi pag. 42. de ipso ait: *Aufus dicere, neminem ea, vel subsequente ætate, Græce vel invenisse acris, vel ordinasse aptius, vel loquentum eloquentius, vel profundius res pertraxisse. Nulla fuit scientia &c.* Vide, præter dictos, Annam Comnenam lib. 5. Alexiados: Zonar. atque Bellarm. in suis Annal. Possevin. Gesner. &c. Miror sane, Cozzandum de Magister. Antiqu. Phil. 1.1. c. 9. hunc Psellum inter Platonicos numerasse; quum & Linden. de Script. Med. clare dixerit: *Michaël Psellus Philosophus Peripateticus, & Medicus Græcus eruditus &c.* Et à Quenstedt etiam dicatur. *Vir apprime doctus, cum in Philosophia Peripatetica, tum vero præcipue in studiis Mathematicis, & Medicina.* Fœre & alii Pselli, de quibus, & eorum scriptis legendus Leo Allatius cit. Diatriba de Psellis &c.

PHILOSOPHI ARABES.

G Ræcia, Musarum olim domicillo, diruta; Roma non semel vastata; & Italia omni à barbaris eversa; Philosophia, ac cætera literarum studia diu contineverunt, & desecerunt. Imo sub Zenone Imp. circa annum 473. magna veterum librorum, ac scientiarum factura facta est: Constantinopoli enim viginti milia librorum incendio periere. Tandem apud Arabes, magnæ Europæ parti tum dominantes, Philosophia revixit, ac literæ restituerunt: qui Arabes Peripateticam omnium maxime excoluerunt. Horum princeps extitit

AVICENNA

A Pud Arabes Abu Ali, Alhosaïn, Ben Sina, appellatus, & à Cæsare Scaligero Vir Divinus dictus, & à Rhodigino singulari scientia Vir, & ingenio exactissimus, sub Conrado II. & Henrico III. claruit. In Baleb oppido natus fuit patre Medico insigni (cui nomen Hali, matris vero Citara) anno Hegiræ 370. Christi 992. Vixit annos 58. ut mortuus sit anno Mubammedis 428. sive Christi 1030. Atque hæc cognoscere est ex Vita Avicennæ, quam unus ex ejus discipulis, & ipse Arabs, scripsit. Quare toto seculo decepti sunt, secundum quos (in his est Neander Bienenfis) Avicenna Cordubæ Averrohem, Alexandria auditus Rhasin in adolescentia. Multa quoque de hoc ipso narranti, ut qui totæ ab Averrohe sunt imposturæ: Verum quum hæc sint falsa, apparet ex supradictis, præcipue ex scripto Leonis Africani de doctis Arabibus; ubi utriusque vita fuse describitur. Vossius de Philosoph. cap. 14. Et Edyv. Pocock in Specim. Hist. Arab. Avicenna Medicus, & Philosophus insignis: Nondum decenni major literarum humaniores, & quidquid scientiarum ad Alcorani intellectum pertinet, calluisse dicitur, & totam hujusmodi ante annum ætatis 18. absolvisse, quo temporis spatio nec unam noctem integram dormivisse perhibetur; nec interdum aliis rebus, quam lectioni vacasse, Cum aliquid illi intellectui difficile occurreret, ad templum, nodi istius solutionem à Deo precibus impetraturus, se consere solitus. Idem tamen in Notis Miscell. ad Por-tam Molis c. 7. Ipsum de Religione suspectum, & de rebus alteram vitam spectantibus philosophice, ideoque male arguantem, & disputantem asserit. Hæc tandem ex Joh. Anton. Vander Linden addam de Script. Medicæ. Curavit aliquando adhuc juvenis Regis Nuch filium, frustra suorum Medicorum operam expertum. Ideo ad Regiam Bibliothecam admissus & majori contentione operam studii dedit. Et quum reliquum tempus discendo assumsisset, anno ætatis 21. ad

scribendum animum appulit. In plerisque Mesuem imitatur est. Malus interdum fuit Evangelista, quia sepe aberrat. Sed robusto corpore, & valitudine prosperissima uti potuisset, nisi nimia veneris intemperantia, & assidua libidine, in quam natura maxime pronus erat, eam labeſcaciſſet. Reſp. etiam negociis præſuit, Vizir munus exercens.

Multa in Medicina, & Philoſophia composuit, Ariſtoteſi ita addiſtus, ut quidam referant, eum totam Ariſtoteſis Metaphyſicam memoria tenendiſſe; ut notat Konig. in Bibliotheca. Alii contra affirmant, eum, poſtquam terque, quaterque ipſam legiſſet, nec intelligere potuiſſet, illam depoſuiſſe. Ingenio admodum perſpicaci, tenacique ac vere prodigioſa memoria præditus (Perſam dixiſſe ſufficiſt) Mediſ ſui ævi præſtitit. Præter Opera Medica, quæ multa, Philoſophica ſunt Logica, Phyſica, & Metaphyſica, quæ Canonis Medicinæ libris 8. addita ſunt.

Sunt qui Avicennam valdè laudant, inter quos Cæſar Scaliger, ut diximus, & in Scaligerana prima etiam habetur; alii tamen mire arguunt; ut Lud. Viv. de Cauſſ. Corrupt. Art. lib. 5. Averrhois doctrina, & Metaphyſica Avicennæ; omnia denique illa Arabica mihi videntur reſpère deliramenta Alchorani: nihil fieri poteſt illis inſulſius, frigidiusque. Medius tamen inter hos extitit Benediſtus Pererius in Præſtatione in ſuos libros de Principiis, & Affectionibus rerum. Naturalium, ubi ait: Inter Arabes ſuos quoque amatores, & ſectatores habet. Quem ego in Philoſophia nec magnopere laudo, nec plano contemno. Fuit is præſantiſſimus Medicus, ſuit etiam, quorundam judicio, peracutus Metaphyſicus, ſed cum doctrinæ Ariſtoteſis (quam omnibus Philoſophiæ ſtudioſis maxime probatam, & cognitam eſſe oportet.) nec admodum ſtudioſum, nec admodum intelligentem, conſtat. Vide præter cit. Autores etiam Nicol. Maſſa in Vita Avicennæ; quam Sorſanus Arabs, ejus diſcipulus Arabicè prius ſcripſerat.

A V E R R H O Ë S

Sive Averroës, ſine aſpiratione, vel Aven-Rois, quaſi filius Rois, Arab, in Africa educatus, naturali ſcientia vir præſantiſſimus, omniumque bonarum diſciplinarum encyclopædiæ adeptus, ſectâ Mahumetanus, tempore Miramolini Regis apud Cordubam, Hiſpaniæ urbem vetuſtiſſimam, floruit an. Domini 1149. Multa, ac varia composuit. Librum Colliget dictum, totam ſere Medicinam complectentem, edidit. Avicenna æmulus, & inimiciſſimus fuit. Symphor. Campeg. lib. de Claris Medicis. Et Voſſ. de Philoſ. ſect. p. 90. & 91. Inter Arabes Ariſtoteſis Interpretes princeps locus debetur Avenrois, unde & hoc dictus Commentator. Qui Græce neſciſſe feliciter adeo mentem Ariſtoteſis perſpexit, quid non feciſſet, ſi linguam ſciſſet Græcam? Nomen ei ſi latine Roſius. Hinc Aven-Rois dictus, quæ filius Rois. Cordubæ floruit in Hiſpania an. à nato Chriſto 1150. Teſtis Conciliator, ac Egidius Romanus, qui & auctor eſt, filios Avenrois fuiſſe in Aula Frederici Barbaroſſæ. Nec Philoſophus modo, ſed Medicinæ intelligentiſſimus fuit: de qua reliquit libros 7. Colliget inſcriptos, quia univerſalia pertrahat. Quam parum videtur tantus Philoſophus in vera, & unica ſalutis via, argui illud, quod diſceret, male ſe animam ſuam eſſe cum Philoſophis, quam cum Chriſtianiſ. Maroccanæ Academiæ Profeſſor fuit, ac Philoſophus acutiſſimus à plurimis etiam appellatus; quendam veluti ſectam condidit, cuius aſſectæ Averrhoiſtæ dicti ſunt. Laudatur etiam ab aliis, ſed non multis.

Enimverò majores & autoritate, & numero ſunt ejus obſectatores, quam lauda-

laudatores. Ludov. Viv. de caus. Corrupt. Art. l. y. p. 296. & 297. *Averrhoë* Philosophi de nostra schola, qui post eum scripsere, ita sunt amplexati, ut pene autoritate Aristoteli adæquarint, nec solum qui longo post intervallo vixerunt, sed qui illius quoque ætate: quod factum est & ignorantia meliorum, & admiratione mercimoniæ lingua, & sensu peregrini: ut gratiam ei conciliaret apud primos novitas, apud posteros vetustas, nomen ei Commentatoris nactus, homo, qui in Aristotele enarrando nihil minus explicat, quam eum ipsum, quem suscepit declarandum. Sed nec potuisses explicare etiam si divino fuisset ingenio, quum esset humano, & quidem intra mediocritatem. Nam quid tandem assererat, quo in Aristotele enarrando posset esse probe instructus & non cognitionem veteris memoria, non scientiam placitorum prisce disciplinæ, & intelligentiam sectarum, quibus Aristoteles passim scater. Itaque videmus eum pessime Philosophos omnes antiquos citare, ut qui nullum unquam legerit ignarus Græcitatibus, ac Latinitatibus. Cæc. Rhodig. Lect. Antiqu. l. 3. c. 2. Cur autem Commentator (*Averrhoës*) tam sæpe ab Aristoteli sui sententia devius videatur, inde factum volunt, ut is in Hispania natus, & Arabum idiomate imbutus, cum Græcæ litteraturæ ne apices quidem imbibisset, &c. Ab Erasmo *Averrhoës* Vir impius, & autor execrabilis vocatur. Quod confirmat Phil. Vornæus de verit. Relig. Christi. cap. 20. ubi ait: *Aristoteles* vulgo habetur parum religiosus: *Averrhoës* vero ejus Interpretes impii plane. Et quidem nulli erat Religioni addictus, omnem æque damnans, etiam Mahumetanam, in qua versabatur; ipsam Religionem porcorum appellans; Christianam (præcipue ob incomprehensibile, Sanctissimum, sed verissimum Eucharistiæ Mystærium) Religionem impossibilem; Judæorum denique, Religionem infantium, vocans.

Scriptis, præter Medica, Commentarios in universam Aristotelis Philosophiam, unde & Commentator dictus est, ut supra notavimus. De quibus, præter jam dicta, ita Lipsius. Manud. ad Stoicam Philosophiæ dissert. 4. *Averrhoës* veluti lympbatur in Aristotelis laudes. Et Henr. Ernst. de vera Philosophia n. 85. jocose ait: In Aristotelis mancipia facile primum obtinet locum *Averrhoës*, qui, dum nunquam eum errasse dicit, in errores ipse manifestos labitur. Adr. vero Herebord. epist. Dedicat. ad Select. in Philos. Disputat. injuriosius scripsit: *Averrhoës*, Philosophorum inter Arabes princeps magni Commentatoris nomine superbus (quem, si per Latinæ linguæ liceret gentium, Commentorem, aut Commentitorem, verius quis dixerit, tot nobis Commenta reliquit) singula Aristotelis verba divina esse oracula arbitratus est. Vide etiam hujus Hist. pag. 108. Voss. de Philosoph. c. 14. Joh. Pic. Mirand. contra Astrol. Castell. in Vit. Medic. Vander Linden de Script. Med. p. 94. ubi, ipsum ex familia Rasched natum Cordubæ, & Miramolini Regis Medicum fuisse, affirmat. *Avempacem*, *Averrhois* præceptorem, & *Abubacher* ejus socium fuisse, ferunt. Et Bened. Pererium loc. cit. supra in Avienna.

RELIQUI ARABES.

A Vicenna, & *Abenroë* prolixius adnotatis, reliquos minoris notæ, sive quod de ipsis pauca inveniantur scripta, sive quod ad Medicam potius Historiam pertineant, sic breviter percurramus; eorum veluti Catalogum efformantes.

Inter Arabes igitur Peripateticos memorantur illustres *Algazel*, *Beribitar*, *Sisac*, *Isaac Narbonensis*, *Abumaron Babylonius*, *Moses Ægyptius*, qui licet Cordubæ in Hispania natus, Ægyptius tamen dictus est, quia in Ægy-

Ægyptum secedens, ejusdem loci magnatum Medicus fuit. Inter Arabes ramen immerito numeratur, qui patria Hispanus, origine Hebræus fuit, qui ab Hebræis ipsis omnium sapientissimus semper est habitus. Dicitur etiam esse Ben-Maimon, & Maimonides, hoc est, filius Maimon, & Rambam, quod significat Rabbi Moses Ben-Maimon; qui sec. 12. vixit. Hic Judaicis superstitionibus omnium minime addictus, scripsit, præter ea, quæ ad Talmud spectant, & Commentarios super Miina, Arabice exaratos, Opus aliud, cui titulus, *More nevukim*, quod ex Arabico in Hebræum, & ex Hebræo in Latinum traductum, à S. Thoma Aquinate citatur. In hoc Opere quamvis pissime probare nititur per Philosophiam, non omnes Hebræorum Traditiones veras esse, vel non eo modo, quo ipsi eas credunt, quare Hebræi, qui in Gallia erant, & librum tunc publice cremaverunt, & Autorem damnaverunt. Hodie tamen Rabbini ejus doctrinam reliquorum dogmatum anteponunt. Vide Buxtorf. in Præf. ad hunc lib.

Mohamet Toletinus, & inter Medicos Johannes Mesue, qui Medica plurā scripsit; Rhazes, vulgo Rasis, Aluberger, & Almanfor, filius Zachariæ, qui & Arabs, & Mauritanus æque dicitur, quia in Arabia natus, in Mauritania educatus est; sec. 10. vixit annos 120. & Medica, & Historiam Hispaniæ composuit. Vide Lindan. de Script. Medic. pag. 3. Job. Serapion, de quo ita Lind. de Script. Med. p. 681. *Arabs Medicus celeberrimus, ceteris omnibus, qui de materia Medica scripserunt, diligentior, Mathematicæ superstitionis cultor. Vixit, & floruit sub Henrico IV. Imp. an. Chr. 1066. Wolfg. Justus in Chronol. Medicorum. Moreau de Venef. in Pleurit. Vixit an. Chr. 742. sub Leone Imp. Ejus Opera vide ibidem. Zoar, cognomento sapiens, qui vixit an. Chr. 1163. ex cit. Wolfg. & de Cura Calculi libellum edidit.*

ARABES ASTROLOGI.

His addendi Arabes, qui in Astrologia claruerunt; de quibus ita Cozzand. de Magister. Antiqu. Philos. l. 2. c. 2. *Astrologie peritissimi Machometus Aratenfis, sive Albategnius Arabs; Albumazar, vel Alboasur, ut Pico magis placet; Gebber, cujus hodie scripta de Alchymia magni momenti esse Hornius scribit lib. 6. Hist. Philos. cap. 10. Magnus Alphabarius, qui in Haram Mesopotamiæ, libris. Aristotelis de Physico Auditu inventis, quadragies perlegit, eisque subscriptis: Vellem iterum legere; ut scribit G. Stonita cap. 2. Arabia. Astragantius, Haly, Rhodoam, Arzabel Hispanus, Tbebitius, Benchora. Qui omnes, & alii, ingenit sui monumenta literis consignarunt; sectatoresque habuerunt Arabes, Persas, Surrianos, Africanos, Hispanos.*

Jonsius de Script. Hist. Philos. lib. 3. cap. 22. *Ex Arabibus enim multos Philosophia claros existisse, restantur historia. Primi etenim post Græcos Aristotelis sectatores ætate memorantur Arabum Medici, & Philosophi: Albatenius, Almanfor, circa annum 1070. clari; & post annos deinde 70. Avicenna, & ejus æquales, Zour, & Averrois, qui algalalo Mabometo libro respondit, cui nomen: Destructio Destructionis Philosophiæ; cujus in præfatione dicit, ipsum à Corani studiosis corruptum fuisse: Corani autem principia omni saniori Philosophiæ contrariantur. Hinc inter scriptores Mahomettanos inventi sunt, qui omnem Philosophiam rejiciendam putarunt; & quibus potissimum Mabometes Algalalus, non omni modo Philosophiæ in senectute valedixerat, sed eam quoque peculiari opere, quod inscribitur: Destructio Philosophiæ, damnaverat. Cui libro suum opposuerat Averrois. De Vitis Philosophorum*

phorum Arabum librum scripsit Johannes Medices, sive potius Leo, cognomento Africanus; de quo Voss. de Hist. Lat. lib. 3. 12.

De Arabum denique doctrina tale est magni Joh. Picij Mirandulani iudicium in sua Apologia pag. 118. *Est apud Arabes in Avenroë scium, & inconcussum, in Avenpace, in Alphabario grave, & meditatum, in Avicenna divinum, atque Platonium.*

PHILOSOPHI SCHOLASTICI.

Arabum Philosophis, qui una cum imperio in Hispaniam, Galliam, Italiam, aliasque Europæ partes Aristotelis Philosophiam adduxerunt; Scholastici circa sec. 12. succedere: qui rixandi potius, quam veritatis inquirendæ genio ducti, *Excluserunt scholis præcos illos Timeum, Platonem, Plotinum, Plinium, Theophrastum, Ciceronem, Senecam, & reliquos hujus generis, qui maximum adferre adjumentum poterant ad naturæ contemplationem, de celis, de elementis, de animantibus, de stirpibus. Aristotelem retinuerunt solum, quod ex uno ex illa antiquitate rixantium circulis esset aptus; ut de ipsis scripsit Lud. Viv. de causis corrupte.* Art. lib. 5. Scholastici igitur Arabum Philosophiam, eorumque philosophandi rationem, atque Averrohis in Stagiritæ textum Commentarios secuti, veritatem omnem non nisi in Aristotele, & Averrohe inquirendam duxerunt, rati nil tantos viros latere potuisse. Quare Stagiritæ doctrinam, in magistri verba jurantes, vel clausis oculis amplexati sunt, tenuerunt, & pro aris & focis propugnarunt. Atque hinc factum, ut ex barbarorum Philosophia barbaræ etiam voces in Scholasticam irreperint; & inde in Theologiam, quam Scholastici eadem Philosophiæ methodo, ac modo pertractarunt. Hanc itaque subilem, abstractam, contentiosamque philosophandi rationem Scholastici ab Averrohe potissimum, qui Arabum subtilissimus, & ingeniosissimus habebatur, deduxerunt.

Immensum, & interminatum oceanum, fateor quidem, ingressum me quisque dicet, qui materiam tam vastam simul, & spinosam, ac per quinque circiter secula agitatam, nec tamen definitam; pertractandam susceperim. Verum non ea mihi mens est, Scholasticos omnes, eorumque scripta (quæ ad duodecim millia à Scholasticis edita enumerat Franciscus Patricius, ut in Aristotele notavimus) evolvere, & recensere; sed eorum tantum Sectas, Sectarum Conditores, ac præcipuos, majorisque famæ sectatores, ea quæ fieri poterit brevitate exponere, ne ad perfectam Philosophiæ, Philosophorumque notitiam, Philosophicæ Historiæ hujus Synopsi aliquid deesse videatur. Non est res unius ævi innumeras Realium, & Nominalium, Thomistarum item, & Scotistarum, aliorumque Scholasticorum contentiones, rixas, altercationes de Universali, de Verborum sive ex se, sive ex hominum placito, significatione, & similibus, referre. Id igitur hujus mei Operis instituto satis esse duxi, quod modo dixi me facturum, & max breviter tradam.

Scholasticorum Ætates, sive Periodos multi cum Horatio Hist. Philof. lib. 6. c. 2. in tres dividunt, *Veterem, Mediam, & Novam.* Vetus à Lanfranco, sive potius à Petro Abelardo, & Petro Lombardo incipiens, in Albertum M. decessit per annos circiter 200. Media ab Alberto M. ad Durandum de S. Porciano, annos fere 100. duravit. Nova à Durando ad Gabrielem Biel extenditur. Tempore Mediæ, & Novæ Scholasticorum Periodi, quatuor ortæ Scholasticorum sectæ, *Albertistarum, Thomistarum, Scotistarum, & Occamistarum:*

farum : De quibus nunc : Sed antequam ad has Latinorum ætates deveniamus ; notandus nobis est.

S. JOHANNES, DAMASCENUS à patria dictus, qui sec. 8. floruit in Oriente ; Syriam omnem sanctitate, & doctrina illustravit, & Aristotelis Philosophiam diu sepultam excitavit primus ; propugnavit, propagavit : unde Scholasticorum apud Græcos caput audit. Et quidem insignis Philosophus fuit, ut ex ejus *Rudimentis Logicis*, accurate scriptis, patet. *Chrysostomus* ab Orthodoxis dictus est ob auream suam eloquentiam. Fidei, Ecclesiæ Traditionis, Sacrarumque Imaginum cultus defensor extitit an. 727. contra Imper. Leonem Isauricum, & an. 754. contra Imp. Constantinum Copronymum. Qua de re Hissiam, unus ex Saracenorum primoribus, ficta suppositione, quod Johannes Leoni Imp. epistolam scripseret, ut Damascum invaderet (quam epistolam Leo, ad Johannem perdendum, ab eo sibi scriptam sinxerat) manum ei obtruncari jussit. Hanc autem manum sequenti nocte ei dormienti Deus sanam ; summa populi admiratione, restituit. Mortuus dicitur circa annum 760. non 390. ut quidam putarunt. Scripsit lib. 4. *de Fide Orthodoxa* : *Orationes* plures ad defensionem Fidei : & parvos *Tractatus*, sed plurimos. Non memorem Opera, quæ ipsi falso tribuuntur. Quæ tamen sua sunt Syriace scripta ex Oriente cum attulisset Guilh. Postellus, ea Ottoni Henrico, Electori Palatino, cum alijs MSS. oppigneravit. Vide ejus Vitam à Joh. Hierosolymitano scriptam.

SCHOLASTICI PRIMÆ ÆTATIS.

L A N F R A N C U S

Patriâ Papiensis, Monachus Benedictinus, deinde Archiepiscopus Cantuariensis, omnium suo tempore in Dialecticis doctissimus habitus, scripsit contra hæreticos sibi contemporaneos de *Reali Præsencia Corporis, & Sanguinis Christi* : *Commentarios in Epist. Divi Pauli* : *Notas in Cassianum* : *Librum Epistolarum, &c.* Mortuus dicitur à Morery in Lex. Magn. Hist. die. 24. Maji 1089. postquam Cantuariensem Ecclesiam an. 19. rexit : à Trithemio tamen, teste Hornio loc. cit. an. 1140. Vide Vitam, ejusdem Operibus præfixam. Hic primus, vel inter primos habetur, qui in Occidente Scholasticam patefecit.

Primis hisce Scholasticis Hornius loc. cit. *Gilbertum* Episcopum Pictaviensem, cognomento *Porretam*, adnumerat ; quem magnifice doctum, ingenio subtilem, novitate confusum vocat Trithemius, ut idem notat.

PETRUS ABELARDUS

Sive, ut alii scribunt, *Abailardus*, & *Abelardus*, cognomento *Dialecticus*, natione Britannus, Scholasticus inter primos doctissimus, & magni nominis fuit. De hoc agens Trithemius ait : *Ab hoc tempore Philosophia secularis Theologiam sua curiositate inutili sedare cepit.* Et Ant. Sadeel Præfat. in lib. de Verbo Dei scripto (damnata hic memoriz vir) addit : *Scholasticos illos, ob Philosophiæ cum Theologia confusionem, dicendos potius Philosophos, quam Theologos.* Contrariam tamen enixe tuetur Scorus in 3. Sentent. distinct. 24. quæst. 1. ubi asserit : *Scholasticos Doctores tandem Philosophiam cum Theologia maximo cum fructu miscuisse.* Hic itaque Theologiam philosophice pertractandi mos, qui italis, aliisque sibi propioribus, artific, & fructuosus habitus est ;

est; ab aliis, potissimum extra Italiam, damnatur, ac præ cæteris à Lud. Viv. in Comment. in August. de Civ. Dei, ubi fere centies hunc morem exagitat: Sed ad Abelardum redeamus.

Parisis Theologiam docuit (quod & alibi fecerat) ubi Heloisiæ, sive Ludovicæ, puellæ comitate, pulchritudine, Philosophia, Hebraica, Græca, & Latina lingua celeberrimæ, amore captus, ut ipsam ex se utero gerentem, novit, in Britanniam duxit, ibique filium ex ea habuit Astrolabium. Iode Parisios simul reversi sunt: ubi Abelardus ut suæ, ejusque animæ consuleret, ipsam, secreto tamen, sibi legitimam uxorem fecit, ac deinde in molierum Cœnobium intulit, Deoque dicavit. Fulbertus vero Canonicus Parisiensis, ubi illatam sibi à Ludovica, & Abelardo injuriam rescivit (ea namque sua neptis erat) hanc pro hoc scelere ultionem repetere excogitavit. Servo suo mandavit, ut noctis tempore Abelardi domum ingressus ei testes avelleret, ut quæ corporis partes ei voluptatî fuerant, inde dolori eadem essent, & infamix. Quo facto Abelardus rubore suffusus, ut omne hominum consortium vitaret, Monastico Cluniacensium instituto se devovit.

Scriptis tunc *Tractatum de Trinitate*: quem, sicut & quasdam alias suas sententias, in quibus ipse ab Orthodoxis aberravit, Synodus in Galliis à Ludovico VII. Rege coacta, autoritate Lucii II. Pont. Max. damnavit. Omnis autem Abelardi in Fide error inde manabat, quod suam Dialecticam (in qua maxime ipse pollebat) ab Aristotelica deductam, Theologiæ intrudere voluit. Sed à Petro, cognomento Venerabili, sui Cœnobii Antistite, & à Divo Bernardo reprehensus, respuit, ac sanctissime vixit ad mortem usque, quæ ei contigit die 21. Aprilis. 1143. ætatis 63. Ejus exstant Opera vol. uno in 4. edita, quæ continent ejusdem Epistolas ad Ludovicam, & Ludovicæ ad ipsum: Historiam suorum Infortuniorum, cum Notis Du Chesne; Commentarios in Epist. Divi Pauli ad Romanos, &c. Abelardi tumulo duo inscripta sunt Epitaphia; quorum unum:

*Petrus in hac petra latitat, quem mundus Homorum
Clamabat: sed jam fidera fidus habent.*

Sol erat hic Gallis, &c.

Alterum verò sequens est:

*Gallorum Socrates, Plato maximus Hesperiarum,
Noster Aristoteles, Logicis, quicumque fuerunt,
Aut par, aut melior, &c.*

Vide D. Bern. in Epist. Petrum Cluniacensem lib. 4. Epist. Vignierum, Gesnerum, Trithemium, atque alios, quos citat Franciscus d'Amboise in ejus Vita.

PETRUS LOMBARDUS

Primus (vel inter primos) illorum, qui Scholastici appellantur, autor, & conditor, Natione Lombardus, patria Novariensis, ab oppido urbi illi vicino, quod vulgo Lumen omnium dicitur, Magister Sententiarum vulgo dictus, ex Theologica Scholæ præsidente, qui per ea tempora Scholasticus vocabatur, Parisiensis, non Archiepiscopus, ut alicubi scripsit minus circumspecte Blondellus, sed Episcopus ab A. C. 1159. vel sequenti, quod ei ob eminentem doctrinam cessit Philippus Archiepiscopus ejusdem Ecclesiæ, Ludovici VI. Regis Franciæ filius, & Ludovici VII. frater usque ad diem 20. Julii anni 1164. quo vitam finit, & in suburbana S. Marcelli Ecclesia conditus est. Labbæus de Script. Eccles.

Scriptit libros 4. *Sententiarum*, qui exstant in 4. *Commentarios in Psalmos*, in fol. In *Epistolas Divi Pauli Collectaneas*, in fol. In libros *Sententiarum* innumeri fere editi sunt Scholasticorum *Commentarii*; inter quos præcipui sunt Guilielmus d'Auxerre, Albertus M. S. Thomas, S. Bonaventura, Guilielmus Durandus, Ægidius Romanus, Gabriel Major, Scotus, Ockam, Erius, atque alii. Commendatur à Sixto Senensi lib. 4. Bibl. Sanct. ubi ait: *Hunc omnes Scholæ Theologorum singulari quadam venerationis excellentia Magistrum Sententiarum appellant, & in cujus Theologiæ Compendium innumerabilia disputationum volumina eruditissimi clarissimūrum toto orbe Christiano Academicarum Theologi elaborarunt, &c.* A Trithemio vocatur *Vir in divinis Scripturis studiosissimus, & nobiliter doctus; ingenio subtilis, & clarus eloquio, &c.* Bellarminus vero de Script. Eccles. refert, notari articulos 26. in quibus Lombardus à suis etiam fautoribus, Scholasticisque Doctoribus rejicitur; nec desuisse, qui ipsum hæresis nomine ad Alexandrum III. Pontificem Max. detulerint, quod docuisset, Christum, ut hominem, non esse aliquid. Quæ ejus sententia annis novendecim post suum obitum damnata fuit in Concilio Parisiensi jussu ejusdem Pont. Laudatur etiam ab Henrico Gandavensi, & Rolando Maref. in Epist. & Rog. Ascham. Contra tamen carpitur nimium à Mornæo, Gul. Cave, Henn. Witten. aliisque, sed hæreticis.

ALEXANDER DE ALES

Sive de Hales; sic dictus à Cornubio Hales, quod est in Chester, ubi fuerat educatus; natione Anglus, *Doct. Irrefragabilis* appellatus, SS. Bonaventuræ, & Thomæ præceptor, sec. 13. floruit. Summæ doctrinæ, ac pietatis vir fuit, potissimum vero in Deiparam, cui jurejurando se obstrinxerat, referente Alberto Crantz, omnia se concessurum iis, qui Deiparæ nomine postularent. Quod scientes Franciscani Fratres ad Alexandrum ex suis quendam miserunt, qui SS. Virginis nomine ab eo peterent, ut Franciscanæ familiæ se devoveret: quod Alexander statim, & ultro fecit Parisiis; ubi antequam Religionem hanc ingrederetur, Regiæ illius, eximique Universitatis Doctor, ac Philosophiæ, Theologiæque Professor erat celeberrimus. Hic omnium primus in *Lombardum Commentator* fuisse dicitur. Scriptit præterea jussu Innocentii IV. *Theologiam* in 4. partes divisam: *Notas, & Commentarios in universa fere Sacra Biblia: Vitas S. Thomæ Cantuariensis, Regis Ricardi, & Mahumetis; Metaphysices lib. 4. De Anima lib. 1. Tractatum de SS. Virgine*, in quo ipsam sine peccati labe conceptam pluribus contestatur, & alia, quæ junctim edita habentur. Obiit an. 1245. ac in sua Patrum Ecclesiæ sepulcro conditus; cui hoc Epitaphium superpositum:

*Claudatur hoc tumulo famam sortitus abunde,
Gloria Doctorum, decus & flos Philosophorum, &c.*

Vide Henricum Gandavensem de Script. Eccles. c. 46. Bellarminum; Possevinum; Le Mire; Gesnerum, &c.

SCHOLASTICI SECUNDÆ, SIVE MEDIÆ ÆTATIS.

ALBERTUS MAGNUS

Scholasticorum Secundæ, sive Mediæ Ætatis, Caput, & Princeps; à quo prima Scholasticorum secta, quæ ab autore *Albertistarum* dicitur, condita est; *Lavineæ apud Suevos ex nobilissima Dynastiarum Bolstacenſium familia natus,*

natus, in Prædicatorum Ordinem adscriptus anno 1221. discipulos inter alios habuit S. Thomam Aquinatem, & Thomam Cantipratensem. Dein creatus ab Urbano IV. Papa Ratisbonensis ad Danubium in Germania Episcopus an. 1260. prioris oculi studio, & literarum amore dilectam sibi Coloniam Agrippinam rediit, ubi ætatis anno 87. (qui anno 1205. non 1193. natum volunt, annos tantum 75. vixisse fatebuntur) Christi 1280. 15. Novembris obiit eruditione, ac pietate præstantissimus, ibidemque sepultus est. Philip. Labbe de Script. Eccles. Occasio autem fuit in Prædicatorum Ordinem ingressus fuit, quod Tiliæ, Gymnasio celeberrimi, ad scientias addicendas degens, P. Jordanum, Generalem ejusdem Ordinis Ministrum, & magnum ibi Divini Verbi Præconem, audiverit: cujus verbis adductus, præclarum Prædicatorum Ordinem amplexus est. Post Jordanum mortem ad Philosophiam, sacrasque doctrinas docendas Coloniam missus, & inde Lutetiam Parisiorum, tantam hic loci discipulorum copiam habuit, ut in platea discipulis dictare opus ei fuerit: quæ platea usquequum la Place Maubert, quasi Platea Magistri Alberti, dicitur. Inde Coloniam rediit; unde ab Alexandro IV. Romam accitus, ibi & publice docuit, & Sacri Palatii Magistri munus exercuit. Ab Urbano IV. Ratisbonensis Episcopus creatus, diu in Episcopatu vivere non sustinuit; sed huic dignitati Cœnobii solitudinem, & quietem præferens, Episcopatu se abdixit, & ad alios docendum rediit. Gregorii X. jussu an. 1274. Generali Lugdunensi Concilio interfuit. Tandem obiit die, & anno, modo dictis.

Maxima Alberti laudem censenda est, S. Thomam Aquinatem, & Thomam Cantipratensem, discipulos habuisse. Summe tamen laudatur etiam à non Scholasticis, & Hæreticorum plurimis. Hornius lib. 6. Hist. Philos. c. 3. ex Trithemio, ipsum vocat Virum summi ingenii, admirandæ industriæ, & nulli suo tempore in Philosophia secundum. Quas laudes Scaliger etiam suo suffragio comprobat. Magnus, & Divus propter stupendam suam eruditionem appellatus est. Vossius de Scient. Mathem. p. 363. Anno 1253. longe, lateque radios sui nominis dispersebat Albertus Magnus, Episcopus Ratisbonensis, nulli suo ævo doctrina secundus; qui emisit monumenta sui ingenii, ac doctrinæ permulta. Sixt. Senens. in Bibl. l. 4. Vir eruditionis admirandæ, quæ divinarum rerum pauca, humanarum fortasse nulla latuerunt; sublimibus ingenii, ac memoriæ viribus usque ad miraculum præstans, &c. Commendatur etiam à Naudé in Biblioth. Politic. Thom. Lausio, Quenstedt, atque aliis: sed omnium impensissime à Joh. Aventino lib. 7. Annal. ubi eum appellat Germanum Varronem, atque etiam longe Varrone doctiorem; Naturæ secundum Aristotelem verissimum Interpretem, quem nihil penitus fugerit, omnia perfecte noverit; adeoque singula, quæ de omnibus scientiis scripsit, in suo genere absoluta esse, ac si uni dumtaxat operam navasset, &c. Similiter & à Trithemio, qui de ipso ait: Non surrexit post eum vir similis ei, qui in omnibus literis, scientiis, & rebus, tam doctus, eruditus, & expertus fuerit. Neque mirum foret, ipsum tam sublimem rerum scientiam consecutum fuisse, modò verum sit, quod Dominicani Ordinis Annales referunt, eum scilicet admirandam hanc doctrinam, Deiparæ ope, divinitus inditum hausisse: ac quinquennio ante mortem Philosophiæ oblivionem ab eadem Virgine impetrasse; ut præter alios notat König. in Biblioth. his verbis: Is Scdm Albertistarum condidit, & Aristotelis Philosophiam S. Scripturæ equiparavit. Ferdinandus Castillus, & Ant. Possevinus memorant, ipsum quinquennio ante mortem omnium, quæ in Philosophia didicerat, oblitum: à B. Virgine autem impetrasse, ne se in Philosophorum opinionibus, sed Fide Christiana, & Charitate mori fieret. Simile quid Simoni Thurvao Anglo, Parisiensi

Doctōri accidisse, ex Joh. Balæo Cent. 3. notat Hörnlus ibidem. Is enim Dialecticus acutissimus, qui circa an. Chr. 1200. vixit, cum blasphemus esset in Christi doctrinam, eamque facillime se refutaturum diceret, omni non modo eruditione, sed & loquela privatus fuit. Cumque vox rediret, neque literas noverat amplius, neque Orationem Dominicam, ac à filio prima alphabeti elementa denuo didicere conabatur. Idem Georgio Trapezuntio in senectute evenisse, nos supra notavimus.

Barbaræ tamen locutionis ipsum criminatur Cæsl. Rhodig. Var. Lect. l. 1. c. 11. *In dicendo Gothicum sapit, & barbarum: oratione squarosa prorsum, & illepidâ. Inter Peripateticos tamen nominis celeberrimi.* Et alibi ejusdem Operis: *Homo Græcæ doctrinæ ignarus, in multis hujus scientiæ videtur peccasse Albertus.* Anilia vero, ac prorsus ridicula sunt, quæ ei imputant quidam obijciunt, ipsum scilicet Magiam excoluisse; caput creasse, magiæ, vel mechanicæ opera loquens; Pyrium pulverem invenisse; Lapidem Philosophicum efformasse; & inepta plura his similia. Apud eruditos enim, potissimum criticis in confesso semper fuit, hæc mera sciorum fimenta esse. Hinc supposititii censentur tractatus de Metallis, & Lapidibus; liber de Mirabilibus, & alter de Secretis Mulierum (qui damnatus est in Edicto 16. Decembris 1605.) & alia hujus generis, quæ supersticiosa, vel vana continent, & tanto viro falso tribuuntur. Merito igitur Trithemius ait: *Quod autem de Necromantia accusatur, injuriam patitur vir Deo dilectus.* Vide, præter Bellarminum, & alios, Naudé in Apologia pro Viris Illustribus Magiæ accusatis; & Ant. Flaminium in ejus Vita lib. 3. de Viris Illust. Ord. Prædicatorum. Adde vel hoc tam magni, sanctissimique Doctōris probitatis testimonium notissimum, quod ejus post biscentum à morte annos corpus integrum inventum veneratione habetur.

Scriptit plurima, quæ In 21. Tomos in fol. digesta edidit P. Petrus Jamminus Ord. Prædicat. Lugduni an. 1651. Notandum tamen, jamminum quædam Alberti vera Opera præterisse, supposititia verò quædam inseruisse.

SCHOLASTICI REALES THOMISTÆ, QUORUM CAPUT

S. THOMAS AQUINAS

Theologorum Aquila, Scholarum Angelus, Ecclesiæ Doctōr Angelicus appellatus, Neapolitani Regni, totiusque Christiani Orbis ornamentum insignè, vita, doctrina, & miraculis celeberrimus fuit. Natus est in Urbe Latii Aquino ex nobilissima Comitum Aquinatum Stirpe an. 1224. ac præclarum, S. Dominici Ordinem, fratribus, ac domesticis omnibus nedum reuocantibus, sed etiam ei obstitentibus, ingressus, missusque Coloniam, ac Parisios, Philosophicis, & Theologicis studiis operam dedit sub Alexandro de Ales, & Alberto M. ut supra dictum. Anno 1255. eadem die cum S. Bonaventura Doctōr Theologus in facultate Parisiensi creatus, ad plures annos ibidem docuit magnâ & sui nominis fama, & auditorum concursu. Oblatum sibi Archiepiscopatum Neapolis, aliasque insignes Ecclesiæ dignitates repudiavit. Urbani IV. SS. Eucharistiæ Sacramenti Festum diem instituentis, jussu, de eodem, maximo Ecclesiæ Sacramento Missam, & Officium composuit. Evocatus à Gregorio X. Pontifice ad Concilium Lugdunense 11. an. 1274. ætatis 50. die 7. Martii in itinere obiit in Cœnobio Fossanovæ Ordinis Cisterciensis prope Amasenum, Campaniæ fluvium: cujus corpus inde Tolosam translatum est an. 1368. sub Urbano VI. Pontifice Sanctorum Catalogo adscriptus est die

18. Ju-

18. Julii an. 1323. à Joh. Pontifice XXII. & à Pio V. cum primis Latine Ecclesiæ Doctoribus adnumeratus.

Scripti in omnem *Aristotelis Philosophiam Commentarios*. Mysticæ, Scholasticæque Theologiæ instaurator in omnibus Academicis audit. Divi Augustini mentem in omnibus ita expressit, ut si *Meropis* dari posset, Augustini animam in Thomam transmigrasse dicendum esset, ut notat Sixt. Senenf. Biblioth. Sanct. l. 4. Theologica Dogmata omnium optime copia, brevitate, facilitate, & securitate mirabiliter ubique in suis Operibus exhibuit; possimum verò in *Summa Theologica*, quam tanti omnes fecerunt, ut nedum Græci, ut notat D. Chytræus de Statu Ecclesiæ in Græcia, sed etiam Arabes, & Sinenses in suum sermonem converterint. In *Sacram Scripturam Commentarios* edidit, atque alia plura; quæ omnia Tom. 12. in fol. collecta prodire simul cum ejus Vita, & Commentariis Thomæ de Vio Cajetani Cardin. & Francisci Ferrariensis.

Quod ad Censuram S. Thomæ Operum, notandum primò ex Erasmo, *Opusculum de Symbolo*, quod S. Thomæ nomine circumfertur, eruditum quidem, & pium non videri ipsius esse. Secundò Bellarminus negat, *Librum de Regimine Principum* genuinum esse, tum quia autor hujus operis stylum diversum habet à stylo S. Thomæ, quòd hic fufius, & prolixius scribat, ille pressius, & brevius; tum etiam quia autor hujus operis non pauca levia de nominibus magistratum proferat, quæ S. Thomæ nunquam excidissent. Quæ causa forsitan extitit, cur in editione Lovaniensi 1652. hoc Opus cum reliquis non sit editum. Accedit etiam, quod S. Thomas *Libros 7. de Eruditione Principum*, plane utilissimos, jam scripserat, qui habentur inter *Opuscula* Romæ edita: quare de Regimine Principum iterum scribere non erat opus. An autem S. Thomas Summam Theologiæ à Vincentii Bellovacensis Speculo Morali sumferit, ut putavit Franciscus Garcia; an potius hic ab illo hauserit, quod probabilius; vide cit. Bellarm. & Thomaf. de Plagio sect. 360. & 361.

Tempus quidem me deficeret, si vel præcipuus hujus tam præclari Ecclesiæ Doctores Theologorum Principis, Philosophorum Peripateticorum Antesignani, à quo *Secunda Scholasticorum Secta*, THOMISTARUM ab eo dicta, ortum duxit, laudes vellem contexere. Quare omisissis elogiis, à Scholasticis, aliisque, qui ejus laudis fautores dici possent, pro eo dictis; eorum, qui potiores Critici, etique minus grati, judicium proferam. Lud. Vives de Trad. Discipul. 5. *Scriptor de Schola omnium sanctissimus, & minime ineptus*. Idem. in August. l. 11. de Civ. Dei c. 34. *Thomas nimis est Aristotelicus, & res, omnem naturæ vim, captumque excedentes, cogit naturalibus parere legibus*. Scaligerana 2. *Thomas Aquinas Dominicanus fuit doctus, ingenio utcumque rarus*. Gabr. Naudé in Bibl. Politic. Thomæ ingenium rerum optimarum, & politicarum copia luxurians, & ad grandia quæque, & difficillima natum, dixit. Hornius Hist. Philos. l. 6. c. 4. *Hoc neque in studendo diligentior quisquam, neque parciore in loquendo fuit, unde à condiscipulis contentum Bor Mutus appellabatur. Sed Albertus Thomæ ingenio perspecto, Bor hic, inquit, si mu- gere cepisset, totum orbem beatus suo implebit*. Quod ex J. B. Fulgoso Hornius sumit. Rich. Simon. Hist. Critic. V. T. l. 3. c. 10. *Soliditate, & judicio suis in Biblia Commentariis admodum pollet*. Erasmus in 1. Rom. pag. 244. *Thomas Aquinas, vir non suo tantum seculo magnus. Nam meo quidem animo nullus recentium Theologorum, cui par sit diligentia, cui sanius ingenium, cui sol- dior eruditio, planeque dignus erat, cui linguarum quoque peritia, reliqua- que bonarum literarum supellex contingeret, qui illi, quæ per eam tempesta-*

tem

tem dabantur, tam dextre sit usus. Linguas etiam, politionesque literas in eo tantum desiderat Roland. Maref. l. 2. Epist. epist. 41. sed id condonandum ait infelicis illius seculi summæ barbariei. Culpam hanc in eo agnoscit *aggravatur*. Quenstedt de Vir. Illustr. p. 389. ubi ait: In eo culpandus maxime Thomas est, quod non tantum Philosophica principia, sed etiam Philosophorum verba, & Placita ad conclusiones Theologicas audacter applicat: quod vel ipsi Parisienses Magistri in illo improbant. Sed omnium impensissime eum commendat Drexel. in Aurifodin. c. 7. ubi: Thomas Aquinas Theologiam in eum deduxit ordinem, ea perfudit luce, ut locupletavit incrementis, ut universa posteritas illi quamplurimum debeat. Compendio utendum est in hujus Viri eloquiis, alioqui ea ad diem finem non finiemus. Aquinas sapientiæ, & sanctitatis magnam jubar, tametsi opem divinam suis descriptionibus faventem habuerit, humanam tamen industriam in se desiderari, nequaquam passus est. Legit plurima &c. Et profecto suam omnem doctrinam divinitus accepisse, communis fama affirmat. Et Henr. Jul. Scheuri. in Bibliogr. Moral. S. Thomæ Lectiones Ethicas Opus auro contra æstimandum, & quo vix ullum absolutius, dixit. Plura qui cupit, adeat ejus Vitam suis Operibus præfixam: Henr. Gandav. c. 45. de script. Eccl. &c.

THOMISTARUM SECTA SCHOLASTICORUM REALIUM prima (licet & Scotistæ ex Realibus sint, ut infra notabimus) dicenda est. Omnes enim Scholastici vel secundum temporis seriem notantur, & in 3. Ætates, sive Períodos distinguuntur, ut supra diximus. Vei secundum Sectas, ab eorum autoribus nomen sumentes, & quatuor hæc esse dicuntur, ALBERTISTARUM, THOMISTARUM, SCOTISTARUM, & OCCAMISTARUM, ab Alberto, Thoma, Scoto, & Occamo. Vel denique à Sectarum differenti doctrina, & sententia, & dux recensentur, SECTA REALIUM, & SECTA NOMINALIUM. Prima, THOMISTAS, & SCOTISTAS amplectitur (quamvis Scotistæ Thomistis in quibusdam non conveniant, ut infra) Secunda tantum OCCAMISTAS continet. REALES appellantur Scholastici omnes, qui *Universale* reponunt in *Re*; hoc est; *Universale*, dicunt esse *Rem*, sive Naturam, & Essentiam communem pluribus. Unde *Homo*, e.g. ut *Universale* significat suam Essentiam, sive Rationalitatem, ut ajunt, quatenus Platoni, Socrati &c. convenire potest, & de ipsis affirmari. Contra verò NOMINALES dicuntur Scholastici, qui *Universalis* mera esse *Nomina*, non *Res*, contra Reales defendunt. Afferunt scilicet *Universale* non esse nisi simplex *Nomen* commune pluribus. Quare *Homo* e.g. non est, nisi literarum, & syllabarum congeries, quæ non significat Essentiam, communem pluribus inferioribus, sed ipsamet inferiora, sive particularia, ut Plato, Socrates &c. sive junctim, sive separatim.

Monitum te hic velim; amice Lector, me in tam vasta, difficili, ac confusa Scholasticorum provincia, consueto mihi in hac Historia ordine; & claritate non procedere; nam in tanta rerum confusione satius duxi, post recensitos Sectarum Principes, eorumque (si fuerint) præcipuos discipulos, Peripateticos illos contemporaneos recensere, quam Scholasticos, & non Scholasticos Thomistas, & Scotistas exactissime rimari. Si igitur quandoque Thomistas, & Scotistas inter se, & cum aliis Peripateticis etiam non Scholasticis consulos videris, id factum scias, ut Peripateticos *οὐκ ἐρίους*, hoc est qui eodem tempore vixerunt, notentur; sique ætatis potius, quam sectæ ordo rigorofo fervetur; omnes igitur Peripatetici cum sint, junctim ponuntur. Verum, quoad fieri poterit, debitus etiam inter Scholasticos ordo, & series non prætermittetur.

THOMAS CANTIPRATENSIS

S Thomæ Aquinatis sub Alberto Magno condiscipulus, in Brabantia natus, in pago quodam prope Bruxellas; dictus autem Cantiprædensis, quia Canonicoꝝ, quos Regulares vocant, Ordinis S. Augustini in Cantiprædensi Cœnobio habitum primo fuit; deinde Dominicanus factus cum Divo Thomæ sub Alberto Philosophiæ, & Theologiæ operam navavit; quam deinde Lontii docuit. Scripsit, præter Vitas SS. aliosque Tractatus, Libros 2. in 8. editos, quibus titulus: *Bonum Universale de Apibus*; quibus auctoris etiam Vita adjuncta est. Sunt qui putant, eum ad preces S. Thomæ de Græco in Latinum vertisse universa Aristotelis Opera. Sed ante traducta fuisse Critici affirmant. Obiisse dicitur die 15. Maii an. 1293. Vide Voss. Henr. Gandav. Le. Mire &c.

JOHANNES XXI. PONT. MAX.

NE dum silentio non prætereundus, sed speciali memoria inter Scholasticos recensendus. Natus est Ulyssipponæ, Portugalliæ Regni, totiusque Hispaniæ urbium maxima, ditissima, & pulcherrima, Lusitanæ Regum sedes, superbissimo Regio-Palatio, magnificis Templis, Arcibus, & Aedibus undique decorata; amplissimo, ne dum mercium omnium, sed literarum, literatorumque Emporio clarissima. Neque dicas, genere Hispanum fuisse, quod vulgo sub nomine *Petri Hispani* veniat; Hispania enim generali voce etiam Lusitaniam comprehendit; & ideo Lusitanos ab autoribus Hispanos appellatos sæpe invenies. Ei nomen fuit *Johannes Petrus*; professione Medicus fuit, Medici & ipse filius. Scripsit (ut in Catalogo autorum sui ævi invenitur) *Thesaurum Remediorum ad sanitatem tuendam*. Primum Archidiaconus, inde Archiepiscopus Bracarensis in Portugalliæ Regno fuit; postea an. 1268. à Gregorio X. Cardinalis Tusculanus creatus, tandem in summum Pontificem electus est die 13. Septembris 1276. post Adriani V. mortem. Dum Pontifex esset (quam supremam dignitatem tantum menses circiter octo tenuit; nam ex corporis læsione, quam ex casu domus passus est, tandem obiit Viterbii mense Maio 1277.) Michaëli Palæologo Legatos misit, ut ea, quæ in Concilio Lugdunensi sub Gregorio X. decreta fuerant, ne vel jota unum præteriret.

Johannes hic Pont. Max. à Patria, situ, divitiis, magnificentia, vastitate, armis, literis, celeberrima, & nulli magnarum urbium secunda, magnum, fateor quidem, decus accepit; sed majus ei reddidit nedum dignitatis omnium supremæ splendore, sed etiam literarum gloria. Scripsit enim plura, immortalitate digna; inter quæ præcipua: *Summule Logicales*; *Parva Logica*; *in Physionomiam Aristot. Dialectica*. *Epistolæ*. *Canonæ Medicinæ*. *De Oculis*; atque alia, quæ videre est in Biblioth. Pontif. P. Ludovici Jacobi. Vide Spond. ad A. C. 1276. & 1277. Papir. Masson, & Du Chesne in Hist. Pontif.

Unum ex innumeris tam magni Pontificis elogis, omissis aliis, non omitam, ab hæreticis scilicet perpetuis Pontificum hostibus, etiam commendari. Pro quibus omnibus unus sit Hornius, qui lib. 6. Hist. Philos. c. 4. ait: *Thomas non multum recentior fuit Petrus Hispanus, initio Cardinalis, postea Pontifex dictus Johannes XXI. qui magnam famam effecutus est Summulis suis Dialecticis*. Quam tamen famam ut denigraret idem autor, subdit: *Quas tamen ex Michaëlis Pselli Synopsi Organæ Aristotelis compilavit*.

DOCTOR *Scraphiticus* appellatus, in Hetruriz urbe, quæ Balneoregium, vulgo Bagnarea dicitur, sub Pontificia ditione, natus est. S. Francisci Ordini se devovit: atque Alexandri de Ales discipulus in Philosophia, & in Theologia fuit, quam deinde Parisiis, atque alibi magna sui nominis fama docuit; cujus Universitatis Doctor egregius esse meruit. Anno Chr. 1256. ætatis 34. sui Ordinis Magister Generalis electus, rigidam ejus observantiam decrevit, omnesque suæ curæ commissos sanctissime rexit. Eboracensem Archiepiscopatum in Britannia à Clemente IV. sibi collatum recusavit: post cujus mortem, cum S. Sedes ad triennium vacasset, nec Cardinales in novo Pontifice eligendo convenirent; jurejurando se Bonaventuræ obnoxierunt, ut quæ ipse in Summum Pontificem eligeret, etiam si semetipsum proponeret, eundem ab ipsis fore confirmandum. Tum ipse ad tam singulare opus electus, Thibautium, Leodiensis Ecclesiæ Archidiaconum, Hierusalem tunc commorantem, Pontificem nominavit; qui deinde Gregori X. nomen accepit. Ab eo Cardinalis, & Albæ Longæ, vulgo Albani, Episcopus factus, Concilio Lugdunensi II. ejusdem Pontificis jussu interfuit: post cujus primam sessionem die 7. Maii an. 1274. habitam, ibidem ad paucos dies mortuus est. Sixtus IV. ipsum in Sanctorum numerum retulit an. 1482. & Sixtus V. an. 1588. Ecclesiæ Doctoribus adscripsit. Torum Concilium; Pontifex scilicet, & universi Patres solemnî funerarum pompa ei iusta persolverunt, Funerem Orationem, recitante Petro Cardinali à Tarantasia, qui deinde fuit Papa Innocentius V.

Scriptit plurima, quæ tom. vi. & vii. in fol. edita sunt: & quæ cunctis Monachis legenda præ cæteris SS. PP. Operibus commendat Joh. Gerson. Horum Operum Tom. 1. & 2. continent Commentarios in S. Biblia: tertius Sermones: quartus, & quintus Commentarios in Magistrum Sententiarum: sextus, & septimus Opuscula Moralia: octavus Opuscula ad Monachos spectantia.

Tantæ fuit sanctitatis, ut nedum à Bellarmino commendetur, à quo *Deo, hominibusque amabilis* appellatur, ab Halensi, qui sæpe ajebat: *Is Fratre Bonaventura Adam peccasse non videtur*; reliquisque Ecclesiasticis autoribus; verum etiam ab ipso met. Luthero, Ecclesiæ, ejusque Patrum hoste sævisimo, à quo vocatur *Bonaventura præstantissimus vir*. Vide Henricum Gandensem, Trithemium, & Bellarminum de Script. Eccles. Spondium, Brovium, & Raynaldum in Annal. Eccles. Wadingum in Annal. & Biblioth. Min. Baillet in Vitis SS. 14. Jul. Volaterranum, Sixtum Senensem, Possivinum &c.

ÆGIDIUS COLUMNA

Romanus, ex præclara, & nobilissima familia *Colonna* ortus, in Parisiensi Universitate à S. Thoma Aquinate studiis eruditus, ibidem & Doctoratus lauream, & alios docendi munus promeruit. Quamvis igitur Ordinis Eremitarum S. Augustini Monachus, & inde ejusdem Ordinis Minister Generalis an. 1292. fuerit; inter Thomistas tamen recensendum duximus, quia S. Thomæ discipulus extitit; sub quo adeo in Philosophia, & Theologia profecit, ut *Doctor Fundatissimus* appellari meruerit. Ob insignem ejus doctrinam, ac sanctitatem à Philippo Rege filii sui Philippi præceptor factus est, cui magnum literarum, ac pietatis amorem inspiravit: in cujus etiam gratiam *Traçatum de Regimine Principum* composuit. Post Regii Principis institutionem Archiepiscopus Bituricensis ab eodem factus, Pontificio munere summa laude

laude sanctus est. Multa scripsit Philosophica, atque Theologica Opera; quæ tantum solidissimæ doctrinæ pondus apud omnes, præcipue sui Ordinis Fratres habuerunt, ut ex eorum sanctione cautum sit, ut nonnisi *Egidii doctrina* penes eos haberi possit: Generali Viennensi Concilio interfuit; ac tandem sapientia, & pietate clarus obiit Avenione die 22. Decembris 1316. atque inde ejus corpus Lutetiam Parisiorum delatum, in Ecclesia Ordinis sui sepultum est: in cujus tumulo hæc Epigraphæ legitur: *Hic jacet aula morum, vita munditia, Archiphilosophia Aristotelis perspicacissimus Commentator, Clavis, & Doctor Theologiae, lux in lucem reducens dubia, Frater Egidius de Roma Ordinis Fratrum Eremitarum S. Augustini, Archiepiscopus Eboracensis, qui obiit A.D. 1316. die 22. mensis Decem.* Ejus elogia vide apud Sabellicum Tom. 2. Ennead. 7. lib. 9. Cornelium Curtium in Elog. Vjr. illust. Ord. S. Aug. Joseph. Pampbil. in Chron. August. Trichemium, Bellarminum, &c.

A L F R E D

Cognomento *Philosophus*, natione Anglus, ab omnibus sui ævi scriptoribus valde commendatus, nedum in Anglia, sed etiam in Gallia, & Italia, quas peragravit, virtute cunctis celebratus, secta Peripateticus, seculo 13. floruit. Romæ diu vixit apud Cardinalem Ottobonum, cui familiaris fuit: quæ etiam in Angliam Legatum à Clem. IV. missum secutus est an. 1268. ubi paulo post obiit. Scripsit *lib. 3. in Boëtium de Consol. Philos. lib. 4. in Aristot. Meteora: lib. 1. de Vegetabilibus*. Scripsit quoque *De Naturis Rerum. De Educatione Accipitrum. De Motu, seu Vita Cordis, &c.* Vide Balæum, & Pitæum de Script. Angl. &c.

STEPHANUS LANGTONUS

Anglus, Gymnasii Parisiensis Magister, & Cancellarius, atque secularis Canonicus ad eadem S. Mariæ primum fuit. Deinde ab Innocentio III. Presbyter Cardinalis Tit. S. Chrysogoni an. 1206. ac tandem in Patria Archiepiscopus Cantuariensis factus est an. 1207. in qua dignitate admodum senex obiit an. 1228. Scripsit *Commentarios in singulos Vet. Test. libros, & in Epistolas Divi Pauli*, atque alia plura, quæ in Bibliothecis Anglicis, alibi MSS. servantur. De eo ita Joh. Balæus: *Stephanus Langton Anglus ad literas natus, Gymnasii Parisiensis Magister in Theologia, & ad sanum D. Mariæ Canonicus secularis, ac tandem supremus ejus studii Cancellarius, in Philosophia Aristotelica nulli suo tempore habebatur secundus: Utramque Theologiam, & Scholasticam, & Interpretativam ingenio callidus, novo prælegendi genere per subtilitates docuit, &c.* Et Joh. Pitæus: *Nemo Scholasticus subtilitates sue in Theologia, siue in Philosophia clarius illo explicavit, &c.* Sixtus Senensis in Biblioth. Sanct. l. 4. *Stephanus Anglicus, Gymnasii Parisiensis quondam decus, & rector, in divinis Scripturis studiosus, & eruditus, atque in Philosophia Aristotelica nulli suo tempore secundus, Theologiam multis annis gloriose docuit, &c.* Vide etiam Polyd. Virg. lib. 75. Hist. Angl. Voss. Trich. Spond. &c.

ROBERTUS GROSTEST

Ex capitis crassitudine dictus à Gallis *Grotest*, ideoque a Latinis *Testa Grossa*, & *Capito* nuncupatus, infimis in Angliâ parentibus natus in Comitatu Suffolcensi Diœcesis Norwicensis. *Vix crassi quidem capitis, sed subtilis ingenio.*

ingenii, magni cerebri, majoris iudicii. Postquam humaniores literas, & omnes ingenuas artes cum principis Philosophiæ percepisset in Patria secundum morem, qui tum apud Anglos inoleverat, ad perdiscendas linguas, & altiora studia capessendo, regiones externas petiit. Et cum jam in Gallijs diu studiis- set, & in literis uberes progressus fecisset, reversus in Angliam, supremam Oxonia in Sacra Theologia lauream accepit. Nec immerito. Erat enim Latine, Græcè, & Hebraicè insigniter eruditus; Philosophorum etiam, & Theologorum sui temporis facile princeps. - - - Ad quam eminentem doctrinam accessit pietas, modestia, prudentia, sobrietas, temperantia, omnesque virtutes, quæ viros magnos & decet, & faciunt. Quorum omnium intuitu, accedente Sacerdotali Ordine, primum ad Archidiaconatum Leicestensem, deinde ad Episcopatum Lincolnensem assumptus est. Ita Joh. Pitseus. Obiit doctissimus hic Præsul an. 1253.

Scripti Tractatus, ex Pitsej numeratione, plusquam ducentos; ex Thom. Fuller. lib. de reb. præclaris Angliæ, non pauciores quam trecentos. Ex iis præcipui sunt Commentarius in Libros Posteriorum Aristotelis. Compendium Sphæræ Mundi. Commentarii in Sacra Biblia. Tractatus Theologici. Epistolæ. Opuscula plura; atque alia multa, quæ MSS. exstant in Biblioth. Anglicis. Matth. Paris in Vita Henr. III. refert, Robertum Testamenta 12. Patriarcharum de Græco in Latinum fideli interpretatione transulisse: cujus operis notitia ad Divum Hieronymum, ac reliquos Sacros Interpretes, Hebræis malitiose ipsum occultantibus, non pervenerat. Ex Anglicis etiam Scriptoris habemus, Robertum in Logica, & Astrologia plurima commentatum esse. Et Franc. Goduvinus addit: - - - In Astronomia, & universa Philosophia adeo supra communem Doctorum sortem eruditus, ut artis Magica, & execrandi cum cacodæmone consortii apud scilorum vulgus reus perageretur. Quod in tam rudi, barbaroque seculo minime mirandum est. Tandem Sixtus Senensis Biblioth. Sanct. lib. 4. sic bene de ipso sentit: *Rupertus Lincolnensis, cognomento Grossa Testa, inter Philosophos, & Theologos sui seculi primum locum adeptus est. Ingenii acumine subtilissimus, eloquio brevissimus; & sententiarum pondere copiosissimus. Vide Pitseum, & Balzæum de illustr. Script. Angl. Possevinum, &c.*

BONIFACIUS DE MARINIS

Genuensis in fine sec. 13. circa annum scil. 1295. vixit, ac magnam in Philosophia famam adeptus, celebris sui ævi Philosophus habebatur. Quod vel ejus Opera ostenderunt, præcipue *Liber de confusione Linguarum; & Liber de Secretis Naturæ*. Vide Soranum de Script. Ligu. p. 65.

HENRICUS GANDAVENSIS

A Gandavo, quæ vulgò Gallis Gand, Italis Gante, Caroli V. Cæsaris patriâ, magna totius Flandriæ Metropolis est, ubi natales habuit, cognomen obtinuit. Ejus familiæ proprium, & gentilicium nomen fuit Gœthals, hoc est, Bonicolli, sive, ut Marcantio placet, Mudan. Doctor fuit Parisiensis, & ob raritatem ingenii præstantiam, tum virtutum eminentiam, Doctor Solemnis dicebatur. Clarissimorum virorum de eo testimonia congestit Hieronymus Scarparius Ferrariensis. Unum proferam, quod habet Trithemius de Script. Ecclæs. ad an. 1293. *Henricus de Gandavo Archidiaconus Tor-naïensis, natione Trutonicus, vir in divinis scripturis inter omnes doctores sui*

sui temporis eruditissimus, & in Philosophia Aristotelica valde subtilis, tantæ opinionis, & autoritatis in Gymnasio Parisiorum exstitit, ut Doctor solemniter per totum Christianum orbem vocatus sit. Erat ingenio subtilis, & in disputationibus Scholasticis acutissimus; quod præclara ejus testantur opera. Vide etiam Ger. Joh. Vossius de Hist. Lat. lib. 2. cap. 60. & Henrici Vitam, ejus Operibus appositam ab Archangelo Piccionio Veneto, qui eâ Venetis recusa publici juris fecit 1613. In quibus etiam, sed nullo auctorum testimonio, asserit, Henricum Alberti M. discipulum fuisse. Creditur tamen à Cozzando, & aliis, Scoti præceptor exstitisse: sed de hoc mox sermo redibit. Obiit 8. Septembris 1293. ætatis verò 76.

Scriptit Henricus *Tractatum de Viris illustribus*, qui nihil est aliud, quam continuatio Catalogi, quem S. Hieronymus, & Sigebertus dederant: quem, *Tractatum Le Mire* Bibliothecæ Ecclesiasticæ inseruit. Inter ejus Opera recensentur quoque *Theologica Quodlibeta*, & *Summa Questionum Theologicarum ordinaria*: *Summa de Penitentia*: *Quodlibetum de Mercimoniis*, & *Negotiorum Ioniis*, &c. P. Archangelus Gianini in Annal. Servitarum, ipsum Monachum ex horum Ordine facit: quod doctis, & criticis non aridet. Vide etiam Possesivum, Gesnerum, Sixtum Senensem, &c.

SCHOLASTICI REALES SCOTISTÆ, QUORUM PRINCEPS

JOHANNES DUNS SCOTUS

Inter Scholasticos Reales secundum sibi locum vendicant Scotistæ, tale ab hujus Sæcæ Autore sortiti. De Scoti tamen patria ingens inter autores quæstio est, non secus, ac de Homeri patria; de qua in Anthologia scriptum legimus:

Ἐπεὶ πόλις μέγατον σοφῶ διείζων Ὀμήρου.

Hinc non immerito Thomas Lanfius in Orat. pro Britan. pag. 471. ait: *Homeromajor, utpote cum de eo non Civitates, sed Regna contendunt. Anglis vero suum, Hibernis suum, Scotis suum, suum quoque Civem Galles, & Italys adferantibus, &c.* Phil. Labb. de Script. Eccles. eum Scorum facit, illosque reprehendit, qui ipsum alibi natum asserunt; ait enim: *Johannes Duns, natione Scotus, natus in Vico Duns, octo mille passibus ab Anglia distante (neque enim audiendi, qui cum Cavello, Thadæo, Wadingo, Avturo, &c. Hibernum asserunt, Duns in Ultonia natum, aut qui cum Camdeno, Balæo, & aliis, Anglum fuisse contendunt, ortum Dunfione in Parochia Emildonensi in Northumbria) Ordinis Minorum, Doctor Subtilis nuncupatus.* Idem sentit Hornius, eumque Mertonensem Alumnum fuisse ait. Contra vero est. Cavellus in Vita cap. 1. & Wadingus in Annal. Min. ad an. 1260. acriter contendunt, Johannem Scoti cognomen non à Scotia sortitum esse, sed ab Hibernia (sic Cæsar eam insulam vocat, Britannia vicinam, quam Mela Iverniam, alii Iberniam, Strabo Iernem, vulgus Irlandiam) quæ tunc Scotia dicebatur, cum pars illa Britannia, quæ nunc Scotia dicitur, Albania vocabatur: Duns verò dictum non à Scotiæ Vico Duns, sed à Duno, inclyta Hibernia civitate.

Scotum Henrici Gandavenfis discipulum asserit Marsilius Ficinus Comment. in cap. 8. lib. 3. de substantiis cognoscentibus, Plotini Ennead. 5. his verbis: *Jam vero & Avicenna, & Henricus, & Henricus, magnus Scoti præceptor, natura Platonicus, intellectuales formas in intellectu, vel anima, sive ingenitis illi, sive huic acquisitas non tam modo characterum, quam habitus cujusdam naturalis.*

ralis inesse putant. Quo quidem habitu animus ad hoc, vel illud facile sese vertat. Verùm Morery in Lex. Magn. Hist. verbo *Duns*, Scotum Guilhelmi Varron Aneli, in suo Minorum Ordine Doctoris inelyti, discipulum fatetur; eosque refellit, qui eum Alexandri de Ales auditorem affirmant. Scotus in Parisiensi Academia celebris fuit. Multi eum Doctoris Subtilis cognomen ex eo adeptum asserunt, quòd portentosa suæ mentis subtilitate vel maximaseriam in Philosophia, & Theologia difficultates resoluebat: unde de ipso Thom. Lan- sius, loc. cit. ait: *Johannes Scotus in Dialectica, & spinosa Theologia ad miracu- lum doctissimus, Doctoris Subtilis titulum promeruit, & novam Scotistarum Se- ctam condidit*: alii vero sic dictum putant, quòd B. Virginia Conceptionem omnium maxime & solidissimis rationibus defenderit.

Scotus D. Thomæ in plerisque Antagonista, ex omnium fere sententia, fuisse traditur. Quam opinionem refellere videtur Matthæus Ferchius Veglen- sis in Patavina Universitate Professor in Apologia pro Scoto lib. 3. n. 12. ajens: *Præterea Scotti Antagonista speciales fuere duo: Scotus enim se Henrici Gan- davenfis, & Gulielmi Ockham se Scotti constituit Antagonistam*. Pro primis est Hornius Hist. Philos. lib. 6. c. 4. ubi ait: *Præcipue Thomam sibi impugnandum sumpsi tanta subtilitate, ut in illo Scholastico dicendi genere nihil acutius, ni- bil accuratius, nihil absolutius sit*. Cui si tempora elegantiorum cultum non in- vidissent, summis proculdubio in Philosophia viris accesseri posuissent. Et qui- dem nulli dubium est, ne dum Scotum Divo Thomæ in plurimis contraxisset, sed etiamnum Scottistas, & Thomistas in mutuo verborum, ac opinionum, conflictu perdurare.

Vulgaris fabella est, Scotum in Ecstasim, familiarem morbum, lapsum cum à discipulis pro mortuo haberetur, elatum, sepulcrumque adhuc vivum, fuisse. Quæ Pauli Jovii, Latomi, & Bzovii sententiæ est: quam secutus vi- detur Thom. Lanlius loc. cit. ubi ait: *Sed vitæ exitu infelix, quippe apople- xia correptus, & nimis festinato funere elatus, cum redeunte vita serò morbi impetum natura discerneret, frustra miserabili singitu opem petens, & dia sepulcri lapidem pulsans, tandem in ipso sepulcro-jessam animam elisit: Sed antilem hanc fabulam ab ejus inimicis inventam jam omnes docti, ac exacti critici damnaverunt*. Unde Hornius ipse l. c. ait: *Quod fabulosum esse contem- dunt illi, qui nuper opera ejus omnia publicaverunt*. Obiit autem Coloniz 2. Novembris 1308. ætatis suæ 33. vel 39. ut alii tradunt. Hoc autem ejus tumulo Epitaphium, vulgari opinioni alludens, positum est, autore Jano Vitale Panormitano:

Quod nulli ante hominum accidit, Vitiator,

Hic Scotus jaceo semel sepultus,

Et bis mortuus; omnibus Sophistis.

Argurus magis, atque captiosus.

Ejus Opera Tom. 12. in fol. edita Lugduni 1639. cum ejusdem Vita à Wa- dingo scripta, & illustrum autorum de eo testimoniis; optima censentur. Vi- de etiam præter cit. autores, Pope Blount in Cens. Cel. Aut. ubi Bellarminum, Sixtum, Senensem, Pittæum, Cardanum, Jul. Cæs. Scaligerum, & Eras- mum laudantes invenies: objurgantes verò Balæum, & Verderum.

ANTONIUS ANDREAS

Scoti discipulus, natione Hispanus ex Aragonensi provincia, Ordinis Mi- norum Monachus, sec. 13. floruit, ac magnam sub tanto Magistro in Phi- losophia, ac Theologia gloriam adeptus est. Hoc autem potissimum testantur
ejus

ejus præclara *Philosophica, & Theologica Opera*, inter quæ præcipua sunt *Commentarii in 4. libros Magistri Sententiarum*; quos Cardinalis Sarnanus Venerabilis edidit curavit 1578. Obiit circa ann. 1320. Vide Wadingum in *Annal. & Biblioth. Min. &c.*

FRANCISCUS DE MAIRONIS

SCOTI & ipse discipulus, natus in pago quodam Provinciæ (quæ Italici Provincia dicitur) quem Mairone incolæ vocant; unde de Maironis appellatus est. Nec audiendus Bellarminus, cum aliis, qui ipsum in Scotia ortum asserunt. Sunt qui eum Diniam, quæ Galliarum Narbonensis in Provincia civitas est, natum volunt; ex eo ducti, quod Joh. XXII. in sui gratiam ad Universitatis Parisiensis Cancellarium scribens, ipsum Franciscum de Maironis ex Dinia vocat: unde & alii Maironis nomen fuisse dicunt, Diniam vero patriam: alii denique aliter de patria sentiunt. Sed sive Dinia ejus patria fuerit, sive Mairone, & in Dinia Monasterio S. Francisci habitum sumserit; in Provincia, non in Scotia natum pro certo habetur, & inconcussio. Carus autem ob suam pietatem, & doctrinam cit. Pontifici fuit, & S. Eleazaro, Comiti Ariani, cui de peccatis confitentem semper adstiterit. Circa initium 14. sæc. floruit, & in celeberrima Sorbonensi Universitate docuit: in qua Magnæ Sorbonicæ (sic difficilem illum Actum, sive in disputando periculum ibi vocant) autor fuit. Plures Philosophicos, ac Theologicos Tractatus scripsit, ut ad suæ doctrinæ confirmationem adhuc existant. Vide Wadingum, Spondium ad ann. Chr. 1315. n. 7. Genebrardum in *Chronol. Possessivum*, &c.

THOMAS BRADWARDINUS

NAVUS fertur *Hatfeldiæ* in Comitatu Suffolciensi, Oxoniæ verò educatus, ubi cum bonarum literarum studiis aliquot annos incubisset, Academicum suffragiis Procuratorum unus creatus ann. 1325. posteaque Doctoris in Theologia gradu honestatur. Mathematicus fuit insignis, Philosophus egregius, in Theologia vero studiis consue versatus, ut apud doctos illorum temporum Doctoris Profundi appellatione innosceret; eamque non immerito delatam illi fatebuntur, credo, qui libros ab illo conscriptos perlegerint. Verum, &c. Godwin. de Præsul. Angli. Comment. Sed Henr. Savil. in Præfat. Bradwardin. libro de Causa Deicontra Pelag. præfix. ejus doctrinam, doctrinæque methodum memorat, ubi ait: Solidam ex Aristotelis, & Platonis fontibus hausit Philosophiam, sed in artibus Mathematicis, ac Theologia, ejus potissimum eluxit industria; ac in Mathematicis quidem ita excelluit, ut parem illo ætas tulerit fortasse neminem. . . . Thomas noster cum summus esset Mathematicus, etiam in Theologicis tractandis non recessit ab arte. Itaque primus, quod sciam, ac solus hanc viam tentavit in Theologicis, ut filo Mathematico Theologica contexeret; ponendo scilicet primo loco duas Hypotheses, quasi principia, & ex his proxima quæque demonstrandæ, & corollaria deducendo, petitis etiam ex Euclide probationibus; deinde ex Hypothesibus, & prædemonstratis reliqua omnia perpetua serie ad finem usque operis attingendo: quo fit, ut conclusiones ejus cupiamus fortasse nimis alte petitiæ videantur. Balzus etiam de Script. Eccles. ipsum nimis commendans ait, ex Aristotele, & Abenroë in Philosophia plura hausisse, ac pro Scripturæ Sacræ intellectu cum Judæis, eo tempore in lege peritioribus, familiariter egisse; in Oxoniensi Universitate supremæ facultatis Magistrum fuisse: & ex Cancellario Londinensi

ab

ab Edwardo III. Aulicum primo, ac suum à confessionibus Ministrum; deinde Cantuariorum Archiepiscopum factum, exaucto tantum uno in Pontificatu anno, mortem obiisse an. 1350. Laudatur etiam ab illustribus viris Raphaële Volaterrano, & Joh. Pico, atque egregius Theologus appellatur: atque etiam à Gabr. Naud. Bibl. Politic. & ab Oudin in Supplem. de Ecclesi. à Bellarmino omiſſis; quos vide.

Scriptit nobile *Opus de Causa Dei contra Palagium, & de Veritate Censurarum*, sacræ, & profanæ, antiquæ, & novæ Philosophiæ, & Theologiæ doctrina refertum: quod manuscriptum in Vaticana, aliiſque Bibliothecis servatur, & in fol. editum est Londini. Scriptit etiam *Opus de Geometria Speculativa, & Arithmetica*, quod impressum est Parisiis. Ejus etiam est *Tractatus Proportionum*, editus Venetiis: cujus meminit Possevinus in Apparatu Sacro; sed nihil de eo habet Wadingus in Bibl. Script. Ord. Fr. Min.

Cur autem ipsum inter Scotistas numeremus, id tantum fecit, quod cum ex Ordine Minorum Frater Thomas hic fuerit, & post Scotum vixerit annos 42. nonnisi Scotistis cum reliquis ejusdem Ordinis Monachis jungendum duximus. Tandem brevitati consulens (aliàs Historiæ hujus Synopsi finis unquam non erit) prætereo reliquos ex Fratribus Minoribus celebres Philosophos BARTHOLOMÆUM MASTRIO DE MELDULA, BONAVENTURAM BELLUTO DE CATANA, SEBASTIANUM DU PASQUIER, aliisque plurimos, qui Scoti Peripateticam Philosophiam in tam præclaro Ordine illustrarunt.

TERTIA, SEU NOVA SCHOLASTICORUM ÆTAS.

DURANDUS A. S. PORCIANO.

Tertiam, five Novam Scholasticorum Ætatem à Durando ad Gabrielem Biel Hornius deducit in sua Hist. Philos. cujus sententiam supra adduximus. Durandus à loco ubi natus, à S. Porciano dictus est. Ordinis Prædicatorum Monachus, Sacri Palatii Magister primo fuit, deinde Episcopus in diversis locis. Scriptit *Commentarios in sex libros Sententiarum*, & *Librum de Origine Jurisdictionum*. Mortuus dicitur 13. Septembris an. 1333. Vide Trithemium, Bellarminum, Possevinum, Sixtum Senensem &c. Eodem tempore orti sunt

SCHOLASTICI NOMINALES, QUORUM AUCTOR

GUILHELMUS OCCAM

Sive Occham, & Ochan, natione Anglus, Scoti discipulus (deinde verò in dogmatis impugnator acerrimus) ejusdemque Minorum S. Francisci Ordinis Monachus, dictus primo *Venerabilis Inceptor*, deinde *Doctor Singularis*, tandem *Doctor Invincibilis*, & à Scaligero *Lima veritatis*, quartam Scholasticorum sectam condidit, quæ ab Autore OCCAMISTARUM; à doctrina vero NOMINALIUM Secta dicitur: hæc quum ab Autore nomen habet, quartam constituit; quum vero dogmata respicit, secunda est. Nominales autem propterea dicti sunt, quod Occam, & Rucelinus quidam Universalia mera esse nomina, non res, contra Scotistas defenderent; ut supra in S. Thoma fufius dictum est. Aventinus lib. 6. Annal. testatur, tantas contentiones, & odia inter Reales, & Nominales Heidelbergæ fuisse, ubi contigua habebant Collegia,

gia, sive, ut tum loquebantur, *Bursas*; ut crebro à verbis ad verbera, & à syllogismis ad saxa deveniretur.

Sed ut ad Occam revertar, quum hic Michaëlis, Cefenati viro, Generali Ord. Min. Ministro, cui litabat, gratum facere vellet; Imperatori Ludovico Bavaro, Ecclesie hosti, favere semper studuit: quare contra Johannem XXII. Pont. Max. scripsit. Imo & Imperatori, referente Trithemio, sæpe dicere solebat: Quamdiu tuus iste ensis me defendet, mea tibi hæc penna non deerit. Delatus una cum Micahæle Cefenate, fuit, quod docuissent, Christum Dominum; ejusque Apostolos neque ad communem, neque ad particularem usum aliquid possedisse. Ex qua propositione originem habuit magna illa quæstio, quæ *Pennis Franciscanorum* appellabatur: in qua illud in summa, quærebatur, an panis, vini, eorumque omnium, quæ ulà consumuntur, usus, an proprietas, sive dominium ad ipsos pertineret Franciscanos. Primam Occam propositionem ut hæreticam Joh. XXII. per Extravag. Cum inter, secundam vero de usu sine dominio per Extravag. Ad Conditionem; damnavit; atque Occam, & Michaëlem anathemate punivit, tum quia Avenione (quæ urbs Archiep. est Gallie Narbon. in Provincia sub ditione Pontif.) contra suum ipsius præceptum egressi fuerint; tum quia contra ipsum scripserint. Quæ Opera contra Pontificem scripta inter prohibitos 2. class. libros numerantur. Sed eum deinde hæc scripsisse, publica, & manifesta doloris, & penitentia signa dederit, atque opus retractaverit, à Clemente VI. anathematis absolutus est: cujus absolutionis Pontificium Chirographum in Bibl. Vatic. adhuc aservatur, & à Wadingo adducitur. Diem obiisse dicitur an. 1347.

Scriptis plura tum Philosophica subtilitatum nugis referatissima, tum Theologica; ex quibus hæretici quædam contra Ecclesiam sæpe usurpant: potissimum vero Melchior Goldast, qui Occam quædam in suo de Monarchia Opere inseruit. Vide Luc. Wadingum in Biblioth. & Annal. Minorum; Pitseum, Spondon, Bzovium, Trithemium, Raynaldum, Bellarminum &c.

De Nominalibus ita sentit magnus ille Criticus Lud. Viv. de causis corrupt. Art. lib. 3. *Quæro cur homines Nominales, qui negant esse in rerum natura instantia, Scotum, & Reales sint in hoc secuti, de instantibus exponentes immediate, ineipit, & definit? An non videtis quæri materiam lufui aptiorem?* Et lib. Operis ejusdem 5. postquam Scholasticorum nugas, & subtilitates quasdam derisit, quæ nec illi quidem capiant ipsi, qui pepererunt, quæ, quando aliud non possunt, certe dignitate cohonestant nominis, Metaphysicam appellantes, atque ingenium ad commenta, & sanissima eorum somnia propensum, Ingenium Metaphysicum: de Nominalibus hæc addit: *Rident Nominales Metaphysica illa Realium tanquam segmenta, & aniles fabulas; & tamen quia convellere non possunt, nec intercedunt, quominus Metaphysica dicantur ingenia præpostera, & deridicula. Sed enim vero neque hæc ipsa Aristotelis volumina potuerunt intelligere, primum propter locutionem adstrictam, & ex brevitate obscuram, hinc propter intricatas, & obliquas sententias, tum etiam ob immodicas subtilitates, quibus Aristoteles non exacuit ingenia, sed perturbat, & frangit, tenebrasque, & hallucinationem inducit aciei mentis &c.*

GUALTHERUS BURLÆUS

Sive *Burley*, Anglus, sub Eduardo III. cognomento Fortunato floruit, & Joh. Duns Scoti cum Guisnelmo Occamo discipulus fuit, sed ejus deinde impugnator acerrimus, ac, Pitæo teste, Nominalis Philosophiæ sectator, Doctor primo Theologus Oxoniensis & Societate Collegii Mertonensis, teste

Vossio

Vossio de Hist. Lat. lib. 2. 65. & post Parisiensis ad annum 1337. qui præter alia philosophici argumenti monumenta, quæ manuscripta in Bibliothecis Oxoniensibus, & Cantabrigiensibus latent, Lelando, Balæo, Pittæo, Vossioque testibus, Historicum *de Vitis*, & *Moribus Philosophorum* reliquit opus, quod Simlero in Appendice Gesneri monente, manuscriptum in Bibliotheca Dominicanorum Ratisbonæ conservatur. Idem *de Modernorum Philosophorum Vitis* opusculum concinnasse celeberrimo Struvio memoratur in Bibliotheca Philosophica. Sed diligentiam suam non probavit in isto opere noster Philosophus, nam crassos in eo errores laudatus Vossius detexit, præsertim circa homonymiam autorum commissos. Quippe Horatium Poëtam eundem putat atque Horatium Putillum; Plinium Veronensem, ac Plinium Novocomensem; Livium Andronicum, atque Livium Historicum; & similes, quos videre est apud cit. Vossium: ex quibus Gualtherum bonarum literarum ignarum nemo est, qui non arguat. Plurimes etiam Tractatus ad Scholasticam Philosophiam spectantes reliquit, quæ ejus ævi scientia erat, & in qua ipse nimium pollebat. Vide cit. autores.

Hic loci recensendi etiam se offerunt JOHANNES BACONTHORPIUS (quem Trithemius *de Bachone* appellat, sed Baconthorpe ei nomen erat à cognomine villæ in agro Norfolciensi, unde oriundus erat, ut Balæus monuit) celebris Anglus, Ordinis Carmelitarum, Professor Oxoniensis, *Doctor Resolutus* vulgo dictus, qui sec. 14. floruit, & magnam ex pietate, & editis operibus tamam adeptus est. De quo ita præclare Baptista Mantuanus:

Isse tenebrosi damnat vestigia Scotti,

Et per sacra novis it documenta vitæ.

Hunc habeant quibus est Sapiëntia grata; redundat

Istius in sacris fontibus omne sophon.

Inter ejus Opera sunt *Commentarii in quatuor libros Magistri Sententiarum. Compendium Legis Christi. Quodlibeta. Tractatus de Regula Ordinis Carmelitici. Compendium Historiarum, & Jurium pro defensione ejusdem Ordinis* &c. Mortuus est Provincialis sui Ordinis an. 1346. sive 1350. ac Londini sepultus est. Vide Trith. Bellarm. Pitt. Balæum &c.

ROGERUS BACON Anglus, qui floruit an. 1279. in Mathesi peritiam incredibilem habuit. Multi eum Magiæ insimulant, & Negromantiæ, ut Balæus editione Centuriarum prima; quam tamen censuram monitus retractavit in postrema. Vir erat, ultra quam seculum suum tulit, doctus. Ita ex Horn. Hist. Phil. Monachus fuit ex Ordine S. Francisci, & ob eximiam suam doctrinam, quapropter *Doctor Mirabilis* dictus est, Clementi IV. gratissimus fuit. Scripsit plura, quorum pauca edita exstant, reliqua manuscripta in Bibliothecis asservantur. Vide Pitt. Bal. Leland. Willot in Athea. Francisc. Naud. &c.

G A B R I E L B I E L

Ultimus hujus ætatis Philosophus, patria Spirensis, quem Hornius cæterorum omnium suum appellat. Doctor fuit Wittembergenfis, in cujus Universitate, quam Dux Eberardus constituerat, an. 1477. Theologiam docuit. Scripsit *Libros 4. in Magistrum Sententiarum; Expositionem Canonis Missæ: Sermones plures: & Tractatum de Monetarum potestate simul, & utilitate*. Mortuus fuit an. 1495. Vide Trith. Labb. &c.

Hujus autem ævi Philosophiæ barbariem ita descripsit Hornius Hist. Phil. lib. 6. c. 5. *Tam erat barbara, obscura, confusa, & spinosa, ut vix titulum Phi-*

Philosophiæ tueri ullo modo possit. Aristoteles nonnisi ingenti chartarum mole obrutus proponebatur: edebant tricubitalia adnotata, quodlibetarias quæstiones, summas, & quæ sunt alia nugarum genera. Obtinebat litigiosa subtilitas: formabant super unaquaque re objectiones, & earum solutiones, quæ ut plurimum distinctiones tantum erant. Adeo Scyllæ genus ad vivum expressit hoc Philosophorum genus &c. Mitius de Scholasticis sentire videtur H. Grotius in Proleg. de Jure Belli, & Pacis, ubi: Scholastici, quantum ingenio valeant, sæpe ostendunt; sed in infelicia, & artium ignara secula inciderunt, quo minus mirum, si, inter multa laudanda, aliqua & condonanda sunt. Verulamius lib. 1. de augm. Scient. ait, quod artes, & scientias omnes mirifice provexissent (tanta est Scholasticis ingenii subtilitas, & acumen) si in meliora tempora incidissent. Laudat Joh. Picus in Apologia 90. Thesium, ubi: Est enim in Job. Scoto vegetum quiddam, & discussum; in Thoma solidum, & æquabile; in Egidio tersum, & exactum; in Francisco acre, & acutum; in Alberto priscum, amplum, & grande; in Henrico sublime, & venerandum. Hoc denique Erasmi in Moria judicium est de Scholasticorum subtilissimis subtilitatibus: Quas subtiliores reddebant tot Scholasticorum viæ, ut citius à labyrinthis temet expleres, quam ex involucribus Nominalium, Realium, Thomistarum, Albertistarum, Occamistarum, Scotistarum. Quis hæc intelligat, nisi triginta sex annos totos in Physicis, & ultramundatis Aristotelis, & Scotis contriveris? Boëthius etiam 3. de Consol. Philos. eodem Erasmi sensu locutus est, his verbis affirmans, Eos inextricabilem labyrinthum rationibus texere. Cæteras præterea hæreticorum censuras, qui ex odio magis, quam ex veritate, in ipsos loqui consueverunt. Lud. Viv. (cujus quædam supra adduximus) eos acrius insectantem, vide locis citatis.

RELIQUI PERIPATETICI RECENTIORES.

QUUM plurimi ex Peripateticis sint, quos multas ob causas ad certas Classes, sive Sectas reducere nequiverim; operæ precium id mihi fuit, ut de iis confuse, ætatis tamen seriem servando, sub uno titulo hic agerem. Et quidem, ut mihi summa fuissent omnia, temporis tamen, & librorum vix satis habui; quod eorum opera evolvere, aut de ipsis apud autores censuras invenire potuisssem. Fateor quidem, multos eorum, qui hic memorantur, Realibus, vel Nominalibus, Scotistis, Thomistis, vel Occamistis, acenserî potuisse; sed tum ex adductis, tum ex aliis causis id rigorose perficere non curavi. Omnes igitur ex Peripato cum sint, eos junctim pertractare fas mihi esto.

JOHANNES BOCHARDUS

ABRINCÆ, Normaniz urbis Episcopus, Regis Ludovici XI. à confessionibus minister, accepta ab eodem Rege potestate regendi Universitatem Parisiensem, Nominalium sectam, & doctrinam ab ea eliminavit. Hæc enim eorum sententia, qua statuebant, scientiam non Rerum esse, sed Nominum, quia Nomina tantum Universalia esse possunt, cum Res omnes sint particulares, ei non ardebat. Quod Bochardi in Universitate regimen idem Rex confirmavit an. 1473. Postquam diu Abrincæ Ecclesiam rexit, ad plures abiit an. 1484. Vide Sainte Marthe in Gall. Christ.

FRANCISCUS PHILELPHUS

ANcone, secundum allos Tolenti, an. 1398. natus, Eques Auratus, Philosophus, Poëta Laureatus, & Orator fuit. Venetiis diu studiis operam dedit; deinde Græcæ linguæ amore succensus Constantinopolim adijt, ubi Theodoram Chrysoloram, doctissimi Emanuelis Chrysoloræ filiam duxit. Ab Imp. Joh. Palæologo ad Eugenium IV. Pont. missus est ad petendas ab eo suppeditas contra Turcas. In pluribus, primisque Italiciæ civitatibus publice magna sui nominis fama docuit. Vitam duxit vere Philosophicam, hoc est, semper pauperem, bonorumque omnium indigentem. Sed mirabile nimis illud est, quod ejus vitæ scriptores referunt. Quum hic cunctis Grammaticæ legibus optime additus esset, quæstionem cum Græco quodam Timotheo de syllaba habuisset. Facta sponso est, ut victi barba victori cederet. Philelphus victor existens victoriæ præmium, ab eadem barbam, sponsonis lege petiit à victo. Hoc autem summum Philosophorum dedecus ut vitaret Timotheus, argenti pecuniam satis magnam pro barbæ redemptione obtulit: quam ille, pauperrimus licet, respiciens, sponsonis lege omnino standum voluit. De quo Myrtheus ludens ait:

*Nunquid sat tibi non fuit, Philelphæ,
Lingua gloria nobilis Latine?
Nt Græcas quoque pervagatus urbes,
Dignus conjuge, nuptisque Græcis,
Ferres Timothei novum triumphum?
Cui dum una super, illi diuione
Tecum pignore certat, atque barbam
Abradi sibi ferre pollicetur
Victus: aut postquam pecuniam abs te
Victor, auferat. Abnegasti eadem
Barbam posse pecunia obtinere
Victor, atque novacula expedita
Barbam illius habere maluisti.
Jam nunc non Itale, Philelphæ, sed sis
Græce gloria nobilis palestræ.*

Obiit sanctissime Bononiæ an. 1471. vel, secundum alios, 1481. fere nonagenarius, sed in tanta egestate, ut ad efferendum funus & cubiculi, & coquinæ instrumenta venierint, ut notat P. Jovius in Elog. Ejus Opera extantia sunt: *Euthyphron de Pietate: De Morali disciplina libri 8. Vita Nicolai Papæ V. De Diversitate legum libri 2. Sphorciadarum versu heroico libri 9. Satyrarum libri 10. De Jociis, & seriis libri 6. Lyricorum libri 6. Orationes 60. Epistolarum Latinarum libri 16. Epistolarum Græcarum libri 39. De Exilio libri 3. Conviviorum libri 4. & multos præterea Græcos autores Latinos redidit, sed non nimis laudabiliter.*

De eo varia sunt autorum judicia. Scaligerana posterior: *Philelphi Epistola bonæ.* Lud. Viv. de Trad. Discipl. lib. 3. In *Francisci Philelphi verbis* plane nihil desideres: ejus tamen lectio est molesta, quod motu omni, & quasi vita caret: & fortasse is est gentis, quem in quoque libro victu Martialis requirit. Sed ejusdem libros Conviviorum ab Historiæ, Antiquitatum, atque Philosophiæ cognitione impense laudat. Vossius de Poët. Lat. p. 81. *Ignoscendum seculo, quo vixit, quod crebro adeo in metrum peccat.* Refert Lilius Gysaldus, ipsum in Academia, & Lyceo versatum, sed non altius pedem fixisse,

se, multa vero laude dignum existimat. Vide Trith. Volaterr. Erasmi in Ciceroniano; Possevinum, Simlerum, Konig. &c.

JOHANNES ARGYROPHILUS

VEL, secundum alios, *Argyrophylus*, Constantinopoli natus, patria à Turcis capta, Italiam venit sec. 15. atque in Cosmi Medices, Magni Hetruræ Ducis, Aula humanissime receptus, magna autoritate, & gratia apud eum, ejus filium Petrum, ac nepotem Laurentium vixit, quem adhuc puberem in Dial. ethicis, & Moralibus instituit. Literæ igitur omnes, barbaris ingruentibus, è Græciæ antiqua sede exulare coactæ, in Italiam, Romam potissimum, & Florentiam se receperunt. Ita quicquid ejus eruditionis supererat, tanquam ex magno naufragio, ad Italiæ litus primum enatavit; inde toti Occidenti communicatum fuit. Tum temporis enim Theodorus Gaza Thessalonicensis, Demetrius Chalcondylas Arbeniensis, Marcus Musurus Cretensis, Georgius Trapezuntius, Johannes Argyrophylus, Marcus Marullus, & plurimi alii, Romam venerunt, & cum Græca eruditione Philosophiam quoque ibidem ex ipsis fontibus instaurarunt; unde paulatim lacuna, & paludes sœtida Scholasticorum exaruerunt. Primus ex Græcis Philosophiam Romæ professus fuit Argyrophylus, cujus sectatorem se fuisse memorat Angelus Politianus Miscell. cap. 1. eumque cum literarum Latinarum minime incuriosum, tum Sapientiæ decretorum, disciplinarumque adeo cunctarum, quæ Cyclicæ à Martino dicuntur, eruditissimum illis temporibus habitum, atque in disputanda acerrimum. Horn. Hist. Phil. l. 6. c. 6.

Argyrophylus pestis causa, quæ Florentiæ grassabatur, Romam migravit, ubi Græcam potissimum linguam professus est; ex qua quicquid lucri, quod non mediocre, habebat, in epularum lautitiam infumebat, ex quarum usu nimis sagmatus vix incedere potis erat. Hinc moriens in egestate, testamentum risu dignum confecit, amicis omnibus alienam pecuniam legando. Et quidem gulæ adeo indulgit, ut ex immodica melonum ingurgitatione in gravem, febrem incidens, ex ipsa mortuus sit in fine sec. 15. ætatis anno 70. Joh. Lascaris ejus discipulus Græcum Epitaphium composuit, quod citat P. Jovius, à Majorano Lascare in Latinum conversum. Vide etiam Vossium de Hist. Gr. lib. 4. c. 19.

Ex Aristotele convertit Prædicamenta; Posteriorum Analyticorum lib. 2. de naturali auscultatione lib. 8. de Cælo lib. 4. Ethicorum ad Nicomachum lib. 10. de Imp. Joh. Monodia Gr. manuscripta in Bibliotheca Regis Gallorum. Consolatio ad Imp. Constantinopolitanum. De Regno. Comparatio antiquorum Principum, & novi Imp. Ibidem. Argyropyli, ut ipse de se scribit lib. 1. Miscell. c. 1. discipulus fuit

ANGELUS POLITIANUS

A Monte Politiano, Hetruriæ Oppido, ubi an. 1454. ortum habuit, sic dictus, alias *Bassus*, Canonicus Florentinus, Johannis Pici Mirandulæ studiorum comes, à Laurentio Mediceo filiorum institutioni præpositus fuit. Græcam, Latinamque linguam Florentiæ annos undecim professus est. Præceptorem etiam habuit Andronicum Thessalonicensem. Is sumtu, & promotione Cosmi Florentinorum Principis, cum Marsilio Ficino bonis literis institutus est: in quibus tanta felicitate profecit, ut brevi temporis intervallo suis temporis homines doctos eruditione aut æquaret, aut superaret, &c. Ex Boissard. in Icon.

Rr 2

Sed

Sed Ludovicus Vives, Mornæus, & Hornius Politianum Atheismi, vel parvæ in Deum pietatis accusant, quod Sacra Biblia contemptui haberit. Hornii verba in Hist. Phil. l. 6. c. 8. sunt: *Erant tamen circa hæc tempora plurimi, qui Ethnicorum placitis addicti, Christianam Philosophiam prorsus spernebant. Dux, & caput factionis Angelus Politianus erat, qui interrogatus an Biblialegeret: Semel, inquit, perlegi librum istum, & nunquam collocavi pesum ullum tempus. Idem Odas Pindaricas Davidis Psalterio prætulit. His autem occurrit Boxhornius in Monument. illustr. Viror. ajens, ipsos nullum idoneum testem ad id probandum asserere, & facile confutari ex eo, quod ipsemet Politianus de se scribit, sese Quadragesimali tempore publicè populo Sacras literas enarrasse. Politianum cæteroqui laudat idem Hornius ibid. cap. 6. ubi: *Angelus quoque Bassus, alio nomine Politianus, ad magnam celebritatem nominis venit, explanationes suas in Analytica p. lora Aristotelis, de Dialecticæ à Prima Philosophia distinctione, & Dialecticæ Compendio edendo. Ex quibus modò distis Operibus liquidò constat, eum non solum Grammaticum, Oratorem, & Poëtam, sed etiam Philosophum fuisse insignem. Ejus Opera Poëtica, vel Erudita omnia enumerat Gesnerus in Bibliotheca. Obiit 1494. æt. 40. non 43. ut vult Jovius, vel 44. ut alii. Politiani laudes passim apud Scriptores inveniuntur. Id dixisse sufficiat, ipsum à rigidioribus Criticis etiam laudari. Scioppius eum vocat *Virum omni laude majorem*: Erasmus, *Angelicæ mentis virum, rarum Naturæ miraculum*: Scaliger *Virum non solum se majorem, sed & nullo nostræ ætatis inferiorem*. Vide etiam Barth. Brixium; Lil. Gyrald. Wheat. Possevin. Lud. Viv. Voss. Huet. Thomaf. &c.**

THEODORUM GAZAM, Græcæ, Latinæque linguæ peritissimum omnium sui temporis hominum doctissimum, ex multis editis operibus celeberrimum, præcipue ex versione Latina Aristotelis Hist. Animal. de partibus Animal. de Generat. Animal. Problem. tum Arist. tum Alexandr. Aphrodis. & Theophr. de Hist. & causis Plant. inter Philosophos recensendum cum Erasmoduximus, qui in Ciceronianorum p. 160. ait: . . . *Cum sua loquitur, duo quædam obstreperunt delicato Lectori, Philosophie studium, in qua totus erat, & illud, minus Græci sermonis, quod Latine loquentes sequi solet, & vix unquam dedissetur. In ejus tamen Interpretationibus Græcis hoc Josephi Scaligeri judicium est, referente Huet. de Clar. Interpr. multa scilicet esse, quæ meliora fieri possint, quædam etiam, quæ omnino mutari debeant. Ejus elogium vide apud Pope. Blount, P. Jovium, atque alios.*

Cardinalem Beffarionem Mecænatem habuit beneficium: à quo, Sacerdos factus, Ecclesiastico beneficio in Calabria donatus est, ubi deinde potius, quam Romæ esse maluit. Cum enim Sixto IV. Pont. spe alicujus beneficii librum Aristotelis de Natura Animalium nuncupasset, pulcherrime auro, & holoserico ornatum; Pontifex rogavit, quanti ornatus constaret? cui ille; quadraginta coronatis. Tot ipsi reddi jussit, ac præterea nihil. Quare Gaza indignatione percitus, pecuniam in Tiberim projecit, ac in suam Calabriæ solitudinem secedere statuit. In tanta enim egestate vivebat, ut, nisi eum ad se Dux Ferrariensis vocasset, fame ipsi moriendum fuisset. Mortuus dicitur an. 1478. Vide etiam Vossium, Leone Allatium, Spondum, &c. Discipulos, præter alios, habuit Demetrium Chalcondylam Atheniensem, qui magna sui nominis fama Mediolani docuit, Johannemque Venetum Cardinalem, Bibliothecæ Vaticanæ Præfectum. Gazæ discipulus Ferrariæ fuit

RODOLPHUS AGRICOLA

Qui Jacobo Bergomati in *Chronicis* vocatur Rodolphus à Chroningen, nempe quia in *Bassen* pago, juxta Chroningam, principem Frisæ urbem, natus fuit: circa contigit circa annum 1442. Puer Lovanii in Gymnasio Falconensi Philosophiæ operam dedit. Et cum Theologiæ rudimenta degustarat, in Gallias abiit, indeque in Italiam, ubi Theodorum Gazam auditit. Postquam domum rediit, Syndicus factus est Reip. Groningane, ob cuius negotium missus in Aulam Cæsaris Maximiliani, ubi cum semestri hæssset, voti compos Groningam reversus est. Exinde à varis, eosque inter Antuerpiensibus, ad Scholæ præfecturam deposcebatur. Sed prætulit professionem Heidelbergæ, ubi Philosophiam triennium docuit, ac Græcæ literas tota Germania excitavit. Vir fuit Latine, Græcæ, & Hebraicæ doctissimus, Philosophus summus, atque idem admodum disertus; imo & Musicæ, Picturæ, aliarumque artium studiosissimus. Voss. de Hist. Lat.

Opera ejus omnia, quæ extare dicuntur, ope, & labore Alardi Amstelredami cum Autoris Vita Tom. 2. edita sunt Coloniz; in quorum 1. ex Gesneri recensione, sunt *De inventione Dialectica* libri omnes, annotationibus illustrati. *De Universalibus* quæstiones aliquot singulares. *Propædeumatum Dialecticæ Inventionis opusculum*, circumstantias, sive attributa personarum, & rerum ad Rodolphum locos redacta simul, & exemplis aliquot explicata, compendio pertractans. *Scholia in Orat. pro L. Manilia*, quibus ea potissimum, quæ ad Dialecticæ pertinent, explicantur. Tom. 2. continentur *Aphthoni Sophistæ Programmata*, atque alia multa, quæ ad Artem Oratoriam, Historiam, vel Eruditionem spectant: nam & Philosophus, & Poëta, & Orator eximius erat. Extat præterea *Epistola de Formando studio*, scripta an. 1484. Heidelb. 1621. 8. Hic si vel communem ætatem vixisset, parem in literis omnibus non habuisset; mortuus enim est Heidelbergæ an. 1485. annos natus non dum 43. ibique in habitu Franciscani, ut præceperat, apud Minoritas sepulchus fuit; eique hoc Epitaphium condidit Hermolaus Barbarus:

Invida clausferunt hoc marmore fata Rodolphum

Agricolam, Frisii spemque, decusque soli.

Scilicet hoc vitæ meruit Germania laudis

Quicquid habet Latium, Græcia quicquid habet.

Rodolphum laudes omnium ore, & calamo, etiam *negotiorum*, contextæ sunt. Erasmus in *Adag. Quid Cans, & Balneo*, hæc habet: --- *Eloquentia tam absolutæ parem adjunxerat eruditionem. Philosophia mysteria omnia penetraverat. Nulla pars Musicæ, quam non exactissime calleret, &c.* Lud. Viv. Comment. at c. 21. l. 2. de Civ. Dei: *Vix & hac nostra, & patrum memoria fuit unus, atque alter dignior, qui multum legeretur, multumque in manibus haberetur, quam Rodolphus Agricola Frisius, tantum est in ejus operibus ingenii, artis, judicii, gravitatis, dulcedinis, eloquentiæ, eruditionis: at is paucissimis nescitur, vir non minus, qui ut ab hominibus cognosceretur, dignus, quam Politianus, vel Hermolaus Barbarus, quos, mea quidem sententia, & majestate, & suavitate dictionis non æquat modo, sed etiam vincit.* P. Bembo Epist. l. 6. ad Erasmum: *Rodolphus Agricola scripta maxime omnium, qui ætate nostra scripserunt, mihi quidem probantur.* Scaligerana Prima: *Rodolphus Agricola Frisius optimus Magister dicendi, imo fortassis illorum princeps.* Petrus Montanus, Philosophus Platonius, & Poëta Satyricus de Agricola dicere solebat: *Agricolam solum ex Germanis Scriptoribus insolenti Græciæ, aut procaci Italiæ objicere possumus. In oratione enim pedestri mihi effinxisse vide-*

videtur finem Laetantii, lenitatem, & rotunditatem Plinii, lumen Senecæ, Tullianam quoque redolet ubertatem, & acumen ostentat Quintiliani, vehementiam, & obliquitatem Cypriani referre videtur. Quam sententiam majori elogio confirmat Erasmus in Ciceroniano p. 79. ubi eum appellat Virum divini pectoris, eruditionis reconditæ, solidum, nervosum, elaboratum, Isocrate in orationis structura sublimiorem, Quintiliano in eloquendo fusiorem, & dilucidio rem, atque eo magis mirabilem, quod in tanta regionis, & temporis infelicitate natus sit. Ramus in Præfat. de conjungenda Eloquentia cum Philosophia ait: Rodolphus Agricola primus omnium post beatam Græciæ, Italiæque tempora, exitium illum Logicæ facultatis usum revocavit, ut juvenis à Poëtiis, & Oratoribus disceret non solum pure loqui, & ornate dicere, sed de propriis rebus acute cogitare, prudenterque judicare. Tandem Hornius l. c. Rodolphus Agricola Omlandus, peragratia plerisque Europæ Academiis, ad summam non tantum eruditionem, sed & famam pervenerat. Hic edidit mirabiles illos de Inventionis Dialectica libros, caligante adhuc, & delirante Germania: quibus Logicam non tam spinosis quæstionibus inservire, quam in omni vitæ genere usum habere amplissimum monstravit. Vide etiam Huet. de Clar. Interpr. P. Jov. in Elog. Trithem. Melch. Adam in Vit. Germ. Philos. &c.

HERMOLAUS BARBARUS

Patricius Venetus, ex nobili, ac Senatorio Barbarorum Ordine natus. 1454. vir doctissimus, summis vigiliis bonarum artium, ac disciplinarum gloriam intermortuam suscitavit, anno quippe ætatis 23. scribere orsus, erudita, ac Philosophica plura edidit, quæ in doctorum manibus versantur, & à Gesnero in Bibliotheca enumerantur. Hermolaus, ut ait Hornius, pro Barbara Philosophia minime Barbara scripsit; sed

- - - - -
dicitur qui Barbarus olim,
Barbariem tamen Italiciis procul expulsi oris.

Romæ apud Alexandrum VI. P. M. Venetæ nobilitatis nomine Oratorem egit; cui, Apostolico Senatui, omnibus carus semper fuit. Quare Alexander, ut tantis Hermolal meritis gratificaretur, eum Patriarcham Aquilejensem creavit. Sed non multo post Romæ, teste Boissard. in Icon. ex peste ibi sæviēte obiit a. 1494. sed Joh. Pier. Valerianus de Literatorum infelicitate addit, ipsum exsulem factum ob susceptam, loconsulto suo Senatu, Aquilejensem Patriarchæ dignitatem, quam accipere prohibuerat, & de possessione ejectum, inopem vitam duxisse, ejusdem Summi Pont. sportula quodammodo sustentatum ad mortem usque, quam ex peste obiit. Phil. Labbe hoc ejus refert Epitaphium:

*Barbariem Hermoleos Latio qui depulsi omnem,
Barbarus hic situs est, Utraque lingua gemit.
Urbs Venetum vitam, mortem dedit inclita Roma:
Non potuit nasci clarius, atque mori.*

Quod autem Gesnerus, atque alii post Trithemium scripserunt, ipsum scilicet Cardinalem fuisse, falsum est. Hunc enim præclarum honorem nonnisi facile futurum, ut assequeretur, speravit.

Scriptis, præter alia plurima erudita varii generis, *Contra Barbaros Philosophos lib. 1. De convenientia Astronomiæ, & Medicinæ lib. 1. Compendium Philosophiæ ex Arist. lib. 1. Aristot. dialecticam. Orationes metricas ad carmina duodecim millia. Præfat. 2. in Paraphrasin Physicæ Themistii. Præfat. in libros Arist. &c. Hermolaum, ejusque Opera summe laudant eruditi omnes, & cri-*

critici. A Scalig. *Scientiarum omnium alumnus, ac idem parens vocatur.* Ab Erasmo Magnus, ac divinus homo, &c. Ab Angelo Politiano *Homo ex reliquis auri seculi.* A Nic. Leonicensi *Vir omnium disciplinarum eruditissimus, &c.* Vide etiam Vossium de Hist. Lat. Alexandrum ab Alex. Petr. Bamb. Roland. Mares. P. Jovium: Erasmus pluribus in locis, &c. potissimum eruditissimum Salmasium in Præfat. ad Plinian. exercitat. ubi: *Barbarie suo tempore Victor, solidam sibi apud eruditos gloriam peperit, & videtur omni ævo nomen.*

HIERONYMUS SAVANAROLA

Ferrarlenfis, Ordinis Prædicatorum, vir acerrimi ingenii, summæ doctrinæ, & eruditionis, austeritate vitæ, & morum probitate admirandus, in reprehendis vitis vehemens, eloquentissimus in Concionibus, ita ut amplissima templa auditorum multitudinem non caperent; ob nimiam in prædicando libertatem primum Prædicationis munere interdictus; deinde, quoddam Alexandrum VI. Pont. ac Romanam Curiam objurgare non desisteret, Florentiæ laqueo suffocatus, & crematus est an. 1498. æt. 46. Ejus Epitaphium hoc refert Phil. Labbe in Thesaur. Epitaph.

*Dum fera flamma tuos, Hieronyme, pascitur artus,
Religio sanctas dilaniata comas
Flevit, & ob, dixit, crudeles parcite flammæ;
Parcite, sunt isto viscera nostra rogo.*

Scriptis plura, quæ recenset Gefnerus in Bibl. Potiora sunt: *Quadragesimale lib. 1. Super Psalmos, & Prophetas: Compendium totius Philosophiæ nam Naturalis, quam Moralis: De Divisione, Ordine, & Utilitate omnium Scientiarum: Compendium Logices: Triumphus Crucis: Commentarii in Alcoranum*, quod omni ratione carere probat: *Prophetia*, in qua multa de sequenti seculo, & Regnorum commotione prædixit. Hinc à plerisque Prophetia habitus est; & præcipue à Marsilio Ficino, qui eum magnifice commendavit; eique in quadam epistola Propheticum Spiritum tribuit; & à Philippo Comينو, Gallico Historico, qui cum eo sæpe locutus, asserit, multa sibi prædixisse, quæ eventus comprobavit. Joh. etiam Picus Mirand. ipsum Prophetam appellat, & Apologia in eam rem expressa adversus Pont. Max. tueri fatagit. Et quidem ut Sanctum eum plurimi habebant; hinc non sine magno tumultu, & multorum sanguine captus, & in carcerem conjectus est. *Expositio Orationis Dominice: Libellus contra Astrologiam Judicariam*, Italice scriptus: *De Simplicitate Christianæ vitæ lib. 3.* digni, ex omnium sententia, qui ab omni Christiano homine legantur: *Sermones varii, &c.* Joh. Franc. Picus Mirand. in Vita Hieron. Savanarolæ præ cæteris ejus operibus Triumphum Crucis eruditione, & materia omnibus præfert. De Savanarola ita Hornius Hist. Phil. lib. 6. c. 6. *Successit Hieronymus Savanarola Italus, eximius Philosophus, qui, relicta errantium caligine, veram Philosophiam reducere serio conabatur.* Ex tot operibus omnino prohibetur in Ind. Rom. liber inscriptus: *Dialogo della Verità; & ejus Sermones*, donec correcti prodeant. Vide Sixt. Senens. l. 4. Bibl. Sancti. Boissard. in Icon. Spondan. in continuat. Baron. ad an. 1492. J. Franc. Pic. in Vita. P. Jov. &c.

HISTORIÆ PHILOSOPHIÆ DOMINICUS SOTUS

Ordinis Prædicatorum, Segobiæ In Hispania natus an. 1494. ex patre, qui hortos colebat, ut ipse de se testatur, S. Thomæ Villanovani, Valentini Archiepiscopi In Philosophia discipulus fuit: quam deinde etiam in publicis Universitatibus docuit. Caroli V. iussu, cui à sacris confessionibus erat, Concilio Tridentino una cum Bartholomæo Alcala ejusdem Ordinis, qui deinde Archiepiscopus Toletanus fuit, interfuit; ibique & voce, & scriptis claruit, nam ne dum doctæ concionem habuit, sed libros etiam duos edidit *De Natura, & Gratia*, quos Concilii Episcopis nuncupavit. Segobiæ Episcopatum, aliosque à Carolo V. collatos sibi honores, recusavit: cujus Aulam, post compositas ejusdem iussu res magni ponderis, relinquens, Salmanticam, ubi antea docuerat, rediit; ibique mortuus est anno 1560. æt. 66. Tantæ pietatis, & doctrinæ vir fuit, ut ejus elogia hæretici etiam fecerint.

Inter ejus Opera sunt, præter dictum, *Commentaria in 4. Sententiarum: de Justitia, & Jure lib. 10. Commentaria in Porphyrii Isagogen, Aristot. Categorias, & libros de Demonstratione: In Epistolam Pauli ad Romanos: Super 8. lib. Physicorum Aristotelis: De ratione tegendi, & detegendi secretum: De pauperum causa: De cavendo Juramentorum abusu: Apologia contra Ambrosium Catharinum Episcopum, &c.*

AUGUSTINUS NIPHUS

Sueffanus, dictus etiam *Eutychius, & Philotheus*, in Peripatetica Philosophia celeberrimus, qui eam in omnibus fere Italiæ Universitatibus docuit, vir æque doctus, ac jocosus, Ideoque cunctis gratissimus fuit, præcipue Leonis X. Pont. qui eum semper apud se habere cupiebat. Imo etiam tanti eum æstimavit, ut Domus Medices & nomen, & Stemma assumere ei permiserit: unde & aliquando Niphum Medicem vocatum invenies. Carolus V. ipsum præclara Consilarii status dignitate donavit. In libidinem adeo propensus erat, ut septuagenarius licet, & uxorem habens, Angelellam nomine, doctissimam, ac honestissimam feminam, ex qua plures liberos suscepit, inter scorta tamen noctes quandoque integras saltando, & canendo transigeret. Hinc, seipsum demonstrans, scripsit librum *De Aulico Viro*. Medicus etiam fuit sui ævi præclarus; ac lib. 1. *De Diebus Criticis* composuit: *De Augustis lib. 2. Uranie divinatricis lib. 2. De Morbo Gallico lib. 1. Commentarios in Aristotelem: De Immortalitate Animæ contra Pomponatium. Opuscula Moralia, & Politica: De inimicitiarum lucro: De Armorum, & Literarum comparatione: De Tyranno, & Rege, &c.* Obiit jam senex circa an. 1537. Vide P. Jovium: Le Mire; Opmerum; Naudeum, &c.

CALIXTUS ANDRONICUS

Secundum Morery in Lex. Hist. *Andronicus Callistus*, secundum Gesnerum in Bibliotheca (male eum Theodorum Andronicum appellat Cozzandus in Magist. Antiqu. Philos. p. 113.) secta Peripateticus, sec. 15. floruit, ac Cardinalis Bessarionis familiaris fuit. Scripsit *Librum de Physica scientia, & fortuna*, qui servatur in Biblioth. Vaticana, & Sforzæ. Ejus etiam est *Mouodia Monodia in expugnationem Constantinopolitanam*, quæ Græce manuscripta extat in Biblioth. Regis Gallorum, ex Gesn.

RODERICUS A S. CRUCE

Luitanus, magnum præclari Lusitanæ Regni ornamentum, ac sui Ordinis Eremitarum S. August. decus, ob eximiam pietatem, & eruditionem Emmanuelli potentissimo Lusitanæ Regi carus, sec. 15. floruit; ac Philosophiam, & Theologiam Ulyssipone laudabiliter docuit. Scripsit *Commentarios in Aristotelem, & Magistrum Sententiarum*. Vide Bibli. Hisp.

LEONARDUS BRUNUS

Patria Aretinus, Græcæ linguæ, quam ab Emmanuele Chrysolora didicet, peritissimus, Philosophus, Orator, Historicus, Innocentio VII. Gregorio XII. Alexandro V. Johanni XXIII. Pont. ab Epistolis, vulgo Brevibus, & Reip. Florentinæ à Secretis, vir eruditione celebris, sec. 15. floruit, ac semper cælebra vixit. Quod ad mores hoc tantum ei pectus vertunt, quod *philosophus*, divitiarum cupidus fuerit. Obiit an. 1440. sive 1443. æt. 74. Scripsit *Historica, & Erudita plurima, quæ recenset Gesnerus in Bibliotheca. Philosophica ejus Opera habemus Commentaria in Œconomica Aristotelis; Vitam ejusdem: Dialogum de Moribus: Introductionem in Aristotelem; & Moralia ad Eudemum*, edita cum Lat. Oper. Arist. &c. E Græco in Latinum verit ex Plut. Vitas quasdam; ex Plat. Basil. Xenophont. quædam; Aristotelis Ethica, Politica, & Œconomica, &c. Vid. An. Sylv. Jov. Erasmi. Voss. Possevin. &c.

JACOBUS FABER

Ad Scapulas, maritimum Picardie pagura ex ignobili familia natus, & Philosophicis Sophistarum nugis, & ineptiis apud Parisios institutus, partim suæ mentis solertia, & impulsu, partim eruditorum hominum, qui tum in Italia florebant, impulsu, quod boni in literis, ac Philosophiæ sibi deesse noverat, totis viribus, ac forti animi contentione acquisivit. Quare & sibi, & aliis prodesse cupiens, & sibi optatam scientiam acquisivit, & aliis plurimum, & facilem ad Aristotelis Philosophiam aditum nova methodo comparavit. Quod autem sua industria, & labore didicerat, & voce, & scriptis docuit, & totius Galliæ juventutem ad cultum literarum studio alacriter excitavit. Hic itaque *Primus apud Gallos, ut Cicero apud Romanos, Philosophiam rudem adduc, & impolitam cum eloquentia junxit. Est in dicendo subtilis, in sententiis gravis, in attentione exquisitus, in compositione diligens, ac curiosus*; ut de eo Trithemius ait: *Faber Ingeniorum appellari volebat; quum in omni fere doctrina genere ad docendum aptissimus haberetur. Desuit in eo, dum scriberet, illa Latini sermonis puritas, quæ diu ante neglecta apud externos, aut parum accurate quaesita, non magnopere servida ingentia delectabat. Scripsit Commentarios in Astronomicis, juvenuti perutilis, & Scholia in Moralem Philosophiam, perdiscendis opportuna. Etate autem confectus, cum sacras literas attigisset, à Lutherana doctrina non procul absuit, itant in ea suspicio- ne senex moreretur. P. Jovius in Elog. Mortuus autem traditur annos natus 102. postquam semper purus ab omni muliebri contagione vixeret; mente quidem, & doctrina magnus, corpore vero perexiguo, itaut homuncio diceretur.*

Scripsit præterea Commentaria in omnem fere Sac. Scripturam, quæ prohibita sunt, donec corrigantur; atque alia plurima in totum fere Aristotelem;

Boëthium, &c. quæ exactissime numerat Gesnerus in Bibliotheca. De Fabro, ejusque operibus hæc Criticorum censura est. Thuanus Hist. l. 17. ait, Fabrum literis renascentibus faciem prætulisse. Erasmus in Epist. l. 2. Epist. 22. *Vir probus est Faber, eruditus, humanus, denique verus etiam anticus.* Et in Ciceronianop. 168. *Vir pius, & doctus, sed qui Theologica dicere maluerit, quam Tulliano.* Hofmannus ait: *Jacobus Faber Stapulensis, Sorbonicus Doctor, mole exiguus, ingenio maximus, de seipso natus Divinarum, humanarumque rerum callentissimus.* Lud. Viv. de Trad. Discipul. l. 4. *Jacobus Faber tum in Aristotelem scripsit, tum Dialecticam ipse composuit, multaque ex receptis suo ævo opinionibus tanquam ex cæno trahit.* Et ibidem p. 389. *De Arithmetica exercitit, atque speculationis, Jacobus Faber satis accommodatè scribit, ut in Schola tradatur discipulis.* Voilius de Mathem. Anno 1503. *magnam in Mathematicis, in Philosophia tamen imprimis, nomen sustinuit Jacobus Faber Stapulensis.* Spondanus ad an. 1522. ipsum vocat Philosophum celeberrimum, Divinis, humanisque literis excultum, sed quibusdam novitatibus affectum, quarum causa à Sorbonæ societate reclusus fuit. Vide etiam Jacob. Verheiden in Elog. Theol. Henr. Jul. Scheurla Bibliograph. Moral. &c.

ALEXANDER ACHILLINUS

Bononiensis Philosophus eminentissimus, & accuratus Averroëis interpres, Patavit primum, post Bononiæ Philosophiam publice docuit. Edidit multos libros, è quibus Joovius in ejus elegio commemorat singulos libros, *De Elementis; De Intelligentiis; De Orbibus.* Obiit Bononiæ An. D. 1512. ætatis autem sue 49. Opera ejus in unum collecta, *De Intelligentiis; De Orbibus; De Universalibus; De Physico auditu; De Elementis; De Subjecto Physionomie, & Chiromantie; De Subjecto Medicinæ; De Prima Potestate Syllogismi; De Distinctionibus; De potestate Morum,* edita sunt Venetiis apud Hieronymum Scotum 1568. cum Annotationibus Pamphili Montii. Annotationes Anatomicæ impressæ Bononiæ à Hieron. de Benedicis 1524. Ita Gesnerus in Bibliotheca, Medicus etiam fuit magni nominis. In ea sui ævi Philosophia adeo claruit, ut Magnus Philosophus diceretur, & ex omni fere Europa discipulos ad se traheret. Pomponatius æmulus fuit: quare ambo sibi mutuo obstrictabant. Viid. P. Jov. in Elog. Opmer. in Chronograph. Bamald. Bibl. Bonon. Alidof. de Doct. Bonon. &c.

LUDOVICUS BUCCAFERREI

Vulgo Buccadiferro Bononiensis, modò dicti Achillini discipulus; Philosophus, & Medicus insignis, Philosophiam magni sui nominis fama, & auditorum concursu Bononiæ primum docuit, deinde Romæ ab an. 1521. usque ad 1526. atque iterum Bononiæ, ubi mortuus est die 3. Maii 1545. ætat. 63. Inter ejus discipulos, ex quibus præclari quicumque eo seculo in Italia Philosophi, & literati erant, numerabantur, præcipui fuisse Cardinales duo de Gonzaga, qui Ecclesiastica Beneficia plura in ipsum contulere. Autorum omnium, qui ei contemporanei scripserunt, & qui post ipsum secuti sunt, ore commendatur. Scripsit in 4. *Meteororum lib. Arist. in ejusdem 1. Physicorum: & in lib. de Generatione, & Corruptione Commentaria.* Vide Auctores modò cit. & Jac. Phil. Thomasin. Vit. illustr. Vir. p. 2. &c.

MARCUS EPHESINUS EPISCOPUS

Florentino Concilio interfuit an. 1439. ubi Græcorum Schisma propugna vit, asserens, Latinos hæreticos esse, quod Apostolorum Symbolo addiderint *Pillorque*, fortiter cum Græcis credens, Spiritum Sanctum à Patre tantum procedere. Sed Constantinopolim rediens, misere obijt. De eâ ita Iohannes Hist. Phil. l. 3. c. 21. *Hic accedebat Martius, Ephesus Episcopus, oppositus ubique Platoni, qui Aristotelem divinis ornabat laudibus, videlicet, quod in multis ille consentiret cum verbo divino.*

De eâ item Spond. ad an. Chr. 1439. & 1440. ubi celebrem etiam GEORGII SCHOLARIUM refert, Monachum, & primum post captam à Tarcis Constantinopolim ejus urbis Patriarcham, à Mahumeto II. factum per hæc verba: *Sancta Trinitas, quæ mihi Imperium donavit, te in Patriarcham nova Roma delegit. Qui mos Græcis etiam Imperatoribus in eligendo Patriarcha antiquus in ea urbe fuerat, quem à se, & ab aliis deinceps servari Mahumetes voluit. Georgius ubi Patriarcha factus est, Gennadii nomen assumpsit, sive potius retinuit, nam ubi Monasterium ingressus, assumerat, ut vult R. Simon. Hunc autem Gennadium, quem Marci modo memorati discipulum quidam, volunt, eundem cum Georgio Scholario, non diversum, ut multi putarunt, facit, ac validis rationibus tuetur R. Simon. Scholarius antequam Patriarcha fieret, Florentino Concilio modò dicto ipse etiam interfuit, & pro unione Græcorum, ac Latinorum pluries declamavit, & eloquenter, atque Apologiam, pro quinque Capitibus, in Decreto unionis contentis, confecit, ac pro Græcorum Schismate pugnavit. Citatus R. Simon. asseverat, ipsum antea Georgium Scholarium dictum, cum Imp. Constantinopolitani à secretis, & à concionibus erat. Gennadium verò cum se publicis negotiis abdicans, Monasterium ingressus est, quod nomen Patriarcha electus retinuit. Contra vero Leo Allatius Diatriba de Georgio 70. asserit, Georgium Scholarium, qui Monachus factus Gennadii nomen assumpsit, alium omnino fuisse à Patriarcha Constantinopolitano; utrosque tamen contemporaneos vixisse. Fuit ille Latinorum hostis acerrimus, ac librum contra Concilium Florentinum conscripsit, quem hæretici recudunt curant. Hunc Patriarchæ Gennadio falso tribuant. In hunc librum scripsit Allatius.*

De Scholario ita Gesnerus in Biblioth. Georgius Scholarius defensionem pro Aristotele scripsit, à Georgio Gemisto refutatus, ut supra diximus. Georgii Scholarii in quinque voces Porphyrii. Item Monodia in doctrinam S. Marci Archiepiscopi Ephesi. Venetiis in Bibliotheca ad S. Antonium manuscripta extant Græce. In Bibliotheca Imp. Viennæ habetur Georgii Scholarii de Processu Spiritus Sancti. Ejusdem liber secundus de Processione Spiritus Sancti à Patre ad Cornutum Magnum in Trapezuntis Regem. Græce manuscripta fol. Et Iohannes Hist. Phil. l. 3. c. 21. loquens de Gemisto Platónico subdit: *Contra quem causam Aristotelis tuebatur Georgius Scholarius, cujus argumenta pro Aristotele iterum refellebat Gemistius peculiari libello, &c.*

HIERONYMUS CARDANUS

Mediolanensis, Philosophus Peripateticus, & Medicinæ professor in alma Academia Bononiensi, ex Patricio Stemmate natus, vel potius per vim, ut ipse de se testatur, ex utero extractus, capilloque prælongo nigro in lucem editus an. 1501. patre Facio Cardano, illustri Juriconsulto, tùm mortuus haberetur vini lavacro revixit. Fuit mater ejus, quæ Clara Micheria vocabatur,

cabatur, morosa adeo, ut Hieronymum utero gestans, plura ad hujus abortum provocandum, medicamina sumpserit, licet frustra, ut id ipse in libro *De Vita propria* testatur. Et in 1.3. *De Consolatione* ait, Mediolanense Collegium socium ipsum admittere repugnasse, quod eum legitimum esse dubitarent. Homo fuit prodigiosus, teste Morhofio, in omni genere scientiarum novator in omnibus, imprimis in Philosophia, & Medicina, & Polygraphus si quis alius. Et quidem, Aristotelicus licet, in tota Peripatetica Philosophia reformationem quandam molitus est, Cabbalistica, & secretiora in philosophando sectatus. Unde spiritibus mundum complet, quibus similis quis evadat, cojus animus per Philosophiam fuerit purgatus: & his similia adstruit. In cit. libello de vita propria, qui separatim editus, & suis operibus præmissus habetur, perspicue, & cum portentosis sæpe narratiunculis admixtis, suos mores, ingenium, fortunam, opes, & eventus omnes, ingenue descripsit. In eo non solum enarrat, quid in quovis genere scientiarum, in Dialectica, Arithmetica, Geometria, Musica, Physica, Astrologia, & Medicina, cæterisque artibus præstiterit, atque inveniit, verum etiam quot, & quantis vitis in vita sua laboraverit, ipse significat; ex quibus educitur, ei valetudinem fuisse non firmam. In eodem de Vita sua libello alter etiam extat de præceptis ad filios. Ob Astrologiæ, Metoposcopiæ, & Chiromantiæ singularem cognitionem multis Magnatibus gratissimus fuit. Cum statulisset, millesimo quoque anno vix unum, perfectum Medicum existere, superbis septimum se eorum fecisse dicitur. Ejus implacabilis in omnibus detractor semper fuit Jul. Cæs. Scaliger, ut mox in Scaligero etiam dicam, qui, saniorum criticorum judicio, ut Cardanum in literariis rebus eruditione superabat, ita à Cardano in Physicis superabatur. Obiit Romæ fame voluntaria, ut Thuanus ex communis sui temporis sententia scripsit, an. 1576. æt. 95. eo ipso anno, & die, quo se prædixerat moriturum, ut sua prædictio impleretur. Contra tamen est Bællius, alique.

Scriptis, laudis cupidissimus, & immortalitatis gloria succensus, in omni fere scientiarum genere libros pene innumeros, qui 10. Tom. in f. continentur, quorum argumenta, tempus, occasionem, ipsemet peculiaribus libellis ad id editis nobis recensuit, & exposuit. In his plura ad Dialecticam, Physicam, omnemque Philosophiæ partem, ad Mathesin, Medicinam, Astrologiam, &c. spectantia, invenies. Hos recenset, præter alios, Vander Linden de Script. Medic. ex Catalogo, quem ipse Cardanus contexit, ut diximus, & Gesnerus in Bibliotheca.

De Cardano plura sunt auctorum testimonia, ex quibus hæc notatu digniora. Vossius de Mathem. p. 41. Non sine laude nominandus est Hieronymus Cardanus. . . . Qui in Naturæ scientia, ac Medicina, nullisque tot nova adfert, ut summus vir Andreas Alciatus eum vocare soleat Virum Inventivum. Quin ingenium profundissimum, felicissimum, & incomparabile, ei tribuit Caesar Scaliger: quæ magna est laus ab Adversario tam grata, & æquiva. Hæc autem ejus laus ita est apud Jul. Cæs. Scaliger. In judicio suo de Cardano: Orbata est Resp. literaria viro maximo, atque incomparabili: tamque jacturam fecit, quam fortasse nullis post hæc seculis reparare possit. . . . Cum in viro docto tres partes omnino excellere debeant, morum integritas, atque civilitas, eruditio varia, & multa, ingenium summum cum acerrimo judicio conjunctum; tria hæc illa punda adde plene tulerat, ut ad unum modum totus pro se, solus pro omnibus à natura factus esse videretur. Sam. Parker in Disput. de Deo disputat. 1. sect. 25. Et quidem eo præditus erat animi acumine, ut magnus Philosophus fuisset, si Peripateticus non esse ausus fuisset. . . . Tam vana ubique cum in Astrologia sua, tum in cæteris suis inanibus disciplinis, de Deo, Divinaque Pro.

Providentia commentatus est, ut quicumque legat, non omnino Atheum, sed totum Fanaticum fuisse concluderet. Ejus Opera omnia, quæ de Medicina non tractant, prohibentur nisi corrigantur. Vide etiam Voss. de Idolol. l. 3. c. 80. Thuan. Thomaf. L. Crassum, Rapin. &c.

JULIUS-CÆSAR SCALIGER

Vir Poëticæ, Medicinæ, Philosophiæ, Græcæ linguae, ac liberalium omnium artium peritissimus, natus est in Castro Ripa ad lacum Benacum in agro Veronensi die 23. April. 1484. patre Benedicto Scaligero, bellatore fortissimo, ex antiquissima Scaligerorum, Principum quondam Veronensium, familia oriundo, ut ipse Julius testatur. In adolescentia Monachi Ordinis Sancti Francisci aggregatus, sed mox ab ipsis iterum abstractus, juventutis annos in bello transiit, in quo Magister Equitum appellari meruit. Italiam, Germaniam, atque alia Europæ loca peragravit; Tandem etiam militia relicta, literis se totum addixit. Ex Italia Aginum, sive Aginnum, & Agennum, fecessit, quæ Aquitania urbs est, ibique Medicinam feliciter exercuit, donec ibidem obiit an. 1558. æt. 74. Suum ortum, vitam, & obitum ipsemet expressit hoc Epigrammate, quod suo tumulo inscriptum legitur:

Exiit Italia, eduxit Germania, Julij

Ultima Scaligeri funera Gallus habet.

Hinc Phœbi doctes, hinc duri robora Martis

Reddere non potuit nobiliore loco.

Filios post se reliquit Sylvium, Medicum, & Josephum-Justum, bonorum, æque, ac docti spiritus hæredes. Hostes habuit acerrimos Gasparum Scholpium, Hieronymum Cardanum, & Erasmus Roterdamum, contra quos etiam scripsit: Criticæ enim addictus erat, quæ multorum sibi odium comparavit. Elate nimis de Familia sua sentiebat, asserens, se & Scaligeris, Veronæ, aliarumque Civitatum dominis, ortum habere. Quod pluribus argumentis probare satagit in opere ad hoc edito, cui titulus: *Testimonia de Gente Scaligera*. Hac tamen in re plures quidem habuit libi assentientes, dissidentes plurimos. Non semper orthodoxus in Religione fuisse dicitur nonnullis: quod confirmare videtur Scaliger filius, qui in Scaligerana posteriori ait: *Pater meus quadriennio ante obitum fœdit-Lutheranus erat.* Sed defenditur à multis, qui asserunt, ea, quæ suis operibus heterodoxa sparsim leguntur, non sua esse, sed à Calvinistis inserta, qui etiam Poëmata, quæ in Sanctorum laudem ipse concinnaverat, abstulerunt. Certum tamen illud est, vere Catholicum obitisse, atque in Augustinianorum Ecclesia Agini in Gallia sepulcrum fuisse.

Scripta ejus, quæ plura, & omni eruditione referissimæ, sunt; præter dictum: *Exercitationum Exoticarum lib. 13. ad Hieron. Cardanum* (in quos Exercitationum libros suas Meditationes divulgavit Joh. Sperlingen Vitembergensis publicus Philosophiæ Professor) *Epistola, & Orationes: De Causis lingue Latine. Hæmi, & Poëmata Sacra. Epigrammata in clariore Urbes. Poëmata de Ajace Lorario. Comment. in Hipp. de Insomni. Oratio in laudum Filii Andæi. Oratio in partu Filii habita. Comment. in Arist. de Plantis. Comment. in Theophrasti lib. de Plantis. De Poëtica. Doctrina veræ Alebimæ, atque Artis Metallicæ. Oratio pro Cicerone contra Ciceronianum Erasmi. De Sapientia, & Beatitudine. Elysus. De Numeris Conicis.*

Nimius forem, si cuncta Autorum de Scaligero præclara testimonia vellem hic enumerare. Satis sit à Vossio summis laudibus effusæ, à quo in Insid. Orat. sæpe vocatur *Naturæ Miraculum*: *Vir nunquam sine laude dicendus: Vir ad unguem*

unguem factus: Magnæ Naturæ Mythes: Summus veterum censor, ac delictæ emittum, quorum inter est vitare mus, &c. Lipsius cent. 2. Epist. 44. Tres sunt, quos admirari unice soleo, & qui in hominibus excessisse mihi humanum fastidium videntur, Homerus, Hippocrates, Aristoteles; sed addo huic quartum (videl. Julium Scaligerum) qui natus ad miraculum, & gloriam nostri ævi. Et ibidem ep. 9. & de recta pronunciat. Lat. ling. cap. 7. pluribus laudat: potissimum vero cent. 11. epist. ubi: Quod de Tullio dixit vetus Magister, Profecisse multum, cuius placeret; ego verius, Magnum esse; cui Julius iste Magnus. Et Thuanus ad an. 1558. dicitur Vir, quo superiorem Antiquitas vitæ habuit; parum certe hæc ætas non novit. Thomasi de Plagio: Utur ista hæbent, equum est, ut summis in rem literariam meritis Viri, quo nec major Philosophus ab Aristotele, nec major Poëta ab ætate Virgilli, nec major Medicus ab Hippocrate vivisse censatur, & hic, & alii lapsus à nobis condonentur. Autores, qui ex odio magis carpunt, prætereo: Sed ego cum Huët. de Clar. Interpret. Ital. Illud maxime mirabile duco, quod disciplinas pene omnes capacissima mente complexus sit, & quod licet, hoc est, sero doctus; unde & Aristoteles sui ævi, à quibusdam meruit appellari, ut refert Ghilinus. Et quidem Aristotelicæ Scholasticorum doctrinæ primum addictus fuit quam maxime hic eruditiorum sui seculi princeps. Quare ait Jons. Hist. Phil. l. 3. c. 26. Hic fore majora in Philosophia præstitisset, nisi primo adeo deditus fuisset Scholasticis, quod ipse questus est in Commentario in Hippocr. Vide etiam Bezam in Icon. Vir. illustr. Meibom. C. Barth. Dan. Georg. Moshos. in Polyhist. Ghilin. Theatr. Ital. &c.

GEORGIUS AGRICOLA

Germanus Philosophus, ac Medicus natus est Claustræ Misse oppido 24. Martii 1494. In Græca, & Latina lingua, Philosophia, & Medicina celebrioris sui ævi professores magistros habuit. De eo ita Vander Linden de Script. Medicis: In Valle Jacobinica Medici munere fundus est: inde Chemnitz migravit rei Metallica strenuus, ac indefessus indagator: scripse aliquando ad Duces Saxonie; partem regionis eorum subterraneam esse pretiosiorē omnibus illis, quæ supra terram possiderent: Obiit Chemnitz Hermundtorum A. C. 1555. æt. sue 61.

Scripta ejus, quæ multa, & cunctis commendata, sunt: De ortu, & causis subterraneorum. De Natura eorum, quæ effluunt à terra. Lapis Philosophicus. De rei Metallica. De Fossilibus. De Mensuris, & Ponderibus. De animalibus subterraneis. De Peste, De medicatis fontibus. De veteribus, & novis metallis. De pretio metallorum, & monetis, &c. De quibus omnibus tale est Thuan. judicium ad an. 1555: Georgius Agricola de rei Metallæ, Fossilibus, & subterraneis animalibus, ita accurate hoc seculo scripsit, ut omnes antiquos in eo genere longe superaverit; & exade non solum eorum, quæ à veteribus prodita sunt, explicatione, sed & multarum rerum, quas veteres atq. indagavit, investigatione, tam Historiæ Naturalis partem illustraverit; addita post Gulielmum Budæum, Leonardum Portium, & Andream Alciatum, de Ponderibus, Mensuris, de pretiis metallorum, & monetarum diligentissima tractatione: Summe etiam laudatur ab Erasmo in Epistolis; Bodino in Meth. Hist. & Melch. Adam. in Vita ejus: ubi, ipse in Pontificia Religione obisse dicitur, quoniam antea Protestantium dogmatis adhaesisse visus sit; quod etiam confirmat Ant. Teisler in Elog. Vir. Erudit. quicquid contra dicatur in Scaligerana l. p. 80. ubi ipse in de Arina quidem laudatur, sed impud. nullique Religioni

ligioni additus dicitur, ut post mortem vix sepelli meruerit. A Quenstedt appellatur Germaniæ Plinius: à G. J. Vossio diligens, & eruditus scriptor: à Fabricio Vir eruditio, & judicio præstans, ac celeberrimæ famæ, &c. Alciatus contra eum scripsit, cui ipse erudite respondit. Vide etiam Scheserum, &c.

ULYSSES ALDOBRANDUS

Aldrobrandus, & Aldroandus, Bononiensis, Philosophiæ Peripateticæ, & Medicinæ in patriæ Academia Professor insignis (cujus elogium eleganti carmine confecit Massæus Barberinus Cardinalis, qui fuit deinde Urbanus VIII.) naturæ operum Inspector solertissimus, varietate doctrinæ, scriptorum copia, & mente perspicacissima sapientes præteriti ævi scriptores æquavit, sui seculi superavit. Ulyssis . . . ut nomen sortitus, ita & vitam imitatus, remotissimas Orbis regiones peragravit, ut, exoticorum præcipue, quadrupedum, volatilium, reptilium, & piscium, lapidum ætem, metallorum, & monstrorum naturam, proprietates, & virtutes intimius rimaretur. Quæ ut ad vivum depingerentur, veriusque excusperentur, suo ære per 30. & amplius annos Artifices varios totius pene Europæ celeberrimos conduxit, eaque propter tantos sunt fecit, ut inde ad extremam pauperatē redactus, visuque orbatus, in Xenodochio Bononiensi, ut nonnulli referunt, valde senex obierit A. C. 1603. Vander Linden de Script. Med.

Scriptis de animalibus omnibus, plantis, cæterisque naturalibus, aliisque rebus; Paraphrases, & Adnotationes in Aristotelem, Theophrastum, Dioscoridem, Porphyrium, Vitruvium, Plinium, &c. quæ longum esset omnia numerare. Enumerata vide apud Joh. Imperialem in Mus. Hist. & Phys. De quibus, aliisque rebus Tractatus edidit 120. elegantissimos, & varia eruditio-ne referentissimos. In his tamen, etsi laudabilibus, Græcarum literarum ignorantiam notat Ezech. Spanhemius in Tract. de Præstantia, & usu Numism. Antiqu. Et Voss. de Idolol. lib. 3. c. 9. quamvis illum valde commendat, tamen Metricæ Artis insectiam ex aliorum sententia in eo adnotavit.

Ex multis tanti Viri laudibus unam vel alteram ex auctoribus attingere satis sit. Aub. Miræus de Script. Eccles. p. 2. *Ulysses Aldrobrandus, illustri Comitum Aldrobrandorum familia oriundus, in Gymnasio Bononiensi Naturalis Historiæ professionem tam feliciter implevit, ut omnium ante se genitorum diligentissimus, etiam post futuris hujus palme gloriæ præripuisse videatur, &c. Georg. Calp. Kirchmayer in Præf. ad Joh. Sperlingii Zoologiam: Omnium, quicumque vel scripsere, vel scripturi sunt, operosissimus, & consummatissimus extitit Zoologus Ulysses Aldrobrandus, Philosophus, & Medicus Bononiensis, quem non dicam commendare, sed admirari satis, aut condigno, pro immensa Zoologiæ gratia impenso, cum summis, cum laboribus, mactare præconio nemo unquam poterit, &c. Vide etiam Anton. Bumald. in B. bl. Bonon. Crass. Elog. Vir. illustr. &c.*

JOHANNES CASE

Sive Casæus, Philosophus Peripat. & Medicus Anglus, qui in Universitate Oxoniensi docuit, ubi & mortuus est an. 1600. clarus ex suis operibus fuit, quæ sunt: *Comment. super Aristot. Organum: Philosophia Ethica: Economica.*

mica. Encomium Musices, &c. Vide Pitseum de illustr. Angl. Script. & Le Mire de Script. sec. 16.

T H O M A S D E V I O

Cajetanus etiam appellatus, quod Cajetæ Urbem maritimam, & monasticissimam Neapolitani Regni in provincia Terræ laboris, patriam sortitus sit; Prædicatorum Ordinem ingressus, Doctoratus insignia annos natus vix 22. obtinuit, ac Philosophiam, & Theologiam Parisiæ, ac Romæ docuit. Deinde Generalis sui Ordinis Magister factus, annos 10. hoc munere laudabiliter functus est. Eximium *Opus de Potestate Pontificis* composuit; in cuius, aliorumque meritum præmium Episcopus Cajetæ primum electus, deinde Archiepiscopus Panormitanus, tandem à Leone X. Pont. Cardinalis creatus est an. 1527. Inde Germaniam contra Lutherum missus est; atque tandem mortem obiit 1534. æt. 65. Opera tum Philosophica, & Theologica, tum etiam Commentarios in aliquot S. Scripturæ libros post se reliquit, atque alia, quæ pluribus Tomis in 8. continentur.

Vir fuit summus ingenio, moribus amabilis, pietate eximius, ita ut ab ipsis etiam hæreticis, suis, Ecclesiæque hostibus, laudes promeruerit. Dan. Chamier. *Omnes Epistolas Novi Testamenti, & Adiorum librum recensuit ad veritatem Græcam; & Adnotationibus illustravit infra spatium circiter decem mensium.* Joh. Dallæus: *Thomas de Vio Ecclesiæ Romane nobilissimus Cardinalis, acerrimi viri iudicii, Theologus in Schola Latina longo celeberrimus.* Si hæc ab inimicis, quid promeruit ab amicis? Unum Sixti Senensis testimonium proferam, qui ait: *Vir tam vitæ sanctitudo, quam ingenti præstantia illustris, subtilissimus Dialecticus, admirabilis Philosophus, Theologus incomparabilis, & inter eruditissimos doctissimi sui sæculi longe eruditissimus.* Hic in extrema senectute sua, post innumeras lucubrationes in Aristotelis Philosophiam, & in omnem D. Thomæ Theologiam editæ, totam Veteris, ac Novi Testamenti molem juxta literæ sensum, omnium difficillimum, ex Hebræa, & Græca veritate nudo, brevique sermone exposuit, exceptis Cantico Canticorum, & Prophetis, quos moriens inchoatos deseruit, & Apocalypsi, quam de industria intactam reliquit, inquit, in ea exponenda non ingenio, sed divinatione opus esse. Vide etiam Bzovium, & Spond. in Annal. Bellarm. de Script. Eccles. &c. potissimum vero ejus Viri scriptores Jul. Cæs. Copycium, & Joh. Bapt. Flayium.

A N T O N I U S G O V E A N U S

Magnum Lusitanæ decus, Jurisprudentiæ lumen, Poëtas, Rhetorices, omnique penitioris literaturæ ornamentum ingens, magnum Peripateticæ Philosophiæ, cujus callentissimus erat; propugnaculum, ex nobili familia ortus est in Lusitanæ urbe, quæ Pax Julia, vulgo Beja, dicitur. Parisiis in omni scientiarum genere eruditus, tantam apud omnes famam assecutus est, ut omnium ore, omnium calamis vel vivus etiam fuerit commendatus. Illud unum de tanto viro, qui omnes omnium laudes superat, dixisse sufficiat, Jacobum Cujacium, doctissimum cæteroqui virum, & ex professione æmulum, illius ingenium admiratum fuisse, laudasse, ac ne sibi gloriam præperet, pertinuisse: De Goveano ita Thoan. ad an. 1565. *In genere Lusitanus, sed*

ado.

adoptione (sicut, quo erat animi candore, palam profitebatur) Gallus, cum puer, & literarum rudis ab Andrea Goveano patruo in Galliam adductus est, tanta felicitate in humanioribus studiis ingenium exercuit, ut nemo purius Latine scriberet, nemo versus elegantius pangeret. In Philosophia vero Aristotelica tantum profecti, ut ejus patrocinium jam tum in illa juvenili aetate petrum Ramum, ejus importunum oppugnatorem, magna cum laude suscepit. Postea, quasi omnium scientiarum capax ingenium illius esset, quodque singuli in singulis, ipse unus in omnibus praeferre posset, ab Emilio Ferreto, qui Avenione Jus Civile docebat, cum Lugduni privatis studiis intentius deheret, ad illius perplexa scientiae professionem evocatus est; in qua rursus exiguo tempore tantos progressus fecit, rationem veram enodandarum ex antiquitate spinosarum juris questionum statim animo complexus, ut Jacobus Cujacius cum Tolosa ante undecim annos in Ulpiani titulos scriberet, jam tum testium reliquerit, Goveanum ex omnibus Juris Justiniani Interpretibus, quotquot sint, aut suere, unum esse, cui si quaeratur quis excellat, palma deferenda sit.

Primum Tolosae, deinde Divonae Cadurcorum, postea Valentiae, & Gratianopoli Jus Civile professus est. Belli Civilis causa e Gallia, quam unice adamabat, secessit Sabaudiam; cujus loci Duci Philiberto à secretis Consiliis fuit: ubi tandem ex immodico peponum esu mortem obiit an. 1565. Filium reliquit, à patris spiritu, & doctrina non degenerem, qui Caroli-Emmanuelis, Sabaudiae Ducis Consiliarius fuit, ac Erudita, & Legalia plura scripsit. Notandum tamen hic est, hunc Antonium Goveanum non confundendum cum Antonio Goveano, etiam Lusitano, Ordinis Eremitarum S. Augustini, ac deinde Episcopo apud Indos, qui patria lingua quaedam scripsit.

Scripta ejus, praeter Poetica, Erudita, & Legalia, quae multa, & cunctis commendata, sunt ex Philosophicis: *Critica Logices pars, certans cum Ciceronis Topicis. Responso ad Petri Rami calumnias pro Aristotele. Porphyris quinque vocum traductio Latina.* Gesnerus in Bibl. ait, Goveanum integram Aristotelis Organi conversionem promississe. De viro tam laudabili ita Konig. in Biblioth. Goveanus communi Doctorum suffragio hoc affectus est, ut & Poeta elegantissimus, & summus Philosophus, & praestantissimus Juris Interpretes haberetur. Autor Bibliothecae Delphinatae asseverat, illum fuisse accusatum, quod de Numine perperam Valentiae locutus esset, adeo ut ipsi incubuerit eam culpam à se depellere; quod & praestitit eximia Oratore, quae manuscripta quondam visa sunt in Bibliotheca Enemundi de Rabat primarii Praelidis in Senatu Gratianopolitano. Unde in Scaligerana posteriori à similibus calumniis ita defenditur: *Calvinus vocat illum Atheum, cum non fuerit: debebat illum melius nosse. Et in Scaligerana* i. sic jure laudatur: *Goveanus doctus erat Vir, & valens Dialecticus, optimus Poeta Gallicus: nec enim Hispanum judicaveris, adeo bene Gallice loquebatur.* Vide etiam Papir. Masson. in Elog. Jac. Cujacii: Schot. N. Ant. Ghil. &c.

LUDOVICUS SEPTALA

Sive *Septalius*, Mediolanensis Philosophus, ac Medicus excellens, corpore fuit proceri, praevalido, apteque constituto, facie gravi, ac rosea, crine subnigro, praelonga barba, primum sulva, deinde cana, ore hilari, saecundia singulari, morum suavitatem omnium sibi animos conciliante, quare omnibus, exteris etiam gratissimus fuit. Ludovici Septalii avi paterni, ac materni Joh. Francisci Ripae, insignium jurisconsultorum semitas primum se-

Tt

Clatus

status est. Sed rixosæ hujus vitæ pertæsus, foro se abdicavit, ac Philosophiæ, Medicinæque studiis se addixit. Propter magnam ejus doctrinæ famam Rex Catholicus Philippus III. ut ipsum ad se adduceret, Regii Historiographi munere decorare decrevit; ac Bavariz, Hetrurizque Duces, Venetæ Reip. nuncii, aliorumque Europæ Regnorum Principes, ipsum in proprias Academiæ, præmiis ultra seculi morem magnis, accersiverunt; sed frustra, nam patriæ, ac propriæ numerosæ familiæ suæ, quæ septem maribus, ac sex feminis componebatur, amore detentus in patrio solo est, oblatis sibi splendidis congiariis repudiatis. Verùm Philippus IV. Hispaniarum Rex an. 1628. amplissimo diplomate ipsum Protophyfici Generalis in Statu Mediolanensi excelsa dignitate donavit. Mox Apoplexia correptus, validissimo remediorum usu, sed nonnisi quadriennio post, evasit. Tandem ex ardenti febre, & alvi fluxu an. 1633. sive 1630. ut ex aliis, obiit octogenario major.

Mediolani Politices, ac Moralium Professor fuit; ubi scripsit, præter Medica, *Commentaria in Aristotelis Problemata, Politicam, & Ethicam. Politicam* etiam Italico sermone divulgavit; & *De Margaritis Judicium*. Vide Vapder Linden, Imperialem in Mus. Hist. Graßum in Elog. P. Castellani &c.

QUIRICUS STROZZI

Florentiæ ex nobili Patriciorum ordine natus, totius fere orbis peregrinatione celebris, Architectonica scientia, qua pollebat, celebrior, Peripatetica Philosophia, quam perfecte callebat, celeberrimus fuit. Aristotelis libris 8. de Rep. nonum, & decimum de suo addidit, qui adeo Stagiritæ spiritum redolent, ut ejus diceret, nisi Poëtarum versibus essent referti. Clementis quoque Alexandrini libros 8. Stromatum Latinos fecit. Græcarum literarum ac Philosophiæ, eximius Professor fuit primum Florentiæ, deinde Bononiæ, ac Pisis, ubi mortem obiit an. 1563. æt. 63. Vide Thuanum in Hist. Papir. Masson. &c.

BERNARDINUS TOMITANUS

Patavinus Philosophus, ac Medicus, in cujus Archigymnasio Logicen ad annos plurimos professus, celebriores sui ævi viros Petrellam, Commendonum Cardinalem, Zabarellam, aliosque erudit, peste tandem Tublatus est an. 1576. Scripsit, præter Eclogas, & Erudita, *Introductionem ad Sophisticos Elencchos Aristotelis, & brevem Methodum disciendorum Paralysmorum per divisionem, præter illa, quæ Aristoteles habuit in Elencchis. In Abenroë Contradictionum solutiones. Opusculum de Ideis, &c.* Joh. Imp. in Mus. Hist. Jac. Philip. Thomasin. in Elog. Wading. Gesner. &c. Alius ab hoc fuit *Bernardinus Tomitanus*, Franciscanus, qui sec. 15. floruit, & Alcetica quædam tantum composuit.

JACOBUS, ET JULIUS ZABARELLA

Ex illustri Zabarella familia Patavii orti sunt. Quorum Jacobus Julii pater S. R. Imp. Comes (quem spectosum titulum Maximilianus Imp. suis majoribus tribuerat) in omnibus Matheos partibus, maxime autem in Astrologia, & Philosophia excelluit, multis prædictionibus ab eo factis, & eventu probatis, suam in Astrologia peritiam confirmantibus. Impietatis, & Atheismi accusatus dicitur, quod Animæ immortalitatem oppugnaret. De quo ita Joh.

Joh. Imperialis in Mus. Hist. *Præterea impensus te aliquanto impugnasse Immortalitatem Animæ, deterrimam Alexandreorum sententiam palam professum: quos tamen de te rumores, ut forte ab exulceratis animis excitos, ita vel eluse posteritas, vel admirabili, ac prope divinis tuarum virtutum fama compensavit. Idem asserit, illum discipulis suis stellam quandam ostendisse, & eam sibi funestam fore prædixisse, & quidem paucis post diebus obisse. Ejus verba ibidem sunt: Ea quoque floruisse Mathematicarum scientia, præsertim quæ ad astrorum dijudicationem spectat, ut plerique tunc temporis tuis dictis, tanquam oraculi responsis, natalis sui, ac rerum suarum commoda, vel incommoda metirentur. Sane jampridem adsistente resertissima juvenum manu, fidus vespere commonstrasti micans in cælo, quod insectum tibi aliquid minari asseruisti: ac paucis debinc diebus, vere nimis summum vitæ tuæ contigit fatum; ab acerrimo scil. morbo omnium dolore confectus. Quod contigit an. 1589. Ejus exstant Opera Logica in f. Venetis edita. Et quidem in Logica peritissimus erat, ut de ipso cit. Imperial. ib. Fudisti unus Sophistarum turbas: veræ Philosophiæ dogmata coluisti: Peripati spacia ab innumeris, quibus scatebant, vepribus repurgasti, quæ licet videantur communia cum cæteris, tamen (quæ tibi propria laus est) Logicæ facultatis decore adeo nitescunt, ut, cum cæteris aditum disciplinis Logica muniat, tum vel hoc nomine tu scientiarum vindex nulli conferendus, omnibus præferendus esse videaris.*

Julius, Jacobi filius, Mathematicus, & Philosophus etiam Insignis fuit; sed ex libidinis venereæ, cui nimium indulgebat, usu, nervorum debilitatem incurrit, quæ ipsum lectulo fixit quinquennio ante mortem. Ejus Opera præcipua sunt: *Commentaria in libros Physicorum Aristotelis, & de Anima. De Naturalis scientiæ Constitutione. De tribus præcognitis. De medio demonstrationis, & de rebus Naturalibus lib. 30.* Thuan. in Hist. Thomasin. in Elog. Possevin. &c.

GULIELMUS XYLANDER

Vir doctissimus. & clarissimus natus est Augustæ Vindelicorum an. 1536.

Heidelbergæ Græcæ literas professus est, ubi & obiit an. 1576. æt. 40. ex Thuan. 44. ex Melch. Adam. Totam vitam tanta semper egestate transegit, ut raro opus ullum solicus fuerit absolvere prius, quam typographis venum traderet: tantumque lucubrando semper promoverit, quantum illi imprimendo abfolverent: sicque ex propriis lucubrationibus typographis venditis, ad victum sibi, & familiæ necessaria ministrabantur, ut ait Melch. Adam. in Vita. Opera ejus celebriora sunt: *Geometrica, & Astronomica varia. Dialecticæ Institutiones Apboristicæ Logices, & Mathematicarum. Adnotationes in Sleidanum de quatuor Imperiis. Plutarchi Opera cum adnotationibus. Strabonis Geographia, & Dionis Cassii Historia, cum adnotationibus, &c.*

Xylander magnus quidem vir, & in omni disciplinarum genere ita eruditus, ut paucos sibi pares in literis Græcis, Latinis, Hebraicis, Chaldaicis, in Astronomicis, Geometricis, Physicis, Arithmeticis, Musicis, cæterisque disciplinis Philosophicis haberet. A Vossio Vir eruditissimus appellatur: à Boissardo Vir varia eruditione refertus, &c. Valde quoque eum commendat Thuanus ad an. 1576. Huerius de Clar. Interpr. Jos. Scalig. Epist. 247. ad Salmasium, ubi errores, qui in ejus operibus forte notantur, ita excusat: *Causam Xylanderi ballucinationum nullam invenio, præter properantiam. Qui enim cum familiariter noverunt, ajunt, mercede invitatum à mercatoribus scripsisse, ut familiam aleret. Nam quemadmodum qui ejus eruditionem compertam habuerunt, per-*

insemitiam eum peccasse nunquam concedent, ita qui tenuitatem fortunarum ejus non ignorabunt, facile illa nuptiura excusabunt, atque condonabunt, quia neminem latet, eum summam vigiliarum suarum in celeritate posuisse: quæ finem modum sit, diligentia est; si fines migret, est præcipitatio. Immerito tamen à Thuano mors ei ex intemperantia accelerata dicitur; & in Scaligerana a. ebrius appellatur, etsi doctus; nam vitam sibi non intemperantia; non ebrietas succidit, sed continuæ, & ad vitam conservandam necessariæ lucubraciones cum immatura morte commutarunt. Xylander inter Hæreticos à Concilio Tridentino numeratur.

PETRUS NUNNEZ

Sive Nonnius, Philosophus, & Mathematicus excellens, ortus est Salaciæ, quæ Lusitanix urbs erat, nunc pagus, vulgo incolis *Alcazar de Sal* appellatus. Sec. 16. floruit circa an. 1570. Sed majorem ne gloriam Nonnio Lusitania dederit, quæ sapientibus suis quamplurimis viris mater, nutrix, & decus; alienigenis vero tutum refugium, & gratum domicilium semper extitit; an Nonnius Lusitanix attulerit sive multiplici doctrinarum genere, quibus erat ornatus, sive tot egregiis operibus editis, quibus æternam sibi famam comparavit; illi dicant, qui præclarum Lusitanix Regni nomen perpensum, & exploratum habentes, & Nonnii magnarum ornamenta virtutum, totius orbis conspectui sæpius objecta, commendataque, ex quibus exitium in patriam decus redundavit, acri judicio recolentes, æqua lance pendere satis erunt. Ex ejus Operibus præcipua sunt: *De Arte navigandi lib. 2. De Crepusculis lib. 1. Adnotationes in Aristotelis Problema Mechanicum de motu navis ex remis. Adnotationes in Planetarum Theorias Georgii Purbachii, &c. Vide Refendium in Antiqu. Lusitanar. Comm. Nic. Ant. Biblioth. Hisp. &c.*

FRANCISCUS TOLETUS

Natlone Hispanus, acerrimus Aristotelis propugnator, natus est Cordubæ an. 1532. quæ utriusque Senecæ, & Lucani natalibus clara fuit; de qua ita Martialis ad Licianum lib. 1. Epigram. 29.

*Duosque Senecas, unicumque Lucanum
Facunda loquitur Corduba.*

In Salmantix Universitate Philosophiæ, & Theologiæ operam dedit; ubi annos natus 15. publicus Philosophiæ Professor extitit, & quod alii vix in senectute assequuntur, hic in prima adolescentia promeruit. Hinc non immerito Salmanticense Gymnasium eum *Fidum, ac Subtilem Peripateticæ Philosophiæ Interpretem*, & Dominicum Sotus, suus inter cæteros præceptor, *Spiritum Monstruosum* appellare consueverunt. Societati Jesu deinde adscriptus, Romam missus est; ubi Philosophiam, ac Theologiam docuit tanta sui nominis fama, suiue animi virtute, ac probitate, ut pluribus Summis Pontificibus Sacri Palatii Orator, & Theologus electus, carissimus fuerit. Inter Christianos Principes lites composuit, ac præclara multa ad æternam sui nominis gloriam facinora patravit. Quare Clemens VIII. an. 1593. ipsum omnium ex Societate Jesu primum in S. R. E. Cardinalium Collegium cooptavit; *Magno more Societatis, extimescentis, ne aliis hoc exemplo aliqua ad ambitionem fenestra aperiretur*: verba sunt P. Ribadençira in Catal. Script. Soc. J. Triennio post indutam Purpuram satis concessit 14. Sept. 1596. æt. 64. ac in S. M. Majoris templo sepultus est.

Scriptit

Scriptis *Introduktionem ad Logicam*. In *Logicum Aristotelis*. In 8. lib. *Physicorum*. In lib. *de Generat. & Corrupt.* In lib. *de Anima*. In *Evangelium D. Job.* & alia multa ad sacram doctrinam spectantia. Ipsum, ejusque scripta digne commendant cit. Ribadenelra, & Alegambe de Script. Soc. J. Navarrus, Victorrellus, Ughellius, Nic. Erythraeus, Thuanus; & quod mirum, ipsi etiam hujus notæ scriptores haud benevoli, Molinæus, & H. Casaubonus. Scalligerana posterior sic paucis omnem Toleti laudem complectitur: *Toletus in Johannem bene scripsit, nemini obrepat*. Vide etiam Spond. in *Annal. Eccles.* Nic. Ant. Biblioth. Hisp. &c.

Notandum hic, me quidem non præterire, doctissimos Philosophos Suarez, Sanchez, Vasquez, aliosque pene innumeros, in hac inclyta, omnique ævo in Philosophia, & omni doctrinarum genere florentissima Societate Jesu, quam honoris, & observantiæ causâ semper nomino, exstitisse, quos vel numerare longum esset. Sed cum omnes in Peripatetica Philosophia excelluerint; quod de Toletis, aliisque horum primoribus dixi, vel dicturus sum, de reliquis brevitati, ut consulam, dictum velim.

Notandum præterea, omnes doctissimæ hujus Societatis Philosophos vulgo *Neutrales* appellari, eo quod nec Realibus, nec Nominalibus additi, purum Aristotelis textum interpretantur.

FRANCISCUS PICCOLOMINEUS

Senenfis ex illustri familia natus, Aristotelis sectator nobilis, cujus scientia ferme Universalis fuit, ratiocinium præstans, eloquentia copiosa, comitas incomparabilis, virtute, & moribus jucundissimus fuit omnibus. In Maceratenfi, Perusino, ac tandem Patavino Lyceo Philosophiam magna laude professus est, ubi Jacobum Zabarellam Collegam habuit. In Platonis quoque Philosophia eruditus maxime fuit; quam etiam Commemariis exornandam susceperat: dicere namque solebat, Platonis, & Aristotelis Philosophiam duos quasi oculos humani aciem intellectus dirigere, quorum alterutro si quis careat, Cyclopis instar in hac rerum universitate labatur, necesse est. Morte tamen præventus inceptum laudabile opus perficere non potuit. Patriam enim visendi gratia domum rediit, ubi pluribus ad Magnum Hetruræ Ducem legationibus perfunctus, doctrina, honoribus, & fama clarus obiit an. 1604. æt. 84. Ejus scripta præ cæteris clara sunt: *Universa de Moribus Philosophia*. *Universa Naturalis Philosophia*, &c. Thomasi de Vir. illustr. Imperial. in Mus. Hist. Gbilin. Teatr. d' Huom. Letter. &c.

Fuit & alter *Franciscus Piccolomineus*, ejus nobilis familiæ, ac inclytæ Soc. Jesu, cui fuit adscriptus, ornamentum ingens, in qua Philosophiam, ac Theologiam primum docuit, deinde Generalis VIII. Minister electus an. 1649. gloriose obiit an. 1651. ætat. circiter 69.

Nec reticendum ejusdem præclaræ familiæ decus *Alexander Piccolomineus* Patrum Archiepiscopus, & Senarum Coadjutor, qui Philosophus, Orator, Poëta, & Mathematicus fuit illustris; cujus Opera sunt: *La Filosofia Morale*. *La Teoria de' Pianeti*. *L' Istruzione dell' Huomo*. *L' Istruzione del Principe Cristiano*, *Della Grandezza dell' acqua, e della terra*. *La Sfera Tesoro dell' uomo*, &c. Ejus etiam est Opusculum de restitutione Calendarii à Gregorio XIII. Pontifice rentata; quod jussu Francisci Medices Magni Ducis divulgavit. Obiit Senis a. 1578. æt. 70. & in Cathr. Ecclesia sepultus est. Vide etiam Voss. de Maribus.

Benedictinus Cormœriacensis, natione Gallus, vlr doctissimus, & Polygraphus si quis alius, claruit circa an. 1551. Aristotelis Ethicam Latinam fecit, & Commentariis illustravit. Quod item fecit in lib. 8. Arist. de Rep. sive Politicorum; quibus Observationes, & argumenta adjunxit. Arist. Categoriae: de Interpretatione: Prædicamenta, Analytica utraque: Topicorum libri, & Elenchi ab eo conversi extant, & Adnotationibus illustrati. De Dialectica libros 3. etiam scripsit, una cum Orationibus in P. Ramum, accerimur Aristotelis oppugnatorem, & cum Commentariis Cœlii Secundi Corionis, qui eosdem libros Dialecticos in Compendium redegit, junctim excusos. Vertit præterea ex Arist. lib. 8. de Natura: De Anima lib. 3. De Cœlo lib. 4. De Ortu, & Interitu libros 2. Parva, quæ vocantur Naturalia: Meteorologicorum libros 4. adjectis in singulos adnotationibus suis. Porphyrii Institutiones 5. vocum. Accedit liber Ciceronis de Universitate, conjunctum cum ea parte Timæi Platonis, cui respondet: itemque Arati Phænomena quæcumque exstant à Cicerone conversa. De Vitis, & rebus gestis Christi, Virginis, Patriarcharum, & Apostolorum. Topicorum Theologicorum lib. 2. Præterea Orationes plures. Conversiones à Græco in Latinum Dionysii Areopagitæ Operum cum Vita; Ignatii, Polycarpi Epist. &c. Quæ cuncta enumerat Gesnerus in Biblioth.

SEBASTIANUS FOXIUS MORZILLUS

Hispalensis, ubi natus est an. 1528. In Hispania, & in Belgio Philosophiæ, omnisque generis elegantioris literaturæ studiis eruditus est; & annos natus vix 20. optima quædam, & erudita edidit. Tanti viri igitur præclara fama permotus Philippus II. Hisp. Rex, ipsum ad se accivit, ut Serenissimi Caroli sui filii præceptor esset. Foxius ad Regi parendum promtor us esset, & citius ad Regis Aulam perveniret, navim conscendit, qua naufragium faciens, in primo juventutis flore, & nos spe majorum operum castos reddidit, & ipse nedum meliorem fortunam, sed vitam etiam in aquis perdidit. Ejus edita opera sunt: De usu, & exercitatione Dialecticæ. In Topica Cicer. Paraphrasis. De Honore. De Juventute. De Regno, & Regis institutione lib. 3. De natura Philos. seu de Platonis, & Aristotelis consensione lib. 5. De conscribenda Historia. In Platonis Timæum, seu de Universo, Commentarius. In Phædonem. Exercices Philosophiæ Compendium. De Demonstratione, &c. Andr. Schot. & Nic. Ant. Biblioth. Hisp. Le Mire de Script. sec. 16. Naud. Bibl. Polit. Possévin. &c.

GERARDUS-JOHANNES VOSSIUS

Palatinus patria, sive Archipalatinus, eloquentia, & eruditione seculi hujus inter principes. Natus an. 1577. Dordraci literis incubuit cum Erycio Puteano. Dein eruditæ linguarum notitia exacte imbutus, præcipuas Europæ urbes in vixit, ubique magna veneratione cultus. Reversus Dordraci, Lugduni Batavorum, & Amstelodami docuit. Obiit an. 1650. Ex Hofmanno in Lex. Vossius licet Philosophiam speciatim non fuerit professus; inter Philosophos tamen jure merito recensendus, tum quod Philosophorum placita cuncta noverit, tum præcipue quod de Philosophia, ejusque Historia bene meritus fuerit elegantissimo libro à se conscripto De Philosophia, & Philosophorum Sectis, de quo id tantum dolendum, quod sicuti cœperat, non absolvit. Ejus siquidem filius

filium ipsum edidit: & quamvis deinde recusus cum supplemento Joh. Jacobi à Ryffel, Lipsienfis an. 1690. fuerit; imperfectus tamen ab eruditissimis censetur. De hoc Vossii libro ita doctissimus Morhofius Polyhist. 2. *Nemo majore cura accessit ad Philosophiam omnem, & ejus Historiam, tum qua Historiam, tum qua dogmata è fontibus, & incunabulis suis arcessenda, &c.* Plenior vero de Barbarorum Philosophia notitiam nobis dedit in elegantissimo suo *De Theologia Gentili, & Physiologia Christiana, sive De Origine, & Progressu Idololatriæ* opere; quod ex variis variarum religionum, & scientiarum scriptis, summa diligentia, & eruditione prorsus singulari congestit. Inter Philosophica ejus Opera etiam est *Liber de Natura Logices*.

Reliquæ ejus Opera omnium manibus versata, & omnium ore commendata, omnique eruditione refertissima sunt: *Grammatica Latina. Rhetorica. De natura Rhetorices. Institutiones Poeticæ. Etymologicon Latinae linguae. De Historicis Græcis, & Latinis. De quatuor Artibus Popularibus. De Scientiis Mathematicis. Tractatus de Glossematibus, vitiisque Latini sermonis. Theses Theologicæ. Harmonia Passionis Christi. Historia Pelagiana. Tractatus de Baptismo. De tribus Symbolis (quod prohibitum). De Arte Historica. Chronologia Sacra Isagoge. Tractatus duo de cognitione sui, & de studiorum ratione. Institutionum Oratoriarum lib. 6. &c.* Quæ omnia conjunctim prodierunt Amstelod. Tom. 6. fol.

Filius habuit eruditione, & scriptis celebres quinque, Dionysium, Franciscum, Gerardum, Isaac, & Marthæum; cujus filius fuit Gerardus junior. Religione hæreticus fuit noster Vossius: aliquando enim Remonstrantium partes secutus est: verum Andr. Rivetus in examine Animæ Hug. Grotii p. 68. testatur, eum ab Arminianis iterum ad Calvinistas transiisse. Hinc de eo Joh. Card. Bona: *Job. Ger. Vossius omni doctrinarum genere, omnique eruditione mirabiliter excultus. Utinam Oribodona Fide imbutus fuisset.* Ejus in eruditione laudes pene innumeras, omnium etiam Criticorum ore celebratas, consulo prætermitto. Vide Konig. Joseph. Scaliger. Casaubon. Grot. Baud. Bochart. Jonf. de Script. Hist. Phil. Salmaf. Eryc. Putean. Valer. Andr. Bibl. Belg. &c. Multæ Vossii vitæ circumstantiæ videri possunt in ejus literis, Londini editis a 590. Vossii tumuli hæc fertur inscriptio:

*Hoc tumulo plorat Pietas, & candida Virtus,
Et luctu Pallas saxeæ dirigit.
Idida mors vides, vider quoque Vossius illam,
Dum calamo mortem vincit, Et ingenio.*

ANGELUS CESI, SIVE CESIS

DUX Aquæ Spartæ, &c. ex nobilissima, ac vetustissima familia Cesis, inter Romanas celeberrima, ortus Romæ ex patre Frederico, magnam sibi in literis, ac literarum patrocinio gloriam comparavit sub Urbano VIII. circa an. 1625. & 1630. Ut enim celeberrimos sui ævi literatos ad duras virtutis cursum promotores, & alacriores redderet, *Lyncæorum Academiam*, omni ævo commendatissimam, Romæ instituit, quod in suo quique scientiarum genere eruditi ad optima quæque nova inveniendâ, difficilia capeffenda, alioque in literis erudiendis, mutua æmulatione, gloriæque ambitione perquam facile ducerentur. Philosophiæ, Mathesi, ac præcipue Mechanicis, penitiori Literaturæ, sed omnium maximæ Physicæ totum se devovit. Ex ejus Operibus præcipua sunt: *Apicarium. De Cælo. Metallophytum. Tabulæ Philosophicæ.*

Ma-

Moralia. Paradoxa. Monita, &c. Leo Allat. in Apibus Urban. Jan. Nic. Erythraeus. Plinac. Imag. illustr. 3. c. 25. &c.

BENEDICTUS PERERIIUS

Soc. Jesu, natione Hispanus, patria Valentinus, natus est an. 1535. Dicendi Artem, & Aristotelis Philosophiam publice Romæ docuit, magno auditorum concursu, & plausu. Deinde D. Thomam multos annos interpretatus est, ac Sacras Literas explanavit, & editis Commentariis illustravit. Romæ, ubi semper vixit, obiit an. 1610. æt. 75. Scripsit, præter *Commentarios in Sacra Biblia, lib. 15. Physicorum, sive De omnibus omnium rerum naturalium Principiis, & Affectionibus*. Opera ejus omnia Tom. 2. in f. extant, quæ commendantur à Possevano, Alegambe, Lambecio, Rich. Simone, aliisque, sed carpuntur in Scaligerana posteriori, & à Casaubono.

OBERTUS GIPHANIUS

Sive, ut alii scribunt, Hubertus Giphanius, Burenfis Batavus, natus a. 1534. et si Jurisconsultus, inter Philosophos tamen numerari meretur, tum quia Philosophiam Argentorati docuit, tum etiam quia, præter Historica, Erudita, & Legalia multa, *Commentarios in Aristotelis Ethicam, & Politicam* edidit. Aldorsii quoque & Ingolstadii Jurisprudentiam professus est; ac tandem in Aulam à Rodolpho II. vocatus, Consiliiarii Cæsarei titulo decoratus est. Pragæ obiit 1609. Philosophi item nomine insignitur ab aliis. Sic enim de eo Thuanus: - - - *Dein totum se Juris scientiæ, ac Philosophiæ studiis mancipavit, & vocæ, & scriptis rem literariam multum promovit.* Et Quensted, ac Georg. Remus in epist. ad Joh. Casellum: *Hubertus Giphanius, Aulæ Cæsareæ Consiliarius, Jurisconsultus, & Philosophus celeberrimus, scriptis doctissimis notus, &c.* Mejer. in Præfat. ad Analys. Polit. Aristotelis sect. 47. *Non tam veræ Religionis, quam veræ Philosophiæ perpetuus, ac strenuus assertor extitit.* Ant. Teissier in Elog. Vir. Erudit. Gall. *Hubertus Giphanius Jurisperitissimus erat, in Philosophicisque & politicis literis eruditissimus. Plura scripta in publicum emisit, quæ sagacium Criticorum existimationem promeruerunt. Ejus Commentarii in Aristotelem præstantissimi sunt, &c.* Vide etiam Thomaf. de Plag. sect. 4. & 5. Huët. de Clar. Interpret. Scioppium, qui eum Juris Asylum, Germaniæ Solem, Jurisconsultorum suæ ætate principem vocat, ac de quo melius sit tacere, quam pauca loqui. Jos. quoque Scallig. Barth. Conring. Scaliger. a. Gall. Valer. Andr. Bibl. Belg. &c.

JULIUS PACIUS.

Non pauci ex Jurisconsultis sunt, qui quoniam in Philosophia etiam celeberrimi, inter Philosophos jure merito sunt recensendi. Et quidem, doctissimus Merillius in primis Legalium suarum Observationum capitibus aperte ostendit analogiam Jurisconsultos inter, & Philosophos; unde & eos invicem subæmulos vocat; ac sicut Philosophos, ita & Jurisconsultos in varias sectas abisse. Inde ait, horum quosdam Stoicos, quod à rebus gerendis non abhorrent, secutos fuisse; atque eos in regulis brevibus, ac circa verborum originem, & proprietatem, atque alia multa sollicitudinem æmulatos; in quorum numerum Proculianus refert, eorumque Principem Labeonem, Tuberonis auditorem, cum Chrysippo comparat; cujus etiam subtile disputandi genus secu-

secutum asserit : unde & tot apud Proculejanos juris subtilitates , & stricta disputandi ratio. Contra vero Sabiniani proportionem Geometricam , atque alia secundum Academicos , sicut Proculejani Arithmeticam secundum Stoicos , sequebantur . Alii denique aliorum Philosophorum doctrinam sectati sunt .

Sed ad Pacium redeamus . Philosophus hic , Jurisconsultus , Hebraice , ac Græcæ linguæ , atque liberalium fere omnium artium eruditissimus , natus est Vicentiæ a. 1550. Patavii Philosophiæ , & Jurisprudentiæ operam dedit . Tredecim annos natus Arithmeticam concinnasse dicitur . Patriam rediens , Episcopo delatus , quod prohibitos libros legeret , ut ejus judicium vitaret , ad Helvetiam fugit . In Heidelbergensi Universitate , ut victus necessitati prospiceret , Philosophiam docuit . Tum Beriga vocari voluit , ducto nomine à domo , quam Paciorum familia rursi prope Vicentiam habebat . Inde Germaniam , & Pannoniam venit , ubi Jurisprudentiam professus est . Postea Galliam petiit , & Sedanensi Universitati præfuit , quam diligenti studio , & doctrina insignem reddidit . Hanc tamen relinquere coactus propter bellum , quo Gallia premebatur , in Sabaudiam migravit : inde in Galliam Narbonensem , vulgo Linguadocam , reversus , Nemausum venit , & in Montis Pessulani Universitate Jura docuit : ubi cum celebri Peiresce amicitiam iniecit , ejus ope , & consilio Aquensem Civitatem , quæ Provinciæ Metropolis est , se contulit , ut juvenes in disciplinis erudiret . Sed majoris stipendii causa Valentiam ad Allobroges , sive Delphinatustransivit , ubi à Rege Consiliarii munere insignitus est . Ejus tamen præclaræ virtutis fama in Europam omnem diffusa , magnis congiariis à Batavis , Pissæis , Venetis potissimum , Patavium professor accessitus , reliquis prætermisissis , ut patriæ gratificaretur , Patavium elegit , magno Italorum fere omnium concursu in hoc celebri Lyceo docens , ubi suus etiam filius Cathedram à Venetis est consecutus , & ipse , composito *Libello de Jure Maris Adriatici* , Equestris Ordinis S. Marci insignibus decoratus est . Sux denique familiæ , quam Valentia relinquerat , precibus adductus , Valentiam reversus , ad annos aliquot solito more docens , ibidem obiit a. 1637. æt. 85. Ex continua hac tot Academiarum peregrinatione Inconstantis nota à plerisque affectus est . Quare ingeniose nimis lepido hoc disticho amicus quidam ludens ait :

Italia dat cunas tellus , Germana famam ,

Gallia jus civis . Dic mihi quæ patria ?

Sux vitæ compendium eleganter expressit ipse Pacius in Elegia , quæ incipit :

Urbs genuit , Venetia condens quam Gallus in oris ,

Hæstibus à victis nomen habere dedit , &c.

Præter Legales multos , ac vere aureos ejus libros , scripsit etiam Philosophicos , qui sunt : *Institutiones Logicæ ad usum Scholæ Sedanensis . Organum Arist. Gr. Lat. cum Notis . Idem cum Notis , & Commentariis . Rudimenta Logicæ . Physici lib. 8. Gr. Lat. cum Comment. Libri de Cælo Gr. Lat. cum Comment. Doctrina Peripatetica libri 3. Logicus , Physicus , & Politicus . Logica Disputationes . Aristoteles de Cælo cum Notis perpetuis . Scripsit præterea de Arte Lulliana , cujus axiana in compendium redegit , ac felici eventu exercuit , quorum etiam ope memoria tenacissimus fuit eorum , quæ nativa , & ingenio summa facilitate perceperat . Neque mirum , fuisse Pacium Peripateticum , & item Chymicum : non pauci namque fuerunt , qui etiam ex professo Peripatetici fuerint , Chymicam etiam Artem professi sunt .*

Julius fratrem habuit *Fabium Pacium* , Philosophum , & Medicum suæ ætatis celeberrimum , natum septimestri partu a. 1547. Suas Facultates in patria docuit . A Ticini , sive Papiæ , & Meisani Universitatibus , ut Professoris

munus obiret, & à Polonia Rege, ut suus Archiater esset, accersitus, omnia hæc patriæ, & familiæ amor posthabuit, Vincentiæ ad mortem uique permanens, quæ contigit 11. Octobr. 1514. æt. 67. Scriptis plura, quæ non adhuc sunt edita.

P E T R U S F O N S E C A

N Atione Lusitanus, patria Visensis, adolescens annos natus 20: Societatem Jesu semper inclytam a. 1548. ingressus, ejus instituta, mores; doctrinam. sanctitatem sectatus, decus, quod ingens primum à nunquam satis laudato Lusitanæ Regnò, inde à semper laudabili Societate ipse tulit; majus in patriam, & Societatem literis retulit, & probitate. Gravioris itaque disciplinas, quas in ea didicerat, laudabiliter in eadem professus est. Vir fuit eximio ingenio, judicio acri, prudentia in gubernando singulari: ejus non mediocre specimen dedit, cùm Conimbricensis Collegii Rector, Domus Professæ Olyssiponenfis Præpositus, Societatis Romæ Assistent, ac denique Lusitanæ Provinciæ Visitator fuit; ubi Catechumenorum domum; puellarum, in pudicitia manentium periculo, domicilium; Orphanorum, & egentium asylum, S. Marthæ Monasterium, atque alia pietatis opera, ejus potissimum industria facta, & sanctis legibus stabilita, Lusitana Resp. ad maximam sui populi utilitatem tenet, posita, admiratur. Quare tanti viri pietatem, doctrinamque miratus Philippus II. Hisp. Rex; ipsum inter alios elegit, quos in Lusitanæ Regno-qualificensores, morumque reformatores esse voluit, atque Japonis Episcopum primo loco nominavit. Gregorius quoque XIII. P. M. tanti Fonsecam fecit, ut ei non solum ad Societatem, sed etiam ad commune Catholicæ Ecclesiæ utilitatem spectantia graviora negotia commendaret: Sed Eboræ Olyssiponem ad Provinciale Societatis Congregationem vocatus, ibi ad feliciorem vitam abiit annos natus 71. Chr. 1619.

Ejus in Philosophia commendatissima Opera sunt: *In Isagogen Porphyrii. Dialectica lib. 8. Commentaria in Metaphysicam Aristotelis*, quam à Græco in Latinum ipse vertit, & Tom. 3. comprehendit. Alegambe de Script. Soc. Jesu. Balthazar Tellez Chron. Prov. Portug. Soc. Jesu l. 2. c. 37. Nic. Ant. Bibl. Script. Hisp. Le Mire de Script. sec. 17. &c.

F R A N C I S C U S P A V O N I

M Agnum ejusdem Societatis ornamentum, natione Calaber, patriam sortitus est Catacium, celebrem, atque amplam Calabriae Ulterioris in Regno Neapolitano urbem. Literis valde, pietate maxime insignis, Philosophiam Neapoli in almo Societatis Collegio docuit: ubi celebrem Sacerdotum Congregationem ad Christianorum mores reformandos instituit, cui ipse plures annos cùm præfuit, Christi milites ad animarum salutem verbo, & raræ suæ sanctitatis exemplo roboravit, & ad humani generis hostes perdendos missos voluit. Et quidem quomodo Christi fideles (si fides, juxta Pauli dictum; ex auditu) audient sine prædicante, & quomodo prædicabunt, nisi mittantur? Unde Sacerdum Missionum Congregatio vulgo audit; ejus illud sanctum, ac salutare institutum semper fuit, & ingenti etiamnum fervore perseverat, ut ad quemlibet hujus Regni Episcoporum nutum Sacri illius Congregationis Sacerdotes propriis sumptibus ad Christi messiem operarii mittantur. Tandem doctrina, & pietate clarus Pavoni sanctissime obiit an. 1637. Ejus edita Opera sunt: *Summa Ethica. Introductio in Sacram Doctrinam Pars 3. Tractatus de Ethicis, Politicisque*

ticisque alienis. *Commentarius Dogmaticus, sive Theologica Interpretatio in Pentateuchum; in Evangelium, &c.* Vide Aleambe de Script. Societ. Jesu, Le Mire de Script. seculi 17.

CÆSAR CREMONINI

Peripateticus insignis, itaut *Genius Aristotelis, & Græcorum Interpretum* Lucerna diceretur, genere Mutinensis fuit. In Ducis Cæsaris Atellini Aula cum Patricio, Tasso, aliisque doctis viris primum vixit. Ferrariæ inde docuit; postea Francisci Piccolomini successor in Patavino Gymnasio. Philosophiam professus est annos 40. Vultu severus erat, invidus, maleficus, & maleficus, simulator, & quod pessimum, irreligiosus, ut ex ejus *Tractatu de Anima* cognosci potest, in quo ipsam; non secus ac brutorum, corruptibilem esse asserit. Ejus edita scripta, præter dictum *Tractatum*, sunt: *De Cælo. De Sensibus. De Calido Innato. De Semine. Dialectica Opus Posthumum.* Ex impia sua doctrina, quam; Aristotelem in deambulando imitatus, docebat, nonnisi æternam sui nominis infamiam adeptus est; ejusque libri non Bibliothecarum ornamentum, sed Bibliopolarum inutile pondus facti sunt. Obijt a. 1630. æt. 80. cum Patavium peste affligebatur.

JOHANNES GARNIER

Inclytæ Soc. Jesu ornamentum ingens, natus Parisiis an. 1612. primum humaniores literas, & Rhetoricam, deinde Philosophiam 10. annorum spatio Parisiis, alibique, ac tandem Theologiam annis 26. summa laude professus est. Vir fuit literatura omnigena, ac pietate insignis, Theologiæ præsertim, quam Moralem vocant, callentissimus; quapropter de rebus ad animæ salutem pertinentibus vogue consulebatur. Romam ad Societatis negotia componenda missus, Bononiæ vix pertingens ægrotavit, ac 15. ægrotationis die ad plures abiit an. 1681. Scripta ejus Philosophica sunt: *Organi Philosophiæ rudimenta. Theses de Philosophia Morali.* Exstant præterea & alia plura varii argumenti ad res sacras, & eruditionem pertinentia. Vide ejus Elogia à P. Hardouino collecta, & ejus Operibus præfixa.

PETRUS PETITUS

Medicus Parisiensis, & Academicus Patavinus, magnæ literaturæ vir, in Historia, & Poësi potissimum claruit sec. 17. itaut inter celebriores sui ævi Poetas haberetur. Philosophiam etiam maxime coluit; scripsitque Philosophicis *Tractatus* tres: *De Motu animalium spontaneo*, in quo partim Aristotelis de motu hujus principio sententia illustratur, partim nova muscolorum motus ratio indagatur. *De Lacrymis. De Lumine.* Præter hos tres *Tractatus*, & versus plurimos, & elegantes, ad Historiam, Eruditionem, & Artem Medicam spectantes alios concinnavit, & publici juris fecit; quales sunt: *De Amazontibus. De Sybilla, &c.* Quedam etiam ejus Dissertationes manuscriptæ ab hæredibus servantur. *De Spiritu Hominis. De Anthropopagis. De Nepenthe Homeri. De Nymphis. De Cruce. De Religione Christiana.* Hoc Petico Epitaphium M. de la Mannoje composuit.

Par tribus unus erant Medicus, Vatesque, Sepsusque,

Unus & ætate dignus obire trium.

*Par tribus at quamvis fuerim, mihi vix tamen, eben?
Unius ætatem fata dedere viri.*

JACOBUS THOMASIUS

Lipſienſis, ejuſdemque Academiæ Eloquentiæ, & Philoſophiæ Profeſſor, Re-
ſtorque Scholæ ad Thomam, vir eruditiffimus, Hiſtoriæque Philoſophicæ
deditus maxime, in qua egregia ingenii monimenta dedit. Stoicam doctrinam
illuſtravit Diſſertationibus ſuis Stoicis, habitis Lipſiæ 1676. 4. Doctores Schol-
aſticos Latinos expoſuit Diſſertatione perbrevis peculiari, ibidem, atque eodem
anno impreſſa in 8. In hac primas doctrinæ Scholaſticorum origines optime
omnium pertrahavit. His adduntur Orationes 12. de Seſſa Nominalium, &
15. de Syncretiſmo Peripatetico. Quomodo autem philoſophati ſint gentiles ex
principiis variis, & ad variam, vel ipſius Dei, vel aliarum rerum nobiliſſi-
marum cognitionem pervenerint, idem expoſuit in Schediaſmate Hiſtorico, aliſſi-
que Diſſertationibus ſuis, quas Hæc conjunctim filius multo doctiſſimus edidit.
Conſer Lipſienſes ad an. 1693. m. Sept. p. 428. Ita de ipſo Joſ. de Script. Hiſt.
Phil. lib. 3. c. 30. n. 11.

JOHANNES SETONUS

Philoſophus Peripati deſenſor acerrimus, qui omnem ſere vitam in Ariſto-
telis libris legendis tranſegit, atque in ejuſdem Metaphyſicam lib. 12. Com-
mentariorum, qui nimis commendantur, ſcripſit; Oxoniienſis Univerſitatis
dicitur à Morery. in Lex. Hiſt. Cantabrigienſis vero à Gæſnero in Biblioth. qui
etiã eum *Erotemata Dialectices* ſcripſiſſe ait, Londini impreſſa 1545. atque
circa an. 1538. vixiſſe. Vide. Plt. de Illuſt. Angl. Script. Leland. &c.

JACOBUS SKEKIUS

UT ſcribit ſæpe laudatus Morery; ſive Schegkhus, ut vult Vander Lin-
den de Scripte. Medic. ubi de eo hæc ſubdit: Natus eſt Sborndorffis, Wi-
tembergico Oppido d. C. 1511. Patre Bernardo Dogem, vulgò dicto Scheg-
kio, viro plebejo quidem, ſed honeſto. Anno 1529. Tubingæ Magiſter Philoſo-
phia creatur, & paulo poſt eadem in Academia Profeſſor publicus conſtitutus
eſt. Biennio poſt, nempe 1531. Theologiæ quoque operam dare cepit; & poſt il-
luſ demum tempus Medicinæ ſtudia amplexus, Medicinæ Doctör 1539. renuncia-
tus eſt. Abundè Medicinam quidem docuit, ſed nunquam publice exercuit; ab
amicis vero conſultus, ſaluberrima conſilia præſcripſit; idque ob imbecillitatem
oculorum nativam. Anno enim 1577. viſu penitus privatus, per integrum de-
cennium ſtudia majori alacritate proſecutus eſt, & pleroſque Tractatus ſuos demum
didit; intra quod temporis ſpatium eum quidam Ophthalmicus ſe ei uſum re-
ſtituere vellent, reſponſiſſe fertur, ſe multa in vita viſiſſe, quæ maluiſſet non
videre; optareque ſe etiã ad nonnulla ſurdum fuiſſe. Anno 1586. percuſſus
Apoplexia, per totum nihilominus annum ſtudia ſolita tractavit, donec obiit
9. Maii 1587. æt. ſuæ 76.

Scripta ejus Philoſophica ſunt: *Dialogus de Anima principatu*; in quo
Ariſtoteſis, & Galeni rationes proferit, quibus ille cordi, hic cerebro princi-
patum attribuit. *Tractatus Phyſicæ, & Medicæ. Commentaria in Ariſtoteſis
Phyſica, & Ethica, Organum, Topica. De una perſona, & duabus naturis
in Chriſto adverſus Anri-Trinitarios.* Ejus opera Medica vide apud cit. Vander
Linden. Melchior Adam, &c.

Sed antequam hunc capituli colophonem imponamus; notanda quædam hic sunt ex Joh. Francisco Buddeo in Hist. Phil. succincta delineatione, ubi pag. 70. LUTHERUM Scholasticis Nominalibus adscribit, ægens de ipsis: *Consequere Gregorius Ariminensis, Gabriel Biel, & plerique Ordinis Augustinianorum; unde & Lutherus; imò & alii ex religionis, & bonarum Artium restauratoribus (verius, aptiusque dixisset, perturbatoribus) eandem sententiam secuti sunt.* Et pag. 75. Peripateticis non Scholasticis, sed puris accenset sequentes, ubi ait: *In Aristotelem licet non equior esset in Germania Martinus Lutherus, quam in Scholasticos: PHILIPPUS tamen MELANCTHON pro Aristotele stetit; ejusque Philosophiam humanioribus quodammodo liberis conspersam, & temperatam, facili, ac perspicua methodo tradidit: nec tamen Aristoteli ita adhæsit, ut non subinde ab eo discederet. Hanc philosophandi rationem, Italorum exemplo, secuti sunt quidam, qui contra Scholasticos certantes, Aristotelis textum purum, & incorruptum reducere conati sunt. Ex his fuerunt Cornelius Martini, Phil. Secherbius, Michael Picartus, Ernestus Soterus, Christoph. Drejerus, Melchior Zelderus, Joh. Zeisfeldus, Hermannus Conringius, Joh. à Felder, aliique.*

Illud tamen non præteream, quod habet ibidem cit. Buddeus pag. 76. ubi aliam Philosophiæ sectam memorat, quam vocat MOSAICAM, & CHRISTIANAM, sicajens: *Quidam omnium gentium Philosophis rejicit, Philosophiam veram ex Scriptura Sacra, cum primis libris Moïsticis, putandam esse, asserunt. Quam Philosophiam Mosaicam, & Christianam dixerunt: quam professi sunt Liberius Fremondus, Caspar Mauritius, Ludovicus de Beaufort, Joh. Crellius, Conradus Aslucius, Joh. Amos Comenius, Joh. Bægerus, Lambertus Danicus, Thomas Bânetus, Detlevers Cluversus, Edmundus Dickinsonus. Verum cum plerique istorum aut jam alterius Philosophiæ placitis imbuti sint, aut propriis hypothesibus secum adferant, & ipsam Scripturam Sacram, & Historiam Moïsi accommodent, non magno opere inter se dissentiunt.* Et pag. 77. Scitam refert Cabbalisticam, de qua, sic: *Ab his distinguendi sunt, qui Cabbalistica Judæorum arcana rimati sunt; quorum quidam ea cum Platonis, alii cum Pythagoræ placitis conjunxerunt. Ex primis fuere uterque Picus Mirandula; ex secundis Joh. Reuchlinus, Henricus Morus, Franciscus Georgius Venetus, Henricus Cornelius Agrippa, aliique. Verum quoniam Cabbalistæ omnes vel Chymici, vel Platonici, vel Pythagorici, vel aliis sectis addicti sunt: ideo de singulis in suis locis actum, vel agendum est. Quæ autem Cabbalæ scientia sit (quæ apud Judæos etiam ante Christum floruit, & à Pythagoræ, ac Platonis doctrina derivasse videtur) videri possunt Reuchlinus, aliique cum ipso modo citati, Cassapellus, Joh. Morinus, Richardus Simon, P. Kircherus Tom. 2. *Edip. Egyptiaci; Frâdatus, quibus tituli: De Cabbala, & Verbo Mirifico. Ars Cabbalistica. Urna Manna. Liber Jezira. Porta Lucis Pici Mirandulani, &c.**

De Aristotelicis autem puris hæc habet p. 75. *Plurimi tamen, rejecta Scholastica Philosophia, Aristotelem ipsum ducem, magistrumque elegerunt, magno studio in Scholas, & Academiis eum reducentes. Tales ex Italis fuere Caspar Cremoninus, Petrus Vistorius, Antonius Montecatini, Cyriacus Strozza, Alexander, & Franciscus Piccolominiæ, Jacobus Zabarella. In bonorum nonnullis Atheismum Aristotelicum, maximamque sententiarum impietatem vivi docti obseruaverunt. Sed his Peripati reformatioribus (-de quorum præcipuis jam supra egimus) accensendus maxime est Petrus Joh. Nunnæus Valentinus (alter tamen à Petro Nunnez, sive Nonnio Lusitano, de quo supra) quem refert, & laudat Jonsius de Script. Hist. Phil. lib. 3. c. 36. n. 1. his verbis: *Apud Bærginonenses foris PETRUS JOH. NUNNÆUS, Valentinus, qui præter summam elo-**

quentia laudem, propter quam, teste Miræo lib. de Script. sec. 16. cap. 133. *stipendio magno à Barcinonensibus accersitus, etiam in rebus Philosophicis nomen, famamque adeptus est.* In primis autem Peripateticam illustravit historiam, habita primo De causis obscuritatis Aristotelis, earumque remediis, non in elegantia Oratione, in qua non solum laudes Philosophi, sed ejus etiam defectus, & errores exposuit, ita tamen, ut facillior, & indulgentior fuerit ceteris omnibus, qui Aristotelem reprehendunt. Vitam deinde Aristotelis ab Ammonio, sive Job. Philopono descriptam, erudito Commentario instruit, in quo de moribus hujus Philosophi, de ratione philosophandi, de scriptis item, auditoribus, & successoribus egit; cui adjuncta quoque est ejusdem Philosophiæ Peripateticæ Institutio, sive de recta, atque utili ratione conficiendi curricula Philosophiæ Peripateticæ Tractatus. Quæ omnia cum modo allegata Oratione, curante Holstenio, Lugd. Batav. retusa sunt 1621. . . . Ad hæc Procli Cresomatiæ Poeticam non inodolus evolvit scholæ. Lucis autem plurimum adferre potuisset Historia suo De Claris Peripateticis libello, quem scripsisse fateatur ipse suis in scholæ ad dictam Aristotelis vitam pag. 153. Sed is nunquam compa-ruit. Obiit obsequarius prope 4. Id. Martii an. 1600.

Et de Peripateticis universis hæc dicta sufficiant. Fateor quidem, me non plures, sed plurimos præterisse, eorum præcipue, qui Monasticum aliquod vitæ institutum professi sunt: sed neminem profecto consilio præteritum Ingenue assero, eorum saltem, qui majoris famæ apud suos fuerunt. Quis tamen innumeros numeret? Satis sit dixisse, Franciscanos omnes Scotam, Dominicanos D. Thomam sequi; reliquos vero singulorum Ordinum alios Sententias, alios Thomistas, Nominales alios, præcipue Augustinianos, Jesuitas denique Neutrales esse, ut supra etiam diximus. Ab his autem omnibus Scholasticis tot edita sunt librorum milliaria, ut vel recensere solum ædium prorsus esse videatur.

C A P U T VII.

Antischolastici, & Antiperipatetici.

Hujus capituli exordium instituat modò laudatus Boddeus, qui pag. 74. cit. operis sic ait: *Renascentibus bonis literis, longe alia capit esse Philosophiæ factes, viris doctis certatim Scholasticæ Philosophiæ jugum excutientibus; qui tamen non unam, eandemque omnes ingressi sunt viam. Quidam enim naves, & barbariem saltem Scholasticæ Philosophiæ perstrinxerunt, & de illa Philosophia sustinenda in ejus locum non fuerunt solliciti: alii unam ex veteribus sectis restaurandam sibi sumserunt: alii novam prorsus Philosophiam condiderunt. Ad primam classem referri possunt, qui in humanioribus literis rebus tractandis operam, studiumque collocarunt: Licet enim hæc pauci illorum certa secta dederint nomen suum, in ea tamen conseruerunt, idque egerunt magno conatu, ut Scholasticorum barbariem prosternerent: Sed præ cæteris tamen suo velut jure huc referendi sunt Job-Ludovicus Vivus, Laurentius Vallæ, Marius Nizolius, Adrianus Cardinallis, atque alii.*

Notandum tamen hic vellem, me hæc loci de his omnibus, qui in Aristotelem inveci sunt, sermonem instituere; sed tantum de illis, qui neque novarum sectarum conditores sunt, ut Cartesius, Gassendus, &c. neque aliis sectis ex instituto addicti sunt, quorum numerus pene innumerus est: de horum enim singulis actum, vel agendum in locis propriis: Eos igitur huc solum refe-

referam, qui celebre, ac peculiare aliquod Systema in Philosophia non condidit, neque aliis sectis nomen dedere suum; sed tamen Aristotelis doctrinam ad trutinam revocare propria mens fuit, & institutum; ut modò dicti à Budæo, & his similes; quorum alii tantum contra Scholasticos, alii contra Peripateticos quousque steterunt.

Sed quis te melius Antischolasticorum agmen ducet, doctissime Bodde, qui te Ecclesiasticum professus, loco cit. pag. 70. ita Scholasticos non perstringis solum, sed conteris? Sic ibi: In dogmatibus Scholasticorum hoc maxime observandum, quod circa inutilia, futilia, merasque *dogmatum fuerint occupati. Logica, & Metaphysica maximum statuerunt pretium.* Hinc de Prædicamentis, Prædicabilibusque ad nauseam usque disputant; quomodo modum & de principio individuationis, de radice futuritionis, de supposititate, & personatitate, & hujusmodi infinitis nugis valde fuere solliciti. Sic & Physicam ferè totam in Metaphysicam converterunt, sit ne Physica ars, an scientia? deturne motus ad substantiam? sit ne generatio motus, nec ne? acriter disputantes. In cæteris Aristotelem secuti sunt, aut sequi voluerunt. Ex Peripateticis tamen nonnullos laudat, tanquam arcanorum naturæ peritiores, quàm seculi, quo vixerunt, genius permittere videbatur; inter quos præcipue Rogerium Baconem, & Albertum Magnum memorat.

De magno hoc Philosophiæ præceptore, & polygrapho, ejusque scriptis, tale est Jonsii, ejusdem discipuli, judicium de Script. Hist. Philos. lib. 3. c. 36. Proximus his est *Sub-Franciscus Buddæus*, celeberrimus primum Moralium, & Politicæ in eadem Fridericiana Professor, post Theologus Doctus, & Professor longe meritisimus in illustri Salana, præceptor noster venerandus. Tot egregios libros dedit, quibus Hist. Philosophicam adauxit, ut illi carere nemo possit, cui solidiora Philosophiæ studii cura cordique sunt. Ejus Introductio ad Hist. Philosophiæ Hebræorum, Hale edita 1702. 8. Historiam, atque scriptores Philosophiæ Hebræorum, Mosaiscæ scilicet, Cabalisticæ, & Rabbiniæ omnium optime tradidit. Sic & ejus Historiæ Philosophicæ succinctæ delineatio, quam Elementarum Philosophiæ Ecclesiæ Tomo 1. præmisit, fata Philosophiæ, & Philosophorum placita breviter quidem, sed eruditissime delineavit; ita, ut nihil magis optemus, quam ut ejus Commentationes de singulis Philosophorum sectis, quarum spem fecit, ad communem utilitatem pervenire possent. Fata studii Logicæ exposita sunt in fronte editionis nuper libri Artis Cogitandi; qui Hale recens prodit. His addimus Historicam de Peregrinationibus Pythagoræ Dissertationem, habitam quondam Jena 1692. quam postea Analexis Historiæ Philosophicæ, Hale editis an. 1706. 8. præfixit. In hac non tantum itinera Philosophi hujus in Pœnitiam, Egyptum, & Babyloniam suscepta, sed ejus etiam patriam, præceptores, & alia memorabilia exposuit; eaque occasione multa contra Maribamum, Kossium, & Huetium disputavit. Dialogus ejus de motibus Philosophorum multa eruditione refertus, prodit ibidem 1695. 12. Præterea Morali Philosophiæ imprimis illustravit Historiam. Hæc sunt facilius ejus De præcipuis vitiis in Morali erroribus Academicæ Dissertationes quatuor, annis habitæ 1695. & 1696. Quæ junctim deinde sub eodem titulo prodierunt ibidem 1696. 8. Moralem Græcæ Sapientium Historiam Dissertationes tradunt eæ, quæ complectuntur Etbicam Thaletis Milesii, Etbicam Pittagoræ Mitylenæ, Etbicam Bianii Priæni, Etbicam Solonis Salamini, Legum Solonis, & Mosaitarum collationem, Etbicam Cleobani Lindii, Etbicam Periclandri Corinthii, Etbicam Chilonii Lacedæmonii. Harum junctim uno volumine editarum titulus est: *Sapientia Veterum*, hoc est; dicta illustrata septem Græciæ Sapientum Dissertationibus aliquot Academicis explicata, una cum program-

grammate de vero, & genuino Philosophia Morali; apud Christianos usu; qui liber lucem adspexit an. 1699. 8. Ejus Historia Juris Naturæ, una cum Synopsi Juris Naturæ, & Gentium juxta disciplinam Hebræorum continetur in Phil. Reinhardi Vittrigii Institutionibus J. N. & G. Hala recusa 1694. 8. Nec præmittendæ Observationes solæ Halenses; ad rem literariam spectantes (confer de his Illustrum Struvium in Introduct. p. 273.) quas una cum viris longe celebrissimis, Christiano Thomasio, Georg. Ernesto Stahlto, aliisque tum in Academia Fridericiana; tum alibi degentibus, incubaverat an. 1700. His varia item inseruit, quibus nos adjuvit. In his inter alia Observatio exhibet decima Apologiam pro Pythagora contra Episcopum Worcesteriensem. Hæc præcipua Viri scripta, quæ ad scopum nostrum pertinent. Plura recenset integer ejus scriptorum catalogus, jam secunda vice publicatus Jenæ 1714. 8.

Ibidem ab eruditissimo Jonio laudatos habes doctissimos, ac de rebus Philosophicis optime meritos, D. Burckhard Gottbelf Struvium; Saxonum Ducibus à Consiliis; & historicis rebus, Juris, & Historicarum Professorem, ac ejusdem Jonii præceptorem, qui præter alia multa scripsit Bibliothecam Philosophicam, editam Jenæ 1704. 8. in qua de recentioris ævi Philosophorum libris cum additis de quibuslibet judiciis egit; quam deinde auxit Joh. Henricus Ackerus. Joh. Jacobum Mullerum, qui Dissertationem de vinis, ac vitis Philosophorum Orientalium concinnavit; Jenæ 1709. 4. Joh. Jacobum Syrbium Philosophiæ Professorem, qui Philosophiæ suæ Pythagoræ Dissertationem præmisit, cui titulus: Pythagoræ intra Sindhem nescendus. M. Joh. Gottlieb Olearium, Joh. Gottfr. Olearii, Arnstadiensis, filium, qui Dissertationem habuit De Petri Pomponatii Vita; Cujus celeberrimorum discipulos enumerat, præcipue Julium Casparum Sebastianum, Vaninum etiam appellatum, de quo duas habet Dissertationes, unam De Vita & factis Vanini, alteram De Scriptis, & Opinionibus ejusdem; de quo etiam argumentum scripsit Joh. Mauritius Schramm. Doctissimum Philosophiæ Professore Jenensem M. Gottlieb Stollum, in Historia Philosophica versatissimum, qui eruditum opus consecit, cui titulus: Historia Philosophiæ Morali Gentilium, Germanico idiomate scriptum; & Dissertationem An Homerus fuerit Philosophus Moralis? Valentinum denique Veltbomium, Theologum Jenensem (qui etiam Scholasticorum patronum egit Oratione de Scholasticorum laudibus habita contra Pusendorfium, quia Jenensis, inter Antiperipateticos Jenenses collocare fas esto) qui mortem obiit an. 1708. Atque alios, quos singularem, & fuscè tractavit Caspar Zeumerus in Vita, & Scriptis Philosophorum Jenensium.

In celeberrima Lipsiensi Academia præ cæteris clari habentur Gottfrid. Olearius (quem supra in lib. 3. sæpe memoravimus) D. Theologus, & Professor, & Jonii etiam præceptor, qui plures addidit Philosophicis Dissertationes, De Philosophiæ ætate. Ad Leonis Allatii Dialogum de scriptis Socratis. De Dæmonio Socratis. De Heracliti Philosophia. De ejusdem rerum naturalium Genesi. De Philosophia Ecclesiastica, &c. Quarum quædam apud Stanlejum sunt. Gottlieb Fridericus Jenichenius, qui in sua Historia Spinozismi Spinozæ vitam, doctrinam, & scripta delineavit. Christophorus Schraderus, qui de Fastu Philosophico virtute colore insucato in imagine Diogenis Cynici scripsit. Sed omnium maxime inter eruditos, ac Philosophos, Lipsiensis Academiæ decus, & Præses memorandus doctissimus Polyhistor Joh. Burckardus Meinkenius, de re literaria optime meritus, Poloniarum Regi à Consiliis, & Historicis rebus, &c. qui præter alia libellum dedit De Charlatanaria. Eruditiorum, eruditius omnibus gratissimum.

In insigni Wittebergenſi Academia floruit *Conradus Samuel Schurtz ſelſebius* mortuus an. 1708. qui *Diatribam de Druidis* dedit, in qua de eorum Philoſophia, moribus, & iſtitutis egit: quam materiam pertractavit etiam *Job. Fridericus Schopſus*. Wittebergæ habita quoque fuit *Differtatio de Philoſophia Homerii*.

In Academia Illuſtri Altorſinorum illuxerunt clariffimus *Daniel Omeſius*, qui *Ethicam Platoniam cum ejus Vita* evulgavit 1696. 8. *Ethicam etiam Pythagoricam, cum commentario in Aurea Carmina: De Symbolis item Pythagoricis* ib. 1693. 8. *De Stoicorum Philoſophia Morali, &c.* Magnus quoque, ac celebris ibi Mathematicus floruit *Job. Chriſtoph. Sturmſus*; cui inter Cartefianos locus erit. Ibi etiam ſub præſidio Mollerii habita fuit *Differtatio de Moſe Philoſopho*; in qua ipſe omni *Aegyptiorum doctrina*; Philoſophia, cunctiſque ſcientiis Inſtructus oſtenditur.

In Academia Julia celebres inter alios numerantur *Erneſtus Salomon Cypranus*, Philoſophiæ in ea Profeſſor doctiſſimus, qui elegans opusculum *De Vita, & Philoſophia Thomæ Campanellæ* confecit: de quo, ubi de Campanella, redibit ſermo. *Job. Andreas Schmidius*, Abbas Mariavellenſis, qui eruditis ſuis Differtationibus magnam ſibi Inter Julię Academię Profeſſores famam fec. 17. comparavit, veterum quorundam Philoſophorum doctrinam illuſtrando. Ex his una eſt *De Anaxagora, & ejus Phyſiologia*, habita 1668. in qua Anaxagoræ Vitam, & Dogmata clariſus, quam Lærtius expoſuit. Quod item fecit de Anaximene in ea, quam *De Anaximenis Vita, & Phyſiologia* inſcripſit. *De Seneca, ejusque Theologia* aliam; aliam denique *De Theologia Hippocratis* Differtationem habuit, qua probavit, Hippocratem, Medicorum Principem Naturalis Theologiæ, omnis Philoſophiæ partis, Matheſeosque Inſtructum fuiſſe. *D. Job. Georgius Ntemeyerus* Differtationem ibi habuit 1703. 4. *De Ariſtotele, ejusque Philoſophia*.

In Academia Kilonii florentiſſima celebratur *Georgius Paſchius*, mortuus 1707. autor libri maxime commendabilis, cui titulus: *De variis modis traſtandi Moralia*; Kilonii 1707. 4. in quo veterum omnium Philoſophorum Ethicam traſtit, examinat, dijudicat. Librum etiam condidit *De Inventis novis*.

Inter Tubingentes Academicos clarus eſt *Andreas Adamus Hochſtetterus*, autor *Hiſtoriæ Philoſophiæ Præctice*. Quod & alii fecerunt. Sic quoque *Henr. Juſtus Scheurlus Breve Compendium Hiſtoriæ Moralis* dedit; in quo aliorum, tum Ethnicorum Chriſtianorum Moralium virorum, librorumque moralium meminit præcipuorum; quod & *Gabr. Naudæus* in ſimili libello ſecerat *de Politicis*.

In Regia Argentoratenſi *De Philoſophia Celtica Exercitationem* edidit *Ulricus Obrechtus*, Prætor Regius, qui obiit 1704. & *Differtationem de vera Philoſophiæ Origine*: *Job. Schilterus De Diſciplina Pythagorica Diatribam* dedit; quæ ejusdem *Manuſcripti Philoſophiæ Moralis ad Jurisprudentiam* ſub finem juncta eſt. In quo argumento huic præſertitur, quæ à Scheffero edita eſt.

In Hamburgeniſi maxime celebratur magnus, ac plane incomparabilis Polyhiſtor *Job. Albertus Fabricius*, Lipſiæ natus, ibidemque D. Theologus, & Profeſſor inſignis, ac omni majori laude digniſſimus; qui, dum adhuc apud Lipſienſes degeret, hæc, præter alia multa, Philoſophici argumenti concinnavit: *De Platonismo Philonis Judæi Exercitatio. Liber de Vita, & Virtutibus Procli Theoreticis, & Theurgicis. Differtatio de Brachmanibus. Bibliotheca Græca*, opus vere aureum, quod multis Tomis comprehenditur, &c.

Christophorus Welfus, Lingu. O. O. in eodem Gymnasio Professor, *Historia Philosophicæ antiquæ Compendium*, lectu dignum evulgavit Hamburgi 1706. 2. *Job. Fridericus Mayerus Dissertationem: An Pythagoras Judæus fuerit, Momabiusve Carmelita?* Hamburgi 1700. 4. de qua re vide Act. Erudit. Lipsi. ad an. 1696. & Joh. Cler. Bibl. Chouffet. 10. *Gottfr. Arnoldus* Librum Ethico-Politicum pervolutum dedit (qui alijs etiam *Kelile Wadimne* dicebatur.) sub titulo: *Specimen Sapientie Indorum veterum* Gr. Lat. cujus autor *Urus Islamus*, Rex Indorum dicitur.

Atque hæc de celebrioribus Germaniæ Academicis, & Academicis, qui Philosophis accenseri merentur, breviter dixisse sufficiat, occasione ducta, à laudato Budæo, qui Germanos alios enumerandi mihi anam præbuit. Non enim hic de universi Orbis Academicis agere animus fuit, quod immensum esset (de quo forsitan deinceps, *οὐκ ἔστι*, verba faciam) sed pauca tantum Germaniæ Scholis, & Professoribus fama clarioribus, quorum major pars, ne dicam omnes, Antischolasticorum, atque Antiperipateticorum est, ex Jonso excerpta adnotare. Sed ad rem.

JOH. LUDOVICUS VIVES:

GENERE Hispanus, patria Valentinus, omnium sui ævi eruditissimus; eruditorum omnium *apex*, sec. 16. floruit. Parisiis Philosophiæ curriculum peregit: inde Lovanium venit, ubi humaniores literas magna sui nominis fama publice diu professus est. Postea in Angliam secedens, Latinas literas Mariam Reginam, Henrici VIII. uxorem, docuit. Cum autem eidem Henrico de non repudianda uxore liberos suos sensus aperuisset; ejus jussu carceres ad sex menses pertulit: quibus egressus, Bravum, Archiepiscopalem Hispaniæ urbem Castellæ veteris regiam, vulgò Burgos, venit, ubi uxorem duxit. Inde tandem Brugas, Belgii urbem in Flandria, reversus, ibi ultimum diem obiit in Orthodoxa Fide, ut ajunt suspectus, circa an. 1536. Verùm alii pro comperto, & indubitato habent, ipsum Catholicum obiisse, atque asserunt, hanc non esse nisi vanam Protestantium jactantiam, quod ex eorum numero fuerit.

Scholasticorum hostis fuit acerrimus (qui omnia n sui ævi eruditorum, Scholasticam barbariem detestantium, mos fuit) ut videri potest in præclaris, & æterna memoria dignis, suis Operibus, ex quibus plures sententias pro occasione retulimus, præcipue supra cap. præcedenti ubi auctorum de Scholasticis censura adnotavimus. Scripsit igitur de Disciplinis lib. 12. quorum 7. sunt De Corruptis Artibus; 5. verò De Tradendis Disciplinis: quos omnes ipsi in Philosophos concinnavit; in ipsis enim Scholasticos mirum in modum perstringere conatus est. Nullo enim modo, ut ait Jonsius, ferre poterat, ut renata sapientiæ studia à Scholasticis iterum opprimerentur. De *Institis*, *Señis*, & *Laudibus Philosophorum* egit in libro, qui Tomo 3. suorum operum plerumque habetur. Scripsit etiam eruditissimos, & omni omnium laude dignissimos *Commentarios in Augustini libros de Civitate Dei*; atque alia, quæ omnia 2. Tomis in f. prodierunt Basileæ 1560. Præterea Erasmus in Seneca emendando; & Adagijs colligendis adjuvit, ut in Bibl. Hisp. notatur: ubi tres viros ejusdem ævi celeberrimos ad Remp. literariam optime constituendam sic notatos vides, ut Budæo ingenium, Erasmo dicendi copia, Vivi judicium tribuatur. Et quidem Criticus fuit omnium suæ ætatis rigidissimus, & sapientissimus; quidquid contra obstrepat Ger. Joh. Vossius, ajens: *In re Critica sepiissime lapsus est Joh. Lud. Vives.*

Sanior, atque æquior videtur de magno hoc Critico crisis, quæ ip Scaligerana

sana 1. est: Vives fallitur, dum in libello quodam Lucanum Virgilio præfert; sed librum de Anima composuit, Patri meo Julio Scaligero valde laudatum. Et in Scaligerana 2. Vives de Gellio malo animo judicavit, sed tamen bene; de Diodoro Siculo idem male judicavit. Vives fuit doctus: quæ scripsit in Augustinum sunt optima, si spectemus illud sæculum; sed si nostrum, nihil est: fuerunt autem qui Lusitani docti, pauci Hispani. Cæterum pleno ore laudatur à Boissard. in Icon: ab eodem Vossio in epist. præfix. Arti Grammat. ubi: Ludovicus Vives vir ut variae doctrine, ita sapientiæ prope incomparabilis. Erasmi. epist. 19. 102. & in Ciceroniano p. 175. Georg. Morhof. Polyhist. p. 333. Sixt. Senenf. qui asserit, ipsum summam eloquentiam cum absolutissima eruditione, & Christianissima pietate conjunxisse Neandr. part. 1. Geograph. Quenstedt, qui eum vocat Rarum Valentis decus, propterea quod & Declamator egregius, & Philosophus magni nominis, & multis rebus eminentissimus est habitus. Gul. Crov. Elench. Scriptorum in Sac. Script. Isaac. Bullart. Acad. Scient. Gall. Jonsq. atque aliis plurimis, quos mens non est hic omnes congerere.

LAURENTIUS VALLA

Patricius Romanus, & Canonicus S. Job. Laterani, Grammaticus, Rhetor, & Philosophus clarissimus, Theologicæ Doctor, Græcæ, ac Latine Linguae peritissimus. Inimicissimus fuit Poggio, qui in Oppido Florentiæ dittonis natus, Romæ summa in auctoritate vivebat in Aula Pontificia literarum Apostolicarum scriptor, vir quidem facetus, & doctus clarus, pauloque amarior, quam par fuit. In Vallam multa scripsit acerbiori stylo, cui & Valla respondit non leniori scripto. Boissard in Icon; ubi etiam, & in Gesn. Bibl. enumerata vides omnia ejus Opera, quæ uno volumine contenta prodierunt: & quorum major pars ad Latini sermonis puritatem, & elegantiam (quod magnum, ac præcipuum sui operis institutum fuit) vel rem Sacram, Historiam, & eruditionem, pertinet. Unde non immerito Erasmus lib. 7 Epist. 3 Quis Vallam non & magnifice laudet, & amet quammaxime, qui tanta industria, tanto studio, tantis sudoribus, Barbarorum ineptias refellit, literas pene sepultas ab interitu vindicavit, prisco eloquentiæ splendori reddidit Italiam: doctis etiam id præstitit, ut posthac circumspicius loqui cogantur. Verùm ex omnibus suis laude dignis operibus, quæ ad nostram Philosophiæ materiem spectare videntur, sunt De Dialectica lib. 3. in quibus Aristotelem, & Peripateticos omnes acerrime insectatur Hinc de eo Jonsq. de Script. Hist. Philos. lib. 3. c. 21. Nec prætermittendus Laurentius Valla, sive Vallenfis, patricius Romanus, Grammaticus, Rhetor, Philosophus, & Theologus, qui primus circa id temporis Stagiritæ se opponebat, editis hunc in finem Dialecticis suis Institutionibus a. 1440. Nam cum bonis literis Philosophia quoque renascebatur, doctis nonnullis & sapientibus viris Scholasticam istam barbariem, tanquam bonarum mentium pestem, à liminibus Scholarum expellendi, consilium inveniuntibus, &c. De Vallæ Philosophia hoc etiam Ludov. Viv. judicium est, de Caus. corrupt. Art. lib. 3. in fine: Laurentius Valla aggressus est reconciliationem facere Dialecticæ, in qua dissentit ab Aristotele, & Peripateticis veteribus, & novis. Monet in quibusdam neutiquam prave, etsi ea sunt perpaucæ, in plerisque labitur, ut fuit vir ille vehemens, & ad faciendum judicium præcipitatus. Nec solum in re Dialecticæ falsus est, sed in Philosophia, nam hanc quoque attingit, & quod magis mirare, in præceptis Latine linguae: Sed non minus illic improbando aberravit, quam in elegantiss, & invecitiss. Cæterum Dialecticæ illius errores, qui sunt sane multi, nos vel omitemus prorsum, vel in aliud tempus, si videbitur, reservabimus: nam suscipe-

re cum eo disputationem, res esset nimium prolixa, minimeque in præsens necessaria, quod illius argumenta nec magnis rationibus nituntur, nec proinde sunt ab ullo recepta, tanquam dogmata artis hujus. Hæc de Critico Criticus. Ad Philosophicos libros referri etiam possunt ejus Lib. 3. De Voluptate, & de Bono.

Sed ad Vallæ vitam redeamus. Ex nimia suæ linguæ, & calami in Romanam Curiam, & Religionem loquendi, scribendique libertate, Romam discedere cōactus, Neapolim se recepit, ubi nec etiam Poggii, aliorumque notiturosum persecutionem declinavit. Nam in æquum, ac rigidum S. Inquisitionis Tribunal impietatis reus delatus, quod non bene, & Catholice de Trinitate, Libero Arbitrio, ac Virginis puritate, sentiret; mortis ab eo damnatus, ignis poenam Alphonſi Regis Neap. favore vix evitavit. Quare Romam reversus, ibi mortem obiit Kal. Aug. 1465. æt. 50. atque in Ecclesia S. Joh. Latheran. sepultus, ubi hoc ei Elogium in marmore incusculptum legitur:

Laurens Valla jacet, Romana gloria lingue:

Primus enim docuit qua decet arte loqui.

Magnus fuit, & acutus Romani sermonis censor, & contradicendi morbo, quo vehementer laborabat, mordax, & acer in omnes. Hinc non immerito, vel temere de eo dictum:

Carpis Majores, & te quoque, Valla, Minores.

Carperis, & carpis. Sic tua fata sinunt.

Ex Phil. Labbe in Thesaur. Epitaph faceta hæc alia in Vallæ maledicentiam Epitaph. habentur:

Ohe! ut Valla flet, Solitus qui parcere nulli.

Si queris quid agat, nunc quoque mordet bimum.

Aliud.

Nunc postquam Manes defunctus Valla petivit,

Non audet Pluto verba Latina loqui.

Juppiter hunc Cæli dignatus parte fuisset,

Censorem linguæ, sed timet ipse suæ.

Vide etiam Vossium, Trichemium, Joh. Dallæum, Gul. Budæum, Huetium, Jovium, &c.

BERNARDINUS TELESII.

Cum nemo melius, vel exactius Telesii hujus Consentini, non minus literis, quam sanguine nobilis, vitam, & doctrinam descriperit Johanne Imperiali; quæ notantur hic ex ipsius Musæo Historico exscribere jus esto. Sic igitur ibi Imperialis: Neque verò involvenda silentio nobis est Bernardini Telesii Consentini memoria, qui prævalido mentis conatu Physica Peripateticorum Principis dogmata convellere ausus, summa ejus ætatis ingentia cunctis fere in Orbis gymnasiis concitavit. Is proavis genitus nobilitate, ac literarum nitore fulgentibus, puer adhuc Mediolanum ad Antonii patrui raræ doctrinæ, ac integritatis consubernium profectus est: inde porro una cum ipso decimoseptimo ætatis anno Romam secedens, in illud incidit tempus, quo Civitas Borbonii Ducis nequitia spoliata, execrabile Pontificis, ac rerum omnium spectaculum præbuit. Communi verò succumbens tunc fato Telesius à militibus captus, bimestre carceris incommodum pertulit, donec Bernardini Martiriani civis sui Principis Aureliani Borbonio nuper defuncto subrogati à secretis patrocinio esset excusatus. Ab hoc infortunio Romanum exorsus calum, ad Patavinæ se contulit Athenas, ubi sæculi Mathematicarum addidit studio, ac potissimum Opticæ, novæ, inexplor-

cogitata, impercrutabilia prope quamplurima detexit; in Philosophiæ pariter indagine non acquiescens Aristotelis dissertationibus, inventorum suorum jacere capis semina, quæ favorabili doctorum perfata calore, fructum subindè veritatis amatoribus baud insuavem pepererunt: longe siquidem planiori, ac munitori via hic videbatur incedere, quam Sophistæ alii jam tum in Aristotelem debacchati, quorum corripitq; Petrus Ramus, cujus opera tetro adhuc obituonis carcere obruta, suscepti incassum, ac temere facinoris pœnas luit. Cæterum Patavio Romam reversus, cum Ubaldino Bandinello, & Johanne Casa Archiepiscopo Beneventano, doctissimis viris, obstricto necessitudinis vinculo magis, magisque ad inchoatæ perfectionem Philosophiæ utriusque vocibus est impulsus. Itaque Consentiam se referens, cum Diana Serfati nobilissima femina inito matrimonio, tres postmodum suscepit masculos, quorum tandem superstes unicus, defunctâ matre, potuit grandior factus, Bernardino literarium quærenti otium, onerosam domesticæ negotii molem subtrahere. Unde factum, ut is in silenti luco se prope Coracem fluvium abdiderit, ubi celato Musarum silvas, nemoraque colectum, numine percitus, & amena simul viridantis, exultantisque naturæ illethus facie, bina De Rerum Naturalium Principiis volumina, aliasque rerum Physicarum tractatunculæ lucubravît, quæ singula mox edita, & anxio Neapolitanæ juventutis excepta studio, ipsum ad eam urbem accedere coegerunt, quò adpectu suo bæstantium plurimos juvenum erigeret, firmatos tueretur: abditoque rerum præstantissimarum sensus omnibus aperiret. Itaque ab eo die excita ibi fuit Academia, in qua singulari contentione, nominatim Telefiana Philosophia adversus Aristotelis placita propugnata, diu etiam vel autore demortuo floruit, licet deinde bellorum vicissitudinibus intermissa potius, quam eversa. Tandem Neapoli melancholico agitur affectu, indeque Consentiam filii pietate transvectus, post annum, & semis ecstático quasi stupore præpeditus migravit & vivis obogenarius, cum se antea Thomæ fratris Archiepiscopi Consentini sacris manibus ejusdem tumuli gremio jungeretur concupisset; ejus Sectatores ex eo diu Telefiani.

P E T R U S R A M U S

Natione Gallus, patria Veromanduus, natus est an. D. 1515. Interemtus hic vir fuit in Lantena Parisiensi A. D. 1572. inque Sequanam concessus à discipulis Carpentarii barbaro more, in gratiam, ut creditur, Præceptoris, imo, ut ajunt, ejus bortatu, viri in Platonica quidem, & Aristotelica Philosophia egrexit; sed qui perpetuam Aristotelis infestationem in P. Ramo ferre minime potuisset: unde illud plusquam Vatiniæ adversus eum odium exarxit. Voss. de Mathem. p. 67. Primis vitæ annis proprio manuum labore victum sibi comparabat factus ex necessitate servus, qui ex nobili nimis familia sanguinem sortitus fuerat. Ejus namque avus Leodium, Germaniæ in Belgio urbem, quæ sibi patria erat, belli causa relinquere coactus, Augustam Veromanduorum se recepit, ubi, ne fame periret, carbonarium egit. Hinc de P. Ramo in Scaligerana r. Ramus ad annum usque 19. ne quidem primas notas didicerat, inserviebatque Dom. de la Brosse. Lutetiam deductus tantum famulus profecit, maximo discendi desiderio percitus, ut quamvis repugnante ingenio tardo, rudi, ac stupido; repugnante, quod majus est, institutione sera: labore, & diligentia in id literarum decus pervenit, quò pervenisse vix credibile sit, itaut anno trigésimo contra Aristotelem scripserit meliori stylo, quam posterioribus annis. Bonus Orator, qui facultatem dicendi sibi comparaverat. *Ἀμίδος* plane, utpote, qui aliud in disciplinis tradendis iter, novamque viam inquirere

voluit. *Flumen verborum, guttula mentis, Religionis purioris, quam profitebatur, ergo mortuus est an. 1572. in Ianuaria Parisiensis.* Tam vasti ingenii profundæ eruditionis, atque acutus Philosophiæ Professor fuisse dicitur ab Ant. Teissier in Elog. Erudit. Vir. Gall. ac tantæ apud omnes sibi ævi eruditos estimationis, ut exteræ gentes omnes moverint lapidem ad præclarum hunc virum Galliz surripiendum. Sic enim ibi scripsit: *Post Romulæ Amasæ obitum Bononia civitas mille ducatos annuos ei obtulit, ut illum in hujus locum pertraheret. Polonia Rex Cracoviam illum allicere conatus est. Johannes Hungarie Rex petiit eum, ut Weissenburgicæ Academiæ regimen ei traderet. Omnia ejus opera vite conscripta sunt; sed observant eruditi, stylum priorum, quæ adversus Aristotelem elaboravit, cæteris ab ipso deinceps elucubrat multis præstantiorem fuisse. Accusatus fuit, quod è Tractatu Vivis de causis Corrupt. Ars. omnia excerptasset argumenta, quibus Aristotelem impugnaret.*

In nova sua Antiperipatetica Scdâ instituenda, quæ ab autore *Ramistarum*, sive *Ramæorum* nomen habuit, mirum quod acerrimos hostes, omnes nempe Peripati patronos, quot persecutiones, quot damna perpeßus sit, ad internecionem usque, ut diximus. De præcipuis ejus æmulis, ac nominis delatoribus, ita Boissardus in Icon. - - - *Acerrimos calumniatores expertus est Petrum Galandum, Antonium Goveanum, Joachimum Perionium, & Jacobum Carpentarium.* Sed ante omnes infestissimos sensit Sorbonæ Doctores, qui communi omnium sententia in Ramum insurgentes, illum hæreses in Philosophia accusarunt, quod in Aristotelem Philosophorum Principem ausus fuisset scribere. Effecerunt sua autoritate, ut Ramo sit interdictum in posterum docere, vel scribere in ullam Philosophiæ partem. Quod factum notat Mr Bayle à Francisco I. Rege ex Theologorum decreto, quibus ipse Rami doctrinam examinandam tradiderat; ex quorum etiam sententia ejus libri in Regio Cameracensi Collegio combusti sunt. Postea tamen Henricus II., Cardinalis Lotharingiæ precibus, ipsum iterum accessit, eique Regii Professoris munus contulit. De Rami oppositoribus ita Hornius Hist. Phil. lib. 6. c. 11. *Opposuerunt se plurimi, præsertim Lutetiæ Joachimus Perionius; Tubingæ Jac. Scherkius; è Theologia Beza, & Ursinus. Tria potissimum ei objecta: æsthesia, æsthesia, æsthesia &c.* His Rami oppositoribus addit Jonsius Philippum Scherbium, Helvetum origine, Logices, & Metaphysices in Aitdorfina Academia Professore, qui Apologiam pro Aristotele, & Euclide contra P. Ramum, & alios scripsit: Johannem Proschium, qui alteram ejusdem tituli Apologiam, confecit; alioque.

Ex Rami discipulis, vel sectatoribus fuisse: Nicolaus Nancelius; ejus discipulus, qui magistri vitam erudite scripsit, quæ, notante doctissimo Bælio in suo Lex. tom. 2. voce *Ramus*, multa continet memoria digna. Quam Rami vitam etiam edidit alter Rami sectator Joh. Them. Freigius, jurisconsultus non indoctus, qui teste Morhofio II. 1. 12. 1. multum impendit operæ reformatis ad mentem Rami disciplinis. Hac Rami vita, in qua Freigius morus omnes, quos Ramæa Philosophia in Gallia concepit, exposuit, tanquam elegantiori usus est doctissimus Bælius ad Rami Vitam in suo Lexico describendam. Sed Rami vitam antea ediderat Theophilus Bannosius. Casparus Passradus, qui pro Ramo de studiis Ramæis, ac optimis institutionis ejus legibus egit. Verùm omnium, qui plurimi, strenuissimus Rami defensor fuit Andreas Kragius, de quo ita Jonsæde Script. Hist. Phil. lib. 3. c. 25. 4. *Sub id in Dania Regibus sorte Friderico II. & Christiano IV. floruit Andr. Kragius, natus Ripis Cimbrorum a. 1558. Philosophus, & Medicus Hafniensis non incelebris, qui P. Rami, & ejus Philosophiæ defensionem contra Georgii, & Libe-*

ri calumnias in Epitomen 8. librorum acroamaticam adpersarecidit, teste Alberto Bartholino de Scriptis Danorum, qui Kragii liber prodit Basileæ 1582. 8. Rami sectatoribus accenset Jonſius Rennemannum, Joh. Cramerum, Halberſtadienſem-Saxonem, Lipſienſem-Phyſicæ Profeſſorem, qui circa an. 1579. Rami Philoſophiam publice, & private Lipſiæ docuit, Gerhardum, & Arnoldum, Bottios fratres, qui librum edidere ſub titulo: *Philosophia reſormata, ideſt, Philoſophiæ Ariſtoteliæ accurata examinatio, ac ſolida conſutatio, &c.* Sed reliquis ejus ſectatoribus prætermiſſis, quædam de ejus doctrina, ac doctrinæ ſatis delibemus.

Et primo talem ſuam hanc Antiperipateticam ſectam inſtituendi occaſionem reſert Hornius loc. cit. Occaſionem ei dederunt Pſeudoperipatetici Sophiſtæ Pariſiis, & aliis, ſebelaſtica barbarie, & corruptiſſima Philoſophia in media literarum luce deſectati, nec non interpretes pravi, & rudes Ariſtoteſis. Quorum furias non tolerant, primo in ipſos, mox in ipſum Ariſtotelem acriter invehit eſt, & adverſariorum calumniis divexatus, longius proceſſit, novamque ſectam de ſuo nomine, plurimos in Gallia, Anglia, Germania, nactus ſectatores, comidiſt. In Italia, & Hiſpania obſcurum vix, & penè ignotum nomen ejus eſt. Nam cum barbari Philoſophi, quaſi artes liberales nihil ad ſtudium Sapientie facerent, eas ſpernerent; P. Ramus earum uſum ad Philoſophiam revocavit. Unde ejus ſectatores eam deſignunt: *Systema liberalem diſciplinam. Metaphyſicam proſur exterminant, & miro odio proſequuntur. Preceptorum paucitatem, & uſum urgent; ut ob hanc cauſam à quibusdam Philoſophiſſimis, qui voce Juſtinianus veſtitur, appellentur.* His autem rationibus P. Ramus ad probandum, ſcripta, quæ ſub Ariſtoteſis nomine vulgè circumſeruntur, Ariſtoteſis non eſſe, uſas eſt. I. quia in illis aureum illud eloquentiæ oratoris flumen, quod Ariſtoteſi Cicero tribuit, ipſe non deprehenderet. II. Ejus libros nemo aut legere, aut agnoſcere poterat, à tinea, blatique nimium exſos. Quibus Rami objectionibus occurrerunt Goveanus, Perionius, aliique, ut dictum. Plura de Philoſophiæ Ramæ ſatis qui cupit, adeat Joh. Launojum in lib. de Varia Ariſtoteſis fortuna.

De Ramo, ejusque ſcriptis non una, ſed varia auctororum cenſura eſt. Quidam ſumme commendant, inter quos Hornius loc. cit. ubi: *Succedit ſecta altera celebris, qua Romæ eſt. Hæc initium ſumſit non à Ramo, ſed jam olim aſſenſores habuit, & autores eos; qui reliſta Peripatetica ſebela quidvis ſibi ſtatuumdum putarunt. Quales ſuperiore ſeculo fuere Laurentius Valla, & Ludovicus Viveſ.* Nam quam multa ex Valla mutuatus ſit Ramus, Jac. Carpentarius ipſi Ramo demonſtravit. Addunt alii, ex Rodolpho Agricola magnam inventionis partem deſumſiſſe. Quæ ut negari omnino non poſſunt, certum tamen eſt, eos Ramo potius occaſionem melius de rebus ipſis cogitandi, quam iſpſas res dedidiſſe. At cum de Ludovico Vive agitur, inquit Keckermannus, iſta excuſatio ſocii nihil habitura eſt: ibi enim generalia omnia, & pleraque particularia, quæ Ramus tanta cum pompa Philoſophis Italis, Gallis, Germanis tanquam ſua inventa proponit, totidem verbis reperias in Ludovici Viveſis Commentariis, quos de Cauſis corruptarum artium, & de Tradendis diſciplinis multo ante, quam Rami quicquam in publicum appareret, conſulgarit. P. autem Ramus bono dexterrimi ingenti, ſolidæ doctrine, & liberrimi jûdicii, cum quoquo modo ad ſumam, etiam per alienæ exiſtimationis ruinam, ſibi contendendum putaret; ex omnibus antiquis Ariſtotelem exagitantem, atque explodendum ſibi ſumſit; adeoque ea, quæ ex Valla, & Vive bauerat, velut interpſta in lucem emiſit. Jonſius de Script. Hiſt. Phil. lib. 3. c. 23. 3. ipſum ita arguit: Eodem Rege, & ſub Henrico II. & Carolo IX. Petrus Ramus eminebat, Re-

gius

gius Mathematicum, & Eloquentiæ Professor Parisiensis, qui Aristotelem voce, & scriptis oppugnabat - - - In Institutionum Dialecticarum, seu Animadversionum suarum libris 20. Peripateticis obiecit, nihil eos habere methodicum, multa contra *tautologiam*, supervacaneam, pleraque falsa . . . Verum non adeo multos P. Ramus invenit, qui constanter ipsi inhaerent, quia solis argumentis, & rationibus Aristotelem confutare non poterat. Gellnerus in Bibliotheca sic bene de Ramo sentit: Petrus Ramus Regius in celeberrima Parisiorum Academia Professor, plurimum elaboravit, ut artes ad rectam inverbodum, & usum expeditum revocaret, ideoque multa ab eo conscripta, publicataque sunt de singulis Philosophiæ partibus, à quibus sunt quæ sequuntur. Ubi exacte omnia omnis generis Rami Opera enumerat; Inter quæ Philosophica sunt: Dialecticæ libri 2. Dialecticæ Francicæ libri 2. Scholarum Dialecticarum libri 20. De moribus veterum Gallorum, Lat. & Gallice: Scholarum Physicarum libri 8. in Acroamaticis Aristotelis libros: Scholarum Metaphysicarum libri 24 in Metaphysica Aristotelis: Adversaria de Platonis Philosophia generatim in Dialecticam, Physicam, Ethicam dirigenda: De affectionibus, & proprietatibus quibusdam singularibus, cum in homine, tum in animantibus quibusdam aliis &c. Thuanus ad an. 1572. Ramum laudat potissimum, quia rem literariam omni animi contentione juxit, & promovit, etiam suis opibus, instituta Mathematicæ Cathedra, cujus Professori annum stipendium 300. librarum è facultatibus suis attribuit. Laudat etiam Beza, & Christianus Ursinus &c.

Contra Ramum stant Franc. Bacon. in Impetu Philosophico, ubi: Ne verò (fili) cum hanc contra Aristotelem sententiam fero, me cum rebellem ejus quodam nototricio Petro Ramo conspirasse augurere. Nullum mihi commercium cum hoc ignorantie lätibulo, perniciosissima literarum tineæ, compendiorum pave, qui cum methodi suæ, & compendii vinculis res torqueat, & premat, res quidem, si qua fuit, elabitur protinus, & exsilit; ipse vero aridas; & disertissimas nugæ stringit. Rapin. Animadvers. in Logicam sect. 7. Ramo non successit feliciter consilium à se initum Aristotelis autoritatem subvertendi, juxta Vallæ, & Vivis documenta. Idea enim, quam efformavit novæ Dialecticæ nihil habet rationi consonum præter id, quod ab Aristotelis Dialecticæ mutuatus est, quam cum reformare voluit, ipsam destruxit. Scaligerana 2. Ramus magnus vir fuit, sed magni nimis sit: ipsius Mathematica sola bona. Sed ipse non est autor. Lips. Cent. 1. Miscell. ep. 89. Juventus nostra à me hoc audiat: Nunquam ille magnus erit, cui Ramus est magnus. Inter laudatores, & exprobatos Rami medii sunt Vossius de Philosoph. Sect. p. 88. & Verder. in Aut. Cens. Tandem de Ramo in Budæus in Hist. Phil. succincta delineatione p. 77. Longe majori strepitu ab Aristotele secessit P. Ramus, qui ex eloquentia omnem Philosophiæ, præsertim Logices, usum meriens, ad id omnes labores suos comparatos voluit: unde quædam in Aristotelis Dialecticæ immutavit. Quod indignè ferentes Peripatetici Petrus Galandius, Antonius Goveanus, Cornelius Martini, Joachimus Perionius, & Jacobus Carpentarius, acriter in ipsum insurrexerunt. Hinc magno furore in Gallia, & Germania inter Peripateticos, & Ramistas de nugis, & ineptiis decertatum est. In Rami partes concesserunt Philippus Melanchthoni sectatores. Quidam Melanchthonem cum Ramo (à quo non multum ille discrepabat) aut Ramum cum Aristotele concordare conati sunt: inter quos primas tenet Bartholomæus Kickermannus.

THEODORUS ZWINGERUS

Natus Basilea A. C. 1533. Patre Leonardo Cive Basl. angustæ fortunæ: in patria Academia primum Linguam Græcam, & deinde Ethicam & Politicam, tandemque demum Medicinam publice docuit, & exercuit. Obiit Basilea A. C. 1588. ætatis suæ 54. relicto filio Jacobo, paternæ virtutis, & famæ herede. Vander Lind. de Script. Medic. Hic patriam, ne villi patris muneri operam daret, relinquens, Lugdunum secessit, ubi apud Typographum ad Typographicam artem addiscendam tres annos degit, literarum studio, quod ab arte vacabat, tempus impendens. Inde Parisios venit, ibique Philosophiam à P. Ramo didicit, ejus dignus extitit discipulus. Postea Patavium se contulit, ubi Medicinæ sex annis strenuam navavit operam. Denique Basileam, sedem, in qua obit præclarus Philos. & Medic. Professor.

Inter præclara ejus Opera, præter Medica multa, censentur *Theatrum Naturæ Humanae*, digestum in Volum. 20. in quibus Humanæ Historiæ Bibliotheca continetur. In his voluminibus innumera exempla bonorum, & malorum, quæ in hominem cadunt, magno studio, & labore à variis autoribus collecta, & optimo ordine, ut ait Geinerus in Bibliotheca, disposita memorantur. Quod opus ejus focer Conradus Lycosthenes inchoaverat, & imperfectum Zwingero perficiendum reliquit moriens. Tantæ famæ hoc opus semper fuit, ut, ipso adhuc vivente, iter editum fuerit; & post ejus mortem exemplorum myriade auctum prodierit. *Physiologico-Medica Tabula perpetua in Aristotelis libros de Moribus ad Nicomachum. &c.* Vide Thuan. in Hist. Melch.

Adam. de Vit. Phil. & Med. German. &c.

CAPUT VIII.

Philosophi Ecclesiæ.

Ordinis in hac Historiæ Philosophiæ Synopsi nobis consueti ratio postularet, ut primo de Epicureis, & Pyrrhoniis, deinde de Ecclesiis ageremus; sed quia Pyrrhonii nulli, præter recensitos, sunt, & Epicurei, præter jam dictos, omnes ex nova Gassendi secta orti sunt, de quibus, quia nostro ævo quamproximi, ut ætatis ordo servetur, infra agemus; ideo hoc Cap. de Ecclesiis, qui inter Philosophos ultimos lib. 3. numerati sunt, sermo instituendus est.

DE MONAX.

DE Demonax ita Lucianus, ejus vitæ scriptor totius. a. p. 381. Erat itaque Demonax genere Cyprius, non ex obscuris ortus parentibus, quantum ad dignitatem, & possessionem civilem attinebat: cæterum his omnibus ille longe erat excelsum, atque superior: atque cum rebus pulcherrimis, atque præstantissimis se ipse dignum judicasset, ad Philosophiæ studium semet contulit, non per Jovem ab Agathobulo, & Demetrio, qui ante illum fuerant, neque ab Episteto excitatus, sed cum illis conversabatur, præcipue vtrò cum Timocrate Heracleote, viro cumprimis sapiente, neque non eloquentia, & industria plurimum ornat: At Demonax nequaquam ab aliquo illorum, ut dixi, persuasus, sed peculiari, quo rapiebatur ad res præclaras impetu, & insito quodam ad

Philosophiam amore, statim à puero permotus, omnia humana bona in universum contempsit. — Ceterum nequaquam illotis, quod ajunt, pedibus; hoc est, à dicendi facultate alienus, ad Philosophiæ studia accessit, sed potius lectitionibus enutritus, multas tenebat memoria, dicandique artes non mediocri studio exercuerat. Ea vero, quæ in Philosophia tractari solent, haud modice, neque, ut est in proverbio, summo tantum digito attingerat, sed exade comperta habebat. Corpus præterea exercuerat, & ad tolerantiam variis laboribus assuescebat. Breviter, in hoc summo studio, & cura elaboravit, ut alicuius alterius egenus esset. Quare postquam sensit se quoque ipso sibi amplius non sufficere, voluntaria morte à vita discessit, multo super hoc ipso Græcorum optimatibus sermone relicto. Sec. 1. floruit sub Antonino Pio, & M. Antonino & fere centenarius obiit, ut ex Luciano. Unde tamen hauserit Cozzandus, quod asserit de Magist. Antiqu. Phil. lib. 3. c. 4. Demonastem Epicteti fuisse auditorem, ac Stoicæ Philosophiæ cum præceptore sectatorem, non video; cum Luciano eidem coævus illum Epicteti non discipulum, sed familiarem dixerit; & non Stoicum, sed Ecclesiasticum aperte ostenderit his verbis immediate sequentibus. Philosophiæ autem haudquaquam unam tantum speciem ab aliis sejunctam colebat, sed multis in idem commixtis, non admodum aperte ferebat, quæ potissimum illarum oblectaretur. Apparebat quidem Socrati se magis addidisse, tametsi habitu, & vitæ frugalitate Diogenem æmulari videretur, &c. Quod item confirmat Morey in suo Lex. Magno Histor. Describit in ejus Vita Lucianus genus, studia, eruditionem, & professionem Demonastis Philosophi; quæ idem privatim, & publicè fecerit, & ab aliis passus sit; nec non ejus virtutes, præcipue dolore, pœna, paupertate, vel alia quavis ærumna afflictis consolandi, lites inter discordes componendi, pacem in omnibus summa animi contentione tractandi, &c. Præterea A^{ntiquariorum}, seu dicta illius memorabilia, aut aliàs argutæ, & falsè responsa; mortem denique ipsius, & sepulturam, & officia, quibus Athenienses, ac reliqui Græci ipsum magnifice prosecuti sunt.

De ejus autem morte, & sepultura hæc notatu digna ex Luciano exscribam: Ceterum cum jam non obscure persentisceret, se sibi amplius auxilio esse non posse, dicta ad præsentem, quæ in certamine præcones uti solent, clausula:

Jam finis est pulcherrimorum munerum.
Certaminum, non differendum esse amplius.

Tempus monet: ac discens ab omnibus, hilario vultu diem suum obiit, quali semper obviam venientibus conspectus est. Aliquanto ante verò quam moriebatur, interrogans quopiam: De sepultura vero quid imperas? Ne vbi hac cura remordeat, inquit, sollicitus: etenim factor me sepeliet. Respondente autem illo: An non turpe foret, & nefarium, si tanti viri corpus volucris, & quibus dilaniandum obijceretur? Atqui nihil absurdum est, inquit, si mortuus quoque nonnullis animalibus utilitatem aliquam allaturus sit. Voluntaria tamen inedia periisse perhibetur. Scripta ejus nulla memorantur ab autoribus. Demonastis Senarius, citatur tantum apud Stobæum in Sermone de Superbia.

ASCLEPIUS TRALLIANUS.

Sic dictus à Tralle, Bithyniæ urbe in Asia minori, ubi natus est. Armonii, discipulus fuit, ac seculi 2. scriptor à quibusdam dicitur, aliis verò recentior. Scripsit hic Commentarium in Nicomachi Arithmeticam. Exstant præterea MSS. in Bibliotheca Vaticana ejusdem Commentarii in sex libros Meta-

Metaphysicorum Aristotelis; ut notat Gesnerus in Bibliotheca. Vossius de Math. c. 10. Alter ab hoc fuit Asclepius Trallianus, qui libros 5. Hist. Tarcarum Græce scripsit, ut notat Gesnerus in Bibl.

Occasione Asclepii Tralliani verbum addam de ALEXANDRO TRALLIANO, Philosopho, & Medico sui ævi præclaro, qui in eadem urbe Trallianus, Trallianum nomen sortitus est. Hunc sec. 4. Romæ claruisse quidam putant, alii 5. alii vero sec. 6. sub Justiniano M. Imp. quæ Morery sententia est Vander Linden de Script. Med. affirmat, eum sub Arcadio, & Honorio claruisse, & Galeni æmulum semper extitisse. Ejus Scripta Medica omnia enumerat cit. Linden ibi. Vide etiam Agathiam Hist. lib. 5. Justum in Chron. Med. Castellani in Vita Medic. & Vossium de Philos. c. 12.

SOPATER

Patria Apaminensis, sive Alexandrinus, Philosophus inter Eclecticis (nam Ædesii Eclectici Philosophi discipulus fuit) sui ævi eximius, ex eorum tamen numero, qui Platoni magis addicti erant. In dicendo, ac scribendo eloquentissimus habitus est, Constantini M. Imp. familiaris prius, deinde verò ex objecto religionis crimine, ejusdem Imp. iussu infons securi percussus obiit; ut ex Suida; qui ejus cædem injuste patratam asserit his verbis: *Τὸν Σόπατρον Κωνσταντῖνος ἀνῆλθεν ἐν καλῶς ποιεῖν· ὁ γὰρ χρηρὴς ἦν ἐν ἀνάγκῃ, ἀπὸ δὲ ἀνάγκης ὁ Σόπατρον Κωνσταντῖνος παρέμιτ non bene faciens: bonus enim non ex necessitate, sed ex amore.* Corzandus tamen de Magist. Antiq. Phil. lib. 1. c. 7. ex Eunapio in Ædesio, & Aloylio Lollino 3. Epist. ait, Sopratum Constantino Consiliarium fuisse, ac calumniam passum infontem peremtum esse; cædisque autorem facit Albanum Prætorii præfectum ex invidia, quod à Sopatro claritate, & honore superaretur; siquidem ad dexteram Imperatoris publice assessor considebat. Suidas vero neque hanc cædis causam, neque Consiliarii dignitatem habet; ait enim tantum: *ἦν γὰρ φίλῳ τοῦ αὐτοῦ καὶ ἀγαπῶν.* Erat enim ipsi familiaris prius. Scripsit *Tractatum de Providentia: Historiarum Epitomas*, atque alia, ut ex Suida. Vide, præter Eunapium in Ædesio, & Suidam, etiam Sozomenum lib. 1. Hist. Eccles. c. 5.

JOHANNES STOBÆUS

Gracus Auctor, doctrina, & scriptis clarissimus, quorum mentionem supra in lib. 3. læpe fecimus, secta fuit Eclecticis; nam Philosophorum nemini addictus, quæ in singulis optima putavit, amplexatus est, & collecta selegit. Ejus Opera omni commendatione digna partim edita sunt, partim inedita. Ex editis numerantur *Collectanea Sententiarum, & Apophthegmatum ex variis profanis autoribus Græcis per locos digesta. Eclogarum libri 2.* De ineditis ita Gesn. in Bibl. *Joh. Stobæi Physica Græca non dum evulgata, exstant in Italia apud Rodolphum Vincentiam Cardinalem hoc tempore.* Sec. 4. vel 5. claruisse dicitur.

S. HIERONYMUS

Ecclæsiæ Doctor Maximus, Doctorum omnium discretissimus, Latine, Græcæ, Hebræicæ, Syriacæ, & Chaldaicæ linguæ peritissimus, Stridonensis à patria, in Dalmatia sita, dictus, natus est, ut refert Gul. Cave. in Chartophyl. Eccles. circa annum 329. Inclarescere cepit ab an. 378. quo Presby-

Presbyter à Paulino Antiocheno ordinatus; eremi Bethlemetici incolæ factus an. 383. scripsit Catalogum 392. obiit Bethlem 420. ætatis 91. ut ex cit. Gul. Cave. Verùm Morery in Lex. Magn. Hist. ait; errare eos; qui putant, Hieronymum ad an. usque 98. & 99. vixisse, cùm annum 80. non transierit. Romæ Grammaticam à Donato, Terentii, & Virgilii Scholiasse, didicit; ubi etiam Christi Fidem per Baptismum accepit. Inde in Galliam venit; ex qua eum Heliodoro in Thraciam, Pontum, Bithyniam, Galatiam, Cappadociam, & Syriam profectus est; ubi in solitudine degens, varias ab Orthodoxis etiam persecutiones passus est. Cùm sacris à Paulino Antiocheno initiaretur, hoc Sacramentum sub his conditionibus accipere decrevit Hieronymus, ut nec ulli Ecclesiæ addici, nec solitariam vitam relinquere cogetur. Memoria dignum æterna illud est, quod nunquam Sanctum, ac terribile Eucharistiæ Sacramentum ob summam in ipsum reverentiam offerre voluit; Circa an. 388. Constantinopolim se contulit, ut S. Gregorium Nazianzenum, cujus magna tunc per Orbem fama, audiret. Deinde ad annum alterum Romam rediit, & Damasi Pontificis Max. à Secretis fuit: plures nobiles Romanas mulieres in Christiana pietate verbis, inde etiam per epistolas instruit. Quod de ejus Cardinalatu profertur, id scolorum commentum est; eo enim temporis nulla adhuc Cardinalium dignitas, imo nec nomen erat. Post Damasi mortem, cum amore antiquæ solitudinis, tum ut oblectatores suæ virtutis, ac omne peccandi periculum vitaret, primum Alexandriam perrexit ad Didymum audiendum, postea Bethlemeticum Monasterium se recepit, ubi reliquum vitæ tempus in coelestium meditatione, asperissima corporis castigatione, ac sacrarum literarum studii transiegit. Totus in hæreticorum, Vigilanti potissimum, & Joviniani confutatione deditus videbatur. Sui nominis hostibus, quædam ei contra Fidei dogmata à se prolata objectantibus, Apologia ad id scripta, fecit satis. Contra Pelagium primus scripsit; à quo concitatam acrem sustulit persecutionem. Cum Rufino, Origenistarum causa, literariam habuit contentionem; & cum Divo Augustino, à quo cæteroqui magni æstimabatur, de sacris literis disputationem, quæ tamen Christianæ pietatis terminos non excessit. Imo & Augustinus ab Hieronymo circa Animarum originem oraculum expevit.

Hieronymum inter Philosophos, & proprie inter Ecclésiicos non numerassem, nisi id auctorum testimonia non comprobaissent. Et quidem Sixtus Senensis Biblioth. Sanct. lib. 4. postquam Hieronymum in omni doctrinarum genere absolutissimum, sermonis splendore, & eloquentiæ viribus clarissimum, commendavit; subdit: *Sed & in Scholis Philosophorum nihil de Aristotelis, Platonis, & Zenonis, hoc est, de Peripateticis, Academicis, Stoicis, reliquit intactum, quibus instructus apparatus, contulit se ad sacrarum literarum studia, usus in his Apollinari Laodicensi, Didymo Alexandrino; & Gregorio Nazianzeno præceptoribus, &c.* Et Heinſius Orat. 3. pro Biblioth. man. Græc. ait. . . . *Quoniam modo tot linguarum simul, & totius pene antiquitatis, ac Philosophiæ admirabilem peritiam, &c.* Ex his igitur, aliisque auctorum testimoniis, aperte educitur, ipsum non uni, sed omnibus Philosophorum sectis, Ecclésiicorum more, addictum fuisse. Quod confirmatur ex eo potissimum, quod in suis scriptis modò Peripateticam, modò Stoicam, modò aliam Philosophorum sectam commendat. Sic in cap. 40. Itatè Stoicorum doctrinam laudans, ait: *Hi nostro dogmati in plerisque concordant, nihil appellant bonum, nisi solum bonitatem, nihil malum, nisi turpitudinem.* Et in cap. 3. Jonæ Aristotelem extollens, ait, quosdam honoris causa numismata ænea signasse cum ejus imagine, quorum in adversa parte, *Natura Miraculum*, esset inscriptum.

Scripta

Scripta ejus pene innumera, quæ Tom. 6. in fol. edit. Parisi 1643. & Tom. 12. 1684. Francof. cum omnium notis, & commentariis, continentur, non est ut hic numerem. Ex his autem scriptis quæ Genuina, Dubia, Spuria, & Deperdita, vide apud Gul. Cave in Hist. liter. Script. Ecclæs. Quid denique de Hieronymi Operibus autores senserint, longum, & difficile esset adnotare. Id tantum pro ejus laude dixisse sufficiat, ea omnem omnium laudem, etiam Romanæ Ecclæsæ hostium, promeruisse. Plura, ac digna ejus elogia vide apud Marcellin. in Chron. Baron. in Annal. S. August. contra Julian. lib. 1. c. 7. Cassian. Sulpic. Sever. Grot. Erasmi. Lud. Viv. Gottefrid. Olear. P. Cuneum; aliosque innumeros: præcipue ejus Vitam, ejusdem Operibus appositam.

S. GREGORIUS NYSSENUS

NYSSÆ in prima Cappadocia Episcopus, S. Basilii Magni Cæsareæ Archiepiscopi, S. Petri Episcopi Sebastien in Armenia, & S. Macrinæ Virginis frater, vir eloquentissimus, & multiplici eruditione præstans, ut eum vocat Suidas; dulcis, & illustis Ecclæsæ fons, ut Leo Imp. appellat. Constit. 88. ex Rhetorices Professore ad curam pastorem sub Valente Imp. traductus fuit, Uxorem habuit Theosebiam, feminam erga Dei cultum eximiam, ut nomen ipsum Theosebiæ ei quam aptissime conveniret: quæ cum Gregorius ejus vir ad Sacerdotium assumptus est, & ipsa inter Diaconissas Dei cultui deo veri voluit. Gregorius Nyssæ Episcopus vix creatus, à Valente in exilium missus est circa an. 370. quod Orthodoxis patrocinaretur. Deinde post 7. exilii annos à Valente evocatus, & suæ sedis redditus. Ecumenico Constantinopolitano Concilio inter primos sedie an. 381. ac fidei Libelli, Symboli appellati, autor dicitur à Nycephoro, & aliis: imò tantæ fuit doctrinæ, & autoritatis apud omnes, ut Theologi Græci æque ac Latini ad confirmandam Orthodoxæ Fidei dogmata testentur, certissimum adhibuerint, & Patrem Patrum appellaverint. Obiisse dicitur valde senex circa an. 396. die 9. Januarii, ut Fastis Græcorum adscriptum est, siue 9. Martii, ut ex Martyrologio Latino.

Quod autem Philosophus fuerit Ecclæsticus, clarissime ostendit præ aliis Sixt. Senens. his verbis: *Gregorius Nyssenus, quem Græci honoris causa Patrem Patrum appellant, Academicis, ac Peripateticis disciplinis excultus, vir eloquenti nervosus, ac cultus, &c.* Et confirmat Ell. du Pin. Nov. Bibl. Autor. Ecclæs. Tom. 2. p. 682. & 683. *Philosophiam Theologiæ commiscet, Philosophorumque principis utitur tum in Mysteriorum explanatione, tum in Moralibus suis sermonibus. Quapropter ejus opera tractatibus Aristotelis, & Platonis, quam aliorum Christianorum similiora sunt.*

Scripta ejus plura, & eximia, styli perspicuitate, & elegantia commendabilia, omnia simul collecta exstant Vol. 3. in fol. Paris. in quibus præter Oratoriam artem, & eruditionem, phrasin, & dulcedinem, Christiana simplicitas etiam notatur; ut præ aliis advenit Abraham. Scultet. in Medul. Patrum, ajens: *Gregorius fuit natura simplex, & bonus: idcirco æquior, idest, simplicitatem ejus reprehendit aticubi Basilii frater. Et Erasmus bene judicat, in stylo quoque piam simplicitatem Nysseno placuisse.* Ejus Opera Genuina, Spuria, Deperdita, quæ sint, vide apud Gul. Cave. De Gregorio Nysseno passim omnes, præcipue Greg. Nazianz. Hieronym. Trithem. Socrat. Sozomen. Theodoret. Bellarm. Possevin. Baron. Le Mire, Quenstedt, Phot. &c.

Cesenzæ natus, Philosophia, atque omni eruditione clarus, literatis omnibus, ac præcipue Jacobo Critoio, viro inter Scotos literatura eximio, qui omni studio literatos inquittebat, carissimus fuit. Cùm autem simul Venetiis convenirent, post multas, arduasque literarias contentiones coram nobilibus, doctisque viris habitas, hoc à Critoio encomium meruit, à se nullum, sive argumentorum vi, & subtilitate, sive elocutione, & doctrina, Mazzonio similem inventum fuisse. Hinc jure merito Joh. Imperialis in Museo Historico de ipso ait: *Hic ingenti divinitate antiquos Græcorum, & Arabum sapientes adequasse videri potest, Latinos vero forsitan omnes acumine provocasse.* In Patavino Gymnasio Pendasii partes, cujus se præceptis de voverat, contra Mercenarium editis etiam scripsit utatus est. Mirabile etiam illud est, quod habet cit. Imperialis ibidem, eum annos natum 27. Bononiæ Thebes 5197. ad omnes scientias spectantes, magna sui nominis gloria, & auditorum stupore, propagasse. Philosophus fuit Eclecticus, Platonis æque ac Aristotelis doctrinam secutus.

Quamvis à multis Orbis Academiis ad primos Magisterii honores vocatus esset, Magno tamen Hetruriæ Duci in celebri Pisarum Gymnasio interservire placuit. Cùm autem postea à Cardinali Aldobrandino rogatus Hetruriæ Dux esset, ut Mazzonium sibi cederet, vel invitus hoc fecit. Quare anno 1600. Romam venit, ubi ut Ingeniorum potentum & creditus, & habitus est. Pontificis etiam cum Ferrariæ Duce controversias composuit. A Castanea tum Cardinalis, ac Legato Bononiensis, & deinde Pontificis Maximo, Literatorum Princeps appellabatur. Literarias controversias cum doctissimo Franc. Patricio, & Belisario Bulgarino habuit. Denique Ferrariam cum eodem Aldobrandino veniens, eo loci mortuus est an. 1603.

Ex editis Mazzonii Operibus præcipue sunt: *Methodus de triplici hominum vita lib. 3. quæst. 5197. distincta: In universam Aristotelis, & Platonis Philosophiam Præfudia: Platonis & Aristotelis consensus: Disputa del Dante, &c.* Mazzonius à Leonardo Salviato dicitur vir in supremo gradu scientificus, in omnibus idiomatibus cæcis, in omnibus facultatibus magister, qui tantum sciret, quantum reminisceretur, reminisceretur quantum legisset, legisset quantum ubique scriptum reperiretur. Vide cit. Imperialem. Jan. Nic. Erythræum, &c.

LEO ALLATIUS

Græcus, cui Patria Chios, vir, *καλομαθημένος*, ut ex ejus libris omnigena eruditione refertis videre est. Anno ætatis nono Italiam veniens, in Calabria apud ditissimos, ac nobilissimos Spinellos commoratus est. Inde an. 1600. Romam venit, ac Græcorum Collegium ingressus, humaniorum literarum, Philosophiæ, ac Theologiæ studiis operam dedit. Tum à Bernardo Justiniano Episcopo Anglonæ in suum Vicarium Generalem electus, summa virtute, ac laude sic ejus vicem gessit ad annos duos, ut ab Andrea Justiniano idem ipsi munus fuerit demandatum. Sic in patria ad annos aliquot commoratus, Romam rediit, ubi Medicas disciplinas didicit sub præceptore Julio-Cæsare Lagalla, publico in Sapientiæ Archigymnasio Professore, cujus disciplinæ doctoratus etiam lauream est consecutus. Post hæc Græcorum in Romano ipsorum Collegio Præceptor factus, eos in vario scientiarum genere erudit. Gregorius XV. ut Summus Pontifex creatus fuit, Leonem in Germaniam misit an. 1621. ad Biblio-

bibliothecam Heidelbergensem inde Romam transfegendam. Postea Cardinalis Barberini, ac omnium sui ævi literatorum gratiam, & exultationem nactus, in id totus incubit, ut libros vel proprios ederet, vel Græcos Latinos redderet, vel antiquos, & obscuros dilucidaret. Tandem Alexander VII. ipsum in Primum Vaticanæ Bibliothecæ Custodem elegit. In hoc munere obeundo mirum quam præclare se gesserit. Pietate etiam, ac virtute insignis vir erat; nam & multa Collegia in patria sua crexit ad concivium in literis, & Christiana pietate eruditionem. Romæ obiit an. 1667. Plura edidit volumina de rebus tum ad Eruditionem, tum ad Religionem spectantibus. Philosophica sunt: *Socraticorum Epistole*, *Sallustii Philosophi Opusculum de Vita, & Mundo*, *Julii-Cæsaris Lugallæ Philosophi Romani Vita, &c.* Acuotus æque commendatur autoribus; è quibus fonsus de Script. Hist. Phil. lib. 3. c. 19. g. ita: *Præterea nomen summi in Italiam tum perpetuo commendabat memorie, Leo Allatius Chiis, doctissimus hæc ætate Græcorum, &c.*

DANIEL HEINSIUS.

GANDAVI, quæ Flandriæ Metropolis, natus est an. 1580. vel 1581. ex patre Nicolao; qui filium tres annos natum ob civile bellum de patria eduxit. Latinis, Græcisque literis, Philosophiæ, ac disciplinis fere omnibus apud Batavos imbutus, brevi ipsorum Professor fuit egregius: nam vix viginti ætatis annum ingressus, Latinæ, ac Græcæ linguæ, Legum item, & Philosophiæ literaturam cursum expleverat. Unde Amstelodami ad Bibliothecarii munus, & Politices in ejusdem Civitatis Universitate Cathedram electus, utrumque munus egregie sic peregit, ut magnam literati famam, & exultationem nedum apud Batavos, sed etiam apud omnes Europæ literatos sit consecutus. Multas, sicut Transalpinis mos est, Europæ civitates, & Academias peragravit. A Principibus honoribus insignitus est eximius; nam à Gustavo II. Sueviæ Rege Historiographus, & Consiliarius Regius nominatus est; & Resp. Veneta eum S. Marci Equitem fecit: cuius dignitatis insignia à Marco-Antonio Morosino, ejusdem Reip. ad Batavos Oratore, accepit. Jam senex Orientales etiam linguas didicit. Summa facilitate metro, ac profator edidit varii argumenti libros, omnes tamen mira eruditione repletos, ut ipsos vel numerare longum esset. Sive enim obscurorum veterum scriptorum, Græcorum, & Latinorum libros ab ipso vel interpretatione, vel commentariis, & notis illustratis, sive à se editos species, universalis, & incomparabilis dicendus est. Reliquis verò varii argumenti libris Heinsii prætermittis, Philosophicos adnotabo, qui sunt. *De Stoica Philosophia. Paraphrasis Andronici Rhodii in Aris. Ethicam ad Nicomachum. Maximi Tyrii Platonici Dissertationes 40. Gr. Lat. cum notis. De Contemptu mortis lib. 2. versu, & prosa. Paraphrasis perpetua in Politicâ Aristotelis. De Civili Sapientia, & Prefatio in lib. 2. Politic. Aristotelis. Socrates, sive de doctrina, & moribus Socratis. Oratio, & Prefatio in lib. de Mundo, vulgo Aristotelis inscriptum. Laus Pediculi. Laus Ahni &c.*

CAPUT IX.

Philosophi Chymici.

ET PRIMO

DE CHYMIA.

DE re tam vasta, & spinosa, de quo tot edita sunt volumina, quot nulla unquam Bibliotheca capere posset, verba facurus, illud hic in limine animadvertendum duxi, me eidem compendiarie Historiæ Methodo inhaerentem, nonnisi Chymicæ Scripturam, Etymon, Significationem, Originem, Doctrinam, ac præcipuos Seditores breviter vel digito tantum attingere, & indicare, non utraque manu funditus haurire, & examinare, ad brevem quidem, sed sufficientem ejus rei notitiam, jure merito statuisse. Non igitur de quaque Philosophicæ Sectæ tractatum faciam, quod & longissimum esset, & à meo potius alienum instituto; sed quæ de singulis ætiam præcipua, & scitu potiora sunt, adnotabo.

Chymicæ SCRIPTURA, ETYMON, SIGNIFICATIO. *Chemia*, *Chemia*, *Chimia*, *Chymia*, scriptum invenies apud autores; nam à varia derivatione varia scribendi ratio venit: quævis tamen Scriptura, adhuc salva Orthographia, defendi potest tum origine, tum etiam autoritate. *Χημία* apud Photium ex Zosimo Panopolita; *Χημία* apud Suidam; *Χημία* apud alios frequentissime à *χημα*, à quo *Χημικ*. Quibus vocibus Arabes, hujus artis si non inventores, saltem præcipui cultores, suum articulum *Al* addentes, *Alchemiam*, & *Alchymiam* efformarunt. Dicitur etiam *Σπαγίρια*, *Spagirica ars*; quod vocabulum Græcum esse ait Rui. & Johs. in Lex. Rolinck. à *σπῆρ*, *σπῆρ* *ἀγῆρ*, *extrahere*, & *colligere* (quæ prima vox *σπῆρ* male à quibusdam redditur *disgregare*: *σπῆρ* enim non significat *disgrego*, sed *traho*, *extraho*, unde vulgaris vox apud nostrates *Spas*, funiculum tenuissimum significans, quod funiculis omnia trahuntur, & ipsum sutores in suendo trahunt) Ars enim est, teste Paracelsi, quæ purum ab impuro, sive utile ab inutili extrahere, & colligere docet, ut virtus remanens validius operetur. Male igitur, si etymon modò dictum spectes, Spagyrica à quibusdam scribitur, nam Spagirica potius scribendum, si Græcam sapit originem. Vocatur etiam *Ars Hermetica*, ab Hermete, qui ejus inventor creditur; ut mox dicam; & *Προτεχμία*, *Protechnia* *ἀρτὴ τῆ προτεχίας*, *ab igne*, & *arte*; enim vero ars est, quæ per ignem operatur. Horius vero Hist. Philos. lib. 3. c. 5. hanc tradit Chemicæ vocis originem: *Ipsum Chemicæ nomen à Chamo, Noachi filio fluxisse opinor; qui, uti supra notatur, ejusmodi artium studiosus fuit. Nam & Egyptum ipse primus tenuit, ubi ars illa antiquissimis temporibus inter mysteria sacra habebatur: & ipsa Egyptus in Sacris Osiridis à Chamo Chemia dicta est.* Chymia in duas dividitur partes, & quarum prima, vetustior est *Μεταλλουργία*, *Metallurgica*, sic dicta, quia Metallorum transmutationem, & purificationem operatur, unde Græcum hoc ei nomen est; docet enim metalla impuriora in puriora convertere, & purum in ipsis ab impuro separare; atque hæc proprie *Alchymia* dicitur, ejusque professores *Alchymistæ*, qui *Χημικοὶ*, *ἢ Ἀργυροποιοὶ*, *Auri*, & *Argentis formationem* laborant. Ad quam Alchymicæ partem respexisse videtur Suidas, cum eam definit: *ἡ τῆ ἀργύρου, ἢ Χρυσῷ κατασκευὴ*, *Argentis, & Auri preparatio*. Secunda est *Chymia Medica*, quæ ex triplici naturæ regno, Animalis, Vegetabilis

bili, & Minerali prædicamenta præparat ad corporis sanitatem conservandam, vel amissam recuperandam: cui competit supra dicta Paracelsi definitio, vel hæc, quæ in idem coincidunt: *Art bene laborandi, hoc est, corpora heterogenea dissolvendi, homogenea conjungendi.* Atque hæc proprie Spagirica vocatur. Duplex hinc dicitur Chymiæ utilitas; rerum naturæ dignotio, & morborum facillior sanatio.

ORIGO antiquissima est, ex omnium consensu, si Alchymiam spectes, quam ad Hermetem Ægyptium, Trismegistum vocatum, quidam referunt, cujus Tabula Smaragdina totius artis fundamenta continere dicitur. Hunc tamen Hermetem non Trismegistum, sed Hermetem Arabem Medicum fuisse, alii contendunt. Quidam Moſen quoque Alchymia peritum volunt, imo & ipsum Adam. Vellus etiam aureum, quod Jason periculosa in Colchidem navigatione cum Argonautis tanta animi contentione quæſivit, & nonnisi perfecta re non conquievit, donec voti sui compos in patriam rediit; non aliud fuisse, plures affirmant, nisi librum *ἡρώδης ἱστορίας, de Chryſopeia*, seu auri fabricatione, in Colchide diligenti cura asservatum, in quo scilicet tradebatur, ut ait Suidas *ὅπως δὲ γίνεσθαι δὲ χρυσοῦς χρυσοῦς*, Quomodo fieri debeat per Chymiæ aurum. Quæ sententia Langio etiam arridet lib. 1. Ep. Med. 53. Hanc vero artem fabulis hæc veteres occultare voluisse, Alchymia tradunt. Sed Jos. Scalig. ad lib. 4. Manil. ait: *Non habemus antiquiorem Firmeto, qui Alchymia mentionem fecerit.* Et Delrio Disquis. Magic. lib. 1. c. 5. *Alchymiam opinor verusam, sed certa testimonia ante ævum Caligula non invenio.* Addam phantasticam Zosimi Panopolitis sententiam in lib. 1. de Chymia, homines scilicet esse hanc artem edoctos ab Angelis illis, qui cum mulieribus consueſcentes, gigantes procreant; cuius verba refert Photius, & Jos. Scalig. in notis ad Eusebium. Quidquid tamen alii *ὑπερφυσικῶς* magis, quam vere de Chymia Origine jactitent, ita apud omnes fere confessa res est, & manifesta, eam nobis ab Arabibus, sive Mauris Hispaniam occupantibus, transiisse: quod probant, ut ajunt, Chymica multa, quæ afferunt Avicenna, Bulcasis, Rhasis, Joh. Mesue, alique: Mauri verò ab Ægyptiis acceperunt, qui ex ea difcebant. Quare, ut Suidas in Chymia, atque alii scribunt, Diocletianus Cæsar, capta Alexandria, liberos omnes summo studio undique congregatos combussit, ut occasionem Ægyptiis eriperet hac arte difcendi, armaque adversus Romanos capiendi. Sed quanquam Alchymia vetustissima sit, serò tamen ad Romanos pervenit. Et Joh. Franc. Buddeus in Hist. Phil. succincta delineatione p. 81. *Chemicorum Secta sec. 17. reliquas omnes amplitudine, & diuturnitate superavit. Originem ejus quidam ad Hermetem Ægyptium, & Moſen referunt; quod de peritis solvendi metalla forsan concedi posset. Post Constantini M. tempora Transmutatorium artem professi sunt inter Græcos Zosimus Panopolites, Synesius, Olympiodorus Alexandrinus, Theophrastus junior, Hierotheus, Archelaus, alique; Attamen secundum Conringium, & Buddeum Arabes non ab Ægyptiis, sed à Græcis, atque hi ab Ægyptiis acceperunt Alchymiam. Chymia verò Medicinalia longe recentior est Origo. Hanc doctissimus Daniel Clericus in Hist. Medic. continuatione ad Arabes, decimo, vel undecimo sæculo viventes, hoc est, non ante Avicennam, refert: quem omnium primum aliqua Medicamenta Chymica memorasse affirmat.*

DOCTRINA alia Alchymia, alia Chymia, sive Spagirica artis, est Alchymia doctrinæ synopsis talem exhibet Joh. Franciscus Buddeus loc. cit. p. 84. *Quamvis difficile fuerit Mysticæ hujus, ac Theosophicæ Philosophiæ systema aliquod exhibere, cum non in omnibus omnes inter se consentiant, sed eorum sere quisque singulares quasdam foveat opiniones; præcipua tamen, &*

omnibus fere communis doctrina, in qua si non omnes, plerique saltem eorum consentiunt, ad hæc capita commode reduci potest. In philosophandi methodo incipiendum à Deo est, & ab eo descendendum ad creaturas. Rite igitur philosophatur penitentia potius, & cupiditatum coercitione opus est, quam Organo aliquo Aristotelico. In Deo enim res omnes quam accuratissime cognoscuntur; & sicut omnia ab eo effluxerunt, ita omnia in eum sunt reditura. Impressit Deus rebus omnibus suam imaginem; hinc ut rerum omnium natura in Deo, ita & Dei essentia in rebus creatis, præcipue in homine concipi potest. Qui à Deo nexum, rerumque omnium Analogiam, quæ inter Creatorem, & res creatas intercedit, cognoscit; ei rerum omnium vires occulti patebunt: quæ vere Magia Naturalis est. Vera Astrologia peritus erit, qui mirabilem astrorum efficaciam, & in hæc inferiora influxum noverit. Cum metalla astris admirabili harmonia respondeant; scire hinc oportet genuinum semen metallorum, quod ab astris proveniat, excipere, aut ex aliis corporibus extrahere: quo semine non solum viliora metalla mutari in aurum possunt, sed preparari quoque potest Universale Medicamentum, quod pellendis morbis omnibus, & vitæ quamlongissime prorogandæ inserviat. Inest hinc Mundo Spiritus Architectus, atque Archæus operum naturalium, quorum rationem reddere nescimus, causa. Hic corpora efformare, & conservare quamdiu potis est, & certa signa, & characteres, quos Signaturas vocant, iis imprimere, quas qui intelligat, is statim quoque vires eorum, & facultates cognoscat. Homo ex tribus componitur partibus; quarum præcipua, Divina scilicet essentiæ particula corporis mole, fideretque, seu auralis spiritus viribus velut captiva tenetur. Si autem corpori obediatur homo, in brutali is statu versatur: ab hoc tamen emergit, & ad humanitatem redit, si astralis spiritus imperium accipiat: perfectum autem fieri, si Divinæ essentiæ particula jam liberatæ omnia subjiciatur. Mala omnia, quæ homines premunt, ex eo oriuntur, quod corpori, & astrali spiritui obediant. Feliciora tamen tempora imminet, quibus puriori menti locum, libertatemque concedent; & tunc cum perenni tranquillitate summa quoque artium, & scientiarum perfectio expectanda est. Alchymistarum igitur (qui Theosophi, Adepti, & quæ sunt ejusmodi, speciosioribus nominibus appellari volunt) ad ignem, fumumque deperditorum, pessima, ac periculosa occupatio in id tota est, ut Lapidem Philosophicum conficiant, sive is pro Panacea, seu Universali morborum omnium remedio, sive pro Semine ad aurum perficiendum necessario, accipiat. Verum an Medicina Universalis, & Aurum Artificiale ab Alchymistis unquam inventum fuerit, fides sit apud eos: mea enim non interest rem adeo controversam ad trutinam revocare, cum Historicum agam, non criticum: Vulgare tantum hinc memorem proverbium, cuius etiam meminit Guido Pancirollus, quo per longam experientiam id asseritur: *Nunquam vidi Alchymistam divitem*. Quod item resonat Italicum illud: *Non ti fidare all' Alchimista povero, e Medico ammalato*.

DOCTRINA vero τῆς Ἑννοίας, sive Chymicæ Medicinalis, quæ regulas tradit mista omnia in sua Principia componentia resolvendi, sive partes puras, hoc est, Principia Activa, à partibus Imparis, seu Principiis Passivis separandi, talis est. Corporum naturalium Principia, ex Theophr. Paracelso, alia sunt Activa, alia Passiva. Activa sunt Sals, Sulfur, & Mercurius. Passiva Phlegma, & Caput mortuum: quæ tamen Principia Paracelsus à Basilio Valentino mutuo accepit; qui Basilus aliis etiam nominibus Activa hæc Principia appellavit, Spiritum scilicet Animam, & Corpus; quibus metalla omnia constare ait, per Spiritum Mercurium, per Animam Sulfur, & per Corpus Sal intelligens. Per hæc autem nomina non vulgaria Sal, Sulfur, & Mercurius,

rius, accipienda; sed per Sal intelligantur tales particule materiales, rigide, inflexibiles, & varie acutæ, quæ facillimæ sunt solutionis, & linguam, & os sæpius feriendo, gustus sensum inferunt. Sulfuris nomine veniunt particule ramosæ, pingues, quæ facillime ignem concipiunt. Mercurii denique nomine insigniuntur particule rotundæ, teretes, ac proinde facile mobiles. Phlegma verò, & Caput mortuum Passiva dicuntur Principia, quia nullam vim, & energiam habent, sed præbent se ut puram materiem, in quam Activa Principia agere possint. Omnis autem Spagiricæ artis *γχειρὴς*, manualis operatio in solutione, & coagulatione consistit; unde Chymicorum dictum: *Solve, & coagula*. De Ortu, & Progressu Chymicæ videatur, præter alios *Herman. Conringius de Herm. Medicina*; & contra hunc *Olai Borrichii Dissert. de Ortu, & Progressu Chymicæ*: & ejusdem *Hermetti, Egyptiorum, & Chymicorum Sapientia contra Apolog. Conringii vindicata*. Sed ad Chymicos post Chymiam accedamus.

RAYMUNDUS LULLIUS

E Remita, Natus est in Insula Hispaniæ Majorica circa A. C. 1235. Alchymiam *Arnoldi Villanovani*, præceptoris sui, tumulatam quasi, revocavit. Scripta ejus pleraque ab ejus sectatoribus, ut *Jacobo Fabro Stapulense*, *Carolo Bovillio Samobrinno*, & *Henr. Cornel. Agrippa*, exarata fuisse, suspicio quorundam est. *Æveas* aliquot pilas in auri substantiam mutasse, inque *Regis Britanni Atri* adhuc asservari, fertur. Fuit propria, ac singularis, cum Philosophiæ, tum Medicinæ, ac propemodum Theologiæ. Anno ætatis suæ 30. solo pietatis ardore, in Africam trajecit, ibique in nefarium *Muhametianorum* sectam, aliosque infideles acriter invehens, multos convertit, ac ad Christi cultum traxit; quo studio totos 45. annos insumpsit; donec *Regis Bogiæ* jussu, velut alter *Stephanus*, Martyr lapidibus obrutus obiit in Africa A. C. 1315. ætatis suæ 80. Ita *Vander Linden* de Script. Med. In Palma Majoricæ Insulæ civitate ex nobili *Barcinonensium* stirpe ortum refert *Mich. Mayer*. à quo *Protheus* ingenio, *Dædalus* arte, & *Polycletus* norma judicii, appellatur. Scriptores autem omnes in oppositum partiti sunt: quidam enim ipsum Martyrem, Sanctum, Doctorem illuminatum vocant; sepulcrum ejus in Majorica venerantur; & plura de eo miracula prædicant. Alii contrà inter hæreticos, magos, impios, histriones, ac perditæ memoriæ viros eum recensent. Inter primos sunt tum ejus cives, qui in Majorica Lullianæ Philosophiæ loco Aristotelicæ magno stipendio dant operam; tum ipsius discipuli, & sectatores: peculiaris namque ex eo Secta orta est, quæ Lullistarum dicitur: quibus adde Rabbinos, qui dicebant, Lullio tantam Sapientiam Deum tradidisse, quantam *Salomoni* concesserat, ut notat *König*. in Bibliotheca. Mirum igitur non est, si in icone quodam, in quo vocatur *Philosophus*, in ejus ore Scheda sit, cui inscriptum: *Lex mea est ipse Dominus*; atque additum sequens distichon:

Doctrinam pandit Raymundus Lullius omnem,

Cui Deus infudit, scibile quidquid erat.

Laudat etiam *Herman. Conring.* à quo dicitur homo mirifici ingenii, cui *Ars Alchymistica*, & *Vini Spiritus inventio* debetur: & *Robert. Constantinus* in Nomenclatura.

Contra Lullium sunt *Baco de Augment. Scient. lib. 6. c. 2.* ubi ejus Artem æque ac Methodum ad impossitum potius, quam ad doctrinam laudabilem, valere ait. *Henr. Cornel. Agrippa* de vanit. Scient. qui Lullii Artem ad pompam ingenii, & doctrinæ ostentationem potius, quam ad eruditionem compandam valere, ac longe plus habere audaciæ, quam efficaciæ affirmat. *Lanlius*

in Orat. contra Hispaniam p. 377. ubi de Lullio: *Hominem subtilissime subtilitem; qui cum omnium bonarum literarum esset expertus, ac ne Latine sciret quidem, multa tamen ausus est patrio sermone evulgare, & tali obscuritate permiscere, ut, doctissimi licet, pauci admodum ea capiant: quod ineptissima scientie certum existimo argumentum. Ego Lulli Lapidem, & Doctrinam pari dignor pretio: & cum Poëta sic statuo:*

Qui Lulli Lapidem querit, quem querere nulli

Profuit; hand Lullus, sed mihi nullus erit.

Mitior tamen est censura Rapin. Reflex. in Philos. Sect. 17. Quod autem non Sanctus, & Martyr, sed hæreticus, sed impius fuerit, hoc maxime utuntur argumento, quod Eimericus memorat, ipsum de plusquam trecentis erroribus apud Gregorium XI. fuisse accusatum: qui deinde ab Episcopo Tarraconensi circa an. 1372. ejusdem Pontificis jussu examinatus, & damnatus fuisse. Addunt ejus accusasse, eum docuisse, Dei essentiam non unam esse, sed plures: Deum Patrem ante Filium genitum; & his similes execrandas blasphemias. Verùm Lullii accusers Lullium pro Lullo fumentes forsitan decepti sunt. Alter enim ab hoc nostro fuit Ráymundus Lullius, nostro junior, dictus etiam Neophytus, natione Judæus, Tarragæ in Hispania natus, qui, accepto Baptismo, Dominicanis nomen dedit: sed mox iterum Judaizans, varias horribiles protulit contra Religionem Orthodoxam propositiones.

Plusquam quatuor voluminum millia in Philosophia, Medicina, & Theologia noster Lullius scripsisse fertur, ut est in Ephem. Gall. Erud. Tom. 7. Olear. in Abac. PP. quorum Blenchum, licet tantum præcipuorum, longissimum vide apud Gesnerum in Bibl. quem Catalogum à Carolo Bovillo, qui Lullii Vitam scripsit, exscripsit. Extant etiam plures Lullii tractatus de Lapide Philosophico conficiendo, de Secretis Chymicis, & similibus rebus ad Chymiam spectantibus, in Theatr. Chym. Vide, præter dictos, Wading. in Annal. & Bibl. Min. Andr. Schot in Bibl. Hisp. Bellarm. de Script. Eccles. Bzovium; Spondum, &c.

ARNOLDUS VILLANOVANUS

Natus Villanovæ in Oppido Gallie Narbonensis A. C. 1300. patre plebejo: Petr. Aponensis, & Róymundi Lullii coætaneus: Medicina Praxin, & Alchymiam, sive auri conficiendi methodum Parisiis publice docuit: Magicarum artium, quod Sigillorum, Characterum, Divinationis, & Prædictionum Astrologiarum facultatem approbaverit, nec non singularis ejusdam hæresios suspectus, ad Siciliæ Regem Federitum perfuga se contulit. Hinc à Rege Romanæ missus ad sanandam Summum Pontificem, in itinere A. C. 1363. ætatis sue 63. obijt in mari, ex eoque Genuam translatus, ibi sepultus est cum marmoreo monumento, quod adhuc ibi visitur. Vander Linden de Script. Med. Cùm autem Villanova tum Gallie, tum Hispaniæ Oppidum vocetur; hinc factum, ut Hispani Aragonenses suum contendant, Galli Narbonenses suum: prævalent tamen Gallorum argumenta, & testimonia; in Gallia enim scientiæ & didicit, & docuit. Latine linguæ, Græcæ, Hebraicæ, & Arabicæ; Philosophiæ etiam, & Theologiæ peritissimus fuit. Nobile ejus ingenium, & eruditionem maximam laudat Joh. Mariana lib. 4. Rer. Hisp. c. 9. sed pravis superstitionibus, praviq; de religione opinionibus suam ex literis adeptam famam coinquinavit; unde & ipse ab Inquisitoribus ignominia notatus est; ejusque libri damnati. Quod autem idem subdit: *Ex humano semine quibusdam in vase medicamenti hominis corpus efformasse, qui affirmet, autorem habeo;* Gulva

salva pace tanti viri, imposturam censeo, cum nullimode fieri possit. Ex Astrologis suis prædictionibus, quibus certam habebat fidem, edixit, Mundi finem mox futurum, annumque præfixit 1335. vel 1345. vel 1376. Sed prædictionem hac magis insanam, ac temerariam quis unquam audivit?

Scripta ejus complura una cum ejus Vita in fol. cum Notis Nicolai Tauleri habentur; ex quorum numero, præter Medica, sunt *Rosarius Philosophorum. Novum Lumen. Sigilla. Flos Florum. Epistola super Alchymiam. De Judiciis infirmitatum secundum motum planetarum. Speculum Alchymie. Carmen. Quaestiones. Nova Opera Chymica, hoc est, Theaurus Theaurorum, &c.* edita sunt Francof. 1603. De Arnolodo ita Joh. Imperialis in Musæo Hist. Portentoso vir ingenio, Veterum Novatorum maximus, dogmatum raritate percelebris, quem sibi civem Galii certatim, & Hispani vendicant. Is licet humili patria, obscurisque profectus laribus, tamen arcano impetu, ac excellenti mentis indagine, peritorum naturæ operum scrutator acerrimus, Europam fere omnem sui nominis majestate complevit. Hoc ipsi vel in factis fuit, Medicinam Astrologiæ, ac intimiori cuidam Philosophiæ perpetuo jungere, &c. Naud. tamen de Stud. Militar. lib. 1. Ut erat homo multum deditus Rabbiorum, & Alchymistarum deliramentis, ita nonnullorum Sigillorum compositionem in sua Medicinæ practica docuit. Vide S. Antonin. Spond. Julit. Castellan. Delrio, &c. & præcipue ejus Vitam suis Operibus additam.

ROBERTUS

Cognomento *Inquisitor, & Persecutor*, Monachus Dominicanus, natione Anglus, patria Eboracensis, seci. 14. sub Eduardo II. & III. floruit. Inquisitoris autem, sive Persecutoris cognomen ex eo habuit, quod summa animi contentione quicquid Christianæ, ac profanæ Philosophiæ, & Mathematicæ disciplinæ erat, inquirebat, & scrutabatur. Quidam eum Magiæ accusant, idque ex ejus operibus evincunt, in quibus ipse, nullo Christiani, magis autem Dominicani nominis habito respectu, curiose nimis Secreta utcumque collecta pertractat. Scripsit enim *Mirabilia Elementorum. Impressiones Aëris. De Magia Ceremoniali. Mytheria Secretorum. Correctorium Alchymie.* Vide Pitseum de Illustr. Angl. Script. Anoniam Senensem: Joh. Lelandum, &c.

AUREOLUS PHILIPPUS THEOPHRASTUS BOMBAST
PARACELSUS

AB *Hohenheim, natus ex nobili familia Paracelsorum in Helvetiorum Vico Einsidlen dicto, duobus Tiguro militariibus distante A. C. 1493. patre Wilhelmo, Medicinæ Licentiato, ex principe quodam, sed extra ibidem, prognato. Per multas cum Europæ, tum etiam Egypti, & Arabiæ pervagatus regiones, tandem reversus, Basileæ Medicinam fecit, desperatos sepe morbos sanando, tamque ibidem publice docuit. Joh. Crato affirmat, Paracelsum non primum invenisse sua remedia, sed in libro quodam ante 100. tunc annos scripto à Monacho reperisse. Magis suspectus fuit. Obiit Salisburgi A. C. 1541. ætatis sue 48. ibi que sepultus est in Nosocomio ad S. Sebastianum. Vander Linden de Script. Med. Ex tribus primis nominibus solum nomen Philippus ei in Baptismo impositum notat Comingius; reliqua autem duo ad splendorem potius accepisse; Bombast autem cognomen nobilissimæ familiæ fuisse, ex qua Wilhelmus pater illegitimum ortum traxerat, Princeps Georgius ejusdem familiæ testatus est; Paracelsi verò propriæ familiæ cognomen creditur: denique ab Hohenheim dictus*

dictus à loco ejusdem Principis Bombast ditionis. Ipse tamen Paracelsus in lib. cui titulus *Paragranum*, solum *Theophrasti* nomen amabat, quod sæpissime solum ponebat, asserens: *Et naturæ, & Baptismatis jure Theophrastus nominor.* Erastus ipsum eunuchum fuisse asserit, sive ex amputatione à viro quodam facta, sive ex morfu porci, ei in infantia avulsis testibus; unde & femininum osor semper fuit, ut testatur Oporinus suus familiaris, qui biennio ei à secretis addicitur: qui fatetur etiam, Paracelsum toto eo tempore Deo preces fundere à se nec visum, nec auditum. Neque mirum, nam pessime, & αλγος de Orthodoxa, omnique religione sentiebat, novam ipse suis dogmatis, imo verius deliramentis, stabilis jactans. Ex his pauca hic referam, unde qualis ejus doctrina, sive potius stulticia fuerit, cognosci possit. Libro 5. de Morbis Invisibilibus ait, Deum cacodæmoni Magiæ scientiam tradidisse perfectam, eamque ab ipso, eo tamen inde relicto, nos haurire, & excerpere debere. In Labyrintho Medicorum errantium asserit, Magiam, in se consideratam, scientiam esse occultissimam, per quam tum rerum supra naturam, tum etiam naturalium, quarum ratio reddi aliunde nequeat, absolutam notionem habere possumus. Equis enim Theologorum, pergit delirans, spiritum malum ejicere, vel invocare sine Magia unquam potuit? (similis in hoc Paracelsus Pharissæis, qui Christum Dominum in principe Dæmoniorum, & per Magiam Dæmonia, ejicere dicebant) Quis Medicorum sine Magiæ ope ægrotum vel unum cura vit? Unde Magiam vocabat Artem Artium, per quam reliquæ Inventæ, & per quam solam, non per Galeni, Avicennæ, & similium libros, ad Medicinæ cognitionem pervenire quis possit. Magicum igitur, & Magicorum principem se jactando, in Prasat. libri Paragranum, & Thesauri Alchymiz, fidem, aliis, sed levibus corde, faciebat, se ab Inferis Galeni literas accepisse, ac in ejusdem tenebrosi loci vestibulo cum Avicenna de Auro Potabili, de Tinctura Philosophorum, de Quinta-essentia, de Lapide Philosophico, de Mithridate, & de Theriaca, disputasse. O insaniam insanissimam! ò nequissima deliramenta! ò ridiculam ebrii mentem! Ebrium autem ipsum dixi, non ex Henrici Bulliogi testimonio tantum id affirmans, sed ex ipsius Joh. Oporini sui familiaris, qui in Epistola ad Solenandrum, & Wierum de Vita, & moribus Paracelsi, testatur, ipsum nec unam, vel altera diu hora non ebrium observasse, adeo vino, & crapulis indulgebat; sicque ebrium semper vestibus indutum dormivisse. Hoc autem, Oporinus subdit, nullo erat impedimento, quin Philosophica sibi dictaret. O Philosophiam vinum redolentem! ò vinosum hominem! Sed si *In vino veritas*, ut in proverbio est, patrocinentur ei sui fautores, & asseclæ, agentes, mentem per vinum amotam, & veluti extra corpus raptam, veritatem cognoscere, liberius philosophari, atque etiam quandoque futura prædicere. Esto; nec alia ei laus sit, quam quæ ex vini furore, & veritatis per vinum inquisitione proveniat.

Paracelsi Theologiam Magiæ ope acquisitam si scire quis cupiat, adeat Thomam Erastum Part. 1. p. 24. ubi septem ejus Propositiones ex ejusdem scriptis erutas, notatas videbit; quarum sensus est. 1. Ipsum, cum Ario, fingere, Verbum, per quod creata sunt omnia, distinctum à Deo essentiam habere, creatum esse, corruptioni, & Dei iudicio obnoxium. 2. Plures esse inferioris ordinis Deos, quorum ministerio Deus Mundum confecit. 3. Negat, Christum esse Creatorem; sed tantum, ait, ei munus impertitum varias essentias, in Chaos confusas, aliorum etiam sociorum ope, separandi. 4. Asserit, Adam imperfectum creatum fuisse; perfectum autem factum post pomum, diaboli suasionem, comestum: in quod pomum diabolus omnem suam scientiam secum intruserat: ac proinde Adam naturæ lumen, nisi post ejectionem à Para-

diso

diso illo, non habuisse. 5. Homo, ait, omni nascitur libertate privatus; hinc ad mala, & crimina ab inferioribus diis, de quibus modò dictum, impellitur. 6. Etsi *Pater omne iudicium dedit Filio*, sicut hic, & ubique sæpissime Sacra Biblia clamitatur; ipse tamen omne penitus iudicium Christo admittit. 7. Denique & omnium horrendissima propositione asserit, Christum etiam peccatorem (horret calamus vel scribere) extitisse, ac proinde Dei iudicium de eo expectandum. O præclarum Theologum, & ad nostra usque secula inauditum! O novum Theosophiæ portentum! O excelsum, ac mirabilem Religionis institutorem! Institutorem dixi, nam omnes æque religiones ut errorum plenas damnans, ac Romanum Pontificem, Lutherumque castigandum à se promittens, non secus, ac de Galeno, & Hippocrate fecerat, novam omnino religionem se conditorum dicebat. Non negaverim tamen, ipsum quandoque Catholicorum more in suis scriptis locutum esse. Levis etiam fuit ad puerilia, inania, absurda, & *ἀνακα* quædam credendum, & docendum; assensu, præter alia multa, sanguinem feminae menstruum omnium esse venenorum potentissimum: ex partibus feminei seminis cum eodem commistis pulices, araneos, erucas, scarabæos, & id genus insecta oriri; & his similia fatua, & infusa. Quid autem dicam de artificiali illo homuncione, quem ipse ex spermate virili, in vase vitro hermetice obsignato incluso, & sub fimo equino ad certum tempus detento, donec in vase contenta materies moveri incipiat formasse, jactabat? quem homuncionem per 40. hebdomadas Arcano sanguinis, quod vocat, nutrire oportet.

Citatus Job. Oporinus, & ex eo Gesnerus in Tract. de Chirurgiæ Script. asserunt, Paracellum in ensis capulo suum Azoth, familiarem scil. dæmonem a ligatum habuisse. Præcipuus sui animi conatus fuit Hippocraticam, Galenicam, omnemque Medicinæ scientiam funditus evertere, ac suam unicam stabilire, quam cujuslibet sectæ Medici in posterum sequerentur, atque ipsum ut Medicinæ Monarcham venerentur. Hinc Hippocratem, Galenum, Avicennam, omnesque sui, ac præteriti ævi Medicos ad contemtum *Humoristas* appellabat, quod morborum omnium causas in humoribus quaererent. Verùm qui omnes æque despexerat, omnibus quoque despectus erat, ab iis non Theophrastus, sed Cacophrastus vocatus. Tandem prætermisiss aliis ad ejus vitam spectantibus, atque ægrotis, ab eo mira arte, ut ajunt, sanitati redditus; ad ejus mortem considerandam veniamus, quam nemo quidem est, qui non admiretur, quod scilicet A. C. 1541. ætatis verò circiter 48. tam cito obierit, quæ aliis tam longævam promittebat vitam. Crolius tamen, ut magistri honorem tueretur, ait, ipsum veneno ab ejus famæ hostibus sublatum. Guil. Bovil. in Leon. Illustr. Vir. Paracellum in hoc commendat, quod animi integritate, & pietate in egenis nulli secundus fuerit.

Ad Paracelsi Doctrinam quod attinet, jam supra diximus, eum tria hæc in Chymia statuisse Principia, Sal, Sulfur, & Mercurium. Utramque caluit Chymicæ partem, Medicam scil. & Metallurgicam. Lapidem Philosophicum, Aurum artificiale, & his similia Chymica Arcana confecisse dicitur. Miracula, quæ in arte potissimum Chirurgica patrassè asserunt, legitimis, & fide dignis carent testimoniis, ut advertit Libavius, licet ipse quoque Chymicus magni nominis; cujus verba in Hist. Panac. Annwald. sunt. *Vim universalem quod attinet, ajunt quidam, Paracellum omnes morbos sanasse Lapidis præsidio. Sed cum nihil demonstrati dicant, ipseque magister plurimos deciperet, nec curaverit, multos interfecerit, aut certe pejor affecerit, nec sibi ipsi, tum, & arthritidem, contrakturamque adimere potuerit, vanitatis coarguitur assertum.* Aurum nunquam effusasse vel ex eo argui potest, quod pauper

pauper semper vixerit, & obierit. Unde Carolus Quintus Imp. qui aures ei præbebat, Delirum ipsum vocavit, ex quo ei proposuit ipsum Chymia suæ opeditare, ut notat Rapin. Reflex. in Philos. sect. 17. ubi Paracelsum ita perstringit: *Paracelsus, qui Operatoris potius, quam Philosophi characterem præ se ferebat, Raymundo Lullio, & Cardano absurdior est. Sibi enim in animum induxerat Philosophiam novam, novam artem Medicinæ, novamque religionem condere. Impulso proprio per ridiculam neutralitatem mediatorem se gerens inter Papam, & Lutherum, ut ambos ad axiomata sua sequenda adduceret. Gohory primus ejus in Gallia sectator fuit: Physicus is erat admodum superficialius, sed dissillator insignis: Paracelsus profundus erat ingenii: diffusionem habet mortuam, & obscuram. Omnia ejus verba totidem erant enigmata, ejusque sermones mysteria. Rullandus Germanicus Medicus vocum ejus Lexicon contexit, cujus ope ne dum intelligi potest. Paracelsus is fuit, qui Chymiam in Germania restauravit.*

Quamvis difficile nitis sit Paracelsi Systema tum ob ejus affectatam obscuritatem, tum ob ejus frequentem contradictionem, exponere; ipsum tamen quoad fieri poterit brevissime, & veluti per *discrepantiam* tradam. Et primò voces, quæ ad nostræ mentis cogitata aliis communicanda, & clare ab iis intelligenda, inserviunt, ipse aded barbaras, à nulla lingua erutas, sed proprio Marte formatas, invenit, ut ad id fctas dixeris, quò simplices magis admirarentur, & mysteriorum obscurorum plenas putarent; juxta illud Lucretii lib. 1.

*Omnia enim solidi magis admittuntur, amantque,
Inversis quæ sub verbis latitantia cernant.*

Tales sunt librorum quorundam tituli, ut *Paramirum*; *Paragranum*: voces etiam sequentes, *Iliadus*, sive *Iliadum*, *Iliaster*, *Idebitrum*, *Domor Cagastrum*, *Pogoyum*, *Relolleus*, *Cberionius*, *Evesler*, *Tlech*, *Trarames*, *Turban*, *Leffas*, *Stannar*, *Perenda*, *Zenda*, *Dualech*, &c. quæ nec etiam ope Lexici à Rullando, ut diximus, exarati, intelligi possunt. Vocibus etiam utitur vulgaris, & notæ significationis, sed aliam omnino à propria ipsis tribuens, ut *Anatomia*, *Astrum*, *Manna*, *Essentia*, *Ens*, &c. Duplex homini corpus tribuit, *Physicum* unum, & *Elementare*, quod videtur, & tangitur; *Cæleste* alterum, & invisibile, quod ex astris originem trahit: quod Cæleste hominis corpus quidam ex ejus affectis hominis *Genium*, *Larem Domesticum*, & *Spiritum Familiarem* appellant.

Primam Medicorum curam ponit Paracelsus in perfecta cognitione analogiæ, sive relationis, quæ est inter *Μακροκοσμον*, *Magnum* scilicet *Mundum*, & *Μικροκομον*, *Mundum Parvum*, sive corpus humanum. In hoc enim ipse motus *ostroorum*, *naturam terræ*, *aque*, & *aëris*, *omnia vegetabilia*, *mineralia*, *concellationes*, & quatuor ventos, sicut in Macrocosmo agnoscit; *Polos* Insuper, & *Axem Polarem*, *lineam Meridianam*, *Ortum*, *Occasum*, &c. Ab ipso, ejusque sectatoribus connexio inter principes corporis humani partes, & planetas statuitur, ut inter Cor, & Solem; Cerebrum, & Lunam; Lienem, & Saturnum; Pulmones, & Mercurium; Renes, Testesque, & Venerem; Hepar, & Jovem; Bilem, & Martem: non secus ac septem sunt metalla septem planetis correspondentia. In corpore itaque humano Cæli, Terræ, atque omnium animalium proprietates esse affirmat: hinc relatio inter morbos, & plantas; sic ab Acoro; Helleboro, &c. morbum Acorinum, Helleborinum, &c. vocat.

Quam Aristoteles *Materiam Primam*, ipse *Magnum Mysterium* appellat, atque hoc nihil visibile, nihil sensibile, nihil perceptibile, non formas, no-
colores, n

cologes, nec elementare quid habet: cujus sphaera Caelorum, uniusversique sphaerae æquivaleret: à quo elementa, & res omnes creatæ tanquam à matre ortum duxerunt; non tamen successive, sed unica creatione ex ipso substantia, forma, materies, &c. provenerunt. In eo, tanquam in tenebris, sive, ut ipse vocat, Abyſſo, animalium, vegetabilium, mineralium semina, sicut & alia, prius sepulta, per Generationem educta sunt. Ex hac Paracelsi doctrina educunt ejus sectatores, Generationem non esse aliud, nisi educationem seminum, sive singulorum individuum, ex Abyſſo, sive Tenebris, in quibus continebantur, in lucem; itaut ex invisibilibus, ut semper extiterant, visibilia fiant; atque in eandem Abyſſum, unde venerant, per eam, quam corruptionem vocamus, revertantur, postquam munera, ad quæ determinata sunt, impleverint. Inde eruitur ab iis, nihil, quod gigni videtur, proprie novum esse, etiamsi tale videatur, sed omnia semper esse eadem, modò tamen visibilia, modò invisibilia: idem dicas de corruptione. Hoc autem etiam Hippocratis auctoritate confirmant, qui lib. 1. de Diæta ait: *Equidem nullum omnino corpus perit, neque fit, quod prius non erat - - - Et neque animal mori possibile est novum omnibus (unde enim moritur?) neque quod non est, generari, &c.* Cui addi posset Scripturæ illud: *Nil sub sole novum.* Rerum tamen semina non sola propria virtute ex loco originis, sive ex Abyſſo prodeunt, sed auxilio etiam cœlestis potentia, sive virtutis ipsis insitæ, quam Paracelsus *Archeum* vocat; ejusque Commentatores *Spiritum Architedum* vertunt: quod Archeum puras partes ab impuris separans in mistis, cunctas propriis in locis segregat, & disponit, etiam in Elementis.

Elementa autem non agnoscit cum Aristotele Terram, Aquam, Aërem, & Ignem, quæ corpora vocat inefficacia, impotentia, &, ut suis verbis utar, *relollaceas, & passivas qualitates possidentia*. Eorum autem loco hæc tria ponit rerum omnium Principia, *Sal, Sulphur, & Mercurium*, ut diximus, quas *Primas* etiam *Substantias* vocat: quæ rerum Principia non ipse, sed Isaac Hollandus, & Basilus Valentinus primi invenisse dicuntur. Præter hæc Principia, in omnibus naturalibus corporibus, quæ crescunt, & quæ vitam habent, agnoscit Paracelsus materiam quandam cœlestem, subtilissimam, ab omni impuritate, & mortalitate purgatam, quam *Quintam-Essentiam* vocat, de qua lib. 4. Archidoxorum sic ait: *Quinta-Essentia non est quinta essentia ultra elementa, quia est elementum.* Quam etiam appellat *Tincturam, Lapidem Philosophorum, Florem, Solem, Cælum, Spiritum Æthereum, &c.* atque morborum omnium Panaceam, seu Medicinam Universalem, Ignem invisibilem, cunctas infirmitates devorantem, lib. de Tinctura Physicorum, esse asserit. Præter Medicinam hanc Universalem agnoscit etiam particularia medicamenta, eaque infallibilia. Si autem ipsum interroges, cur Universale, & particularia sua remedia, quæ sunt infallibilia, non omnes sanent ægros, hominēque sic reddant immortales? respondet, contra destinatum hominis fatum nullam valere virtutem: unde nil mirum, si sua *Magnalia Dei* (sic sua vocat quandoque remedia) contra fatum cuique statutum vim nullam habeant. Quid verò per *Illustrium, & Cogitatum*, quæ duo sunt præcipua morborum genera, intelligat: Quomodo morbi omnes à quinque causis, quas *Entia* appellat, producantur, quæ sunt *Ens Dei*, quum scilicet immediate à Deo immittuntur; *Ens Astrale*, quum ab astris proveniunt; *Ens Naturale*, quum naturæ vitio oriuntur; *Ens Spirituale*, sive *Pagocum*, cui morbi ab imaginatione tum nostra, tum aliena in nos agente, referuntur, cujus generis sunt morbi à maleficio, & fascino producti; & *Ens Veneni*, quod venena omnia tum naturalia, tum artificialia comprehendit; videre est apud ipsum in lib. *Paramirum de quinque Entibus morborum.*

A generalibus autem morborum causis ad particulares descendens Paracelsus, ait, omnes morbos à Sale, Sulfure, & Mercurio oriri, quas tres primas substantias appellat, ut diximus, & ex quibus hominis corpus componi asserit. In his igitur, non in humoribus, eorumque qualitatibus, ut hæcenus Medici fecerunt, particulares morborum causas inquirendas statuit Paracelsus: qui vero morbi à Sale, qui à Sulfure, & qui à Mercurio producantur, vide apud ipsum *Paramir. lib. 1. De Origine morborum ex tribus primis substantiis*. Alios præterea morbos à Tartaro ortum ducere affirmat, ut renum, & vesicæ calculum, &c. quos *Morbos Tartareos* appellat cap. 1. *De Morbis Tartareis. De Morborum signis. De Urinis, &c.* consule ejus Opera.

Ut autem à plantis, aliisque rebus naturalibus remedia particularia educantur, inspicere præcipit earum *Characteres*, seu *Signaturas* quasdam, quæ singularum virtutem præcipuis corporis partibus, earumque morbis aptam ostendunt. Sic Euphrasia ex. gr. oculorum morbis medetur, quia in interna hujus floris parte nota nigra observatur, oculi pupillam repræsentans. Vide Crollium, & Ammannum de Characteribus, & Signaturis plantarum, aliosque. Libavius tamen, et si excellens Chymicus, nullam inter sortitam hanc rerum naturalium signaturam, & earum virtutem analogiam agnoscit necessariam. Denique non tantum animalibus, vegetabilibus, & mineralibus Medicam virtutem tribuit Paracelsus; sed etiam *Verbis*, & *Characteribus*, quibus desperati quandoque morbi, nec vel ipso Auro potabili, Quintæ-essentiæ, aut Antimonio cedentes, sanari possunt. Qua de re sic ipse Philosophiæ Sagacis lib. 1. *Natura vires suas in verba imponit, sicut in herbas, & radices, ita in Gambabos*. Ex paulo post: *Imagines, & Characteres sunt pixides, in quibus Magus fiderum vires asseruat*. Contra Paracelsum scripserunt plures, præcipue Thomas Erasmus, & Guntherius, qui ejus Philosophiam, & Medicinam funditus evertere conati sunt. Vide Danielelem le Clerc in Continuat. Hist. Medic. ad finem; unde potiora hic excerpta notantur. De Paracelfo plura qui cupit, adeat, præter dictos, Melch. Adam in Vit. Germ. Medic. Voffium de Phil. cap. 9. Quenstedt de Patr. doct. Laurentium Grassum Elog. d'Uomini Letter. &c.

Paracelsi Scripta quis numeret? De his ita Konigius: *Scriptis libros 230. in Philosophia, & 46. in Medicina. Scripta ejus tanti aestimata sunt, ut à nonnullis in Latinum, Italicum, & Gallicum sermonem translata fuerint. Ramdus etiam Medicos libros Græce convertit*. Libavius tamen Tom. 2. p. 103. & alibi passim, eum furti scriptorum, & arcanorum arguit. Idem sentit Thomasius de Plag. Literar. sect. 514. ubi ex Conrigio notat, Paracelsum à Monachi ejusdem libro, Ulmæ ante 200. fere annos scripto, ut modò dictum, & à Basilii Valentini scriptis multa, suppreffo nomine, transulisse. Negat Sennertus, omnesque Paracelsi sectatores, qui ab hoc Chymicorum principe *Paracelsistæ* vocati sunt. Paracelsi Opera omnia Philosophiam, & Medicinam tractantia, Tomis 12. comprehensa, diligentissime enumerat Vander Linden de Script. Med. & Gesnerus in Bibliotheca; quos vide.

De his non una est autorum censura. Laudat Melchior Adam in Vita; Petrus Ramus Orat. de Basilea, ubi: - - - qui in intima natura viscera sepenitus introierit - - - ut cum Theophrasto nata primum Medicina, perfectiorque videatur. Joseph. Quercetanus in lib. de Ortu, & Causis Metallorum; & Erasmus in Epistolis. Buddens quoque loco sæpius citato p. 82. *Chemicorum seclum restauravit, novumque ei lumen addidit Phil. Theophr. Paracelsus, ab Hobenheim, dictus etiam Bombastus, gente vel Suevus, vel Helvetius. Per Chemicam artem miranda patravit* - - - *Cabbalistica quædam arca cum Astro-*

Astrologicis decretis, & magia naturali conjungens, novum prorsus excogitavit Philosophiæ genus, quod Mysticum, & Theosophicum appellare solent. Ubi inter Paracelsi sectatores, præter Fratres Rosæ-Crucis, & Robertum Fluddum, de quibus infra, numerantur etiam Valentinus Weiseliuss cum suis sectatoribus: Jacobus Bohmius: Quirinus Kuhlmannus, ejusque discipuli. Contra verò reprehendit Vossius de Philosoph. p. 71. 72. ubi: Negabat Paracelsus, primos parentes ante lapsum habuisse partes generationi hominibus necessarias: postea accessisse, ut strumam gusturi. Aiebat, Christum non ex Adamo ortum, sed Abrahamo, cui facta Promissio. De Resurrectione etiam mystica somniabat. Negabat enim, sibi placere rationem, quam primi Ecclesiarum Reformatores hactenus inissent; sane felicius se fuisse Papam de solio detrusurum. Hic qui longævam aliis vitam, &c. Guido Patin. Selectioribus Epistolis Epist. 58. Gall. Audivisti-ne Paracelsum Geneva imprimi quatuor Voluminibus folio? Pro pudor! quod tam ineptus liber præla, & operarios inveniat, quorum est inopia ad aliquat optimi faciendum. Mallem alcoranum impressum fuisse, qui non est æque periculosus, & qui saltem homines non æque seduceret. Animi tamen integritate, & pietate in epenis nulli secundus dicitur à Guil. Bovil. in Prompt. Icon. Illustr. Vir. Notandum denique hic, Paracelsum inter Hæreticos primæ classis in Indice Romano recenseri.

Sed antequam ad allos transeamus, memorandi hic sunt sequentes, & ipsi inter Chymicos celeberrimi. JOHANNES DE RUPESSISSA, Ordinis Fratrum Minorum, de quo ita Gesnerus in Biblioth. *Scriptis in vinculis ad quendam Cardinalem Revelationes suas lib. 1. Super sententias quoque lib. 4. Scriptis etiam Oraculum Cyrilli lib. 1. In vinculis diu apud suos mansit, quod prædixerit Ecclesiæ desolationem futuram. Ex Albicensi Bibliotheca. Johannis de Rupeccissa De consideratione Quintæ essentia verum omnium, opus egregium duobus libris distinctum, editum est Basil. 1561. Vixit circa an. 1240. Inter ejus Opera recensentur etiam à Vander Linden de Script. Med. Liber Lucis, & Liber de Confessione veri Lapidis Philosophorum.*

ROGERUS BACON, sive RUGERUS BAKON, Anglus (quem supra p. 312. inter Peripateticos retulimus) Minoritani olim nominis, Doctor Oxoniensis. Chymicis etiam adnumerandus, Chymicæ enim fuit quammaxime studiosus. Scriptis hic, referente Gesnero in Bibliotheca, *De Necromanticis Imaginibus. lib. 1. Prognostica ex siderum cursu lib. 1. Regimina Cælestium lib. 1. De Evanc rationibus lib. 1. De Occultis naturæ operibus lib. 1. De vera Astronomia lib. 1. De Perspectiva lib. 1. De rerum mirabilibus lib. 1. De retardatione accidentium lib. 1. Super Sententias lib. 4. In Philosophiam Naturalem lib. 8. In Moralem lib. 10. Speculum Alchymicæ lib. 1. De Alchymistarum artibus lib. 1. De Grammatica Græca lib. 1. De situ Palestina lib. 1. De judicis Astrologia lib. 1. Sententias experimentales lib. 1. De speculi facultate lib. 1. Compendium studii Theologici lib. 1. De mirabili potestate artis, & naturæ lib. 1. ubi de Philosophorum Lapide.*

JOH. ISAACUS HOLLANDUS; cujus sunt Opera *Mineralia, sive De Lapide Philosophico. De tribus ordinibus Elixiris; & Lapidis Theoria. Opus Saturni. De quo vide etiam Theatrum Chymicum.*

BASILIVS VALENTINUS, Monachus Benedictinus, gente Germanus, qui circa finem sæc. 19. vixit, post scil. Rog. Baconem, & Joh. Isaac. Hollandum. Ejus scripta sunt: *Azoth, sive Aureliæ occultæ partes duorum Philosophorum Materiam Prīmam, & decantatum illum Lapidem Philosophorum filii Hermetis solide, perspicue, & illucide explicantes per Enigma Philosophicum, Colloquium Parabolicum, Tabulam Smaragdinam Hermetis, Symbola,*

Parabolas, & Figuras Saturni. Opus præclarum ad utrumque, quod pro Testamento dedit filio suo adoptivo: Præctica cum 12. Clavibus, & Appendice. De Microcosmo, deque magno Mundi mysterio, & Medicina hominis. Apocalypsis Chymica. Currus Triumphalis Antimonii. Tractatus Chymico-Philosophicus de rebus supernaturalibus, & naturalibus Metallorum, & Mineralium.

GEORGIUS RIPLAJUS

Sive Riplay, Anglus, Ordinis S. Augustini ex eorum numero, qui Canonici & Regulares dicuntur, in Mathesi, Poësi, & ingenuis artibus eruditus, ad Philosophiæ Naturalis secreta addiscenda Galliam, Germaniam, & Italiam lustravit. Ab Innocentio VIII. jus ei datum Carmelitarum Ordinem ingrediendi. Chymicorum Philosophiæ omnium maxime fuit addictus; ut ejus Opera testantur, quæ sunt: *Opera omnia Chymica; in quorum I. continetur Liber 12. portarum, idest, 1. Cal inectio. 2. Solutio. 3. Separatio. 4. Conjunctio. 5. Putrefactio. 6. Congelatio. 7. Cibatio. 8. Sublimatio. 9. Fermentatio. 10. Exaltatio. 11. Multiplicatio. 12. Projectio. In II. Liber de Mercurio, & Lapide Philosophico. In III. Medulla Philosophiæ Chymicæ. In IV. Philoſophia Alchymistarum. In V. Clavis Aurea Poëſiæ. In VI. Pupilla Alchymicæ. In VII. Terra Terra Philosophicæ. In VIII. Concordantia Raymundi, & Ovidonis. In IX. Viaticum, seu Varia Præctica. In X. Accurtationes, & Præctica Raymundina. In XI. Cantilena. In XII. Epistola ad Regem Eduardum. Scripsit etiam De Magia naturalis. De rerum temperaturis, atque alia, quæ videre est apud Gesn. in Bibl. & Pitf. de Illust. Angl. Script. Obiit circa an. 1490.*

ROCHUS BAILLIUS.

Medicus, & Philosophus Chymicus, in humanioribus etiam literis eruditus, sec. 16. natus est Falæzæ, sive Falleſiæ, quod Normanniæ in Gallia oppidum est; notus etiam sub nomine *Dominus de la Riviere*. Medicorum, præcipue Parisiensium sibi odium concitavit, quod Medicinam secundum Paracelsi principia faceret. Quare præter *Tractatum de Peste* an. 1580. atque alia, *Demonſtrationes*, idest, 300. *Aphorismos*, continentes summam doctrinæ Paracelsicæ; & *Reſponſionem ad Quæſtiones propoſitas à Medicis Pariſienſibus*, publicavit.

JOH. AURELIUS AUGURELLUS

Philosophus, Alchymista, & Poëta sui ævi celeberrimus, patria Ariminenſis, initio sec. 16. floruit, & præter Lyricos versus, & sermones, heroico versu scripsit Chrysopoeam lib. 3. quod opus præ aliis optimum, & Geronticon lib. 1. Quamvis Principum, Regumque limina frequentaret, pauper tamen, Chymicorum more, & vixit, & obiit Tarvisii, sive Taurisii, quæ Marchiæ Targiunæ urbs est, an. æt. 83. Ejus verò fautores hanc paupertatem, non veram, sed fictam, & affectatam asserunt, ut arcum suorum suorum invidos, & invidiam effugeret. Vide Jovium in Elog. Crassum de Poët. Gr. Jul. Cæs. Scalig. in Hypercrit. Baillet Jugemens des Sav. Tom. 7. &c.

HENRICUS-CORNELIUS AGRIPPA.

DE insigni hoc Chymico, Theologiz, Medicinæ, Jurisprudentiæ, aliarumque liberalium artium cultore, quem P. Jovius ejus cæteroqui non fautor, *Portentosum ingentium appellat*; Lud. Vives *Venerandum Dominum Agrippam, literarum, litterarumque omnium miraculum, & amorem bonorum*; Jacob. Gohori *inter clarissima sui seculi lumina numerat*; & reliqui sui seculi *Trismegistum* vocant; ita Vander Linden de Script. Med.: *Natus ex nobili familia à Nettesheim Colonia Agrippinæ A.C. 1486. Maximiliano I Imp. à Secretis, & Caroli V. Imp. Confiliarius, ac Historiographus, nec non Reip. Metensis Syndicus, Advocatus, & Legatus fuit. Ante autem hos aliquot annos, nempe 1509. Dola Burgundiorum in Gymnasio publice cum omnium stupore docuit. Juris, & Medicinæ Doctoris gradum tum demum assumptis, cum jam antea Equitis Aurati dignitatem virtute bellica fuisset meritus. Medicinam fecit tum in urbe Gebennarum, tum etiam Friburgi B. isgoja, & in Gallia. Amicitiam coluit cum Job. Tritheimio, Abbate Herbipol. & Erasmo Rotodamo. Magia, & Necromantia suspectus, cum appropinquante morte ad penitentiam urgeretur, Cani suo nigro, quem veluti Cadocæmonem circumduxisset ferebatur, cellare magicis inscriptum notis indignabundus cum his verbis exsolvit: Abi perditæ bestia, quæ me totum perdidisti: nec unquam familiaris ille Canis, ac assiduus itinerum omnium comes, postea conspectus est. Præcipiti enim fuga saltu in Ararim se immeruisse, nec enatasse, ab his, qui vidisse asserbant, dicebatur; uti P. Jovius in Elog. doctorum Virorum refert. Sed quod Job. Wierus lib. 2. c. 5. de Præstig. Demon. merum figmentum esse affirmat. Obiit Gratianopoli in Gallia egestate extrema A.C. 1534. æt. suæ 48. duoram uxorum nobilium maritus, & liberorum aliquot parens. Hornius etiam in Hist. Phil. Corn. Agrippam Cadocæmoni se mancipasse affirmare non est veritus.*

Inter ejus Opera, quæ 2. Volum. in 8. continentur, sunt: *De Occulta Philosophia; Commentaria in Artem brevem Raymundi Lullii; De triplici ratione cognoscendi Deum; Debertatio à Theologia Gentili; Expositio cum Job. Catilino; Epistol. lib. 7. Contra Pestem Antidota securissima; De Medicina, &c. Cit. Wierus asserit, Tractatum de Cæremoniis Magicis, qui vulgò Agrippæ tribuitur, ejus non esse. Vide, præter dictos, Melch. Adam Vit. Germ. Med. Naudeum in Apolog. &c.*

JOH. BAPTISTA VAN HELMONT.

Natus est Bruxellis A.C. 1577. Anno ætatis suæ 17. totum Philosophiæ curriculum absolvit. Ipse se vocare solitus est Philosophum per ignem. Fuit nobilis Bruxellensis, & Toparcha in Merode, Rozenborch, Oorjebot, Pellines, &c. Obiit A.C. 1644. ætatis suæ 67. Vander Linden de Script. Med. Et Jonsius de Script. Hist. Phil. lib. 3. c. 28. 2. : - - Theologus, Medicus, & Philosophus acutissimus, seculi sui vere Paracelsus (uti appellat ipsum excellentissimus Wedelius in quodam programme) qui præter multos libros doctissimos, quibus secretioris præsertim Philosophiæ suæ dedit incrementa, &c. Joh. Carumel Lobkovvz ita de Helmontio scripsit: *Helmontius (novi hominem) fuit pius, doctus, ac celeberrimus Galeni, & Aristotelis juratus hostis; sub quo ægræ non laborabant diu; nam secunda, aut tertia ad summum die carebant vita, aut morbo. Vocabatur præcipue ad illos, qui ab aliis Medicis deserebantur, &c. Joh. Franc. Buddeus in Hist. Phil. succincta delineatione p. 83. de Paracelsi secta.*

sectatoribus loquens, de Helmontii Philosophia hæc subdit: *Sed omnium maxime Paracelsicam Philosophiam illustravit, & auxit Job. Bapt. Van Helmont, ejusque filius Franciscus Mercurius, uterque naturæ arcanorum peritissimus. Ille Philosophum per ignem se vocavit, & Paracelsi Philosophia, quam sequebatur, ac plurimi faciebant; singulares quasdam suas opiniones adjunxit. Rerum enim omnium Principium Aquam cum Thalete statuit, ac Mentis Involucrum quoddam, animam scilicet caducam, & sensitivam, à lapsu primorum parentum accersitam. Franciscus Mercurius eandem fere secretiorem philosophandi rationem secutus est, & Pythagoream quoque Metempsychosin revocavit.* Ob portentosas morborum fere insanabilium curationes ad Sacræ Inquisitionis Tribunal ejus nomen delatum fuit, quod illas supra naturæ vires aliqui sacras putabant: sed ab his accusationibus optime se defendens, Hollandiam, quod libertate gauderet, secessit.

Ejus Opera, volumine 1. in sol. comprehensa, Medica plerumque sunt. Inter Philosophica recenseri possunt; *Causæ, & Initia Naturalium: Logica inutilis: Physica Aristotelis, & Galeni ignara: Elementa: Terra: Aqua: Aër: Progymnasmata Meteor: Gas Aqua: Elar Meteoron: Vacuum Natura: Meteorum Anomalum: Terra Tremor: Complexionum, atque Mistonum Elementum Figmentum: Astra necessitant, non inclinant, nec significant de Vita, Corpore, & Fortunis nati: Formarum ortus: Magni operes: Natura contrariorum nescia: Imago Mentis: Demens Idea: Sedes Animæ: Tractatus de Anima: Distinctio Mentis à sensitiva Anima: De Anima nostra immortalitate: Nexus sensitivæ, & Mentis, &c.* In Helmontii Opera contra Galenistam exarata dedecaticho ludit Jan. Walhornius; cujus initium:

*Claude Scholas, Galene, tuas: satis occisorum est,
Obe jam satis est, plena sepulcra sonant, &c.*

Ego verò ingenue quidem fateor, nos multa Helmontio præclara, & efficacia inventa medicamenta debere; ipsi tamen sæpissime verborum novitate, & fictione, vel locutione obscurè, ut Chymistarum est, locutum ^{paracelsicæ} fuisse. Vide præter Medicos nostri ævi celebriores, Val. Andr. Bibl. Belg. L. Crass. Elog. d'Uom. Lett. &c.

DANIEL SENNERTUS

Natus Uratislaviæ A.C. 1572. patre Nicolao Sennerto, calcario, & civi. Wittebergæ 1598. Philosophiæ Magister, & ibidem 1601. Medicinæ Doctor, pauloque post, anno nempe 1602. ejusdem Professor Publ. nec non eandem etiam Elektoris Saxon. Archiepiscopus constitutus est. Obiit Wittebergæ 1637. æt. 65. Vander Linden de Script. Med. Hic Chymicorum omnium industriam superavit, primique Chymicæ studium in Wittebergæ Universitate inexit. Quamvis enim Peripateticus esset, Chymicæ tamen fuit studiosissimus, per quam, & Medicinæ praxin magnam sibi gloriam comparavit. Enim verò non sicut reliqui Chymici bellum Aristoteli, & Galeno indixit; sed potius Chymicos & Aristotelicos invicem concillare conatus est libro illo *De Chymicorum cum Aristotelis, & Galenici Consensu, & Dissensu*. Sennertus brutorum animam non corpoream, sed spirituales esse, affirmabat, & docebat: unde ejus adversarii, quorum maximus Job. Frellagius, eum impietatis accusabant, asserentes, ex hac sententia necessario deduci, brutorum animam esse immortalem. Quibus Sennertus satis facere putavit dicendo, brutorum animam incorpoream quidem esse, unâ tamen cum corpore perire; hominis verò animam speciali Dei dono immortalitate donatam. Sed quàm inepta hæc responsio sit, vel pueri dicant. Omnis enim

enim spiritus ex sui natura immortalis est; tum quia nullum agens (præter Deum, à quo ex nihilo creatus, in nihilum redigi potest, modò velit, quod nunquam fiet, cum Deus sit immutabilis) est, à quo destruat; contra verò quidquid existit, quantum in se est, semper in eodem statu permanere contendit. Tandem, cum partes, quibus componatur, non habeat, omnis dissolutionis, & mortis expertus erit. De Sennerto ita ex Recentioribus Joh. Franc. Buddeus in Hist. Philos. succineta delineatione pag. 80. Dumith in Italia, & Anglia restauranda, atque persequenda Philosophia Naturali incumbitur, in Germania, & quidem Wittebergæ Daniel Sennertus manum eidem operi admovit. Chemicam enim artem cum Medica conjunxit, hostem ideo acerrimum expertus Job. Freitagium, Medicum Groningensem, qui contra Sæctam Sennerti Paracelsicam strenue declamavit. Nota cum primis ejus sententia, quod seminibus omnibus insit anima, quæ cum his propagetur, & corpus denique, organaque ipsa sibi efformet.

Inter Sennerti Sæctatores præcipuus ab eodem recentior Job. Sperlingius, de quo ibidem sic: Sennertum secutus est, & strenue defendit Job. Sperlingius, cui, qui accuratores Aristotelici videri volebant, se acriter opposuerunt, cum primis Job. Zelsoldus. Et Sperlingius quidem Commenta Aristotelico-Scholastica de Materia Prima, de Privatione, seu tertio rerum naturalium Principio, de Productione Formæ ex potentia Materiæ, & his similia acriter exagittavit: cum primis autem de Origine Animæ Humanæ disputatum, Sperlingio quidem, & affectis ejus asserentibus, propagari eam per traducem, Aristotelici creationem ejus defendentibus.

Inter Sennerti Opera, quæ postremo edita sunt Lugduni 1676. sex Tomis in folio, præter dictum opus, Chymica, & Medica multa, sunt ex Philosophicis: *Epitome Scientiæ Naturalis: Hypomnemata Physica: De Origine animarum in brutis: Auctarium Epitomes Physicæ, &c.* Scripsit etiam *De bene vivendi, beateque moriendi ratione*. Vide ejus Vitam suis Operibus appositam; & Testimonio clarissimorum Virorum de eo ibidem; Morery, Bayle, &c.

FRATRES ROSEÆ CRUCIS

Dicti etiam *Illuminati, Immortales, Invisibiles*, quorum Societas in Germania initio sec. 17. primum visa est; talem sui instituti originem jactant. A. C. 1378. nobilis quidam Germanus, cujus nomen nonnisi per has literas A. C. cognoscitur, in Monasterio quodam degens, Græcam, Latinamque linguam didicit: deinde in Palestinam secedens, in Damasci urbe ægrotavit, ubi Arabas Sapientes loquentes audiens, ipsos postea in propria Academia, in Dalmati Regno posita, audire, ac consulere voluit: qui & ipsum proprio nomine salutarunt, & secretorum suorum, omnique scientiæ participem effecerunt. Hic postquam diu peregre fuit, tandem in patriam reversus est; ubi aliquot sibi adlocavit, quos suæ scientiæ heredes fecit, & ad plures abiit an. 1484. Hæc Societas successores habuit usque ad an. 1604. cum eorum quidam sepulcrum invenit ejus, qui eam Societatem adinvenisse dicebatur, variis ornatu characteribus, signis, & inscriptionibus, præcipue verò his literis A. C. R. C. librum item pergamena charta confectum, & aureis conscriptum literis cum elogio præsumti eorum Societatis Fundatoris. Hæc deinde Societas (quæ reapse nonnisi Empiricorum Medicorum Sæcta est) novos Fratres habuit, qui cum in publicum prodire non audent, *Invisibiles* dicti sunt. Ex hac eadem Sæcta orti sunt, qui in Hispania *Illuminati* vocabantur: omnes tamen æque Phanatici erroris damnati sunt. Anno 1615. Joh. Bringeretus librum Germanico idiomate edidit, in quo Tractatum alteri titulus erat: *Declaratio, & Confessio*

seſſio Fidel Fratrum Roſeæ Crucis in Germania. Qui Ilber Regibus, Principibus, ac Literatis dicatus erat. Illuminati Bibliothecam Ptolemæi Philadelphi, Academiam Platonis, Lyceum, & his ſimilia ſe eſſe jaſtabant, & altiffima multa ſibi tribuebant, quorum vel illud minimum, cunctis Mundi linguis loqui poſſe. Inde an. 1622. chartulam, ridiculos hos ſenſus continentem, quæ vel ipſi Heraclito riſum extorqueret, pluribus in locis aſſigi curarunt; in qua ſic: Nos Deputati noſtri Collegii principalis Fratrum Roſeæ Crucis viſibiles, & in- viſibiles bujus urbis incolæ, gratiâ Omnipotentis, in quo juſtorum cor verſatur, ſine libris, & ſignis docemus, & cujuſcumque loci, ubi eſſe volumus, linguis loquimur, ut homines nobis ſimiles à mortis errore abducamus. Sed jam multis ab hinc annis ab hominum conſpectu hi phantatici evanuerunt; quidquid ſentiat Alchymiſta ille Germanus, autor libri, cui titulus: De volucris arborea; atque alter libri autor, qui De Philoſophia. pura inſcribitur.

His de Fratrum Roſeæ Crucis Origine, & Progreſſu (fabuloſa licet putentur omnia) adnotatis, pauca de eorum moribus, & doctrina delibemus. Statim ac in Societatem erant admiſſi, fidem ſervare, ſecretum tegere, ac Societatis leges tenere, ipſis imperabatur. Nonniſi per ænigmata ſcribebant; ac diſciplinæ omnes, Medicinam præcipue ſtabilitate ſatagebant, quam eoſque ignoratam aſſimabant. Arcana multa ſe poſſidere dicebant, quorum vel minimum eſſet Lapis Philoſophicus. Denique omnes Chaldeæ, Perſarum, Ægyptiorum, & Indorum Philoſophorum ſcientias ipſos tenere, ac docere jaſtabant. Vide Moirer in Lex. M. Hiſt. Naudeum; Spondum A. C. 1623. Gautier Chron. Merc. Gall. Tom. 9. &c.

Contra Fratres Roſeæ Crucis Lauream Philoſophicam ſcripſit Olaus Wormius, Medicus, & Profeſſor Hafniensis. Pro ipſis tamen fuit Michaël Mejerus, doctiſſimus Holſatus, qui *Librum Apologeticum* edidit, in quo eorum originem, hiſtoriam, & ſecretiora collegia expoſuit. Robertus Fluddus, qui *Apologiam* pro iis compoſuit, ut mox in Fluddo. Alii denique plures, quos enumerat Lippenius in Bibl. Philoſ. p. 1338.

ROBERTUS FLUDD

ALIUS *Fludus, Fluddus, & de Fludibus* appellatus, Natus eſt in Angliæ antiqua, & nobili proſapia: in juveniute Armigeri dignitatem in bello meruit: tum demum arcana naturæ penitiſſime rimari, & Medicinæ operam dare cepit, in qua etiam ſummus honoris gradus aſſumſit, adeptus dignitatem Doctōris Academiæ Oxoniensis. Vander Lind. de Script. Med. Joſius de Script. Hiſt. Phil. 1. 3. c. 32. 1. Caroli I. Regis Armiger, & Medicus fuit Robertus Fludus, ſive Fluddus, aliàs de Fludibus, Philoſophiæ, Chymicæ, & Medicinæ laude ornatus, qui natus 1606. poſt multos editos in iis ſtudiis libros, Londini mortalitatem exiit an. 1638. Vixebat tum in Angliâ Fratrum Roſeæ Crucis ordo, qui omnia lumini interno adſcribebat, cujus patrocinium ſuſcipiebat, edens pro Fraternitate Roſeæ Crucis Apologiam, quæ ſeorſim quoque Leyde prodiit. Varia item Veterum Hebræorum placita naturalia, & phyſica nobis expoſuit in Philoſophia ſua Moſatica Naturæ, & paſſim in ſuis operibus. In his ſimul de Vita propria varia jucunda, & lectu digna conſignavit. Opiniones Fluddi, &c.

ſcripſit, præter modò dictas Apologiam, & Philoſophiam Moſaicam, alia multa ad Chymiam, Medicinam, Geomantiam, Cabbalam, & Muſicam ſpectantia: in quibus, Alchymiſtarum more, obſcure, ænigmaticè, phantæſticè locutus eſt. Quæ autorum ſere omnium criticorum cenſura eſt; præcipue Abbatis Bordonii in ſua Hiſt. Critica p. 186.

Verum

Verum in re tam vasta, cujus nulli limites, quid faciam? Ad Romachum ne usque referam innumeros pene Chymicos, plerumque phanaticos? Sed hoc nec necessarium, nec utile duxi, cum omnes fere coctam crambem recoxerint, ut in proverbio est: præterquamquod de his perfectum opus complere, prorsus esset impossibile; de solo enim Lapide Philosophico in variis Mundi locis, & ætate auctores plusquam 4000. vel potius 5000. scripserunt: quorum præcipui Hermes, sive Mercurius Trismegistus, eorum Caput, & Pater, Galid, Arsepius, qui plus 1000. annis vixisse gloriabatur, Morienus Romanus, Cosmopolita, cujus est Novum Lumen Chymicum, Comes Trevisanus, Philaleis, atque alii, qui in Theatro Chymico continentur.

Quare prætermisissis etiam Job. Augustino Pantheo, Veneto; utroque Martino Rulando, Patre scilicet & Filio; Roberto Valsensa, qui De Veritate, & Antiquitate Artis Chemicæ scripsit; Olao Borrichio, qui de Ortu, & Progressu Chymicæ tractavit; Petro Poiret, de quo ita Buddeus loc. sæpius cit. pag. 83. Mystici hinc Philosophis addendus est Petrus Poiret, qui ut Trinitatis clarissimam imaginem in hominis anima querit, ita non aliam ad sapientiam viam, quam divinam illuminationem agnoscit; & aliis hujus notæ viris, quorum Opera partim in Theatro Chymico contenta, partim seorsim edita leguntur; hoc de Chymicis caput (in quo generalia ad Chymiam spectantia, & Chymicorum doctrinam in Paracelso adnotasse satis erit) claudat doctus quidem, sed impius, & irreligiosus ille

JORDANUS BRUNUS

Natus Nolæ, quæ celebris, & antiquissima nostri Regni Neapolitani urbs est. Magnis præclari ingenii sui dotibus non usus est, sed abusus. Nædum enim Aristotelis Philosophiam eo tempore, quo illam vel leviter lædere piaculum erat, insectatus est; sed potiores, ac sanctiores Catholicæ Fidei veritates exagitavit, & oppugnavit. Quare Italiæ extorris factus, regionem, ubi impia quæque loquendi libertas esset, sibi quæsit. Post Germaniæ, Galliæque peregrinationem; in Italiam reversus, ibi, ut fertur, crematus, debitas impietatis suæ pœnas luit an. 1600. Quod ejus doctrinam spectat, à quibusdam Lullii sectator, ac proinde Chymicus, dicitur; ab aliis Epicureus creditur. Sic enim Buddeus l.c. p. 77. de Lullio loquens ait: Inter ejus sectatores à quibusdam numeratur Jordanus Brunus Nolanus; Epicureis ab aliis addicitur ob Mundorum multitudinem ab eo assertam.

Sunt inter auctores optimæ notæ, qui asserunt Reharum des Cartes quasdam suarum idearum à Bruno desumisse; potissimum verò doctrinam de Vorticibus: Unde de eo in Act. Erud. Lips. mens. Jun. 1682. p. 187. Notat enim solenne ipsi fuisse præterire nomina auctorum, & exemplum offert Mundanorum Vorticum, ad quos Jordanus Brunus, & Joh. Keplerus ita digittum intenderint, ut tantum illud vocabulum ipsi desuisse videatur. Ita legitur Bayle in Lex. Hist. Crit. verbo Brunus notat ex Mr. Leibnitz, Cartesium à Bruno, & Keplero doctrinam de Vorticibus, suppresso nomine desumisse. Quod confirmat Huet. Conf. Philos. Cartes. c. 8. p. 215. ubi: Exiit inter novissimos Philosophos Jordanus quidam Brunus Nolanus, quem Cartesianæ doctrinæ antesignanum jure dicas, adeo accurate omnem propemodum ejus compositionem præsignavit in eo libro, quem de Immenso, & Innnumerabilibus inscripsit.

Scripsit plura, etiam ad Philosophiam non spectantia. Philosophicorum Operum tituli sunt: De Specterum scrutinio; & Lampade combinatoria Raymunda.

di Lullii. De Monade, Numero, & Figura: Item de Innumerabili, Immenso, &c. De Imaginum, Signorum, & Idearum compositione ad omnia inventionum, dispositionum, & memoria genera lib. 3. De Umbra Idearum. Cantus Circæus ad memoriæ praxin ordinatus, quam ipse Judicariam appellat. De Compendiosa Architectura, & complementa Artis Lullii. Artificium perorandi: Parisiensi degens Comœdiam Italico idiomate scripsit, cui titulus: Il Candelajo. Dicitur voluit L'Academico di nulla Academia, aliter Il Fastiditi. Vide cit. auctores.

CAPUT X.

Philosophi Mathematici.

QUONIAM Practicæ Philosophiæ partibus Mathesin supra adnumeravimus; Historiæ nostræ ordo, & ætas postulat, ut antequam ad alios Philosophos nobis proximiores deveniamus, de præcipuis tantum (ut hujus Historiæ finem tandem aliquando videamus.) Philosophis, qui peculiari studio Mathesi addicti, illam instaurarunt, & auxerunt, verba faciamus. Quare silentio præteritis ODINGTONO, qui sec. 13. floruit; CLIMTONO LANGLEY, qui sec. 14. vixit; memorandus cum primis nobis est magnus ille æotericorum Astronomorum parens, & Astronomiæ instaurator

NICOLAUS COPERNICUS

Mathematicus, Philosophus, Medicus, ac tandem Warmiæ Canonicus, vir undique doctissimus, & sive ingenium spectemus, sive felicitatem, plane inter summos mortalium numerandus, qui Torunum in Borussia patriam natus an. 1473. in Mathematicis studiis adeo excelluit, ut in suo genere, quo nimirum Aristarchi Paradoxa secutus fuit, facile princeps habendus sit. Præter studium Mathematices fuit vir insigni pietate, virtute spectata, & morum humanitate summa præditus, &c. Boissard. in Icon. In Italiam profectus, Bononiæ Mathematicas disciplinas addidit, quas deinde Romæ docuit, ubi nullus plane vir hujus Artis cupidus fuit, qui ipsum ut viæ ducem, & facem non agnosceret. Insolitæ huic Matheseos eruditioni perfectam Græcæ linguæ peritiam addidit, morumque innocentiam, quæ omnibus exemplo præse poterat; ut de eo affirmat Isaac Bullart. Acad. Scient. Gall.

Scriptit Revolutionum libros 6. & Canonem Triangularum cum tabula. De Copernico, ejusque doctrina ita Vossius de Mathem. pag. 187. Anno Christi 1536. ac deinceps magnam sui admirationem concivit Nicolaus Copernicus Torunensis Borussia, Canonicus Warmiensi; cujus habemus de Revolutionibus Orbium Cælestium libros 6. Iis docet, quasdam Ptolemaicas Hypothesese esse absurdas, & axiomatis Mathematicis adversas. Item Computationem Alphonsinam motibus Cælestibus non respondere. Hypothesese igitur aliter constituit: sed sic, ut multa repugnent dogmatibus Aristotelicis per tot secula receptis. Quale est, quod statuit, Solem in centro universi quiescere: terræ, & aquæ globum cum vicino aëre circa Solem motu triplici moveri; octavam sphaeram consistere immotam. Et p. 188. Nec tamen Copernici opinionem proorsus esse novam putandum; cum illam Philolai, & alteram Heraclidis Pontici, & Eephanii composuerit, & ex illis duabus fecerit propriam. Ab Ismaële Buliald. vocatur Vir absoluta subtilitatis, & Hypothesese Pythagorica antiquæ instaurator. Franc. Bacon. de Augment. Scient. lib. 4. c. 1. Constat similiter, sententiam Copernici de

Ra-

Ratione Terræ (quæ nunc quoque invaluit) quia Phænomenis non repugnat , ab Astronomicis Principiis non posse revinci ; à Naturalis tamen Philosophiæ Principiis , recte possit , posse . Vide etiam P. Ramum ; Nic. Fuller. Miscell. Sacr. p. 94. Melchior Adam. in Vit. Germ. Philos. Laur. Crassum ; P. Jovium , atque alios plurimos ; potissimum verò P. Gaslendum in Vita Copernici ; qui tandem obiit annos natus 70.

Notandum 1. hic est , hanc Copernici de Motu Terræ sententiam (quam acerrime deinde propugnarunt Reticus , Rothmannus , Lansbergius , Keplerus , Galilæus , Patricius , Foscariùs , Cartesius , Cassendus , alique) 80. annis ante Copernicum in Italiam invexisse Nicolaum Cusanum Cardinalem S. Petri ad Vincula ; inventionis tamen laudem Copernico tributam fuisse , quod ipsam illustraverit , & ad Cœlestium phænomena explicanda accomodaverit . Vide supra in Philolao in lib. 3. hujus Hist. p. 139. Notandum 2. Copernicum in Mundi centro Solem quidem immobilem locasse ; ejus tamen Sectatores soli motum circa proprium axem tribuisse , qui spatio 37. dierum compleatur , ad Solis maculas explicandas , quæ etiam 27. dierum spatio situm mutant ; ut telescopiorum usu ab Astronomicis observatum . Notandum 3. Terram , ex Copernico , triplici motu moveri , diurno circa proprium axem , qui 24. horarum spatio absolvitur ; annuo circa Solem sub signis Zodiaci ; tertio denique motu Terræ axis in eadem semper positione conservatur ; unde & anni temporum , & dierum inæqualitatis ratio redditur .

T Y C H O B R A H E

NObilis Danus , Othonis Brahe , Knustrop , & Beate Bilde Domini , filius , Chymicè peritissimus , Mathematicus præstantissimus , natus est Knustropi , sive Knustorpi 3. Decembris 1546. Annum agens 14. cum Solis Eclipsin eodem temporis momento , quo Astrologi prædixerant , evenisse videret ; miram Matheos vim stupens , hanc scientiam totis viribus addicere decrevit . Quare Lipsiam ad Jurisprudentiæ studium missus , hac neglecta , Mathesi , suis , & legum Doctoribus inficiis ; totum se devovit : in quam addiscendam , & exercendam curam omnem ; vitam integram , & plusquam bis centum aureorum millia impendit : Italiam , & Germaniam lustravit ; Principibus multis , & Imperatoribus carus fuit ; quorum gratiam , honores , & oblatas exedras contempsit . Verùm à Frederico II. Danorum Rege , Huenæ insula donatus , celebrem ibi ad cœlestium observationes arcem condidit , quæ Uraniburgus , & Uranopolis , hoc est Cœli , vel Cœlestis Civitas dicta est : ubi telescopiorum , aliorumque omnium ad Mathesin spectantium instrumentorum ope , in Astronomicas potissimum observationes totus ac semper incubuit . Tandem post Frederici II. mortem sub Rudolphi II. Imperatoris gratia , & præsidio Pragam venit , ubi mortem obiit die 24. Octobris 1601. ætatis 55. ex urina retentione , ut ajunt , quam passus est , dum eodem cum Imperatore curru veheretur ; sive dum ad mensam cum Imperatore assideret , ut vult Thomassinus parte 1. Elog. p. 31. Corporis statura fuit mediocri , flavo capillito , adpectu pulcro ; nisi quod nasi partē mancus , quam gladii ictu amisit : unde nasum aureum , sive argenteum portabat , sed adeo naturali similem , ut pro naturali à multis haberetur . Natura erat biliosus , propositi tenax adeo , ut nulla arte à sua sententia dimoveri posset . Vane etiam superstitiosus erat , itaque si vetulam domo egrediens offenderet , inceptum iter non prosequeretur , sed domum rediret . Sic etiam si in agrum pergens in leporem incurreret , pro malo omne id habebat .

Scripta ejus sunt: *Liber de Cometa, sive nova Stella. Praelectiones habita in Academia Hafnensi. Oratio habita in Academia Hafnensi. Prognosticatum Astronomiae inflauratae libri 3. Epistolarum Astronomicarum libri 2. Liber Mechanicorum. Epistola de confectione Elixiris. Tabula Rudolphinae. Responso Apologetica ad quendam Scotum Aristotelicum Philosophum, & Medicum Galenicum. Somnium, Lunarive Astronomia. Stellarum octavi orbis itinerarium accurata restitutio. Epistola ad G. Peucerum. De Tychone, ejusque doctrina, hæc celebriorum autorum censura est. Voßius de Mathemat. p. 193. Sempiternam sui memoriam literariae Reip. intulit Tycho Brahe, qui in siderum observatione nulli priorum cessit; inque numero fixarum observando non aequavit Hipparcho; imo Ptolemaei, & Alphonsinorum industriam exsuperavit. Hujus auri exstant libri Astronomiae Inflauratae, quibus, ut antea in Ptolemaeo Copernicus, ita ipse in Copernico multa correxit. Itaque exinde tres praecepta fuerunt Astrologorum Sectae; quarum Tychoaniana foret media inter Pythagoraeam, sive Copernicanam, & Aristoteleam, sive Ptolemaicam. P. Gassendus in Vita Tychonis Brahe lib. 6. p. 181. Astronomiae, & Chymiae studiis maxime incubuit: cetera quidem non profus neglexit; sed tamen quasi adpæra habuit, nisi quod Poësin tota vita coluit. Ad scilicet probant, quæ varia ejus Carmina interjecimus; in quibus cum bona, cum mala, cum mediocria sint (& præter alia quidem nonnulla, in quibus videtur non satis accurate syllabarum quantitas observari) intelligi licet, fuisse cum illa naturæ potius genio, & oblectandæ animi causâ, quam contentione animi, famæve aucupandæ gratia. Et quidem Tychonis verbis quàm aptissimum esset Martialis illud:*

Sunt bona, sunt quædam mediocria, sunt mala plura.

In Chymia adeo peritum fuisse voluit, ut Chymicis suis remediis plurimos desperatæ sanitatis ægrotos sanos reddiderit, ad id nulla unquam mercede ductus, sed pietate. Scalig. posterior Gall. Tycho Brahe luculentissimas in Astrologiam observationes elucubravit pro Equinoctiis. Ad invicem scriptissimus. Multa me docuit. Vide etiam Thuanum ad an. 1601. ubi, ipsum concordibus omnium suffragiis Principis Astronomorum nomen promeruisse, ait; & cum Willelmo Hæssio, qui in eadem scientia exercebat, arcta studiorum necessitudine conjunctum fuisse. Thomasinum in Elog. illustr. Vir. ubi asserit, Tychonem in Astronomia peritissimos quoque ad se magnis præmiis allexisse: insignia ejusdem Artis instrumenta impensis vere regis fieri curasse: & domos magnificas, ac turres ingentes pro Astronomicis observationibus à fundamentis erexisse. Qui vero Tychonis Vitam, & doctrinam penitus scire cupit, adeat P. Gassendum, qui ejus Vitam contexit, & scientiam examinavit.

Quod autem ad ejus Systema attinet, pauca hæc notanda. Cum Ptolemaei Systema ad Astronomiæ phenomena explicanda insufficiens, & erroneum; Copernici verò Ecclesiæ sanctionibus contrarium animadvertisset; novum ipse, ac inter utrumque medium excogitavit, in quo Terram in mundi centro locavit immobilem, circa quam Sol, & Luna volvantur spatiotemporis jam cunctis noto: Solem vero, non Terram, reliquorum Planetarum centrum posuit; circa quem scil. Mercurius, Venus, Mars, Juppiter, & Saturnus statum suum cursum absolvant: itaut omnes hi Planetæ Soli quidem concentrici; Terræ tamen essent eccentrici: atque hinc facile ratio reddi possit, cur modò Apogæi, hoc est, à Terra remotiores; modò Epigæi, sive Terræ propiores, videantur, &c. Vide Gassendum loc. cit.

JOH. CAMILLUS GLORIOSUS

Philosophus, & Mathematicus eximius, natus est Neapoli an. 1572. Mathematicis disciplinis præcipue addictus, brevi earum Magister evasit peritissimus. Cum plerisque Philosophis, & Mathematicis sui ævi clarissimis; potissimum vero cum Cremonino, Galilæo, Liceto, & Claramontio, amicitiam iniecit; sed literariis de Mathematica re alterationibus inter ipsos obortis, amicitia in æmulationem versa est, singulis de gloria, ac nominis fama, ultra etiam modestæ fines, contendentibus. Scripserat enim Gloriosius de Cometa an. 1618. Neapoli viso: ejus vero observationibus Liscetus contradixit; cui Gloriosus respondit. Controversiæ etiam inter ipsum, & Claramontium, fuisse non paucæ. Patavium ad Mathematicas scientias vocatus, laudabiliter suo munere functus est. Inde Neapolim rediit, ubi à doctissimis quibusque, Prorege imprimis, honorifice & exceptus, & cultus est. Ex catharro non curato diem obiit 8. Januarii 1643. ætatis 71.

GALILÆUS GALILÆI

Florentinus, celeberrimus Mathematicus, superioribus annis claruit. Patavii disciplinas Mathematicas docuit. Inde Pisas à Magno Hecurto Duce vocatus est, à quo singulis mensibus centenos argenteos nummos magnos, quos Laminas vocant, salarii loco accepit. Condidit librum stilo Nunciæ Sideris: item Dialogum de Systemate Mundi, in quo sententiam suam de Terra circa Cæli orbem, nullo agitato motu, conversione aperuit: à Quæstionibus Fidei Romanæ vocatus, & palinodiam publicè canere jussus est. Eidem inventionem Stellarum Medicarum tribuunt. Vixit annos 84. luminibus, ut ajunt, tandem orbatus. Konig. Vincentii Galilæi nobilis quidem viri filius fuit, sed ex illegitimo toro natus. Pisis docuit annos tres, Patavii annos 18. Obiisse dicitur à Morere anno 1642. æt. 78. ut in ejus etiam Epitaphio legitur. Ope Tubi Astronomici (cujus adinventor dicitur) in Sole maculas, in Luna umbras, in Saturno, ac Venere phases, in Jove Satellites detexit, aliasque præclaras Astronomicas observationes fecit. Unus ex celeberrima Lynceorum Academia fuit. De ejus Philosophia, & Scriptis, hæc auctorum testimonia.

Vit. Hobbian. Auctor. p. 48. Est Galilæus præ aliis ad res Astronomicas impetu quodam ferebatur, in Philosophia tamen Naturali magnâ cum laude versatus est, & in naturam motus (tot fidem faciunt scripta cedro dignissima) supra antiquos longissime penetravit. Rapin. Animadv. in Philosophiam sect. 18. Gall. Inter omnes Philosophos recentiores, qui celeberrimi fuerunt, sunt Galilæus Italus; Bacon, Hobbes, Boyle Angli; Gassendus, Des Cartes Galli; Van Helmont Belgæ. Galilæus omnium solertissimi ingenii esse videtur. Hinc, meo quidem judicio, Neotericæ Philosophiæ Parens dici potest. Ejus methodus cum illa Platoniorum valde affinis est: jucundus est ejus stylus, Sc. Cartesius part. 2. Epist. Ep. 91. de Galilæo hæc habet: Ille mihi videtur melius philosophari, quam Philosophorum vulgus, qui, quantum potest, materias Physicas rationibus Mathematicis examinare cogatur. Eatenus sane illi omnino adspicior, & puto, nullam aliam investigandi veri rationem esse, Sc. Hug. Grot. in Ep. ad Voss. Vir in omni Mathematicarum parte summus, in Philosophia cetera non infimus Galilæus Galilæi, Sc. Vide etiam Act. erudit. ann. 1684. pag. 319. Leonem Allat. in Ap. Urb. II. Bullat. in Acad. Scient. Gall. Vossium de Mathem. L. Crasum Elog. &c. Tanti dominis apud Gallos fuit, referente Allatio loc. cit. ut nonnulli illius tantum videndi causa iter

iter in Italiam instituerint. Hoc ejus Epitaphii initium: *Galileo Galilei Florentino, Philosopho, & Geometrae vere Lynceo, Mirabilem semper inventorum Machinatori, &c.*

GULIELMUS GILBERTUS

G Locustrensis Philosophus, & Medicus Londinensis, tres amplissimos Commentarios de Natura Magnetis edidit. Quibus magis probavit doctrinam suam, quam Magnetis Naturam. Nam interior sum, quam dudum. Jos. Scalig. Epist. 200. Et Epist. ad Casaubonum: *Quidam Anglus ante triennium libro de Magnete edito nihil dignum expectatione ea, quam excitarat, protulit. Wolfgangius tamen Lochman. præfix. de Magnet. causam aperit, cur Scaligero Gilberti Philosophia non arideat, quod scilicet Peripateticus cum esset per occultas qualitates philosophabatur; cujus verba sunt: Equidem scio, neminem in hac materia (de Magnetis Natura) sanè difficillima, illum sibi habere partem. Nam quod alii vix attingunt verbo, illud Gilbertus noster amplissime diduxit, & ab ovo quasi rem inchoavit, & clarissime, ac acutissime explicavit. Scaliger quamvis cætera alia subtiliter, tamen non satisfacere potuit rei veritati in hac questione. Ad occultas qualitates cum cæteris provocat Philosophis. Verum ignorantis nihil non occultum, & absconditum est. Laudatur etiam ab aliis, ut à Francisco Bacono pluribus in locis, præcipue ubi ait: Gilbertus nostras cum Naturam Magnetis laboriosissime, & magna judicii firmitudine, & constantia, nec non experimentorum magno comitatu, & fere agmine persequutus esset, confinxit statim Philosophiam consentaneam rei apud ipsum præpollenti. Rapius Animadv. in Physicam §. 9. Gall. Gilbertus melius quam cæteri Magnetis experimenta elucidavit. Et quidem tanti eum faciebant eruditi, ut doctore Peireschius solet, non agnitos sibi Gulielmum Gilbertum, autorem libri de Magnete, nec Thomam Lydiatum celeberrimum Mathematicum; ut advenit Gassendus in Vita Peireschii, ubi magni Gilbertum facit. Vide plura apud Carpent. Geograph. lib. 1. c. 3: Digby Tract. de Corpor. c. 20. Nic. Fuller. Miscell. Sacr. lib. 4. c. 19. Isaac Barrov. Opusc. p. 87. &c.*

Quod autem ad ejus Philosophiam atinet, notandum, ipsum ex Copernici secta fuisse, atque ideo Terræ (quæ Magnetem magnum, contra vero Magnetem Terrellam, seu parvam Terram vocavit) motum tribuisse circa proprium axem. Hinc Joh. Ovven in ipsum sic luit:

Stare negas Terram. Nobis miracula narras.

Hæc cum scribebas, in rate forsitan eras.

Quod Gilberti systema ita paucis expressit Gassendus in Vita Copernici p. 331. *Hæc Copernicana Hypothesis ansam præbuit Gulielmo Gilberto, Anglo, cudente, atque invehiente Philosophiæ Magnetis, quatenus Terram magnum Magnetem, & Magnetem Terrellam, quasi parvam Terram habuit; ac à diurna Terræ circa suum axem verticillitate pendere eam, quæ est in Magnete, magneticisque corporibus statuit.*

JOH. BAPTISTA A PORTA

N Neapolitanus, Philosophus, Mathematicus, Medicus, Astrologus, & Physiognomicus sui ævi celeberrimus fuit. Ad ipsum audiendum ne dum Itali; sed Galli etiam, & Germani, alique undique confluebant. Astrologiæ Judicialiæ dicitæ, & Magiæ, quarum studio summo opere delectabatur, & per quas humanorum eventuum futura prædicere consueverat, usum ei Romano-Cu-

sia interdixit. Neapolitanæ Academiæ, quæ *Oleorum* appellabatur, fundationi multum tribuit. Suam verò Academiam domi habebat peculiarem, *Secretorum* dictam; cui nemo adscribebatur, nisi qui aliquid in natura secretum detexisset, vel novum aliquod inventum expertus esset: Mortuus est an. 1615. æt. 70. Præter Comœdias plusquam 30. & Tragœdias ab eo conscriptas, Philosophica ejus Opera sunt: *Magia Naturalis. Elementa Curvilinea. De Distillatione. De Ziseris. De occultis literarum Notis. De Refractione Optices. De Aëris Transmutationibus. De Munitione. Della Pisonomia dell Uomo. Della Pisonomia Celeste. Villa lib. 12. Pneumaticorum lib. 3. Phytognomicorum lib. 8.*

FRANCISCUS BACONIUS

Vernham Dominus, Vice-Comes Sancti Albani, summus Angliæ Cancellarius, nobili genere natus est Londini in Palatio Eboracensi 22. Jan. 1560. Nobilitatem sive ex insigni omnium fere scientiarum eruditione. Jurisprudentiam vel invitatus didicit. Mathematicis vero, & Philosophicis disciplinis ex naturali animi propensione addictus, tantum in eis profecit, ut nulli sui temporis secundus evaserit. Cum in Anglia sitis de Religione exortæ essent, ut de ipsis recte decernere posset, Theologiam etiam operam dedit; & quamvis Protestantis sectæ esset propugnator, de Romano tamen Pontifice, & Catholicis, mirum quam religiose, & modeste locutus sit. Unde Jurisconsultus, Poëta, Historicus, Philosophus, & Theologus existens, suis Principibus carus, literatis omnibus mirabilis factus est. Præter reliquos honores, quibus insignitus fuit, totius Angliæ Cancellarii dignitatem, quam suus etiam Pater Nicolaus exercuerat, & ipse obtinuit. Facies ei severa, gressus, & actus gravis; honestus tamen, & liberalis adeo fuit, ut moriens vix, quo cadaver efficeretur, domi reliquerit. Et quidem paulo ante mortem ob liberalitatis excessum in magnam inopiam redactus, epistolam, miseratione dignam, ad Jacobum I. Angliæ Regem dedit, qua ipsum rogavit, ut extremæ suæ vitæ diebus ei succurreret, veritus, ne aut ostiatim victum sibi quærere, aut ex literarum studiis vivere cogeretur, qui eoque vixerat, ut studeret. Obiit an. 1626. æt. 66. in Villa de Highgate prope Londinum.

Scripta ejus celebriora sunt: *De Sapientia Veterum. De Naturali, & Universalis Philosophia. Novum Organum Scientiarum. De Dignitate, & Augmentis Scientiarum. Sylva Sylvarum, sive Historia Naturalis. Historia Ventorum. Historia Regni Henrici VII. Sermones Fideles, &c.* Ejus Judicium de Philosophiæ extat etiam apud Stanlejum Histor. Philos. p. 657. De eo ita Autores.

Jonius de Scrip. Hist. Philos. lib. 3. cap. 27. - - - Primus reipublicæ illius Philosophiæ imperfectionem adspiciens, ejus reformationem suscepit. Hinc de Augmentis Scientiarum librum edebat, ab omnibus maximo cum applausu exceptum, in quo præter alia omnem Historiam literarum, & Philosophiæ, solidioris sapientiæ studiis deditis maxime commendabat, inculcabat. Idem libro profuit, quem de Sapientia Veterum scripsit, in quo Mythologicam Veterum Philosophiam nobis exposuit. Eidem Regiæ Societatis initia etiam debentur. - - - Omnia ejus Opera uno volumine, quæ erant, Philosophica, Moralia, Politica, Historica cum Vita (Baconi) ab anonymo descripta (cujus autor Henning. Wittenius, teste Placcio in Theatro ultima vice Francosuræ ad Maen. 1665. fol. prodierunt. Buddens in Hist. Philos. succincta delineat. p. 79. Seculo 17. incunata nova lux Philosophiæ orta est, præsertim in scientia Naturali. Exemplum omnibus præbuit Franciscus Bacon de Vernhamto, qui ne

missis

missis illis abstractis, & octosis speculationibus ad particularia descenderent, experimentaque instituendo, naturam rerum accuratius contemplerentur, omnibus autor fuit. Hujus ductum cum multi sequerentur, dici non potest quanta ad accuratorem Philosophiam facta sit accessio. Causa autem, cur Aristotelis Philosophiæ non acquieverit, non odium in Aristotelem; sed Aristotelis Philosophiæ insufficientia ad naturalia explicanda; dicitur in ejus Vita his verbis illi Aristotelicæ Philosophiæ insipida visa fuit, non propter vilipendium Avaris, quem summis semper laudibus evobere in mare habuit, sed propter inefficacitatem viæ: ejusmodi nimirum cum esset hæc Philosophia, quæ ad dispensationes, & contentiones solum nata, ad productionem autem operum, quæ vitæ humanæ commoda essent, sterilis omnino esset. Inter ejus Opera, quæ cæteroquin commendabilia omnia; in Ephemeridibus Erudit. Gall. 8. Martii 1666. præcæteris commendatur ejus *Novum Organum*, quo novam Logicam docet; cujus præcipuus scopus est bonam Inductionem contexere, sicut Logicæ Aristotelicæ finis principalis est bonum efformare Syllogismum. Hoc opus ab Autore ipso, omnium exquisitissimum semper habitum est; in quo scilicet elaborando octodecim annos infudasse perhibetur. Vide etiam, præter Vitam ejus Operibus additam, Gassendum in Vita Peireskii lib. 6. p. 237. Whear. in Meth. Leg. Hist. Civil. Grotium in Epist. ad Maurerium. Joh. Boacler. de Eloquent. Politici. Sam. Pufendorf. Specim. Controvers. c. 1. sect. 5. Rapin. in Animadv. in Philos. sect. 18. & in Etlie. sect. 9. & in Phys. sect. 9. Burnett Hist. Reform. Par. 2. lib. 3. & la Præfat. in Utopiam Mori. Herman. Conringium, cujus hoc extat distichon in Baconii effigiem?

*Magnus honore tuis, sed major, Baco fuisse
Ingento, atque haussis: ars tibi sola decet.*

ATHANASIUS KIRCHERUS

Fuldensis in Germania, Soc. Jesu, Philosophus, Mathematicus, & plurimum linguarum peritissimus fuit. Ferdinando II. Imp. regnanie, Gustavus Adolfus Sueviæ Rex ingenti cum exercitu bellum Germaniæ intulit an. 1631. quare Kircherus in communi propria etiam pace turbata, profugus Avenionem, Galliarum urbem, petiit; ibique Opus edidit, cui titulus *Pyramide Gnomonicæ Catoptricæ*, editis prius an. 1629. *Prelusionibus Magneticis*. Inde Romam linguarum Professor venit, ubi libros omnes eoque concinnatos divulgavit; atque ut Summo Pontifici Innocentio X. gratum faceret, *Obeliscum Pamphylum*, de Pontificis Cognomine sic appellatum, eruditum quidem Opus consecit.

Ejus Opera, præter dicta, sunt *Prodromus Coptius*. *Specula Melitenfis*, opus *Physico-Mathematicum*. *Ars Magnetica*. *Dictionarium lingue Aegyptiacæ*. *Ars Magna Lucis, & Umbra*. *Musurgia Universalis*. *Edipus Aegyptiacus* 4. tomis comprehensus; hoc est, *Templum Ifacum*; *Schola Aegypti*. *Symbolica*: *Encyclopædia Aegypti*. & *Theatrum Hieroglyphicum*. *Utingarium Exstaticum* in Cælestes Globos. *Iter secundum Exstaticum* in *Mundum Subterraneum*. *Scrutinium Physico-Medicum de Peste*. *De Crucibus Neapolitanis Diatr.* *Mandus subterraneus*. *Ars Magna sciendi*, &c. *Iter Hetruscum*. &c. *China illustrata*, &c.

De Kirchero ita Josius de Script. Hist. Phil. lib. 3. c. 29. *Nec ignoremus, eadem ætate fuisse Athanasium Kircherum, celebrem suis operibus, quibus oculam istam, & reconditam Aegyptiorum Philosophiam præ cæteris, qui in eo studio hactenus versati fuerant, restituere conatus est. . . . Nonnulla quoque, ni fallor, quæ ad Brachmanum literaturam, & studia faciunt, Kircherus in China sua illustrata tradidit. Prodiit, &c.*

JOH.

JOH. ALPHONSUS BORELLUS

Philosophus, & Mathematicus celeberrimus, Neapolis nostræ decusingens, ubi natus est 28. Jan. 1608. Philosophiam, & Mathesin, quibus summa, & unica animi contentione semper studuit, Florentiæ, (ubi Mediceorum Familie gratus semper fuit). Pisis, aliisque celebrioribus Italiæ locis, publice, & laudabiliter docuit. In ultima vitæ suæ periodo Romam secessit; ibique in Clericorum Regularium S. Pantaleonis Monasterio Religiosorum more, & vixit, & obiit ex pleuritide die 31. Decembris 1679. A Borello omnis Physico-Mechanica Philosophia, & Medicina processit, quam hodie ne dum nostrates Philosophi, & Medici, sed exteri fere omnes sectati sunt; omnia tum Medica, tum Physica Phænomena per Motum, & Materiam variè figuratam, ac vario, diversoque modo agitatam, explicantes: quæ Principia sunt Physico-Mechanica dicta, phænomenis explicandis aptissima.

Scripta ejus sunt: *De Rerum usu judicium. Tractatus de vi percussione. Responsio ad Censuram R. P. Honorati Fabri contra librum Autoris de vi percussione. De Motibus Naturalibus à Gravitate pendentibus. De Motu Animalium.* Opus posthumum, sed præclarum.

ROBERTUS BOYLE

Eques Anglus nobilissimus, quartus Richardi, primi Comitis de Cork, filius, genere quidem clarus, clarior tamen scientiarum fere omnium eruditione fuit, ut qui *varriadus*, & dici mereatur, & haberi. Enimverò ne dum Matheseos, & Medicinæ partes omnes, Historias, Chymiam, Theologiam, Rabinorum, & SS. Patrum doctrinas, in Religionis Controversias, Philosophiam tum Theoreticam, tum Practicam, & quæ ad sacram, profanamque eruditionem spectant, optime callebat; verum etiam omnibus moralibus virtutibus ornatus erat. Plures annos sacrorum Librorum lectioni, penitentiæque considerationi totum se devovit; quos ut melius intelligeret, Græcam, & Hebraicam linguam didicit. Omnia pietatis studia coluit; mendacii, obsecrationis osor, silentium adamabat, ne lingua sibi, vel aliis noceret. De cunctis bene sentiebat; nec cum aut generis nobilitas, aut sapientia tumidum, superbum, sui plenum unquam fecit, sed contra humilis, honestus, hilaris semper visus est. Deo quotidie ferventiori spiritu se commendabat; cui, ut Naturæ Autori, omnia in naturalium veritatum inquisitione studia referebat; non aliud ex ipsis consequi exoptans, quam ut clarior, ac perfectior Dei majestatis, sapientiæ, gloriæ, & bonitatis idea in sua, aliorumque mente oriretur; idemque ut facerent reliqui Londinensæ Regiæ Societatis Professores, quique omnes in naturalium veritatum notatione laborabant, summopere commendabat. Omnia igitur studia nonnisi ad solam Dei gloriam, & hominum utilitatem faciebat, & ab aliis fieri curabat. Pauperibus multa aureorum millia quotannis erogabat. Quamvis autem Anglicanæ Ecclesiæ addictus, tanto pro Christianæ Religionis propagatione ardore tenebatur, ut Sacra Biblia, & Grotii librum de Religionis Christianæ Veritate, in Turcarum, Arabum, & Indorum linguam verti, atque edidicaverit; itaque annuos suos redditus, qui ad plura aureorum millia erant, omnes, exceptis paucis frugalissimæ suæ vitæ necessariis, Christianæ Religionis per libros, & concionatores propagationi, & egenorum alimentis destinaverit. Quæ omnia digniora essent, quæ de tanto viro commemorarentur, si tot virtutibus, quibus ornatus erat, Catholicæ Religionis lumen accessisset.

Corpore, & temperamento debilis, lithiasi, siue calculi doloribus obnoxius fuit; vitamque traxit summa victus frugalitate, ea omnia vitando, quæ calculi dolores ultra suam patientiæ vires possent producere: neque semper non voluptati vixit, sed necessitati. Chymicæ, & Mechanicæ experimentis, æque inventionibus toros erat addictus: utramque tamen scientiam non ad avaritiam, aut iactantiam proferebatur; sed ut quid in ipsis veritatis, & utilitatis esset, dignosceret, & ad Dei gloriam hominibus communicaret. Tandem paucis post sororis obitum diebus, laboribus magis, quam ætate confectus, fato concessit die 30. Decembris 1691. Vide Morery sup. & Burnetum Episcopum Salisburyensem in Orat. Funebr. pro Boyle.

In Scriptis ejus, quæ 4. Vol. in 4. comprehenduntur, hæc habentur: *Novæ Experimenta Physico-Mechanica de vi Aëris elastica, & ejus effectibus, Defensio Doctrinæ de Elastere, & Gravitate Aëris, propositæ in Novis Experimentis Physico-Mechanicis adversus Objectiones Francisci Lin. Tractatus de mira Aëris (etiam citra Calorem) Rarefactione: de Duratione virtutis Elastice Aëris expansi: de Condensatione Aëris solo frigore facta, ejusque Compressione sine Mischinis; & de ejusdem Quantitatis Aëris rarefacti, & congesti miræ discrepantie Extensione Paradoxa Hydrostatica, novis Experimentis maximam partem Physicis, & facilibus, evicta. Tentamina quadam Physicologica: Quibus subjungitur Specimen Physico-Chymicum de Differentibus partibus, & Redintegratione Nitri; necnon Historia Fluiditatis, & Firmitatis, ut & Tractatus de absoluta Quietate in Corporibus. Chymica Scepticus, vel Dubia, & Paradoxa Physico-Chymica circa Spagiricorum Principia, vulgo dicta Hypothesica, prout pugnari solent à turba Alchymistarum. Experimenta, & Considerationes de Coloribus, & speciatim de Natura Albedinis, & Nigredinis, cum Observationibus de Adamantis in tenebris lucente. Introductio ad Historiam Qualitatum Particularium: subjunctis Tractatibus de Cosmicis rerum Qualitatibus, de Suspicionibus Cosmicis, & de Temperie subterranearum, de Temperie submarinarum Regionum, & de Fundo Maris. Exercitationes de Atmosphæris Corporum consistentium, deque mira subtilitate; determinata Natura, & insigni vi Effluviorum: subjunctis Experimentis novis, ostendentibus, posse partes Ignis, & Flammæ reddi stabiles, penderabilesque: unâ cum detectâ Penetrabilitate Vitri à Ponderalibus partibus Flammæ. Specimen de Gemmarum Origine, & Virtutibus. Scripsit præterea alia multa ad eruditionem, & Religionem spectantia.*

CLAUDIUS PERRAULTIUS

Petri, celeberrimi caussarum Patroni, siue Advocati, filius, Medicus, & Regiæ Academiæ Scientiarum socius, Parisiis natus an. 1613 magnam sibi famam, & gloriam editis suis Physicis, & Mechanicis Operibus acquisivit. Horum præcipua sunt: *Essais de Physique. Memoires pour servir à l'Histoire naturelle des Animaux, dressés sur les dissections faites dans l'Académie des Sciences. Traduction de Vétruve avec de Notes savantes. Abrégé de Vétruve. Ordonnances de cinq espèces de colonnes selon la méthode des Anciens. Recueil de plusieurs machines.* Obiit 9. Octobr. 1688. æt. 75.

Perraultin tres fratres fuisse, literis & ipsi præclari; quorum nato maximus PETRUS PERRAULTIUS Tractatum de Origine Pontium scripsit: italicum etiam Tassii Poëma, cui titulus: *La Secchia rapita* traduxit. Secundus NICOLAUS PERRAULTIUS Doctor fuit Sorbonicus, & Tractatum de Theologia Ma-

gala

vultu edidit. Tertius denique CAROLUS PERRAULTIUS de literis, & literatis omnibus in Gallia optime meritus; Poësi deditissimus fuit, quam præ aliis coluit, & exercuit, plura Poëmata conscribens. Edidit præterea Tomos 4 *Paralysorum inter Antiquos, & Recentiores*, quos ille plerumque prætulit.

ISAACUS NEWTON, natione Anglicus, Eques Auratus, & Regiæ Societatis Londinensis Præfex, novissimæ, celeberrimæque Newtonianæ Scholæ autor, paucis abhinc mensibus obijt octogesimo circiter annum agens. Magnus hic Philosophus, ac Recentiorum in Anglia Philosophorum dux, novum philosophandi Systema excogitavit, Cartesii Systemati quo se opponeret; quod magnam ei & famam, & auctoritatem apud suos conciliavit. Hujus tamen Systematis etiam non perfectam Epitomen, brevem saltem ideam aliquam per sua Principia, ac præcipua doctrinæ capita tradere, operæ pretium esse existavi.

Newtonianæ itaq; vastæ pariter, ac diffiçillis Philosophicæ doctrinæ summa hæc est. Cùm fabulosum potius, quàm rationi consentaneum sit per Hypotheses philosophari, ut à Cartesio factum; magis ex ipsis clavis, certisque Phænomenis, & Experimentis, Naturæ leges deducendæ, quas phænomenis obscurioribus applicandis, eorum ratio reddi possit. *Natura lex Corporum Gravitatis est*, cujus rationem reddere nequimus. Credendum igitur, Gravitatem, corporibus naturaliter insitam, Motus causam esse, non verò Motum causam Gravitatis. Præterea Gravitatis in corporibus mutua est; ita ut sicul corpora omnia in Terram suam Gravitatem exercent, ita contrà Terra suam in ipsa corpora Gravitatem exerceat. Imò & omnia corpora sese mutuò petunt, aut versus sese mutuò tendunt. Vis autem, qua versus sese mutuò tendunt, vocatur ab ipso *Attractio*. Eodem igitur modo, ac Sol in Planetas, hi in Solem gravitatem habent, sive ut Philosophi dicunt, gravitant: Jovis, & Saturni Satellites in Jovem, & Saturnum; & vicissim Jupiter, & Saturnus in suos Satellites: atque hinc etiam fit, ut Luna, & Tellus in se mutuò graves sint. Omnes itaque Planetæ Primarii nedum in Solem, sed etiam inter se gravitatem habent; quod de Planetis quoque Secundariis verum est, qui in Solem gravitatem habent, & Sol in ipsis. Atque hinc pendere ait Newton vim illam, quæ *Centripetam*, & *Centrifugam* appellat. Hæc autem omnia ex Cæli phænomenis probata asserit.

Ex quibus Gravitatis Regula (quam majorem, vel minorem esse ait prout majores, vel minores; plures, vel pauciores sunt particule, quæ corpus componunt) ostendit, Corpora Cælestia secundum propriam molem, & gravitatem, motum, & locum, in quo moveantur, obtinuisse, atque in variis Cæli partibus collocata fuisse. Cartesii autem Vortices neque regulis Motus, neque Cælestium corporum dispositioni, & motui consonare, pluribus conatur ostendere. Novam insuper in sua Optica Theoriam de Coloribus docet, asserens ipsorum varietatem non tam à varia corporum superficie, quàm à varia radiorum conditione pendere: qui radii cum ex propria natura alii magis, alii minus coactioni obnoxii sint; varios inde colores produciunt.

Atque hæc totius novissimæ Newtonianæ Philosophiæ summa est, & relictæ Elementa. Quæ philosophandi ratio ne dum per Angliam, sed per Europam fere omnem longe, lateque diffusa est: imò recens philosophandi modus, & norma cunctis ferme Newtonianum hoc Systema visum est. Hinc ingens Newtonianorum numerus, in quo præcipue sunt omnes Regiæ, ac per totum Orbem celeberrimæ Londinensæ Academiæ socii. *Introductiones, & Elementa* hujus Philosophiæ scripsit Job. Keill, necnon G. J. *Gravitatione* sub titulo: *Physicæ Elementa Mathematica Experimentis confirmata*; atque etiam sub hoc altero:

altero: *Ejusdem Philosophiæ NeWtonianæ Institutiones in usus Academicos*; quibus accensendus etiam Jac. Hermannus, atque alii, qui omni animi conatu sua hæc *Philosophiæ Naturalis Principia Mathematica* propugnarunt. David quoque Gregorius secundum hoc Systema *Astronomiam* illustravit.

Verum an hoc philosophandi Systema rationi consentaneum sit, Historici non est examinare. Diligentissimè tamen examinavit in Regia Studiorum celeberrima Universitate Neapolitana Phil. & Med. Doctor eruditissimus, & in eadem Universitate inter Regios Medicinæ Professores, etiam Primarios, *Kadissimus* videlicet ALEXANDER tenens, NICOLAUS CYRILLUS, seculi hujus Philosophorum *Didacorum*, nostræ Neapolis decus, & Regiæ Londinensis Societatis, cui nuper adscriptus, ornamentum, meus triginta circiter ab hinc annis in Philosophicis ac Medicis institutionibus Præceptor, quem honoris causa nomen; cujus Vitam in omni literarum genere semper occupatam; Facta, tum in Medicis Consultis, & Praxi; tum in omni negotiorum genere, summe commendabilia; Doctrinam denique, tum in juvenum in Regia hac Universitate in Philosophicis, ac Medicis rebus institutione, tum per editas Notas, & doctissimas Dissertationes in Ettmullerum in nova hac editione Neapoli facta, Doctrinam, inquam, omnium ore laudatissimam, hic recensere superfedeo; mei namque instituti non est de Viventibus illustribus Viris agere; de quibus pro meritis agant posteri.

Atque hæc eadem ratio est, cur de Principe generosissimo, Regum optimo, Regnantium sapientissimo, literarum, bonarumque artium omnium illustratore, literatorum Mecænate, JOHANNE V. Lusitanæ Rege, &c. inter Philosophos Mathematicos ne dum jure optimo locando, sed primas in eis tenere dignissimo, ne verbum quidem hic fecerim. Accedit, quod tanti Regis Vitam contexere, illustra facta memorare, Virtutes edisserere, Sapientiam enarrare, ne dicam exornare, neque Historiæ hujus Synopsis angustiar, neque si quid est in me ingenii, quod sentio quam sit exiguum, paterentur. Equidem fateor, tantæ materiæ pertractandæ optimum quemque Scriptorem vix satis esse; verum si mihi Deus vitam, sanam mentem in corpore sano, & oecia dabit, id, etsi non pro meritis, pro vitili saltem aliquando præstare conabor.

C A P U T XI.

Philosophi Incertæ Sæcæ, vel Novæ Sæcæ non conspicuæ Autores.

S BASILIUS MAGNUS, Cappadox, meritò Magnus appellatus, per plures annos S. Gregorii Nazianzeni Arsenis, & in solitudine comes individuius, Cæsareæ in Cappadocia, qua prius Mazaca dicebatur, Archiepiscopus creatus est die Junii 14. anni 328. Armenis, ipsique Valenti Augusto sæpe resistit; multisque exantlatis pro Fide Catholica laboribus, ad meliorem vitam transit Kal. Januarii anni 379. Phil. Labb. de Script. Eccles. Opera ejus omnia, eruditione summa, & eloquentia refertissima, Gr. Lat. exstant Tom. 3. fol. Parisiis. Prætermisissis laudibus, quas Ecclesiæ PP. omnesque etiam non Ecclesiastici Scriptores assatim in ipsum congesserunt; eas tantum, quas ut Philosophus promeruit, adnotabo. Sixtus Senensis lib. 4. Biblioth. *Basilii Cæsareæ Cappadocem Episcopus, re & cognomine Magnus. Jure Christianorum Philosophus,* & Phil.

& Philosophorum Christianissimus dictus est. Erasmus Epist. lib. 28. Epist. 7. D. Basilus vir optimo jure dictus Magnus, sed Maximi cognomine dignior. --- Equidem contumelliam esse judico, Basilii facundiam cum quoquam eorum comparare, quorum eloquentiam supra modum admirata est Græcia, juxta modum emulata Italia --- Agnoscat ibi summam humane Philosophiæ cognitionem, sed nullam prorsus ostentationem, &c. Cave in Vit. S. Basilii p. 262. --- Eminebat in Grammaticis, Rhetoricis, Philosophicis, Astronomicis, Geometricis, Arithmeticis, Physicis, & quibus non? Omnes Gentilium thesauros expilaverat, secretioresque Philosophiæ secularisque doctrinæ recessus rimatus erat. --- Ejus in Philosophicis exquisitus styli ejus nitorem, & lenitatem minime vitabat; nec suavitas, & elegantia Orationis ejus nervosum robur, & evidentiam argumentorum infirmabat. --- Hieron. Phot. Ell. du Pin. Suid. Rich. Sim. &c.

S. GREGORIUS NAZIANZENUS, Cognomento Theologus, Nazianzi in Cappadocia natus, qui Athenis circa an. 354. cum S. Basilio operam literis dedit sub Libanio, aliisque sophistis, tantum in literis, pietate, & Ecclesiastica disciplina profecit, ut perfectissimis Græciæ Oratoribus adnumerari, & Maximum Ecclesiæ lumen, Vas electionis, Thesaurus profundus, & os Christi appellari meruerit. Philosophis etiam accensendum duxi, tum quia Athenis Philosophiæ cum D. Basilio, ut diximus, operam dedit; tum etiam quia ejus Opera (quæ plura, eloquentia, & omnigena eruditione referatissima) perfectam redolent Philosophiam; ut de eo testator præter alios Ell. du Pin. Biblioth. Eccles. Tom. 2. pag. 655. Concionibus ejus plures Philosophiæ sententiæ admiscerent, & Historiæ, Fabulæque locis referantur. Moralem doctrinam eo modo tradit, qui Philosophorum magis, quàm populi capiti accommodatus est; &c.

NEMESIUS quoque Emissæ Episcopus, celebris primum Philosophus, deinde Christianus factus, silentio hic non prætereundus; cujus exstat *Liber De Natura Hominis* Gr. Lat. in quo de Hominis Anima, & Corpore, ejusque partibus, de quinque Sensibus, & Affectibus; de Fato etiam, & Providentia tractat, aliisque.

ROGERUS HEREFORDENSIS à patre dictus, Philosophus Anglus, Physicis, Astrologicisque studiis, & operibus clarus fuit circa an. 1170. sub Henrico II. Angliæ Rege. Scripsit *De Rebus Metallicis* lib. 1. *In Artem Judicariam* lib. 1. *Theoriam Planetarum* lib. 1. *De Ortu, & Occasu Signorum* lib. 1. *Collegancum annorum Planetarum* lib. 1. *Expositiones albidii* lib. 1.

ANTONIUS GALATEUS, Philosophus, & Medicus, Poëta, & Geographus sævi clarissimus, Galateus à patria dictus, quæ in nostri Regni Neapolitani Agro Salentinorum sita est. Literatorum omnium, qui sibi cœvi erant, amicissimus fuit; à quibus etiam valde commendatur, ut à Pontano in suis versibus; ab Hermolao Barbaro, qui an. 1480. ei Translationem Paraphrasin Themistii lib. 8. exaratam nuncupavit. Scripsit *Versus* commendabiles tum, Lat. tum Ital. lingua; *Descriptionem situs antiquæ Japygiæ*; *De situ Elementorum*; *Quæstiones Physicas*; *De optimo genere philosophandi*; sive *Methodum studendi Philosophiæ*, &c. Ultimis vitæ diebus cum podagra affligeretur, ut mentem à doloris sensu abduceret, *Laudationem Podagræ* composuit. Obiisse fertur circa an. 1490. Vide Jovium in Elog. c. 119. Leandr. Alberti Deser. Ital. Vossium lib. 4. de Hist. Lat. Castellan. de Vit. Med. Gesnerum in Biblioth. &c.

LUDOVICUS REGIUS, sive ROY, genere Normannus, Inter Criticos sæc. 16. insignis, post varias peregrinationes Regius Philosophiæ Professor Parisiis exstitit; ubi etiam ultimum diem obiit an. 1679. Composuit, & à Græco

in Latinum multa vertit; quorum hæc notat Gesnerus in Biblioth. *Vita Gulielmi Budæi. Oratio in funere Caroli Valefi. Adnotationes in Timæum Platonis, &c.* Vide Ste Marthe in Elog. Dc&. Gall. lib. 3. La Croix du Maine Bibl. Franc. &c.

FREDERICUS BONAVENTURI, patriâ Urbinas, in Græcis literis, & Philosophia peritissimus, Urbini Duci carissimus, pro quo etiam legatione ad Gregorium XIV. aliisque Principes functus est, molestis his curis ultro abdicatis, totum Philosophiæ studiis se devovit, ruri degens, ubi & satis cessit an. æt. 47. in fine sec. 16. duodecim ex Panthesilea Carpegna filios relinquens. Varios Philosophicos Tractatus exaravit, ut *De Ventis. De æstivæ parti. De Monsris. De Æstu maris. De Via Lactea. De cane rabido. De Jure Regni, &c.* Jan. Nic. Erythræus Pin. 1. Imag. illustr. c. 151.

OTTO HEURNIUS, Natus Ultrajecti A.C. 1577. Patre Job. Heurnio: Leydæ, quæ cum Patre secesserat, 1599. Philosophia Magister, annoque insequente eadem in Universitate ejusdem Professor renunciatus: & 1601. demum Medicinæ Docteur creatus est: atque tum successit in locum Patris paulo ante defuncti. Vander Linden de Script. Med. Edita ejus Opera, sed rarissima, sunt *De Barbaricæ Philosophiæ lib. 2. Babylonica, Egyptiaca, Indica, &c. Philosophiæ Primordia. De Ottone, sive Othone, ejusque scriptis, ita Jons. de Script. Hist. Phil. lib. 3. c. 26. Post hunc nominandus Otto Heurnius, Job. filius, Philosophus, & Professor Medicus Ultrajectinus doctissimus, natus an. 1577. propter Barbaricæ Philosophiæ Antiquitates, quas juvenis adhuc annos ægens 23. in duplicem concisum coegit libellum, quorum alterum Chaldaicum appellat, Indicum alterum; ille Chaldaicæ Philosophiæ Historiam ab originibus suis primis, ejusque & varias in Asia vicissitudines, & propagationem ad Græcas demum gentes, exposuit: hic in brevissimos tractatus quatuor est divisus; quorum primus Inderum antiquorum, & recentiorum percenset Philosophos, eorumque varia genera, sectas, & placita: secundus Philosophos Babyloniorum, Phœnicumque: Egyptiorum, & Inderum Philosophiæ magistros, eorumque doctrinam pertractat tertius: quartus agit de impura Magia Asiatica, Africana, Europæa, variisque eorum speciebus. Prodiit hic liber ex officina Plantiniana in forma minore 1600. & quia alias inventu difficilis est, eum quædam sententia recondita, multi crediderunt: sed nonnisi generalia, vulgaria, ac vitia pertractat; de quibus confer excellentissimum Gundlingium in Hist. Philos. Mor. p. 15. sive etiam doctissimum Ackerum in supplem. ad Bibl. Philos. Scrup. p. 34. Vide etiam Meursium in Athen. Batav. Melchior Adam in Vit. Med. Germ. Valer. Andr. Bibl. Belg. Laur. Crassum Elog. d'Huom. Letter. &c.*

SIMON GRYNÆUS Philosophus, & Theologus Basileensis, vir Latine, Græcæ, & Hebraicæ linguæ, omnique Philosophiæ peritissimus, qui à Melch. Adam. in Vita, suæ ætatis Philologorum, Philosophorum, & Theologorum princeps appellatur, Feringæ, Sive viæ oppido, natus est an. 1493. Philosophiam, Mathesin, reliquasque scientias, quas optime callebat, Wittebergæ, Heidelbergæ, Viennæ Austriæ, & Basileæ multis annis publice, privatimque præfatus est; ubi tandem ex peste obiit an. 1541. æt. 48. Imo & Philosophiæ Magister non solum Viennæ Austriæ vocabatur. Hinc non immerito hæc, & alla præclara de ipso auctorum sunt testimonia Erasmus Epist. lib. 26. epist. 39. Simon Grynæus est homo Latine Græque ad unguem doctus, in Philosophia, & Mathematicis Disciplinis diligenter versatus, nullo supercilio, pudore pene immo dico. Et lib. 28. Epist. 13. Vir in omni literarum genere citra supercilium eruditus, ita probehendis liberalibus studiis notus. Vollius de Mathem. De Auditorum omni genere præclare merebatur Simon Grynæus. Scaligerana prima Gall.

Gall. Simon Gryneus vir elegans fuit, tam egregias concinnavit Præfationes in Pollucem, aliosque præstantes autores. In Plinium majorem valde laboravit. Vide, præter altos multos è recentioribus, Johannis Sapidii Jambros doctissimos de eo scriptos. Multa è Græco sermone in Latinum transtulit; multa propria composuit; è quibus illud Philosophicum Opus: *De Ignitis Meteoris, & de Cometarum causis, & significationibus*. Etli Gryneus in Romano Indice inter Hæreticos primæ classis rejicitur; ejus tamen Opera, addita Autoris damnati nota, permittuntur in Ind. Madrit. edito an. 1667.

SCIPIO CAPYCIUS, nobilissimæ Neapolitanæ Familiæ germen, magnam Patriæ, sui que ævi ornamentum, & ipse Philosophiæ æque ac Poëtis adscribendus. Enimverò veterum omnium Philosophorum sententias exacto examine rimatus, Thaletis Aquam, Epicuri Atomos, Hæracliti Ignem, atque aliorum communia quatuor Elementa, validis rationibus confutavit, suamque de Aëre, unico rerum omnium naturallum Elemento, opinionem cum Anaximene protulit, ac probare conatus est in suis *Libris 2 de Principiis Rerum*, quos hexametro versu, non secus ac Empedocles inter Græcos, inter Latinos Lucretius, eleganter concinnavit. Scripsit præterea *De Divo Johanne Baptista, Vite Maximo, libros 3.* eodem metro: *Elegias; Epigrammata; & Christi Domini Vitam*, quæ amicis, cui eam tradiderat, incuriâ intercidit. Exstat etiam Magistratum Regni Neapolitani cum Romanorum Magistratibus Comparatio, ab eodem soluta oratione exarata. Vixit circa an. 1550.

THOMAS CAMPANELLA in Calabria Oppidulo, Styli nomine, natus an. 1568. decimotertio ætatis anno sacram Divi Dominici vestem induit. Subtilissimo ingenio præditus cum esset, dum adhuc Philosophiæ studiis sub præceptore operam daret, ejus ægroti vicem gessit, Theses Philosophicas publicè Confentiæ propugnanti electissima opponens argumenta; unde adstantibus tantæ admirationi fuit, ut dicerent, in ipsum Telesii spiritum recidivasse. Quod cum Thomas audivisset, statim Telesii, cujus nec nomen cognitum sibi erat, opera legenda quæsiit. Quibus lectis, tanto erga eum amore succensus est, ut ipsius sectator factus fuerit, & propugnator. Quare undecim mensium spatio *Apologiam pro Telesio* confecit, qua libro à doctissimo Marta contra Telesium undecim annorum spatio elaborato, respondit. Cumque Neapolim, ut Apologiam hanc typis mandaret, venisset; vix Urbem ingressus, videns plurimos in celeberrimum Franciscanorum Templum, *S. Maria della Nova* dictum, turmatim intrare, & Ipse simul introivit. Ut autem vidit, ibi publicè Philosophiæ Theses controversi; obrento contradicendi permittu, in disputando sic optime se gessit, ut à Monachis sui Ordinis ovans in Monasterium duceretur. Sed cum aliàs in Disputationibus Theologicis publicè factis, & à veterano quodam Dominicano Magistro expositis, ipse Magistro ob quasdam propositiones bene habitas plauderet; Magister eum acriter de temeritate objurgavit, quod Theologiæ imperitus, de re, quam non noverat, judicium protulisset. Cui Thomas acris objecta reponens ait: Arqualego, qui Theologiam, ut ais, vix à limine salutavi, tibi, non tamen ut putas, sapienti ostendam, me præstantius quàm tu & eam bene nosse, & in Cathedris posse publicè profiteri. Ex audaci hac responsione graviter ille percussus, hostili, crudelique animo Thomam adeo persecutus est, ut eum de crimine læsæ Majestatis apud Regios Judices accusaret, quod Neapolim prodere ausus esset, & Monarchiæ arcana divulgasset. De hæresi quoque apud Inquisitionis Tribunal accusatus est. Quare Thomas strictiori carcere devinctus ad annos 25. gravia multa passus est; donec, sive Urbani VIII. sive aliorum ope, libertate donatus, Lutetiam Parisiorum se contulit an. 1634. ubi Philosophiam docens, ad mortem usque permanfit, quæ ex gravi melancholiz.

choliæ morbo ei contigit mense Majo an. 1639. æt. 71. Acri fuit ingenio, sed prudentia destituito, linguâ liber, naturâ inquietus, animo turbidus. Cardinalis Richelius magna beneficia in ipsum contulit. Hoc ejus Symbolum: *Propter Sion non tacebo.*

Scripta ejus hæc feruntur: *Physiologia: Quæstiones Physiologica: De Sensu rerum, & Magia: (Pars mirabilis Occultæ Philosophiæ, in qua monstratur Mundum esse Dei vivam statum, hęcque cognoscentem: omnesque illius partes, partiumque particulas sensu donatas esse, alias clariori, alias obscuriori, quatenus sufficit illarum conservationi, ac totius, in quo consentiunt, & fere omnium Naturæ arcanorum rationes aperiuntur. Verba sunt Lindenii: quæ omnia, quam rectæ rationi adversentur, nemo non videt.) Opuscula Physica: Metaphysica: Poëtica: Arbetissimus Triumphatus: Trajectus Astrologicus: Monarchia Hispaniæ: Medicinalium juxta propria principia, lib. 7. Civitas Solis (Opus ab eo, dum in carcere detineretur, elaboratum, & à Gab. Naud. in Bibliograph. Polit. atque ab H. Conring. de Civ. Prud. c. 14. commendatum) Apologia pro Galileo (ubi disquiritur, utrum ratio philosophandi, quam Galilæus celebrat, faveat Scripturis Sacris; an adversetur) Quibus Operibus hæc sequens addit. Jan. Nic. Erythr. in Pinacoth. de quo, aliisque, suum etiam judicium profert, sic ajens: *Scriptis ingens Opus de Reformatione Scientiarum, decem in Codices divisum, quorum singuli plures in partes distribuantur: unde nihil acutissimo ingenio homini tam fuisse propositum apparet, quam reliquis veteribus viis ad omnium scientiarum notitiam novum, atque directum iter aperire. Scriptis etiam alia permulta partim edita, partim nondum impressa, quorum index à Jacobo Gaffarello recensetur. A cit. Lindenio de Script. Med. recensetur etiam Prodromus Philosophiæ insauranda, idest, Dissertationis de Natura Rerum Compendium, cum Præfatione ad Philosophos Germaniæ. Imo tot volumina Campanella concinnasse dicitur à Salom. Cypriano, ut ipsemet Parisiis an. 1635. ea in 10. Tomos colligere decreverit; quorum Primus prodixit an. 1638. ab eodem Cypriano dicitur sub hoc titulo: *Thomæ Campanellæ Styli Ordinis Prædicat. Philosophiæ rationalis partes V. videlicet Grammatica, Dialectica, Rhetorica, Poëtica, Historiographia, juxta propria principia suorum operum Tom. I. Refert etiam Jonsius de Script. Hist. Phil. lib. 3. c. 29. Campanellam de libris à se compositis libellum ad Gabr. Naudæum misisse sub titulo: *Thomæ Campanellæ de libris propriis, & rectis ratione studendi Syntagma ad Gabr. Naudæum. Ubi à cit. Jonsio Magnus Philosophus, & Polygraphus jure dicitur. Denique de Vita, & Philosophia Campanellæ legatur Ernestus Salomon Cyprianus; de quo ita laudatus Jonsius lib. eodem cap. 36. In Academia Julia quondam Excellentissimus Ernestus Salomon Cyprianus, vir, unde quaque doctissimus, cum ad Philosophiæ munus eo vocaretur, Programma auspicalis de Philosophia Thomæ Campanellæ concinnaverat. Id postmodum auctius an. 1705. apud Amstelodamenses recudi fecit sub titulo libelli: *De Vita, & Philosophia Thomæ Campanellæ, 8. quod elegans opusculum in capita quinque divisit; in primo de Philosophi Vita, Studiis, & Fatis egreditur in secundo variorum eruditiorum judicia de Campanella collegit: in tertio de Theologia, & Magia: in quarto de ejus Philosophia: in quinto de libris Campanellæ tractat, quos amici ejus cum erudito orbe communicant, &c.*****

Campanella ardentis, & portentosi vir ingenii dicitur à Naudæo. Joh. Deskler script. Adeptor. 1686. p. 323. Campanella philosophatur magna severitate, sed sua Metaphysica methodo, &c. L. o Allat. Ap Urban Scripti ab anno ætatis vicesimo non quæ ab aliis scripti erant, sed in hoc incumbens, ut nova in omnibus, scilicet scientiis excogitaret. Isaac Bullart. Acad. Scient. Gall. Præ-

Præclara sua virtute, ac eruditione dignum se præstitit, qui seculi sui Philosophorum Princeps audiret. Vide præterea Konig. Laur. Crass. Morery Lex. Hist. potissimum verò Salom. Cyprianum loc. cit.

LUDOVICUS LESCLACHE in pago quodam Arvernæ natus, Parisiis Philosophiam ingenti plausu, & auditorum concursu docuit. Novam docendi Philosophiam methodum invenit, per Tabulas scilicet, in quas eam omnem redigere studuit. Eas impressas discipulis vendebat: quod sibi quidem magno lucro, discipulis verò utilitati non exiguae fuit. Vir extremæ honestatis, ac probitatis fuisse traditur. Lugduni obiit 17. Augusti 1671. Ejus exstat Philosophia in Tabulis redacta: cui post mortem Clavem ad ipsam intelligendam, atque alia addiderunt.

ANTONIUS MIZALDUS, Gallice Mizault, Natus Montluconii in Gallia, Ducatus Bourbonici oppido: fuit non solum Medicus, sed etiam Philosophus, & Mathematicus eximius. Obiit Lutetiae A. C. 1578. Linden. de Script. Med. In naturæ arcanis investigandis omnium fuit peritissimus, ut ejus opera demonstrant; quorum Catalogus seorsim editus in suis operibus habetur, & apud cit. Linden. quorum præcipua sunt: *Phænomena*, seu temporum signa: *Meteorologica*: *Cometographia*: *Planetologia*: *Mundi Sphæra*, seu *Cosmographia*: *Catalogi Sympathiæ*, & *Antipathiæ*: *Harmonia Cælestium corporum*, & *Humanorum*: *Ephemerides cæris perpetuæ*, seu *Popularis*, & *Rustica Tempestatum Astrologia* ubique terrarum veræ, & certæ, libelli, seu classes V. quorum I. est de *Pluvia*, & *Serenitate*, II. est de *Rore*, III. de *Ventis*, IV. de *Tonitrui*, V. de *Terræ motu*, *Cometis*, &c. De *Arcanis naturæ* lib. 4. Plures etiam Tractatus Gall. & Lat. edidit: ut *Hortorum Secreta*, *cultus*, & *auxilia*: De *Hortensium arborum insitione*: *Exploratio*, & *dissectio corporis arboris in sua sigillatim membra*, & *partes*: *Auxiliaris*, & *Medicus Hortus*, rerum variarum, & *secretorum remedium* accessione locupletatus: *Artificiosa methodus comparandorum hortensium fructuum*, *oleorum*, *radicum*, *utrarum*, *vinorum*, &c. *Memorabilium jucundorum*, & *utillum Centuriæ* 9. &c. Vide Thuan. Ghiliin. La Croix du Maine, & du Verdier, &c.

JULIUS-CÆSAR LAGALLA Neapolitanus, Philosophiæ, & Medicinæ in Collegio Romano Professor insignis per annos 33. circa aënum 1612. floruit. Scripsit Tractatum De *Immortalitate Animæ*, atque alios ad rem Philosophicam spectantes, quos Leoni Allatio, qui ejus etiam vitam scripsisse dicitur, reliquit. Vide Konig. in Biblioth.

PAGANINUS GAUDENTIUS, Philosophus, Theologus, & Jure Consultus celeberrimus, Eloquentiæ primum, deinde Historiarum, & Politicæ Professor in Academia Pisana, defunctus an. 1649. eruditis suis operibus Philosophiæ, & Philosophorum Historiam plurimis juvit; quæ sunt: *Dogmatum Origenis cum Philosophia Platonis comparatio*. De *Pythagorica Animarum Transmigratione Dissertatio*; quæ Pisis prodiiit an. 1641. 4. de qua potissimum confer Morhofium Polyhist. II. 1. 2. 9. De *errore Sectariorum*, & *philosophicis veterum Ecclesiæ Patrum opinionibus*: De *veterum contentu Aristoteles*. De *Juliani Imperatoris Philosophia*. De *Philosophiæ apud Romanos Origine*, ac *Progressu libellus*, rarissimus, qui prodiiit Pisis 1643. 4. cujus excerptum dedit Tomus III. Observationum selectarum, qui Halæ impressus habetur 1703. Erudite profecto, perspicue, ac solide rem susceptam ubivis exponit. Ex Jonstio de Script. Hist. Phil. lib. 3. c. 19.

MARINUS MERSENNUS Monachus Ordinis Minimorum, natus in oppido Æsæ, qui fluvijs est Galliæ Bellicæ, in regione Cenomanorum, populorum Galliæ, die 8. Septembris ann. 1588. ex patre Julianno, & Johanna Mouliere.

Ddd

Parl.

Parisiis, ubi literarum studijs vacavit, in Minimorum numero scriptus a 1607. eorum institutum iurejurando professus est a. 1612. æt. 24. & multum in scientiis profecit, præcipue in linguarum studiis; quarum Hebraicam à P. Joh. Bruno ejusdem Ordinis optime didicit. Ab ann. 1613. ad 1619. in Cœnobio Niverni Philosophiam, ac Theologiam docuit, cui Cœnobio inde etiam præfuit. Mathematicæ quoque perfecte calluit; quare propter insignem suam eruditionem, moresque suavissimos, & incorruptos, viris sanguine, dignitate, vel literis, clarissimis gratus fuit, atque in suis in Italiam, Germaniam, &c. peregrinationibus acceptissimus. Obiit Parisiis die 7. Septembris ann. 1648. æt. 60. Inter ejus Opera, quæ plura, numerantur *Quæstiones in Genesim. Harmonicorum Libri, in quibus de Sonorum natura, causis, & effectibus. Cognita Physico-Mathematica Tom. 3. Veritas Scientiarum. Quæstiones inaudita, &c.* Vide ejus Vitam à P. Hilarione de Costa scriptam, aliosque:

JOHANNES CLERICUS, literatorum nostri ævi literatissimus, de quo ita cit. Jonf. lib. 3. c. 37. *Eruditorum Belgarum princeps est Joh. Clericus, Philosophia, & S. Lingua apud Remonstrantes Amstelodami Professor, natus Geneva anno 1637. die 19. Martii. Historia Philosophicæ profuit Historia Philosophiæ Orientalis, quam primus ex Anglicana editione Stanleji in Latinum versam notis, & elegantissimis observationibus instructam Amstelodami dedit 1690. 8. Huic adduntur Zoroastri Oracula, doctissimis itidem notulis ornata cum indice philologico, qui textum Stanleji illustrat egregie. Cundem deinde Historiam Orientalis Philosophiæ unâ cum notis Operum Philosoph. suorum Tomo II. inseruit, ut cætera Viri scripta taceamus. Descriptionem Vitæ Clerici editioni Lipsienfi Operum Clerici præmisit Gottl. Fr. Jenichenius. Cui vero jungendus ille Anonymus, ipsi Clerico familiaris à puero, qui locuplettorem Vitæ Clerici Historiam conciso, sed eleganti libello dedit, &c.*

BENEDICTUS DE SPINOZA, natione Judæus, deinde Judæismi desertor, nomine potius, quam Fide Christianus factus, ac tandem Atheus, natus est Amstelodami ann. 1632. obiitque ann. 1677. æt. circiter 45. Omnium primus Atheismum nova methodo, & Systemate docuit, quamvis præcipua ejus doctrinæ dogmata cum plerisque tum veteribus, tum recentioribus, Europæis, & Orientalibus communia fuerint. Pater ejus dives mercator fuit origine Lusitanus. Ante Baptismum Baruch; post Baptismum Benedictus appellatus est. Latinam linguam à Medico quodam Amstelodami didicit, statimque Theologiæ complures annos studuit, ac tandem Philosophiarum se devovit: Cum autem Geometricum haberet spiritum, nec præceptores, nec harum scientiarum Autores pro voto ei facerent satis, & ille tamen summo sciendi amore arderet, quid in hisce ingenii vires valerent, experiri decrevit. Ad hoc propositum urgendum scripta Philosophica nobilissimi, & summi tunc temporis Philosophi Renati des Cartes magno ei fuerunt adjumento: hujus enim Methodum philosophandi præ aliis ad Geometricas demonstrationes accedere, rationique consonam nimis existimabat; etsi Renatum in plerisque rejiciebat, præcipue vero quod ad hominis Voluntatem, quam idem cum intellectu esse dicebat, & nulla penitus libertate donatam, ut ex Ludovico Mayer Præfat. Renati des Cartes, &c. Principiorum more Geometrico demonstr. per Benedictum de Spinoza, ubi: Cum discipulum suum Cartesi Philosophiam docere promississet, religia ipsi fuit ab ejus sententia latum unguem discedere, aut quid, quod ejus dogmatibus, aut non responderet, aut contrarium esset, dicere. Quamobrem judicet nemo, illum hic aut sua, aut tantum ea, quæ probat docere. Quamvis enim quædam vera judicet, quædam de suis addita fateatur, multa tamen occurrunt, quæ tanquam falsa rejicit, & à quibus longe diversam ferat sententiam.

Cujus

Cujus note inter alia, ut ex multis unum tantum in medium asseram, sunt, quæ de Voluntate habentur. See. Propos. 15. Part. 1. Principiorum, & cap. 12. Part. 2. Append. quamvis satis magno molimine, & apparatu probata videantur. Neque enim eam distinctionem ab Intellectu, multo minus tali præditam esse libertate existimat, &c. Spinozam verò, & Beckerum Cartesii Philosophia non usos, sed abusos merito dixit Buddeus Hist. Phil. succincta delineat. p. 90. ubi ait: Benedictus Spinoza, & Balthasar Beckerus, cisi Cartesianæ Philosophiæ additi, ipsius tamen Principiis abutentes, impium, & detestabile Systema condiderunt; & ille quidem errore nefando non alium, quam ipsum Mundum agnovit Deum; ille verò non concipiens quomodo substantia cogitans agere in corpora possit, omnium spirituum operationes negavit.

Postquam igitur sese ab omnigenis occupationibus, & negotiorum curis, veritatis inquisitioni magna ex parte efficientibus, liberasset, quo minus à familiaribus in suis turbaretur meditationibus, urbem Amstelodamum, in qua natus, & educatus fuit, deseruit, atque primò Renoburgum, deinde Voorburgum, & tandem Hagam Comitibus habitatum concessit, ubi etiam 9. Kal. Martii anno supra millesimum, & sexcentisimum septuagesimo septimo ex phibiti vitam hanc reliquit, postquam annum ætatis quadragesimum quartum excessisset. Nec tantum in veritate perquirenda totus fuit, sed etiam speciatim se in Opticis, & vitris, quæ Telescopiis, & Microscopiis inservire possent, tornandis, poliehdisque exercuit; & nisi mors eum intempestiva rapuisset (quid enim in his efficere potuerit, satis ostendit) meliora ab eo fuissent speranda. Licet vero totum se Mundo subdukerit, & latuerit, plurimique tamen doctrina, & eruditione conspicuis Viris ob eruditionem suam magnumque ingenii acumen innotuit; uti videre est ex Epistolis ad ipsum scriptis, & ejus ad ipsas Responzionibus. Plurimum temporis in naturæ rerum perscrutanda, inventis in ordinem redigendis, & amicis communicandis, minimum in animo recreando infemuit: quin tantus veritatis expiscandæ in eo ardor exarsit, ut, testantibus iis, apud quos habitabat, per tres menses in publicum non prodierit; quinimo, ne in veritatis indagine turbaretur, sed ex voto in ea procederet, Professoratum in Academia Heidelbergensi, ei à Serenissimo Electore Palatino oblatum, modeste excusavit, uti ex epistola 53. & 54. perspicitur. Ita ex Præfatione Operum posthumorum Benedicti de Spinoza. His autem verbis Fabricius in eadem Academia Theologicæ Professor Spinozam Electoris nomine invitavit: cit. Epist. 53. *Philosophandi libertatem habebis amplissimam, quæ te ad publicæ stabilitam Religionem conturbandam non abusurum credit. . . Hoc unum addo, te, si huc veneris, vitam Philosopho dignam cum voluptate transacturum, nisi præter spem, & opinionem nostram aliter omnia acciderant.* Cui Spinoza sic respondit ibidem epist. 54. *Si unquam mihi desiderium fuisset alicujus facultatis professionem suscipiendi, hanc solam optare potuissem, quæ mihi à Serenissimo Electore Palatino per te offertur, præsertim ob libertatem philosophandi, quam Princeps clementissimus concedere dignatur. . . Cogito deinde, me nescire, quibus limitibus libertas ista philosophandi intercludi debeat; ne videar publicæ stabilitam Religionem perturbare velle.*

Quod ad Spinozæ Vitam hæc denique addenda. Sudzorum hostis, ex quo defector fuit, semper acerrimus, ipsos & verbis, & scriptis infectus est; nec ullo modo, à annis etiam ei oblati congiariis, ab eis adduci unquam potuit, ut externos solum ipsorum ritus frequentaret. Implacabilis autem omnino factus ex quo Hebræus quidam ipsum ad mortem usque ense petiit; nullo tamen suscepto damno, nisi tantum in vestibus. In cunctis vitæ necessariis sobrius, & parcissimus, divitiarum contemtor, comis, & humanus semper vixit; quin-

imo oblatam sibi à Simone Uries amico suo hæreditatem recusavit, nolens, Uries fratrem hac hæreditate privari; nec annuos florenos 300. sibi in testamento ab eo legatos, omnes voluit, solis 300. contentus, quibus viveret. Teterissimum suum Atheismi virus non æquè in omnes evomebat, sed in eos tantum, qui ei discipulos se mancipabant. Ceterum in sua Religione quemque manere, & rigide eam observare, hortabatur. Hinc interrogatus à muliere, apud quam debebat, an in sua Religione salva fieret, respondit: Modò tam fervens, & pietatis opera perficias. Postremò Sebastianus Kortholtus Præfat. edit. 2. Tractatus Christiani Kortholti patris sui de tribus Impostoribus, hæc habet de Spinoza: *Vacavit interdum doctis, & principibus viris, quos non tam convenit, quam admisit, cum iisque de rebus civilibus sermones instituit. Politici enim nomen affectabat, & futura mente, & cogitatione sagaciter perscrutabatur, quæta hospitibus suis non varæ prædixit: — Se professus est Christianum, & vel Reformatorum, vel Lutheranorum adibus non modò ipse adfuit, sed & illis auctor sæpe numero, & hortator extitit, ut templa frequentarent, domesticisque verbi quosdam divini præcones maximo opere commendavit. Nec unquam iurandum, aut perulans de Deo-dictum ex ore Spinozæ exit; nec largiore usus est vino, & satis duriter vixit. Ideoque hospiti quovis anni parte 80. aureos Belgicos tantummodo persolvit, & summum 400. quotannis impendit: Auro plane non inhiabat, &c. Fertur, Spinozam ante mortem sæpe dixisse: Deus propitiuss esto mihi misero peccatori; ac pluries Dei nomen invocasse: cumque interrogaretur, an Deum vere existentem crederet? respondit, hoc ei nomen ex more, & consuetudine, non ex voluntate prolatum. Mandragoram quoque ante mortem bibisse dicitur, ut placide somnolentus moreretur; sed hoc fabulosum alii dicunt.*

Inter impia, ac virulenta Spinozæ scripta est primò liber ille sub hoc pseudonymo titulo editus an. 1665. *Lecti Antistiti Constantis de Jure Ecclesiasticorum liber singularis*; in quo docetur: *Quodcumque Divini, Humanique juris Ecclesiasticis tribuitur, vel ipsi sibi tribuunt, hoc aut falsò, impleque illis tribui, aut non aliunde, quam à suis, hoc est, ejus Reipublicæ, vel Civitatis Proditis, in qua sunt constituti, accepisse.* Præterea alter est proprio Autoris nomine insignitus sub titulo: *Tractatus Theologico-Politicus*; cujus dogmata his, quæ in altero modò dicto continentur, simillima sunt: unde educitur, amborum auctorem unum esse. Qui Tractatus Gallicè etiam sub hoc titulo prodit: *Reflexions curieuses d'un Esprit désintéressé sur les matiers les plus importantes au salut tant public, que particulier*; imò & sub aliis etiam titulis, et advertit P. Bayllus in suo Lex. Hist. Crit. Ejus etiam est, quem supra notavimus, *Principia Renati des Cartes Geometrico more demonstrata per B. Spinozam.* Sunt & ejusdem Opera Posthuma: *Epistolæ, &c.*

Sed ut execrandam impudentissimi Novatoris doctrinam, qua pestilentissimum Atheismi virus disseminare, non aperte tamen, sed obscure, & artificiose, studuit, ad perpetuam impii confusionem paucis hic tradam; sciendum primò est, ipsum Geometrico semper more, *àxiomæ* tamen processisse: unde, antequam sua ratiocinia contexeret, & subtilissimum suum Atheismi Systema conficeret, ut ædificii fundamenta posuit nêto Definitionibus, & septem Axiomatibus, quibus decem Propositiones superaditruxit. Totius autem Systematis summa est. *Nihil dari præter Deum, qui ab Universo, seu rerum Universalitate non distinguitur; sicque Deum esse omnia, & omnia esse Deum.* Omnes sui Systematis conatus tendunt ad destruendam distinctionem inter Deum & Creaturam; cùm cæteroque apud omnes in confesso sit, Creaturam omnem participationem quidem esse Divinæ Naturæ, te tamen ipsa, sive substantialiter, ut
ajunt

ajunt, ab ea distinctum, & diversum quid esse, cum post productionem fuerit, quod ante productionem non erat. Per Spinozam igitur *Rerum Universalis*, sive *Universa rerum Substantia*, in qua omne, quod est, comprehenditur, sive *natura Cogitantis*, sive *Extensæ*, infinita est, increata, æterna, ipsaque *Deus* est, præter quam non est alius *Deus*. Quam impiam de Deo sententiam ab antiquis quibusdam Philosophis Spinoza desumpsisse videtur; qui ipsum Mundum Deum esse dicebant. Hi autem potissimum fuere Eleatici Sectæ Philosophi, quibus Spinoza de suo hoc addidit, quod Atheismum per proprium Systema, & Geometricas demonstrationes probavit, sive probare credidit. Hinc de Spinoza Buddeus in Hist. Phil. succincta Delineat. p. 64. *Atheismus Eleaticæ Sectæ proprius est*. Imo multa similia prorsus ita docuisse videntur, quæ recentiori ætate in scenam revocavit Ben. Spinoza. Xenophanes enim docuit, unum esse omnia. Parmenides, atque Melissus, dum motum omnem, omnesque adeo generationes, & mutationes sustulerunt, induciti forte sunt hac ratione, quod unam viderent esse substantiam - - - Rursus ab Alexandro Epicureo, qui inter amicos Plutarchi fuit, Atheismum suum accepisse Davidem de Dinanto, Scholastici dicunt; quem consentientia cum Spinoza docuisse constat. Definitiones, quas insipiens Novator sibi præmisit, sunt:

I. Per causam sui intelligo id, cujus essentia involvit existentiam, sive id, cujus natura non potest concipi, nisi existens. II. Ea res dicitur in suo genere finita, quæ aliâ ejusdem naturæ terminari potest; ex. gr. Corpus dicitur finitum, quia aliud semper majus concipimus; sic etiam cogitatio alia cogitatione terminatur: at corpus non terminatur cogitatione, nec cogitatio corpore. III. Per substantiam intelligo id, quod in se est, & per se concipitur; hoc est, id, cujus conceptus non indigeat conceptu alterius rei, à quo formari debeat. IV. Per attributum intelligo id, quod intellectus de substantia percipit, tanquam id, quod ejusdem essentiam constituit. V. Per modum intelligo Substantiæ affectiones, seu id, quod in alio est, per quod etiam concipitur. VI. Per Deum intelligo ens absolute infinitum, hoc est, Substantiam constantem infinitis attributis, quorum unumquodque æternam, & infinitam essentiam exprimit. Dico, absolute infinitum, non autem in suo genere; quicquid enim in suo genere tantum infinitum est, infinita de eo attributa negare possumus: quod autem absolute infinitum est, ad ejus essentiam pertinet quidquid essentiam exprimit, & negationem nullam involvit. VII. Ea res libera dicitur, quæ ex sola sua natura necessitate existit, & à se sola ad agendum determinatur; necessaria autem, vel potius coacta, quæ ab alio determinatur ad existendum, & operandum certa, & determinata ratione. VIII. Per Eternitatem intelligo ipsam existentiam, quatenus ex sola rei æternæ definitione necessario sequi concipitur: talis enim existentia ut æterna veritas sicut rei essentia concipitur; proptereaque per durationem, aut tempus explicari non potest, etsi duratio principio, & fine careat concipitur.

Axiomata sunt I. Omnia quæ sunt, vel in se, vel in alio sunt. II. Id, quod per aliud concipi non potest, per se concipi debet. III. Ex data causa determinata, necessario sequitur effectus, & contra, si nulla detur determinata causa, impossibile est, ut effectus sequatur. IV. Effectus cognitio à cognitione causæ dependet, & eandem involvit. V. Quæ nihil commune inter se invicem habent, etiam per se invicem intelligi non possunt; sive conceptus unus alterius conceptum non involvit. VI. Idea vera debet cum suo Ideato convenire. VII. Quidquid ut non existens potest concipi, ejus essentia non involvit existentiam.

Propositiones denique sunt. I. Substantia prior est naturâ suis affectionibus,

bus. Demonstratio patet ex defin. tertia, & quinta. II. Duae substantiae diversa attributa habentes, nihil inter se commune habent. Demonstratio patet ex defin. 3. unaqueque res enim in se debet esse, & per se debet concipi, sive conceptus unius alterius conceptum non involvit. III. Quae res nihil commune inter se habent, earum una alterius causa esse non potest: quod post Axioma quartum verum est. IV. Duae, aut plures res distinctae, vel inter se distinguuntur ex diversitate attributorum substantiarum, vel ex diversitate earundem affectionum. Demonstratio: Omnia, quae sunt, vel in se, vel in alio sunt, per axioma 1. hoc est, per definitionem 3. & 3. extra intellectum nihil datur, praeter substantias, earumque affectiones; nihil ergo extra intellectum datur, per quod plures res distinguuntur inter se possunt, praeter substantias, seu, quod idem est, per earum attributa, earumque affectiones. V. In rerum natura non possunt dari duae, aut plures substantiae ejusdem naturae, sive attributi. Demonstratio: Si darentur plures distinctae, deberent inter se distinguari vel ex diversitate attributorum, vel ex diversitate affectionum, per propositionem praecedentem; si tantum ex diversitate attributorum, ergo concedatur, non dari nisi unam ejusdem attributi: at si ex diversitate affectionum, cum substantia sit prior naturae suis affectionibus, per propositionem 1. ergo depositis affectionibus, & in se considerata, hoc est per definitionem 3. & 6. vere considerata, non potest concipi ab alia distincta, hoc est, non poterunt dari plures, sed tantum una. VI. Una substantia non potest produci ab alia substantia. Demonstratio: In rerum natura non possunt dari duae substantiae ejusdem attributi, per propositionem praecedentem, hoc est, per propositionem secundam, quae aliquid inter se commune habeant, adeoque per propositionem tertiam una alterius causa esse nequit, sive una ex alia non potest produci. VII. Ad naturam substantiae pertinet existere. Demonstratio: Substantia non potest produci ab alio, per propositionem praecedentem; erit itaque causa sui: Substantiae enim essentia, per definitionem primam, sui existentiam necessario involvit; sive ad ejus naturam pertinet existere. VIII. Omnis Substantia est necessario infinita. Demonstratio: Substantia unius attributi non nisi unica existit, per propositionem septimam. Erat itaque ipsius natura vel finita, vel infinita existere: at non finita, nam, per definitionem secundam, deberet determinari ab alia ejusdem naturae, quae etiam necessario deberet existere, per propositionem septimam: adeoque darentur duae Substantiae ejusdem attributi, quod est absurdum, per propositionem quintam: ergo existit infinita. IX. Quod plus realitatis, aut esse unaqueque res habet, eo plura attributa ipsi competunt: Demonstratio patet ex definitione quarta. X. Unumquodque unius Substantiae attributum per se concipi debet. Demonstratio: Attributum est, quod intellectus de Substantia percipit, tanquam ejus essentiam constituentem: ergo, per definitionem tertiam, per se concipi debet. Ex quibus omnibus Spinoza varia Corollaria, & Scholia deducit, quae apud Ipsum videre est.

Contra Spinozam scripserunt Job. Contr. Darrius, Jac. Thomafius, Job. Musaeus, Henr. Morus, Wittichius, Veltbusenius, Franc. Cuper, religione Socinianus, in Tra&. cui titulus: Arcana Arithmetici revelata, philosophice, & paradoxe refutata: plures etiam Doctores Lutherani, & Calvinistae; P. Dan. Huet. in Demonstr. Evangel. R. Simon. Job. Colerus in Tra& de Vera Religione J.C. contra Spinozam; Mr. Tvon, discipulus Labadii, & Labadiitarum Missioner, in suo Tra&. Impietas convicta; P. Le Vassor in lib. de Vera Religione; Mr. van Til; Mansveldius; Batelerius; Petrus Bellius in Lex. Histor. Crit. ubi ait, neminem melius, ac doctius Spinozismum oppugnasse, confutasse, ac funditus evernisse, quam Job. Bredenburgium in Opere suo, cui tit.

Ence-

Enervatio Tractatus Theologico-Politiæ, una cum Demonstratione Geometrica ordine disposita, Naturam esse Deum, &c. atque alij, quodrum numerus pene innumerus est. Videri etiam possunt Le Journal des Sçavans 31. Jan. 1699. Les Nouvelles de la Rep. des Lettres; & L'Histoire des Ouvrages des Sçavans eodem anno. Atque hæc de Spinoza.

CAPUT XII.

Epicurei Emendati, sive Gassendiste.

Epicureis, qui in Hortis cum Epicuro, & post ipsum Athenis floruerunt, cap. 15. lib. 3. hujus Historiæ recensitis; atque Epicureis Romanorum Philosophis cap. 1. lib. 4. hujus enarratis, (quibus *Diogenes Laërtius* addi posset, qui tempore Antonini, & Severi vixisse dicitur, clarus præcipue ob lib. X. Vit. Philosophorum, *Arriæ*, philosophanti sceminæ videtur, Septimio Severo, & Antonino Caracallo, Imp. carissimæ, dicatos; in quibus se pluribus in locis Epicureum ostendit; potissimum verò, quod de Epicuro librum X. integrum conscripserit, doctrinam commendaverit, & acerrime defenderit) Recentiores addendi Epicurei sunt, qui Epicuri Philosophiam ab erroribus, Christianæ Religioni contrariis, expurgatam professi sunt. Quorum Dux, & Autor

PETRUS GASSENDUS

Natione Gallus, patriâ civis Dintensis, cujus Ecclesiæ Episcopalis primum Canonicus, deinde etiam Præbyter Præpositus, Sac. Theologiæ Doctor, ac Regius in Parisiensi Academia Matheos Professor, Philosophus nostris ævi celeberrimus, pauperibus ortus est parentibus 9. Kal. Febr. 1592. quod major ejus nobilitas, & gloria ex literarum studiis videretur. Post expleta linguarum, humaniorum literarum, & Philosophiæ studia (quam etiam publice, & laudabiliter docuit) Mathesi ac potissimum Astronomiæ totum se dedit, id comprimis suadentibus Nicol. Febr. Peirescio, Magnæ Provinciæ Tribunalis Consiliario, & Domino du Vair, ejusdem Tribunalis Præsidi, apud quos erat gratiosissimus. Cum autem Aristotelis Philosophia, quam ex præceptoribus hauserat, ei non arderet, ex reliquis veterum Philosophiæ Systematis Epicureum elegit emendandum, ut fectaretur. Doctrinæ, eruditionis, pietatis vir fuit insignis; unde etiam literatis, Principibus, & Cardinalibus carus semper fuit. Tandem extremum diem obiit Parisiis ann. 1655. die 24. Octobris æt. 64. quem marmoreo tumulo post mortem dignatus est Henricus Ludovicus Habertus de Montmor, Libell. Suppl. Magister, qui vivum domi semper honoris gratia habere voluit. Idem Habertus magnifico marmoreo tumulo, quod ei erexit Lutetiæ in Ecclesia S. Nicolai Campensis, atque in ipso Saccello illustr. Familiz Mammorianæ, quod S. Joseph sacrum, pro Amico suo, & Hospite sibi carissimo, Epitaphium superaddidit. De Gassendo plura qui cupit, adeat Samuelem Sorberium, Christianissimo Regi ab Historica re, qui ejus Vitam descripsit sub titulo: *Dissertatio de Vita, & moribus Philosophi, ac Mathematici celeberrimi Petri Gassendi, ad Virum Illustr. Henr. Ludovicum Habertum Montmorium, Libellor. supplie. magistrum integerrimum præscripta*; in qua etiam ejus scripta enarrantur. Hisigitur de Vita breviter enarratis, scripta videamus.

Hæc,

Hæc, quæ Tom. 6. fol. continentur, res Philosophicas, Mathematicas, Vitæ celebriorum Mathematicorum, Peirescii etiam, ejusque Bibliothecæ laudes, Epistolas, &c. tractant. Quorum hoc est Jonsii judicium de Scr. Hist. Phil. lib. 3. c. 31. Anno 1624. lucem publicam videbant ejus Exercitationum Paradoxiarum adversus Aristoteles libri 7. in quibus omnes hujus Philosophi errores deteguntur, præcipua totius doctrinæ Peripateticæ fundamenta excutuntur, opiniones vero novæ, aut è vetustioribus obsoletæ, stabiliuntur. Primus liber 8. continet Exercitationes; quarum uniuscujusque tale est argumentum. I. Quod homines Aristotelici ex germana Philosophia Sophisticen effecerint. II. Quod immerito Aristotelici libertatem philosophandi sibi ademerint. III. Quod rationes nullæ sint, quibus secta Aristotelis videri potest præferenda. IV. Quod maxima sit incertitudo librorum, doctrinæque Aristotelicæ. V. Quod apud Aristotelem innumera deficiant. VI. Quod apud Aristotelem innumera superfluant. VII. Quod apud Aristotelem innumera fallant. VIII. Quod apud Aristotelem innumera contradicant. - - - Sed reliquos libros 6. eruditi non viderunt; num editi fuerint, Launojus significare non potuit. In istis autem quid tradiderit, ejus in lib. 1. Præfatio docet, ubi inquit: Liber secundus opponitur Dialecticæ Aristotelicæ, ubi nulla ipsius Dialecticæ necessitas, utilisque declaratur, &c. Liber tertius destinatur in Acronon Physicam, &c. Liber quartus additior libros de corpore simplici, ubi primum & stellis, & soli comparatur quies, &c. Liber quintus aggregat vulgares tractatus, quos de mistis instituit, &c. Liber sextus adversus Metaphysicam instituitur, Liber denique septimus est in Moralem Philosophiam. Confer Launojum de varia Arist. fortuna.

De libris pro Epicuro editis ita sequitur laudatus Jonsius: Sed Gassendus ab edendis contra Aristotelem libris abstinuit, & eorum postea se Philosophiæ Epicuræ restaurandæ dedit. Itaque peculiare Opusculum de Vita, Moribus, & Doctrina Epicuri libris 2. concinnavit. - - In hoc Epicuri & Vita, & Scholæ historiam exposuit ita, ut nemini fortasse alteras curas hac in parte reliquerit. Liber primus, & secundus non nisi nude vitam, mores, & Scholam Epicuri persequitur; ita tamen, ut ejus etiam recensere libros, amicos, & successores. In primis cap. 5. lib. 1. docet, quando, & qua occasione Epicurus Philosophiæ se dederit, sectamque condiderit. Quartus liber occasionem quæsitæ Epicuro infamiae detexit. Quintus objectionem malignitatem depulsi. Sextus objectionem gula vitium. Septimus objectionem venerem. Ultimus odium objectionum artium liberalium. Etiam priores è recentioribus edidit Animadversiones in Diogen. Laërt. lib. X. qui de vita, moribus, placitisque Epicuri agit, 3. volum. in fol. His denique Philosophiæ Epicuri Syntagma addidit, in quo Philosophiæ Epicuræ principia exposuit. In omnibus autem Epicuri acrem vindicem egit sic, ut non modò virtutes ejus, sed etiam vitia, & errores exposuerit, & sæpe contra ipsum disputaverit. Ita quando de Providentia agit, quam omnino in dubium vocavit, partes ejus, & causam plane deserit. Doctrinam de Atomis ita amplectitur, ut ne locum det Atheismo, &c.

Omnia igitur præclari hujus Mathematici, ac Philosophi Opera ab hæc fere rediguntur. Syntagma Philosophicum. Liber proemialis de Philosophia universe. Logices lib. 2. Physices sect. 3. Ethica. Physica Opuscula. Philosophiæ Epicuri Syntagma. Exercitationum Paradoxiarum adversus Aristotelicos lib. 7. Fluidæ Philosophiæ Examen. Disquisitio Metaphysica adversus Cartesium. Epistolæ 14. de rebus Mathematicis. Institutio Astronomica. Commentaria de rebus Cælestibus ab ann. 1618. ad 1655. Opera Humaniora, & Miscellanea. Diogenis Laërtii liber X. Vita Epicuri; Peirescii; Tychonis Brabæ; Nicolai Copernici; Georgii Peurbachii, & Job. Regiomontani.

Abatus

*Abacus Sestertiorum, fuge, &c. Romanum Calendarium. Notitia Ecclesie Di-
mensis. Epistola, & Responsa Autoris ad varios, & eorum Responsa ab an. 1621.
ad 1635.*

Quale autem Gassendo Philosophiae Systema fuerit, ut enatrem, sic paucis
me absolvam: In omnibus Democriti, Epicurique doctrinam securus est, quam
non solum explanavit, & illustravit, sed etiam emendavit, & idoneam, quam
Christiani sequerentur, reddidit. Itaque Epicurum ex Ethnico, & Ethnicorum
Irreligiosissimo, Christianum fecit; suumque sic Praepositi Ecclesiae munus
optime complevit. Hinc Mundum creatum contra Epicurum docuit: cuncta in
mundo non per fortuitum Atomorum concursum facta fuisse, & fieri, sed Divi-
na Dispositione: Dei Providentia omnia gubernari: A Deo tum in vita, tum
post mortem, & poenas timendas, & praemia speranda, &c. Quidquid igitur
Christianae doctrinae contrarium erat, demisit, vel emendavit: unde & ejus Se-
ctam Epicuream Eudemotam appellare placuit.

De Gassendo innumera pere ad praeclara sunt autorum testimonia, quae,
ut brevitati consulamus, exseribere praetermittam; horum unum aut alterum ad-
notasse contentus. Leo Allatius Ap. Urb. p. 70. *Petrus Gassendus Dintensis
Ecclesiae Theologus, vir primarius, qui novo ingenii acumine, diserta oratio-
nis textura, & admirandorum monumentorum copia Europae innotuit.* Joh.
Launoi Epist. de Gassendo. *In eo peracae ingenium & iudicium, incre-
dibile studium, labor indefessus, singularis in asserenda veritate methodus,
varia eruditio, eaque exquisitissima, tersa, & elaborata scriptio, bonitas exi-
mia, & pietas, vitae gravitas, morumque integritas summa, frugalitas pri-
sca, &c. Vossius de Mathem. Anno 1628. ac deinceps, varia doctrina, imprimis
Mathesi eluxis Petrus Gassendus, Gallus, cujus singularem, & multilingam
eruditionem non potui non mirari, cuius Belgicam hanc lustravi ann. 1629. me
non semel sapientione, & alloquio suavissimo dignaretur.* Rapin. Animadv. in
Physicam sect. 9. *Gallus Gassendus est vir, qui satis laudari nequit. In tota
Kensitate nullus reperitur Philosophus, qui sex amplius volumina tam nervose
conscriptis. Et Animadv. in Philosophiam 18. Gall. Gassendus, qui censeri
tantum eorum Democriticae, Epicuriusque Philosophiae Restaurator, pauca &
proprio plene loquitur, de suo fere nihil habet praeter styli venustatem, quae
Auctoritatem ipsam ipsi facile conciliavit. Ad ipsum in ejus Physica resutan-
dum sufficiunt Aristotelis adversus Democritum, ejusque discipulorum argumenta.
Vide ejus elogia apud Mares. Menag. Merienn. Hobb. Ricciol. Magnan.
Crass. &c.*

NICOLAUS-CLAUDIUS-FABRICIUS PEIRESCIUS

Vir aeterna fama dignissimus; nunquam satis laudandus; eruditione, &
genere nobilissimus; Nobilis Galliae mortalium meritum; literarum,
dum vixit, miris instaurator, & literarum Mecenas plane incomparabilis,
quibus, & similibus, si his vultibus, gravissimi Auctores saepe vocant,
& diem non cessant laudare, *Wass. in Angl. generis castro prope Tolonem primo
die Decembris 1600. Senens. Parlamenti Provinciae, ingenti inter primos
sui saeculi, Philosophiae cultor, Mathematicus eximius, abili Aquil. Sextilis
an. 1637. In Academia Romana Junbr. Oratore, aliquot Cardinalibus praesentibus,
in literarum panem honoratus. Elogia ejus, linguis 40 ex-
pressa in uno volumine habentur, cui titulus Panglossia, sive generis Hu-
mani Letus in funere delicti. Holmannus: Viri tam Illustris de literis,
quibus promovendis totus inhiabat, & de literatis, quibus & propenso animo*

savebat, & excelsa liberalitate optulabatur, optime meriti, Vitam copiose, & integris sex libris descripsit Gassendus; cuius jam tertia editio eruditorum manibus assidue teritur. Qua de re ita Jonsius de Script. Hist. Phil. lib. 3. c. 32. de Gassendo loquens: *Iterum Vitam Petrescii descriptam dedit, dignam, quæ ab omnibus politissimis ingenitis legatur. Fuit Nic. Claud. Fabr. Petrescius. Acquisitensis Parliamenti Consiliarius, vir omnibus optimis literis, doctrinisque egregie excultus, & clarus ob instructissimam omni optimorum librorum copia Bibliothecam. Inde quia summa in Gassendum erat liberalitate, hic non solum Vitæ, sed Bibliothecæ quoque ejus historiam optime omnium describere potuit. In hanc quoque omnia concessit, quæ memoriæ digna sunt, hoc est, quæ pertinent ad rem literariam, ad antiquitates, ad Philologica, Mathematica, Physica, & Moralem scientiam, &c. Catalogum MSS. propriorum illustis, ac sapientissimi hujus viri cit. Gassendus in Auctario subnectit, quod Lector adeat.*

Petrescium In Gassendistarum numero merito locavimus: ejusdem enim in Philosophicis sententiæ eum esse decebat eum illo, cui arctissima familiaritate, & studiosiorum communicatione devinctus erat. Ejus cateroqui iustas laudes passim apud omnes recentiores auctores, præter dictum Gassendum, invenire quis poterit, præcipue apud Bouche, Pittonum, Salmasium, Morinum, Grotium, Naudzum, Bullart. &c. quos vide.

FRANCISCUS BERNIER

Medicus, ac Philosophus Agathopoleos, sive Montis Pessuli; præter editum Opus *De Itineribus*, Gall. *des Voyages*, quod omnium manibus teritur, & magni sit, celeberrimus etiam inter Gassendistas est ob *Epitomen Philosophiæ Gassendi*, à se compositam, & evulgatam; in qua magnus hic Gassendi discipulus nedum Præceptoris sui doctrinam omnium optime defendit; præcipue contra Joh. Baptistam Morinum, Medicum, & Machelcos Professore Parisiensem, duabus illis Apologiis, quarum alteri titulus est *Anatomia ridiculi muris*, alteri verò *Favilla ridiculi muris*, ann. 1651. & 1654 Parisiis impressis; verum etiam mentem, & genuinam sententiam exposuit eleganter; atque multa, quod nemo unquam discipulorum fecerat, addidit, quæ post Gassendum tum in Physica, tum in Astronomia & excogitata sunt, & inventa; sicut ipsemet Bernier in Præfatione huic Epitomæ præfixa, testatus est; ac Dubia quædam super difficilioribus Philosophiæ questionibus sibi efformata immiscuit.

THOMAS HOBBS

Hobbesius, sive Hobbius, natione Anglus, natus est Malmesburiz Nonis Aprilis 1588. In literario ludo adhuc degens cantos in Latinis, Græcisque literis progressus fecit, ut Euripidis Medeam anno ætatis 14. simili metro Latinis versibus eleganter expresserit; & inde etiam Thucydidis Opera è Græco in Anglicum verterit, & evulgaverit. 1628. ut in hac Athenienis Historia Anglis civibus suis ostenderet, quanta democraticum regimen Atheniensibus mala pepererit. Peripateticæ Philosophiæ studii annos quinque strenuam dedit operam; quam tamen, quia tunc temporis literatis omnibus contemtu erat, dereliquit, ac saniori, plausibiliorique sui ævi Philosophiæ, bonarumque artium studiis se addixit. Comitibus de Devonshire filium primogenitum erudiendum suscepit, cum quo Galliam, & Italiam lustravit; quo, & patre mortuis, alium è ma-

& magnæbus juvenem discipulum obtinuit ann. 1629. quem in Galliam etiam
 duxit; ubi Hobbesius Mathematicis studiis, licet paulo serius, animum adiecit,
 eo potissimum animo, ut methodo ipsis propria intellectus ad rerum cognitionem
 optime duceretur, atque difficilia inveniendi, vera asserendi, falsa redarguendi,
 certissima ratione imbueretur. Anno 1632. ad Comitissæ de Devonshire Viduam
 iterum accessit, ut ejus alterum filium in literis, & moribus institueret, cum
 quo Galliam iterum adiit, & Italiam; ubi Physicæ, & Mathematicæ studiis ju-
 giter intentus, brutorum operationes, & sensationes ad rigidum revocavit exa-
 men in quibus studiis P. Merseñnum familiarem, & socium habuit. Anno 1637.
 in Angliam accitus, ipsam relinquere coactus est ob bellum civile an. 1640. ibi
 excitatum, & in Galliam quartò jam venit; ibique sub Principis de Galles
 auspiciis vivens, quem Mathematicas etiam docuit disciplinas, locum philo-
 sophando aptissimum, & Philosophos præclaros amicos nactus est Merseñnum,
 Gassendum, aliosque, quibuscum familiariter vixit, & philosophatus est. Ibi
 primum tum pro suo in Regem officio, atque obsequio, tum pro decumano, quo
 semper in Democraticis odio laboravit, libellum scripsit juris Regi asserenda
 gratia, qui postea in Librum de Cive, & tandem in Leviathan excrevit; ut
 est in ejus Vita pag. 45. cujus pauca dumtaxat Exemplaria Parisiis ann. 1642.
 evulgavit. In hoc Opere omnium jura tum publica, tum privata, tum sacra,
 tum profana uni Regiæ potestati submittit; cui quantum tribuit, tantum illis
 derogat. Atque hinc factum, ut omnium ne dum Catholicorum, verum etiam
 Hæreticorum odium Hobbes in se concitaverit. Ex his fuere Renatus Descar-
 tes, Robertus Scharrorius, Richardus Cumberlandus, Franc. Jul. Chopius,
 Sethus Wardus, Sam. Strimeſius, atque alii, qui plura volumina contra ipsum
 ediderunt: Pugnarunt tamen pro Hobbesio magni nominis viri; in Gallia
 Sam. Sorberius, qui librum hunc de Cive an. 1647. Amstelodami secundo edi-
 citavit, & Gallicè etiam vertit, & evulgavit, Marinus Merseñnus, Petrus
 Gassendus, quibuscum etiam familiariter in celeberrima Parisiensis Academia
 vixerat, teste Bælio voce *Hobbes*: in Belgio porro Lambertus Velthuisius: in
 Germania Joh. Christophorus Beckmannus; quos multa quoque propter Hob-
 besium perferre oportuit. Carolus II. Angliæ Rex, Regno redditus an. 1660.
 magni Hobbesium fecit, multisque honoris signis decoravit: diu namque apud
 eum Comitem de Devonshire latens vixerat, præpotentium inimicorum odium
 timens: à quo etiam pro Regia liberalitate annuo et ingratum donatus est. Quan-
 vis Anglicanæ Ecclesiæ ritus observasse, Christianam Religionem, quatenus
 in Ecclesia Anglicana, regni legibus stabilitur, ex animo amplexum
 esse, ac semper retinuisse, & de Deo optime sentivisse, ejus Vitæ scriptores
 affirmant, ubi pag. 105. ajunt: Deum agnovit, cumque rerum omnium originem,
 inter angustos tamen humanæ rationis cancellos nullatenus circumscribendum.
 Et pag. 107. Sanctius illi, & reverentius visum, de Deo credere, quam scire.
 Sacerdotes interim culpæ solitus est, qui Christianam Religionem absolutam,
 & simplicem vel inspectionibus macularent, vel inanibus interdum profanis
 speculationibus implicarent; nihil tamen minus Atheus vulgo audit. Quam
 notam, Hobbesi famam umbræ denigrantem ita purgare cernatur ejus Auto-
 res in Vita p. 107. Quare fortiter calumniæ sunt, qui ipsum Atheismi reum
 detulerunt; quod inde forsitan profectum, quia Scholasticarum, aliorumque istò
 de grege morem rejecerat, qui ociosi in Musæis suis sedentes, juxta imbecillum
 ingentiosi sui caprum, Naturæ Divinæ incompecta assingunt attributa.

Quod vero ad ejus mores, & vitæ finem hæc notanda. Honesti hominis
 characteres habuisse dicitur, patriæ enim amorem, Regi fidem, amicis officia,
 pauperibus miserationem, cunctis sua jura, servavit; & paucis: *Quicquid ad*

pletatis exercitia, aut bonos mores conferret, plurimi fecit, ut in ejus Vita l. c. nisi quod *Etate* adhuc intra juvenutis terminos constante (licet verum fateri) nec abstemius fuit, nec *modicus*; lb. p. 104. vino namque & veneri indulgebat. Plus temporis meditationi dabat, quam lectioni: *Quin & illud sepe dicere solitus est, quod sitantum libris incubisset, quantum alii & Literatis vulgo faciunt, eadem cum illis ignorantia laborasset.* Vir. Hob. p. 112. Et quidem fuit Lectio ejus pro tanto etatis decursu non magna: Autores versabat paucos, sed tamen optimos. *Homerus, Virgilius, Thucydides, Euclides, Alii in deliciis erant. Ingentem librorum suppellectilem, qua superbiunt Bibliothecæ, non magis fecit, cum mortales plerumque pecorum ritu, &c. ibidem.* Tandem obiit 4. Decembris 1679. æt 91. in coelibatu, tanquam Philosophiæ studiis maxime commodo, semper vivens.

Opera ejus Philosophica, quæ ann. 1668. Amstelodami edita prodierunt, sunt: *Problemata Physica: Dialogi 6. de Emendatione hodiernæ Geometriæ. Libri 3. de Corpore. Liber de Homine. Libri 3. de Cive. Tract. de naturæ Artis. Tract. de Principiis, & Ratiocinationibus Geometricarum. Leviathan, sive de Materia, Forma, & Potestate Civitatis Ecclesiasticæ, & Civilis.* Anno tamen 1671. prodit ejusdem *Rosetum Geometricum.* Scriptis etiam Hobbesius Objectiones in Meditationes Cartesii, ut ipsemet Cartesius testatur in Epistolis. ubi ipsum in Morali magis, quam in Physica, vel Metaphysica valere, affirmat. Unde hic notandum, quod secta, quæ de conditoris nomine Hobbesiana dicta est, nonnisi de Morali disciplina intelligenda est; in Physiis enim, & Metaphysicis peculiare Systema condidisse, dici non potest. Cum igitur nec Aristoteli, nec Cartesio assensus fuerit, nec novum aliquod Systema confecerit; contra verò cum Gassendo familiaritatem, & communia habuerit studia; merito ipsum inter Gassendistas referre duximus. Imo & Epicureum se quam sæpiissime tum in Moralibus, tum in Physiis manifeste ostendit, ut advertit Sam. Parker. de Deo in disp. p. 86. & 87. his verbis: *Hæc probe scio, Hobbiū nihil nobis obtulisse, nisi quod apud veteres in Epicuro reprehensum invenimus. Ut enim Epicurus omnia à Democrito surripuisse dicitur, ita Hobbius omnia Epicuri flagitia ingenti fassu tanquam sua recudit; atque ut nova videantur, novis nominibus (quorum ille, ut sunt novatores omnes, egregius artifex) appellare affectavit. Exemplo sit magnum illud, & primum omnis sue Philosophiæ. Moralis, & Civilis essatum. Ut enim Epicurus Voluptatem ultimum cuiusque finem esse statuit, ita hic eadem vocabuli ambiguitate Sui Amorem, &c. Et Rapin. Animadv. in Vet. & Nov. Philosophiam sect. 18. & Animadv. in Phys. sect. 9. Gall. - - Hobbes obscurus est, gratiarumque expertus in suis idels singularit, eruditus, parum tamen solidus: in sua doctrina inconstans; modo enim Epicureum, modo Peripateticum sese exhibet. - - Thomas Hobbes magnam ingentis profunditatem ostendit, & etiam inter postremorum horum seculorum Epicureos audacissimus est, eorumque in omnibus Principia, nequaquam sibi temperans, sectatur. In omnibus, quæ mentem, ejusque principales operationes respiciunt, perperam ratiocinatus est, horum scilicet principum Phantasmatibus, & Imaginationi tribuens.*

Ut autem Hobbi in Ethicis, & Politicis Systema in Leviathane traditum paucis exhibeamus; exscribenda hic est ejus doctrinæ summa, quæ habetur in Vita p. 45. *Ejus autem summa hæc fuit: Sine Pace impossibiliter esse incoluitatem; sine Imperio Pacem; sine Armis Imperium; sine opibus in unam manum collatis nihil valere Arma, neque metu Armorum quicquam ad Pacem profici posse in illis, quos ad pugnandum concitat malum morte magis formidandum; nempe quoniam consensus non fit de iis rebus, quæ ad salutem eternam*

necessaria creduntur, Pacem inter cives non posse esse diuturnam. Quot tamen contra impium hunc Librum, & Hobbi alios, edita fuerint scripta ne dum Catholicorum, sed Heterodoxorum etiam, præcipue Anglorum, videre est in fine sæptius citatæ ejus Vitæ. Et quidem si non Atheus, saltem Irreligiøsus, ac novarum, impiarumque in religionem opinionum autor dicendus est. Omnia item corporea esse credebat. Reliqua vide apud ipsum in cit. suis Operibus.

De Hobbio ita Aurores. Jonsius de Script. Hist. Phil. lib. 3. c. 32. Antimum totum ad Philosophiam applicuit, in qua ita profecit, ut sædam condiderit. Multa inventi, nonnulla tamen etiam perverit. Hac & ratio est, cur tantum in se contraxerit odium, &c. Sam. Pasendani de Jure Nat. & Gent. in Præfat. Thomas Hobbes in Operibus suis ad Civilem Scientiam spectantibus plurima habet quantivis preit; & nemo, cui ejusmodi rerum est intellectus, negaverit, tam profunde ipsum Societatis Humanæ, & Civilis compagem rimatum fuisse, ut pauci priorum cum ipso bene comparari queant. Et qua à vero aberrat, occasione tamen ad talia meditanda suggerit, que aliàs fortasse nemini in mentem venissent. Sed quod & hic in Religione peculiaria sibi, & horrida dogmata finxerit, &c. Sam. Sorbiere Præfat. in Oper. Gasendi: Gussendo fuisse carissimus Thomas Hobbes; cujus libellum de Corpore; manibus Præfati nostri paucis ante obitum mensibus accipiens, osculatus est; subjungens: Mole quidem parvus est iste Liber, verum totus, ut opinor, medulla sciat. Unde non mirum, si à Gasendo in Epist. ad Sam. Sorberium laudatur impensius, ubi ait: Liber de Cive certe est non vulgaris, dignusque, qui omnium, qui aliora sapiunt, manibus teneatur; neque (si illa sopsuero, quæ Religionem, in qua sumus tractandæ, continent) scriptorem agnoscere, qui argumentum scrutetur, quam ille, profundius. Parker. modò cit. de Deo p. 88. Hoc unicuique in omni sua Philosophia satagisse videtur Malmesburienfis, ut omnes, quotquot videmus, effectus tum naturæ communis, tum humanæ, solis materie viribus adscribantur. Voet. lib. 2. Bibl. Theol. 22. Periculosus, & male coherentibus axiomatibus suis præstantissimam scientiam politicam non parum conturbat. Budæus Hist. Phil. succincta Delln. p. 91. Hic Machiavelli sub alio schemate Philosophiam iterum in scenam produxit, Principibus nimis favens, eorum potestatem in civium fortunam, vitam, & religionem extendens. Sedatores præter Lambertum Valtburgium nactus est nullos; hostes autem, & censors quamplurimos, Richardum Cumberlandium, Gibertum Coquium, aliosque. Conting. de Civ. Prud. c. 14. in fine: Anglus Hobbes libro Elementorum Philosophiarum de Cive edito non dubitavit huic verbis gloriari: Pbsica res novitia est, sed Philosophia Civilis multo adhuc magis, ut antiquior non sit libro, quin de Cive scripsi. Insano profectò fastu, &c. Satis autem apertum est in illis quidem de Cive Elementis nihil esse boni, quod non ab omni retro memoria fuerit notum. Ne quidem illud autem potuisset inperesse, si præjudicii defectu vidisset Hobbes, quam multum alia deduci debeant ex illo horribili principio: Naturâ inter homines non societatem, sed dissocietatem institutam esse. Et verò illo posito, omnis societas humana contra Naturæ fuerit institutum. Quo assertio nescio numquid possit excogitari absurdum magis, & improbum. Sed relinquimus hominem illum insipientem, sed dissocietatem institutam esse. A Val. Henr. Vogler. de Stud. holl. corrupt. p. 37. vocatur Novæ Sæcæ principatus affectator; Pessimus in formandis demonstrationibus artifex, magnus, ac merus plerumque paralogista, &c. Denique hoc de Hobbio judicium talit Gascentus Galeatus Kalsbergius, teste Joh. Decker. de Script. Adelpot. p. 328. & 329. an. 1686. Famam, quam numerorum, proportionumque scientiâ comparavit, prudentiæ Sudis adeo non auxit, ut quoque labefactaverit maxime. Nam justum, & in-

justum perperam æstimat; Legem male definit; Principem imple soluit lege. Civitatem cum adornat, aut deformat, aut exartat. Pastorum religione non multum tangitur. Societates Civiles non considerat, ut debet; jamque principia nova confingit; jam vetera majori, dubium, libidine, an contradicendi precacitate destruit. Absolutum Principi Imperium asserit. Civem non juri, sedmero Principis arbitrio subjicit, affirmans, faciendum, patiendum, cum facere, pati, agere, omittere, pro fructu velis, jubeat Princeps. Vereor, ne hac Cyclopica licentia Cyclopicam Remp. condant. Vivat in ea Hobbesus, si velit; nobis longe alla placet, &c. Vide tandem Dissertationem lectu dignam De Statu Naturali Hobbesii, editam à Nicolao Hieronymo Gundlingio, Academiæ Fridericianæ Socio, in qua Hobbesium explicat optime.

Atque hæc de Epicureis Emendatis, sive Gassendistis breviter adnotasse sufficiat. Non me quidem præterit, existasse; & adhuc etiam existare alios, qui inter eos recenferi possent; sed quia nihil peculiare hac in re vel excogitarunt, vel scripserunt, ut brevitati studeam, consulto prætermitto.

C A P U T XIII.

Philosophi Cartesiani.

AD eam jam devenimus novam, ac celebrem Recentiorum Philosophorum Sectam, quæ ut vix lucem adspexit, tot propugnatores, & oppugnatores habuit, quot olim Platonica, vel Aristotelica vix enumeravit. De hac paulo fusius verba facere, & per distinctam *imago ad usum* hujus Sectæ doctrinam, tradere animus est; ea enim per universum fere Orbem longe, lateque diffusa, tot varios motus in literarum animis excitavit, ut eorum multi eam & lingua, & calamo impugnaverint; plurimi verò & voce & scriptis propugnaverint. Fuit autem hujus Sectæ Caput, & Conditor

RENATUS DES CARTES, SIVE CARTESIUS

Nobilis Gallus, Philosophus hujus seculi celeberrimus. In Turonibus natus stirpe fuit in Aremorica, & Pictionibus illustri. A prima juventute studiis deditus, in Philosophia, & Mathematicis stupendos fecit progressus. Arma dein in Germania, & Hungaria feliciter circumtulit. Hinc Philosophia secessum poscente, Egmontium in Hollandiam concessit, ibi an. 25. commoratus. Edidit hic primo Meditationes Primæ Philosophiæ, quibus cum varia obijcerentur, omnibus erudit, & solide satisfecit. Interea ex omnibus Orbis partibus per epistolas laceffitus, ut velut Oraculum quoddam responsa daret. Dein Parisios veniens, à Ludovico XIII. & Card. Richelieu invitatus est, ut ibi sedem figeret. Sed Aulam Musis non convenientem ratus, excusavit se. Nihilominus Christianæ Sæcorum Regine frequentiori rogatu Holmiam venit, ut singulis diebus hora quinta matutina in Bibliotheca ejus illam instrueret. Sed paulo post obiit vir incomparabilis an. 1650. æt. 54. Ita Hofmannus Cartesii vitam paucis exhibuit. Nos vero quædam ex ejus Vita typis edita colligentes, his dictis addenda duximus.

Natus est Hagæ Turonum die 31. Martij 1596. Valetudine fuit infirma, ad an. usque 20. Octavo ætatis anno Collegium Soc. Jesu ingressus est, ubi humaniorum literarum, & linguarum studia peregit. Scholasticorum Physicam, & Metaphysicam cum haud contente degustasset; contentius Logices, atque

Ethi-

Erbices studiis se addixit. Maxime tamen omnium Mathematicis disciplinis delectabatur; quarum Analyticam summe promovit. Anno 1612. Collegio relictio, cum peracta studia ei non placuissent: anno 1614. Mathesi per biennium se totum addixit. Inde in Hollandiam secedens, militiz nomen dedit, sed tamen nobilium more semper sine mercede, & sub Principe Mauricio, qui postea fuit Auracæ Princeps, militavit. Bredæ degens, elegantissimum Musicæ Tractatum composuit. Germaniæ peragratiorem suscepit, & Pragæ bello interfuit. Post hæc militia omnino se abdica vit; ac totus in id incubuit, ut opinionibus omnibus, quibus mentem eousque imbuerat, sepositis, novæ Philosophiæ, & philosophandi Principia inveniret. Anno 1620. Geometricorum etiam Problematum solutionem, atque Mathesin omnem repudiavit, ut totus Philosophiæ studiis vacaret. In patriam rediit, atque inde Parisios; tum in Italiam venit, inde in Galliam revertitur; ubi à Card. de Berulle existimatus est, ut suam Philosophiam evulgaret. Anno 1629. in Hollandiam secedit, ac *Meditationes Metaphysicas* componit; Anatomizque, & Chymiz studiis animum intendit. A. 1633. suum de Mundo Tractatum absolvit: ejus tamen publicationem cavet, Galilæi abjuratiōe perterritus. A. 1637. suum *Methodum*, *Dioptricam*, *Meteoræ*, & *Geometriam* publici juris fecit. Graves sustulit persecutiones à G. Voëtio, Ultrajectinæ Universitatis Rectore, ac Theologiæ Professore, magnoque Calvinii propugnatore. Cum PP. etiam Soc. J. cum Gassendo, aliisque literariis habuit contentiones. A. 1642. suas edidit *Meditationes Metaphysicas* (contra quas Arnaldus, Gassendus, Hobbius, atque alii scripserunt) & *Principia Philosophiæ*, quæ Elisabeth, Federici V. Electoris Palatini filiz, suæque discipulæ dicavit. *Tractatum de Passionibus Animæ*, scripsit; atque *Dissertationem de Natura Amoris*, quæ magnam et apud Christianam, Svecorum Reginam, gloriam, & extollationem comparavit: unde ab ea per Chonut Holmiam venit, ut dictum, ubi diem obijt ejusque cadaver inde in Galliam abductum. Sed his de Cartesii Vita, & Libria, adnotatis, pauca ex multis de eo Aut. testimonia adducamus.

Isaac. Barrov. in Opus. pag. 156. *Renatus Cartesius, vir procul dubio optimus, atque ingeniosissimus, ac serid Philosophus, & qui videtur ad Philosophiæ hujus (De Materia, & Motu) contemplationem ea attulisse auxilia, qualia fortassis nemo unquam alius: intelligo eximiam in Mathematicis peritiam; animum, &c. De Cartesii Epistolis ita Dan. Georg. Morhousius in Polyhist. Cartesii Epistole pleraque Physici argumenti sunt. Post ejus mortem ejus edite sunt Epistole in 4. Lugd. Batav. quæ ad viros doctos scriptæ sunt super dubiis Philosophiæ suæ locis. Nullo itaque ex Commentario melius intelligi potest doctrina Cartesiana, quam ex isto, quem præbent Epistole. Multa illic proponuntur rariora Naturæ quædam, in quibus explicandis illic suum exercuit ingenium. Gallica etiam lingua plures scriptæ. Ex Morery Lex. Magni Histor. Cartesii acumen admirationi meriti fuit. Ex fane gentis, qui hoc postremo seculo claruerunt supra vulgus elatissimis accensendus est, ingenii secundi, reconditæque eruditionis. Ejus Systema rite dispositum: Doctrina ipsius concatenatio ad ejus scopum tendens, ejusque ordo bene excogitatus deprehenditur. De ejus Meditationibus Metaphysicis, & de Methodo, hæc habet Isaac Bullart. in Acad. Scient. Gall. Meditationes ejus Metaphysicæ ad seculi nostri gloriam arguunt, neminem ante ipsum hoc argumentum (quod scil. Deus existat, Animæ nostræ immortalitas) tam profunde, tam evidenter, tamque solide pertractavisse. Methodus ejus præclarissima Europæ ingenta stupefecit, quæ argumentationis Scholæ adjecto, ejus Axiomata prima fronte ægre quodammodo degustaverunt.*

De Tractatu de Homine sic in Ephemer. Erudit. Gall. 3 Jan. 1667. *Hunc Tractatum usque adeo confusum reliquerat D. Cartesius, ut à nemine intellectus posset, nisi D. Clercelius ejus materiam ordine disposuisset; eundemque D. de Forge, & Gufcooten figuris illustrasset.* P. Rapinus Animadvertit in Physicam. §. 10. Gall. Denique ut Genit. nostræ, & Cartesii memorie debitam laudem tribuamus, fateamur ejus Physicam, subtilissimam, & absolutissimam recentioribus adnumerandam esse. Curiosas ideas, & egregios mentis conceptus continet; cumque attentius eadem consideratur, melius ordinatum Doctrinæ Systema, quam apud Galileum, & apud Anglos, in ea reperitur imo plus novitatis, & inventionis, quam apud Gassendum in ea occurrit. Verbo ut absolvam, Opus hoc est, cujus ordo optime excogitatus est. Methodus ejus penitus est Geometrica, quæ à principiis ad principia, à propositionibus ad propositiones procedit. Vide eundem in Philosophiam §. 18. Tandem Buddeus in Hist. Philosophicæ delineat. pag. 86. — — — — — Cum nulla sibi Secta Philosophiæ arreserit, sepositis per dubitationem omnibus Philosophorum opinionibus, ac rerum omnium veritatibus, novum plane ad certissimas, & essentialissimas Mechanicæ leges, quas optime callebat, ut ex ipsis fundamentis vite posset, Philosophiæ Systema construxit.

Reliquum tamen est, ut de Cartesii Sectatoribus, & Oppugnatoribus, quorundam hic breviter subnectamus. Buddeus l. c. p. 87. *Sectatores habuit Henricum de Roy, Danielum Lipsorium, Adrianum Heersbord, Ludovicum de la Forge, Joh. Claubergium, Anton. de Grand, Tobiam Andree, &c. Oppugnatores Gisbertum Voetium, Martinum Schoockium, Jacobum Rezzium, Cyriacum Lentulum, Joh. Schulerum, P. Gassendum, P. Poiret, Danielen Buetium, qui acrem in eum strinxit censuram; cui Joh. Eberhardus Schwelternigius, & Andreas Pretermannus, & Joh. Sebastianus se opposuerunt.* De Cartesii famæ, & doctrinæ detractoribus ita in Ephemer. Erudit. Gall. 31 Jan. 1667. *Ultrajectini quidam Theologi Cartesium infamare maliti, publice scripserunt ejus Philosophiam esse vitæ favere, & ad Atheismum deducere. Nullo fundamento nitentur ejusmodi calumnia: nullus enim Philosophus tantam adhibuit operam ad Dei existentiam, & Animæ rationalis immortalitatem demonstrandam; omnesque vitæ suæ actiones tam vite composuit, ut ejus mores Doctrina suæ conformes semper fuerint. Illam tamen in publicis Theatris impietatis accusarunt. Sed criminationem prorsus diluit ampla Apologia, in qua apud Ultrajectinos Magistratus de iniquis iudiciis in se laus conquiritur, &c.*

De Cartesii methodo, ac doctrina plerique non recte senserunt. P. Rapinus in Philosophiam §. 18. *Verum quidem est illam dubitationem nimis docere, cuiusmodi exemplar imitandum ingentis naturæ suæ increpita baud apte proponitur; Alex. Mous in Præf. præf. Euseb. Chron. quoniam Isacius Cartesium commo- dius ac felicius Aristotele plerique in Physicis explicatæ, tamen confidentissimæ adjungit. Nos laudamus Cartesium, & Aristotelem admiramur. Absit invidia dicit: non dicam centum, sed compluria tamen ex summis ætatis nostræ ingentibus innum. consilii oporteres, ut Aristotelem redderent. Sam. Parker in Opere de Deo & provid. §. 16. Cartesius omnia in dubium revocari voluit, ut ex ratione summam de omnibus certitudinem investigaret: ac sensu tam infelici, ut tandem magno sudore, atque majore apparatu nihil, nisi se esse probaret.*

Denique plura qui cupit de Cartesio, adeo optum in Epistolis suis, quibus Historiam vitæ, & Philosophiæ suæ quodammodo nobis communicavit; ejusque Vitæ Scriptores, Danielen Lipsorium, qui Specimina etiam Philosophiæ Cartesianæ tradidit: Chaunutum, Galliarum Regis apud Svecos Legatum, & Car-

& Cartesii in Socia amicissimum, qui ejus Vitam exarasse dicitur à Morhofio Polyhist. lib. I. c. 25. p. 316. quæ tamen adhuc in manuscripto forte latet, nam nulli visa, ut affirmat Jonsius: Joh. Teplum, qui libellum de Vita, & Philosophia Cartesii concinnavit, in quo Cartesii Historiam, Scripta, Philosophiam, Oppugnatores, & Propugnatores, & summorum virorum super hac Secta judicia enarrat, quibus suam etiam *iniquitatem* addidit: Petrum Borellium, Galliarum Regis Archiatrum, & Philosophum, qui Compendium Vitæ Cartesianæ, ejusque Operum Catalogum edidit: atque Adrianum Bailetum, Belgam Criticum insignem, qui plenissimam Vitæ Cartesii descriptionem vasto volumine composuit; quæ deinde brevior prodit an. 1693. sub tit. Vita Cartesii in Compendium redacta. De Cartesii verò Philosophia præcipue egerunt Leibnizius; Sturmius, & d'Uries. Pro Cartesio Apologiam contexit Claubergius. Contra Cartesii Philosophiam scripsit Huetius, cui Regius, aliique se opposuerunt.

PHILOSOPHIÆ CARTESIANÆ EPITOME.

Cum recentlorem hanc Philosophiæ Sectam per Europam fere omnem lateque diffusam eruditi plurimi potissimum Mathematici amplexati sint; eaque doctorum nostri ævi ferme omnium mentes, & calamos vel oppugnata, vel propugnata defatigaverit; cumque non pauci vel aliarum scientiarum studiis, curisque variis pene confecti, in hujus Sectæ doctrinam incumbendi ocium non habeant; vel Cartesii Opera Philosophica legendi, quod à Romano Indice prohibita sint, jus amiserint; operæ pretium me facturum esse existimaui, si Philosophicæ hujus Doctrinæ Epitomen ipsis ob oculos ponerem, & quæ à Cartesio, ejusque Sæclatoribus scripta sunt, paucis enarrarem.

LOGICA, SIVE METHODUS.

Putans Cartesius, regulas omnes, quas Scholastica Logica ad mentem in veritatum inquisitione dirigendam ad stomachum usque proponit, vanas, & inutiles esse; atque nonnisi ea per hanc Logicam nos edoceri, quæ ignorari non possunt; novam recte utendi Ratione, & veritatem in scientiis investigandi Methodum excogitavit. Et quidem cum Logicæ munus sit Mentem ad veritates inquirendas per rectam ratiocinationem dirigere; omnium Philosophorum conatus is semper fuit, ut varias per Logicam regulas ad rectum rationis usum traderent. Cartesius verò earum loco, quæ multæ sunt in communi omnium Logica traditæ, ad tres Mentis operationes, simplicem scilicet Perceptionem, Judicium, & Ratiocinationem pertinentes, quatuor tantum, sed simplicissimas, & intellectu facillimas proponit in sua Dissertatione de Methodo, ubi ait: *Sic pro immensa ista multitudine præceptorum, quibus Logica referta est, sequentia quatuor mihi suffectura esse arbitratus sum, modò firmiter, & constanter statuerem, ne semel quidem ab illis toto vitæ meæ tempore deflecerem.* His tamen regulis præmittendum duxi, quid, & quodplex Methodus sit breviter explicare.

Methodus, Methodus, quæ aliàs dici posset Via compendiosa, vel Ratio discendi, & docendi, est *Ars bene disponendi seriem plurimarum cogitationum vel ad veritates ignotas inveniendas, vel notas aliis demonstrandas.* Atque hinc Methodus duplex est, altera, quæ veritates ignotas investigat, & dicitur *Ανάλυσις*, *Analysis*, sive *Methodus resolutionis*, ab *ἀνάλυσις*, resolvo: altera, quæ inventas docet, ac *Συνθεσις*, *Synthesis*, sive *Methodus Compositionis* vocatur,

Fff

catur, a *quorundam*, Compono. Analysis est Particularis applicatio mentis ad id, quod magis notum, & particulare in questione est, ipsam ad ignotum usque successive ducent. Ad rectam Analysin instituendam has tantum 4. Regulas sibi sufficisse, atque aliis etiam suffecturas ait loc.cit.

Primum erat, ut nihil unquam veluti verum admitterem, nisi quod certò, & evidenter verum esse cognoscerem; hoc est, ut omnem præcipitantiam, & anticipationem in iudicando diligentissime vitarem; nihilque amplius conclusione complecterer, quàm quod tam clare, & distincte rationi meae pateret, ut nullo modo in dubium possem revocare.

Alterum, ut difficultates, quas essem examinaturus, in tot partes dividerem, quot expediret ad illas commodius resolvendas.

Tertium, ut cogitationes omnes, quas veritati querenda impenderem, certo semper ordine promoverem: incipiendo scil. à rebus simplicissimis, & cognitu simplicissimis, ut paulatim, & quasi per gradus ad difficultiorum, & magis compositarum cognitionem ascenderem; in aliquem etiam ordinem illas mente disponendo, quæ se mutuo ex natura sua non præcedunt.

Ac postremum, ut tamen querendis mediis, tum in difficultatum partibus percurrendis, tam perfecte singula enumerarem, & ad omnia circumspicerem, ut nihil à me omitti essem certus.

Præcipitantiam appellat Cartesius illud mentis vitium, quo illa statim de rebus iudicat, priusquam scil. illas, quæ ei offeruntur, examini subjecerit. Anticipationem verò, ieu Præoccupationem, Præiudicium, & Præventionem, alterum mentis vitium, quo illa non minus opinionibus, quæ à falso principio dependent, acquiescit, quàm si ex indubitabili axioma illud deduxerit. Quod Anticipationis vitium his regulis vitandum docet; si scil. nihil certum esse credamus, vel quia id à præceptoribus didicimus: vel quia communiter id omnes credunt; vel quia ab infantia ei fidem præstitimus: vel quia ex principio supposito id verum credimus, quod nunquam examinatum est: vel denique, quia rei ob id solum, quod nova sit, fidem præstamus.

Synthesi, seu Methodo Compositionis utimur ad veritates per Analysin inventas, & jam nobis notas, aliis tradendas. Hæc verò in hoc præcipue consistit, ut ab eo, quod magis simplex, & generale in questione est, ad minus generalia, & composita, ordine progrediamur. Quæ Methodus Geometris familiarissima est in Demonstrationibus, in quibus ea, quæ maximi momenti sunt ex notis, & cognitu simplicissimis principiis per simplicium veritatum catenam deducunt. Sed his de duplici Methodo adnotatis, reliqua in Cartesii Methodo contenta summatim enarremus.

Breves Moralis Scientiæ regulas ex hac Methodo depromtas exponit. Argumenta item, quibus Dei, & Animæ nostræ existentia demonstrari possint. Sed quia hæc primæ sunt Metaphysicæ Veritates, de his mox in Metaphysica.

Quæstiones quasdam Physicas à se investigatas ordine enunciat; ubi de motu cordis, atque aliis ad medicinam spectantibus, & de differentia inter animam nostram, & brutorum. Ubi variis argumentis probat, bruta animantia nullam prorsus animam rationis alicujus capacem habere, sed esse mera automata, machinas scil. perfectissimas à Deo fabricatas, in quibus ex varia suorum organorum dispositione ad hanc, vel illam occasionem varios & mirabiles edit natura motus. Tandem proponit quid requiratur ad ulterius philosophandum; & rationes, quæ ipsum ad scribendum impulerint.

Notandum primò, Veritatis *Κριτήριον*, *Criterion*, quod Cicero latine vertit iudicium, non ad solum sensum cum Epicureis, nec ad solam rationem cum Platonis, sed ad utrumque cum Potamo spectare; de quo sic bene Suidas: *Duo ait Potamus esse instrumenta cognoscendi verum; unum quidem est illud, à quo fit iudicium, hoc est, Mens ipsa, quæ primum in animo tenet; alterum est, per quod fit iudicium, ut certissimum visum.* Imò potius sensus non ut rerum iudices nobis dati sunt, sed ut ministri, per quos res, non quales in se sint, sed prout nostræ conservationi vel conferant, vel noceant, dignoscimus. Sensuum igitur est non de rebus iudicare an sint, ut videntur, nec ne, sed menti re-præsentare, adesse objecta, quæ talem efficiunt ideam.

Notandum secundò, Veritatis *Χαρακτήρ*, *Characterem*, seu signum veritatis certum, & indubitatum, esse *Evidentiam*; omne enim, quod clare & distinctè percipitur, seu de quo dubitari nequit, verum est. Quod confirmare etiam videtur sententiæ Theophrasti, qui ad ferendum iudicium in omni perceptione *Evidentiam* supponit. Verum ad vitandos errores in veritatis inquisitione, hoc cavendum monet Cartesius, ne Voluntatem, quæ nullis terminis circum-scribitur, intellectus limites, qui certi, & determinati sunt, exsilire patiamur; atque ita ab omni iudicio ferendo, quod voluntatis est, abstinendum, donec res ab intellectu clare, & distinctè concipiatur.

Notandum tertio, veritatem inquirenti semel in vita, quantum fieri potest, de omnibus esse dubitandum. Quod Cartesius hausisse videtur ex doctrina Aristotelis, qui 3. Metaphys. titulum inscripsit: *De Utilitate dubitandi*, & de quibus *primum dubitare oportet*; & Divi Augustini, qui lib. de Spir. & Anim. ait: *Removet ergo à consideratione sua omnes notitias, quæ per corporis sensus extrinsecus accipiuntur. Quæ namque corporalia sunt, eorumque similitudines sensus; & imaginationes in memoria infixæ, cum recordando reminiscuntur, ad exteriorum hominem pertinent. Mens ergo, &c.* Hanc tamen Dubitationem non esse referendam ad usum vitæ, sed solam veritatis contemplationem, ne antequam dubiis exuamur, agendi occasio præteriret, existimat.

Ex hac, quam sibi finxit, de rebus omnibus dubitatione Cartesius primam hanc veritatem omnium Metaphysicarum educit: *Cogito, ergo sum*. Repugnat enim, id, quod cogitat, & ipso tempore, quo cogitat, non existere. Ac proinde hæc cognitio *Ego cogito, ergo sum*, est omnium prima, & certissima, quæ eulibet ordine philosophanti occurrat. Quod ex Divo August. ad Evodium desumptum videtur, ubi ait: *Cum utique non esses, omnino falsi non posses*. Si igitur, pergit Cartesius, sum, quia cogito, Mentis humanæ essentia in Cogitatione consistit, & à Cogitatione eius pendet existentia; tandiu enim, est, quandiu cogitat. Quare Mens est *Res Cogitans, sive Cogitatio in se ipsa existens*. Quod apte nimis expressit Divus August. lib. 2. ad Evodium, ubi ait: *Cum se nosse Mens querit, Mentem se esse jam novit*. Et lib. 4. de Orig. Anim. *Nihil mihi legi offer, ut vivere me sciam; habet enim mea natura, ut hoc nosse non possim*. Cogitationis autem homine intelligit ea omnia, quæ nobis consens in nobis sunt, quatenus eorum conscientia in nobis est: sicque non, modò intelligere, velle, imaginari, sed etiam sentire, hoc sensu acceptum, cogitare est.

Quamvis autem Mens humana etiam *Spiritus*, & *Anima* vocari soleat; si tamen hæ voces rigorose sumantur, variam habent significationem. Et quidem *Mentem* dicimus, cum ejus essentiam denotamus, prout scilicet est *Cogitans*; *Spiritum* verò, cum ejusdem essentiam, & existentiam significamus,

rem scil. Cogitantem in se ipsa existentem : *Animam* denique , cū ejus relationem ad corpus humanum , cui juncta est , exprimimus . Quod etiam Divus August. (cujus Philosophiæ Cartesianam consonare in omnibus Cartesiani putant) advertit lib. de Spir. & Anim. c. 24. ajens : *Non aliud significo , quam Animam , cum Mentem dico ; sed propter aliud Animam , & propter aliud Mentem ; nam totum , quod homo videt , hominis Anima est ; cū verò Animam in se agit se , & ex se , & per se , sola Mens dici solet .*

Mentis Existentiæ , & Naturæ sic probatis , ad alias Metaphysicas veritates investigandas ita Geometrico quodam ordine procedit . *Extra mentem res alias existere* , quæ illi per varios cogitandi modos , quos Ideas appellat , repræsentantur , ut probet , hoc utitur ratiocinio . Si ideæ (Adventitiæ intellige ; nam Fictæ tales sunt in se , quales à nobis finguntur , ut idea Sirenis ; & Innatæ semper veræ sunt , etiam relatæ ad objecta , nam naturali lumine cognoscuntur , ut idea cogitationis , veritatis , &c.) quæ mihi res extra me positas repræsentant , considerantur in seipsis , prout scil. modi nostræ cogitationis sunt , & tunc omnes veræ sunt : æque enim verum est , me has , quam illas ideas habere . Vel considerantur relatæ ad objecta , quæ repræsentant , & tunc in ipsis error esse potest . Quod idem est , addicere , ideas omnes duo in se includere , Formale , seu Proprium (liceat hic , & alibi sæpe Philosophicis uti communibus verbis , etsi non Latinis) quatenus sunt mentis operationes ; alterum Objectivum , seu Vicarium , quatenus sunt rei cogitatæ imagines , sive quatenus sunt vice illius : atque hoc sensu idea nihil aliud est , quam res ipsa percepta , sive cogitata , prout est objective in intellectu . Hæc autem ideæ Adventitiæ vel ex seipsis sunt , nullamque sui causam agnoscunt , vel ab alia causa procedunt . Non à seipsis ; nam si considerantur prout sunt modi cogitationis , à mente , producuntur ; si verò relatæ ad objecta , quæ repræsentant , tunc ut effectus necessario aliquam causam supponunt . Hæc causa vel ipsa mea mens est , sive aliqua facultas producendi in me has ideas , vel causam extra me positam dicendum est . Non ipsa mens mea est , nam etiam invicis ideam frigoris , caloris , &c. habeo , ergo à causa extra me dependet . Firmiori etiam hoc argumento rerum externarum existentiam probat . Hæc ideæ adventitiæ relatæ ad objecta , quæ repræsentant , variz , & ab invicem diversæ sunt . Quæ enim substantias mihi exhibent , majus quid esse , & plus realitatis , sive perfectionis objectivæ repræsentant , quàm illæ , quæ modos exhibent : sicque majorem realitatem objectivam habebit , quæ Deum infinitum , quàm quæ substantiam finitam repræsentat . Per realitatem verò objectivam ideæ intelligitur entitas rei repræsentatæ per ideam , quatenus est in idea ; eodemque modo dici posset perfectio objectiva , & artificium objectivum . Notum etiam cuique est Philosophicum illud Axioma : Nihil est in effectu , quod non contineatur in causa , formaliter , vel eminenter . Quibus positis , sic suum prosequitur argumentum Cartesius . Hæc ideæ non sunt nihil , nam nihil nullam habemus ideam ; non ex nihilo , nam nihil nullæ sunt proprietates ; ergo sunt ex aliqua causa extra me posita . Necesse tamen est , ut saltem tantumdem realitatis formalis contineatur in causa idearum , quantum realitatis , sive perfectionis objectivæ continetur in ideis : si enim aliquid in ideis ponatur , quod in earum causis non fuerit , id esset ex nihilo . Naturali igitur lumine evidenter perspicuum est , me non esse causam idearum , sed aliam extra me sitam , quæ formaliter , vel eminenter , vel saltem objective , omnes idearum perfectiones valeat continere .

Dei Existentiæ , & Naturæ , quam tertiam Metaphysicam veritatem , ex sicta dubitatione ordine deducit , his probat argumentis . Ex ideis rerum ex-

stent-

sentium illa una innata mihi est, quæ Ens summe perfectum, Deum scilicet repræsentat. Unde eleganter Plato de Rep. ait: *Idea summi Boni est perfectissimum cognoscibilem, causa omnis veritatis, sine cujus cognitione nulla est bona operatio*. Sed cum hæc idea neque ex nihilo, neque à me ipso possit produci; necessariò sequitur, Ens ipsum summe perfectum existere, à quo hæc idea, tanquam à causa efficiente, producat. Cum autem necesse sit, ut quantum realitatis objectivæ est in ideis, tanquam in effectu, saltem tantundem sit realitatis formalis in causa idearum, clarissime naturali lumine educitur, hoc Ens summe perfectum existere, cujus summarum perfectionum ideam habeo. II. Ex idea imperfectionis ideam perfectionis, ac proinde Entis summe perfecti sic educit. Idea imperfectionis ab idea perfectionis dependet; omnis namque idea privationis dependet ab idea positivi: ergo si substantias omnes, sive corporeas, sive incorporeas imperfectas agnosco, aliud Ens dari debet, quod his omnibus careat imperfectionibus, & contra contineat omnes in se perfectiones, quarum prima, & maxima, existentia est. Imò videtur prior quodammodo Idea Entis summe perfecti, quam cujusque Entis imperfecti, cum prior sit idea positivi, quam privati. III. Probatur Deum existere ex eo, quod ego jam existo: meam autem existentiam satis supra probavi. Si ego à me existerem, dedissem mihi omnes perfectiones, quarum prima, & maxima est existentia, ac proinde non dubitarem, non optarem, non errarem, omnia scirem, &c. ergo sum ab alio. Si ab alio, vel hic ab alio non dependet, & Deus est; nam si habet potestatem à se existendi, quod majus est, habet etiam potestatem dandi sibi omnes perfectiones, quod minus est. Vel ab alio dependet, & de hoc rursus quero, an à se existat, vel non: & ne ad infinitum procedatur, veniendum ad Ens summe perfectum, quod à se sit. Atque hæc sunt tria illa argumenta, quibus Cartesius Dei existentiam probavit.

Si quis tamen objiciat, nos ad cognitionem Entis infiniti non posse pervenire, nisi per ideam infinitam, quod est impossibile, cum mens nostra finita sit; Respondendum ait, mentem nostram non per ideam infinitam absolutam Deum cognoscere, quam Deus solus, qui infinitus est, habet, per quam scilicet omnes infinitæ Dei perfectiones, ut in se sunt, comprehenduntur; sed per ideam infinitam respectivam, quæ scilicet repræsentet nobis omnes perfectiones Substantiæ infinitæ, sed eas omnes, quas mens in Ente infinito concipere potest. Nunc enim videmus, & cognoscimus Deum tanquam *per speculum in ænigmate, illic autem videbimus eum, sicuti est*; quæ Pauli Apostoli verba sunt. Atque hinc etiam fit, ut Deus per suas perfectiones describi quidem quodammodo possit, definiri non possit, cum incomprehensibilis sit, ac genus, & differentia in eo dari nequeant.

Quod attinet ad hæc, P. Malebranche de Inquirenda Veritate lib. 3. c. 7. quamvis Cartesii ceteroqui sectator, negans, posse Ens infinitum, immensum, & universale, percipi per ideam, hoc est, per ens speciale, per ens differens ab Ente universal, & infinito, asserit, Deum videri per seipsum; imò & ipsum solum sic videri posse, quia solus mentem penetrare, & ipsi se prodere potest. Solum igitur Deum, qui per propriam suam substantiam mentem illuminat, mentem videre, ait, visu immediato, & directo; reliqua verò omnia in ipso videre per unionem, quam cum ipso habet: ut solius apud cit. Malebranche.

Corporis Existentiam, Naturam, & realem à Mente Distinctionem sic probare conatur Cartesius. Dixi, probare conatur, nam Metaphysica hæc veritas probatu perquam difficilis putatur, ut advertit cit. P. Malebranche l. 1. c. 10. & alibi, licet hæc veritatum omnium certissima sit, quia quidquid cor-
pus

pus est, per sensus clarissime cognoscitur; verum non clarissime probatur; sensus enim, ut supra notavimus; veritatis iudices non admittuntur. Sed ad probationes. Mens non solum per Puram Intellectionem ideas habet, de quarum objectis, quod vere existant, jam amplius dubitare non licet; verum etiam per Imaginationem, & Sensationem idearum in ipsa excitantur. Harum idearum prima, & notior ea est, quæ Extensionem in longum, latum, & profundum mihi repræsentat. Sed non ex hoc solum, quod sit in me talis idea, concludere possum, hanc Extensionem extra me vere existere. Pro cuius veritatis inquisitione hac utendum Analysisi. Præter ea, quæ ad probandam existentiam rerum extra mentem supra sunt dicta, & quæ ad hanc veritatem probandam plurimum faciunt, quæri posset hic, cur hæc idea Extensionem potius, quam aliud quid mihi repræsentat? nempe quia sic à sua causa, à qua determinatur, procedit; omnis enim effectus suam causam supponit. Hæc causa vel ego sum, vel Deus, vel ipsa Extensio. Non ego, quia hæc Extensionis idea nullam plane Intellectionem præsupponit, in qua mea natura posita est. Insuper cum in me sint quoque ideæ repræsentantes quasdam alias Extensionis facultates, ut locum mutandi, varias figuras induendi &c. si hæc ideæ substantiæ modi sunt, manifestum est, nonnisi in substantia corporea, siue extensa, inesse debere, non autem in substantia intelligente, cum nulla intellectio, sed aliqua potius extensio in ipsarum claro conceptu contineatur. Est igitur in me passiva quædam facultas sentiendi, siue ideas rerum sensibilibus percipiendi; ergo necessariò dari debet facultas activa, quæ earum causa sit. Hæc activa facultas vel in me est, vel in Deo, vel in Extensione. Non in me, tum quia mens mea continere nequit omnes illas proprietates, quas Extensionis ideæ formaliter continere debet; omnis enim causa formaliter continere debet omnes effectus proprietates: tum etiam quia sæpe me non cooperante, imò etiam invito, hæc ideæ in me repræsentantur. Quomodo insuper mens unquam poterit ex se earum rerum ideam producere, quarum cognitio, cum in cognitione, & potestate suæ naturæ non sit, nullimode ab ipsa dependet? Non Deus, vel aliqua creatura corpore perfectior Extensionis ideam in me producere poterit, corpore, siue Extensione actu non existente: nam si Deus, vel alia quævis creatura hanc ideam mihi immediate inmitteret, fallax esset, quod de Deo ipsum, & *αληθες* est cogitare; hæc namque idea non corpus, sed nihil repræsentaret.

Contra tamen hypermetaphysicus P. Malebranche de Inquir. Verit. lib. 3, c. 1. art. 2. has rationes nihil certi demonstrare dicens, asserit, eos omnia in Deo videre per unionem, quam habemus cum hoc Ente perfectissimo, quod rerum omnium creaturarum perfectiones, continet; hoc est, nos in una Dei idea videre quæ in ipso sunt, quæ tamen ipse vult nos videre. Atque hoc sensu Deos non solum prima, sed etiam immediata causa idearum esset.

Superest igitur, ut res corporeæ omnino existant, quæ per sensum organa nonnisi mediis ideis à mente percipiuntur. Quæ veritas in hoc potissimum sita est, quod proprietas idearum repræsentandi potius hanc rem, quam illam, necessariò supponit objectum actu existens, quod omnes proprietates, quas ideæ repræsentant, formaliter debet continere. Neque dicas exinde deduci, etiam ideam Chimæræ habere pro objecto Chimæram actu existentem. Nam idea Extensionis naturalis est, clara, & à mea mente independentis, ut omni mentis conatu illam deponere non possim; contra verò idea Chimæræ artificialis est: omnes autem ideæ artificiales à naturalibus formantur per additionem, deductionem, &c.

Atque hinc colligit Cartesius, *Corporis Naturam in Extensione in longum,*

gum, latum, & profundum consistere : hæc enim est, quæ primo adpectu in corporis idea repræsentatur, hæc omnium primò menti occurrit; imò hæc vere est, quæ ejus essentiam constituit : possumus namque corpus sine motu, quiete, figura, colore, &c. concipere; non possumus verò nec etiam mente à corporis conceptu conceptum Extensionis separare.

Ad hæc verò P. Malebranche de Inquir. Verit. lib. 3. c. 7. art. 4. ait, Corporis Naturam perfectius cognosci, quàm Mentis, quamvis distinctius cognoscamus existentiam Mentis nostræ, quàm corporis nostri, ac reliquorum. Idque ex hoc, quia Corpora videmus per proprias ideas, quæ omnes proprietates rerum, quas repræsentant, includunt; secus verò nostram Mentem, quam nec per propriam ideam, nec in Deo videmus, sed per propriam conscientiam cognoscimus; atque hinc cognitio, quàm de illa habemus, est imperfecta, quia id tantum de Mente nostra scimus, quod sentimus agi in nobis. Contra hæc Malebranche de Ideis vide Arnald. De ver. & fals. Id.

Denique *Mentem, & Corpus realiter distingui* sic probat : Illa realiter distinguuntur, quorum unum sine alio clare & distincte concipi potest, sive, quorum non una, sed diversa est natura : sed Mentem sine Corpore clare & distincte concipio, quia Mentis natura in Cogitatione, Corporis in Extensione reponitur : Ergo Mens, & Corpus duo sunt realiter distincta.

Unito Mentis cum Corpore, & cum Deo, in quo consistat, res quidem ut Cognitionum omnium pulcherrima, jucundissima, & maxime necessaria, ita omnium minus explicari, imò & percipi potest. Hinc Divus Augustinus eam vocat mirabilem, ineffabilem, incomprehensibilem in pluribus Operum suorum locis, præcipue de Civ. Dei lib. 21. c. 10. ubi : *Modus, quo corporibus adheret Spiritus, & animalia sunt, omnino mirus est, nec comprehendì ab homine potest, & hoc ipse homo est.* Ut autem arctissima hæc Mentis cum Corpore Unio, per quam unum id efficitur, quod homo appellatur, à Cartesianis explicetur, notandum inuenit 1. veram unionem non esse, nisi inter res realiter distinctas, hoc est inter duas substantias : unde sequitur, omnem veram unionem esse vel inter Corpus, & Corpus, vel inter Mentem, & Mentem, vel inter Mentem, & Corpus. Notandum 2. omnem veram unionem consistere in mutua dependentia rerum unitarum inter se; quæ dependentia in attributis relativis reponitur. Sic Corpus Corpori unitur per mutuum superficiæ contactum : duæ Mentes unitæ tandiu sunt, quandiu cogitationes unius à cogitationibus alterius dependent : Corpus denique, & Mens unita dicuntur, cum Motus illius ab hujus cogitationibus, & hujus cogitationes à mentibus illius dependent.

Quibus notatis, è Cartesianis Sylvanus Regis in sua Metaphysica ait, hanc mutuam, arctissimamque Spiritus cum Corpore Unionem consistere in mutua, & actuali dependentia omnium cogitationum Mentis ab aliquibus Corporis motibus, & motuum Corporis quorundam ab aliquibus cogitationibus Mentis. Cujus etiam sententiæ fuisse videtur Clauberghius, qui hujus Unionis essentiam ponit in actuali concursu, & commercio suarum operationum. A quibus hoc tantum differt Ludovicus de la Forge in suo eruditissimo Tractatu de Mente Humana c. 13. quod hanc Unionem ipse ponat non in actuali, sed tantum mutua, ac reciproca dependentia cogitationum unius à motibus alterius; & vice versa : & in mutuo commercio actionum, passionumque suarum, sive ipsa Voluntas Mentis, quæ unita est, sit causa hujus dependentiæ, sive alia Voluntas, ipsa superior. Idem de la Forge postquam rerum omnium unionem quæsit in attributis relativis, aut respectivis; omniaque nonnisi per actionem, & passionem uniri dixit, subdit, hujus Unionis vinculum Voluntatem esse; sic enim loc.

loc. cit. *Præterea inventio conjunctionem localem pro vinculo, quod inter corpora locum habet; quæ ex redditu capacia agendi, & patiendi dependenter à se mutuo; amorem pro vinculo duarum mentium; & postremo Voluntatem pro unione Mentis, & Corporis, quatenus hæc Voluntas extra suum subiectum procedit per suas operationes.* Unde dici posset Anima esse in Corpore, ut Deus est in Universo; utenim hic per suam Voluntatem omnia movet, & agit, ita Anima per suam Voluntatem movet Corpus, cui unitur. Doctissimus P. Malebranche de Inquir. Verit. lib. 2. part. 2. c. 3. hæc habet: *Unio Mentis cum Corpore, quantum quidem illam cognoscere possumus, consistit in mutua, & naturali analogia, & ut ita dicam, correspondentia cogitationum Mentis cum vestigiis cerebri, & affectuum Mentis cum motibus spirituum.* Sunt & alii inter Cartesianos, qui ajunt, scædus illud Mentis, & Corporis fieri ope alicujus modi, quem appellant Unionem, qui glutinis instar has duas substantias connectat. Sed quid nomine hujus modi, quem Unionem vocant, intelligant, jam satis non explicant.

Causa verò hujus Unionis vel Corpus, vel Anima, vel utraque simul, vel Ens ipsis superius, hoc est, Deus esse debet. Non in Anima, nec in Corpore solum, nam etsi utraque satagant ipsam conservare, tamen dissolvitur. Non in utriusque simul, nam cum hæc Unio ipsis accidentaliter sit, necessariò à causa exteriori procedere debet, quæ non nisi Deus esse potest, qui per suam voluntatem id fecerit. Neque objicias, quod inde sequeretur, hanc Unionem fore indissolubilem, cum Dei voluntas immutabilis sit; Deus enim non nisi prima, & mediata causa hujus Unionis est; immediata verò, & secundà ejus causa sunt corporis organa; quæ quia essentialiter obnoxia sunt mutationibus, ideo hæc Unio dissolvi potest. Deus igitur Mentem creavit, & per ejusdem Mentis voluntatis vinculum hac lege Corpori junxit, ut ex quibusdam corporis motibus quædam excitarentur in Mente passionēs, sive cogitationes, & contra talibus Mentis cogitationibus tales Corporis motus responderent.

Unio Mentis cum Deo modo longe strictiori, & magis essentiali; quàm cum Corpore est, nam *In ipso vivimus, movemur, & sumus*, ut est his verbis optime expressum in Act. Apost. 17. 28. quæ veritas claro etiam mentis visu percipitur. Hæc tamen Mentis unio cum Deo non ejusmodi est, ac duarum mentium; non enim illa, sicut & illa, necessariam, ac mutuam rerum unitarum dependentiam importat: Mens namque Corpori quidem per unionem Physicam, quæ in mutua dependentia agendi, & patiendi invicem consistit, Deo verò per unionem Moralem conjungitur, in qua mutua illa dependentia non est. Homo itaque etsi Deo unitus, libere tamen agit; Deus autem libere magis, & ab homine prius independenter. Est igitur hæc Unio in eo reposita, quod nos arctissime Deo, ut effectus suæ causæ, uniamur, quatenus in ipso sumus, & existamus dependenter ab ipso; non verò contrà.

Ex ipsa Animæ natura jam supra considerata, quod Substantia Spiritualis sit, sive res cogitans, in se ipsa existens, clarissime etiam ejus *Immortalitas*, educitur. Quod vel hoc argumento aperte demonstratur. Si destrui posset, vel à se ipsa, vel ab alia substantia creata destrui deberet. Non à seipsa, nam, ut apud Philosophos axioma est, omne tendit semper ad sui conservationem, nunquam verò ad sui destructionem. Non ab alia substantia creata, anima enim, considerata secundum suum esse absolutum substantia est: sed de substantia essentiali id est, ut existat independenter ab aliis; ergo ab aliis substantiis creatis, à quibus independenter existit, destrui nequit. Si igitur neque à se, neque ab aliis substantiis creatis destrui potest, est Immortalis. Neque à Substantia Increata, hoc est, à Deo destrui potest, modo de ordinaria, non de extraordi-

naria

maria Dei potestate id intelligatur. Vide etiam D. August. de Immort. Animæ, & Epist. 9. ad Volusianum.

Tres vulgo Facultates Animæ tribuunt, *Intellectum, Memoriam, & Voluntatem*; duas tantum Cartesius, *Intellectum, & Voluntatem*: Memoriam enim ad Intellectum reducit: nam sive præterita, sive præsentia, sive futura Anima cogitet, semper æque cogitare, & percipere est; nec reminisci aliud est, quam cogitare, vel imaginari præterita. Cujus sententiæ fuisse etiam dicitur Divus August. lib. de Spir. & Anim. c. 7. ubi ait: *Sunt enim duo in Anima, & sunt id, quod Anima, Naturalis sensus cognoscens omnia (sive Intellectus) & dijudicans inter omnia (hoc est Voluntas) naturalis effectus, &c.* Ex de Metaphysica satis.

P H Y S I C A.

Cartesius Princip. Philosophiæ parte 2. art. 64. Physicæ Principia non alia admittenda, vel optanda esse docuit, quam quantitatem. Ibi enim ipse postquam in discipulis suis Geometriæ aliquam notitiam, vel saltem ingeni aptitudinem ad Mathematicas demonstrationes intelligendas supposuit, hæc subdit: *Nam plane profiteor, me nullam aliam rerum corporearum materiam agnoscere, quam illam omnimode divisibilem, figurabilem, & mobilem, quam Geometra Quantitatem vocant, & pro objecto suarum demonstrationum assumunt; ac nihil plane in ipsa considerare præter istas divisiones, figuras, & motus: nihilque de ipsis verum admittere, quod non ex communibus illis notionibus, de quarum veritate non possumus dubitare, tam evidenter deducatur, ut pro Mathematica demonstratione sit habendum.*

Sua in philosophando Methodus talis est. Quam corporis alicujus particularis naturam demonstrare vult, primò omnes illius effectus considerat, ut ex ipsorum consideratione ad eorum causas cognoscendas facilius possit pervenire. Sed quia ad causarum notitiam difficile pervenimus, nisi quasdam Hypotheses efformemus; In corpore, cujus jam effectus examinavit, talem figuram, talem magnitudinem, talemque partium dispositionem supponit, quæ clarissime videat relationem quandam necessariam habere cum effectibus, à quibus dependent, ut possit inde concludere, corporis illius naturam in tali magnitudine, tali figura, ac tali partium dispositione consistere. Debent autem omnes, quæ in Physica efformantur, Hypotheses ita à se invicem, & omnes à primis veritatibus pendere, ut unum inde Systema efficere videantur.

Prime in Physica Veritates, à quibus, juxta Cartesium, reliquæ omnes pendunt Physicæ Veritates, sunt: Est quædam natura Corporea, quæ in seipsa existit: Hæc, considerata secundum Magnitudinem, idem est, ac Quantitas: Hæc Quantitas existit natura divisibilis est, & actu divisa per motum localem: Motus localis non nisi certis quibusdam legibus perscitur: Secundum hæc leges portiones Quantitatis varias figuras receperunt: Denum secundum varias hæc figuras corpora physica, ex his composita, capacia sunt producendi varios effectus.

Corporis, seu Quantitatis Essentia, sive Natura in Extensione in longum, latum, & profundum consistit. Si enim rei cujusque natura per illud ejus essentialia attributa constituitur, quod illi omni, soli, & semper competit; & quod omnium primo in ipsius conceptu veniat, ac quod ab alio non dependeat, sed ab ipso dependeat omnia; ex omnibus Quantitatis attributis essentialibus Extensio sola est, quæ ejusmodi sit: nam licet Impenetrabilitas, Divisibilitas, & Figura etiam Quantitatis Attributa Essentialia sint,

eique omni, soli, & semper competant; non tamen primo adspectu in Quantitate veniunt consideranda; Extensionis enim idea nec mente quidem ab idea Quantitatis separare possumus, contra verò reliquorum ideam ab idea Quantitatis possumus separare.

Quantitas, Corpus, Materia, re quidem idem sunt. Hæc est omnis Physices illius Principium. Hæc etiam à quibusdam *Materia Prima* dicitur, quatenus consideratur ut subiectum omnium formarum, & modorum. Omnes autem formæ respectu *Materiæ* per eum sunt accidentales, & nullæ dari possunt formæ substantiales, licet ratione compositi essentielles vocari possunt. Hinc omnes formæ sunt materiales, & invicem transmutari possunt. *Materia* omnis considerata secundum suas partes, per quas metiri eam possumus, dicitur *Totum*. Totius partes vel sunt *Aliquotæ*, quæ scil. Totum exacte metiuntur: Vel sunt *Aliquantæ*, quæ Totum exacte metiri non possunt; vel *Proportionales*, cum Totum proportionaliter dividitur in duas partes æquales, & hæc rursus in alias æquales, &c.

Omnis *Quantitas* Impenetrabilis est, Figurabilis, & Divisibilis in indefinitum. Infinitum inter, & Indefinitum, ex Cartesio, hoc distat, quod Infinitum sit, cuius nulli prorsus sunt limites; Indefinitum verò, cuius limites mente invenire non possumus. Quum Cartesius ait, omnem *Materiam* dividi posse in partes indefinitas, Proportionales intelligit; corpus enim omne dividi potest in duas medietates, & harum una rursus in duas medietates, & sic in indefinitum. Partes tamen sive Aliquotæ, sive Aliquantæ semper finitæ sunt.

Ex hac doctrina Divisibilitatis *Materiæ* in Indefinitum per suas partes Proportionales clarissime educi asserit, nullas dari posse *Atvatus*, sive particulas minimas indivisibiles: cum enim extensas has *Atomos* esse necesse sit, nam sunt corpora, ac proinde habere partes extra partes, quæ variis loci punctis respondeant; harum unam ab alia distinctam, & independentem concipere possumus, ac si non instrumento ob eius exilitatem, mente saltem possumus per medietatem in indefinitum dividere; quod sufficit, ut sit divisibilis.

Corporis *Raresfactio* fit, cum corpus aliquod extraneum corporis alienius poros intrans, ipsius partes invicem quodammodo separat, ac majus spatium occupare cogit: major autem illa Quantitatis Extensio ab Extensione novi extranei corporis, priori superaddita, procedit. Contra vero *Condensatio* fit, cum corpore illo extraneo à prioris corporis poris emuncto, partes invicem accedunt, & sic minor Corporis Extensio videtur, extranei corporis extensione sublata.

Locus, & *Spatium* non differunt à corpore, quod dicitur esse in loco, nisi ex parte nostri conceptus, re tamen idem sunt. *Locus* autem duplex est, *Internus* unus, qui idem est, ac *Spatium*; *Externus* alter. *Locus Internus*, seu *Spatium* à corpore in eo contento in re non differt; *Spatii* etiam natura, sive *Essentia*, non secus ac corporis, per Extensionem in longum, latum, & profundum constituitur. *Spatium* itaque non est nisi corporis Extensio, prout est talis magnitudinis, & figuræ, ac talem situm inter corpora externa, quæ illud immediate circumstant, & tanquam quiescentia spectantur, occupat. *Locus Externus* vel sumitur pro superficie corporum, quæ proxime locatam ambiat, vel sumitur pro relatione ad corpora immobilia, quæ locatum circumstant; & tunc dicitur etiam *Situs*. Nomina autem *Superficies*, quæ pro Loco Externo sumitur, non venit pars ulla corporis ambientis, sed porus modus, sive terminus inter corpus ambiens, & ambitum, qui non sit pars unius corporis magis, quam alterius. *Situs* igitur proprie est respectus, sive relatio corporis locati ad corpora, quæ illud circumstant, & tanquam quiescentia spectantur.

Potest

Potest igitur corpus situm non mutare, etsi corpus illud ambientis superficies mutetur.

Vacuum neque *Separatum*, neque *Disseminatum*, neque *Coactum* dari posse ex modò dicta Loci, seu Spatii natura, quæ in Extensione in longum, latum, & profundum consistit, educit Cartesius. Unde cum Corporis, & Spatii natura in Extensione consistat, & in re idem sint; idem erit dicere dari Spacium sine Corpore, hoc est, Vacuum, ac dari Corpus absque Corpore, quod manifestam implicat contradictionem. Quod hoc etiam argumento probat Cartesius: Vacuum vel est nihil, vel aliquid. Non est nihil, ergo est aliquid. Si aliquid, vel modus est, vel substantia. Non modus, nam modus concipi nequit sine substantia, cujus est modus: contra verò Vacuum per se concipitur. Si substantia, vel spiritus est, vel corpus. Non spiritus, quia spiritus nullam habet extensionem. Ergo erit corpus. Si dari, imò & concipi nequit Vacuum, nullus quoque erit *Naturæ Horror*, *Metus*, & *Fuga à Vacuo*; metus enim in impossibilia non cadit. Omnes autem mirabiles effectus, & experimenta, quæ Naturæ metui à Vacuo vulgò tribuuntur, per aëris pressionem, & pondus, & per circularem illum motum, sive Circumpulsionem in omni motu necessariam, debent explicari.

Motus (quod alterum ab eo ponitur rerum naturalium *Principium*, & quidem *Adivum*, sicut *Materies Principium Passivum*; à Motu enim Materie divisio, figura, formæ, omnesque, ac varix ejus proprietates ortum habent) definitur à Cartesio Princip. Philos. part. 2. art. 25. *Translatio unius partis materie, sive unius corporis, ex vicinia eorum corporum, quæ illud immediate circumdant, & tanquam quiescentia spectantur, in viciniam aliorum*. Sylvanus Regis Phil. lib. 1. part. 2. cap. 1. Motum sic definit: *Est applicatio successiva activæ corporis secundum totum id, quod habet exterioris diversis partibus corporum illud immediate contingentium*. Contra verò *Quies* definitur: *Applicatio constans eisdem partibus, seu applicatio successiva, sed Passiva corporis secundum totum id, quod habet exterioris, diversis partibus corporum, quæ ipsum immediate contingunt*. Magnum quorundam etiam Philosophorum præjudicium est, quòd *Quies* non sit, nisi cessatio à Motu; ac proinde nullam ad Quietem vim requiri: eadem enim, vel saltem non multo minor vis requiritur ad inducendam corpori Quietem, quàm Motum; ut videri potest ex hoc, quod eadem ferme vi opus sit ad navim in aqua stantem movendam, quàm ad eandem, dum movetur, subito retinendam. Error autem in hoc consistit, quòd propriam corporis gravitatem, & aëris pressionem, quæ ad Quietem urgent, non sentimus: contra verò corporis gravitatis, & externæ aëris pressionis resistèntia nonnisi vi aliqua sensibili superanda est.

Motus est vel *Communis*, vel *Proprius*. Proprius dicitur, qui sit propria vi, & actione (quamvis hæc vis, & actio in mobili improprie esse dicatur, cum potius moventis sit, quàm mobilis: sic tamen dicitur, quia vis illa agentis in mobili perseverare putatur). Atque huic competit definitio Motus modò tradita. Motus Communis, sive *Latiens* dicitur, eòdem non propria vi corpus movetur, sed ab alio transfertur, absque eo quod situm mutet; qui *Translatio* potius, quàm *Motus* dicendus est, ut cum quis in navi sedens de loco in locum transfertur. Qui Motus Communis species potius Quietis est, quàm Motus; & ne dum Quietem non opponitur, sicuti Motus Proprius, qui tantum Motus dicendus est, sed nec etiam Motui Proprio.

Nulla sunt corpora, quæ ex se moveri possunt. Quod his probat argumentis Cardemoy Dissert. 4. de prima causa motus, à Malebranche petitis. 1. Res ex se non habet, quod amittere potest, integra manente ipsius natura: sed cor-

pus potest amittere motum, absque eo quod desinat esse corpus: ergo nullum corpus motum ex se habet. II. Si corpus motum ex se haberet, etiamsi ex aliqua causa illum amitteret, iterum producere posset: sed non producit: ergo motum ex se non habet. Quum duæ tantum substantiæ sint, Corpus scilicet & Spiritus, omnium effectuum causa vel Corpus, vel Spiritus esse debet; necesse enim est, ut omnes effectus aliquam ex his substantiis pro causa agnoscant: sed ex demonstratis Corpus nequit esse causa motus: ergo Spiritus tantum Corporis motor erit.

Primam autem Motus causam non quemvis Spiritum creatum esse, sed Spiritum increatum, æternum, infinitum, hoc est, Deum tantummodo esse. Sic probare conatur acutissimus P. Malebranche de Inquir. Verit. lib. 6. part. 2. cap. 3. - - - Sed si Spiritus creati ideam examinemus, nulla omnino connexio inter Spiritus voluntatem, & corporis motum deprehenderetur: Concludendum est ergo, si lumina nostra sequi velimus, à nullo Spiritu creato, & finito motum produci posse, quemadmodum corpora seipsa minime movere conclusimus. Dei tamen, hoc est, Entis summe perfecti, ac proinde omnipotentis, ideam contemplantes videmus, tantam esse connexionem inter ejus voluntatem, & omnium corporum motum, ut impossibile sit omnino, ut velit, corpus aliquod moveri, & non moveatur. Dicere ergo debemus, à sola ejus voluntate motum produci, atque vim moventem corporibus motis non inesse, cum ea nihil sit præter Dei voluntatem. Dicitur tamen globus causa Naturalis motus, quem communicat corpori, cui occurrit, non Realis, cum communicare non possit, quod in se non habet. Sed causa Naturalis non est causa Realis, & vera, sed tantum Occasionalis, qua Autor Naturæ ad agendum illo, vel hoc modo, hac, vel illa occasione determinatur. Quod autem nulla sit inrer Spiritus creati voluntatem, & corporis motum connexio, hoc potissimum argumento confirmat: quod etsi ad brachium nostrum movendum, exempli gratia, Spiritibus animalibus, qui per certos nervos ad tales musculos contrahendos mittendi sunt, opus sit; cum hæc omnia seque ignorantes illud, ac anatomes peritissimos movere videamus; clarum est, inquit, non esse Spiritus voluntatem, quæ corpus moveat, qui nescit quomodo, vel qua lege illud movere debeat, sed solam Dei voluntatem, qui potest, & novit illud movere. Deus igitur ad Spiritus voluntatem corpus movet, & Spiritus voluntas Naturalis tantum, sive Occasionalis causa motus est. Spiritus voluntatem, & Naturalem, sive Occasionalem causam vocat cit. Autor, non Instrumentalem, ut vulgo: Deus enim ad agendum instrumentis non eget, sed omnia per solam suam voluntatem, quæ efficax est, operatur.

Deus, ait Cartesius, prima causa Motus est, qui Materiam simul cum Motu, & Quietate creavit: in qua Materia eandem semper Motus, & Quietis quantitatem perseverare vero simile est: quod facile concipitur, si consideretur, Deum non solum in seipso immutabilem esse, sed etiam constanti, immutabilique semper modo operari; his mutationibus exceptis, quæ sine ipsius mutatione sunt. Tantam itaque Motus, & Quietis quantitatem Deum creasse supponendum est, quantum ad Universi conservationem necessariam duxit.

Motus Proprietates Essentiales sunt Celeritas, Determinatio, & Quantitas. Celeritas dicitur relatio illa, quam habet Spatium, per quod mobile fertur, cum tempore, quod in hoc percurrendo consumitur. Determinatio est relatio, quam habet mobile ad plagam, versus quam movetur: quæ Determinatio in motu quidem perpendiculari simplex est, in obliquo composita. Quantitas motus dicitur vis illa, quam habet mobile, seu potius mobili agens impressit, ad superandam resistantiam corporum circumscriptorum usque ad locum, in

in quem determinate movetur : atque hæc absolute, vel respective major, vel minor est. Quantitas motus cum Celeritate non confundenda ; Quantitas enim ad corporis molem, celeritas ad spatium percurrendum, & tempus, refertur. Potest materies, eandem motus Quantitatem conservando, nunc tardius, nunc celerius moveri, ut videre est in aqua majus, vel minus spatium percurrente.

Omnes Motus sunt Pulsione. Motus enim, quos quidam sibi finxerunt, *Sympathie, Antipathie, Tractionis, & ob fugam Vacui*, nec sunt, nec esse possunt. Sic quidam ad miros quosdam motus explicandos, quorum & modum, & rationem ignorabant, has nudas voces, ignorantie effugium, invenerunt : eum contra per solam Pulsionem omnes motus, etiam Tractionis, & Suctionis dictos, explicare quis posset. In omni autem motu *Circulus, sive Circularis Pulsio* fieri debet. Qui circularis motus, quia à Platone in *Timæo* etiam expressus est, *Platonica Circumpulsio* etiam dicitur.

Motus Leges Naturales tres sunt. Prima. Omne quod movetur, quantum in se est, semper moveretur, nisi ab alio in motu turbaretur. Quæ lex à naturali illo principio deducitur, quod unaquæque res, prout est simplex, & indivisa, quantum in se est, semper maneat in eodem statu, nec unquam mutetur, nisi à causis externis ; aliàs novus hic status à nihilo esset, quod est absurdum. Hæc autem causa motum turbansam visibilis, tum quæ visum effugiat, esse potest, ut aër, &c. Falsum hinc evincitur illud quorundam, etiam Philosophorum, effatum, quod omne, quod movetur, tendat ad quietem : nam cum Motus Quieti opponatur, contra naturæ leges id esset, ut aliquid ad suum oppositum, sive ad sui destructionem ex se tenderet. Accedit, quod motus corporis modus est, ut figura, color, &c. sed omnes hi corporis modi semper tales in corpore perseverant, donec ab aliqua causa extrinseca mutantur : ergo sic etiam motus. Motus igitur in mobili tandiu durabit, quantum motus Quantitas in projecto potis erit superare aëris, aliorumque corporum circumvicinorum resistentiam. Notandum hic, motus Quantitatem in corpore considerari relate ad suam molem ; ambientium verò corporum resistentiam relate ad suam superficiem. Hinc corpora majora diutius in motu perseverant, quàm minora, etsi pari motus Quantitate ciantur, quia illa sub majori mole minorem continent superficiem. Atque hinc etiam est, quod corpus sphaericum diutissime omnium corporum aliter configuratorum in motu perseveret, quia sub sphaerica superficie reliquis alias figuræ corporibus maxime major corporis moles continetur.

Secunda naturæ lex est. Omne, quod movetur, semper tendit moveri per lineam rectam. Quod sic probat. Immutabilitati, & simplicitati Divinæ operationis consonat, ut mobile ad plagam suæ determinationis breviori via, scilicioris modo perveniat : Sed linea recta est omnino brevissima, quæ à puncto loci, à quo, ad punctum loci, ad quem, duci possunt : Ergo per lineam rectam moveri debet. Hoc etiam confirmatur experientia ; nam quidquid circulariter movetur, semper conatur recedere à centro motus per tangentem circuli ; ut videre est in lapide per fundam rotato ; cujus conatum recedendi à centro ipsa etiam manu sentimus.

Tertia naturæ in Motu lex : Si corpus, quod movetur, alteri occurrat, siquidem habeat minorem vim ad pergendum per lineam rectam, quàm hoc aliud ad ei resistendum, tunc in aliam partem deflectitur, & suum motum integrum servando, solam motus determinationem amittet. Contrà verò, si illud majorem habeat vim ad pergendum secundum lineam rectam, quàm hoc ad ei resistendum, tunc corpus in motu existens, secum hoc aliud movendo, tantum
de

de suo motu deperdet, quantum ei tribuet. Sub qua lege continentur omnes causæ particulares mutationum, quæ corporibus accidunt, saltem eæ, quæ sunt corporeæ. Quo autem pacto singula corpora in aliorum corporum occursum motus suos augeant, vel minuant, vel in totum, vel in partem convertant, longo calculo, multisque regulis determinavit Cartesius, Regis, aliique; qui utramque etiam huius regulæ partem fufius, & multis probant.

Reflexio dicitur illa Determinationis in motu mutatio, quæ fit, quum corpus durum in durum, & majorem vim resistendi habens, impingens, ab illo reflectere, & Determinationem mutare cogitur, aliam priori oppositam, acquirendo. Error tamen est multorum, corpora, dum reflectuntur, aliquantulum in puncto Reflexionis quiescere; novus enim hic motus quieti succedens esset à nihilo, cum à nullo durorum corporum esse possit; quod magnum absurdum est.

Refraçtio appellatur illa Determinationis mutatio, quæ fit cum corpus ab uno medio in alterum oblique incidit; si enim perpendiculariter incidat, nulla erit Refraçtio, sive Determinationis mutatio. Si corpus è medio faciliiori in difficilius oblique incidit, ut ex aëre in aquam, tunc corpus à perpendiculari recedet, contrà verò si è medio difficiliiori in facilius transeat, ad perpendiculariorem accedet, ut ex aqua in aërem.

Corpora *absolute Dura* dicuntur, quorum particule inter se mutuò quiescunt: *reflectivè* autem *Dura*, quæ manibus nostris ad ea accedentibus resistunt. Contrà verò Corpora *absolute Fluida*, vel *Liquida* appellantur, quæ in multas exiguas particulas, diversis motibus à se mutuò agitatae, dividuntur: *reflectivè* verò sic dicuntur, quæ manibus nostris ad illa accedentibus cedunt. Corporum igitur gluten Quies est, per quam junguntur; motu dividuntur. *Mollia Corpora*, media sunt inter *Dura*, & *Liquida*; eorum enim particule non tam firma adhesionè junguntur, ut *Dura*, nec tam celeri motu agitantur, ut *Fluida*. *Rarum* Corpus est, cujus partes non undique sibi mutuò adhærent, sed per poros, seu spatiola tenuiori corpore repleta ex aliqua parte distant. *Densum* verò è contrariò est corpus, cujus partes se ferme undique, tangunt, seu quod poros minores habet. Corpus itaque per subtilioris materiæ egressum fit *Densum*; contrà verò per ejusdem materiæ Ingressum, *Rarum* redditur. *Aspera* seu *Scabra* Corpora vocantur, quorum partes in superficie, ita disponuntur, ut aliæ promineant, aliæ subsistant. *Levia* verò, seu *Polita*, quorum superficies æqualis est ob æqualem partium situm: quæ corpora *Polita* majorem vim habent agendi, & resistendi, quàm *Aspera*. *Contigua* corpora, à *cum*, & *tango* nomen sortita, dicuntur, quæ se mutuò in parte tangunt, & nullam habent inter se mutuam dependentiam. *Continua* verò corpora, quæ à *cum*, & *teneo* nomen habent, vocantur, quorum partes per quietem ita invicem conneçuntur, ut unum corpus efficiant, & mutuam agendi; & patiendi dependentiam habeant.

De Mundo Adspiciabili verba facit, Sphæræ Armillaris doctrinam, stellarum magnitudinem, distantiam, & duplicem motum, atque alia, quæ Cartesio cum reliquis Philosophis, & Mathematicis recentioribus communia sunt, prætermittens, *Mundi Systema* à Cartesio traditum Part. 3. Princip. Philos. att. 20. & sequentibus hic breviter referam. Cum putasset Cartesius, Hypothesin Ptolemæi phænomenis explicandis non satisfacere; Copernici verò, & Tychois Hypotheses, quatenus Hypotheses sunt, eodem modo ad phænomena explicanda se habere, itaque Tycho verbo quidem minus, re tamen plus motus Tetraë tribuerit, quàm Copernicus; suam ipse proponit Hypothesin, in qua omnem prorsus motum se Tetraë detracturum promittit; ipsamque Hypo-

pothefin omnium simpliciffimam non pro rei veritate, fed pro Hypothefi tantum habendam defiderat.

Ecce primo quidem fupponit, *Solem* à Fixis, & flamma ratione luminis, quod emittit, non differre, cum ipfe etiam ex materia valde fluida, subtili, & mobili confitet; quæ tamen non ex una Cœli regione in aliam migret, fed fecundum partes tantum moveatur: quo motu partium Inteflino omnes circumjacentis Cœli partes fimul rapiuntur. Quod autem hæc Solis flamma alimento non egeat, ex eo deducit, quod cauffam, qua deftruatur, non habeat.

Supponit quoque, *Diftantiam Fixarum* à Terra, & Saturno, omnium Planetarum remotiffimo, maximam, & immenfam effe; easque non uni Cœlorum Sphæræ fixas effe, ut putavit antiquitas, fed ipfarum quamlibet, non fecus ac Sol, cui in omnibus fimiles funt, in vaflo, & proprio Cœli fpatio, omnesque in immenfa Cœli abyffo hac illac difperfas contineri.

Quod autem *Cœli* omnes non folidi fint, ut communis veterum opinio fuit, fed fluidi, ex eo deducit, quod Planetarum, Cometarumque motus in ipsis fieri nequirent. Hinc quoque fit, ut corpora in ipsis contenta, quantumvis folida, facile quidem, & minima vi ab ipsis moveantur.

Planetæ, qui omnes Solem pro centro habent, circa ipfum à materia cœlefti ex Occidente in Orientem feruntur, hoc tamen ordine, ut Soli proximior breviori tempore curfum fuum abfolvat, quàm remotior; atque hic rurfus breviori tempore, quàm qui eo remotior eft; Saturnus fcil. fpatio 30. annorum; Juppiter 12. Mars proximè 2. Terra dierum 365. Venus 224. Mercurius 80., vel 87.

Terram (quam Planetam effe ait) inter Venerem, & Martem fitam, in fuo Vortice quiefcentem, fimul cum ipfo, & pediffequa Luna, extimum fuit Vorticis occupante, à materia hac Cœlefti circa Solem ferri fpatio unius anni, & interim circa propriam axem fingulis diebus verti, exiftimat, à materia fui Vorticis circa ipsam fe movente. Quam fuam fententiam explicat exemplo Vorticis in aqua facti, in quo fi variæ feftucæ exiftant, videbimus, eas omnes ingyrum moveri, & nonnullas etiam circa propria centra converti; atque eo celerius proprium gyrum abfolvere, quò centro Vorticis erunt viciniores. Eas tamen vix unquam circulos omnino perfectos defcribere, quamvis circulares motus femper affequent, credendum eft; fed nonnunquam parum in longitudinem, vel latitudinem defletere. Atque hinc fieri putat, Planetas nunc Parhelios, hoc eft Soli propinquiores, nunc verò Aphelios, hoc eft, à Sole remotiores obfervari: atque eadem de Planetis omnibus fupponendo, omnia eorum phænomena explicat.

Terra, ficut & alii Planetæ dum circa magnum Solis Vorticem ab ejus materia feruntur, poffunt quidem effe centra aliorum minorum Vorticum, à quorum materia (ut in aquæ Vorticibus sæpe fe vidiffe ait Cartefius) quæ in easdem partes, ac major Solis Vortex, feratur, alii quoque minores Planetæ circa propria centra ducantur; atque ipfimet minores Planetæ circa propriam axem ob ejuſdem materiæ circula rem motum gyrare cogantur. Sic in magno Solis Vortice Terræ Vortex eft, in cujus extrema parte Luna fita eft, quæ circa ipsam gyrat fpatio ferme unius menfis. Eft etiam alius Vortex parvus, qui *Jovem* pro centro habens, defert circa ipfum quatuor ejus affeclas tali celeritate, ut remotiffimus diebus 16. fequens diebus 7. tertius horis 85. & centro proximis horis 42. unum circuitum perficiant. In alio denique minori Vortice *Saturnus* pro centro eft, circa quem duo etiam minores Planetæ volvantur. Omnes tamen hi minores Vortices in vaflo Solis Vortice fuit, fatis tempore circa ipfum Solem curfum fuum abfolvunt.

Quod

Quod verò *Terræ* in Vortice suo existenti; tum circa proprium axem spatio 24. horarum gyran- ti, tum circa Solem spatio unius anni translata nullum motum tribuerit, ex eo potissimum probare conatur Cartesius loc. cit. quod nulli eorum motus proprie dicti definitio competat, quia non transfertur *Terræ* ex vicinia partium Cœli, quæ illam immediate contingunt, quatenus illæ Cœli partes ut immotæ considerentur. Sed hanc Cartesii sententiam, utpote Ecclesiæ Catho- licæ sanctione damnatam (etsi ipse nullis Ecclesiæ dogmatis repugnantem de- monstrare conatus est) non amplectendam putamus.

Quomodo *Mundus* ex *Materia creata*, & *Motu*, simplicissimis rerum omnium materialium Principiis, à Deo formari potuerit (non quomodo Deus, cuius ne- mo iudicia, & arcana unquam novit) docet Cartesius hac Hypothesi.

Omnium Mundi corporum Materies una, eademque à Deo creata est, di- visibilis, imò actu divisa in particulas quamproxime inter se æquales, variæ tamen figuræ, ut spatia omnia particularum diversimode figuratarum replen- tur. Cum autem Deus huic Materię motum indidit, necesse fuit, ut ejus particu- læ in circulum moverentur. Nam cùm hæ particulæ rectâ progredi nequirent ob continuum aliarum occurrentium impedimentum, oportuit, ut ab iis recta motus determinatione mutata, circa aliqua centra gyrare cœpissent; unde & in variis Vortices abierunt. Est igitur Vortex, qui à vertendo nomen habet, im- mensus numerus partium materiei, circa idem centrum rotantium: quarum particularum numerus prout major, vel minor fuit, majores, vel minores Vor- tices orti sunt, sique pene innumeri.

Cujusque Vorticis Motus considerandus ut motus alicujus sphaeræ; itaut in omni Vortice Centrum, Poli, Axis, & Ecliptica designari possint. Vorticum Figura sphaerica esse nequit, ne spatium inter Vortices, se in puncto tantum tangentes, relictum, vacuum esse dicatur. Motus unius Vorticis ut alterius motum non impediat, sed juvet, ita inter se dispositi considerandi sunt, ut Ecliptica unius aliorum Polis respondeat. Vorticis particulæ circa Eclipticam majorem vim habent sese movendi, & à centro Vorticis recedendi. Denique particulæ centro viciniore celerius moventur, quàm remotiores.

Ex motu particularum Vorticis tres Materię species ortæ sunt, quas Carte- sius *Tria Elementa* vocat, quòd ex ipsis omnia Mundi corpora sint constata. Primum Elementum est Materia illa subtilissima, ex attritis, & velut abrais per continuum motum globulorum angulis, sive extuberantis orta; quæ variæ diversæque figuræ cùm sit, & maximæ motus celeritatis, & spatia à globulis relictâ implere, & in minutissimas adhuc particulas dividi potest.

Sol, & *Stellæ Fixæ* ex hac subtilissima materia Primi Elementi ortum sic habuerunt. Cum ex continua globulorum Secundi Elementi attritione, & ro- tatione major Primi Elementi quantitas orta sit, quàm ad interstitia globu- lorum implenda sufficeret; quæ ex repletis globulorum interstitiis supererat, in Vorticum centra conflens, Solis, & Fixarum materies facta est. Hæc autem subtilissima materies à replendis globulorum interstitiis superflua, non nisi à centro locari potuit, nam minorem vim recedendi à centro motus habebat; quàm globuli Secundi Elementi, ut patet ex regulis motus. Quod autem fluidissimum hoc corpus, quod in nostri Vorticis centro Solem, in aliorum Vorticum centro Fixas appellamus, sphaericum sit, exemplo confirmat Cartesius ampul- læ vitreæ, quæ ex hoc solum sit rotunda, quod aer in vitrum liquefactum per tubulum immisus non tam ab orificio versus fundum, quàm ab ipso fundo ad latera omnia reflectatur. Conatus recedendi à centro motus tum in materia subtilissima, quæ in centro est, tum in ea, quæ globulorum spatia replet, re- peritur. Major tamen est in particulis Eclipticæ Vorticum subjectis, quàm in
pola-

polaribus. Quæ causa est, cur portio hujus materiæ è partibus Eclipticæ vicinjs effluens, in partes circumpolares vicinorum Vorticum ingreditur; itaque continuus sit effluxus hujus materiæ subtilissimæ ex Ecliptica unius Vorticis ad partes circumpolares alterius. Qui partium Primi Elementi continuus influxus, Solis, & Fixarum alimentum dici posset; quo indigeat quodammodo videntur propter continuum earundem effluxum.

Particulæ Striatæ sunt ramenta minus divisa materiæ Primi Elementi, figuræ irregularis, & ad motum ineptiora tum ob suam figuram, tum etiam quia Axi Vorticis propiora: quæ cum in spatio triangulari, à globulis Secundi Elementi se tangentibus relicto, reperiuntur, in motu globulorum sibi invicem adhærendo, triangularem figuram induant necesse est: quas particulas Cartesius Princip. Philos. part. 3. art. 90. exiguis columnis, tribus stris in modum cochlearum intortis excavatis assimilat; itaque gyrando transire possint per angulos illos meatus globulorum 2. Elementi, habentes figuram trianguli curvilinei. Hæ particulæ ex contrariis Polis versus centrum venientes, dum totus Vortex in unam, eandemque partem movetur, non in eandem, sed in contrariam partem intortas esse debere manifestum est. Ex his Magnetis vires deducit Cartesius, ut infra.

Solis, & Fixarum Maculæ ex his etiam particulis generari, ait. Nam ubi istæ ad Solis ex. gr. corpus pervenerint, celerissimo motui particularum ipsius consentire nequeunt; unde facili ob inæqualitatem suæ figuræ, & molis majorem, sibi mutuo adhærentes, moles latis magnas, & opacas componunt; quæ ab agitatis Solis particulis ad ejus superficiem propulsæ, velut totidæ Maculæ in Solis superficie conspiciuntur: quæ tandem ab ejusdem particulis celerissime agitatæ resolvuntur in materiem partim in Solis substantiam refundendam, partim per Cælum vicinum dispergendam; dum interim in alia Solis parte novæ generantur ex nova Materia Striatæ ipsum ingrediente: non secus ac in liquore aliquo ebulliente spuma generatur à crassioribus liquoris particulis, quæ ad superficiem ejicitur, & raudem dissipatur. Hæ Maculæ (quarum primus inventor, & observator fuit Galilæus, qui illas an 1610. Patavii Mathematicis docens Heliocopii usu detexit.) cur in Solis Ecliptica tantum videantur: cur Sol quandoque pallidior visus sit per multos dies: cur quædam stellæ Fixæ nunc majoris, nunc minoris magnitudinis appareant; imo & earum quædam à Maculis undique rectæ ad plures annos non sint visæ: cur hæ Maculæ quandoque in Faculas circa Solem versæ sint; vide apud Cartesium loc. cit.

Secundum Elementum vocat Cartesius *Globulos*: à materia, in celerem, motum adacta, formatos. Hi Globuli cum materia subtilissima Primi Elementi, eorum poros replente, *Materiam Cælorum* constituunt; ita ut Cælorum nomine veniant hi Globuli Secundi Elementi cum interspersa materia Primi, omne Vorticum spatium occupantes: unde & *Materia Cælestis* etiam appellatur, *Æthereæ*, & *Subtilis*. Hos autem Globulos non ubique Vorticum æquales, nec æque celeriter moveri supponit Renatus, sed centro propiores remotioribus minores esse, & celerius moveri, ut patet ex regulis Motus, & fusius ipse probat. Id tamen intelligendum usque ad orbitam Saturni; ultra quam æqualis fere sunt magnitudinis, sed non æque celeriter moventur, nam quod magis distant, eò celerius moventur.

Tertium denique *Elementum* appellat Renatus particulas illas crassas, & ob suam figuram ad motum ineptiores: quæ invicem adhærentes, & implicatæ, majores semper evadunt. Ex his *Cometas*, *Planetas*, ac *Terram*, quam incolimus, extitisse refert. Et primo Cometarum naturam, & productionem ita explicat. Cum è fixis aliqua tot, tantisque densis maculis (de quarum genera-

H h h

tione

tlione supra ubi de Sole dictum) obducitur, si ad eas dissolvendas impar est, tunc omnē penitus lumen amittens, ex fluida, & luminosa, dura, & obscura evadet. Durissimo igitur hoc cortice undique involuta materia primi Elementi, quæ in centro ejus Vorticis erat, ac proinde deficiente actione ejusdem materiæ in omnem proprii Vorticis materiam, hæc per vicinos Vortices omnis dispergetur, & Cometa, hoc est materies illa primi Elementi durissimo hoc cortice inclusa, à vicino aliquo fortiori Vortice absorbetur. Cum autem omnis Cometa tantæ sit soliditatis, ut superet vires globulorum secundi Elementi Vorticis absorberentis, eorum etiam, qui remotissimi à centro reliquis sunt solidiores, majorem etiam habebit vim recedendi à centro hujus Vorticis: quare ad extremam usque Vorticis superficiem perductus Cometa, ab eo excidet, & alium ingreditur: à quo etiam expulsi, alium intrabit. Cùm verò aliquis Cometarum Solis Vorticem intrat, nobis visibilis fit usque dum expulsi in alium Vorticem ab oculis nostris dispareat. *Planetæ* verò *Planæ*, *ἀπὸ τοῦ πλανᾶναι*, ab errando dicti, unde & Latini eos *Errantes*, & *Erraticas Stellæ*, & Nigidius etiam, *Errones* appellavit, *Stellæ* etiam *Fixæ* prius erant; deinde verò, non secus ac *Cometæ*, genitæ undique circa ipsas densis maculis, cortice quodam involutæ, à fortiori vicino Vortice absorptæ sunt. Putat enim Renatus, vastissimum illud spatium, quod nunc magnum Solis Vorticem constituit, initio in 14. pluresve Vortices divisum fuisse. Et quidem cùm Solis, Jovis, & Saturni Vortices cæteris majores fuerint, quatuor illis minoribus Stellis, quæ nunc Jovem circumstant, in Planetas jam versis, & propriis Vorticibus à Jovis Vortice absorptis, in eundem Vorticem ipsæ etiam delapsæ, circa Jovem gyrare cœperunt. Sic etiam quæ duc Saturni proplores erant, in Saturni Vorticem lapsæ sunt, circa quem & nunc volvuntur. Luna pariter circa Terram, in cuius Vorticem cecidit, eadem ratione nunc vertitur. Omnium tandem harum *Fixarum*, Terræ scilicet Jovis, & Saturni, Veneris quoque, Martis, & Mercurii, ubi in Planetas versæ sunt, Vorticibus à fortiori Solis Vortice raptis, ipsi pariter Planetæ cum pedissequis suis in vastissimum Solis Vorticem delapsi, circa ipsum volvi cœperunt. Reliquorum autem Vorticum Sidera, si plura, quàm 14. in hoc spatio unquam fuerint, in Cometæ versa fuisse supponit. Non igitur aliud Cometæ inter, & Planetas discrimen est, nisi soliditatis: quæ enim *Fixæ* majorem corticis soliditatem nactæ sunt, quàm ullum in Solis Vortice locum invenire potuissent, in Cometæ abierunt: illæ verò, quarum soliditas aliquibus hujus Vorticis globulis respondere potuit, in Planetas mutatæ, una cum æqualis soliditatis globulis circa Solem moventur. Locum itaque, ex regulis motus, in Solis Vortice suæ soliditati correspondentem occupant; qui scilicet sub minori superficie majorem molem habebant, à Sole remotiores, contrà verò propiores.

Terra denique è *Fixa* in Planetam, inquit, versa est, densis quibusdam maculis ex particulis striatis circa ipsius superficiem genitis, & partim à materia primi Elementi per vicinum Cælum dispersis, partim in durissimum corticem abuentibus, & Sidus undique obtegentibus: unde & à vicino Solis Vortice una cum suo Vortice absorpta est. Io Terra igitur tres regiones agnoscit, intimam scilicet à materia primi Elementi, sed non pura, volitantibus in ea quibusdam particulis tertii Elementi, efformatam: Mediam, à particulis tertii Elementi sibi invicem implicatis, & durum, sed porosum corticem componentibus, constata; qui pori tam exigui sunt, ut nonnisi materiæ primi Elementi, striatisque particulis transitum præbeant; Tertiam denique & Extimam, quàm Aërem vocat, congeriem scilicet materiæ Cælestis, & tertii Elementi, ex qua Terrestria corpora omnia, quæ nos circumstant, orta sunt.

Terra

Terra itaque, inquit, in Planetam mutat, ubi à Solis Vortice absorpta fuit, magna in tertia, & extrema ejus regione mutatio fieri debuit à materia Cœlesti Vorticis Solis, agente in particulas tertii Elementi, quibus extrema hæc regio referta erat. Has autem terrestres particulas in tria summa genera distinguit. Quædam enim ipsarum, ipse ait, instar ramorum arboris, in varia quasi brachia divisæ, & hinc inde expansæ, à materia Cœlesti deorsum propulsæ, & sibi invicem adhærentes, corpus aliud supra primam Terræ crustam efformarunt. Aliæ verò solidiores, figuræque cubo, globo, vel ruderi anguloso similes; quæ particulæ si quidem graviores fuerint, infra cœteras descendant; si verò leviores, spatia ramosarum implebunt. Aliæ denique sunt oblongæ instar bacillorum, ramis tamen destitutæ, quæ facile ramosis se immiscunt, si spatia inter ipsas ampla reperiunt; nunquam tamen illis annexuntur. Ex quibus triplicis generis particulis tria alia corpora circa primam Terræ crustam genita sunt; quorum interius, primæ Terræ crustæ adhærens, vocat *crustam Internam* crassissimam, ex qua metalla oriuntur. Secundum corpus ex particulis longis, levibus, & flexibilibus instar anguillarum, circa duras, & rigidas interitum, compositum, *Aquam salis* appellat. Tertium denique *Terram Exteriorem*, ex argilla, lapidibus, arena, & limo constatam. Quæ Terra Exterior dicta fornici instar supra corpus fluidum, seu Aquam aliquamdiu suspensa sustentari potest; donec suis quibusdam rimis magis magisque ex Solis calore, & continuo materiæ Cœlestis transitu, hiantibus (non secus ac æstate in Terra à Sole exsiccata rimæ generantur, quæ eò magis hiant, quò major est Solis vis) ejus partes invicem disjunctæ sunt; eumque in modum fornici amplius sustineri nequiverint, tandem ruptæ sunt, & in crustam interiorem crassissimam, metallorum matrem, ceciderunt, locum cadentibus hujus fornici fragmentis cedente Aqua, quæ supra interiorem crustam sista erat. Sed quia superficies crustæ interioris minus lata erat, quàm superficies crustæ exterioris labentis, oportuit, ut fragmenta prius lapsa crustæ interiori perfecte adhærent; supra quæ Aqua ascendens Mare constituit: reliqua verò in latius inclinata alia aliis superincumbendo, Montes, Scopulos, & Camporum planitiem efformarunt: quod clarius Part. 4. Princip. Philos. art. 44. & sequ. apud ipsum videre est. Tandem terrestres alias particulas subtiles, & flexiles, in materia Cœlesti à Terra hac Exteriori ad datam nostri Cœli distantiam innatantes, *Aërem* vocat. Quibus per Hypothesin suppositis, sic naturalem corporum naturam, & proprietates explicat.

Aër est congeries particularum tertii Elementi tam tenuum, & à se mutuo disjunctarum, ut motui materiæ Cœlestis obsequantur; quæ cujuslibet sint figuræ, flexiles tamen sunt instar mollium plumularum, vel tenuium funiculorum, Cœlestique materiæ innatant: quarum quælibet independenter ab aliis vicinis circa proprium centrum movetur, totamque exiguum illam sphaeram occupat, quæ ad circularem hunc motum perficiendum requiritur. Quod verò ad ejus proprietates, & affectiones attinet; *Rarus* est, quia partibus constat à se mutuo disjunctis. *Fluidus*, quia ejus partes nulla quiete inter se junguntur, sed continua agitatione cidentur. *Pellucidus*, quia radii, seu globuli secundi Elementi rectâ per amplios Aëris meatus transeunt. *Calore rarefit*, quia ejus partes, quæ flexiles sunt, quò celerius per calorem agitantur, eò latius se extendunt, & majus spatium occupare coguntur. Contra tamen *Frigore densatur*, suarum particularum agitatione per frigus imminuta. Ultimò *Aëris Elater*, seu *Vis Elastica* in eo consistit, ut ejus partes, flexiles cum sint, violenter compressæ vim habeant resiliendi, & in ampliore locum se extendendi: non secus ac in Chalybis lamina inflexa, & resiliendi vim faciente, observatur.

H h h 2

Aqua

Aqua est corpus compositum ex particulis flexilibus, levibus, & lubricis, quæ anguillarum instar in continua sunt agitatione. Si verò hæ partes flexiles, & lubricæ, quæ *Aquam Dulcem* constituunt, duris, & inflexilibus *Salis* nectantur, & implicentur, *Aquam Salsam* component: nunquam tamen ita cohererent, ut non facile separentur; sicque *Salsa*, sale relicto, in dulcem abire potest. *Aqua* corpus *Fluidum* est, quia ejus partes à materia Cœlesti continuò agitantur; *Pellucidum* verò, quia ejus pori materiam Cœlestem continentes ad luminis radices transmittendos apti sunt. *Salis* partes, quia solidæ, & graves, in vaporem cum *Aqua* non ascendent: quia rigidæ, linguam pungunt, & discernunt; item quia rigidæ, carniū poris infixæ, & omnem ab ipsis humiditatem expellentes, ex qua fermentatio, & inde corruptio fieri potest, carnes à corruptione præservant.

Maris Ætus, sive Fluxus, & Refluxus sit à materia Cœlesti Vorticis Terræ, quæ à Luna ad Maris superficiem sita est: quæ cum angustius spatium inter Lunam, & Mare transire debet, celerius movetur; unde majorem pressionem Mari facit: quare *Aqua* majori huic pressioni cedens, subsidit, sicque deficere videtur, dum interim in aliis maris locis *Aqua* attollitur, in ipsa, quæ hinc deprimitur, aqua resuente. Sed quia pars Maris, quæ nunc est sub hæ majori aëris pressione, ob diurnam Terræ super proprio axe circumvolutionem, spatio horarum 6. cum minutis 22. erit in loco, ubi minor est pressio, iterum elevabitur. Eadem quoque de causa post horas 6. cum minutis 12. iterum deprimitur in ea Vorticis parte, quæ Lunæ per diametrum opponitur (quod Vorticis spatium etiam angustius est, quia materia Cœlestis, quæ inter ipsam, & Lunam est, per majorem motum, & pressionem, ipsam Terram versus oppositam Vorticis partem deprimit) ac tandem post totidem horas cum minutis iterum attollitur: sicque Mare bis in die crescere, ac bis decrescere observatur. Hic autem Maris Ætus major est in Noviluniis, & Pleniluniis, quam in Quadraturis; maximus in Æquinoctiis, quia tunc Luna Terræ propior est; ut Lunæ cursum, per Ellipticam orbitam peragendum, consideranti patet.

Metalla omnia & *Fossilia* in Terra interiori à particulis terrestribus variæ figuræ, & molis, gignuntur, atque inde ad Terram Exteriolem vi caloris tum interni, qui à materia primi Elementi in centro posita provenit, tum externi, qui à Sole est, ascendunt. Hinc *Metalla* non in omnibus Terræ locis inveniuntur, sed in iis, in quibus fragmenta Terræ Exterioris Interiori junguntur, potissimum verò in radicibus montium ad Meridiem, & Orientem, ubi major caloris vis. Pro varia tamen partium terrestrium conditione, & mixtura, varia quoque *Metalla*, & *Fossilia* generantur.

Ferrum est metallum omnium levissimum, & porosissimum, constans particulis nimis crassis, & ramosis, ex quarum mutua complicatione ejus durities, & difficilis malleatio pendet. Rubigine tamen, & aqua forti facile corroditur. Quum verò *Ferrum* vi ignis à sordibus expurgatur, si quidem quam citissime refrigerat, abit in *Chalybem*. Tunc enim Ferri ramenta, seu particule arctissime sibi junctæ, grumos, sive guttas quasdam efformant, quæ mutua collisione rotundantur, ac perpoliuntur. Hinc *Chalybs* est durissimum ob arctissimam suarum partium rotundarum connexionem. Est frangibilis, quia ejus partes, rotundæ cum sint, facile ab invicem separantur, nam per simplicem superficialium sphaericarum contactum junguntur. *Chalybs* denique inflexus vim habet resiliendi, quam vim Elasticam vocant; quam vim alia etiam corpora habent. Hoc autem inde fit, quod *Chalybs*, & similia corpora porositates habent plurimas, soli materię Cœlesti ipsas ambienti transiunt præbentes. Quæ porositates, cum *Chalybs*, vel quid simile, inflectitur, ex parte inde-

inflexionis angustiores redduntur : unde particulae materiae Coelestis ex parte inflexioni opposita facillime ingressae, cum egredi nequeant, Chalybis porositatibus veluti totidem cuneis infixae, vim magnam faciunt, ut poros undique aequales, pristinamque corpori figuram restituant.

Plumbum est Metallum à Ferro in hoc tantum differens, quod Plumbum partibus consistit ramosis quidem, sed minoribus, levioribus, & flexibilioribus, quam Ferrum. Est Plumbum Ferro ponderosius, quia ejus partes, utpote aequabiliores, & minores arctius uniri possunt. Est Ferro minus durum, quia ejus partes non sunt tam ramosae, & tam rigidae. Aurum, & Argentum purificat, quia eorum impuritates sulfureis Plumbi partibus adherent. Non ab aqua foris, ut reliqua Metalla, sed ab aceto dissolvitur, nam sulfur minus acre continet.

Stannum à Plumbo in hoc solum differt, quod partes ramosae Stannum componentes Plumbi partibus acriores, rigidiores, & minus flexiles sint.

Aëris à Plumbo, & Stanno differentia est, quod Aëris sal acrior & fixior sit, ejusque sulfur abundantius, & volatilius; unde difficilior solvitur. Ex Chymica verò Aëris solutione, quam acer, & corrosivus ejus sal sit, aperte cognoscitur.

Aurum, & Argentum in hoc differunt, quod partes ramosae Aurum componentes majores, & arctius unitae sunt, quam partes Argenti. Hinc Aurum Argento ponderosius est; difficilior funditur, &c. Pori tamen Argenti licet Auris poris angustiores sint, sunt tamen frequentiores: unde simul sumti superant latitudinem pororum Auri simul sanctorum. Quae Metalla quibus Planetis dicata, &c. vel ipsi vulgo jam innouit.

Argentum Plumbum, Graecis Τόρσιον, quae vox Latine sonaret *Aqueum Argentum*, quia Mercurio attributum, *Mercurii* etiam nomine appellatur. Improprie tamen inter Metalla reponitur, cum non durum, sed fluidum corpus sit. Partes ipsum componentes solidiores sunt, teretes, & leves, minus arcte sibi mutuo adherentes, à globulis secundi Elementi, & materia Primi, ipsius poros replentibus, & permeantibus facile agitatae; unde corpus liquidum, & ponderosum nimis, opacumque constituunt.

Mineralia à Metallis in hoc solum differunt, quod Mineralia partes habeant breviores, & minus compactas, quam partes Metallorum; sunt enim minus arcte inter se unitae; unde malleo resistere nequeunt, ut extendantur. Mineralium nomine venit quicquid fissile (praeter Metalla, quae è Fossilium quidem genere sunt, sed Mineralia non dicuntur) è mineris educitur, ut Salia omnia, Stibium, Sulfur, Lapides omnes, ut Pyrites, Cos, Crystallus, Adamas, ac pretiosi omnes, &c. qui lapides in Terrae Interioris partibus generantur ex Sale, Terra, & Oleo simul junctis. Quò plus igitur terrestri materiae continent hi lapides, eò sunt ponderosiores; quò plus olei, eo laeviores. Sal verò ad has partes uniendo concurrere videtur. Quibus de lapidum generatione suppositis, facile de cujusque natura, & proprietatibus ratio reddi potest. De Sulfuris, Bituminis, &c. generatione vide Cartes. Princ. Phil. part. 4.

Inter Mineralia duo sunt speciali consideratione digna, Vitrum, & Magnes. *Vitrum* est corpus durum, fragile, & pellucidum in Terrae visceribus genitum à calcis, & cinerum particulis crassioribus, & figurae irregularis, quae opae ignis maxime agitatae, & laevigatae non in punctis, ut prius, sed in quibusdam exiguis superficiebus se contingunt, & hoc pacto simul connexae Vitrum componunt. Vitrum liquefactum quò citius refrigitur, eò fragilius evadet, & contrà. Cujus ratio redditur: quia Vitri meatus satis ampli sunt, dum candens est; unde materia Coelestis cum subtilioribus fortasse particulis tertiis Elementi facili-

le perippos transit : cum autem Vitrum refrigeratur , hi pori redduntur angusti , & si quidem celeriter refrigeretur , ex parte interna , quæ tardius frigeat , pori quidem latiores erunt , ex parte verò externa , quæ citius frigescit , angustiores ob subitam , & arctiorem partium adhæsiorem : unde materia Cœlestis in poris internis , & latioribus contenta per angustiores hos externos poros ægre transiens , impetum facit ad poros sibi dilatandos . Contrà verò dum lente refrigeratur , globuli secundi elementi vias sibi undique ampliores efficiunt , priusquam partes invicem uniantur . Eadem quoque ratio est , cur Vitrum non æque in omnibus suis partibus incalescens , facile disrumpatur : ita etiam si vehementiori igni statim apponatur : contra tamen lento primum igni appositum , deinde gradatim vehementiori , non frangetur , &c. Tandem Vitrum pellucidum est , quia poros habet rectos , vel saltem non interruptos (quod sufficit ad luminis actionem transmittendam) per quos radii facile transeunt . Secundum hanc Hypothesin facile de his , ac reliquis Vitri proprietatibus rationem reddi posse , cum Cartesio ejus Sectatores affirmant ; potissimum verò de *Lacryma* illa *Vitreæ* , nobis ex *Hollandia* advecta , & ita arte fabricata , ut vel forti malleo in ventre , seu in parte crassiori percussa , dissipari nequeat ; si verò vel leviter percutiatur in crassiori caudæ parte , post magnum fragorem tota *Lacryma* in subtilissimum pulverem comminuetur .

Magnes est lapis ad ferri naturam accedens ; imò tanta est inter utrumque cognatio , utambo ex iisdem fodinis eruantur , atque si Gilberto credendum est , optimum quodque ferrum è Magnete conficitur . Componitur *Magnes* ex crassis Terræ particulis ferri similibus ; unde nullus omnino est *Magnes* , in quo aliquid ferri non contineatur . Magnetis tres præcipue sunt proprietates , seu vires . I. In statu libero constitutus , ad Mundi Polos sponte dirigitur . II. Ferrum , vel alium Magnctem ad se adducit ; nonnumquam etiam fugat . III. Ferrum ad se admotum utraque virtute imbuat : quod *Ferrum Magneticum* , vulgò *Calamitatum* dicitur .

Quas Magnetis proprietates ut explicet Cartesius , in mentem revocat ea , quæ supra dixit de particulis Striatis , tribus sris ad modum cochlearum intortis , ex partibus crassioribus primi Elementi compositis , & ita intortis , ut quæ ex Australi Terræ Polo veniunt , versus sinistram ex-gr. quæ verò ex Boreali in oppositam partem contortæ sint . Unde fit , ut quæ ex Australi Polo veniunt , per Borealem Terræ Polum Terram ingredi nequeant ; sed veluti Vorticæ quoddam facto , eundem semper Terræ polum ingredi debeant , eamque secundum longitudinem porositatum axi Terræ parallelarum permeare , de quibus supra . Quæ particulæ Striatæ non possunt per eandem partem regredi , per quas ingressæ sunt , propter tenuissimas quasdam particularum extremitates in spiris istorum meatuum versus eam partem inflexas , versus quam progredi solent , & ita in adversam partem assurgentes , ut earum regressum impediunt .

Ait insuper : non omnia corpora poros habere aptos ad striatas particulas recipiendas , sed tantùm dura , & partibus duris , ramosisque composita , quales Ferrum esse supra dixit . In reliquis verò metallis propter aliam partium soliditatem , pororumque angustiam , tales nequeunt excavari . Pori igitur Magnetis à poris Ferri , & hujus à poris Chalybis in perfectione tantùm differunt : Magnetis namque pori poris Chalybis perfectiores , & recipiendis particulis striatis aptiores sunt ; pori verò Chalybis poris Ferri perfecti , & idonei magis sunt .

Tandem asserit , in unoquoque Magnete duos distingui Polos , Australem unum , qui materiam Striatam ab Australi Terræ parte venientem recipit ; Borealem alterum , Australi ex diametro oppositum , quem intrat materia

Striata

Striata à Boreali parte veniens. Quibus suppositis, ita Magnetis phænomena explicat.

I. Si Magnes super subere aquæ imposito, vel aliter liber collocetur, ejus Poli semper versus Mundi Polos vertuntur, hoc tamen modo, ut Borealis Magnetis Polus Australem Terræ respiciat, & contrà. Materia namque Striata à Mundi Polis veniens, cui Magnetis meatus liberiores, quam reliqua corpora, transitum præbere possunt, si oblique in Magnetis Polos inciderit, VI, quam habet per se verandi secundum lineam rectam in suo motu, Magnetem eoque impellet, donec illum ad eum situm reduxerit, quo per unum Polum ejus poros ingredi, & rectà per alterum egredi possit. Australis autem Terræ Polus Boreali Magnetis opponitur, & contrà, quia materia Striata, Borealem Magnetis Polum ingrediens, est ea, quæ Borealem Terræ ingreditur, & contrà, ut patet ex dictis.

II. Axes Magnetis, & Acus Magneticæ in Æquatore Terræ sunt Horizonti paralleli; quò magis verò ad alterutrum Polum accedunt, eò alterutra eorum pars Terræ centro inclinabitur: quia lineæ, quas Striatæ particule sub Æquatore prope Terram describunt, sunt Horizonti parallelæ; in regionibus verò circumpolaribus sunt obliquæ.

III. Eodem modo, quo Magnes respectu Terræ collocatur, collocatur etiam respectu vicini Magnetis; ut sc. polus Borealis unus Australi alterius respondeat, & contrà: nam materia Striata Australem unius ingressura eadem est, quæ Australem Alterius ingressa, per Borealem egreditur.

IV. Magnes intra sphaeram activitatis alterius Magnetis constitutus illum trahit, vel ab eodem trahitur. Pro quo supponendum, materiam Striatam celerius per poros Magnetis, quàm per ullos alios fluere, nam secundum suam figuram excavati sunt. Materia igitur hæc è Magnete celeriter egrediens, & in circumstantia corpora impingens, maxima ex parte reflectitur per latera ad posteriora, oppositum Magnetis Polum ingressura. Quare circa quemlibet Magnetem Vortex quidam Striatæ considerandus est, major, vel minor, pro Magnetis mole, non secus ac de ejusdem materiæ circa Terram Vortice dictum. Parvus igitur hic Vortex Sphæra activitatis Magnetis vocatur. Si igitur Magnes in Vortice alterius constituitur, sive in ejus Sphæra activitatis, materia Striata circa Magnetem circumacta, alterum Magnetem offendens, in quo meatus pro suo transitu aptiores invenit, potius hunc subit, quàm versus primum reflectetur: idem dicendum de materia egrediente ex altero Magnete, quæ potius vicinum subit, quàm versus priorem reflectatur: materia igitur hæc circa duos Magnetes ita vertitur, ut circa unum. Quare a materia Striata, ex utroque Magnete celeriter fluente, aër intermedius ad latera facile expellitur; unde Magnetes invicem accedunt.

V. Si Magneti liberè sito alter Magnes ita apponatur, ut Borealis Polus unius Boreali alterius respondeat, & contrà, unus alterum non trahit, sed fugabit. Materia namque Striata ex Polo Boreali unius egrediens, cum non possit subire Polum Borealem alterius, necessariò reflecti debet per latera retrorsum; quod ut contingat, opus est, ut inter utrumque Magnetem spatium aliquod intercedat; quod cum non sit, materia Striata ex Magnete majoris activitatis egrediens, vi & impetu, quo egreditur, in Magnetem minoris activitatis irruens, illum propellit, debitumque sibi spatium procurat.

VI. Magnes Ferro sibi admodum omnem Magneticam virtutem communicat; Ferri enim poris, ut Magnetis pori evadant, id tantum deest, ut exiguae illæ ramulorum extremitates supradictæ in ejus meatibus prominent, & versus unam, eandemque partem, Austri ex-gr. sectantur in his meatibus, per quos
ma-

materia Striata versus Austrum ferri debet; in aliis vero versus oppositum. Hoc autem Ferro præstare potest materia illa Striata, torrentis inflar è Magnete exiens, quæ istas ramulorum extremitates eo modo inflectat, quo deinceps facile ejus porositates pertransire possit; sic Ferrum in Magnetem vertetur. Quod confirmant laminæ quædam ferreæ in modum Crucis in ædificiorum summitate locatæ, & casu secundum lineam meridianam sitæ, quæ longo annorum spatio à materia Striata, secundum lineam meridianam fluente, in Magnetes versæ sunt.

VII. Magnes quandoque varie inclinatur à Polis versus Ortum, vel Occasum, quod ei contingit à variis Ferri, Magnetumque sodinis, ad quas Magnes declinat.

VIII. Si Magnes diu in situ alio respectu lineæ meridianæ, vel alterius Magnetis violenter detineatur virtutem omnem amittit; corruptis scil. eorum poris à particulis Striatis, oblique in ipsos incidentibus. Quod etiam Magneti accidit, si ejus pori humiditate, rubigine, situ, vel violento igne corrumpantur. Notandum tamen, verbum *trahere* vulgari, non philosophica significatione à Cartesio quandoque usurpato pro mutuo accedere. Atque hæc sunt præcipuæ Magnetis proprietates à Cartesio explicatæ, & hic breviter traditæ. Alias Magnetis proprietates ab eo explicatas vide apud ipsum Princ. Phil. part. 4. art. 150. & sequentibus; ubi etiam de vi, quam dicunt, attractionis in Succino, Vitro, cera Hispanica, & similibus, quæ fortiter confricata ad se vicina corpuscula alliciunt, simili fere modo pertractat.

Ignis, ex Cartesio Princ. Phil. part. 4. art. 80. producitur, cum particulae terrestres cujuscumque figuræ, vel magnitudinis, expulsi vi aliqua globulis secundi Elementi ab earum interstitiis, solæ in materia primi Elementi innant, ac singulae seorsim ejus rapidissimum motum, sive potius agitationem sequuntur. Ignis dupliciter excitatur; primò quidem, si particulae terrestres à materia primi Elementi in motum rapiantur, ita ut agitationem ab illa accipiant; sicque Ignis Igne excitatur: secundò verò si particulae terrestres vi aliqua agitatae globulos secundi Elementi expellere valeant; ut cum ope radiorum Solis, lente aliqua vitrea collectorum, Ignis excitatur: quo etiam modo à silicibus percussis producitur.

Ut autem conceptus ignis conservetur, alimento opus habet, particulis scil. terrestribus crassis, solidis, & ad motum aptis, quæ à materia primi Elementi in minutissimas particulas divisæ, & ab ea impulsæ, vim habent repellendi globulos secundi Elementi à loco, ubi Ignis est. Quæ crassæ particulae tenues reddita, in fumi forma dissipantur; unde opus est, ut novæ semper suppedientur, quibus Ignis à globulorum incurso defendatur. Ea tamen corpora ad Ignem conservandum aptiora sunt, quæ poros habent latiores, figuramque partium ramosam, & inæqualem. Cur autem Lucernæ sempiternæ dictæ in Hypogæis ad annos plurimos sine alimento servatæ sint, ratio est, quia in Hypogæis perfecte clausa aer vel nullis, vel minimis ventis commoveatur; quare particulae terrestres à lucerna elevatæ, quia crassæ, & ramosæ, sibi invicem adherentes, exiguum veluti fornitem efformantes, continuum quasi flammæ propugnaculum factæ sunt, ne à globulis secundi Elementi suffocaretur: sicque veluti stella quædam exigua in fornici medio servata est. Cum verò Lucerna hæc ex Hypogæis in apricum deducitur, si quidem in fuliginosi illius fornici compositione oleosa materia tota absumpta fuerit, irruentibus in Lucernam globulis secundi Elementi, & fuliginosum illum fornitem dissipantibus, Lucerna extinguitur; si vero oleosa materia non omnis consumpta sit, tunc tamdiu flamma servabitur, quamdiu durabit oleum.

Ut

Ignis effectus Calor, & Lux. Et Caloris quidem sensum in nobis excitat per violentum suarum partium terrestrium motum, & agitationem partibus nostri corporis communicatam. Lucis vero per propulsione globulorum secundi Elementi, factam à materia primi Elementi. Atque hinc pergit explicare, cur quædam corpora luceant, & non urant; & phosphorus artificialis, & similia quædam contrà urant, & non luceant, ut calx aqua adpersa, &c. Si enim materia primi Elementi tantum vim habeat propellendi globulos secundi Elementi, non autem nimis crassas missi partes agitandi, & secum in celestem motum, rapiendi, Lux tantum producit. Si verò materia primi Elementi tenuiores missi partes inveniat, & ad celerem motum promptiores, unde facile ab ipsa agitentur, vim autem tantam non habeat, quæ globulos etiam secundi Elementi propellere possit, Calor; non Lux excitabitur. Sic etiam ratio redditur, cur quædam corpora sine flamma urantur:

Denique flamma ob suam levitatem sursum tendit, & acuminata est; quia ejus particule terrestres quod plus ascendant, eò magis motum amittunt; unde, aëris compressioni minus resistere valentes, sub sumi forma disperguntur. Aër verò circumjacens à fumo ascendente impulsus circulatione quadam deorsum, recedens, pellit particulas corporis oleosi, quæ flamma alitur, versus superiorem.

Ignis Subterraneus ab exhalationibus suffureis in subterraneis cavitatibus invicem adherentibus, & particulis nitrosis simili junctis oritur. Sylvanus tamen Regis ipsum fieri asserit ex mistura Sulfuris, Ferri, & Aquæ in Terræ cavitatibus facta; non secus ac in Chymia, calis misturæ librarum 30. & incallescere, & in ignem abire observantur: Imò & ipse ignis è Terræ cavernis per montium cacumina erumpens, & Sulfur, & Ferrum continere videtur.

Terræmotus igitur ex hujus materie accensione ob aliquam causam (quæ varia esse potest) factus oritur; si enim unde erumpat, non habet, Terram concutit, & *Quæ data porta ruit*: quod igne per voraginem quandam erumpente, Terræmotus cessat. Franciscus tamen Travaginus in sua Disquisitione Physica de Terræmotu ait, ipsum tunc accidere, cum Terra in suo motu diurno circa proprium axem repente sistitur, ut in navi turrente observari asserit, si in lapidem offenderit; in qua cuncta contenta statim in partem motui oppositam notabunt: similiter in Terræmotu ob Ortum ad Occasum Terræ vibrationes se observasse affirmat. Sic fides penes autorem.

Calor, & Frigus non sunt, ait, qualitates corporibus inhærentes, sed sensationes quædam partibus nostri corporis communicatæ à partibus corporum, quæ Calida, & Frigida vocamus. Calor enim est: *Violenta quadam, & Irregularis agitatio partium corporis, quod Calidum vocamus ex qua agitatione certus quidam motus partibus nervosis imprimitur, qui menti communicatus Caloris ideam illi excitat.* Contrà verò Frigus est sensatio priori contraria, facta à partibus corporis, quæ in quiete sunt, vel motu æquali. Hinc explicatur effectum illud Philosophicum: *Calidi est rarefacere, Frigidi condensare.*

Fontium, Fluminum, & Puterum Origo ex Maris aqua est; quæ in Terræ exteriori, ejus scilicet quam incolimus, meatibus à salinis particulis expargatur; unde eorum aqua dulcis est. Quod si fontes, & putei quidam, præcipue Mari proximi, salis observentur, id ex eo contingit, quod eorum aqua non bene à salibus depurata est; quia per Terræ poros latiores fortasse transiit. Fontes verò Calidi, Frigidi, Ferrei, Aluminosi, &c. subterraneis locis, & mineris, per quas transeunt, novas has proprietates debent. Aquæ adscensus ad camporum plantarum, & montium juga, à Solis calore, & igne subterraneo, procedit.

Meteoræ non omnia hic tradenda duxi, sed ea tantum, de quibus aliquid novum,

noyæ, vel peculiare Cartesius, ejusque sectatores excogitarunt, his relictis, quæ cum aliis Philosophis sunt communia. Et primò *Ventorum* naturam ut explicet Renatus, utitur exemplo *Æolipyliæ*, quæ est globusquidam cavus plerumque æreus, exiguum foramen in una tantum parte habens. Si vas istud parum aquæ continens, cætera verò vacuum, ignis superponatur, eodem ignis aq. particulas agit, & in vapores convertat; cumque hi majus spatium occupare conentur, eorum particule alia aliis impellunt, & verberant, trahunt omnium ferme vaporibus collectis, vapores forasmini proximiores magno impetu extrudant, qui ventum impetuosum producant. Pari modo vapores, Solis calore, vel alia vi elevati, & per aërem dispersi, si à montibus, nubibus superimpositis, aëre à ventis oppositis impulsi, vel alia causa in angulum redacti, impediuntur, ne undique se dilarent,

Qua data porta ruunt, & Terram turbine perfiant,
& quidem versus eam partem, ubi vapores alii condensati, & minus spatium occupantes, ipsis cedunt. Quibus de Ventorum generatione suppositis, ratio redditur, cur mane Orientales, vespere Occidentales venti spirant. Cur in maris litore degentibus ventus interdum è mari, noctu verò è Terra spirare observetur. Cur venti è Terra venientes æstate quidem calidi sint, hyeme verò frigidi; contra verò qui è mari, &c. Quomodo etiam Renatus ventum continentium ab Oriente venientem sub Zona Torrida conspicuum explicet, vide apud ipsum. Venti denique siccisunt, vel humidi, salubres, vel nocui, quandoque etiam pestiferi, tum ratione locorum, unde oriuntur, tum etiam ratione corpusculorum, quæ secum deferunt.

Si vapores ex frigore superioris aëris, vel vi ventorum, inter se compressi, & condensati, in aquæ guttulas coeant, siquidem prope Terram condensentur, *Nebulae*; si longe & superius, *Nubes* producant. Cùm verò ob intensissimum aëris frigus vapores à materia subtili cum ipsis misti nequeant, & sibi invicem adherent, tunc in exiguos *Glacies* floccos vertuntur.

Si Nubes ita fortiter à ventis coarctentur, & densentur, ut earum partes sibi invicem adherentes, ponderosiores reddantur, ut inferioris aëris resistentiam superare valeant, tunc in Terram decident; vel *Nivis*, vel *Pluviae*, vel *Grandinis* formam præferentes. Sub Nivis quidem forma, si Nobis partes simul junctæ, à vehementi frigore obtriguerint, & sic rigidae descendant. Sub Pluviae verò specie, si aëris, per quem transeunt, calore penitus liquefiant. Si tamen jam liquefactæ decedentes frigidum ventum prope Terram offenderint, prius coactæ Grandinem constituent.

Tempestates cum sola pluvia, & vento fortiori, quales in mari frequentiores ob majorem vaporum copiam accidunt; & quas etiam hirundines humiliter volitantes, & mæssæ à vento ab alto descendente deorsum propulsas, captantes prædicere solent, à nube, vel nubibus ab alto simul descendentibus, subiectumque aërem impetu propellentibus, & vehementissimum ventum, modicum tamen tempus durantem, generantibus ortum habent. Has Oceano, præcipue prope Promontorium Bonæ Spei, formidabiliores nostri nautæ vulgò *Travadas* vocant; easque prædicunt visa exigua nube, quam à simili forma *Oculum bovis* appellant: quæ quidem nubes quò minor initio apparuerit, eò majorem *Tempestatem* portendit: signum enim est, eam ex alto descendere, unde majorem impetum acquirat.

Ignes Sancti Helmi à nautis dicti, sunt exhalationes à vaporibus separatae, & simul coactæ vi ventorum, quæ postquam hæc illac fluctuaverint, à visibus, vel malis adherentes, à *Tempestatis* agitatione accenduntur. Si ignis unus est, quem *Halsnans* vocant, malum portendit; significat enim, *Tempestatem*.

statem adhuc fortem iostare; non exhausta scilicet ejus materia. Si duo appareant, quos *Cassidem*, & *Pellucem* dicunt, hi exhaustam Tempestatis materiam, ac serenitatem mox futuram pronunciant. Si denique tres, vel plures appareant, malum; abundantem enim Tempestatis materiam denotant.

Tempestates Fulgure, Fulmine, & Turbine scilicet, sic pignori Cartesius opinatur. Cum plures nubes Tabulatorum instar una aliis superstratae sint, ut invicem discent; si aer calidus prius superiorem nubem, quam inferiorem, liquaverit, & ponderosior reddiderit, tunc superior hac inferiorem itruens, cum fragore, impetu, & sonitu decidet, & Tonitru producit: eodem modo, quo olim in Alpibus circamensem Majum se vidisse, Cartesius ait, nives liquescentes, & in valles praecipitantes; fragorem, Tonitru non ab similem, produxisse. Unde etiam liquet, cur hyeme rariis, aestate frequentius tonet; hyeme enim sufficiens calor non est, qui nubibus dissolvendis ad superiora usque pertingat.

Quod si contingat, ut nube superiori in inferiorem cadente, tanta in aere intermedio exhalationum copia sit, quae valeant cohaerere, & collectae ob vim, & impetum cadentis nubis ignem concipere, tunc illae accensae, & per nubes latera excurrentes; *Fulgur* efficiunt; quod potest etiam sine tonitru superveniente contingere vel ob nubium distantiam, vel quia nubes superior exilis existens, notabilem fragorem producere non valet. Contra vero si exhalationes in eo nubium spatio intermedio non sit, vel ob aliquam causam accendi nequeant, tunc tonitru sine coruscatione exauditur. Quod si nubes superior magna existens, & per partes se moro consequentes decingat, & intermediae exhalationes accendantur, tunc & *Fulgur*, & Tonitru producantur.

Si autem nubes superior tota simul velociter decingat, tunc *Turbines* etiam generantur. Cum enim extremae partes nubis celeriter descendant, quam intermediae, quia aer extremis subiectus, minus itineris ad inde egrediendum, perficiens, decedentibus extremitatibus facilius cedit, quam aer partibus intermediis subiectus; fit, ut multo aëris inter utramque nubem inclusio, & a cadente nube compressio, hic magna vi, vel subiectam nubem, vel latera disrumpens, cum impetu egrediatur, magnaque violentia in Terram itruens, ex ea iterum ascendat, se celeriter circumagendo, & sic Turbinem, mare ex imo avertentem, & in columnam attollentem, turres evertentem, arbores annosas etiam evellentem, producit: qui sine fulgure, & fulmine esse potest, si exhalationes, quae accendantur, ibi non fuerint.

Atqui si in aere utramque nubem interjacente exhalationes multae sint, haec vi tempestatis accensae, & eodem impetu in Terram cum turbine rudentes, *Fulmen* producant; quod proratione partium componentium vel tenuiorum, vel crassiorum contrarios effectus gignere solet. Lapis tamen ille durissimus similis illi Pyritae generati potest à crassioribus exhalationibus, in subtiliorum accensione simul conerescens, & in lapidem obdurescentibus: non secus ac terra in vase aqua pluvia pleno subsidens in lapidem concrevit, additis ei nitro, & sulfure, & simul accensis.

Stellae Cadentes, Excurrentes, & Transcipientes dictae, & in aere sine tempestate ad modicum apparentes, generantur ab exhalationibus tenuioribus, à ventis, vel simili causa accensis, & ob eorum tenuitatem statim extinctis. Qui vero diutius durare solent *Ignes Fatui*, & *Lambentes* dicti, à crassioribus exhalationibus producantur.

Iridis, quae in aere, aquis averso Sole cadentibus, observatur, à varia luminis reflexione, & refractione, in aqueis illis guttis labentibus facta, procedit. Quam suam de Iride sententiam confirmat exemplo Iridis, per pilam

vitream rotundam, pellucidam, aqua repletam, & Soli in adversa parte ad talem altitudinem objectam, productæ: nec non illius, quæ in aqua à fontium fistulis, vel oris aspergine, averso Sole, emissæ generatur; atque ejus, quæ sit à Prismate vitreo triangulari, per cujus foramen radii luminis egredientes in objectæ charta, vel albo linteo Iridis colores depingunt. Iridis igitur causam accuratius examinans, asserit, Iridem primariam quidem à radiis his refractis, semel verò reflexis; secundariam verò à radiis his reflexis, bisque refractis representari: ideoque hujus colores coloribus primariæ debiliores, & minus conspicuos esse.

Ex dictis educit primò, unumquemque hominem suam Iridem videre; radii enim luminis non iidem, sed diverſi ad diverſorum oculos pertingunt. Secundò, eò majorem Iridis arcum videri, quò Sol Horizonti proximior erit. Tertiò, non esse à ratione alienum, quod multi affirmant, integram scilicet quandoque Iridem visam fuisse; quod contingere potuit, si spectatore supra altum montem, Sole verò in Horizonte constituto, linea ex centro Solis ad oculum spectantem traducta, altissime supra Horizontem eleveretur. Quartò Iridem, quandoque inverſam apparere posse: si integra cum sit, superiorem ejus pars nube aliqua obteperatur: sive, ut Renatus mavult, si radii in maris, vel lacus superficiem incidentes, reflectantur in decedentes aquæ guttas, ex quibus reflexi, & refracti ad oculum perveniant. Quintò, Iridem, quæ in aquæ pluvie guttis efformatur, eandem & in pratis, roris guttis madentibus, signi posse, hisce idem, ac illæ, efficientibus.

Alivæ Græcæ; Latine Aræ, sunt Coronæ illæ splendentes, quæ sereno Cælo circa fidera apparent. Hæ sidus aliquod pro centro habentes, modò parvæ, quarum scilicet diameter quatuor, vel quinque graduum sit; modò magnæ, quarum scilicet diameter ad 45. gradus extendatur, videntur, ac modò etiam rubræ, modò albæ, dilutive coloris observantur. Eandem autem naturam, ut de Iride dictum, in varia luminis refractione ponit. Radii enim Solis, Lunæ, alteriusve sideris in particulas glaciæ in modum stellarum efformatas impingentes, in his particulis, quæ crassiores in medio sunt, quàm in partibus extremis, refracti, & sub eodem angulo ad oculum delati, Coronas illas diversimode coloratas circa fidera producunt. Coronæ verò illæ, quæ à lippientibus, vel oculis diu compressis habentibus videntur, nulli corpori externo, sed ipsi oculis radios luminis varie detorquentibus, & refrangentibus, tribuuntur. Pari modo radii illi bini, quorum alter superiori, alter inferiori parti candelæ adhærere videtur, à duplici radiorum candelæ reflexione producuntur: superior enim candelæ radius qui videtur, ab inferioribus candelæ radiis representatur, & contra; sicut ipsa manu aliquam candelæ partem obtegente experimur.

Imagines illæ in nubibus efformatæ, quæ si plures Soles representent *Pluvium*, *Porbella* à Græcis dicuntur; si verò plures Lunas *Superiores*, *Paraselenæ*; à nubibus, ventorum vi undique compressis, & rotundatis ortum habent. Si enim alicujus hujusmodi nubis exterior superficies calidiori vento, vel Solis radiis liquefacta, frigore venti ex opposita parte venientis iterum condensata, crustam quandam, sive apulum glaciæ, interioriorem nivem circumdantem efficiat; tunc Solis radii in hanc poliram, ac veluti crystallinam glaciæ superficiem incidentes, varietate versus nivem contentam reflexi, & refracti, duas, aut plures Solis, aut Lunæ imagines sub eodem circulo representabunt. A qua sententia non multum distare videtur Ammianus Marcellinus, qui lib. 20. Rer. Gest. de Parheliis ita scribit: *Sol autem geminus ipse videri existimatur, si erecta solito celsus Nubes, æternorumque ignium propinquitate collucens,*

orbis

orbis altentius claritudinem, tanquam è speculo puriore formaverit. Denique Meteoron illud celebre Romæ visum die 2. Martii 1629. doas scil. Halonæ, alioque Soles circa Solem visos: hujus Meteoris relationem, iconem, & explanationem, Vide apud Cartesium cap. ult. Meteoron.

Plantæ; & Bruta improprie *Animata* dici, ait: unamque esse Animam Rationalem hominibus tantum tributam. Quod autem Plantæ nasci, crescere, & vivere quodammodo, ac mori videantur, id externæ profusæ causæ tribuendum. Et quidem Plantæ exortus à varia succorum Terræ, & ejusque Plantæ seminis fermentatione, sive à Solis calore succos agitante, sive ab aquis pluvialibus salia Terræ dissolventibus, sive denique à succis diversæ naturæ invicem concurrentibus, citra Terræ superficiem producta, dependet. Terræ enim succus semen sibi commissum circumdans, vi exterioris fermentationis propulsus, poros unicarum seminis, crassæ quidem tunicæ latiores, tenuis verò, & tenuissimæ strictiores, ingreditur, per quos continua percolatione depuratus, seminis lobos subit, quorum succo peculiari permixtus, novam patitur fermentationem. Quæ fermentatione subtilior, & purior redditus, radicis seminalis ramulos subit, per quos varie dispescitur. Hic succus ob continuam alterius venientis succi pulsione sursum ad seminis plumam, deorsumque ad radiculam fertur; magis autem ad radiculam, quæ ideo crevit priusquam pluma sensibilibiter supra Terram attollatur. Hoc igitur pacto adaucta radícula uberiores succum à Terra per proprios poros recipit, qui contrariam motus determinationem habens, cogit succum è lobis venientem secum ad plumam ascendere; sicque pluma, & lobi his succis adaucti assurgunt, radícula (sub Terra relicta).

Succus hic nutritius Plantarum non pura aqua est, sed aqua sale nitroso permixta. Qui succus licet homogeneus diversos in Plantis odores, & sapores producat pro diversitate pororum plantarum, quibus configurari debet. Atque hinc est, quod succulus sativus agrestis trunco insitus dulces fructus pignat; succus enim nutritius ex agresti trunco veniens, & succuli poros subiens, parvum figuram, & sic indolem mutare cogitur.

Succus autem hic nutritius radicibus communicatus per Plantæ fibras sursum ad truncum, ramos, frondes, &c. ascendit pro eorum nutritione, & actione; quod autem residuum à nutritione est, per alias fibras ad radices iterum descendit, ut novam ibi perfectionem acquirat, & sic iterum præparatum ascendat: itaque continua quadam *Circulatione* (non secus ac sanguis in corporibus animalium per arterias è corde fluit, ac per venas iterum ad cor refluit, ut perfectior ibi redditus ad corporis membra iterum redeat) ascendat per fibras illas, quæ arteriarum loco stare videntur; per alias verò descendat, quæ venarum officio funguntur. Quæ omnes Plantarum fibræ non immerito *Vasa Circulatoria* appellantur. Pars verò illa in qua radices cum trunco in Terræ superficie junguntur, Plantarum Cor dicti posset. Quibus positis, omnium de Plantis Phænomenon ratio redditur. Causa verò succum hunc è terra attollens, eadem plane est, ac quæ vapores sublevat; Solis scil. calor, ipsius partes agitans; ad id quoque concurrentibus fermentationibus in Terræ superficie continuis, potissimum verò post pluviam.

Plantarum *Propagatio* omnis fit per semen ejusdem generis, vel radicum, virgarumque transplantationem, quæ pro semine sunt, & sine semine nullam dari potest Plantarum productio: quod probatur ex Genes. 1. Omnia igitur Plantarum genera, quæ nunc sunt, initio Mundi fuere, ac talia à Deo creata fuisse existimatur.

Animalia omnia tum Ovipara, tum Vivipara ex ovo semine, mala se-

mine fecundato, nascuntur. Neque alia est Ovipara inter, & Vivipara differentia, quàm modus excubandi ova; Ovipara enim ova extra se excubant; Vivipara verò propria ova intra uterum excludunt, ac deinde viros foetus pariunt. Ex quo nulla datur *Generatio ex patri*, ut putarunt veteres, asserentes, Insectorum, quæ Animalia imperfecta vocabant, generationem sine ullo semine ex sola putredine fieri posse. Enimvero putredo nonnisi aptum locum, ac veluti nidum ad Insectorum ova excludenda ob suum calorem, & fermentationem idoneum præstat. Qua de re optime, quàm cæteri, scripsit eruditissimus Franciscus Redi. Nec rationi consonum putatur, quod ait Henricus Regius, posse quidem animalia ex fortuito partium terrestrium concursu sine semine generari.

Bruta Animalia nullam præ se Animam habere, sed esse mera Automata, sive Machinæ quasdam à Deo ita assidue constructas, ut sine ullo Animæ regimine, sed sola organorum, ac partium similium connexionione, & correspondentiâ, omnes animales motus, & operationes, etsi miras, ex mechanica tantum efficiant necessitate, affirmat, multisque probare nititur argumentis Cartesianis, & post ipsum Cartesiani. Quorum præcipuum est: Hæc *Animæ Sensitiva*, quam Brutis tribuunt, vel Spiritus est, vel Corpus. Si Spiritus, eum hujus essentia in cogitatione consistat, dicendum esset, animalia cogitare, quod absurdum est. Si Corpus, vel Anima Corporea, dummodo nomine, Animæ Corporeæ intelligantur spiritus animales, qui omnium motuum, & actionum causa proxima sunt, in id etiam Machinistæ consentiunt; tantum enim negant, hos spiritus à substantiâ ab ipsis distinctâ gubernari. Si enim substantia hæc à Brutorum corpore distincta admitteretur, etiam post mortem Brutorum corpora subsisteret, eum substantiæ proprium sit, ut independentem ab aliis existat; ac proinde æterna erit; quod rationi æque ac Religioni repugnat: Vanum etiam, inquit, est effugium, quod fit Substantiæ incompleta; nam neque relate ad se, neque relate ad totum dici posset Incompleta, ut patet.

Brutis hanc Animam tribuendi, ajunt Machinistæ, nulla necessitas est, eum omnes Brutorum functiones per solas Mechanicæ leges fieri posse, facile explicetur: Omnes enim sive motus, sive sensationes à solis spiritibus animalibus, varie ab objectis externis effectis, & in has, vel illas corporis partes influentibus oriuntur. Ut autem spiritus animales, qui Physica, sive, ut alii dicunt, Materialis motuum, & sensationum causa sunt, ad hos potius, quàm illos musculos ad motum edendum influant, non debent necessariò ab Animæ voluntate determinari, ut præter alios putat Sylvanus. Regis Phys. lib. 7. part. 2. c. 11. sed sufficit, si ab objectis externis determinentur. Quæ causæ externæ quatuor esse possunt, Locus in quo est objectum; Qualitas suæ actionis; Dispositio fibrarum cerebri; & Diversa externorum membrorum aptitudo. Pari etiam modo Brutorum Passiones, Memoriam, Indolem, Docilitatem, &c. explicant per varium spirituum, & sanguinis motum, prout scilicet varie ab objectis externis determinentur, & moveantur.

Hac autem in re apud antiquos, & recentiores Philosophos tam contraversâ non abs re mihi videtur referre hic, quod habet aïas laudatus P. Malebranche de Inquir. Verit. loc. cit. qui, postquam suos probavit rationibus supra adductis, nullum corpus posse aut seipsum, aut aliud movere; neque spiritum creatum esse causam motus, sed solum Deum esse primam, & veram causam omnium motuum, reliquas verò tantum Naturales, sive Occasionales; asserit, Deum ad occasionem, sive determinationem voluntatis in corpore, cui Rationalis Anima præest, motus Voluntarios efficere; Invo-

lunta-

Inutarios verò, sive necessarios, secundùm Mechanicæ leges, quas semel sibi proposuit, producere ad occasionem alterius corporis. Sic pariter occasione hujus, vel illius corporis, quod canis, exempli causa spiritus in cerebro per nervos ita afficit, Deus spiritibus animalibus ad hæc, vel illa corporis membra movenda motum communicat. Deus igitur, qui omnia intime penetrat, cunctis motum tribuit per solam suam voluntatem, occasione quidem voluntatis humanæ in motibus Voluntariis; alterius verò corporis, & secundum Mechanicæ leges, in motibus Involuntariis, qui hominibus cum Brutis communes sunt, & omnes æque Necessarii. Neque verò hinc Deus esset causa peccati, sicut & autor motus Voluntarii; peccatum enim non in actu Physico, sed in voluntatis determinatione consistit. Secundum quam sententiam deinde explicatur, quomodo Bruta tot mala efficiant, quibus Homines etiam sapientia superare videntur: Sapientia enim Creatoris est, non Brutorum.

Hæc tamen sententia, omnem prorsus Animam Brutis denegans, longe ante Cartesium propugnata fuit à celeberrimo sui ævi Philosopho Gomitio. Pereira, Medico Methinæ Duelli, qui añ. 1554. librum, nostro ævo rarissimum, edidit, cui ex Patris, & Matris nomine titulum fecit *Antoniana Margarita*; in quo omnem Brutis sensum, & Animam ut adimeret, variis argumentis usus est; quorum hoc unum: Si Bruta ut homines sentirent, jam ut homines etiam externa cognoscere, & mentaliter conspicerent. Si autem mentaliter res tales cognoscere, quales in se sunt, jam inter eas distinguerent. Sed hoc fieri nequit sine Rationis opere præcipuo. Ratio enim ex August. lib. 2. de Ordine, est vis animi distinguendi, & connectendi potens. Ergo Bruta dicenda essent Rationalia; quod est absurdum, &c. Inter alia denique argumenta, quibus variis auctores Brutorum Animam reprobare contendunt, illud etiam est Divi Augusti: qui ait, Bruta nec voluptatem, nec dolorem, nec aliam ullam sensationem habere posse. Si enim, inquit, Bruta dolorem sentirent, Deus injustus videretur, dolor enim in poenam peccati est. Sed Bruta nullum peccatum nec Originale, nec Actuale habent, nec re promissionem expectant. Ergo dolorem injuste sentire non debent. Videatur, præter eit. Auctores, doctissimus P. Malebranche in Apologia contra Mr. de la Ville; Antonius le Grand in Traité de Carentia Sensus, & Cognitionis in Brutis; Anonymus Gallus in Traité de l'Ame dell'Homme; atque alii de Anima Brutorum tractantes, inter quos P. Pardies Jesuita, qui animam Brutis satagit vindicare.

Sed à Brutis ad *Hominem*, qui Cartesianæ Philosophiæ Epitomen claudat, transeamus. Animæ Sedes principalis est *Glandula* illa, quæ in cerebri mediotate, à Græcis *κωκκίον*, Latinis *Pinealis* à figura vocatur. Idque ex eo potissimum deducit Renatus, quia una in corpore est, & in eam nervi omnes, sensuum, & motuum organa terminantur. In hac autem Glandula Pineali Anima immediate ita suas functiones exercet, ut per variam Glandulæ Inclinationem varie spiritus animales, veluti tot radios per corpus diffundat, corpusque moveat, & afficiat; contra verò spiritus ab variis causis varie moti, & affecti, varie Glandulam inclinent, & Animam afficiant. Neque obstat, quod multi cum Bartholins opponunt, quod Glandula hæc sit exilis; quod excrementis, & Capillis repleta, aut in lapidem mutata reperta quandoque sit. Quibus Cartesiani apprimè respondent.

Prætermisissis his, quæ de Cerebri, ejusque Ventriculorum, Nervorum, & Spirituum Animalium natura docet Cartesius (quæ ex Medicis libris melius peti possent) quid sit *Memoria* ex ejus doctrina adnotabo. Ait igitur, filamenta, quæ cerebri substantiam componunt, non levia, & teretia esse, sed parvos ramulos, seu pilos hac illac eminentes habere; itaut si nullus foret

spi-

spirituum animalium per cerebrum cursus, considerari posset cerebrum tanquam densa sylva, herbis, fruticibus, & arboribus repletiſſima; per quam nemo unquam transiit. Si per hanc Sylvam viator, fera, aut torrens transiens viam vi sibi fecerit, plantarum ramusculis versus unam partem inclinatis, hujus viæ vestigium remanebit, donec per eam contrario motu quispian transierit, vel longa transitus intermissione fuerit oblitterata. Eodem plane modo per influxum spirituum animalium per hos, vel illos cerebri meatus, fibrillarum, seu filamentorum ramusculi, sive pilli versus contrariam partem inclinantur: ejus viæ vestigia tandiu remanebunt, quandiu à contrario spirituum incurſu libera erunt. In hoc igitur Memoria reponitur, ut spiritus animales facile per easdem cerebri vias transire possint, quas sibi vi prius excavarunt. Hæc autem vestigia oblitterantur, si per longum temporis spatium easdem vias non percurserint, vel contrario per eos motu ferantur; sic enim ramusculis, seu pillis in contrariam partem inclinatis, vel invicem implicatis, Memoria perditur.

*Motus, & Sensus omnes à nervis, & spiritibus animalibus per nervos toti corpori communicatis, fieri, ait. Causæ verò, Glandulam ad has, vel illas nervorum fibrillas inclinantes, præter Animæ voluntatem, plures aliæ sunt, ut objectorum exterrorum in sensuum organa actio, atque ex omnes tum Internæ, tum externæ, quæ spirituum motum varie determinare possunt. Sensus igitur est facultas Animæ percipiendi objecta externa, quæ suo contactu immediate corporis organa afficiunt sive hæc objectorum actio per spiritus animales in nervorum fibris contentos, sive per filamenta nervea in nervorum tubulis posita; à sensuum organo ad cerebrum usque communicetur. In Anima itaque secundum leges unionis cum corpore ex vario modo, quo filamenta hæc nervosa, sive spiritus animales, Glandulam afficiant, varia sensationis idea excitabitur. Species verò, sive Qualitates Sensibiles dictæ non corporibus inhaerent, sed Animæ. Si filamenta hæc nervea in debito, & naturali tono non sint, sed relaxentur, tunc motus ille ab objectis sensuum organo impressus, ob fibrarum flacciditatem cerebro non communicatur, & sic Somnus inducitur. Contrà verò si eisdem filamentis in debitum, ac naturalem tonum redeuntibus, ac motibus usque ad cerebrum transmissis, animal dicitur *evigilare*.*

Tactus Sensuum omnium universalissimus est: unde ad hunc solum omnes Sensus, quos Externos vocant, reduci posse, multi contenderunt. Et quidem, àër à corpore sonoro percussus, aurium organa tangens, Auditum producit: halitus à corpore odore emanantes, narium nervos tangentes, Odoratum efficiunt; & ita de reliquis. Tactus organa sunt fibræ nerveæ à cerebro ad universum corpus diffuse, quæ in cuti terminantes, in ipsa papillulas quasdam pyramidales efformant, quæ motus sibi ab objectis impressos, per filamenta in tubulis nerveis inclusa ad Glandulam usque transmittunt, qui motus, secundum legem unionis Animæ cum corpore, varias qualitarum tangibilium, ideas in mente excitabunt. Si enim nervosa hæc filamenta ab objectis leniter afficiantur, salvaque corporis constitutio remaneat, voluptatis sensatio fiet; contra verò doloris. Sic etiam levia esse corpora mens judicat, si ex eorum tactu plura filamenta æqualiter trahantur; aspera verò si inæqualiter. Par de reliquis ratio habenda.

Gustus organum immediatum lingua est, ac præcipue ejus papillæ nerveæ per universam linguæ superficiem disseminatæ; quæ vel nudis oculis observantur in lingua felis, è qua vesuti tor cornua assurgentes, eam asperam reddunt. Varii autem sapes à vario motu papillulis istis impresso à salibus varia figura præditus, dependent; nec non à varia organarum dispositione, & textura.

Odoratus fit per extrema filamenta nervorum olfactoriorum, quæ lamellas quasdam offeas in fundonarium sitas vestiunt; ut communis opinio est: quamvis non desint, qui Odoratum in processibus mammillaribus, intra os Gribiforme sitis constituant. Halitus igitur à corporibus, quæ odora vocamus, exhalantes, & nervos olfactorios cum impetu in aëris respiratione ferientes, odorum sensationes in Anima excitabunt. Quare pro varietate motuum dictis nervis impressorum, & varia organorum dispositione, variaz odorum sensationes habentur. Notandum, particulas odoras subtiliores esse particulis foetidis: hinc corpus odorum eas eminus, foetidum cominus emittit.

Nervi ad internas aurium partes, Labyrinthum scilicet & Cochleam è cerebro protensi, si ab aëris tremulo motu, sive undatim facto, à corporibus sonoris dictis producto, feriantur; hi motum illum usque ad Animæ sedem communicantes, *Auditum* producent, varias soni ideas in ea excitando. Tremulus hic motus similis ei est, qui in chordis altera tantum extremitate pulsatis observatur. Contrà tamen alii putant, motum aëris, per quem sonus communicatur, non tremulum, & undatim fieri, sed propagari per lineas rectas, ductas à puncto ictus quaque versum sphaericæ secundum omnes dimensiones; hoc est, primis aëris particulis secundas, secundis tertias, sibi contiguas, & sic deinceps per lineas rectas impellentibus.

Lumen est motus quidam, seu potius conatus, pressio, vel prima præparatio ad motum: qui conatus materiæ cœlesti circumjacenti à corpore luminoso impressus, & quaque versum diffusus, ad intimam oculorum membranam, Retinam dictam, ab extremitatibus nervorum opticoz contextam, perveniens, sensationem, quam Luminis appellamus, in mente excitat. Semper igitur ac materia primi Elementi simul unita vim habet materiam cœlestem circumfitam propellendi, luminis sensum producet; ut in Sole, aiiisque luminosis corporibus observatur. Per quam propensionem ad motum, facile explicari ait Renatus, cur Lumen ad maximam etiam distantiam momento temporis perveniat; propter perfectam enim globulorum contiguitatem pressio hæc remotissimis etiam corporibus illico communicatur: quod exemplo cæci viam tentantis ipse confirmat. Sic etiam radii Luminis, qui per Cartesium sunt lineæ rectæ, per quas hæc Luminis actio tendit, licet infiniti ferme à corpore luminoso procedant, & sese intersecant, & tamen alter alterius actionem non impediatur. Cur Luminis actio ab aëre, & ventis non impediatur; & his similia.

Colores non esse, ait, qualitates corporibus inhærentes, sed varias Luminis modificationes. Lumen enim à varia objectorum superficie secundum variam reflexionem, & refractionem modificatur; sicque modificatum ad oculos perveniens, variorum colorum ideas producit. Non secus ac, Cartesius ait, cæcus baculo res obvias explorans, ex varia resistentia, quam in obviis corporibus deprehendit, aquam à lapide, lapidem à pulvere, &c. distinguit; ita ex varia radiorum à corporibus ad oculos venientium modificatione, sive resistentia, quam in corpora impingentes habuere, reflexione, & refractione, colorum varietas deprehenditur. Existimat etiam, Colorum varietatem à varia proportionem conatus circa proprium centrum cum proportionem conatus secundum lineas rectas pendere. Globuli enim non solum secundum lineas rectas à corpore luminoso productas, sed etiam circa proprium centrum ex varia corporum occurrentium resistentia, moveri conantur. Si igitur radii in corporis alicujus superficie incidentes quaque versum diffundantur, ut vel omnes ad oculos perveniant, tunc *Album Colorem* in ipsa repræsentantur; contra tamen si corporis superficies ea sit, quæ Luminis radios veluti absorptos suffocet; tunc qui pauci re-

revertuntur, illam *Nigri Coloris* indicabunt. Itaque prout Luminis radii pauciores, vel plures ad oculum à corporibus pervenient, & prout varius uterque globulorum conatus erit; vel sub vario reflexionis, & refractionis angulo (ut de Iride dictum) radii revertuntur; obscuriores, vel clariores Colores observantur.

Viso autem (suppositis iis, quæ Cartesius cum aliis Mathematicis in Dioptrica habent; & quæ de oculorum structura Anatomici docent) ita perficitur. Radii luminis ab objectis ad oculos venientes, triplicem in his patiuntur refractionem, unam in ingressu humoris Aquei, secundam in ingressu Crystallini, tertiam in egressu ab eodem: deinde sic refracti iterum ununtur in fundo oculi, hoc est in Retina, in qua parvam quandam imaginem depingunt, similem objecto, unde radii venerunt, sed inversam. Quod clarum sit experimento domus perfecte obscuræ, sed unum tantum foramen habentis, per quod radii ingredientes in appolita ad debitam distantiam charta, ea, qua foris sunt depingunt, sed inversa: quod etiam in oculo bovis observatum est. Visus autem, sensatio non in hujus imaginis pictura consistit, sed in vario motu, quem radii filamentorum opticorum extremitatibus, ex quibus Retina contexta est, impræmunt. Ad visionem itaque efformandam & luminis radii, & recta organorum dispositio requiruntur. Etsi autem duæ imagines in Retina pinguntur, unum tamen objectum Animæ repræsentatur, quia in analogis oculorum locis pictæ sunt; unde fit, ut in eandem cerebri partem concurrentes, eodem modo Glandulam afficiant; ac si ab uno objecto afficeretur; non secus ac una res duplici manu tacta, una per duplicem manum Animæ repræsentatur; & chordæ unisonæ unum sonum edunt. His de Cartesiana Physica adnotatis, ad Ethicam veniamus.

ETHICA.

Quamvis Cartesius perfectum, absolutumque de Ethica Tractatum non confecerit; hujus tamen tam necessariæ Philosophiæ partis veluti Principia, certasque Regulas tum in sua Methodo, tum in Tractatu de Passionibus Animæ reliquisse videtur. Et quidem in Meth. art. 3. has Regulas ad honeste, beateque vivendum sibi suffecisse, aliisque etiam suffecturas, affirmat: inquit: *Atque ut ab illo tempore vivere inciperem quàm felicissime fieri posset, Ethicam quandam mihi effinxit, quæ tribus tantum, aut quatuor Regulis continebatur; quas hic non pigebit adscribere.*

Prima erat, ut legibus, atque institutis patriæ obtemperarem, firmiterque illam Religionem retinerem, quam optimam judicabam, & in qua Dei beneficio fueram ab incunte aetate institutus; atque non in cæteris omnibus gubernarem juxta opiniones quummaxime moderatas, atque ab omni extremitate remotas, quæ communi usu receptæ essent apud prudentissimos eorum, cum quibus mihi esset vivendum, &c.

Alteræ regula erat, ut quummaximè semper proposui constans, & tenax essem: nec minus dubitanter, atque incunctanter in iis peragendis perseverarem, quæ ob rationes valde dubias, vel forte nullas susceperam, quàm in iis, de quibus plane eram certus. Ut in hoc viatorum consilium imitarer, qui si forte in media aliqua syloa aberraverint, nec ullum iter ab aliis tritum, nec etiam versus quam pariem eundum sit, agnoscant; non ideo vagi, & incerti modò versus unam, modò versus alteram tendere debent, & multo minus uno in loco consistere, sed semper rectâ, quantum possunt, versus unam, & eandem partem progredi; nec ab ea postea propius levis rationes deflectere, quamvis forte

forte initio plane nullas habuerint, propter quas illam potius, quam aliam quamlibet eligerent. Atque hoc sufficiens fuit ad me liberandum omnibus istis anxietatibus, & conscientiae moribus, quibus infirmiores Animæ torqueri solent: quia multa sæpe uno tempore ut bona amplectuntur, quæ postmodum, vacillante iudicio mala esse sibi persuadent.

Tertiareregula erat, ut semper meipsum potius, quam Fortunam vincere studerem, & cupiditates potius, quam ordinem Mundi mutare. Atque in universum ut mihi firmiter persuaderem, nihil extra proprias cogitationes absolute esse in nostra potestate; adeo ut quidquid non evenit, postquam omne, quod in nobis erat, egimus, ut eveniret, inter ea, quæ fieri plane non possunt, & Philosophi vocabulo impossibilia appellantur, sit à nobis numerandum. Quod solum sufficere mihi videbatur ad impediendum, ne quid in posterum optarem, quiddam adipiscerer, atque ad me hoc pacto satis felicem reddendum. Nam cum ea sit voluntatis nostræ natura, ut erga nullam rem unquam feratur, nisi quam illi nostri intellectus ut aliquo modo possibilem representat; si bona omnia, quæ extra nos posita sunt, tamquam æqualiter nobis impossibilia consideremus, non magis dolebimus, quod ea forte nobis desint, quæ natalibus nostris deberi videntur, quam quod Sinarum, aut Mexicanorum Reges non finis. Et verum necessitati voluntatem nostram accuratissime accommodantes, ut jam non tristamur, quod nostra corpora non sint tam parum corruptioni obnoxia, quam est adamus, vel quod alis ad volandum instar avium non finis instructi; ita neque sanitatis desiderio torquebimur, si ærotamus, nec libertatis, si carere detineamur. Sed fateor, longissima exercitatione, & meditatione sæpiissime iterata opus esse, ut animum nostrum ad res omnes ita spectandas assuefacere possimus. Atque in hoc uno, mihi persuadeo, repositam fuisse omnem artem illorum Philosophorum, qui olim fortune imperio se eximebant, & inter ipsos corporis cruciatus, & paupertatis incommoda de felicitate cum suis Diis contendebant. Nam cum asidue terminos potestatis sibi à Natura concessæ contemplarentur, tam plane sibi persuadebant, nullam rem extra se positam, sive nihil præter suas cogitationes ad se pertinere, ut nihil etiam amplius optarent; & tam absolutum in eas impertium istius meditationis usu acquirerebant, &c.

Ut autem hanc Ethicam meam concluderem, diversas occupationes, quibus in hoc vitæ homines vacant, aliquandiu me expendi, atque ex iis optimam eligere conatus sum. Ac præterea tres Regule mox exposite satis recte mihi visæ non fuissent, nisi in veritate per hanc Methodum investiganda perseverare decrevissem. Nam cum voluntas nostra non determinetur ad aliquid vel persequendum, vel fugiendum, nisi quatenus et ab intellectu exhibetur tanquam bonum, vel malum; sufficere, vel semper recte iudicemus, ut recte faciamus; atque si, quam optime possumus, iudicemus, ut etiam, quam optime possumus, faciamus; hoc est, ut nobis virtutes omnes, simulque alia omnia bona, quæ ad nos possunt pervenire, comparemus. Si quis autem se illa sibi comparasse confidit, non potest non esse suis contentus, ac beatus. Postquam vero me his Regulis instruxissem, illasque simul cum rebus Fidei, quæ semper apud me potissimæ fuerunt, referassem; quantum ad reliqua, &c.

De Passionibus Animæ, & quæ in specie de earum singulis tradidit Cartesius, non ea fert animus omnia recensere; sed in genere quid Animæ Passiones sint, & quomodo producantur, adnotare. Cartesius De Passionibus art. 27. eas sic definit: Perceptions, aut Sensus, aut Commotiones Animæ, quæ ad eam spectatim referuntur, quæque producuntur, conservantur, & corroborantur per aliquem motum spirituum. Quæ autem Passiones sunt respectu unius subje-

At, semper sunt Actiones respectu alterius: quare quæ Passiones sunt respectu Animæ, Actiones erunt respectu corporis, vel objectorum externorum, quæ illas in Anima producant.

Causæ Passionum vel immediatæ, & proximæ sunt, vel mediatæ, & remotæ. Proximæ sunt motus quidam, ut dictum, in cerebro, & spiritibus animalibus introducti: Remotæ verò objecta externa, & ea omnia, quæ talem motum spiritibus animalibus inducere valent, per quem in Anima Passiones excitantur. Quod si idem objectum uni unam, alteri alteram, eamque quandoque contrariam excitet Passionem; id vel à cerebri, reliquarumque partium dispositione diversa, vel à consuetudine ab incunte ætate contracta, qua cerebri organa varie disponuntur, dependet.

Passiones omnes eò nobis tributæ sunt, ut per ipsas, quod nobis conveniens repræsentatur, avidè prosequamur, quod verò disconveniens, respuamus. Verùm quoniam sæpe Animæ passiones quædam ut bona, & utilia repræsentant, quæ talia non sunt, & contrà; sedulò in id incumbendum, ut quid verè bonum, quid verè malum sit, ratione duce, non voluptate seducente, dignoscamus. A solo enim recto Passionum usu omne bonum hujus vitæ, contrà verò à malo earundem regimine omne malum dependet: imò ad solam de Passionibus Animæ doctrinam omnes Ethices canones reduci possunt. Quare ad rectum Passionum regimen instituendum, atque etiam animi tranquillitatem acquirendam (quod unicuique vitæ bonum est) pauca, & generalia quædam monita, ad omnes Passionum impetus reprimendos utilia ex Cartesio, adnotanda, cornu loco, duximus. Illud autem imprimis sedulò animadvertendum est, omnes Animæ Passiones (hominis naturà per peccatum corruptæ, & ad malum pronæ) ad nos decipiendos tendere; quare ab ipsis tanquam ab hostibus cavendum est. Quod omnium potissimum, generalius, & facilius Aristoteli Cartesio dicitur.

Primum autem generale Remedium Passionum est: *Abstinendum nobis est à judicio ferendo, quandiu Passionibus agitamur*. Quod enim tunc temporis fertur judicium à confusa rerum cognitione procedit. Hinc ut omnes in judicando errores juxta Metaphysices regulas devitemus, à ferendo judicio abstinendum, cùm non satis clare res perspecta est. Quod si in ipso Passionum impetu judicium ferre cogamur, tunc, quantum pro viribus licet, eas rationes seriò meditari debemus, quæ mentem ad contrarium Passionis dictamini faciendum inducant.

Secundum: Cùm à nulla Passione agitamur, tunc & bona, & mala, quæ nobis contingere possunt, sedulò præmeditemur, eorumque justum pretium examinemus; ut cùm fortasse ea nobis acciderint, mens, quæ à Passionibus libera sæpius ipsa examinaverat, qualia, ac quanta sint, facile cognoscat, sicque mala fugiat, bona amplexetur. Nulla siquidem adeo debilis Anima est, quæ in has veritatum Meditationes incumbere assuescens, & bene seipsam regere, & aliquam etiam in suas Passiones potestatem habere non possit. Optimum igitur Passionum Remedium est *Sedula bonorum, malorumque futurorum Præmeditatio*.

Tertium. *Non debet nostrum desiderium tam libere vagari; ut ad ea etiam, quæ ab aliis dependent, optanda cum quadam securitate consecutionis se extendat*. Quæ enim ab aliis dependent, ita ab Anima optari debent, ut si ea non consequatur, nihil turbetur; dummodo tamen cuncta ad ea consequenda peregerit.

Quartum denique, & ultimum, idque fortissimum Passionum Remedium est, *Animam à dulcissima, ac potentissima Divini Amoris Passione teneri; ut optime*

optime advertit Cartesius in Epistolis. Mens enim nostra, quæ veluti particula quædam Divinæ Naturæ est, quod ætius suo Principio per Amorem adheret, eò magis à corporis consortio, quo gravatur, sejungitur, & sic à Passionibus, quæ à sua cum ipso unione dependent, liberatur. Accedit, quod cum nemo ex se ipso Passionum impetus frænare, naturales inclinationes, quibus ad malum prompti sumus, ad meliorem usum sine Dei Gratia convertere possit; per hanc solam & à malis omnibus, noxiisque perturbationibus liberi erimus, & absolutam in nostras Passiones potestatem habebimus.

Atque hæc est totius Cartesianæ Philosophiæ Epitome, brevis quidem, sed exacta; quam Historico more tractantes (non secus ac de Platonica, Stoica, Pythagorica, Epicurea, Aristotelica, cæterisque factum est) aliis considerandam proponimus, ut ex ipsa, reliquisque quod optimum feligentes, Ecclesiasticam, quæ omnium commendatissima, valeant efformare. Cartesii denique de Dioptrica, cæterisque Physico-Mathematicis, vel pure Mathematicis Disciplinis, sententiam, vel ex dictis facile quis educet, vel apud ipsum fusius, clariusque perleget, & advertet.

Si quis tamen hujus Epitomes Epitomen desideret, ecce eam ex Buddeo in Hist. Philos. succincta Delineat. p. 87. & seq. *Præcipua ejus doctrina capita sunt. In Metaphysicis. De omnibus dubitandum, ut per hanc dubitationem ad tempus institutam, ejedits præjudiciis, quibus vel per præceptores, vel alio modo quovis imbuti eramus, facilius in primam aliquam veritatem venientes, ex ipsa gradatim in reliquarum cognitionem pervenire possimus: mens enim præjudiciis occupata cognoscendæ veritatis incapax omnino erit. Sensibus non est fidendum, quippe qui sæpissime nos deceperint. Veritatis Criterium clare, & distincte mentis perceptio est: unde educitur, non esse verum, nisi quod clare, & distincte à mente percipitur. Hoc ordine philosophanti hæc prima occurret veritas, omnium veluti radix, & principium: Cogito, ergo sum. Ex idea nobis innata Entis summe perfecti, & ex idea perfectionis, quæ imperfectissimam secundam veritatem emanat, Deum, hoc est, Ens summe perfectum existere. Et quia Deus fallere, & falli nescius est, reliquæ inde veritates Metaphysicæ educuntur, Substantiam scilicet existere, quæ in Spiritum, & Materiam dividitur. Et Spiritus quidem essentiam in Cogitatione, Materiam verò in Extensione consistere, inde clarum est, quod in consideratione Spiritus, qui nonnisi ut intelligens concipi potest, prima idea, quæ menti occurrit, & clare, ac distincte concipitur, Cogitatio est. Materiam verò essentia in Extensione reponitur, quia dum Materiam considero, omnium prima, & clarissima Extensionis idea menti se offert. His autem Substantiis proprii singulis modi sunt: & Spiritus quidem velote, reminisci, affirmare, negare, &c. Materiam verò Divisibilitas, Figura, Impenetrabilitas: qui modi Materiam dicuntur Essentiales, quia de ejus essentia, sive natura sunt, sicut & Extensio, & omni Materie semper inbarent, itaut omnis Materie necessariò sit divisibilis, figurata, impenetrabilis; ipsam tamen Materiam essentiam, sive naturam non constituunt, ut Extensio, quæ omnium prima, & clarissime in Materiam comprehenditur. Alii vero Materiam modi Accidentales dicuntur, qui ad ejus naturam non spectant, atque esse, & abesse possunt, integra manente Materie natura, ut color, sapor, &c.*

Physicæ, sive Naturalis doctrinæ summa secundum Cartesium hæc est. Deus creavit Materiam divisibilem, cui Motum indidit, per quem actu divisa est in variis quantitates, figuris variis prædita. Ex qua Materiam in varias quantitates, & figuras divisa, triplicis generis materia orta est, quæ tria constituit Elementa, materiam scilicet primi Elementi subtilissimam, globulæ secundi Elementi, & materiam crassiores, ac variæ figuræ, quæ tertium con-

fitu Elementum. Extensio, & Quantitas idem sunt; majorem enim, vel minorem Quantitatem corpus aliquod habere idem est, ac majorem, vel minorem Extensionem, & contrā. Ex his tribus Elementis corpora cuncta componuntur. Formas Substantiales mera esse segmenta, id evincit, quod ex Materia divisione, figura, & motu junta leges Mechanicas cuncta rite derivari possunt. Motus est, &c. Regula Motus, &c. Materia indefinite divisibilis est; omnis enim ejus pars etiam perquam minima semper extensa est, semper figuram habet, ac proinde partes componenter, quæ etsi non actu dividi possunt, mente saltem divisibiles sunt, & invicem separabiles, cum alia ab alia sejunctim concipi, & existere possit, quod sufficit ad Materiam in indefinitum divisibilitatem constituendam. Hæc Materia in indefinitum extensa, & divisibilis, & actu per motum divisa, in Soles innumeros coaluit, qui propriis Vorticibus innant, eosque secum rapiunt. Ex Solibus istis, maculis obductis, Planetae orti sunt; ex quorum numero Tellus nostra est; quæ circa proprium Solem à Vorticis motu ducitur per annum, dum interim singulis diebus circa proprium axem volvitur. Omnia animalia, excepto Homine, mera sunt automata, hoc est, machina seipsas non ex arbitrio, & voluntate, sed secundum statas, & necessarias Mechanicæ leges, moventes, Deo autem, & architecto tam assabre continuatæ, ut ad hanc, vel illam externi objecti occasionem, hi, vel illi necessarii motus ab ipsis excitentur. Accedit, quod si brutis substantiam ab eorum corpore distinctam tribuere velimus, hæc vel Spiritus erit, vel corpus. Si Corpus, cum hujus essentia in sola Extensione consistat, nullas ei, nisi Corporis proprietates tribuere possumus; ac proinde tot mirabilium, quæ bruta efficiunt, causa esse non poterit, quæ à substantia quadam cogitandi, cognoscendi, judicandi veluti capace profecta videntur. Si hæc substantia Spiritus dicatur, hæc erit æterna, cum destrui non possit, &c.

Moralis doctrina ex Cartesio hæc epitome. Summum hominis bonum consistit in recto usu facultatum mentis, præcipue voluntatis; hoc est, ut firmum, & constans propositum habeat id semper agendi, quod optimum esse censuerit. Virtus in eo mentis instituta, & vigore, per quem ad ea, quæ bona esse credimus, facienda ferimur. Affectus, qui Virtuti adversantur, sunt motus quidam corporei, quibus mens, speciatim intellectus, afficitur: dicendi ideo sunt Passiones Mentis. Quæ igitur de pugna rationis, & sensitivi appetitus dicuntur, de Mentis, & Corporeorum motuum lucta sunt intelligenda. Ad virtutum usum maxime conducit Generositas, qua homo nihil efficit, quod sua dignitate, & qua supra bruta eminet, præstantia indignum sit.

Sed à Cartesio ad Cartesianos, qui ejus Sectam vel illustrarunt, vel per edita sua Opera auxerunt, clarioremque reddiderunt, præcipuos tamen, & memoratu digniores, enumerandos accedamus.

HENRICUS REGIUS Ultrajectinus, publicus Philosophiæ, ac Medicinæ in patria Professor ex nova Renati des Cartes Philosophia quædam decerpens, suam confecit, cui titulus: *Philosophiæ Naturalis*; licet in quibusdam à Cartesio dissenferit. Quod Opus Federico Henrico Principi Oranges inscripsit: cuius inde gratiam, & opem est consecutus. Scripsit etiam *Fundamenta Medicinæ*. Floruit seculo 16.

ANTONIUS ARNOLDUS nobilis Gallus, Doctor Sorbonicus, Antonii, celeberrimi Advocati Parisiensis filius, ex quo ortus est Parisiis 6. Februarii 1612. in Geometria, Philosophia, potissimum verò Theologia, omnibusque optimæ literaturæ studiis eruditissimus fuit, ut præclara ejus Opera testantur, plerumque à *Variis* edita, quæ ad Volumina 135. ascendere dicuntur à Morery in sup. Lex. Hist. Hanc inter Cartesianos numerandum duximus, quamvis in primis

primis juventutis annis quasdam in Cartesii Meditationes objectiones fecerit, quas Renatus omnium solidissimas, & soluta difficillimas; quæ ab aliis nunquam sibi fuerint oppositæ; existimavit; nam cæteroque in aliis ab eo non dissentit. Cum P. Malebranche plures etiam habuit literarias contentiones super materia de Ideis, & de Gratia: qua de re plura hinc inde Volumina prodierunt. Contra alios etiam scripsit; quod cum nostri Instituti non sit, silentio præterimus: sicut etiam edita contra ipsum Opera, ac varias, easque gravissimas persecutiones, quas illum diu sustinuisse ferunt, ex quibus diu occultus vivere coactus fuit. Obiit 8. sive 9. Augusti 1694. æt. circiter 82. Præter Opera Theologica, Geometrica; & Erudita; inter Philosophica ejus sunt *Grammatica Generalis*, & *Rationalis: Objectiones in Cartesii Metaphysicæ Meditationes*, & in P. Malebranche; *Arts cogitandi*: cujus vel unicus, vel ad maximam partem auctor fuit, &c. Vide Perrault, *Hommes illustres de France*: Bayle, *Lex. Hist. Crit. Morery Sup.* &c.

JACOBUS ROHAULTIUS, natione Gallus, Mathematicis disciplinis cum primis additus fuit; in quibus adeo profecit, ut eas Parisiis docuerit, ubi Domino Clercelier, Oratori doctissimo, carus fuit. Hujus rogatu Rohaultius omnia Cartesii Opera perlegit: Commentariis, vel Notis illustravit, & docuit potissimum vero in id totus incubuit, ut *Physicam* ad Cartesii mentem concinnaret: quod & laudabiliter perfecit; eamque antequam evulgaret, Parisiis docuit annos decem, vel duodecim. Obiit 1675. ætatis 55.

ANTONIUS LE GRAND, quem quidam Cartesii *Compendiæ* auctorem vocant, edidit *Historiam Naturæ per Experimenta secundum Principia Novæ Philosophiæ*. Londini 1673. Librum etiam publicavit *De Carentia Sensus, & Cognitionis in Brutiis*, ut Cartesii hac de re doctrinam confirmaret. In Rohaultii *Physicam* Notas composuit, quæ sæpius editæ sunt. Vixit sec. 17.

PETRUS SYLVANUS REGIS, Philosophus inter Cartesianos celeberrimus, in Galliarum provincia Aginensii natus an. 1632. post exacta humaniorum literarum, & Theologiæ studia, Cartesianæ Philosophiæ Parisiis totum se devovit, in qua ad aliquod tempus Rohaultium habuit præceptorem. Tolosam inde veniens, publicas ibi de Nova Philosophia Disputationes tam laudabiliter habuit, ut à Tolosanensis annua pensione donatus sit. Parisium rediens an. 1680. eadem de re Disputationes instituit cum Lemery: sed post sex menses mandatum habuit, ut ipsis se abdicaret. An. 1699. in Regiam Academiam Scientiarum accitus, eximium hunc honorem recusavit, infirmum se esse causatus. Mortem obiit 12. Januarii 1707. Editæ ejus Opera sunt. *Systema Philosophiæ*, ad mentem Renati; continens *Logicam*, *Metaphysicam*, *Physicam*, & *Moralem*. *Responsum ad Censuram Philosophiæ Cartesianæ D. Huetii*. *Responsum ad Reflexiones Criticas D. du Hamel in Systema Cartesianum Philosophiæ Regis*. *Objectiones in P. Malebranche in materia de Visione, & de Ideis*. *De usu Rationis, & Fidei*. Vide Elogium P. S. Regis in *Hist. Acad. Scient.* 1707.

P. NICOLAUS MALEBRANCHE, Philosophus, Mathematicus, & Theologus insignis, ~~controversiis~~ admirandus, ut pleraque opera ab eo in lucem edita ostendunt, doctrina multa, eruditione, & elegantia referta, ex Nicolao, Christianissimo Regi à Secretis, & Catharina de Lauson ortus est Parisiis 6. Augusti 1638. Literarum omnium studiis, ac pietate eximium PP. Autoritatis Cœnobium ingressus est 28. Jan. 1660. æt. suæ 22. Serio, atque unice Veritati in rebus omnibus inquirendæ intentus, ann. 1673. primum Volumen sui Operis *De Inquirenda Veritate* edidit; quod Opus ad quatuor usque Volumina adauxit in ultima editione; Quod magnam sibi famam comparavit. Ejus etiam est *Liber de Natura, & Gratia*, in quo Theologorum

bac

hac de re controversias se conciliaturum pollicetur. *Traſſatus de Morali, & Meditationibus Chriſtianiſ. Traſſatus de Amore Dei*. Rogatus, ut efficacius quid ſcriberet pro Sinarum in veram Fidem converſione, *Dialogum Chriſtiani, & Sinenſis Philoſophi* confecit. Arnoldi, & Regis, Lamy, aliorumque Objectionibus & per editos Traſſatus, & per Epistoſas reſpondet: quæ omnia, aliaque laudabilia ejus Opera apud ipſum videre eſt. In Reformatione Academiæ Scientiarum in Sociorum numerum adſcriptus eſt. Nuper obiit valde ſenex.

JACOBUS BERNOULLI, Nicolai filius, natus Baſileæ 27. Decembris 1654. Poëta Germanus, Gallus, & Latinus, in Mathematicis diſciplinis omnibus peritiſſimus, quas ſurtim, & ex ſe (hæc enim ſtudia pater ei interdixerat; unde ipſe de ſe Phaërontis illud dicere ſolebat: *Invito patre ſidera verſo*) omnium optime didicit. In ſua literaria Europæ peregrinatione in Galliam veniens, P. Malebranche, & Carteſii libros legiſt tanta animi voluptate, ut ex eorum lectione optimus ſtatim Carteſianus evaſerit, totique in Novæ tum Philoſophiæ Meditationibus ad annos plures incumbuerit. Eo tempore Cometa apparuit, cujus ipſe reditum prædixit, *Traſſatumque* de eo compoſuit; atque alterum de *Aëris Gravitate*: quos Traſſatus memorant A& Erudit. Lipſ. & Pariſ. In patriam reverſus Collegium in ea inſtituit pro experimentis Phyſico-Mechanicis: ubi & Matheſis Cathedram omnium Magiſtratum ſuffragiis eſt confecutus; quam ſumma laude, ac magno exterorum etiam conſuſu ad annos plures exercuit. Eruditum tunc *Traſſatum de Arithmetica Inſinitorum* compoſuit; atque alia plura cum Joh. Bernoulli fratre, ac ſui in hac Cathédra ſucceſſore, nova invenit, præclaraque in Matheſi detexit. Una cum fratre ſuo Joh. Regiæ Academiæ Scientiarum Socius creatus eſt an. 1699. & Academiæ Berolini 1701. Fatis ceſſit an. 1705. 16. Auguſti, æt. 51. non expleto.

JOH. CHRISTOPHORUS STURMIUS, natione Germanus, inſignis Mathematicus, poſtquam Eccleſiæ cuidam in Germania annis 5. præſuit, apud Altorſinos Philoſophiam, & Matheſin profeſſus eſt annis 34. ibique mortuus eſt 26. Decembris 1703. ætatis 68. ut ait Morey Sup. Lex. Hiſtor. ſive 1700. ut vult laudatus Joſ. de Script. Hiſt. Phil. lib. 3. cap. 36. 25. ubi ipſum inter Carteſianos recenſet, inquiens: *Ibi etiam excellentiſſimus ille Mathematicus Joh. Chriſtophorus Sturmius, denatus an. 1700. brevi Diſſertatione de Carteſianiſ, & Carteſianiſmo placita Philoſophiæ Carteſii explicavit, atque defendit. Idem de Philoſophia Seſſaria, & Eleſtiva peculiari Diſſertatione egit*. Inter Mathematica ejus Opera præcipua ſunt: *Matheſis Enucleata, & Matheſis Juvenilis*. Vide A& Erud. Lipſ. an. 1704. p. 236.

Præterea doctiſſimum LUDOVICUM DE LA FORGE, qui inſignem *Traſſatum de Mente Humana* evulgavit: D. DE CORDEMOY, cujus duo eſſant Traſſatus, alter *De Corporis, & Mentis diſtinctione*; alter *De Loquela*; alioſque: ex Medicis Jacobum Walſchmidium, Fridericum Hoffmannum, atque alios pluriſimos, quos longum eſſet enumerare.

CAPUT XIV.

De Academiis Universi Orbis.

Non me præterit, eruditissimum *Kliddendorp* integrum Tractatum insigni labore confectum, hac de re edidisse; quem hic exscribere animus non est. Verùm cum in 2. & 3. hujus Hist. libro de Barbarorum, ac Græcorum Academiis, sive Studiorum locis, verba fecerim; instituti mei ratio, & ordo id postulabat, ut brevem saltem notitiam, vel Indicem de Academiis reliquis darem. Academiarum itaque Indicem, atque tempus, quo erectæ sunt, talem exhibeo ex *Michaële-Antonio Baudrand Parisino*, cui aliqua pro opportunitate addere liceat.

IN ANGLIA.

Cantabrigensis, *Cambridg* an. 1280. ab *Edmundo I. Rege*.
Oxoniensis, *Oxford* 896. ab *Alphonso*, ut scribunt.

IN BELGIO.

Groningana, *Groeninghen* 23. Augusti 1614.
Franecherana, *Franeker* 29. Jul. 1585.
Harderwicensis, *Hardervick* 1648.
Lovaniensis, *Lovvain* 1426. à *Joh. Brabantæ Duce* sub *Martino V.*

Papa.

Lugdunensis Batavorum, *Leyden* 1575. ab *Hollandiæ Ordinibus*.
Namurcensis, *Namur*.
Utrajectina, *Utrecht* 1636.

IN BOHEMIA.

Pragensis, *Prag* 1358. à *Carolo IV. Imperatore*.

IN DANIA.

Hapbnienfis, *Koppenhagen* 1497.

IN GALLIA.

Andegavenfis, *Angers* 1346. & 1685. *Regiæ Academiæ* nomine à *Rege* insignita.

Aquensis, *Aix* 1409. ab *Alexandro V. Papa*, & ab *Henrico IV. Rege* restaurata 1603.

Arausina, *Oranges* 27. Maii 1365.

Arelatenfis, *Arles* recens est.

Avenionensis, *Avignon* 1303. à *Bonifacio VIII. Papa*.

Aurelianensis, *Orleans* 1305. à *Clemente V.*

Bituricensis, *Bourges* 465. à *Ludovico XI. Rege*.

Burdegalenfis, *Bordeaux* 1473. ab eodem *Rege*.

- Cadomensis*, Caen 1452. à Carolo VII.
Cadurcensis, Caors 1332. à Johanne XXII. Papa.
Dolana, Dole 1426. à Philippo Duce Burgundiarum.
Duacensis, Douay 1562. à Philippo II. Rege Hispaniarum.
Flexiensis, La Fleche, ab Heurico IV. Rege.
Montepellulana, Montpellier 1289. à Nicolao IV. Papa.
Montalbanensis, Montauban, recens.
Mussipontana, Pont à Mousson, 1573. à Carolo Cardinale à Lotharingia.
Nannetensis, Nantes, 1460.
Parisiensis, Paris, amplissima 790. à Carolo Magno Francorum Rege, & Imperatore.
Perpignoniensis, Perpignan, 1349. à Petro Rege Aragoniarum.
Pictavensis, Poitiers, 1431. à Carolo VII. Rege.
Remensis, Reims, à Carolo Cardinale à Lotharingia 1548. sub Henrico II. Rege.
Richelienfis, Richelieu, 1640. à Ludovico XIII. Rege.
Suessonensis, Soissons, recens.
Tolosana, Tolose, 1243. à Gregorio IX. Papa.
Turnonensis, Tournon, à Francisco Cardinale Turnonio.
Valentina, Valence, 1452. à Ludovico Delphino, postea Rege XI.
Vesuntina, Besancon, 1564. à Ferdinando I. Imperatore.

I N G E R M A N I A.

- Altorfensis*, Altorf, 1622. à Ferdinando I. Imperatore.
Argentoratensis, Strassburg, 1538.
Chilomenfis, Kiel, 1669. ab Alberto Holsatiarum Duce.
Coloniensis, Colon, 1388. ab Urbano VI. Papa.
Dillingensis, Dillinghen, 1549. ab Othone Cardinali Trucheseio.
Erfordensis, Erfurt, 1391.
Francfurtensis ad Oderam, Francfurt am Oder, 1506. à Joachimo Electore Brandenburgico.
Friburgensis in Brisgavia, Freiburg, 1463. ab Alberto Duce Austriarum.
Gissena, Gießen, nova, 1607. à Ludovico Landgravio Hassiarum.
Græciensis, Gratz, nova.
Gripswaldensis, Gripswaldt, 1547. à Philippo Duce Pomeraniarum.
Heidelbergenfis, Heidelbergh, 1346. à Ruperto II. Electore Palatino.
Helmesladiensis, Helmstat, quæ & *Juliana*, 1576. à Julio Duce Brunsvicensi.
Jenensis, Jena, 1558. à Joh. Federico Electore Saxoniarum.
Ingolstadiensis, Ingolstat, 1472. à Ludovico Duce Bavariarum.
Lavingenfis, Lavingen, à Wolfgango Comite Palatino sub Ferdinando I. Imperatore.
Leodiensis, Liege, ante annum 1129.
Lipsiensis, Leipzig, sive potius Leipzig, 1408. à Friderico I. Electore.
Marpurgensis, Marpurg, 1526. à Philippo Landgravio.
Moguntina, Mainz, 1482. sub Diethero Issemburgico Archiepiscopo.
Paderbonensis, Paderborn, 1592. sub Theodoro Furtembergio Episcopo.
Rostochensis, Rostock, 1490.
Sigenensis, Sigen, antea *Herbornq*, 1689. à Joh. Comite Nassavio.
Trevirensis, Trier, 1553.

Tubi-

- Tubingenfis*, Tubingen 1477. ab Eberhardo Comite Vittembergico.
Viennenfis, Vienne, 1365. ab Alberto III. Archiduce Auftriæ.
Vittembergenfis, Wittemberg, 1502. à Friderico III. Electore Saxoniz.

I N H E L V E T I A.

- Basleenfis*, Basle, sive Bâle, 1459.
Genevenfis, Geneve, 1365. à Carolo VI. Imperatore.

I N H I B E R N I A.

- Dublinenfis*, Dublin, 1320. & 1392. restaurata ab Elizabetha Regina.

I N H I S P A N I A.

- Abulenfis*, Avila.
Battensfis, Baeca, 1538.
Cæsar Augustiana, Zaragoza, à Carolo V. Imperatore.
Complutenfis, Alcala, 1517. à Francisco Cardinale Ximeno.
Compostellana, Compostella.
Granatenfis, Granada, 1537. à Carolo V. Imperatore.
Hispalenfis, Sevilla, antiqua.
Ilerdenfis, Lerida, ante Calistum III. Papam.
Ognatenfis, Oñate, parva admodum, 1543.
Okenfis, Huesca, antiqua.
Ovetana, Oviedo, 1536. à Ferdinando Valdes.
Palentina, Palencia, Academia parva quidem, sed. olim ante Salma-
 ticensis clara.
Pampelonenfis, Pompelon, sive Pamplona, 1608.
Salmaticenfis, Salamanca, 1200. ab Alphonso IX. Rege Legionensi.
Seguntina, Sigüenza à Francisco Cardinali Ximeno sub Ferdinando V.
 Rege:
Tarraconenfis, Tarragona sub Philippo II. Rege.
Toletana, Toledo, antiqua.
Valentina, Valentia, 1470.
Vallisoletana, Valladolid, 1346. à Clemente VI. sub Alphonso XI.
 Rege.
Ursonenfis, Oñuna, 1549.

I N I T A L I A.

- Bononiensis*, Bologna, antiqua.
Calaritana, Cagliari.
Catanenfis, Catania.
Ferrarienfis, Ferrara, 1316. à Friderico Imperatore.
Florentina, Firenze, à Cosmo Medico.
Maceratensis, Macerata, à Paulo III. Papa.
Mantuana, Mantova, novissima.
Mediolanensis, Milano.
Messanensis, Messina, à Carolo V. Imperatore.
Neapolitana, Napoli à Friderico II. Imperatore, qui mortuus est an. 1250.

In hac Regia Studiorum Universitate, omni ævo florentissima, cunctisque Orbis partibus celeberrima, liberalium omnium artium Cathedræ plures sunt, eæque pro singulis scientiis plures, quarum aliæ Primariæ, aliæ Secundariæ dictæ, quas nonnisi post longam docendi artem, publica, ac periculosa replicata tentamina, hic vulgo Concursum, quis consequi potest. Suffragia in nova cujusque Cathedræ collatione post exacta concurrentium experimenta expetuntur à Magistratu Primoribus, ac Primariis singularum scientiarum Professoribus, quæ Suffragia ad 30. circiter ascendunt. Regiis congiariis in annum donantur magnificis quilibet Professores, qui magno indigenarum totius Regni, atque exterorum etiam concursu docent. Plurimi in insigni nostra hac Academia, ex quo erecta est, inclaruerunt literis illustres Viri, viventes autem illustriores.

Papiensis, seu *Ticinenfis*, Pavia, antiqua; de qua videatur Gatti in præculari suo Tractatu de Gymnasio Ticinensi.

Patavina, Padova, 1222. à Friderico II. Imperatore.

Perusia, Perugia, à Clemente V. Papa.

Pisana, Pisa, 1339.

Romana, Roma, antiquissima.

Salernitana, Salerno, à Friderico II. Imperatore.

Senensis, Siena, 1387.

Taurinensis, Torino, 1405.

IN POLONIA.

Cracoviensis, Cracovv, 1364.

Elbingensis, Elbingsh, 1542. ab Alberto Prussiz Duce.

Regiomontana, Königsberg, 1544. ab eodem erecta.

Vilnensis, Vilna 1579.

IN PORTUGALLIA.

Conimbricensis, Coimbra, à JOH. III. Rege Lusitaniz, qui regnare cepit an. 1521. Existere in ea præclari semper liberalium artium Professores, quorum unum, vel alterum adnotasse sufficiat; *Gabrielem* scil. *Acosta*, & *Sebastianum Barradas*, qui in Conimbricensi, & Eborensi insignis primum Professor fuit, deinde verò Orator Evangelicus celeberrimus, Lusitaniz Apostolus appellatus. In hujus autem inclytæ Academiæ erectione primas contulit *Jacobus Tertius*, Lusitanus Orator, Historicus, & Poëta. Inter eximias hujus doctissimæ, ac Religiosissimæ Regis dotes, ea potissimum fuit, ut nedum scientias omnes, sed etiam Christianam Religionem longe lateque diffunderet: quare an. 1540. Paulum III. Pontificem per epistolam rogavit, ut novis Indorum gentibus Evangelii Ministros Jesuitas mitteret, qui eos in Christi Fidem adducerent. Hinc S. Franciscus Xavierius cum socio ad eximium hoc Religionis opus explendum missus est. Eo igitur tempore, quo Europæ Principes magno belli furore tenebantur; prudens, ac pius hic Rex, nihil aut Regiz domus, aut Regni incrementum curans, totus in eo erat, ut Christi Fides ad recens cognititas barbaras gentes propagaretur. Apelepticus obijt an. 1557. In hac Academia celeberrimus etiam fuit *Franciscus Soarez*, vel *Suarez*, Hispanus, Doctor tamen Eborensis, & à Philippo II. Universitatis Conimbricensis Theologiæ Primarius Professor factus.

Eborensis, Evora, ab Henrico prius ejus loci Archiepiscopo, & Cardinali

nali, postea Rege, instituta. In ea celebres semper fuisse Professores: inter quos numerari possunt *Job. Baptistia Fragesus*, qui Ulyssipone, & Ebore docuit; modò dictus *Sebastianus Berradas*, qui in Eborensi etiam Professor fuit; *Emmanuel Alvarez*, Jesuita, natus in Insula Maderæ, qui sec. 16. floruit, &c. Nec silentio prætereundus *Andreas Resendius*, Canonicus Eborensis, ac Sere- nissimorum Principum, Alphonsi, & Henrici, Joh. III. fratrum, præceptor, ac plurimum eruditorum Operum editione celeberrimus, qui seculo 16. vixit.

Ulyssiponenfis, Lisbona 1290. à Nicolao IV. Papa. Nihil hic de præclarâ hæc totius Orbis Academia dicam: ejus enim vel doctissimos Professores. vel ex ea prodeuntes eruditos Doctores enumerare si vellem, nimis forem. E celebriorum Lusitanæ Doctorem numero sunt *Petrus Nonnus*, Lusitanus Mathematicus celeberrimus, qui sec. 14. floruit: *Hieronymus Oleaster*, Dominicanus Lusitanus, vir doctissimus, qui sec. 16. vixit, & in Concilio Tridentino Orator pro Joh. III. fuit: *Hieronymus Osorius*, Episcopus Silves, Cicero Lusitanus appellatus: *Jacbus Barua*, Theologus insignis, & in Concilio Tridentino clarus, ibi Orthodoxæ Fidei contra hæreticos interpres: *Arias, Emmanuel, & Augustinus Barbosa*, Lusitani Legis peritissimi, & eruditi, qui sec. 15. & 16. claruere: *Thomas Correa*, Conimbricensis eruditus sec. 16. *Rodriguez Cunha*, Archiepiscopus Bracharensis, deinde Ulyssiponenfis, sec. 16. & 17. *Damianus de Goëz*, Lusitanus sec. 16. *Job. Soares*, Episcopus Conimbricensis, & *Comes Argavil*, qui ex Ordine Eremitarum S. Augustini fuit, Concilio Tridentino interfuit, & Commentaria in Evangelistas scripsit: *Achilles Statio*, nobilis Lusitanus, vir eximie eruditionis, de quo præter alios Justus Lipsius Var. Lect. Lib. 1. c. 11. Reliquos quis numeret?

IN SCOTIA.

Aberdomensis, Aberdeen, 1240. ab Alexandro Rege.

Andrapolitana, Saint Andrew, 1431. ab Henrico de Wardlaw ejus Archiepiscopo.

Edimburgensis, Edimbourg.

Glasguensis, Glasgouv, ab Episcopo Jurubulo.

IN SPECIÆ REGNO.

Aboensis, Abo in Finia, 1260. à Christina Regina.

Derpatensis, Derpt in Livonia 1632. à Gustavo Adolpho Rege.

Lundensis, quæ & Carolina, Lunden, à Carolo IX. Rege.

Upsalensis, Upsal, antiqua.

IN TRANS SYLVANIA.

Alba Julia, Weissenburg, à Ragorio Principe.

IN ASIA.

Goana, Goa in Peninsula Indiæ intra Gangem, à Rege Lusitanæ.

IN AMERICA, SIVE NOVO ORBE.

Guatimalensis, Guatimala in nova Hispania, à Philippo IV. Rege Hispaniæ 1628.

Lima.

Limana, Lima in Peruvia, 1614. à Philippo III. Rege Hispaniæ.

Mexicana, Mexico in nova Hispania, 1551. à Carolo V. Imperatore.

Quitoa, Quito in Peruvia, 1586. à Philippo II. Rege Hispaniæ.

Sancti Dominici, San Domingo, 22. Febr. 1558. ab eodem Rege.

Atque hæc de nostri ævi præcipuis Academiis, sive Studiorum Universitatibus, dixisse sufficiat; iis prætermisiss, quæ vel recentiores, vel minoris famæ sunt. Plura qui cupit, adeat cit. Kidendorp, qui de hac materia prolixius agit.

Regia Societas Anglica Londinensis; *Academia Gallica* Lutetiæ Parisiorum Regio cædico an. 1635. statuta; & *Regia Academia Scientiarum*, an. 1666. à Domino Colbert Parisiis erecta, & insigni Observatorio Regio ornata, hic non memorantur. Nam præterquamquod de ipsis non pauca verba, sed magnavolumina conficere opus esset; de Prima jam Historiani contexit doctissimus Spart; de Secunda M. Pelisson; de Tertia edita peculiaris est Histoire de l'Académie Royale des Sciences. Id tamen unum mecum omnes fateantur necesse est, omnes harum Academiarum Socios summa industria, & doctrina, ad Scientiarum, Physices potissimum, & Matheoseos augmentum, & perfectionem contendere: quod ex editis ferme innumeris eorum Operibus nemo est, qui ignoret.

Tandem ne quis miretur, nos de Italiæ Academiis, quæ tot numerari possent, quot Urbes, ne verbum quidem fecisse, id sibi sciendum, has non propriè Academias, sive Studiorum Universitates dicendas, sed potius Literatorum Societates, ambitiosas, vel phantasticas nominibus insignitas: tales autem Academias nostri Instituti non est enumerare, quales Senis sunt *Ignoranti*; Florentiæ *Della Crusca*; Romæ *Humoristi*, *Lincei*, *Fantastici*; Neapoli *Ardenti*, &c. Accedit, quod harum pleræque jam interciderunt. Vide de iis J. B. Alberti *Delle Academie*, &c.

APPENDIX ΠΑΡΑΛΗΠΟΜΕΝΩΝ.

Cum multos Philosophorum prætermiserim, vel quia memoria exciderunt, vel quia in mentem non venerunt; hos in calce hujus Historiæ reliquis Philosophis apponendos duxi sub Appendicis Παράληπτων, sive *Prætermisitorum* titulo, ut mea in inquirendis Philosophorum nominibus diligentia innotesceret. Id quidem non inficior, plurimos in hac Historia tum ex Veteribus, tum maxime ex Recentioribus Philosophis, plura etiam novæ Philosophiæ Systemata desiderari posse: verùm de omnibus, qui extiterunt, & adhuc in tot Mundi partibus exstant, Philosophis exactam noticiam habere, eorumque Philosophiæ Systema, Vitam, & Facta pertractare, ne dum difficillimum, sed ferme impossibilem rem esse existimavi. Prætermissi igitur, & propriis hujus Historiæ locis non appositi Philosophi, sunt ex Veteribus

LEO BYZANTIUS, Platonis discipulus, vixit an. ab U. C. 400. tempore Philippi Regis Macedonum. Leo ad ipsum Orator à concivibus missus, eum interrogavit, cur patriæ suæ Byzantii potiri decreverit? Cui Philippus: Quia ipsam diligo. Hinc Leo subdit: Sed amantes, o Rex, non armorum strepitum, sed dulci musicorum instrumentorum sono amicitiam testantur. Vide Philostratum. Ideo Philippus territus; ne Leo sapientia, & consilio, optato de Byzantio triumpho adversaretur, famam ad Byzantinos præcurrere fecit, Leonem à Philippo auro corruptum fuisse. Unde Leo concivium facile credentium furorē metuens, se voluntariæ morti dedit, ut testatur Suidas. Plutarchus ait,

ait, ipsum hilarem, & mordendo jocum fuisse, quod ex ejus quoque responsis arguitur. Gibbo enim ipsum deridenti, quod vilis esset infirmi, respondit: Et tu responsum in dorso portas. Orator etiam Athenas missus, ut discipulis populi unionem procuraret; primum sermonem in Senatu habens, novit, Senatores suam nimiam pinguedinem irridere; ipse autem Imperterritus ait: Si meam uxorem, quæ me obesior est, videritis, quanto magis, Senatores, vos in risum dissolveritis? Sed etsi ambo tam pingues sumus, unus nobis, cum, congenes vivimus, lectus satis est: contra vero nos discordes nec tota Byzantii urbs capere satis erit. Quo ratiocinio Athenienses statim conjunxit. Historiam, & alia plura scripsit, quæ perire. Philostr. in Vit. Sophist. lib. 1. Plutarch. Athen. Suid. & Woff. de Hist. Græc. lib. 1. c. 8.

DION, Dux, & Philosophus Syracusanus, Hipparchi, Principis Syracusanorum, filius, Platonis discipulus fuit, Plut. in Vit. tom. 3. p. 254. Brutum cum Dione comparans, ait: *Quorum hic consuetudinem cum Platone habuit; alter præceptis imbutus fuit Platonis. Itaque quasi ex una ambo palestra sunt ad maxima certamina progressi.* Et post pauca: *Quid si Dion, Brutusque constantes viri, & Philosophi neque ad ullum precipites, aut proclives animi motum, &c.* Hic sortem suam Aristomachen Dionysio seniori, Syracusarum Tyranno, matrimonio junxit; cui primum sororis causa, deinde propria prudentia, & virtute carus fuit. Plut. ibidem Dionis ingenium, & mores, & ut Platonis discipulus ex ejus in Siciliam adventu factus sit, describens ait: *Fuit ante quoque excelso ingento, ingentique animo, & forti. Cæterum animus hic magis adelevit, cum divina sorte appulisset in Siciliam Plato, nullo ille quidem consilio humano; sed haud dubie Deus aliquis aditum procul liberatis Syracusanis instituens, & tyrannidis molens everfionem, detulit Platonem Syracusas, Dionemque ad alloquutum ejus attraxit admodum, tunc quidem juvenem, verum discipulorum Platonis omnium indolis longe solertissime, acerrimumque ad arripendam virtutem, ut ipse scripsit Plato, & facta testatur. Ut autem primum doctrinam gustavit, & Philosophiam ad virtutem ducem, illico est ad eam animo incensus, atque, &c.* Exinde Dion Platoni carissimus semper fuit; & cum à Dionysio nautis excomendens in Italia daretur; illi elaboravit Plato efficere, Dionemque ad Philosophiam flexit, detinuitque in Academiâ. Habitat hic in Urbe apud Callipum. Oblatamenti causa prædium comparavit, quod possidit, in Siciliam navigans, Speusippo, cujus præter ceteros amicos Athenienses utebatur consuetudine, & contubernio; quod vellet Plato colloquio festivo, & scitis faceret rempestive condito, mores Dionis tinctos diffundere. Id præstare poterat Speusippus; quapropter sacrum eum in salubris appellavit Timon. Dionis virtutes, & Græcorum omnium in eum honores, vide apud Plut. ibidem: ubi etiam refert, Platonem Dionysii jussu Regiæ venditum, quod ipsum tyrannidis redargueret. Sed postea servitute Dionis ope liberatus, honorifice à Dionysio secundo, & tertio ad ipsum veniens exceptus est. Nam Regius currus, & splendor cultus, præfuit è navis egredienti. Tyrannus autem tanquam bono Regno suum esset audium, sacrificavit, &c. Tandem Dionis illustria facta; in Dionysium prælia; & ut ipsum Syracusis expulerit; ejus cædem ex amici sui Callipi prodicione, & filiorum calamitosam perditionem, lege apud cit. Plut. in Dione; Diad. Sicul. lib. 16. & Corn. Nep. in Vitis c. 10.

ARISTOXENUS, Tarentinus, Aristotelis discipulus, in Magistrum Iniquus se gerens, quod Theophrastum, non ipsum in Schola successorem fecisset, eum in suis scriptis perpetuo conviciatus est. De Philosophia, Musica, & Historia scripsit volumina ad 453; ex Suida. Meursius edidit sua Elementa

Har.

Harmonica cum Notis. Gell. lib. 4. 11. Jambl. in Vic. Pythag. Val. Max. Div. Hieron. Plut. Laërt. Cic. Lactant. &c. Vixit Olymp. 112.

ARISTOBULUS, Peripateticus, genere Judæus, diversa composuit, præcipue *Commentaria in Libros Moysi*, quæ Ptolemæo Philopatori, Ægyptiorum Regi dicavit. Clem. Alex. 1. Strom. Euseb. Præp. Evang. 9. & Hist. Eccl. 7. 26. D. Hieron. Voss. &c.

ADRASTUS, Aristotelis discipulus, Philippopoli natus, scripsit *De Harmonia* lib. 3. qui adhuc extant in Bibl. Vatic. Theon Smyrnæus Musices c. 6. & Porphyrus. Stansleus in Hist. Phil. p. 48. refert, Adrastum Aphrodisiæm scripsisse *Commentarium in Categ. Arist.* item *de Physicis* ejus, & *de Methodo*, quæ ille in Philosophia usus sit.

ZOSIMUS Alexandrinus Philosophus, & Rhetor Platoni maxime addictus, cujus scripta in lucem dedit; vixitque annos post Platonem circiter 50. & ante Christum circiter 300. Scripsit etiam plura *Opera Physica* libris 21. comprehensa, quæ Theodosei sororis suæ nomine evulgavit, quæ doctissima fuit. Conrad. Gesnerus.

OCELLUS LUCANUS, Pythagoræ discipulus, scripsit librum *De Universi Natura*: quem librum Latine vertit Ludovicus Nogarola Comes Veronenfis, & Adnotationibus illustravit. Memorandi hic etiam essent DAMON, Pythagoræ discipulus. DEMETRIUS PHALEREUS, Peripateticus, qui tempore Alexandri Magni floruit. DICÆARCHUS Messenius, Aristotelis discipulus, qui Olymp. 115. vixit. DIAGORAS, Democriti discipulus, Olymp. 74. qui Athenis etiam dictus est. DICENEUS, Philosophus Ægyptius, sec. 1. tempore scil. Augusti. MANDANES, Philosophus Indus, sapientia celebris, qui Alexandrum Magnum, ad se puncios mittentem, irridebat, quod se Jovis filium diceret. Et APOLLONIUS Nissenus, Philosophus Stoicus, Panæti discipulus. Scripsit hic quædam, quorum meminere veteres Scriptores. Vide Strab. Geogr. lib. 14. Joh. Meurs. Syntagm. de Apoll. Voss. de Hist. Græc. &c.

CRATIPPUS Mitylensis Philosophus, qui Ciceronis filium in Philosophia instituit, ut ex initio de Offic. apud ipsum Ciceronem constat, Athenis docuit, floruitque an. ab U. C. 706. & ante Ær. Chr. 46. Hic Pompejum à Cæsare in Pharsalico bello superatum solatus est, ut ex Plut. in Pompejo, ubi: *Tum ad Cratippum Philosophum conversus (ille enim ex urbe ad eum visendum descenderat) conquesitus est, & cum eo disputavit nonnihil de Providentia. Assensus Cratippus est, traduxitque eum ad spem meliorem, ne acerbus, aut importunus esset repugnando, &c.* Incerti autem temporis Philosophi sunt:

HERMIPPUS Smyrnæus Philosophus Peripateticus, ex Josepho contra Ap. scripsit *Historiam Virorum Illustrum*, à Laërtio, aliisque sæpius citatam, atque alia à veteribus commendata. Licet incerti temporis, antiquissimum tamen fuit. SATYRUS, secta item Peripateticus, qui *Vitas Illustrum Virorum* etiam scripsit: quod Opus Athei. & D. Hieron. atque alii sæpe citant. Dubium, an idem sit cum Satyro Comædo Olynthi orto, qui Historicus Tractatus composuit. Vide Voss. de Hist. Gr. lib. 4. ARISTOCLES, etiam Peripateticus, ex urbe Messenæ in Italia, teste Suida, qui plura composuit, potissimum de *Philosophia* libris 10. in quibus de Philosophis, & Philosophorum opinionibus agit: item *Uter diligentior Homerus, an Plato*: Scripsit etiam *de Arte Rhetorica*; & *de Serapide Morales* libris 9. Vide Suidam in Aristotele; Theodoretum; Stobæum; Vossium, atque alios. Fuit & alter ejusdem nominis Philosophus Lampfacenus, secta Stoicus, qui scripsit *Expositionem Operum Chrysippi*; *Quomodo* scil. *singula nominamus, & intelligimus*; lib. 4. Ex Suida ibidem. CERES denique Thebanus Philosophus, Socratis discipulus, scripsit *Dialogos* tres,

tres, quibus titulus *Hebdomas*, *Phrynicus*, & *Panax*, sive *Tabula*, in qua *Ortus*, *Vita*, & *Mors* hominum continentur. Quæ Tabula usque modo imperfecta credita evulgata est jam perfecta ex Manuscripto Bibliothecæ Regiæ Gallicæ an. 1689.

Ex Recentioribus autem prætermisissis unus esset M. PEYSSONEL, insignis Philosophus Massiliensis, qui deposito Cartesiano Systemate, cui primum se addixerat, novam philosophandi Methodum se invenisse ait per solas Mechanicæ leges, quibus universa Mundi Phænomena se explicaturum pollicetur. Hic reliquas Philosophiæ partes negligens, soli Physicæ animum omnem intendit, & industriam. Hinc novam suam *Physicam Mechanicam* evulgavit; in qua omnem Mundi Machinam, Horologii, similisve automati instar à Deo creatam sibi fingens, in illa omnem motum, non secus ac in isto, fieri à primo aliquo Motore, sive causa, asserit; sicque Mundi Phænomena per motum similem illi, qui in Horologio fit, explicanda sibi proponit. Quod est *Primum Principium*. Mundi igitur Machinam considerat ut *Extensionem*, sive *Materiam Extensam*, multis partibus compositam, quæ *Corpora* vocantur. Hanc autem *Extensionem* loco *Materiæ Primæ* esse posse asserit; cujus *Extensionis* quinque sunt considerandi *Modi*, quibus scilicet fit, ut sic, vel sic extensa sit, *Consistentia*, nempe, *Magnitudo*, *Figura*, *Situs*, & *Motus*, vel *Quies* ejus. Qui *Modi* appellari etiam possunt *Formæ Corporis*. Hinc *Corpus* non consideratur ut simplex *Materia*, sive *Extensio*, sed ut *Extensio determinata* per hos suos quinque *Modos*. Hanc autem cognitionem, quam habemus de *Materia*, & *Forma Corporum*, *Secundum Principium* Physicæ Mechanicæ vocat. Itaque in universa Mundi Machina, ut & in Horologio, ad ejus motum, & phænomena omnia explicanda, *Materiam tantum*, & suos quinque *Modos* considerandos affirmat; quæ sua sunt philosophandi Principia: eaque non Philosophorum, sed Machinistarum more accipiendi; hoc est non ad eorum definitionem, divisionem, & Physicam cognitionem attendendo; sed ea usurpando per evidentem, & internam cognitionem, quam de ipsis habemus, ut Machinistæ faciunt. Quapropter ultrò se neque Logicum, neque Metaphysicum esse fatetur. *Tertium Principium* suæ Physicæ Mechanicæ est *Cognitio*, quam habemus, Mundi Machinam ex septem generum Corporibus componi, quæ sunt *Aër*, sive *Cælum*, *Aqua*, sive *Mare*, *Terra*, *Astra*, *Plantæ*, *Animalia*, & *Ignis* per universum dispersus. Reliqua verò Corpora, quæ præter hæc in Mundo observantur, ut *Meteora*, *Mineralia*, *Gummi arborum*, & *Excrementa animalium*, non à Deo in ipsa Mundi origine creata, sed à *Natura* producta asserit; hoc est, non esse nisi mutationes productas in Corporibus à Deo creatis. *Quantum Principium* est dividere hæc septem Corporum genera in *Simplicia*, & *Composita*. Simplicia appellantur *Ignis*, *Aër*, *Aqua*, & *Terra*: Composita vero *Astra*, *Plantæ*, & *Animalia*, quæ ex quatuor Simplicibus componuntur. Simplicia ea vocat, quia nonnisi in partes homogeneas, hoc est, ejusdem generis, & sibi similes, resolvuntur; contrà verò Composita. Hæc autem Simplicia Corpora vocat etiam *Elementa*, atque à Deo primum creata, ait, ex quibus omnia mista inde sunt conflata. Singulis Elementis suos tribuit *Modos Essentiales*; *Igni* scilicet *Arsivitatem*, *Aëri Fluiditatem*, *Aquæ Liquiditatem*, *Terræ* denique *Firmitatem*: reliqui verò *Modi Accidentales* ab eo appellantur. *Quantum Principium*. Considerata structura Machinæ Mundi, *Motus* partium ejus considerandus, per quem omnes *Modorum Substantiæ* mutationes accidunt. *Sextum Principium*: Omnia Naturæ Phænomena sunt mutationes, quæ corporibus accidunt per *Motum*. *Septimum Principium*: Sicut in omni machina *Primus Motor* dari debet, corpus scilicet quod se ipsum per proprium motum movens, reliqua

M m m

cor-

corpora ad sui motum movet; qualis in Horologio est subtilissima chalybis lamina in spiram contorta; ita in Mundi Machina *Ignis Primus Motor* est, sive consideretur manifestus, & agens in qualitate luminis, & caloris, sive occultus in Spiritibus contentus, & vi, vel influentia agens. *Octavum Principium* est cognitio potentiae, quam Ignis habet penetrandi omnia corpora; & variae corporum resistentiae, sive consistentiae. Hæc autem vis agendi in Igne, & resistendi in corporibus, vera *Lex*, & *Regula Motus* est. *Nonum Principium*. Ut Machinae partes moveantur, necesse est, ut *Primus Motor* reliquis partibus alligetur, & hæc ut invicem connectantur. Hinc educit, nullum dari posse Vacuum; sed cunctas Mundi Machinae partes se mutuo tangi oportere, ut Motus fiat. *Decimum Principium*. Sicut hæc spiralis lamina chalybis nisi per vim contracta, & compressa, causa motus esse nequit; ita Ignis nonnisi in vesiculis quibusdam violenter contentus, & in mistorum partibus inclusus, naturæ motuum, sive naturalium phenomenon causa erit. *Undecimum Principium*. Ut hæc spiralis lamina chalybis est plicata, & contracta, nullum motum in Horario ederet, nisi paulatim se extenderet, & explicaret; ita hic Ignis si semper in vesiculis contractus, & compressus maneret, motus in Mundi corporibus producere nequiret: quare necesse est, ut e vesiculis prodeat, & in mistis partes agat: In vesiculis enim contentus, circulari motu secundum suas partes in ipsis movetur, easque urget ad exitum. Egreditur autem Ignis e mistis, & in alia corpora irruit vel instar granorum, sive feminum spirituosorum, vel instar simplicium vesicularum, sive spirituum, vel instar nudarum particularum Ignis. *Duodecimum Principium*. Pro varia Ignis e mistorum corporibus egredientis, & in alia corpora irrueutis, vi, & pro varia horum corporum resistentia, mole, figura, situ, motu, vel quiete, variae in Mundi Machinae mutationes, & apparentiae fiunt. *Decimumtertium Principium*. Sicut in omni Machina vis primi moventis lentescit, nisi per vices, & intervalla contrahatur, & comprimatur, & veluti nutriatur ad novam vim acquirendam; ita in mistorum corporibus nutritio necessaria est, quam ex Igne in vesiculis intræ eorum partes inclusio habent. *Decimumquartum Principium*. Non secus ac in Horologio, cæterisque Machinis Regula inventa est, per quam celerior, vel tardior motus primo moventi tribuitur; in mistorum machinis scilicet Natura Ignis vim temperare. *Decimumquintum, & ultimum Principium* Physices Mechanicæ. In Mundi Machina, non secus ac in artificialibus, Phenomenorum Ordo Successionis, & Dependentiæ considerandus, qui dies etiam solet Cursus Naturæ, sive Effectus motus ipsius Machinae. Atque hæc est nova Philosophia à Peyssonel excogitata: cujus ideam hic tantum dedimus, excerptam ex ejus Epistolis ad M. Grenet, Philosophum Parisiensem, Cartesianum insignem, datis an. 1703. in quibus veras etiam Motus Leges, & Regulas ipsi Grenet se tradere dicit; quas vide una cum Epistola, qua Grenet ei respondet, & suam ac doctissimi P. Lamy de hoc Systemate *iniquum* exhibet.

Inter Recentiores Philosophos recensendi etiam meritò essent doctissimi MUYRS, qui sua edidit Principia Philosophiæ: HARTSOECKR: FRANCISCUS VALLIUS: THOMAS ILLYRICUS: STEPHANUS PIGNATELLI: LEO ISAU-RIANUS: ANTONIUS STUDITA: DEIPNIZ: & noster denique THOMAS CORNELIUS, omnes in hac Historia prætermissi. Ipsam tamen claudat maxima, æternaque laude dignus, & qui nescio quomodo ex Philosophorum Indice mihi exciderit,

P. ENMANUEL MAGNANUS, Ordinis Minimorum decus ingens, insignis scilicet 17. Philosophus, Tolosæ natus ex nobili, veterique familia 17. Julii 1601. De Magnani, sive Maignani Parentibus, & stirpis claritate ita P. Saguens etiam

etiam Minimus, Magnani discipulus, & Præceptoris Philosophiæ plures annos Professor, in Vita Magnani, Tolosæ edita 1697. *Pater ei fuit Petrus Magnanus, Confiliarius Regius, Referendarius, & Decanus in Cancellarij Tolosana, vir æquitatem servans, & conspicuus splendidissimi generis, antiqua nobilitate indubitata. Siquidem, ut omnes novimus, Magnani Tolosates isti stirpem suam trahunt ex illis, quos Eluza, urbs nunc obscura, sed antiquitate celeberrima ad Gelisam amnem sita in Comitatu Arminjaco, Barones suos strenuos, opulentos, magnificos per non interruptarum generationum successiones reverenter, ac peramanter complexa est. Matrem habuit Gaudiosam de Alvarez, caram filiam celeberrimi illius Medici Emanuelis de Alvarez, quem Tolosa, urbs literarum omnium amantissima, precibus, ac sollicitationibus multis ex Lusitania advocavit perfuncturum munere Regi Professoris. Hic originem suam ducebat ex antiquissima familia Alvareziorum de Bubendya in Regno Lusitanie, & fuit Parens lustricus Emanuelis nostri, qui ex illo nomen Emanuelis obtinuit. A primis pueritiæ annis non vulgaria pietatis, & literarum amoris signa dedit; fuitque semper illecebrarum, voluptatumque osor, in id totus intentus, ut literis, ac pietati solum vacaret. Quare exactis Grammaticæ, & Rhetoricæ studiis apud PP. Soc. Jesu, ut innocentiam tutius conservaret, Minimorum præclarum Ordinem, quorum conventus frequentabat, & consuetudine à pueritia delectabatur, ingressus, publica vota emisit an. æt. 18. Aristotelicæ Philosophiæ, & Theologiæ cursum apud suos exegit: sed dispari exitu; nam in Theologia & Fidei, & Præceptoribus acquievit; in Philosophia tamen non sic. Enimvero etsi neque Cartesii, neque Gassendi Philosophiæ addictus esset, tamen non secus, ac isti, contra Scholasticam Philosophiam fuit, & ejus Accidentia, Qualitates, Formas Substantiales, & similia oppugnavit; totumque se Experimentalis Physicæ dedit; Mathematicarum enim disciplinarum, callentissimus erat, & quod maxime mirum, *universalissimus*, à se scilicet doctus in re tam difficili. Honorum tum apud suos, tum apud alios contemtor fuit; semel enim vel invirus Provincialis in Aquitaniz Provincia creatus est an. 1650. & honores à Galliarum Rege sibi oblatos ann. 1660. modestissime recusavit. Quod tum accidit, cum Rex in itinere Tolosam divertisset, & in Magnani cellula innumeras penes Machinas, & curiosa Mathematica inventa plura vidisset; ut ex cit. Saguens in Vita p. 31. 32. ubi: *Properabat Rex ad celebrandas nuptias suas. . . . Sed casu Tolosæ parumper constitit; nec inter res, quæ oculis Regis dignæ consuebantur, infima fuit cellula cœnobitica P. Magnani, quæ intra Religiosæ cœlestis angustias, si quid Miræ per pulcrum soluit, includebat; tubos omnis generis, Telescopicos, Microscopicos, Polyptricos, Hygroscopicos, Thermometricos, ut non adjiciam Machinamenta Pneumatica, Hydraulica, Magnetica multa: sileamque de Planisphæritis, Tabellis Opticis, fabrefactis tum ad figurati torni industrias, tum ad vires staticas attentibus ingeniosissimis plurimis: speculisqueustorilis, &c. Imo & dormiens nonnisi Mathematica somniabat; & repente ex gaudio inventæ in somnio alicujus demonstrationis evigilans, illam scribebat, vel ut poterat exarabat: insensim morum probitas, singularis omnigena doctrina, & pietas eximia, ipsum Philosophis, Literatis sui ævi omnibus, & Principibus carissimum reddiderunt. Tandem placidam mortem oblit Tolosæ 29. Octobris 1676. æt. 75.**

Quod ad ejus Philosophiam, & Scripta attinet, Magnanus *Elementaris Philosophiæ*, ejus scilicet quæ per quatuor Elementa philosophatur, si non *Inventor*, saltem *Restaurator* dicendus est, modo inventionis gloria Empedocle tribuatur. Ut enim Gassendus Atomorum doctrinam emendando, ejus Restaurator, & novæ Sectæ Caput factus est; ita Magnanus, sepositis Scholarum opi-

opinionibus, quibus in adolescentia imbutus fuerat, Empedoclis Elementarem doctrinam corrigendo, & experimentorum, Matheſeſq; auxilio meliorem reddendo, novæ *Magnanijarum Scholæ* Princeps exiit, ex qua omnes Minimi PP. numerantur. Hanc Elementarem Philoſophiam (nec non Theologiam) annos 14. Romæ, alibi que ſuos docuit plaſu quidem magno; quam deinde edidit primum Toſolæ 1632. 4. vol. in 8. ſub tit. *Cuſus Philoſophiæ, &c.* atque iterum Lugduni in ſol. 1673. priori magis auctam; in hac enim editione *Tractatum Criticum de Vorticibus Carteſii* inferuit; & *Differtationem de Tuba loquente, &c.* ab Equite Morlando inventa. Hinc, ut Carteſio ſe opponeret, Machinam etiam confecit, qua Carteſianam Mundi fabricam falſam oſtenderet, & conatum recedendi à centro motus per tangentem circuli. Felicioſi etiam, modo, ex Bælii iudicio in *Lex. Hiſt. Crit. Maganus*, quam Carteſius explicat, quomodo accidentia ſine ſubſtantia in admirabili Euchariftiæ Sacramento converſentur; dicendo ſcil. quod Deus, panis, & vini ſubſtantia ſubſtata, eaſdem coloris, ſaporis, &c. ſenſationes in noſtros ſenſus producere pergat. Contra hanc Magnani ſententiam vide Rohaultium Entreiens ſur la Philoſophie pag. 48. Magnani etiam eſt *Perspective Horaria*, Romæ impreſſa, 1648. ſol. impenſis Cardinalis Spadæ, cui ipſam dicaverat; quod *Opus verè æſtimum, & ad illa uſque tempora intentatum* vocat cit. Saguens p. 17. & *Opus Theologico-Philoſophicum*, cui tit. *Philoſophia Entis Sacri*, cuius Tomus primus editus eſt an. 1662. alter 1672. etſi enim minori tempore opus fuiſſet ad ſecundi poſt primum editionem; quia tamen obſectionibus ſibi factis reſpondere debuit, ſecundum edere poſſit habuit. Primus, ac maximus ſuus Antagoniſta fuit P. Lalouvere Jeſuïta Collegii Toſolani, qui in ſuo *Cicloide* errores plures Magnano obſecit circa ſtructuram, & gravitatem corporum, celeritatem motus, æqualitatem angulorum incidentiæ, & reſlexionis, &c. Cui Magnanus pluribus reſpondit argumentis, quibus hunc Phyſices Geometricæ Aphoriſmum ſubdit: *Plus proderit in rebus Phyſicis peritiſſimus Phyſicus mediocriter in Geometricis verſatus, quam peritiſſimus Geometria perum Phyſicus*. Tum addit: *At ſi utroque genere excellat, nihil prorsus optabilius eſſe poteſt*. Atque hæc Magnani reſponſio ſub *Appendicis* nomine evulgata: Cui *Secundam* addidit *Appendicem*, qua ſuum hunc Antagoniſtam replicantem conſutare ſtudit; in eaque obſervationes habuit de Propagatione ſucceſſiva luminis; de Scintillatione Fixarum; deque Lacrymis in Hollandia factis. *Tertia Appendice* Magnanus reſpondet Dom. Ducaſſe Diſſertationi factæ contra ſuam de his Lacrymis explicationem. *Quarta Appendice*, edita an. 1667. reſponder noſter Magnanus P. Courboullez ejuſdem Societatis, & Collegii Toſolani, qui P. Lalouvere jam mortuo in literaria contentione ſucceſſerat deſcendendo. *Quinta* denique *Appendix* Apologia Autoris eſt contra P. Theophilum Raynaudum, qui ſcripſerat contra Magoanum circa accidentia Sacramenti Euchariftiæ: nec non contra P. Vincentium Baroem, & P. Nicolaum Arno, Jacobitas, ſuos etiam adverſarios. Inter Magnani Opera recenſenda etiam eſt ejus *Diſſertatio Theologica de Uſu licito pecuniæ*, edita an. 1673. in 12. quæ tamen quorundam Episcoporum cenſuram habuit.

Notandum hic, Magnanum, poſt evulgata bina ſua Opera Mathematica; quorum alterum *Opticum*, ſive *Perspective*, cujus deſcriptio eſt in *Thaumaturgo Optico Minimi Niceroniſ*; alterum verò *Catoptricum*, quod repræſentabat integram Cæli ſaciem, ſuis omnibus ad rem Aſtronomicam ſpectantibus circulis interſectam; Magnanum, inquam, & Kircherum inter, magnam fuiſſe de inventionis gloria contentionem; uoquoque ipſorum hac in re ſuos ſauctores habente. Verùm *Eruditorum Romanorum cohor* ſuam utrique palmam contu-

lit;

ut; protulitque paria esse in gignendis fortunatissimi ingenii Viri Germaniæ, Galliæque Imperia Saguens p.16. & ex eo Bælius loc. cit.

Denique notandum ex Baillet, & aliis, P. Magnanum non confundendum cum Job. Chrysothomo Magnento, Ticinensi Medicinæ Professore, Læxovii in Burgundia orto, cujus est *Democritus Reviviscens*, editus 1648. *Tractatus de Manna*; & alter *de Tabaco*. Atque hæc de Magnano, omnique Philosophiæ, Philosophorumque Historia Synoptica, dicta sint satis.



Μένω δόξα Θεῶ, ὅτι γ' Ἀλφα, καὶ Ὡμεγα πάντων.

F I N I S.



IN-



I N D E X

LIBRORUM, ET CAPITUM.

L I B E R I.

De Ortu Philosophiæ, & de Primis Sapientibus.

- CAP. 1. **D**E Philosophiæ Definitione, & Divisione.
 2. De Philosophiæ Etymo, Origine, & Fine.
 3. De Philosophiæ Inventoribus, seu de Primis Sapientibus.
 4. De Philosophiæ ab Adam usque ad Abraham Progressu.
 5. De Abraham, ejusque Philosophia, aliisque usque ad Moysen.
 6. De Moysen, Salomone, eorumque Philosophia.

L I B E R II.

De Philosophia Barbarica, ejusque Sectis.

- CAP. 1. **D**E Hebræis, eorumque Sectis.
 2. De Chaldeis, eorumque Sectis.
 3. De Persarum Philosophia, & Sectis: & de Sabæis.
 4. De Sectis Indorum.
 5. De Sinesium Sectis; & primò de Confutis, & Xoca.
 6. De Pœnicum Philosophia.
 7. De Ægyptiorum Philosophia.
 8. De Philosophia Æthiopica, & Libyca.
 9. De Philosophia Scytharum, Thracum, & Gallorum.

L I B E R III.

De Philosophia Græcæ.

- CAP. 1. **D**E Philosophia Mytica.
 2. De illis, qui Sapientes dicebantur.
 3. De Secta Jonica.
 4. De Academia Veteri.
 5. De Academia Media.
 6. De Academia Nova.
 7. De Reliquis Academicis, & Academicis.
 8. De Philosophis Peripateticis.
 9. De Philosophis Cynicis.

10. De

10. De Philosophis Stoicis.
11. De Secta Italica.
12. De Secta Heraclitea.
13. De Secta Eleatica.
14. De Secta Sceptica.
15. De Secta Epicurea.
16. De Secta Ecclesiastica.

L I B E R IV.

De Philosophis Recentioribus.

- CAP. 1. **D**E Philosophis Romanorum.
2. De Pythagoricis Recentioribus.
 3. De Platoniciis, & Academicis.
 4. De Philosophis Cynicis.
 5. De Philosophis Stoicis.
 6. De Philosophis Peripateticis. Ubi de Scholasticis omnis statim.
 7. De Antischolasticis, & Antiperipateticis.
 8. De Philosophis Ecclesiasticis.
 9. De Philosophis Chymicis. Ubi de Chymia.
 10. De Philosophis Mathematicis.
 11. De Philosophis Inertæ Sectæ, vel Novæ Sectæ non conspicuæ Autoribus.
 12. De Epicureis Emendatis, sive Gassendistis.
 13. De Philosophis Cartesians. Ubi Philosophia Cartesiana Epitome.
- Appendix Παρατηρήσεις, sive Philosophorum Prætermisurum.



I N D E X

P H I L O S O P H O R U M.

A		<i>Ammonius, Hermiae filius</i>	168
A	<i>Braham. Ejus Philosophia,</i>	<i>Ammonius <u>Saccas</u></i>	169
	<i>& Virtutes</i>	<i>Anatolius</i>	282
A	<i>Abumaron</i>	<i>Anaxagoras</i>	74
	<i>Academia Gallica; & Aca-</i>	<i>Anaximenes</i>	46.
	<i>demia Regis Scient. Parisiensis</i>	<i>Anaximander</i>	73
	<i>Academiae universi Orbis</i>	<i>Anaxilaus</i>	182
	<i>Achilles Statio, Lusit.</i>	<i>Anaxarchus</i>	111
	<i>Adam</i>	<i>Andreas Adamus Hochfleeterus</i>	345
	<i>Adrastus, Peripat.</i>	<i>Andreas Resendius, Lusit.</i>	413
	<i>Adesius</i>	<i>Andronicus Rhodius</i>	239
	<i>Adesius</i>	<i>Angelus Cesi, Dux Aquæ Sparte</i>	331
	<i>Egidius Columna, Romanus</i>	<i>Angelus Politianus, sive Bassus</i>	315
	<i>Egyptiorum Philosophia. Sapientes,</i>	<i>Anneus Cornutus Lepticus</i>	220
	<i>sive Sacerdotes</i>	<i>Anicius Manlius Torquatus Severinus</i>	321
	<i>Aeneas Gaza</i>	<i>Boethius</i>	85
	<i>Escbinus</i>	<i>Anniceris</i>	100
	<i>Æsopus, Philosophus Phryx</i>	<i>Antiochus</i>	124
	<i>Æthiopica, & Libya Philosophia</i>	<i>Antiochus Ascalonita</i>	189
	<i>Agapius</i>	<i>Antipater</i>	111
	<i>Albertus Magnus</i>	<i>Antisthenes</i>	108
	<i>Albumazar, sive Alboasar</i>	<i>Antonius Andreas</i>	446
	<i>Alcmaeon</i>	<i>Antonius Arnoldus</i>	389
	<i>Alexander de Ales</i>	<i>Antonius Galateus</i>	328
	<i>Alexander Ægeus, & Aphrodisien-</i>	<i>Antonius Goveanus, Lusit.</i>	447
	<i>ost</i>	<i>Antonius le Grand</i>	393
	<i>Alexander Achillinus</i>	<i>Antonius Mizaldus, sive Mizaut</i>	341
	<i>Alexander Piccolominus</i>	<i>Antonius Montecatinus</i>	458
	<i>Alexander Trallianus</i>	<i>Antonius Studita</i>	168
	<i>Alexandrinus; & aliæ Sectæ minoris</i>	<i>Antoninus, Sospitæ filius</i>	188
	<i>nota</i>	<i>Apollonius, Sen. Rom. & Apollonius</i>	199
	<i>Alexinus</i>	<i>Chalcidensis</i>	88
	<i>Alfraganus</i>	<i>Apollonius Cronus</i>	456
	<i>Alfred</i>	<i>Apollonius, Nissenus.</i>	260
	<i>Alphabarius, Magnus dictus</i>	<i>Apollonius Tyaneus</i>	76
	<i>Algazel</i>	<i>Arbelaus</i>	118
	<i>S. Ambrosius</i>	<i>Architas</i>	Arce-

[illegible]

Non

Сол-

Confutius, Sinenſum Philoſophorum

Princeps	41
Conradus Aſtlacus	341
Conradus Samuel Schurtzſchſchius	343
Cordemoy	448
Cornelius Celfus	243
Cornelius Martini	341
Cofmopolita	377
Crates, Athenienſis	96
Crates, Thebanus	111
Cratippus	416
Crito	82
Critolaus	110
della Cruſca, Acad. Florent.	414
Cyriacus Strozza.	341

D

Damaſcius Damascenus	169. & 286
Damianus de Goëz, Luſit.	453
Damon, Pythagoræ diſcip.	416
Dantelex Secta Rechabitarum	23
Daniel Heinfius	359
Daniel Ormeſius	343
Daniel Sennertus	384
David de Dinanto	395
David Gregorius	388
Deipniz	458
Demetrius, & Iſidorus, Cynici.	204
Demetrius Phalereus	456
Democritus	146
Demonax	345
Diagoras, Democriti diſcip.	416
Dicæarchus Meſſenius, Ariſtotelis di-	ib.
cipulus	ib.
Dicæneus, Philoſopus Ægyptius	ib.
Didymus Alexandrinus	288
Dio Chryſoſtomus	258
Diodorus	88
Diodorus	110
Diogenes, Cynicus	112
Diogenes junior	204
Diogenes Laërtius	399
Diogenes, Stoicus	124
Dion, Syracuſanus	455
S. Dionyſius Areopagita	262
Dominicus Sotus	320
Dominus, Syrus	168
Druidæ, Gallorum Philoſophi	56
Durandus à S. Porciano	310

E

Edmundus Dickinson	341
Emmanuel Alvarez, Luſit.	453
Emmanuel Magnanus	458
Empedocles	116
Enoch	8
Epicharmus	118
Epictetus	218
Epicurus	112
Epimenides	68
Erneſtus Salomon Cyprianus	345. &
392	
Erneſtus Sonerus	341
Eſſei, ſive Eſſeni	23
Evapbenus	219
Eubulides	87
Euclides	ib.
Eudoxus	139
Eulalius	169
Eunapius	168
Euphantus	88
Euphrates	285
Eusebius Myndius	168
Euſtathius	ib.

F

Fabius Pacius	337
Fantaſtici. Acad. Rom.	454
Favorinus	228
Flaccus Albinus Alcuianus	289
Franciſcus Baconus à Verulamio	283
Franciſcus Bernier	402
Franciſcus Gregorius Venetus	341
Franciſcus de Maironis	309
Franc. Mercurius van Helmont, J. B.	
ſilius	374
Franciſcus Pavoni	338
Franciſcus Philoſophus	314
Franciſcus Patricius	280
Franciſcus Piccolomineus	333
Franciſcus Piccolomineus Soc. J.	ib.
Franciſcus Soarez, ſive Suarez, Lu-	
ſit.	452
Franciſcus Toletus, Card. Soc. J.	332
Franciſcus Valleſius	458
Frater Roſæ Crucis	375
Federicus Bonaventura	390

G

Gabriel Biel	312
Gabriel à Coſta, Luſit.	452
Gabriel Naudæus	345

Gali-

Galileus Galilæi	381	Hermes Trismegistus	12
Gabber	394	Hermias	267
Georgius Agricola	326	Hermias, Alexandrinus	168
Georgius Ariminensis	341	Hermannus Conringius	341
Georgius Gemistus	273	Hermippus Smyrnæus	416
Georgius Paschius	341	Hermolaus Barbarus	318
Georgius Ripslajus	372	Herodiani	28
Georgius Scholarius, Gennadius	323	Hesiodus	60
Georgius Trapezuntius	233	Hierius, Plutarchi filius	168
Gerardus Job. Vossius	334	Hierocles	ib.
Germanus, & Hylabii, Indorum Philo-		Hierocles, tres	228
sophi.	38	S. Hieronymus	318
Gilbertus, dictus Porreia	296	Hieronymus Cardanus	323
Glauco	83	Hieronymus Oleaster, Lufit.	413
Gomilius Pereira	419	Hieronymus Oforius, Lufit.	ib.
Gottfried. Olearius	344	Hieronymus Savanrola	319
Gottlibus Fridericus Jenichenius	ib.	Hipparchia	116
Gottfriedus Arnoldus	346	Hippasus	139
G. J. 's Gravesande.	387	Hoffmannus	448
S. Gregorius Nazianzenus	389	Homerus, Mytbicæ Philosophiæ primus	
S. Gregorius Nissenus	317	Doctor	60
S. Gregorius Thaumaturgus	171	Horus Ægyptius. Horus Ægypti Rex.	
Grenet	418	pag.	281
Gualiberus Burley	311	Humoristi, Acad. Rom.	454
Gulielmus Gilbertus	382	Hylaspes	34
Gulielmus Occam	310		
Gulielmus Xylander	331		
Gymnosophistæ, Indorum Philosophi	38		

H

H Alj	394	Iacob	12
Hartsoëcker	418	Iacobus Balva, Lufit.	413
Hebræi, qui etiam Judæi, & Israël-		Iacobus, & Job. Bernoulli, fratres	448
tæ dicti	19	Iacobus Bobmius	371
Hegefinax, Polyzenus, Theomnestus, &		Iacobus Faber	321
Xanthippus	284	Iacobus Hermannus	388
Hegeſias, & Hegeſiaci	81	Iacobus Mazzonus	318
Hegeſias, Marino in Schola ſucceſ-		Iacobus Robaulius	447
ſor	169	Iacobus Skeſius	340
Heliſodorus, Hermiæ filius	168	Iacobus Teſius, Lufit.	452
Helleniſtæ	28	Iacobus Thomafus	340
Helvidius Priſcus	210	Iacobus, & Julius Zabarella	330
Henricus Cornelius Agrippa	273	Iamblicus	167 & 115
Henricus Gandavenſis	306	Japonti, & Tapujani; & eorum doctri-	
Henricus Julius Scheurlius	341	na	47
Henricus Morus	341	Indorum Sectæ, & Philoſophi	38
Henricus Regius	446	Introniati, Acad. Sen.	454
Heraclitus	140	Joachimus Perizonius	334
Heraclitus, Cynicus	281	Job, Arabs, vel Idumæus	13
Heraclitus, Tyrius	162	Job. Albertus Fabricius	345
Herennius	167	Job. Alphonſus Borellus	385
		Job. Amos Comenius	341
		Job. Andreas Schmidius	345
		Job. Argæopolis	315

N u n a

J ob.

Mandanes Indus	416
Marcion	281
Marcus Antoninus Imper. & Philo-	222
phus	
Marcus Brutus	193
Marcus, Epheſi Episcopuſ	323
Marcus Gottlieb Stollius	344
Marcus Job. Gottlieb Olearius	ib.
Marcus Muſurus	274
Marcus Piſo	228
Marcus Valerius Martialis	242
Marcus Tullius Cicero	181
Marcus Terentius Varro	183
Maria, Moſis Uxor	16
Marinus	168
Martiliuſ Ficinuſ	276
Martinuſ Lutheruſ	341
Martinuſ Rulanduſ Pater, & Filiuſ	pag.
Maximuſ	168
Maximuſ Tyriuſ	200
Melchior Zeidleruſ	341
Meliſſuſ	141
Menedemuſ, Eretrica ſecta Capuſ	89
Menedemuſ, Cynicuſ	117
Menippuſ	ib.
Metrocleſ	116
Metrodoruſ	110
Michaël Piccartuſ	341
Michaël Pſelluſ	290
Monimuſ	111
Morienuſ Romanuſ	377
Moſeſ, Melchi antea dictuſ	14
Moſeſ Aegyptiuſ	293
Muſ	418
Myſon	67

N

Nazaræi	28
Nearchuſ	259
Nemiſiuſ	389
Nicolauſ - Claudiuſ - Fabriciuſ Peire-	401
ſciuſ	
Nicolauſ Copernicuſ	378
Nicolauſ Cyrilluſ	388
Nicolauſ Damascenuſ	229
Nicolauſ Malebranche	447
Noë	8
Numa	171
Numeniuſ	262

O	O
Oberiuſ Giſaniuſ	336
Ocelluſ Lucanuſ	Pythagora di-
ſcip.	416
Odington	378
Oenomauſ	284
Olaſuſ Borricibuſ	377
Olympiodoruſ	168
Oneſicrituſ	115
Origeneſ	167
Origeneſ Adamantiuſ	170
Orpheuſ. Orphica ſecta	61
Oſthaneſ	34
Otto Heurniuſ	390

P

Pætuſ Thraſea	210
Paganinuſ Gaudentinuſ	393
Panetiuſ	124
Panſa	241
Papiriuſ Poetiuſ	ib.
Parmenideſ	144
Peregrinuſ	243
Perlander	68
Petroniuſ Arbitr	239
Petruſ Abelarduſ	296
Petruſ Poſſeca, Luſit.	338
Petruſ Gaſſenduſ	399
Petruſ Job. Nunneſiuſ	341
Petruſ Lombarduſ	297
Petruſ Nonnuſ, Luſit.	413
Petruſ Nunnez, ſive Nonnuſ	332
Petruſ Petituſ	339
Petruſ Poirot	377
Petruſ Ramuſ	349
Petruſ Sylvanuſ Regiſ	447
Petruſ Viſtoriuſ	341
Peſſonel	417
Phædo	89
Phariſæi, & eorum doctrina	25
Pherecydeſ	69
Phidamuſ	239
Philaletheſ	377
Philippuſ Melanchthon	341
Philippuſ Scherbiuſ	ib.
Philo	110
Philo Judæuſ	202
Philodemuſ Gadarenfis	238
Philolauſ	139
Philophia. Cabbaſiſtica	341
Græciani	59

Mo.

- Mosaitica, & Christiana 341
 Mythica, seu Fabulosa 39
 Persarum, eorumque, &c. 33
 Phœnicum 50
 Scytharum, Thracum, & Gal-
 lorum 33
 Ægyptiaca, Æthiopica, Chal-
 daica, Barbarica, Libyca,
 Sinica, &c. vide suis literis.
Philosophiæ Definitiones variae 2
 Divisiones plures 3
 Etymologia 4
 Origo 16.
 Finis 6
 Inventores, seu Primi Sapien-
 tes 16.
 Progressus 7. & seq.
Philasteria quid? Quid Fimbria 23
Pittacus 62
Plato 91
Plato Sardonius 239
Plinianus 89
Plotinus 167. & 212
Plutarchus 196
Polemo 96
Pompilius Andronicus 238
Porphyrius 167. & 214
Posidonius 124
Posidonius 166
Priscus Thesprotius 168
Proclus 16.
Protagoras 110
Pub. Egnatius 121
Pub. Nigidius Figulus 121
Pub. Virgilius Maro 244
Pyrro 111
Pythagoras 122
- Q**
- Quintus Ennius** 180
Quintus Horatius Flaccus 210
Quiricus Kubimannus, ejusque disci-
 puli 371
Quiricus Strozzi 330
- R**
- Rabanus Maurus** 289
Rabini 20
Raymundus Lullius 363
Rechabiti, dicti à Rechab 22
Regia Societas Londinensis 414
- Renatus des Cartes** 406
Rhazes, vulgò **Rhazis**, **Alubeter**, & **Al-**
manfor 294
Rhodoam. 16.
Robertus Boyle 285
Robertus Flud 376
Robertus Grosset 301
Robertus Inquisitor 368
Robertus Vallenfis 377
Rochius Baillifus 372
Rodericus à S. Cruce 321
Rodolphus Agricola 317
Rodriguez Cunha, Lusit. 412
Rogerus Bacon 312. & 371
Rogerus Harefordensis 389
Rubellius Plantus 229
- S**
- Sabai** 37
Saducet; Bajethusai; & Kar-
rai 26
Salomon. Ejus scripta Philosophiæ
 plena 17
 salustius 283
Samaritani 27
Satyrus, Peripateticus 416
Scammal, & Hillels Scholæ Scribarum
 præcipue 21
 Discipuli à Talmid
 fiebant Rabbi 22
Scipio Capycius 391
Scriba 20
Sebastianus Barradas, Lusit. 452
Sebastianus Dupasquier 310
Sebastianus Echinus 282
Sebastianus Foxius Morzillus 334
Sephora, Moysi Uxor 16
Septem Gratiæ Sapientes. 62
Severianus 168
Sextus Empiricus 243
Sextus Propertius 242
Sifac 293
Simmas 81
Simon 82
Simon Gryneus 390
Simplicius 169
Simplicius Phrygius 289
Sinensium Philosophia, Sectæ, Mores,
 Literæ, &c. 41. & seq.
Socrates 76
Solon 64
Sopater

<i>Sopater</i>	315	<i>Timon</i>	153
<i>Sopater Syrus, Jamblichi discip.</i>	168	<i>Titus Lucretius Carus</i>	236
<i>Sopatra</i>	ib.	<i>Titus Pomponius Atticus</i>	234
<i>Speusippus</i>	92	<i>Tycho Brabe</i>	329
<i>Stallio</i>	241	<i>Tyrrheni Philosophi</i>	58
<i>Stephanus Langtonus</i>	303		
<i>Stephanus Pignatelli</i>	418		
<i>Stilpo</i>	28		
<i>Strabo</i>	209		
<i>Strato</i>	109		
<i>Suarez; Sanchez; Vasquez</i>	333		
<i>Syngesius</i>	169		
<i>Syrianus</i>	168		
T			
T <i>Atianus</i>	202		
<i>Taurus Berytius</i>	265		
<i>Tbales</i>	70		
<i>Tbebitius</i>	294		
<i>Tbemistius</i>	230		
<i>Tbeodatus, Gotthorum Rex</i>	273		
<i>Tbeodorus</i>	81		
<i>Tbeodorus Afmenfis</i>	167		
<i>Tbeodorus Gaza</i>	316		
<i>Tbeodorus Zwingerus</i>	313		
<i>Tbeophrastus</i>	109		
<i>S. Thomas Aquinas</i>	300		
<i>Thomas Bradwardinus</i>	309		
<i>Thomas Burnetus</i>	341		
<i>Thomas Campanella</i>	391		
<i>Thomas Cantimpratenfis</i>	303		
<i>Thomas Cornelius</i>	418		
<i>Thomas Corrae, Lusit.</i>	413		
<i>Thomas Hobbes</i>	402		
<i>Thomas Illyricus</i>	418		
<i>Thomas de Vio, Cajetanus dictus</i>	328		
<i>Tbraffilus</i>	198		
		X	
		X <i>Aca, Philosophus Sina</i>	42
		<i>Xenarchus</i>	229
		<i>Xenocrates</i>	95
		<i>Xenophanes</i>	143
		<i>Xenophilus</i>	219
		<i>Xenophon</i>	20
		Z	
		Z <i>Amolxis Thracæ Philosophiam do-</i>	
		<i>cuit</i>	58
		<i>Zelota, seu Gaulonite</i>	27
		<i>Zeno</i>	117
		<i>Zeno Eleates</i>	141
		<i>Zenodotus</i>	168
		<i>Zoar</i>	293
		<i>Zoroastres, Chaldaicæ Philosophiæ in-</i>	
		<i>ventor</i>	30
		<i>Zoroastres, Persicæ, sive Magicæ Phi-</i>	
		<i>losophiæ restaurator</i>	34
		<i>Zosimus, Platonicus</i>	456

F I N I S.

ERRATA CORRIGE.

Pag.	ver.	
50	19	Deo Hebræorum Del Hebræorum
64	32	à Laër. l. 84. à Laër. l. 84.
81	35	De Var. Script. De Var. Script.
88	30	audus homo acutus homo
99	2	percipi posse percipi posse
102	31	Episcopi Synesi Episcopi Cyrilli
110	23	appellans appellabat
112	41	Epist. Epist.
114	9	fabis fabis
115	24	tenacioribus tenacioribus
116	19	Invenit Invenio
121	32	Censorino Censorio
128	47	anno Romæ 512. anno Romæ 512.
130	13	assensus Luculla assensus Antiocho
1b.	25	Siseuna Siseruus
135	13	essent esset
203	36	Hellenismi Hebraismi
236	36	Tulli... est Tullij... esse
240	8	alloqui alloqui
246	9	vocaret vacaret
285	10	Cavil. Coecil.

ERRATA CORRIGE.

Pag.	ver.	
303	7	Lonil Lovanil
312	36	sanissima insanissima
339	35	motu motus
ib.	44	erare etatem
345	41	tum Ethlicorum tum Ethalicorum
		Christianorum tum Christianorum
346	35	ipse
350	5	omnes omnem
351	33	Romæ Ramæ
352	37	in Buddens ira Buddens
359	3	incubis incubit
361	20	Firmicio Firmico
365	44	Cominglus Conringlus
380	17	incubis incubit
386	32	ponderabilisq; ponderabilisq;ue
409	2	Soccia Svecia
415	36	mentibus motibus
418	47	Nomios Nomine
419	44	exiguam exiguum
415	21	est sint
438	33	esset affectis

11912

